

3-85

Bibliotheca Universitatis Humanae





à l'Institut Lazareff à Moscou.

Don de S. Ex. C. de Lazareff

Paris - 1853.

Explication des actes des apôtres
de S^{nt} Jean Chrysostome.

Во Лазаревскіи Университѣ
отъ Его Превоостодителства
Христофора Екимовича
Лазарева приношеніе
1854 года
изъ Парижа.

Gray lv. in 8.²

2004

Հայր և Կ. Ին Ծ.՝ Ծ. Դ.


113

ՄԱՆԵՆԱԳՐՈՒԹՒՒՆԵՐ


Ն Ա Խ Ն Ե Ա Յ

ԳՐԱԴԱՐԱՆ ԻՄՔՆՆՈՒԹՒՒՆ

ԻՄԲԱԳԻՐ



Handwritten numbers: 23-2320



1761 *[Handwritten signature]*

№ 25-2 ~~№ 44~~
614-424

ՄԵԿՆՈՒԹԻՒՆ


ԳՈՐԾՈՅ ԱՌԱՔԵԼՈՅ

ԽՄԲԱԳԻՐ ԱՐԱՐԵԱԼ ՆԱԿՆԵԱՅ

ՅՈՍԿԵՐԵՐԱԿԷ

ԵՒ

ՅԵՓՐԵՄԷ



Ի ՎԼԵՆԵՏԻԿ

Ի ՏՊԱՐԱՆԻ ՄՐԲՈՅՆ ՂԱԶԱՐՈՒ

ՅԱՄԻ 1839 ՌՄՁԸ

9520-52

225

20 10

ПРИКАЗ

ОБЪЕДИНЕННЫЙ ЗАКАЗ

ОБЪЕДИНЕННЫЙ ЗАКАЗ

ОБЪЕДИНЕННЫЙ ЗАКАЗ



22-882E

Յ Լ Ո Ւ Բ Պ Լ Ի Լ Ե

Օստուածեղէն տառից մեկնութիւնն որպէս առաջինս 'ի կարեւորացն ծանեան երանելի նախնիքն մեր 'ի հրահանգս կրօնից ազգիս և 'ի բեմբասացութիւն քարոզաց բանին 'ի տան տեառն, նոյնպէս ևս կարեւոր և շահաւէտ զազգողագոյնսն 'ի լայն և 'ի ճոխ բանից առաքելաշնորհ հարցն սրբոց յորդորեցան ծայրաքաղ առնել և յօդել առ միմեանս առ հեշտի ընթերցասիրացն և ցանկալի ամենեցուն լինելոյ սրղութեամբն և խիտ առ խիտ նորալուր բանիւքն :

Եւ յսպիտի է ահա և մեկնութիւնս Վործոց առաքելոցն համառօտեալ 'ի բուն ընդարձակ մեկնութեանց Սկերբերանի և Վիրեմի և յայլոց ևս աստուածամերձ արանց որ առ նոքօք և որ յեա նոցա կային. ոչ զի ամենեքեան նոքա մեկնութիւնս Վործոց արարեալ իցեն, այլ զի որ ինչ բանք իցեն և 'ի նոցա մատենագրութիւնսն իմացուածոյ առաջիկայ բնաբանի Վործոցս յայտարարք, զնոսին ընտրանաւ յարէ 'ի կարգին ճարտար մատենագիրս. որ զիւր անձն յանժանօթս կալեալ՝ զնորայն եւեթ առ որ ընծայէ զվաստակս զայս, յայտ առնէ 'ի նախարան մատենիս զանունն Սկ ժամանակ մատենագրելոյն կրսեր է քան զՍ կայասէրն որպէս յայտ է 'ի հատուածոցն Շ նորհալոյն, Ս ամբրոնացւոյն և Վիրակոսին որ գտանին 'ի սմա, և 'ի յիշատակարանէն որ 'ի կատարած մատենիս Սկ այն զի ասի անդէն նորին Վրիգորի Ս կայասիրի գտեալ 'ի Սիւզանգիա զՍկերբերանի Վործոց մեկնութիւնն և տուեալ 'ի հայ բարբառ փոխագրել, ոչ զմատեանս զայս որ ժողովեալն է անտի և Ս Վիրեմի և յայլոց՝ այլ զբուն մեկնութիւն

Ոսկերերանին է իմանալ. որ թէպէտ և ըստ հասարակաց կարծեաց առ Սարգմանչօք փոխեալ թուի 'ի հայ, որպէս հատուածք ինչ անտի 'ի հին ճառընտիրս երևեալք զայնր դարու ցուցանեն զոճ շարագրածոյ, այլ գուցէ հնոյ թարգմանու թեանն օրինակ կորուսեալ՝ վերստին ետ թարգմանել Վ կայասէրն. այլ այսօրիկ ժամանակաւ ստուգեսցին :

Արդ զայսպիսի մեկնութիւնքս յայլ և այլ գիրս աստուածաշունչ գրոց, յիրէն առեալ զանունն կոչեցաք Սմբափր մեկնութիւնս. յորում մատենաւ գիրն զհաւաքածոյ հատածսն ոչ ամենայն ուրեք ըստ բայիցն ճշգիւ գազափարէ 'ի սկզբնագիր թարգմանութենէն զոր ունէր, այլ մեծաւ մասամբ զխմաստսն պահեալ՝ յաւելուած առնէ յանձնէ և ինչ ինչ 'ի յօգուածս բանից :

Յերկուց օրինակաց արարաք զտպագիրս զայս, միոյն թուականն յայտնի ԱԻԽԹ և միւսոյն անյայտ. որք զի ուրեք ուրեք յանուանս հատածացն չմտաբանէին, միոյն Նփրեմի ասացեալ և միւսոյն Ոսկերերանի, ջանացաք առ ժամս ըստ կարի զանմտաբանսն հաւաստի առնել 'ի յոյն բնագրէ Ոսկերերանին : Իսկ յեփրեմեանսն, որոց չիք յոյն կամասորի բնագիր, ընտրելագունին յերկուց անտի օրինակացն հստակեալ անխախտ պահեցաք ամենայն ուրեք զանունն. ակն կալեալ յազգասիրացն փութոյ այլ ևս հնագոյն օրինակաց, ոչ միայն 'ի փոխարէն սիրայորդոր անձանձիր վաստակոցս զոր ընծայեմք 'ի վայելս նոցա, այլ զի մի և նշանախեց մի երկրայելի կայցէ 'ի նախնեացն մատենագրութիւնս :

- Ա. Թէ ոչ է պարտ յապաղել 'ի մկրտութիւն :
- Բ. Ընդդէմ ելլենացւոցն :
- Գ. Յաղազս ընտրութեան եպիսկոպոսաց և առաքինութե :
- Դ. Ընդդէմ ելլենացւոցն :
- Ե. Ընդդէմ հերձուածողաց և վասն կենցաղավարութեան :
- Զ. Ընդդէմ բարկացողացն :
- Է. Թէ բազում բարեաց պատճառ է անստացուածութիւն :
- Ը. Թէ պարտ է 'ի փոքունցն մասանց սկսանել զառաքինութի . և վասն ոչ երզնլոյ :
- Թ. Զի ոչ է պարտ երզնուլ և ոչ յերզումն պահանջել :
- ժ. Վասն երզնլոյ :
- ժԱ. Թէ բարի է անստացուածութիւն . և վասն ոչ երզնլոյ :
- ժԲ. Վասն ոչ երզնլոյ և զողանալոյ :
- ժԳ. Թէ բարի և հանգիստ է աղքատութիւն . և վասն ոչ երզնլոյ :
- ժԴ. Թէ պարտ է երկայնամտել և անյիշաչար լինել :
- ժԵ. Զի պարտ է քրիստոնէին ակն ունել նեղութեան յայտմաշխարհիս . և ընդդէմ բարկացողաց :
- ժԶ. Թէ վրիպեալ լինիմք յից յաշխարհիս իրս փափկանալով :
- ժԷ. Ընդդէմ բարկացողաց :
- ժԸ. Թէ պարտ է փարթամաց յազարակս եկեղեցի շինել , և առանգամ մի զգոյսն անդանօրծախել , և քահանայս կարգել :
- ժԹ. Թէ պարտ է հանապազ փութութիւն ընթեռնուլ զսուրբ դիրս :
 - Ի. Թէ պարտ է քրիստոնէին ոչ միայն իւրոյ անձինն , այլ և բազմաց զոլ պիտանի :
- ԻԱ. Զի մեծապէս օգտին վախճանեալքն . յորմէ վասն նոցունց աղօթից , ողորմութեանց և պատարադաց :
- ԻԲ. Թէ մեծ է զօրութիւն ողորմութեան :
- ԻԳ. Զի ոչ է պարտ յապաղել 'ի մկրտութենէ . և զի ոմանցներէ անձ առ այժմ որպէս ինքն գիտէ . իսկ ոմանց ոչ :
- ԻԴ. Վասն ապաշխարութեան . և զի յեկեղեցիս զգուշութիւն և մի ցովանօք և զբուցատրութեամբ լիցուք :
- ԻԶ. Վասն ողորմածութեան :
- ԻԵ. Թէ պարտ է զիշերի յառնել յաղօթս և 'ի հսկութիւն :
- ԻԷ. Ընդդէմ արբեցողաց :

ԻԲ. Մեղդէ մ'անտփառաց :

ԻԹ. Չի ժողովելն յեկեղեցին յողուտ և 'ի շինութիւն լիցի և միւրնդ վայր ինչ :

1. Վասն խոնարհութեան, և վասն ոչ բարասելոյ յեկեղեցւոջ :

1Ա. Վասն անձային նախանձու և յօժարութեան և երկայնմտութեան և հեղութեան, և վասն ոչ բարկանալոյ :

1Բ. Վասն հեղամտութեան և անհպարտութեան . և թէ հայեաց 'ի բեղ :

1Գ. Վասն զի ողջախոհ մտաց ոչ ինչ մնասեն ընդդիմաբանութիւնք հերձուածողաց :

1Դ. Վասն փութոյ և խնամարկութեան¹ :

1Ե. Չի մնասէ հանդիստ մարմնոյ և դատարկութիւնն :

1Զ. Վասն փութոյ աղօթից գիշերոյ :

1Է. Վասն սիրոյ և հոգևոր խաղաղութեան որ առ միմեանս :

1Ը. Վասն զղջման և սիրելոյ զանձ :

1Թ. Վասն հեղութեան և առ անարգողսն անյիշաչարութեան :

Խ. Յաղագս սիրոյ :

ԽԱ. Թէ չար է խոտանալ սրտիւ և յամառել յախտս, այլ սթափիլ յախտից :

ԽԲ. Չի չափաւ որ փորձութիւն պիտանացու է :

ԽԳ. Չի պարտ է նմանել սրբոցն և ոչ խնայել² զանձինս 'ի վիշտս եղբարց :

ԽԴ. Առ լսողսն զգուշանալ ասացելոցն և յառաջել յառ անսէրն, և յանձն իւր թէ որպէս ունի առ աշակերտսն :

ԽԵ. Վասն օտարսիրութեան . և թէ մեծազոյն վարձք են յընկալնուլն զփորձնս :

ԽԶ. Ոչ ցաւաղնիլ վասն հերձուածս գոլոյ :

ԽԷ. Թէ պարտ է մեզ վկայս Քրիստոսի լինել ուղիղ վարութ :

ԽԸ. Վասն հեղութե և համարձակութե, և հակակայց նոցին :

ԽԹ. Չի 'ի ձեռն թուիցելոցն թէ մնասիմք, շահիմք³ թէ արթուն իցեմք . օրինակ 'ի Յօբայ և 'ի Յովսէփայ :

Ծ. Վասն ոչ փոխարինելոյ անարգողաց, այլ սիրով յառաջելոյ զնոսս :

ԾԱ. Չի ոչ որ կարէ մնասել զմեզ, եթէ մեք ոչ մնասիմք :

ԾԲ. Չի ըմբռնեալն անձային սիրովն առ ոչ մի ինչ աշխարհիս հայի :

ԾԳ. Չի պարտ է ունել 'ի տան այր սուրբ և հաւանել նմա . և զի պարտ է այժմ որպէս 'ի մօտոյ կալով լսել Պաւղոսի նախ քան զփորձին չարեօք :

ԾԴ. Թէ ոչ միշտ զեն պատճառ չարի կարէ լինել :

ԾԵ. Վասն Պաւղոսի առ արելոյ :

1 Յօրինակին խոնարհութեան :

2 Պատկաներ բառի խոնայել :

ԱՌԻՆԻՍՏՈՒՆ ԶԱՄԱՌՕՏԻՍ

ՏԵՐ ՅՈՎՀԱՆՆԷՍ

ԸՐԲԻՅՆԳ ԵՆՅՐ

ԵՒ ԵՊԻՍԿՈՊՈՍ ԱՆՀԱՆԳԱՑ

ԱՍՏՈՒԱԾԱՊԱՀ ԴՂԵԿԻ ՄԱՒԼԵՒՈՒՆ

ԵՒ ՄԱՍԻՆ ԻՆՉ ԲԱԲՉՐԵՐԳՈՑ

ԵՒ ՆՈՅՆ ՏԵՍՈՒՉ

ՀՈՉԱԿԵԼԻ ՍՈՒՐԻ ՈՒՆՏԻՆ ԳՌՆԵՐՈՑ

ԵՒ ԱՌԻՆԻՍՏՈՒՆ ԳՐԵԱՄՆ ՄԱՏԵՆԻՍ

ԼՆՏԱ ռվ աստուածասէր Հայր իմ և տէր, Հարկեցուցիչ խնդիրս քո և պաակառելի շուք երեսացդ դարձեալ զբաւեացղիս ահիւ, մինչ զի մոռանալ զխամութիւն տխմարութեանս և ընկենուլ զիս 'ի գործ' որ առաւել ծանր է քան զիս: Քանզի հրամայեցեր ինձ դէմ՝ յանդիման տալով Հանդամանս օրինակի 'ի լայն և 'ի հարուստ մեկնութենէ գործոց առաքելոյն հաւասար իմացուածով զսպել զերկարութի բանիցն համառօտ կարգաւ: զոր 'ի ձեռն այլոյ զօրեղի կամ յոյժ մանաւանդ քոյին իսկ հանճարայեղց և շատիմաց անձամբ գեղեցկագիր բանիւ բաւական էիր ընուլ քեզէն զիմաստասէր փափաքդ քո 'ի նպատտ գիտնոց վարժողաց 'ի կարճեալ ժամանակիս զկարճն ախորժողաց ըստ ասելոյ ումեմն: Բայց արդ ոչ անգիտանամ զզիջանելդ քո ներդործութիւն սիրոյ գոլ առ իս և յայսմ մասին: Որում թէպէտ հպատակել ըրանագատեցայ, սակայն 'ի թերութիւնս իմ հայելով զամօթի հարեալ կամ յանդգնելովս իմ առ այս:

Եւ արդ. քանզի թէպէտ և բազմամանուած¹, սակայն հարթ և հորդ և միանգամայն կուռ և կոկ էր ճանապարհս, ընդ որ 'ի քէն ընթանալ հրամայեցայ. մանաւանդ զի զպայծառ ջահսն և զանմուտ արեգակունան անաջնորդ ինձ ունելով զաստուածուսոյց հանձարեղն զտէր Եփրեմ² և զքրիստոսածաւալ աղբիւրն իմաստից զամենահաւան զՍոկերերան. զորոց սրբոց երկնընթաց ոտիցն բուռն հարեալ ահիւ՝ նախ անտեսութիւն յանդգնութեանս իմոյ աղերսիւ հայցեմ, և ապա օգնականութիւն տկար զօրութեանս ան 'ի բաւական լինել ինձ զխորիմաց և զպայծառափայլ նոցին բանս մեկնութեան դործոց սուրբ առաքելոցն զառանձնացեալն երեւք և զհամաձայնեալն ուրեք ընդէլուզել հիւսմամբ իբրև զականս պատուականս, կամ իբրև զանթառամելի զանուշահոտ ծաղիկս բոլորելով կազմել պսակ յուսոյ աստուածասէր գլխոյ խնդրողիդ 'ի փառս Աստուծոյ և 'ի պատիւ սրբբոցսնորին և 'ի հրճուանս անծասէր ընթերցողաց: Յորոց աննախանձ սիրոյ հայցեմ աղերսիւ զոչ ինքնայորդոր համարձակիլս իմ յայս չարկանել ընդ մեղադրութիւնսյ մանաւանդ զսխալանս իմաստ եղբայրաբար ուղղել զիջողացն ըստ իս: Իսկ զառաւել պատուք ծարաւոյ տարողութեան² ընդարձակ մտաց հզօրքն 'ի ծովածաւալ աղբիւրնն իմաստից դիմեսցեն լնուլ, 'ի բունսն և 'ի լայնսն ասեմ մեկնութիւնսն, յորոց և այս այսչափ ծայրաքաղ համառօտեցաւ: Եւ զգոյզն իմ զաշխատութիւնս թողութե՛ մեղաց՝ յայ հայցմամբ վարձատրել, և զփոխարէնն կրկնապատիկ յառատապարգև տեառնէն ընդունել. ամէն:

1 Միւսն բազմամանուածոյ:

2 Միւսն կորոզութեան:

Արդ ներկելովն Աստուծոյ տեսցուք զվերնադիրս թէ ընդէր ասէ զործք առաքելոց . զի ահա զոր ինչ պատմել ունի յառաջիկայսդ , ոչ է բովանդակն զործ լոկ մարդկեղէն փուլթով վճարեալ . այլ մանաւանդ յորով մասն նոր և հիացուցիչ սքանչելիք , աստուածեղէն զօրութիւն արուեստաւորեալ : Եւր վասն ապա աստուածաբան պատմողն Առւկաս ոչ 'ի վեհագոյն կոչմանէն զառաքեալն հռչակելով նշանս և սքանչելիս առաքելոցն մահադրէ զառաջիկայս , այլ գործս : Յաղագս այսորիկ նախ զայս ունիմք խմանալ . զի անփառասէր և առանց շիացութեան բարս ունելով՝ խոյս տայ 'ի մեծամեծս բարբառելոյ , որպէս և է իսկ սովորութիւն սրբոց . ըստ որում և յորովագոյնս զայստսիկ 'ի յառաջիկայում քննութեան գրոցս ունիմք ուսանել . այսինքն խոնարհագոյն բանիւ վարեցեալ յաւէտ՝ նախ զՔրիստոս ինքն , և ընդ նմին ապա և զաշակերտսն : Վասն որոյ և Առւկաս այսու ձեռով վարի 'ի սկզբանէ գրոցս մինչև ցկատարումն :

Եւ ապա զի առաքեալքն սուրբք , յաղագս որոց առաջիկայ մատենիս է պատմութիւն , ոչ այնչափ 'ի սքանչելի նշանաց և 'ի զօրաւոր արուեստիցն զպատուէլն Քրիստոսի լցին և զառաքելութիւնն և Աստուծոյ հաճոյք և ընտիրք եղէն , որչափ իւրական ջանիւ և ինքնագործ աշխատութեամբ . որպէս և յառաջիկայսդ տեսցես բազում ուրեք գնոսա ոչ շնորհօք և սքանչելեօք յատուկ , այլ յոյժ մանաւանդ մարդկեղէն փուլթով մեծամեծ գործս վճարեալ : Եւ այս յոյժ վայելչապէս . զի սքանչելեացն հրաշք ոչ մարդկեղէն հնարից , այլ աստուածային զօրութիւն է գործոր մեկն բանիւ կատարէ , զարմանալիս առանց արբանեկին ինչ աշխատութեան . որպէս յորժամ բանիւ սքանչելագործէին առաքեալքն և մարդարէքն 'ի հրնումն 'ի հաւանութիւն խտասարտացն : Յոր թէպէտ և զօրացան 'ի նշանս առաքեալքն , այլ ոչ այնու 'ի

ծուլութիւն հատան յանհոգս նստելով, գիտելով թէ առանց գործնական առաքելութեան՝ ոչ կարեն Աստուծոյ հաճոյ լինել. զի ահա բազումք նշանս և զօրութիւնս բազումս անուամբն՝ Քրիստոսի արարեալք՝ լեւոյց են՝ ՚ի նմանէ՝ թէ ոչ գիտեմ՝ զձեզ:

Պատկեր աշակերտութեան իւրոյ ոչ գնշանս սքան չեւեաց եղ Քրիստոս, այլ զսէրն սերտ՝ որ բազում փութոյ պնդութեան և աշխատութեան գործոց է պատեղ: Ըստ որում և ինքն Քրիստոս ոչ յատուկ աստուածեղէն զօրութեամբն և եթ, այլ յաւէտ մարգավայելուչ աստուածայրական փրկագործ կրիւքն սիրով եզ գանձն իւր ՚ի մահ վասն մեր, և զհաճոյսն Հօր ինքնագործ փութով լցեալ կատարեաց առ ՚ի յուսումն և յօրինակ մեզ վարդապետութեան. զի մեք մի ծուլութեամբ մեղկեալք՝ զամ ինչ զոր մեզ պարան իցէ առնել յԱստուած ընկեսցուք, և մի պատճառս հեղգութեան կարկատեսցուք՝ թէ առաքեալքն ՚ի շնորհսն Աստուծոյ յաճախ վայելեալ, նշանս մեծամեծս կարողացան առնել, և այնու զամենայն հաճոյսն Աստուծոյ ուղղել զօրացան. յորմէ վրիպեալ մեք փոքունքս և տկարք զինչ կարացուք առնել: Եւ այսպէս ՚ի տարտամութեան գրաւեալք՝ զսակաւ կենցաղս անգործ ՚ի բարեաց վճարեսցուք: Այլ զի մանաւանդ հայեսցուք, զի այսու տկար մարմնովս իբրու մարդիկ դոլով առաքեալքն ՚ի ձեռն ժրութեան փութոյ զտիեղերաց և զիւրեանց անձանց փրկութիւնն գործով լցին: Առ որս ՚ի նախանձ բարեաց զարթուցանելով զմեզ բանս՝ գործք առաքելոց մակագրէ. զի օգնականութիւնն ՚ի պատշաճաւորսն մեզ ՚ի փոյթ պնդութեան գործոց յարեսցուք²:

1 Միւսն ստատիստիկան . . . քիւրսիւն իրենի-գն:

2 Միւսն յարեւոյս:

Ի ԳՈՐԾՈՅ ԱՌԱՔԵԼՈՅՆ ԲՈՒՆ ԵՒ ԸՆԴԱՐՁՆԻ
ՄԵԿՆՈՒԹԵԱՆՑ ՍՐԲՈՅՆ

ՏԵԱՌՆ ԵՓՐԵՄԻ

ԵՒ ԵՐԱՆԵԼՅՈՅՆ

ՅՈՎՀԱՆՆՈՒ ՈՍԿԵՐԵՐԱՆԻ


ԱՅՍ ՀԱՄԱՌՕՏ ՇԱՐԱՀԻՍԵՅԱԻ

ՈՐՊԷՍ ԵՒ ՏԵՍԵՍ ԱՌԸԹԵՐ ԲԱՆԻՑՆ ԸՆԿՆԻՐ
ՏԵՂԻՈՋ ԳՐՈՇՄԵԸ ԶԵՆՈՒՆԱՍ ՍՐԲՈՅՆ

ՀՐԱՄԱՆԱԻ

ՏԵԱՌՆ ՅՈՎՀԱՆՆԻՍԻ

ԱՍՏՈՒՆԵԱՊԱՀ ՈՒՌՏԻՆ ԳՌՆԵՐՈՑ ԱՌԸՆՈՐԳԻ



ՃԱՌ ԱՌԱՋԻՆ

Գ ԵՓՐԵՄ. **Գ** ՈՐԾՈՅՍ առաքելոյ մատենագիր է Ղուկաս աւետարանիչ . այն որ թէպէտ 'ի սկզբանէ անտի քարոզելոյ Քրի ին մերոյ չէր ընդ նմա , սակայն ընդ առաքելան տեառն Քրի յարէր նա 'ի սկզբա նէ անտի իջման Հոգւոյն և յառաջ : Եւ թէպէտ զաւետարանն զոր գրեաց նա , որպէս լուաւ յաշակերտացանտի Քրի գրեաց , այլ գործոց առաքելոցն զոր գրեաց՝ իւրովք իսկ աչօք տեսող եղև հաւաստի : Արդ սա յետ աւետարանին իւրոյ զոր գրեաց , քան զի ետես զի խարդախողք ոմանք գրեցին 'ի մտաց իւրեանց աւետարան յանուն տղայութեան Քրի ին մերոյ , և այլք գիրս հարցուածոց յանուն Մարիամու և աշակերտացն Քրիստոսի , յորում ասեն թէ զկնի յարութեանն յետ ութուօրեայն վերացաւ անդրանիկն այն , զորմէ առաքելալքն իւր գրեն՝ թէ յետ քառասուն աւուր իսկ և իսկ վերացաւ նա յերկնս , արդ զի խափանեցէ Ղուկաս զսուտ գիրս այլափառացն յաւետարանէն Քրիստոսի տեառն մերոյ , որք

երիցութիւն և կրտսերութի՛ն գործոց ստեղծաբանեն զտեառնէ Յիսուսէ, ինչ ինչ նախ քան զմկրտիչն և ինչ ինչ յետ քառասնօրեայ վերացման նորա, զնէ՛ ՚ի մատեանս գործոց առաքելոցն սկիզբն և կատարումն գործոց տեառն մերոյ ըստ նմանութեան այլոց աւետարանչացն, սկսեալ ՚ի մկրտութիւնէն տեառն ՚ի Յովհաննէ մինչև ՚ի քառասունօր վերացման նորագիցուցցէ՛ թէ ամենայն գործ ուր և գացի գրեալ յանուն տեառն Քրիստոսի, նախ քան զմկրտութիւն նորա և յետ քառասուն աւուր համբառնալոյ նորա, օտար է գործն այն ՚ի Քրիստոսէ տեառնէ մերմէ : Եւ յայտ անտի է, զի ինքն իսկ Քրիստոս ասաց աշակերտացն իւրոց. «Եթէ ես ոչ երթայց, միտիթարիչն ոչ գայցէ» . և միտիթարիչն ՚ի կատարումն պէնտէկոստէ ինեկն յետ յիսուն աւուր յարութեան նորա : Յայտեղև ահա, զի ՚ի լրումն քառասնեկին, որպէս ասացին առաքեալքն, վերացաւ Յիսուս . և սուտ են խարդախողքն՝ որ յետ ութուտասն ամսոյ ասեն զվերանալ նորա : Արդ գրեաց Ղուկաս վասն յարութե տեառն մերոյ, վասն վերանալոյ նորա և վասն գալըստեան Հոգւոյն և աճման աշակերտացն, և որ ինչ յետ այսորիկ :

ՈՍԿԵԲԵՐԱՆ. ԸՅՂ քանզի անդիտանան բազումք ոչ միայն զչարագրող սորին թէ ո որ իցէ, այլ և բնաւ ին իսկ զգիրս զայս գլխովին : Սմին վասն հարկաւորապէս բուռն հարի առ ՚ի քննել զսա, զի զոչ զիտողմն սորին զարթուցից, և ոչ թողից ՚ի թարուտ մնալ այսչափ պատուական գանձուցս մեծաց՝ որ ոչ ինչ նուազ քան զաւետարանն շահեցուցանէ զմեզ բարձրագոյն իմաստիւք և ուղղութեամբք աւանդութեանց . մանաւանդ յաղաքս սրբոյ Հոգւոյն՝ աստուածաբանութի՛ն զեղելոցն և զասացելոցն ՚ի Հոգւոյն պատմելովն :

Արդ ՚ի կարճոյ առ ՚ի դիտումն բովանդակ դրոցըս նախ այս լիցի գիտելի, զի կանխասացուին Քրիստոսի վասն ՚ի լաւագոյն փոփոխման աշակերտացն՝ գալով ՚ի նոսա Հոգւոյն սրբոյ՝ աստ՝ ՚ի գլուխ ելեալ երևի : Այսինքն թէ . «Որ հաւատայ յիս, զնշանսրն զոր ես առնեմ, և նա առնէ» . զոր և արարին իսկ աստ աշակերտքն : Եւ թէ՛ առ դատաւորսն ածեալ՝

տանջողացն յաղթիցեն, և յաղթեցին՝ որպէս աստ լսեմք. և այն՝ թէ աւետարանս քարոզեսցի, և այլն ամենայն: Աստանօր տեսցես զաշակերտսն քարոզելով զՔրիստոս իբրև զթուշուհս սլացեալս ընդ ծով և ընդ ցամաք՝ յանկարծակի իմն այլք յայլոց զնոսս փոփոխեալս. որք երբեմն երկչոտքն և անխմաստք՝ վեհագոյն այժմ՝ եղեալք փառաց, ընչից, ցասման և ցանկութեց և սոցայոցն կրից. տինս մանաւանդ քաջութեամբ և ցածութիւն, միաբանութիւն և սիրով փայլեալք: Եւ գտանել ՚ի սմա և վասն աստուածաճաճոյ գործական վարուց, այլ և աւանդութիւնս յոյժ պիտանիս. զոր թէ ոչ աստի, ոչ այլ ուստեք մեզ լինէր գիտելի: Տինս մանաւանդ և գլուխն իսկ փրկութեանս մերոյ թագուն մնայր և անյայտ. այսինքն քրիստոնեայ անուանս այս կոչումնս:

Իսկ վասն զի յոլով մասն գրոցս գործքն Պաւղոսի է, վասն զի աշակերտ էր նորին շարագրողն սորա երանելին Ղուկաս, զորոյ առաքինութիւն ոչ միայն ՚ի Պաւղոսէ լսեմք՝ թէ գովութիւն նորա յաւետարանի անդ է, այլ և յանքակ շրջելոյն սորա ընդ Պաւղոսի: Զի յորժամ այլքն ՚ի նմանէ մեկնեալ հեռացան, ոմն ՚ի Գալիլեայ, միւսն ՚ի Գաղմատիա, սա միայն առ նա դեգերէր: Ապա ընդէր արդեօք մինչ ՚ի վախճան ըզգործս նորա ոչ գրեաց, թերևս ասիցէ ոք: Ասեմք՝ թէ բաւական էր այս որոց կամին ՚ի միտ առնուլ, թէ և ոչ գրեցեալքն՝ սոյնպիսիք իցեն: Եւ դարձեալ զի առ հարկաւորսն և եթ և ոչ ՚ի ճառագրել ինչ աստուածաբանքն փութային. այլ և բազում ինչ անգիր աւանդեցին: Սմին վասն և առաքեալքն ՚ի քարոզելն զՔրիստոս սակաւ ինչ ասացին վասն աստուածութեան նորա, և յոլովս վասն մարդեղութեան, չարչարանացն, մահուն, յարութեանն և վերանալոյ նորա: Զի յայնժամ այս էր յոյժ հարկաւոր հաւատալ մարդկան՝ թէ յարեաւ Քրիստոս և ել յերկինս: Զի որպէս Քրիստոս զայն փութայր ցուցանել թէ ՚ի չօրէ եկն, այսպէս և աւետարանիչս ըստ կամելոյ չօգւոյն զայն փութայր ցուցանել թէ յարեաւ ՚ի

1 Միւսն էլ և արեւելի, այսն արեւելի է ինն:

մեռելոց և ան Հայր դնաց, ուստի և եկեալն իսկ էր: Չի թէ ոչ նախ սոքա էին ընկալեալք, անհաւատալի ինէր Հրէիցն և այլ ամենայն աւանդու թիւնքն:

Սմին վասն զտկար՝ միտս լսողացն մեղմով՝ ի բարձրագոյնսն վերածել առաքեալքն կամելով՝ այր և պարզ մարդ զՔրիստոս քարոզէին: Եւ յիրաւի զի թէ զՔրիստոս վասն հաւասար Հօր զինքն դնելոյն՝ Հրէայքն քարկոծել ձեռն արկանէին իբրև զհայհոյիչ, յոյժ մանաւանդ ՚ի ձկնորսաց զառ ՚ի յինքեանց խաչեալն անձ գով լսելով՝ ընդարձակս ծիծաղէին: Եւ չեն ինչ զարմանք զի թէ առաքեալքն յարնդ նմա չըջեալք և զհրաշս ՚ինմանէ եղեալս աջօք իսկ տեսեալ, սակայն ընդ լսելն ՚ի նմանէ զբարձրագոյնսն խռովէին, մինչ զի զըագուամն և լսել իսկ ոչ կարէին, զիարդ ապա ձեռագործացն երկրպագութիւնսն հեթանոսքն վաղվաղակի զբարձրագոյն վարդապետութիւնն տանել կարէին. կամ որպէս Հրէայքն միշտ լսելով թէ մի է Աստուած և չիք այլօք, զառ ՚ի յինքեանց խաչեալն Քրիստոս մեռեալ թաղեալ և ոչ տեսեալ յարուցեալ, ՚ի լսելն Աստուած զնա գով ոչ ՚ի բաց վազէին. ըստ որս զիջանելովն առաքեալքն խոնարհագոյնս զՔոնէ դեռ և ս ճառէին. սմին վասն և ՚ի շնորհս Հօգւոյն յաճախ վայելէին, և անուամբն Յիսուսի մեծագոյն քան զորս ինքն արար նշանս՝ առնէին: Չի այսպէս զգետնաքարչ միտս մարդկան ՚ի վեր յարուցեն հաւատալ նախ թէ յարեալ ՚ի մեռելոց Քրիստոս. զորմէ և յաճախ հրաշիւք ապացոյց ունի դիրքս այս գործոց առաքելոցն. զի յարու թեանն Քրիստոսի հաւատալով մարդիկ, ըստ կարգի ապա և զայլն յանձին կալցին: Արդ գլխաւորելով իմն յայտասիկ ժողովի զօրութիւն գրոցս: Առիցուք այսուհետև զառաջբան սորին, որ ասէ.

« Օ բանն առաջին զոր արարի »: Առաջին բան զաւետարանն ասէ զոր գրեաց: Եւ թէ էր վասն ՚ի սկիզբն գործոցս զաւետարանէն յիշեցուցանէ, վայելչապէս. զի այնու զայս հաւատալի ցուցցէ: Չի անդ ՚ի սկիզբն աւետարանին կամելով հաւատարիմ

առնել զբանն, ասէ. «Կամ եղև ինձ, որ ՚ի սկզբանէ զհետ
երթեալ էի ամենայնի ճշմարտութեամբ, կարգաւ
գրել քեզ, քաջ գծիփիլէ » : Եւ ոչ իւրով վկայու-
թիւն շատացաւ, այլ և զառաքեալն վկայս էած՝ թէ
«Աւանդեցին մեզ որք ՚ի սկզբանէ ականատեսքն » : Եւ
այսպէս զբանն հաւատարիմ արարեալ անդ՝ աստ այժ-
միկ ոչ կարօտանայ այլ ինչ պիտոյից դարձեալ թէո-
փիլեայ հաւատարիմ լինել. այլ զառաջինն զայն հե-
րիք համարի յայսր գրութեան ճշմարտութի. իբրու-
թէ ասել առ նա. թէոփիլէ, զի թէ զառ ՚ի յայլոց լը-
ւեալն գրելով իմ հաւատացեր, ապա առաւել զայ-
սոսիկ հաւատասլիք զորս աջք իսկ տեսի. և ս թէ անդ
զՔրիստոսէ զբանն ընկալար, յոյժ մանաւանդ և աստ
զառաքելոցն :

« Օ բանն առաջին » ասէ : Եւ ընդէր բան լոկ ասէ
զաւետարանն աստ. և կամ ընդէր և անդ՝ թէ աւան-
դեցին մեզ ինքնատեսքն. և ոչ ասաց՝ թէ աւանդեցին
Հոգւոյն սրբոյ արժանացեալքն : Մի թէ լոկ պատմու-
թիւն իցէ աւետարանն աւանց Հոգւոյն. ոչ. այլ զի
միշտ ցածութի սիրող են սուրբքն, և կրողք Հոգւոյն
հեղութի. որով ՚ի բաց մղեալ և սորա զկարծիս փա-
ռաց՝ զբանն, ասէ, զոր արարի, և ոչ զաւետարանն.
մեծագոյն քան զինքն հաշուելով զանուն աւետարա-
նին, թէպէտ Առաքեալ այնու զսա ներբողէ : Արդ
որպէս աստ ոչ պատուասիրեաց վասն իւր՝ այլ բան
ասաց զաւետարանն, նոյնպէս և անդ ոչ ասաց շիացու-
թեամբ՝ թէ աւանդեցին մեզ հոգի ընկալքն, այլ թէ
ինչնատեսքն և սպասաւորք : Եւ այլ ազգ. զի յակա-
նատեսից ուսեալն արժանի հաւատալոյ թուի. և թէ-
պէտ քան զտեսութիւն աչաց ստուգագոյն է Հոգւոյն
ազգումն, այլ ոչ անձանօթից Հոգւոյն : Սմին վասն և
Մկրտիչն ասէր՝ թէ ես տեսի և վկայեցի. և Քրիստոս՝
զոր տեսաքն և վկայեմք. և Պետրոս՝ թէ ընդ նմա կե-
րաք և արբաք : Զայս առնէին վասն ոչ կարողացն
յայնժամ ընդունել արժանապէս զբանն վասն Հո-
գւոյն սրբոյ :

« Օ որ արարի, ասէ, վասն ամենայնի » : Եւ սակայն
Յովհաննէս ասէ՝ թէ չէր հնար զամենայն գրել. և
սա զիարդ ասէ՝ վասն ամենայնի ՚ի միտ առ ոչ ասէ


197
252
255



զամենայն, այլ վասն ամենայնի. իբրև թէ ասել, թէ խոշորապէս՝ և թանճրամասնաբար սակաւութ. զբաղմանն նշանակել: «Ո թէփիլիէ»: այս է աստուածասէր: Բայց թէ զհարդ. անդ. քաջ ասաց զսա, և աստ հիացահանս առ սա դնէ՝ ո, ասելով, աստուածասէր, վայելապէս. զի անդ զչ. քնաղ և զանճանթ սքանչից ունէր պատմել, քաջալերեաց զնա որպէս նաւապետ կամ զօրավար մի կասկածել՝ ի խորագոյնսն կամ երկմտել՝ ի հաւատալն. իսկ աստ ՚ի փորձոյ եղելոց արդեանցն հիանայ ընդ մեծամեծսն՝ ասելով ո թէփիլիէ:

ՄԵՍ թեո զհեզութիւն նորա, մանաւանդ զհոգւոյն որ ՚ի նմա, և զմարդասէրն փոյթ. զի վասն միոյ առն զգուշութեան ողջ իսկ աւետարան գրեաց. և արդ դարձեալ երկրորդ առնէ առնա շարագրութիւն առ ՚ի շահէլ զնա փրկեալ. զի մի կորիցէ որ ՚ի փոքրկանց, ՚ի տեառնէ լուեալ: Եւ զի յերկուս գիրս բաժանեաց, նախ վասն հաստատութեան, և զի հանգուցէ զլսողսն. և դարձեալ քանզի և իրօք իսկ յերկուս են բաժանեալ դիտողութիւնքն, զորս և ցուցցուք յետ սակաւուց: Այլ այժմ դեռ զառաջնոյ բանէն ասէ, զոր արար վասն ամենայնի. և թէ վասն որոյ արդեօք,

«Օ որ սկսաւ Յիսուս առնել և ուսուցանել»: Չքսքանչէլիսն և զվարդապետութիւնն Քրիստոսի ասէ, զոր սկսաւ առնել յետ մկրտութեանն: Եւ ոչ միայն զայս ցուցանէ, այլ թէ և առնելով իսկ ուսուցանէր Յիսուս, և զբանն իւր ընդր գործով: Եւ թէ զվարդլուր և ասացից: Ուսուցանէր անստացուած լինել, սիրել զթշնամիս, թողուլ յունողս զվերարկուն: Եւ լից ինքն գործով զիւրաքանչիւրս. ոչ ունելով տեղի գլխոյն. աղօթելով վասն սպանչացն. թողլովն ոչ զհանդերձսն և եթ, այլ և զարիւնն և ս տուեալ: Ուրեմն և զւարչարանսն Քրիստոսի գործ ասէ, որով զմահ քակեաց և զմեզ փրկեաց և ուսոյց մեզ զնոյն առնել: Ուստի ուսաւ Պաւղոս խրատել՝ թէ նմանողք մեզ եղիջիք, ունելով զմեզ ձեզ օրինակ. որ մանա-



ւանդ գործ է վարդապետի, գործելով ուսուցանել,
և ոչ բանիւ լոկով ճարտարել:

ԵՓԲ. « Մինչև յօրն պատուիրելոյ առաքելոցն 'ի
ձեռն Հոգւոյն սրբոյ »: Որպէս կանխագոյն ասացար
'ի սկզբան գործոցն տեառն և կատարած զնէ, ասե-
լով թէ մինչև յօրն պատուիրելոյ, որ է օրն վերաց-
ման նորա. զի կարկեսցէ զստախօսոսն:

ՈՍԿ. « Բայց տես թէ զհարդ խոնարհագոյնս բար-
բառի զԲժէ: Պատուիրեաց, ասէ, առաքելոցն 'ի ձեռն
Հոգւոյն սրբոյ. այսինքն Հոգւորս առ նոսա խօսեցաւ
բանս և ոչ մարդկայինս. զի 'ի ձեռն Հոգւոյն, այսինքն
գործակցութեամբ նորին, նոցա պատուիրէր. սրպէս
զայն՝ թէ « Հոգւով Աստուծոյ Հանեմ գլուս »: Եւ զինչ
արդեօք պատուիրեալքն իցեն. « Բանն զոր խօսեցայ
ընդ ձեզ, Հոգի է և կեանք. զնացէք ապա, ուսուցէք
մկրտելոցն 'ի ձէնջ յանուն Հօր և Որդւոյ և Հոգւոյն
սրբոյ պահել զոր ինչ էս ձեզ պատուիրեցի »: Բայց
տես աստ, զի ոչ միայն առ փափաք պատուիրելոցն
շարժէ զսողսն՝ թէ Հոգւոյն բանքեն, այլ և մեծ
զնէ զգովեստ առաքելոցն: « Զորս ընտրեաց » ասէ,
յայտ է թէ սպասաւորս փրկութեան Հէթանոսաց:
Ապաքէն գիտէր զնոսա լաւս և ապա ընտրէր. « Ես ըն-
տրեցի զձեզ, ասէր, և եդի զձեզ, զի դուք պողարէք
լինիջիք », զբազմաց ընտրիլն նորօք յայտ առնելով:

Մրդ պատուիրեալ, ասէ, համբարձաւ: Տակաւին
և սիրել զմարդոյ խօսելով զՔրիստոսէ աւետարանիչս,
ոչ ասէ վերացաւ, այլ համբարձաւ. որ և զմարդոյ
ասի: Որպէս այն որ կայ 'ի գիրս՝ թէ « Համբար-
ձաւ Յովնա թան փոխանակ Յուդայի եղբօր իւրոյ »: և
զՊաւղոսէ գրէ Ղուկաս. « Համբարձաւ յԵփեսոս »:
Ամբարձաւս ասելն է ուրեք զի զսաստիկ արագու-
թիւնն նշանակէ, է զի զբարձրութիւն պատուոյ և
է ուր հանդերձ արագութեամբն և զինգամաու-
թիւնն ևս յայանէ: Որպէս զոտս ամբարձեալ Յակոբ
զնայր յերկիրն արևելից, զուարճացեալ ընդ տեսիլ
սանդխոցն՝ ձեպով առնէր զընթացսն 'ի թեթևամ-
բառնալոյ ոտիցն: Զայս ձև օրինակի բանից և 'ի վե-
րայ Յիսուսի պահէ՝ թէ պատուէր տալով ընտրելոյ
աշակերտացն համբարձաւ:

« Որոց յանդիման կացոյց զինքն կենդանի յետ
չարսարանաց իւրոց » : Մեծ իմն աւանդէ 'ի ծածուկ .
և զինչ ասաց նախ վասն համբարձմանն Յիսուսի . ա-
սէ և վասն յարութեանն : Բանգի լուար և թէ համբար-
ձաւ , զի մի կարծեսցես յայլոց համբարձեալ զնա ,
ասէ՛ կացոյց զանձն կենդանի . զի թէ մեծագոյնն՝
որ է յարութիւնն՝ կացոյց զանձն , յոյժ մանաւանդ 'ի
նուազն :

ԵՓԲ . ԴՐԴ Եցոյց , զի եկաց յետ խաչին ոչ առանց
նշանաց , այլ 'ի բազում նշանս և 'ի բազում արուեստս
զոր արար 'ի քառասուն աւուրս . իբրու երևէր նոցա
յամենայն նմանութիւն , երբեմն 'ի ծանօթս , երբեմն
յանծանօթս . ըստ որում այլուր ասէ . « Աչք նոցա
կալեալ էին , զի մի ծանօցեն զնա » . և ապա . « Էտ
ծանօթս նոցա » :

ՈՍԿ . Ի՛յլ այլազգ զի ոչ որպէս նախ քան զյարութիւն
միշտ ընդ նոսա էր , այսպէս և յետոյ . զի ոչ ասէ զա-
ւուրս քառասուն երևեալ նոցա , այլ յաւուրս քա-
ռասուն . զի յանկարծ իմն երևեալ՝ դարձեալ 'ի բաց
թառցեալ լինէր : Զի երևելովն հաստատեսցէ զնո-
սա առ յարութիւնն իւր , և 'ի բաց ծածկելովն 'ի նո-
ցանէ մեծագոյնս քան զմարդոյ տացէ իմանալ զինքե-
նէ . և այսորիկ 'ի ներհաց կազմեալ լինէր : Զի
առ հաւատ յարութեանն բազում ինչ մարդկային
պարտ էր լինել . իսկ վասն համբառնալոյն՝ աստուա-
ծային . զոր ըստ պատշաճի զերկաքանչիւրն ուղ-
ղեալ 'ի բազում նշանս , « Երևելով , ասէ , նոցա » :
Եւ ընդէր նոցա միայն երևէր և ոչ ամենեցուն . զի մի
երևոյթ ինչ կարծիցեն զնա անդէտքն մեծի խորհրդ-
գոյն : Զի թէ նորին իսկ աշակերտքն զայս կրելով՝
չօշափմամբ ձեռաց և սեղանոյ կարօտացան , զիարդ-
ոչ և այլք նոյնպէս խուճապէին : Սմին վասն և նշա-
նօք հաստատէր զերևումնն , թէպէտ և ոչ գրեցաւ ա-
մենայն :

Ի՛յլ զի մի միայն օրք տեսին զնա յայնժամ՝ հաւա-
տացեն ստոյգ գոլ զյարութիւնն , այլ և յետոյ ամե-
նէքեան , վասն այսորիկ ոչ միայն ինքն արար նշանս ,
այլ և զաշակերտսն զօրացոյց նշանօք : Զի ահա թէ
ոչ յարեաւ Գրիստոս , այլ տակաւին կայ նոյն մե-

ուեալ, զիւրդ սօքա անուամբ նորա մեռեալս յարու-
ցանէին : Տինսա զի առանց մեծամեծ նշանաց ոչ իսկ
բաղկանայր քրիստոնէութիւնս : Իսկ այժմ ոչ որ
կարէ ուրանալ զյայտնի ելեալ նշանսն Քրիստոսիւ .
նա զի թէ և ժխտիցէ, ընդ անձին իւրում մարտնչի :
Զի այս իսկ իցէ մեծ նշան, առանց նշանաց տիեզե-
րաց ամենայնի 'ի հաւատս Քրիստոսի դալ 'ի ձեռն
տասն աղբատ և անգիր արանց, որք ոչ 'ի ձեռն ընչից
կամ իմաստիւք կամ զօրութեամբ ձկնորսքն իմաստ-
նոցն և հօգորացն յաղթեցին : Տեսանէս, զի որով ժբխ-
տեւն կամիցի որ, նովիմք յաւէտ խոստովանի զաս-
տուածային յաղթող զօրութիւնն :

Արդ զաւուրս քառասուն եկաց յերկրի Քրիստոս
երևելով նոցա զի յերկար ժամանակին տեսութեամբ
մի առ աչս տեսիլ Կոլ կարծիցեն զնա : Եւ զինչ ար-
դեօք առնէր 'ի քառասուն աւուրսն երևելով նոցա :
« Զառէր, ասէ, նոցա վասն արքայութե Եստուծոյ » :
Զայնմանէ Զառէր, զորմէ ասէր և նախ քան զմեռա-
նէն իւր ոչ միայն բազում բանիւք՝ թէ դալոց է փա-
ռօք Հօր իւրոյ և նստցի յաթոռ փառաց իւրոց, այլ
և աչաց նոցա տայր տեսանել զայն 'ի թափօր : Եւ
յոյժ վայելարար քան զի աշխատեալք և խռովեալք
էին աշակերտքն առ ժամայն եղելովքն . այսինքն չար-
չարանօքն և մահուամբ նորա : Եւս և զի հանդեր-
ձեալք էին առ մեծամեծ վաստակս ելանել քարո-
զութեամբ, արքայութեանն յուսով զոր խոստանայր
նոցա կաղզուրեալ սրտապնդէր զզարհուրեալ անձինս
նոցա : Բայց և ոչ միայն երեւմամբն 'ի քառասուն աւուրս
և ծանօթ ճառիւք արքայութեանն շատացաւ մխի-
թարել զնոսա, այլ և սեղանով ևս, « Եւ հաղորդե-
լով ընդ նոսա հացիւ » :

ԵՓԲ . Այ զի բնութեան ինչ պէտս ունելով այնու-
հետեւ կերակրոյ, այլ զիջանելով առ 'ի ստոյգ ցու-
ցումն յարութեանն :

ՈՍԿ . Ա ասն որոյ և զայս միշտ առաքեալքն հա-
ւաստի նշանակ տային յարութեանն՝ թէ « Կերաք և
արբաք ընդ նմա յետ յարութե նորա » : Արդ ուտելովն
հաստատեալ զաշակերտսն 'ի հաւատ յարութեանն
և զուարճացուցեալ զնոսա արքայութեանն խոստ-

մամբ . և զի այն ինչ մեկնելոց էր 'ի նոցանէ, «Պատուէր տայր նոցա յԵրուսաղէմէ մի մեկնել» :

ԵՓՐ. Եւ քանզի զարհուրեալք էին, նախ 'ի Գալիլէա եհան զնոսա, զի անկասկած եղեալք լուիցեն զասացեալսն : Եւ իբրև լուան, քառասուն ահա ընդ նոսա զեզերելով աւուրս՝ պատուիրէր նոցա յԵրուսաղէմէ մի մեկնել և մի ելանել 'ի քարոզութիւն նախ քան զընդունել Հոգւոյն : Որպէս զզինուորս ոչ որ թողու խառնիլ 'ի ճակատ նախ քան զսպառազինեւն, և ոչ զերիվար առանց կռուավարի, այսպէս զոսա առանց գալոյ Հոգւոյն ոչ թողու մտանել 'ի հանդէս մարտի և յաղթահարիլ : Եւ դարձեալ վասն բազմաց՝ որ հաւատալոց էին յԵրուսաղէմէ, հարկ արար նոցա մնալ անդէն : Եւ դարձեալ զի մի ասիցեն Հրեայքն թէ զԾանօթս թողեալ, առ անծանօթան ելին առ տեղութի կամ վասն փառաց, և սրտառուչ եղեալ 'ի բաց վազիցեն 'ի նոցանէ, սմին վասն նոցունց իսկ խաչողացն նախ տան զաւետիս յարութեանն յայնմ քաղաքի՝ ուր անիրաւ սպանանեւն զՔրիստոս 'ի նոցանէ եղև . զի և արտաքոյքն և ս հեթանոսք դիւրաւ հաւանեցին, տեսանելով զսպանողան Քրիստոսի հաւատացեալս 'ի նա, և զխաչողան քարոզս յարութեան նորա :

Եւ զի մի ասիցեն աշակերտքն՝ թէ զիւրդ կացցուք 'ի մէջ դաժան սպանողացն, և զի մի փախիցեն յետ համբառնալոյ նորա, լուծանէ զկասկածն խոստմամբ Հոգւոյն անդանօր նախ շնորհել նոցա . զի այսու յուսով իբր կապանօք իւրք պահեցէ զնոսա յԵրուսաղէմ, նստել անդ և սպասել խոստման աւետեացն Հօր, այնր որ 'ի ձեռն մարդարէին ասէ՝ թէ «Հեղից յՈգւոյ իմմէ 'ի վերայ ամենայն մարմնոյ» :

ՈՍԿ. «Օր լուարութս յինէն» : Զի ոչ այժմ և եթա սեւմ նորոք, ասէ, այլ զի աւասիկ յառաջ իսկ խոստացեալ եմ և առնեմ անստապէս : Եւ երբ արգեօք լուան : ԅորժամ ասէր . «Լաւ է ձեզ զի ես երթայց, զի եկեսցէ մի թարին» : «Ասացից ց Հայր և այլ մի թարին տացէ ձեզ » : Ապա՝ ուր զի դեռ և ս էր գալոց Հոգին, զիւրդ վաղագոյն երբեմն ասէր ցնոսա՝ թէ առէք Հոգի սուրբ, վայելչապէս . զի նախ

մասամբ ինչ ընտելւս զնոսա Հոգւոյն կաղմեցէ և բաւականս առ ՚ի յընդունիլ Ձի թէ հրեշտակ երևեալ Պանսիէլի՝ յերկիւղէն հանդերձեալ էր լուծանիլ իսկոյն, յոյժ մանաւանդ սոքա յանտանելոյն այ կրելըն: Արդ կամ զայս պարտ է ասել, կամ թէ նախ զլինելոյն իբրև զեղեալ ասացորպէս զայն՝ թէ «Ետու ձեզ իշխանութիւն կոխել զօձս և զկարիճս»:

Այլ ընդէր ոչ մերձ գոլովն առնոսա դեռ ևս Քրիստոսի՝ եկեալ լինէր Հոգին նախ քան զերթալն նորա վայելչապէս: Ձի նախ պարտ էր յերկինս ելանել մերոյ բնութեանս և հաշտութեանցն աւարտել, և ապա գալ Հոգւոյն և հաստատել զհաշտութիւնն: Եւ այլ ազգ ևս. զի մի ցուրտ կամ աւելորդ թուիցի նոցա գալուստ Հոգւոյն, այլ աստուածային և շահակտ: Ձի թէ Յիսուսի մերձ գոլով եկեալ լինէր Հոգին, և ապա սա ՚ի բաց գնացեալ և նա մնացեալ, ոչ արդեօք թուեցեալ լինէր գալն նորա իբր մի թարութեան աշակերտացն: Նախ զի ոչ ժուժէին մեկնել ՚ի Քրիստոսէ. երկրորդ զի տակաւին լի ինքեանս ունելով զնա՝ չէին տխրեալք: Եւ ընդէր ոչ յետ գնալոյն նորա վաղ վաղակի եկեալ լինէր Հոգին, այլ յետ ութ կամ ինն աւուր: Վայելչապէս. զի սիրով պարտ էր ակն ունել գալոյն նորա: Նմին իրի և Քրիստոս սպասել ասէր խոստմանն, զի տքնեալք լիցին նոքա յաղօթս, և հայցեցեն զգալն: Սմին վասն ոչ ընդ երթալն նորա իսկոյն գայր սա, այլ աւուրս ընդ միջէր, զի տխրեցին և անձկասցին նորա գալոյն. զի սովոր եմք մանաւանդ ՚ի կարեաց աւուր յառնել առ Աստուած աղօթիք. ըստ որում և Մկրտիչն Յովհաննէս ՚ի պիտոյից ժամու առաքէր զաշակերտսն իւր առ Յիսուս՝ իւր ՚ի բանսի գոլով, զի նոքա յօժար սրտիւ առ Յիսուս գիմեցին: Այսպէս և սոքա, զի փոքր ինչ միջոցաւն տրտմեալք՝ մեծապէս շահեցին զուրախարար Հոգին:

Արդ եթէ նուազ ոք էր Հոգին, չէր իսկ բաւական մի թարեւ զտրտմեալսն աստուածապէս. ապա ընդէր ասէր Քրիստոս՝ թէ «Լաւ է ձեզ երթալն իմ, զի եկեցէ մի թարիչն»: Սմին վասն և մեծագոյն իբր վարդապետութեանն Հոգւոյն պահեալ լինէին, զի մի նըւազ ինչ գոլ քան զՔրիստոս լիցի կարծեցեալ:

Եւ յորժամ ասաց սպասել խոստմանն Հօր զոր լը-
 ւայք յինէն, ածէ զնովիմբ՝ թէ «Յովհաննէս մկրտեաց
 'ի ջուր, այլ դուք մկրտիցիք Հոգւովն սրբով » : Այս-
 ելչապէս աստանօր 'ի մէջ բերէ զՅովհաննէս . նախ
 զի հաւատարմացուցէ զակնկալու թիւն նոցա առ
 գալուստ Հոգւոյն . իբրու թէ ասել ցնոսա, թէ սրբա-
 ւէ ընու մարդարէու թեանն Յովհաննու վասն իմ՝ թէ
 նա մկրտեսցէ զձեզ Հոգւովն սրբով : Թէպէտ և ոչ առ-
 նու 'ի մէջ զվկայու թիս զասացեալ նորա, այլ լոկ զնա
 բերէ 'ի մէջ առ 'ի յիշելու թի բանի նորուն զՅիսուսէ :
 Այլ և զայն ևս ցուցանէ յայտնի, թէ սրբաւի միջոց
 է ինքեան և Յովհաննու, ոչ տակաւին պատրուակաւ
 այժմ, որպէս զայն՝ թէ «Փեքրիկն յարքայու թեանն
 ան մեծ է քան զնա » , այլ յայտնապէս : Զի Յով-
 հաննէս որ մեծն է 'ի ծնունդս կանանց, մկրտեաց 'ի
 ջուր . բայց դուք մկրտեսցիք Հոգւովն սրբով . ցու-
 ցեալ թէ այնչափ միջոց է ընդ իս և ընդ Յովհաննէս,
 որչափ ընդ ջուրն և ընդ Հոգին :

ԵՓԲ. ՈՍԿ. Եւ ոչ միայն զինքն անբաղգատապէս
 մեծ գոլ ասէ, այլ և զաշակերտսն ևս ցուցանէ մեծա-
 գոյնս լեալ քան զՅովհաննէս ասելովն՝ թէ դուք մկր-
 տեսցիք, զի 'ի Հոգին սուրբ և նորա հանդերձեալ էին
 մկրտել և զայլս : Եւ զի չասաց՝ թէ ես մկրտեմ զձեզ
 Հոգւով սրբով, այլ թէ մկրտիցիք . ուսուցանելով
 զմեզ խոնարհել : Այլ զի ինքն էր որ մկրտէր զնոսա
 Հոգւովն, 'ի վկայութեանն Յովհաննու յայտ է. զի ա-
 սաց . «Ես մկրտեսցէ զձեզ Հոգւով սրբով և հրով » :

Եւ զի 'ի վերնատանն ընկալան զՀոգին, յայտ է :
 Արդ որպէս ասէ մկրտիցիք, ջրոյ ոչ գոլով 'ի վերնա-
 տանն : Ասեմ՝ թէ զի վեհագոյն Հոգին է, որով և
 ջուրն ներգործէ . ըստ որում և ինքն օծեալ ասի, որ
 ոչ զգալի իւղով օծաւ, այլ Հոգւովն ուրախութեան :
 Եւ այլ ազգ. զի ջրով վաղ ուրեմն էին մկրտեալք 'ի Յով-
 հաննէ . զի թէ մաքսաւորք մկրտէին, յոյժ առաւել
 սոքա՝ որոց առաջի կայր մկրտիլ և մկրտել Հոգւովն
 սրբով : Զի թէպէտ առ մեզ համանգամայն ջրով
 և Հոգւով լինի մկրտիլ, այլ յայնժամ առ աշակերտ-
 սրն յանջատեալ ժամանակի :

Յուցցուք և զայն ևս որպէս խոստացաքն՝ թէ ընդ

էր Ղուկաս յերկուս գիրս բաժանեաց զպատմութիւն իւրս Եւ այս է. զի յաւետարանի անդ իւրում Ղուկաս պատմէ զայն ինչ՝ զոր Քրիստոս արար և ասաց . իսկ յառաքելոցն գործս աստ պատմէ զոր ինչ միւս միսի թարիչ Հոգին սուրբ արար և ասաց : Այլ յայնժամ բազում ինչ և սա ինքն միսի թարիչս առնէր ընդ Քոի, որպէս և այժմ ընդ սմա և Քո ներգործէ, որպէս և յայնժամ՝ մինչ շրջէրն ընդ մեզ . այլ յայնժամ Քո մարմնոյն, իսկ այժմ՝ ի ձեռն առաքելոցնս : Նմանապէս և յայնժամ Հոգին՝ ի կուսական եկն յարգանդ և զանձեղէնն ստեղծ զմարմինն, իսկ այժմիկ յանձինս եկն առաքելոցն . և յայնժամ տեսլեամբ ազանոյ ՚ի վերայ Քոի, և այժմ տեսլեամբ հրոյ յառաքեալնս : Զորոց զպատճառսն յառաջիկայսդ հատցուք :

Այլ զի նախ բան զչարչարանսն խոստացաւ զՀոգին, և այժմ դարձեալ կրկնէ դեռ և սառանց իրացն արդեանց, զի մի կարծիցեն աշակերտքն լոկ խոստումն գոյ զՀոգին կամ առանց էութե ներգործութիւն, ասէ . « Ոչ յետ բազում ինչ աւուրցս այսոցիկ » : Ոչ յայտնեաց թէ երբ, զի մի յանհոգս կալով իցեն դանդաղ կողք . այլ թէ հուսկէ՝ ասաց . և թէ երբ՝ ոչ յայտնեաց, զի մի լքցին, այլ վստահութեամբ տքնեսցին վասն մօտաւոր ժամանակին : Եւ զիսորդ ապա սքանչացուք թէ զորն կատարածի ոչ յայտնեաց, որ և զայսպիսի մերձաւորս օր ոչ կամեցաւ յայտնել : Եւ յոյժ իրաւապէս, զի միշտ տքնեալ սպասեսցեն . զի ոչ որ շնորհաց հասանէ առանց հսկման . և զի մի իսկոյն զպարգևսն աղաւաղեսցէ : Ոչ լսես զասելն Եղիայի ցաշակերտն . « Թէ տեսանիցես զիս վերացեալ, լիցի և քեզ » : Եւ Քրիստոս հաւատս պահանջէր յեկեւոցն և ապա բժշկէր : Եւ Իսրայէլ ՚ի հնումն ահիւ մեծաւ ճգնէր, և ապա ծովն բաժանէր : Նա զի և որք զծիրանիսն ներկանէն, նախ ընդ արզն տախպ անցուցանեն զընդունիչ կառն, զի մի իսկոյն ՚ի բաց թքցէ զծաղիկն գունոյն : Սմին վասն և Քրիստոս նախ հոգովքն ելից զաշակերտսն, և ապա ՚ի պէնտէկոստէին եկն Հոգին սուրբ և ելից զխոստումն Քրիստոսի՝ թէ գուք մկրտիցիք ՚ի Հոգին սուրբ :

ԲԱՐՈՅԱԿԱՆ

Այլ թերևս ասիցէ որ, թէ ընդէր ոչ և մէք յայնմ աւուր իջման Հոգւոյն սրբոյ մկրտիմք : Ասեմք, թէ նոյն շնորհք Հոգւոյն բաշխին հանապաղ, յայնժամ յայտնի և այժմ 'ի ծածուկ . միայն պահօք նախ զանձինս պատրաստեսցուք : Զի թէ որ յիշխանութիւն ինչ հանդերձեալ է հասանել, նախ պատրաստէ զանձն յամենայն կեանս իւր, միայն զի հասանիցէ շնորհին : Որոյ իրաց արժանաւորք իցեմք այսչափ պղերդութեամբ յարքայութիւնն դիմեալք . և նախ քան զառնուլն փութամք, և յետ առնլոյն պղերդանամք . վասն այնր յետոյ ուրեմն ծուլանամք, զի նախ քան զառնուլն ոչ հսկեցար : Վասն այսորիկ բազումք յետ առնլոյն վաղվաղակի յառաջին փսխածն դառնան, և դժուարին տանջանս զանձամբ կուտեն . զի յառաջին մեղացն ազատեալք մեծապէս զգատաստանն ընդդէմ ինքեանց սրեցին, ոչ զգաստացեալք առաջնոց ցաւոցն բժշկութեամբք : Վասն որոյ ասէր Քրիստոս անդամալուծին՝ թէ « Ահա ողջացար, այլ մի ևս մեղանչեր » :

Ճ Ա Ռ Ե Ր Կ Ր Ո Ր Գ

ՈՍԿ. « Ի սկ նորա մատուցեալ հարցանելին զնա և ասելին. տէր, եթէ 'ի ժամանակի աստ յայսմիկ հասուցանես զթագաւորութիւնն Խարայէլի » : Թուի թէ մի և նոյն իցեն հարցումնս այս և որ 'ի լերինն անգլաւուն կատարածի : Այլ ստուգութեամբ քննեալ ոչ են մի . բայց ոչ ինչ արգելու ասել թէ յուսանեն զայս՝ կարծելին մարթ գոլ և զայն ևս նոցա գիտել : « Նորա մատուցեալ հարցանելին զնա » : Յորժամ կամին աշակերտքն հարցանել ինչ զՔրիստոս, միաբան մտչին, զի բազմութեամբն թախանձիցեն զնա : Եւ այս մտածութիւն պիտանացու է մեզ՝ վասն միաբանութեամբ յաղօթս կալ զօրաւոր գոլ համարել, որպէս և յայնժամ նորա : Քանզի գիտելին քաջ . զի զոր կանխաւն ասաց՝ թէ « Աչ որ գիտէ զօրն և ոչ զժամն », վասն զնոսա յայնմ խնդրոյ 'ի բաց մեր ժելոյ էր : Եւ զի թէ հաւանեալք էին յայնժամ, ոչ դարձեալ հարցանելին : Այլ զի լուան՝ թէ Հոգի հանդերձեալ են առնուլ, ահա իբրև արժանաւորք գոլով այնուհետև քաջանան ուսանել և պատրաստ լինել : Քանզի ոչ ախորժելին միտել 'ի տանջանս զանձինս իւրեանց . թէպէտ և առ ժամայն յանհոգս էին զՔրիստոս մօտ ունելով, այլ վասն յետոյ ակնկալեաց փորձութեանցն տագնասելին : Սմին վասն և ոչ յաղագս Հոգւոյն ինչ ասելին, և ոչ վասն կատարածի աւուրն հարցանելին . այլ թէ 'ի ժամանակի աստ այժմիկ հասուցանելոց իցես զթագաւորութիւնն Խարայէլի : Առ որ վասն յոյժ սաստիկ բողձանացն ոչ ասացին թէ երբ կամ յոր ժամ այս լինիցի . այլ յոյժ պատուով փութային զլինեւն ասելով՝ թէ այժմիկ հաստատես զթագաւորութիւնն Խարայէլի :

Ինձ թուի թէ չգիտէին զինչ արդեօք իցէ թագաւորութիւնն, զի չեւ էր Հոգին ուսուցեալ զնոսա . այլ դեռ ևս առ զգալիս էին յօժարեալք : Զի թէպէտ Քրիստոս վասն արքայութեանն Աստուծոյ ճառէր նոցա յաւուրնն քառասուն, այլ նոքա զարքայութենէն Խորայէլի հարցանէին, կարծելով թագաւորել նմա Խորայէլի ըստ օրինակին Դաւթի : Տինս զի գիտէին զյոյժ հեղութիւն և զանոխակալութիւն նորա այնչափ, մինչ զի և յետ սպանանելոյն զնա՝ ի նոցունց՝ վտահանան նմա այց առնելով թագաւորել Խորայէլի : Զոր և փութան իսկ վասն և ինքեանց ևս ընդ նմա ՚ի փառս և ՚ի հանգիստ վայելելոյ ըստ երբեմն հայցելոյ ՚ի նմանէ որդւոցն Զբեգեայ :

« Եւ զնոսա . ոչ է ձեզ գիտել զժամս և զժամանակս, զոր Հայր եղ յիւրում իշխանութեանն : Երնէին լաւագոյն գոլ այժմ՝ աշակերտքն քան զառաջինն . վասն զի ահա մեծագոյն այժմ՝ ունին կարծիս զնմանէ : Սմին վասն և ըստ վերաբերեալ մտաց նոցա յայտնապէս խօսի . զի ոչ ասէ և այժմ, թէ և ոչ Որդի գիտէ զօրն, այլ թէ չէ ձեզ գիտել զժամս և զժամանակս : Եւ դու տես, զի թէպէտ և նոքա ոչ քաջ գիտէին զօրինչ հարցինն՝ զթագաւորութիւն Խորայէլի, այլ նա ոչ միայն զայն զոր ըստ կարծեաց մտաց իրեանց հարցին, այլ և զնաւ ժամանակաց ինդիրս ՚ի բաց բառնայ յամենայն դարուց, բաց արձակ դնելով թէ չէ ձեզ գիտել զժամս և զժամանակս :

ԵՓԲ . Եւ զայս այնքան պնդութեամբ, զի և զօրս զայս վերանալոյ իւրոյ, զոր և աչօք իւրեանց տեսին, ոչ կամեցաւ յայտնել նոցա :

ՈՍԿ . Եւլ հիացիր, զի վասն աւուրս գալստեան Հոգւոյն զոր ոչ հարցին, թէպէտ և ոչ սաուզիւ, սակայն թէ մերձ է՝ յայտ արար ՚ի միթիթարութիւն և ՚ի քաջալերութիւն նոցա . և վասն աւուրն զոր հարցին, ՚ի բաց մերժեալ հեռացոյց : Անդէր . միթէ մեծագոյն ինչ էր ուսումն աւուրն քան զոր ուսեալ էին . ոչ . այլ յոյժ արուպք էին և վնասիչք, և մանաւանդ ուսեալքն և գիտացեալքն մեծագոյնք և առհաւատալ զժուարիսք : Զի ասա ինձ . հէլէնացին

վասն որոյ թերահաւատէ՛ թէ կատարած գոյ լինելոց, թէ Աստուած մարդ եղեալ և ՚ի կուսէ ծնեալ, և թէ Աստուած որդի ունի աթոռակից անժամանակ: Զինչ մեծ քան զմարմնոյ նստիլ և ՚ի զուարթնոց երկրպագիլ: Եւ սպաքէն ուսան սոքա զայս ամենայն, և թէ գալոց է դատել զաշխարհս արդարութեամբ: Ուսան զոր ինչ նախ է քան զաշխարհս որպէս յայտ առնէ Մովսէս և Պաւղոս, զորոց է մարթմարդոյ խօսել: Մի թէ չիցէ մեծագոյն զսկիզբն գիտել զէիցս զոր սոքա գիտացին՝ քան զկատարածն: այո և կարի իսկ քաջ. և ևս բիւրապատիկս քան զայս, զի ՚ի բազում արուեստս երևելով Յիսուս ուսոյց ըզնոսա: Արդ զինչ մեծ է, զայսոսիկ ուսանելն, թէ զայն՝ թէ ո որ թագաւորեացէ կամ երբ:

Եւ զըարուրս ծածկելոյն զուգաձայն դնէ և այժմ, որպէս յայնժամ առ առաջին հարցումն դիւրագոյն պատասխանի, թէ Հայր եդ յիւրում իշխանութեան: Եւ ահա մի իշխանութիւն է քո և Հօր. զի որպէս Հայր յարուցանէ զմեռեալսնոյնպէս և Որդի. որ մեծ է քան զգիտելն զօրն. արդ ընդէր ծածկես ՚ի մէնջ: Այլ զի մի այսպիսի ինչ ասիցեն, տես զինչ առնէ: Որպէս յայնժամ ՚ի հարցանելն զկատարածէն հեռացոյց զնոսա ՚ի կարծելոյն զերծանել ՚ի վշտաց, և արկ զնոսա յահ և ՚ի տագնապ՝ թէ «Եւ զձեզ իսկ մատնեացեն տանջել յատեանս», նմանապէս և այժմ: այլ յոյժ մեղմով և հանդարտագոյն, զի փոքր ինչ յետոյ մեկնելոց էր ՚ի նոցանէ:

Եւ զի մի կարծիցեն անարգիլ ՚ի չուծանելն զխրն. գիրն կամ զարհուրեացին ընդ դուշակել վշտացն, չասաց զտրամականսն յայանի թէ չարչարելոց են վասն նորա. այլ իմաստութեամբ իմն ծածկեաց. և ոչ ըստ հարցմանն ետ զպատասխանին, որ է գործ վարդապետի, այլ զօգտակարն. առ ՚ի գիտել և զլինելոցն ՚ի նոսա վշտայն, կանխեաց ասաց, զի մի լքանիցին ՚ի պատահելն. զի դեռ տկարագոյնք էին: Չասաց թէ գնամ ես, զի մի ցաւագնեացին. այլ առ վայր մի բրբրեաց զմիտս նոցա խոստմամբ Հոգւոյն ասելով. «Այլ առջիք զօրութիւն ՚ի հասանել Հոգւոյն սրբոյ ՚ի վերայ ձեր»:

Եւ ապա զտարուելի զվտանգան խաղաղէ, զոր կրելոց էին, ախորժականս իմն ճառելով՝ թէ « Եղի ջիբ ինձ վկայք յերուսաղէմ և յամենայն հրէաստանի և 'ի Սամարիա և մինչև 'ի Տազս երկրի » : Գրեթէ այսպէս ասիցէ, թէ զմէ՛ երկնչիք կամ՝ զժամանակս խնդրէք գիտել, որ չեն ինչ ձեզ յօգուտ. խնդացէք և ուրախ լերուք ընդ մեծամեծ պարգևսն և փառսն՝ որ գալոց են ձեզ :

ԵՓԲ . « **Օ** 'ի առջիք զօրութիւն և քաջալերութիւն 'ի դաւ Հոգւոյն 'ի ձեզ » . և ելջիք 'ի վերնատանէն և լինիջիք յայտնիք տիեզերաց . վկայք յարութեան իմոյ, և որոց լուայքն և տեսէքն յինէն ոչ միայն յերուսաղէմ քաղաք խաչողացն, ուր զարհուրեալ իսկ էք, այլ և առ շամրտացիս և յամագգս :

ՈՍԿ . Եւ վասն զի նախկին փակեաց ընդդէմ նոցա չմտանելոյ նոցա առ շամրտացիս կամ առ հէթանոսորս, համարձակէ նոցա այժմ՝ թէ « Մինչև 'ի Տազս երկրի » : Լուեալ զայն թէ չարաչարս տանջեսցեն և սպանցեն զձեզ, և զի մի գարձեալ այլ ինչ հարցանիցեն, « Զայս իբրև ասաց՝ մինչդեռ հայէին նոքա, վերացաւ » . և յոյժ վայելաբար : Զի որպէս մեք տեսանելով զմանուկ լացեալ, որ ստէպ խնդրիցէ ինչ, որ ոչ է իւր յօգուտ՝ թաքուցանեմք, ցուցանելով զձեռս դատարկ, ասեմք թէ ոչ ունիմք, այսպէս և նա զառաքեալնս արար : Խնդրէին ուսանել զոր ոչ էր 'ի ճահ. թաքոյց ասելով թէ չայրեղ յիւրում իշխանութեան : Այլ որպէս մանուկն տակաւին կակաւնի լալով՝ գիտելով զի խաբեցաւ, և մեք այլ ինչ ընդայնր զոր խնդրէ՛ տամք, և հեռացուցանելով զնա յիւրն յօժարութենէ գովեմք զայս ինչքան զայն զոր ինքն խնդրէ, և տուեալ նմա զայն 'ի բաց փախչիմք ասելով՝ կօչէ զիս այս անուն, այսպէս արար և Ք'ս . խոստացաւ նոցա ընդ անօգուտ խնդրոյն բիւր ըղձալի պարգև զՀոգին սուրբ :

« Եւ մինչդեռ հայէին նոքա, վերացաւ » : Իսկ ընդէր ոչ տեսանելով նոցա յարեաւ, այլ տեսանելով նոցա համբարձաւ : Վասն զի ոչ զօրէ տեսութիւս այս ամի : Սմին վասն զյարութեն զկատարածս տեսին, իսկ զսկիզբն ոչ ևս . և զհամբառնալոյն զսկիզբն, այլ ոչ

զկատարածն : Այլ զսկիզբն յարութէն թէպէտ և ոչ տեսին, յայտնի լինէր յերևմանէն տեառն կենդանի և 'ի բարբառոյն և 'ի թափուր մնալոյ դերեզմանին . իսկ զկատարած վերանալոյն յետ այնորիկ 'ի բանից հրեշտակացն էր ուսանել . զի ոչ կարէին աչքս այս ձկտել 'ի բարձրութիս՝ ուր ելն Տեսանէս, զի մասն ինչ հոգւով և մասն ինչ տեսութիւն աչաց տնօրինի . սմին վասն և տեսանելով նոցա վերացաւ մինչ կարի յոյժ արթունք էին, միտ դնելով հարկաւոր ասացելոցն . զի մի ասիցեն թէ բնաւ իսկ չարեաւ :

ԵՓԲ . Այլ որպէս Եղիա տեսանելովն Եղիշէի վերացաւ, զի մի ասիցեն թէ Յեզաբէլ սպան զնա, զի և նշանքն որ 'ի ձեռն Եղիշէի հաւատարիմ առնէ զվերանալն նորա, նոյնպէս և նշանքն որ 'ի ձեռն առաքելոցն՝ հաւատարիմ առնէ զվերանալն տեառն . զի մի ասիցեն թէ գողացան զնա : « Եւ ամպն ծածկեաց զնա յաչաց նոցա » . յայտ է ներքոյ անցանելով, զի մի կարի աշխատեսցին առաքեալքն 'ի հայէն զհետնորա :

ՈՍԿ . Արդ ոչ կառք հրեղէնք յափշտակեցին զնա որպէս զԵղիա, զի մի թուեսցի յայլոց համբարձեալ որպէս զնա, այլ ամպ՝ որ նշանակ է աստուածային զօրութեանն : Եւ զի այլ ինչ զօրութիւն 'ի վերայ ամպոյ ոչ երևի, լուր մարդարէիցն . « Եդ յամպս զգնացս իւր » . և Աստուած նստեալ յամպ թէթե . և Մովսէս յամպն եմուտ, որ էր վասն նորա, այլ զանձ ցուցանէր : Սմին վասն ամպով վերանալն Յիսուսի ցուցաւ ներ զնա տէր և իշխան գոլ երկնից, զի նշանակ էր ամպն երկնից . զի որպէս զթագաւորն ձեն և թագն յայտնէ, և զՅիսուս կառքն անձային :

Այլ զի մի առ Ճմլէլ օրտից իւրեանց ախտացին աշակերտքն զԵղիսէին՝ որ եհերձ զվերարկուն իւր, մինչդեռ հայէին ընդ երկինսեր թալոյնորա հիացեալք թէ որպիսի հրաշից արժանացան տեսլեան, « Եհա արք երկու երևեցան նոցա » . զի յերկուց վկայիցն հաստատուն լիցի ասացեալն 'ի նոցանէ : « Ի հանդերձս սպիտակս » որպէս առ դերեզմանին . և սայլ ծառ ձեն ցուցանէր զնոսա՝ թէ հրեշտակք են և մարդակերպ յանկարծակի երևեցան, զի մի զնոսա իռու վեցուսցեն : Որք և ասացին . արք գալի լիացիք, զի կայր

Հայեցեալ ընդ երկինս Կանոն թականս առնեն զբանն
 Հայրենի դաւառին կոչմամբ. զի և յայլն և ս Հաւա
 տարիմք երևեցցին. և ախորժելիս և ողորականս առ
 նոսա բարբառին. « Զի կայք սլուցեալ ընդ յերկինս »
 Այ թողացուցին զնոսա այնպէս 'ի վեր Հայելով մնալ
 այլ աւետեաց բանիւն զնոսա յինքեանս դարձուցին.
 և յուշական ձեռնն դնեն զասելն. « Այս Յիսուս այն
 չափ սքանչելոցն հրաշագործող, որ վերացաւ 'ի ձէնջ
 յերկինս, այսպէս եկեցցէ դարձեալ »: Ի միտ առ
 զասելն՝ որ վերացաւ 'ի ձէնջ յերկինս. մի թէ չու
 նէին այս առաքեալքն, կամ չտեսանէին զվերանալն
 Յիսուսի. և զիսորդ ապա ասաց աւետարանիչս նախ՝
 թէ տեսանելով նոցա վերացաւ Յիսուս: Այս այդ
 պէս է: Այլ վասն զի յոյժ մեծ էր բացատն քան զձրկ
 տումն աչաց նոցա, զի մի վասն ոչ և ս կարելոյն տեսա
 նել զնա յանչափ բարձունան՝ կարծիցեն թէ մինչև
 յերկինս ել որպէս զեղիա՝ որ ծառայ էր, կամ թէ
 բնաւ իսկ ոչ վերացաւ յերկինս, որք և 'ի լսելն զեր
 թալն՝ տարակուսեալ ասելին՝ տեր յո՛ երթաս, այլ
 զի զիտասցեն թէ 'ի վերոյ իսկ ել քան զերկինս՝ զի
 Արդի էր, ասացին թէ վերացաւ 'ի ձէնջ յերկինս:

Այլ ընդէր ինքն ոչ ուղոյց նոցա զայս, այլ հրեշտակքն
 ճառեաց զայս և ինքն նախ՝ թէ « Տեսանիցէք զորդի
 մարդոյ զի ելանիցէ ուր էր զառաջինս »: Այլ կամ
 'ի միտ ոչ պահելին, կամ որպէս 'ի ծննդեանն հրեշ
 տակք եղեն աւետաւորք առ Մարիամ, Յովսէփ և առ
 հովիւսն, և 'ի յարու թեանն առ ինկաբերտն, լիցին և
 աստ. զի թէպէտ 'ի մարդարեիցն բազմադէմ մա
 սամբք կանխաձայնեալ էին բնաւին իրքն Յիսուսի,
 այլ վասն յոյժ հաստատութեն և հրեշտակք վկայե
 ին: Սմին վասն և հանդերձ մարդարեիքն և հրեշ
 տակօք յարութեն և ինքն Քրիստոս եղև վկայ. զի
 քան զամ՝ ինչ և քան զճնունդն իսկ մեծ էր՝ զանձն
 իւր 'ի մեռելոց յարուցանելն. զի յայն երկոց վկայիցն
 հաստատեցի:

Այլ ոչ ասացին թէ այս Յիսուս որ համբարձաւն
 'ի ձէնջ. զի համբարձաւն ըստ մարմնոյ իրաց է. որպէս
 եղեկիկել ասէ՝ թէ « Երթայի համբարձեալ 'ի դիմել
 հողւոյն նոն, որ վերացոյց զիս »: Սմին վասն ոչ ասացին

Համբարձաւ, այլ վերացաւ : Եւ թէ ասիցես, իսկ ընդէր ապա ասաց աւետարանիչս՝ թէ ամսն յափշտակեաց զնա՝ ասեմ, զի ինքն եւ յամսն : Այլ թէ պէտտփոփեաց զնոսա ասելն՝ թէ յերկինս եւ, այլ զի ինքեանք ոչ կարէին երթալ զՏէտ նորա, զի մի անձկով սիրոյն ՚ի սպառ տոչորեացին, փոքր ինչ ոգի փչեցին այսու բանիւ զոր յոյժ փափաքէին լսել, թէ «Նոյնպէս եկեսցէ դարձեալ» : Իբրու ասել՝ թէ յերկինս է, այսուհետեւ ակն կալէք դաւոյ նորա : Եւ զտիրական պատիւն և սնշանակին, ոչ առաքեացի ասելով, այլ «Եկեսցէ, զոր օրինակ տեսէք զնա երթալ յերկինս» : Այսինքն թէ հանդերձ մարմնովն եկեսցէ և ամուլով, թէ պէտ և փառօք իւրովք և Հօր . զի այսու և զգատաստանէն ակնարկեցեն և զյարու թին ստուգեսցեն : Զի թէ մարմնովն համբարձաւ և նովաւ դաւոյ է, յայտ է զի ՚ի դատել, ապա ուրեմն նովիմք մարմնովն և յարեալ :

ԲԱՐՈՅԱԿԱՆ

Մոգ որոքցաւ ազին է՝ զի ոչ ետես զնա լսելով ահա թէ եկեսցէ դարձեալ, վարս սրբականս ցուցցէ, և հաւաստեալ տեսցէ զնա : Զի յոյժ մեծագոյն փառօք և սքանչելի տեսլեամբ յերկնից իջանէ : Այլ այս իսկ զյարու թիւնն հաւատարիմ առնէ . զի թէ մարմնովն համբարձաւ, յոյժ մանաւանդ մարմնովն յարեալ : Ո՛ր են որ յաղագս յարու թին թերահաւատեն եւ լենացիրն . նա և արարչու թին արարածոց ոչ հաւատան յոչից առնել ան զգոյսս, յամօթ լինին՝ ոչ գիտելով զզօրութինն ան . զի որ յիմարն է, յիմարագոյն իսուեսցի : Ամաչեցէք զայդ ասելով թէ յեից առնէ ան . զի թէ յեից առնէ, իւ զանազանի ՚ի մարդկանէ : Այլ ուստի է, ասեն, չար՝ թէ ոչ յէէ արար ան ըզգոյսս : Ոչ է չար յայ . թէ պէտ և յոչէէ արար զգոյսս : Մի զիրկնապատիկ չարեօք անկանիր . զի չար ոչ է էութիւն, այլ բարեոյ յօժարութեան պղերգութիւն :

Ճ Ա Ռ Ե Ր Ր Ո Ր Գ

«**Յ**ԱՅՆԺԱՄ դարձան յերուսաղէմ յանուանեալ լեռնէն ձիթենեաց» : Ե՛րբ . յորժամ լուան թէ դարձեալ գալոց է . զի թերևս ոչ յանձն առնուին թէ չէր նոցա միւսանգամ գալուստ խոտացեալ : « Որ է մերձ յերուսաղէմ ըստ շաբաթու ճանապարհին » : Ինձ թուի ըստ Հրէիցն 'ի շաբաթու եղեալ իրացս , զի այլ և այլ շաբաթք պաշտեցեալ լինէր առ նոսա . սմին վասն նշանակէ զմիջոցն 'ի լեռնէն ձիթենեաց , որ է մերձ յերուսաղէմ ըստ շաբաթու ճանապարհին : Յայտ իմն կամի առնել թէ չէր օրէնս Հրէից երկար ճանապարհ գնալ 'ի շաբաթու . կամ զի ցուցցէ զառաքեալնսն վասն երկիւղի Հրէիցն դեռ ևս ոչ իշխեւ Տեառագոյնս մեկնել . կամ թէ լսկ յիշէ զտեղին . զի որպէս ասի բան թէ 'ի ժամանակէ անտի դարձին Հրէից 'ի Բաբելոնէ վասն նեղելոյ 'ի շրջակայ ազգացն եդին վասն զգուշութեան այնչափ ճանապարհ ելանել ըստ քաղաքն 'ի շաբաթու , զի մի գաւեսցին 'ի շաբաթս որպէս զմակարայեցիսն :

«**Ե**ւ յորժամ մտին յերուսաղէմ , որպէս պատուէր առին յերուսաղէմէ մի մեկնել , ելին 'ի վերնատունն՝ ուր վանքն իսկ էին » : Ուրեմն յայտ է զի յէ՛մ ագանէին յետ յարութեն . այլ զի ոչ համարձակէին շրջել , ելին 'ի վերնատունն , զի մի ըմբռնեացին : Բայց զի մի ընդդէմ միմեանց թուիցին աստ ասելն՝ թէ ելին 'ի վերնատունն , և յաւետարանին՝ թէ էին հանապազ 'ի տաճարին , իմանալ պիտոյ է , զի զհանապազօրդ աղօթմն 'ի տաճարին կատարելով , 'ի ժամ հանգստեան կամ կերակրոյ 'ի վերնատունն ելանէին :

Ըյլ ասիցէ օր , թէ և 'ի տաճարին զիմրդ ոչ կասկածէին 'ի դաժան Հրէից անտի : Ասեմ , թէ զի դեռ ևս ընդ Հրեայսն ինչ ոչ վիճէին կամ զՔրիստոս քարոզէին . այլ մտեալ լսիկ միայն զաղօթմն կատարէին :

«Պետրոս իսկ և Յակոբոս, Յովհաննէս և Անդրէաս, Փիլիպպոս և Թովմաս, Բարդողոմէոս և Մատթէոս, Յակոբոս Ալփիեայ և Շմաւոն նախանձայոյզ և Յուդա յակոբեան :

Արդ զՇմաւոն նախանձայոյզս Մատթէոս և Մարկոս Սիմոն կանանացի ասեն . թերևս երբայեցերէն բառիւ նախանձայոյզ ասի . և ստուգի 'ի բազմաց , զի որդի է սա Յովսէփայ անճաճորն և եղբայր ան : Եւս և Յուդայ յակոբեանս եղբայր սորին Սիմոնի և որդի Յովսէփայ, որ և սա եղբայր ան : Սախնքն գրեաց թուղթ ընկաթողիկեայ, որ յիւր անուն կոչի Թուղթ Յուդայի . յորում 'ի սկզբանն խոնարհուածք փոխանակ եղբայր ան զինքն ասելոյ, եղբայր Յակոբայ գրէ : Եւ յայտ է ահա , զի սա ինքն է նա, զոր Մատթէոս և Մարկոս Ղերէոս և Թադէոս անուանեն . և ոչ թէ զայլ որնորք և զայլ որ Ղուկասն շանակեն , այլ զմի և զնոյն անձն այլ և այլ անուամբ կոչեն . և չէ զարմանք , զի յերբայեցիսն յաճախ գոյր երկանուն և բազմանուն , ուստի և տարաձայնութիւն աւետարանչացն 'ի Թադէոս և 'ի Յուդա յակոբեան անուամբ միայն է և ոչ անձամբ . զի յառաջնոց ընտրելոցն 'ի Քրիստոսէ ոչ որ կորեալ բաց 'ի Յուդայէ մատնչէ : Ստոյգ է ապա և միւս Թադէոսն որ առ Աբգարու ² յեթթանասնիցն գող, զոր վկայեն և գերեզմանք նոցա . զի Թադէոս որ յեթթանասնիցն՝ կատարեցաւ 'ի Հայոս 'ի գաւառն Արտաղու . իսկ Յուդա յակոբեան՝ այն որ ըստ Մատթէոսի և Մարկոսի Թադէոս յերկոտասանիցն՝ կատարեցաւ 'ի յԱրմի Հայոց : Այսպէս ստուգի Համաձայնութիւն աւետարանչացն յանուանրս առաքելոցն :

ՈՍԿ . Օ որ և Ղուկաս որպէս յաւետարանին՝ բարիոր յիշէ և աստ զաշակերտսն Քրիստոսի . զի ոմն մատնեաց և միւսն ուրացաւ և այլք թերահաւատեցին , ցուցանէ աստ թէ բաց 'ի միոյն ամենեքեան ողջ են : Այլ տես զի և 'ի կարգս դասու անուանց նոցա

¹ Այսպէս խօսելն երբեմն հին հարք , բայց յետոյ ստոյգ տեսութեամբ ցուցաւ , զի եղբարք տեսուն կոչին որդիք Կղէոփայ եղբոր սրբոյն Յովսէփայ . զորմէ տեսի և 'ի վարս սրբոց . հաստ . Է . էջ 364 :

² Միւսն առ Աբգար լագա . . . ստուգի նամանակսն ինն :

խրատէ զմեզ Հոգին 'ի սէր միաբանութեւ . և սմին վասն երկու երկու լծակցէ զնոսա շաղկապաւն . որդոն , Պետրոս և Յակոբոս : Եւ զի մի վերջին մետասանեւ ըորդն Յուդա յակորեանն անընկեր մնասցէ , խառնէ զնա ընդ երկուսն ևս , լաւ գիտելով զերկուսն և անխզելի զերիսն . զոր և հետագայս զայսոսիկ հաստատէ :

ՈՍԿ . « Սորա ամենքին , ասէ , հանապազորդեալք միաբան յաղօթս » : Տես զնոսա արնեալս հանապաղ յերկոսին՝ յաղօթս և 'ի ժուժկալութիւն իբր միով հոգեով . զի հանապազորդէն զժուժկալէն ցուցանէ . իսկ աղօթքն մեծ զէնէ ընդդէմ փորձութեանց : Սորօք այժմ վառին իբր նախկին խրատեալք չմտանէլ 'ի փորձութիւն . նա զի և երկիրն Հրէից ածէր զնոսա յայսոսիկ : « Հանդերձ կանամք » ասէ : Յայտէ թէ որք շրջէին ընդ Յիսուսի և պաշտէին զնա : « Եւ Մարեմաւ մարբն Յիսուսի և եղբարք նորա » : Մայրն Յիսուսի առ խաչին սիրեցելոյ աշակերտին յանձնեցաւ 'ի Յիսուսէ . զոր և առ իւր իսկ առ աշակերտն : Եւ յլ աստ 'ի միասին ժողովէ զմայրն Յիսուսի և զեղբարն ևս 'ի սպասել Հոգւոյն , զի և եղբարքն երբեմն էին թերահաւատեալք , զի այժմ ցուցցէ զնոսա հաւատացեալս . իսկ զՅովսէփ ոչ այժմ յիշէ : զի վախճանեալ էր . զի որպէս թերահաւատ մնայր , որ նախ քան զամենեսեան ծանեաւ զնա :

« Հաւուրն յայսոսիկ յարուցեալ Պետրոս 'ի մեջ եղբարցն՝ ասէ » : Վայելչապէս . Պետրոս իբրև զնա խապատուեալ 'ի Քրիստոսէ միշտ նախ սկսանի զբանն . և այժմ իբրև զքերմ սիրող Քրիստոսի , յորմէ և զհօտն իսկ յանձնեցաւ հովուել , զառաջակայիցն հոգայ : Վասն զի զնա իսկ ասաց տէր . « Իու երբեմն դարձցիս և հաստատեցես զեղբարս քո » : Եւ ոչ որ այժմ յայլոցն նախանձի ընդ սա որպէս երբեմն , այլ այժմ համամիտք են . զի շինաց և ոչ մի ինչ առ նոսա կենցաղական : « Եւ էր անդ բազմութիւն անուանց իբրև հարիւր և քսանից » : Յայտէ զի եօթանասունքն և այլք ոմանք յաշակերտացն , յորոց և Յովսէփ և Մատթթիաս , այլ և 'ի կանանց ևս յուրք :

«Աբբ եղբարք, ասէ, պարտ էր կատարել զբոյն» : Այնքապէս եղբարս ասէ . զի թէ տէրն եղբարս կոչեաց զնոսա, «Ասացէք, ասէ, եղբարց իմոց», յոյժ մանաւանդ սա զմիաբանեալն հրեշտակական կարգաւորութեամբ . ուր ոչ արու և ոչ էգ, այլ ամենեքեան գօտեպնդեալք ՚ի ժուժկալութիւն : Այսպէս և այժմ կամի Քրիստոս լինել զեկեղեցիս . զի ոչ ոք անդ յաղագս տան կամ գոյից զբաղէր : Այսչափ բարի են նեղութիւնք և փորձութիւնք, զի այն իսկ զնոսա ընտիրս գործէր, և սիրով ընդ միմիանս կապէր հարազատութեամբ¹ . առ որս ասէ թէ «Պարտ էր կատարել զբոյն զոր յառաջ ասաց Հոգին սուրբ բերանոջն Դաւթի վասն Յուդայի» : Միտիթարէ զնոսա կանխասացութեամբ Հոգւոյն վասն անկմանն Յուդայի՝ որ ոչ փոքր տարակուսանս եթողբազմաց, և այժմ ևս, թող թէ յայնժամ : Սմին վասն որպէս Քրիստոս առնէր ՚ի գրոց պատմելով, նմանապէս և սա . զի ցուցցէ թէ չեղև ինչնոր, այլ զի գիւրն լցցէ, զոր ոչ Դաւիթ՝ այլ Հոգին սուրբ ասաց բերանով Դաւթիւն և ՚ի ձեռն Դաւթի ասելն ոչ փոքր միտիթարութիւն բերէր լսողացն : «Վասն Յուդայի, ասէ, որ եղև առաջնորդ ունելեացն Յիսուսի» . այսինքն տարող դահճացն ՚ի պարտեղ անդր, ուր կալան զՅիսուս : Բայց զգոյշ լեր վասն կանխասացութեւն Հոգւոյն . զի ոչ թէ զի ասաց Հոգին՝ արար Յուդա զայս, այլ զի ծածկելով ոչ ծածկեցաւ ՚ի Հոգւոյն զոր հանդերձեալ էր առնել Յուդա :

ՈՍԿ . Բայց դու տես զՏեղութիւն սորա . զի ոչ անարդեւելով ձաղեաց, և ոչ ասաց՝ պղծոյն և անամօթ լըբին . այլ պարզ² լոկաբար զբուցատրէ զեղեալն . «Վասն Յուդայի» ասէ : Եւ ոչ ասէ՝ որ մատնեացն, այլ յայլս ճեպի փոխել զամբաստանութիւնն . «Առաջնորդ եղև ունելեացն Յոսի» ասէ . սակայն վճարեալն ՚ի նմանէ չարութիւնն ուժգնապէս շուրջ զնովաւ զնէ զվնասն առաջնորդ եղելոյն ըմբռնողացն զՅիսուս : Եւ ոչ յիշէ զոր կանխաւ ասաց Քրիստոս բազում անգամ զնմանէ, և ոչ զայն թէ յորում վայ-

1 Միւսն կտրազտութիւն :

2 Միւսն լոկ պարզութիւն :

րի ասաց Գաւիթ վասն մատնելոյն զնա Յուդայի .
 իբր այն՝ թէ « Բերան մեղաւորի բացաւ 'ի վերայ
 իմ » . այլ լոկ զՏատուցումն պատուհասին յիշէ 'ի
 մխիթարութիւն լողացն . այսինքն զի եղելովք պատ-
 ժօքն Յուդայի և զառաջիկայն հարկաւոր լինելոյ
 ցուցցէ . յայտ է զլրումն երկոտասան թուոյն , առ
 որ փութայ առնել զբանն :

ԵՓԲ . « Օ 'ի 'ի թիւս մեր էր , ասէ , ընդ մեզ » . ո՞վ .
 յայտ է զի Յուդաւ Եցոյց զտեառն մարդասիրութիւն՝
 որ ընտրեաց զնա , իբրու զիտէր զնա : « Ի թիւս մեր
 էր , ասէ , և հասեալ էր նմա վիճակ պաշտամանս այ-
 սորիկ » : Վիճակ կոչէ զառաքելութիւնն , ցուցանե-
 լով թէ յոյ շնորհացն ունին զամենայն : Արպէս
 զգլետացիսն յայնժամ՝ իւր ինքեան բաժին ընտրեաց
 անձ , և ոչ ետնոցա վիճակ ընդ ցեղսն Իսրայէլի :

ՈՍԿ . Եւ յամէ Պետրոս 'ի բանս որ վասն մատնել-
 լին . զի վարձն իսկ մատնութեանն եղև քարոզ պա-
 տուհասին : Զի թէպէտ առ կացոյց զնա տէր մեր
 քսակակալ , այլ նա ժլատութեամբ զողութեան
 իւրոյ ոչ յապեցաւ . այլ « Ստացաւ գեօղ 'ի վարձուց
 անիրաւութեան » : Եւ ահա նա ոչ ստացաւ զգեօղն .
 այլ և զարծաթն և ս զանիրաւ՝ զոր առ ընկէց առ քա-
 հանայսն , և նոքա զնեցին զգեօղն : Այլ յիրաւի նա-
 րա կոչի ադարակն . զի որոյ գինքն էին , նա իսկ իցէ
 տէր մեծի աւերակին : Ասէ ապա և զգատաստանն
 զոր կրեաց : « Առուցեալ հերձաւ , ասէ , ընդ մէջ
 և հեղաւ ամենայն փոր նորա » : Բարեոք ոչ զվնասն ,
 այլ զպատուհասն ճառէ 'ի մխիթարութիւն զար-
 հուրելոցն 'ի շրէիցն : Այլ զի անկաւ 'ի վերայ եր-
 կրի և հերձաւ և վայթեցաւ փոր նորա , նման է այս
 պէս . զի զգրունսն փակեաց ընդդէմ՝ իւր նախ քան
 զիտեղբէն զանձն , և կաց մնաց 'ի կախաղանի անդ
 զուրբաթն և զշաբաթն . իբրև ուռեաւ և ծանրա-
 ցաւ , հատաւ չուանն զորմէ կայր . անկաւ հերձաւ
 և վայթեցաւ : Բայց հոտ նեխոյ քարդին և փորո-
 տուոյն ժողովէր զորդիսն երուսաղէմի երթալ տեսա-
 նել զծանականս նորա և զնշանն սոսկալի՝ որ եղև
 նմա կարապետ զէհենի հրոյն :

« Եւ այս յայտնի եղև , ասէ , ամենեցուն՝ որ բնաւ

կեալ են յԵրուսաղէմ. մինչև կոչել գեղջն այնմիկ բարբառովն իւրեանց ակեղդամա. այսինքն է գեօղարեան : Արդ շրեայքն կոչեցին գեղջն զանունս զայս . ոչ զի զանիրաւ գործն յայտնեսցեն զոր արարին ինքեանք , այլ վասն զՅուդաս Տրասպարակելոյ : Այլ Պետրոս 'ի նոսա դարձուցանէ զանիրաւ գործն , որոյ և ինքեանք թշնամիքն վկայեն 'ի ձեռն անուան գեղջն . զի ասելն թէ իւրեանց բարբառն՝ զայս իսկ յայտ առնէ :

Եւ դու տես , զի Աստուծոյ տնօրէնութիւն էր յայտնել զանիրաւութիւն զմատնչին և զխաչողացն . զի իբրև զայս անիրաւութիւն ոչ ուրեք երբէք եղև . սմին վասն ոչ առժամայն պատահելոցն միայն եղև յայտնի , այլ և ամենեցուն յետոյ . զի թէպէտ ինքեանք ծածկել զիրան փութային , հռչակեցին յաւէտ զձաղանսն . որպէս Վայիափա յակամայ մարգարէացաւ : Ուրեմն Աստուած հարկեաց զնոսա երայեցեբէն կոչել գեղջն ակեղդամա՝ որ է գեօղարեան . զի զհանդերձեալ չարիսն յայտնէր՝ որ հասանելոց էր շրէիցն , զի ուռպելոց էր Երուսաղէմ արեամբ խաչողացն :

Յուցանէ և զկանխասացութիւնն Քրիստոսի մասամբ վճարեալ առ մատնիչն՝ թէ « Վայ մարդոյն այնմիկ . լաւ էր թէ չէր ծնեալ » : Զոր ասելի էր առ շրեայսն՝ թէ ով դուք , եղուկ էք դուք . զի թէ առաջ նորդն ձեր Յուդա զայս կրեաց , յոյժ առաւել դուք : Բայց ոչ ասաց ինչ յայսպիսեաց . այլ տեսեալ թէ զոր գնեցին 'ի գերեզմանս օտարաց , 'ի ճահ կոչի տեղին ակեղդամա յետելիցն 'ի գլուխ , այսինքն աւերմամբն զոր կրեաց Երուսաղէմ 'ի տիտոսեանցն . վասն որոյ գնելով ապա զպատշաճ վճիռն ազարակին՝ ածէ 'ի մէջ զմարգարէն : « Գրեալ է , ասէ , 'ի գիրս սաղմոսաց . այս է յորհնութիւնս Գաւթի . եղիցի բնակութիւն նորա աւերակ , և 'ի յարկս նորա ոչ որք բնակեցէ » : Զայս ասաց վասն քաղաքին և տանն : Վայել չապէս . զի զինչ աւերակագոյն քան զգերեզման . այլ աւերումն տանն յոր խեղդեցաւ մատնիչն , նախաքարող էր շրէից վերջնոյ աւերածին : Զի վեսպիանեանքն և տիտոսեանք զնոսա սրով և սովով մաշեալք՝

լինելը քաղաքն ըստ Հրէից վճռին դերեզման օտարաց, այսինքն պաշարողացն զինուորաց. զի գնոսս ոչ թողուին զնել 'ի շիրիմս, այլ անթաղ տային ընկենուլ. վկայէ քեզ Յովսէպոս առ այս: Ապա զի մեծ իմն թուէր որ առաջին կայր, այսինքն ընուլ թուոյն, վկայութեամբ կնքէ. « Զկարգ նորա առցէ այլ ոմն » . յայտ է թէ զիշխանութի առաքելութեանն և զխոստացեալ տեղի արքայութեանն:

Իբրև ասաց զմարգարէին, ապա և զիւրն և ս զնէ. « Արդ պարտ է արանցս եկելոցս ընդ մեզ յամժամանակս »: Եւ զի այնպէս մեծ էր հարկն, զի և մարգարէն վկայէր ընդ երկոտասան թուոյն, ընդէր ապա զՔրիստոս ոչ ազաչեաց կարգել զոք 'ի տեղին Յուդայի: Առեմ: նախ զի այժմ Պետրոս լաւագոյն ոմն երևի գոլ քան յայնժամ, զի յայնժամ՝ առ այլ ինչ պարապէր. երկրորդ զի դեռ և ս ընդ նոսա իսկ էր Քրիստոս Գարձեալ զի և այս մեծ իմն նշանակ էր 'ի մխլութարութիւն նոցա. զի որպէս յայնժամ մօտ գոլով ընտրէր Քրիստոս, և այժմ 'ի հեռուստ: « Պարտ է, ասէ, յարանցս եկելոց ընդ մեզ վկայ լինել յարութեան նորա »: Տես զիննամոտ և զանփառասէր միտս նորա. զի վարդապետ 'ի Քրիստոսէ կարգեալ այլովքն, ոչ ասաց թէ մեօք շատասջիք. այլ հաւասարապատիւսիրով և աննախանձ ըստ Մովսէսի 'ի լրումն թերի թուոյն փութայր. և զի ճահ էր այս առաքինութեան նորա՝ յայտ է: Այլ զի յայնժամ ոչ պատիւ էր ասալիւ ճանն, այլ սպասաւորութիւն էր մեծին առ փոքունսրն, սմին վասն ասելով թէ պարտ է վկայ լինել միում ումեք, ոչ տայ թոյլ ընտրելոյն հպարտանալ իբր 'ի նեղութի կոչեցեալ, և ոչ այլոցն տրտմել: Այլ աւաղ զի այժմ ոչ այսպէս, այլ հակառակն սորին լինի:

Տես դարձեալ զառաքելոյն Պետրոսի և առ ժողովն զխաղաղականութիւն. զի ոչ իշխանաբար ընտրէր զայրն, այլ 'ի կցորդութիւն ընտրութեան առնն զբազմութիւն առնոյր. և զայն վասն յովով շահից: Նախ զի ինքեան և եթ ընտրել ոչ էր պարտ, զի մի թու իցի նորհ ընտրելոյն առնել: Երկրորդ զի մի առանց

1 Միւսն այնքան այլ է և և պարտ է:

Հոգւոյն մասին թուիցին իրքն: Երբորդ զի մի մարտ վիճսան 'ի ներքս 'ի նոսա մտցէ և այժմ՝ որպէս յառաջն, ուստի յոլով չարիք յիշխանասիրութենէ լինին, յորմէ փախել արժան է փութով: Չորբորդ զի զայն սր ընտրելոցն էր, պատկառելի ցուցցէ. և զի յոյտ արար թէ ընտրել պարտ է 'ի հարիւր և 'ի քսանիցն զմի ոք, և զայն հասարակաց կամօք. յայտնէ և զայն թէ յորոց պարտ է ընտրել:

«Յարանցս յայսցանէ եկելոցս ընդ մեզ յամենայն ժամանակս՝ յորս մուտ և ել առ մեզ տէր Յիսուս» : Յայտ է ասա, զի ոչ երկոտասանքն և եթ, այլ և բազումք հետևէին նոցա 'ի սկզբանէ անտի մկրտելոցն տեառն 'ի Յովհաննէ. որպէս այն որ լուան 'ի Յովհաննէ վասն Յիսուսի և զնաց ընդ Անդրէի զհետ Յիսուսի : «Ի սոցունց, ասէ, յընդ մեզ շրջելոցս» : Ոչ ասաց 'ի հեզոց և 'ի խոնարհաց, զի մի թուեսցի զայլն անարգել. այլ ժամանակաւն տայ զվճիռն. ոչ 'ի բաց արձակ ասէ եկելոցս, և ոչ 'ի բաց առնու ինչ 'ի ժամանակէն, այլ լիով յամենայն ժամանակս, ասէ, շրջելոցս ընդ մեզ: Տեսանե՞ս զսաստիկ փոյթ Ճմարտասիրութեանն. զի թէպէտ Հոգին կատարելոց էր զնոսա, ոչ այնու և եթ, այլ և ահանատես կամի գոլ ըզվկայն իրացն գործելոց: «Հանապազ, ասէ, յորս մուտ և ել առ մեզ տէր Յիսուս» : Յուցանէ և զինքեանս բնակակիցս՝ նորա լինել, և ոչ լոկ իբր միայն աշակերտք մօտ պատահեալք :

Եւ թէ երբ մուտ տէր Յիսուս, «Սկսեալ 'ի մկրտութենէն» և յառաջ. և երբ ել, «Յօրն յորում վերացան 'ի մէնջ, վկայ յարութեան նորա լինել միում 'ի սոցանէ» : Եւ ոչ այլոցն ասէ լինել, այլ յարութեն և եթ վկայ. զի ոչ էր պարտ միայն նշանաց այնմ ժամանակին, որ նախ էր յարութեանն և որ յետոյ՝ լինել վկայ, այլ առաւել յարութեանն՝ որ չքնաղ էր քան զնաւան և դժուարին առ հաւատալ Տինազի այլքն յայտնիք էին, և յարութին գաղտնի և սոցա միայն յայտնի : Սմին վասն հաւատարմագունի առն պէտք էր որ կարէր ասել թէ նա որ

եկեր և արբ և խաչեցաւ, նա յարեաւ . զի ոչ ասէին թէ հրեշտակք ասացին մեզ, այլ թէ մեք տեսաք : Եւ ուստի գիտասցուք . ՚ի սքանչելեացն զոր զործեմք յանուն նորա :

« Եւ կացուցին երկուս . զՅովսէփ որում Բարսաբայն կոչէին՝ որ անուանեցաւն Յուստոս, և զՄատաթիաս » : Ոչ ինքն Պետրոս զոտս կացոյց, այլ ըստ նոցա միաբան կամացն . միայն սլատմեաց թէ ոչ յիւրմէ, այլ ՚ի վերուստ մարգարէութեան էր իրքն : Եւ ոչ կացուցին բազումս, զի մի մեծագոյն լիցի տրտամութիւնն . այլ և ոչ մի, զի վիճակաւ էր ընտրութիւնն : Եւ ընդէր մահանուամբ դնէ զՅովսէփն . զի զատուցէ ՚ի համանուանց . զի և յոլովք համանունք էին ՚ի նոսա, որպէս Յակոբոս արիւեանց և Զեբեդեայ, Սիմոնք և Յուդայք . կամ թէ թերանունութք² զառաքինութեան բարուցնունի Բարսաբայն զնշանակ :

« Եւ կացեալ միտքան յաղօթս ասեն . դու տէր սրտագէտ ամենայնի, յայտնեա զմի ոք ՚ի սոցանէ յերկոցունց » : Բարեոք աղօթելով նյտան զընտրութիւն . զի յոլովակի ՚ի մարգկանէ ընտրեալն՝ առ նյ նուազ է : « Դու տէր սրտագէտ, ցոյց զմի ոք » . դու և ոչ մեք : Եւ ՚ի դէպ ժամու սրտագէտ կոչեն զնձ, զի այս իսկ է խարոց ընտրութեան նյ և մարդոյ . զի մարդ հայի յերեսս, և նձ ՚ի սիրտս : Վասն որոյ ցոյց, ասեն, զմի ոք . վստահ էին միումն ՚ի նոցունց անվրէպ լինել : Եւ չասացին թէ ընտրեա, այլ ցոյց զընտրեալն . զի տէին կանխաւ ընտրեալ միում ՚ի նոցանէ : « Առնուլ զվիճակ սաշտամանս այսորիկ և զառաքելութե » : Զի է և այլ ինչ պաշտօն հոգևոր, թէսլէտ և նուազ . այլ աստ զառաքելութե հայցեն առնուլ զաստիճան :

ԵՓՐ . « Յորմէ անկաւ Յուդաս դնալ ՚ի տեղի իւր » : Ոչ յայն որ լուսաւորն է զոր խոստացաւ նմա տէր, այլ ՚ի խաւարին :

ՈՍԿ . Սայելաբար յիշեն զնորա սխալականն, ցուցեալ թէ վկայ հայցեն . ոչ յաճախել խնդրեն զթիւն, այլ զթերին լնուլ : « Իւ ետուն վիճակս նոցա . և ելանէր վիճակն Մատաթեայ » : Եւ ընդէր վիճա-

1 Միւսն համանունց . համանունք :

2 Միւսն Բերանունութք :

կաւ . զի չև էր Հոգի . և զի զանձինս անարժան վարկանէին 'ի ձեռն նշանի յայտնել . և զի առ Յեսուաւ պաշտեցան իբրս այս : Եւ այլ աղոյ . Թէ ուր ոչ ինդըբուածք և ոչ արք արժանաւորք , և վիճակն այնպէս զօրացաւ առ Յովնանու՝ զի յուղիղ մտաց էր , բազում առաւել աստ վիճակ՝ որով ցուցանէր զարժանն և կատարէր դասն :

ԴԻՈՆ . Վրանզի վիճակն ասացեալ անձային իմն պարզ և յայտնէ սրբազանի դասուն այնորիկ յանձայնոյն ընտրու թէ ցուցեալ . ուստի և զառ 'ի յանձայնոյն վիճակէ անձայնաբար յայտնեալն 'ի սրբոց երկոտասանից առաքելականն թիւ ընկալան . զի թուեցաւ ասել ընդ մետասան առաքեալն՝ երկոտասան :

ՈՍԿ . Վայլ ընկերն ոչ ցաւագնէր : Եւ ուստի է յայտ . յայնմանէ , զի ոչ թաքուցանեն ուրեք առաքեալքն զիրեանց նուազու թիւնն . և մանաւանդ զի և վասն գլխաւորացն ասեն զայլնն խառնեալս , և ոչ մի անգամ , այլ բազում . և վասն այնր մեղադրեալս 'ի Քրիստոսէ , Հէ թանոսական ասելով զփառասիրութիւն :

ԲԱՄՈՅԱԿԱՆ

Ինդ որս և մեղ արժան է փախել 'ի պատուասիրութեանց՝ Հայելով զճանրութի գործոյն , զոր պարտի ուղղել եպիսկոպոսն , և զճշգապահանջ համարն 'ի մեծ ատենին Քրիստոսի . ըստ որում սպառնայ Եզեկիէլիւ տարամիտ հովուաց : Այլ վասն այնորիկ փութալի եղև բազմաց եպիսկոպոսութիւն , զի 'ի հանգիստ և 'ի փառս անձանց դիմեն և ոչ 'ի պաշտօն և 'ի սպասաւորութի բազմաց : Զի եթէ գմտաւ ածէր թէ վերակացու պարտ է լինել և զամենեցուն պատասխանատուութիւն ստանձնել , և թէ գժնդակս պահանջելոց է պղերգանալով , իբրու զի ռամիկն ներելի է մեղուցեալ , այլ նա ոչ ևս , ոչ արդեօք փութացեալ լինէր յայտ ինչ :

Ճ Ա Ռ Ղ Ո Ր Ր Ո Ր Դ

«**Ե**րբ ի կատարել աւուրցն պենտէկոստէից էին ամենեքեան միաբան ՚ի միասին » : Պենտէկոստէն ըստ Յունաց յիսներեակ ասի . և էր սա ՚ի մեծ և ՚ի նշանաւոր տօնիցն Հրէից . յետ եօթն եօթներորդաց աւուրց զինի զատկին ՚ի յիսներորդն կարգեալ ¹ , և նոյն ինքն սկիզբն հնձոց . յորում աւուր և տուչութիւն օրինացն ՚ի Սինա : Նա և ամն իսկ յիսներորդ յայնժամ էր առ իտրայէլ պատուեալ թողութիւն պարտոց , և անդրէն դարձութեամբ հայրենեաց :

ՄԱՄԲ . Մտանօր առ միմեանս հաւաքեալ յիսներեակքս , որ ըստ ամացն և ըստ աւուրց . զի մեծատցին յաւէտ առ մեզ չնորհքն անձային , ընդ դրոյն Հոգին և ընդ հայրենեացն այսրէն դառնալոյ ՚ի մեզ զրախտն :

ՈՍԿ . Եւ ոչ սորիմք միայն հաղորդի օրինակն ընդ ճշմարտութեա , այլ և այնու՝ զի յորժամ սկիզբն էր հնձոց զի մանկազն արկցի յոճն և հաւաքեսցի պտուղն , յայնժամ փոխանակ մանկազոյ Հոգին սուրբ սրեալ զլէզուս զառաքելոցն , որովք թեւակոխեալ զբանաւոր իրձունսն հաւաքէր , զայնս՝ զորմէ և Քրիստոս ասէր՝ թէ « Հունձք բազում են և արտորայք սպիտակացեալք » . յորում ինքն իսկ Քրիստոս էարկ նախ քան զմանկազ բանին , և զառաջին պտուղ հաւատոցն ժողովեաց . որոց հնձոց սերմն էր քարոզութիւն բանին իւրոյ : Արդ « Յելս պենտէկոստէին էին , ասէ , ամենեքեան միաբան ՚ի միասին » . ըստ պատուիրելոյ տն մի ելանել յերուսաղէմէ : Եւ յորում աւուր տօնն մեծ

¹ Մին յերկուց օրինակացն խառնեալ էր ՚ի կարգին զհատուածս զայս ծանօթարար : Զգործաւ իր քեզոյս . զպենտէկոստէ ՚ի բանն թիւիւն Յունսն սկիզբն ասէ նոյն . այլ զառաջինսն զպարթիւն ասէ սկիզբն նոյն . զի ՚ի զարթիւն զայն որ նախէիւն ՚ի սե-

զանն , և ըստ այնմ պենտէկոստէ իտարաւն էրնի նոյն . ըստ բնա որպէս իտարս : Նա և ասէ յիսներեակ էր յորում իտաւոցս քեզն և ել զոգին . անյայտ է . զայս յեւոյ քեզեկոցս ՚ի Փիլոսէ և ՚ի քրտէիլոսէն , և քարտիտաւոցս :

էր ըստ օրինացն, որոյ հարկի սակս յերուսաղէմ ժողովեալ լինել պարտ էր պատահելոցն անդ յաւուր խաչին Քթի. զի տեսողքն անարգանաց նորա տեսցեն 'ի փառսնորա և զայս. զօրս. « Զի եղև յանկարծակի հնչումն յերկնից եկեալ իբրև սաստիկ հողմոյ » :

ԵՓԲ. Չայն սաստիկ հողմոյ եղև 'ի տան անդ ուր ժողովեալ էին աշակերտքն Յիսուսի, և հոտ անոյշ բուրբեր 'ի սաստիութէ հողմոյն և զտունն ամ ընոյր :

ՈՍԿ. Եւ ընդէր ոչ առանց զգալի օրինակի լինէր գալուստ Հոգւոյն: Ասեմ թէ վասն Հրէիցն. զի թէ յետ այսքան հաստատութեանս քաղցուալիցս զնոսա զրաբանէին, թէ ոչ այսպէս լինէր՝ զի՞նչ ոչ յանդ ըզնէին ասել: Եւ ոչ բաց արձակ էր հնչումն, այլ յերկնից. ուր տէրն չոգաւ, անտի դիմեալ գայ և Հոգին, զի ամ է. որ ոչ 'ի կողմանէ, այլ 'ի վերուստ երևի, որոտալով յերկնից և 'ի բարձանց տալով զձայն զօրութե իւրոյ. « Եկեալ իբրև զհողմն սաստիկ »: Եկեալ ասէ, ինքնիշխանաբար, զամօթիւն Հոգւոյն յայտնելով: Իսկ այն՝ թէ իբրև զհողմն սաստիկ, վայելչապէս. փշրել իբրև զՅովնանու՝ 'ի Թարչիչ գնաւն փախչողայն յայ, և ցուցանել թէ ոչ ինչ կարէ յաղթել ընդունողացն զնա. այլ իբրև փոշի 'ի հողմոյ հակառակորդքն նոցին ցնդեցին:

ՆԻԻՍ. ԵՓԲ. « Եւ ելից զամենայն տունն յորում նըստէին »: Եւ զհարգհողմն ընոյր զտունն: Յայտ է՝ անոյշ հոտով և պայծառ լուսով:

ՈՍԿ. Եւ յոյժ բազում էր հեղումն Հոգւոյն, զի պատահեալքն մօտ հաւատասցեն և արժանացին նմա. զի իբրև զաւազան ինչ ջրոյ ելից զտունն՝ մկրտելով զորս 'ի ներքս էին: Նա զի և աշխարհի էր օրինակ տունն զոր ելից Հոգին իբրև զջուրս բազումս: Այլ զի և օրինադրեցէ մարմնոյս տան մաքրիլ, նախ բարձրագոյն վարուք, խորհրդով վերնատանն զարգարեցելում՝ յորում եկն ամ, և ապա Հոգւոյն ընուլ զհոգիս: Ընդ սոսին նկարէ և զգատիւ եկեղեցոյ, յորոյ 'ի ջուրս աւազանին նախ իջմամբ Հոգին ծնանի զմկրտեալսն շնորհօք իւրովք որդիս այ, որով ազաղակեմք Հայր մեր՝ որ յերկինս: Դնէ՛ ապա և զահազին օրինակն:

ԵՒԻՍ. «Արևեցան նոցա, ասէ, լեզուք՝ զի բաժանէին իբրև զհուր» : Ի միտ առ զկարգ եղելոցն : Նախ ՚ի լսելիս նոցա Հոգին սուրբ հնչեաց ձայն ասեղ որոտման իբրև զհողմ սասաիկ շնչեալ. և ապա աչաց նոցա եղև տեսեալ Հոգին ՚ի ձև հրեղէն լեզուաց տպաւորեալ :

ԵՆԶ. Աչ վասն էր ՚ի ձև լեզուաց : Զի առ բանն ընտիր և անսայթաք սրեցէ զլեզուս նոցա : Իսկ զի բաժանեալ երևէին լեզուքն իբրև զոստս ծառոյ, զի ՚ի միոյ արմատոյ էին ՚ի Հոգւոյն սրբոյ, որ բաժանէ և տայ շնորհս յորժամ և որչափ և որպէս կամի : Իսկ զի իբրև զհուր, բարւոք զիբրևն դնէ առ հողմնօն և առ հրովս, զի մի զՀոգին զգալի հողմ կամ հուր լոկ կարծիցես : Սմին վասն և ՚ի զանազան կերպս երևի. զի ոչ հողմ և հաս և լոյս և եթ, այլ և լեզուս երևեալս տեսանէին. և այնք իբրև զհուր, զի բազում գէմս ակնարկեցէ հրովս :

Աչ նախ թէ ընդէր աստ ՚ի տեսակ հրոյ և ՚ի Յորդանան ՚ի կերպարանս աղաւնոյ երևէր Հոգին, ասեմ. զի անդ զհեզու թին Գրիստոսի և զիւրն ևս յայտ առնիցէ. զի ուր զմեզս թողուլ պէտք և ժամանակ է, հեզու թիւն յառաջեցէ : Իսկ աստ հուր, զի յետ ընդունելոյ ումեք զպարգևս, ապա և դատաստանք պահեալ կան, և հուր երկայն և տաժանելի տանջող զոչ հաւանեալսն. ըստ որում ասաց Յովհաննէս զՔսէնա մկրտեցէ զձեզ նախ Հոգւով սրբով աստ՝ և ապա հրով անդ : Երկրորդ զի որպէս հողմն ուժ գնու թեան է ցոյցք, այսպէս և հուրն առատու թեան. զի ծանիցուք զՃոխու թիւն ընդունողաց այսր հրոյ, զառաքելոցն ասեմ. զի որպէս ՚ի հրոյ ճրագս որչափ կամիս վառեալ լինի, այսպէս աղբիւր Հոգւոյն առնոյր իւրաքանչիւր որ ՚ի նոցունց. որպէս Գրիստոս աղբիւր ջրոյ կենաց ունէր : Իսկ առ մարգարէսն ոչ այսպէս առատ. այլ Եղեկիել մատեան գրոյ յուտել առնոյր, և երեմիաս ձեռն Աստուծոյ ձգեալ. Եղիսէոս մորթով առնոյր զշնորհս և Գաւիթ իւղով. զի դեռ ևս օրինակաց կարօտէին նոքա : Այլ աստ Հոգին ինքն բնակցաբար ՚ի նոսա լինի. ըստ որում ասաց Գրիստոս թէ ՚ի ձեզ բնակեցէ : Եւ թէ պէտ Մովսէսի հրով երևիւր

Աստուած, այլ ոչ և աստ 'ի մորենուջն բոց վառի . այլ ինքն իսկ 'ի նոսա հուր նստի : Երրորդ զի և ձուլեացէ զնոսա և մաքրեացէ որպէս զսակի : Չորրորդ և զի թրծեալ և հրազինեալ զնոսա իբրև զանօթս կաւեղէնս՝ ամուրս և անբեկանելիս սերտեալ պնդեացէ : Հինգերորդ և զի ջեռուցէ նոքօք զսառուցեալսն եռալ 'ի բարիս հոգւով : Վեցերորդ և զի ծախեացէ նոքօք զչարիս յաշխարհէ որպէս շանթ հրոյ զեղէգն : Եւ վայելչապէս առատանայր յանձինս առաքելոցն . զի սոքա ոչ իբրև զմարդարէսն առ մի աղգ, և այն առ իւրեանցսն առաքեալ լինէին, այլ մանաւանդ առ հանուրս և անծանօթս . ոչ մըցել ընդ Փարաւոն կամ սպառնալ Յեզարէլի, այլ ընդ դաժան և չար դիւին տալ պատերազմ : Սակս որոյ և յառաքիլն ոչ մանուկ կամ ծանրախօս զինքեանս գոլ փաստաբանէին, այլ իսկոյն պատրաստաբար ընթանային : Բայց թէ ընդէր ոչ հրով ընոյր հոգին զտունն, զի ոչ եկն զարհուրեցուցանել որպէս զժոյլս և զարբեցեալս . այլ միտիթարել իբրև զգաստս և հակեցողս :

ԵՓԲ . « Եւ նստաւ իւրաքանչիւր 'ի վերայ նոցա » . այսինքն լեզուքն երևեալք նստան 'ի վերայ միոյ միոյ 'ի նոցանէ : Յայտ է զի իւրաքանչիւրքն նստան յանցնիւրսն, բոլորեքեան մասունքն առ մի մի 'ի նոսա վերանստեալ . սակս որոյ և վասն նոյնութեան բնութեանն զբոլոր մասունսն 'ի մի ժողովելով եզականապէս ասէ՝ թէ նստաւ յիւրաքանչիւրսն :

ՈՍԿ . Իսկ նստելն զարքունական պատիւն և զմիշտ 'ի նոսա լինելն յայտնէ զհոգւոյն . զի նստելն հաստատուն գոլոյ է նշանակ և կալոյ և մնալոյ : Ի վերայ երկոտասանիցն միայն նստաւ արդեօք . ոչ . այլ 'ի վերայ հարիւր և քսանիցն . զի եթէ 'ի նոսա և եթ նըստիւր, ոչ ամէր Պետրոս վկայ 'ի մէջ զմարգարէն՝ թէ « Ասաց ան . հեղից յՈգւոյ իմոյ 'ի վերայ ամ մարմնոյ » : « Եւ լցան ամենեքեան հոգւով սրբով » : « Եւ և ոչ զայս թերևս ասէր Ղուկաս միահամուռ՝ թէ լցան ամենեքեան, թէ ոչ և այլքն առին զհոգին . այլ որոշէր յատուկ զերկոտասանսն որպէս 'ի վերոյ : Զի թէ ուր լոկ մէրձ էին և այլքն՝ առանձինն յիշեաց զառաքեալսն, որչափ ևս առաւել աստ առնէր

զնոյն : Եւ զի ասէ . « Լցան ամենեքեան Հոգւով սրբ-
բով » . այսէ , ոչ մասնաւոր աւին զշնորհս , այլ բոլոր-
քն բոլորիւ լցեալ եղեն : Եւ տես զի ոչ և ստարակու-
սին առ ընտրելն զեօթանոն որպէս առ Մատաթեաւ :

Եւ տես զի առ ժրացեալն յազօթս և առ
սրբեալն յախտից ժամանէ Հոգին որպէս առ մար-
գարէօն՝ սրբ օտարացան յաշխարհէ . որպէս Մովսէս
յարբունեացն , Գաւիթ յետ յաղթութեն ճեպեալ
'ի հօլուականն , Լեղիսէոս թողեալ զամենայն և յայն-
ժամ առ զՀոգին : Սոյնպէս և սոքա զբոլոր ինչս՝
իւրեանց թողին , և ապա լցան Հոգւով զէր քան ըզ-
մարգարէսն : Զի ասէ մեծն 'ի նոսա Մովսէս նուա-
զէր առնել զձերսն հոգեկիրս . իսկ նոքա տային զՀո-
գին ձեռս դնելով առատութեամբ :

« Եւ սկսան խօսել յայլ և այլ լեզուս , որպէս և
Հոգին տայր բարբառել նոցա » : Յառնուին զՀոգին՝
առաջին զայս ցուցին նշանս , զի յայլ և այլ լե-
զուս խօսելին . ոչ թէ զի մեծ էր այս քան զամենայն
նշանն , այլ զի նոր էր և անծանօթ , զի զարմասցին
լսողքն . նա և առ ժամայն չէին պէտք այլոց նշանի
հաշակելի առնել զեղեալն : Թող զայն զի առաջի
կայր նոցա աշակերտել զազգս և զլեզուս . 'ի սկզբ-
քանս ճոխացան լեզուօք , զի խիզախեալ համարձա-
կեցեն առ բարոզութիւնն : Զի զբաժանեալն յաշ-
տարակէն և 'ի բազմաստուածութիւն ցրուեալն
'ի մի անձպաշտութիւն ժողովեցեն սիրով : Եւ որպէս
անդ մի լեզուն 'ի բազումս եղև բաժանեալ , նոյնպէս
և աստ բազում լեզուքն 'ի մի մի մարդ եղև ժողո-
վեալ . զի մի և նոյն Հոգւոյն դործ էր աստ և անդ :
Սմին վասն խօսելին յայլ և այլ լեզուս , որպէս և Հո-
գին տայր բարբառել նոցա : Զինչ կամի բարբառելն
մեզ նշանակել . եթէ ոչ զայս՝ զի ոչ էր պարտ միայն
յինքեանս 'ի խորհրդով խօսել , այլ յառաջըրական
բանիւ յայտնի 'ի բաց բարբառել :

« Եւ էին բնակեալ յերուսաղէմ՝ Հրեայք արք
երկիւղածք յամենայն ազգաց » : Ուրեմն յերուսա-
ղէմ բնակելն երկիւղի՝ Աստուծոյ էր նշանակ : Այո՞

1 Միւսն զինքեանց զաշխարհիս խօսին :

և կարի իսկ քաջ . զի յայնչափ ազգաց զտոհման և զհայրենիս թողեալ՝ անդ բնակէին . կամ զի էին նոքա հեթանոսք ընդ հրէական կարգօք մտեալք , կամ մանաւանդ շրեայք ՚ի գերութենէն Անտիոքու դարձեալք . և զի պարտ էր նոցա ըստ օրինացն երիցս ՚ի տարւոջ երևել ՚ի տաճարին . զի մի յոյժ նեղասցեն յաճախանդր երթալովն , անդէն իսկ բնակէին յերուսաղէմ :

ԵՓՐ . « Իբրև եղև բարբառս այս , եկն միաբան բազմութիւնն և խոնեցաւ » : Չայնն որ գայր յերկնից , լսելի եղև ամենայն քաղաքացեացն . և հօտն որ ՚ի բռնութենէ անտի հողմոյն բուրեր , զբազումս ժողովեաց աժ անդր . այս է բարբառն որ եղև :

ԱՄԲ . Իսկ կիսոց թուեցաւ զլինելն բարբառոյս ՚ի վերայ այլատարազ խօսից առաքելոցն առնուլ . և երկոքեան իսկ են ՚ի զէպ :

ՈՍԿ . « Իկն միաբան բազմութիւնն և խմբեցաւ » : Զի ՚ի վերնատանն եղև բարբառն՝ ուր էջ Հոգին , յիրաւի արտաբուստ հօտեալ բազմութիւն անդր ժողովէին . զի բազումք ՚ի նոցունց իբրև զերկիւղածս կասկածէին եկեալ հասեալ ՚ի վերայ նոցա զպատուհօտն սպառնացեալ վասն յանդգնութեն որ ՚ի Քս :

ԵՓՐ . Երբին իսկ այսօրիկ զորս շարժեաց բարբառն ահագին և աժ ժողովեաց հօտն անուշութեան , իբրև տեսին զգալիլեացիսն զի խօսէին յամենայն լեզուս՝ զարմացան , ըստ որում ասէ . « Զի լսէին յիւրաքանչիւր լեզուս խօսել նոցա » : Այլ մի ոք կար ծիցէ առաքելոցն ՚ի բարբառն հայրենի խօսել , և լսողացն յիւրաքանչիւր լեզուս լսել :

ՆԱԶ . Օ ՚ի այսպէս իմանալ՝ Պարսիցն և Պարթևացըն դայ սքանչելագործէին , այլ մանաւանդ յայլ և այլ խօսէին լեզուս : Զոր յընթեռնու ըն՝ ստորակիտաւ պարտ է կարել զլսէինն . և ապա երկար առողանութեամբ առնել մեծալերջ՝ զիւրաքանչիւրն , և խառնել սղիւ յընդ լեզուս խօսել նոցա . այսպէս ընթեռնով . զի լսէին , յիւրաքանչիւր լեզուս խօսել նոցա . զի ուղիղ տացէ զիմաստն , որպէս զի իցէ սքանչելագոր-

ծէն ու լսողացն, այլ խօսողացն առաքելոցն : Եւ տես
ահա :

ՈՍԿ . « Սքանչանային , ասէ , ամենեքեան զարմա-
ցեալք » : Յիրաւի , զի նոր և չքնաղ էին սքանչելիքն ,
վաղվաղակի յառաքեալսն հայէին և ասէին ընդ մի-
մեանս . « Ո՞չ ապաքէն սոքա որ խօսինս՝ գալիլեա-
ցիք են , աղքատք և շինականք . և զիսորդ լեմբ յիւ-
րաքանչիւր բարբառս մեր յորս ծնեալ էմք , Պար-
թեքս և Մարքս և իլամացիքս , Հրեայքս և եկքս
կրետացիք և արաբացիք լեմբ խօսել գոցա՛ի մեր լե-
զուս զմեծամեծս Աստուծոյ » : Տես արդ յեւրոցն արե-
ւու մինչև ՚ի մուտս այն ինչ զնոսս հասեալս . զի յամե-
նայն կողմանց աշխարհի անդր ժողովեալ էին . և այս
զօրացուցանէր զառաքեալսն . զի թէ պարթեւերէն
էր բարբառեալն , ինքեանք որ խօսէինս՝ ոչ գիտէին ,
այլ ՚ի նոցունց ՚ի լսողացն ուսանէին : Եւ զի յանուա-
նէ յիշեաց զազգան զթնամիս Հրեից , առ ՚ի ցուցա-
նել թէ ամենեցունց իսկ առաքեալքն յաղթեցեն :

Արդ սոքա կամ յայտոցիկ յիշելոց ազգացս ՚ի գե-
րութէ եկեալ Հրեայք էին այլալեզուք , կամ ան-
գանօր ՚ի հրէաստան ծնեալ հեթանոսք . զի նոր աւան-
դութիս բազումս կալցի վկայս զհրէաստանեայս և
զեկս օտարս : Որք ապշեալք և տարակուսեալք , այլ ոք
առ այլ ասէին . « Զինչ կամիցի այս լինել » : Առ որս
ասելի է թէ զի՞ զարհուրիք : Զի լեմբ , ասեն , խօ-
սել սոցա մերով լեզուովս զմեծամեծս նոյ : Տես զի ոչ
բանս ինչ լոկ խօսէին , այլ սքանչելիս ումանս բար-
բառէին մարգարէանալով կամ իմանալով զվկայօւ-
թիւնս մարգարէիցն զՔիստոսէ . ընդ որ յիրաւի
լսողքն տարակուսէին : Եւ այս զբարեմտութիւնս ու-
ցա յայտնէր . զի զարհուրեալք ընդ եղեալսն՝ ասէ-
ին զինչ կամիցի այս լինել . զի հանդերձելոց իրաց
նախագուշակ զնշանն վարկանէին . այլ թէ բարեոյ
իցէ արդեօք կամ չարի , ոչ գիտելով տարակուսէին :

« Իսկ կիսոցն այսին արարեալ ասէին՝ թէ քաղցուա-
լիցք՝ են : Ով անամօթ չարութեանն . նախ զի չև
էր ժամանակ արբեցութեան , զի սկենտէկոսան էր .

և զի Հրէից և Հեթանոսաց թերևս և խաչողացն խոստովանելով զսքանչելին նորա ծաղր խաղ առնէին : Այլ չեն զարմանք , զի սքա և զտէրն տեսնէին զի հանէր դէս , և դե ունել նմա ասէին . և աստ ընդ այլ կողմն թիւրէին զեղեալն . զի թշնամանասէրն զասէլն և եթ խնդրէ , այլ ոչ զ'ի դէս ինչ ասէլն :

« Յարուցեալ Պետրոս հանդերձ մետասանիւքն ամբարձ զձայն իւր » : Տես զարիութիւն նորա . զի թէպէտ կէսքն զարհուրեալք էին , սակայն սքանչելի էր համարձակին նորա և զձայնն համբառնալ , այր մի ռամիկ և առ իւրսն , թող թէ առ սպանիչս : Եւ զի չէին գինւով արբեալք և ոչ ապշեալք որպէս զգիւթսն , իսկոյն ձայնին Պետրոս և հայելովն յայտ արար . և զի անճա՛հ էր ամենեցուն խօսել , մետասանքն մերձ կալով վկայէին ասացելոցն , և ամենեցուն նա էր բերան : Այլ վաչ զօրութեան Հոգւոյն . զի ահա որ ոչն տարաւ հարցման աղջկան միոյ վատթարի , 'ի մէջ անցեալ արիւնահէղ խռանն այսչափ բանիւ համարձակի , զի աներկբայ լիցի նշան յարութեանն Քրիստոսի և զօրութիւն Հոգւոյն՝ որ զարժանիս իւր օսկի առնէ 'ի կաւեղինաց , որպէս զՊետրոս զերբեմն երկչօտն և զանհանճարն . այլ տես և զընկերսն երբեմն նախանձօտս նմա , այժմ՝ թողեալ զատենաբանէլն :

ԲԱՐՈՅԱԿԱՆ

Եւ արդ միայն զանձինս արժանիս Հոգւոյն կազմեսցուք , և ամենայն ինչ գիւրաւ մեզ վճարի . որպէս յայնժամ և սէտրոսեանք Հոգւովն վառեալք որպէս արս հրեղէնս 'ի մէջ ծղի՝ անկեալք ոչ չար ինչ կրէին , այլ 'ի հպեալսն գործէին զյաղթութիւն . ոչ միայն Հրէից յաղթելով , այլ և բռնաւոր իշխանաց և գոռող աշխարհակալացն , և միանգամայն բանիբուն ճարտարաց և փիլիսոփայիցն հելլենացւոց : Արպէս և այժմ՝ 'ի մէջ անցեալ առ խաչեցողսն հանդիսաբանէ և ասէ .

Ճ Ա Ռ Ի Հ Ի Ն Գ Ե Ր Ո Ր Դ

« Այս հրէաստանեայք և որ բնակեալ էք յերուսաղէմ ամենեքեան, այս ձեզ յայտնի լիցի և ունին դիք բանից իմոց » : Այս առ որս նախ արս երկիր զածս և օտարս ասաց յամենայն ազգաց՝ խօսի այժմ զբանս, այլ տակաւին առ կատակողսն առ ՚ի յուզ զել զթիւր կարծիս նոցա : Եւ դու տես, զի այսն առ նե՛ն պատճառ եղև բանին, և բարեոք . ոչ իբրև առ կատակողս ընդդիմաբանէ, այլ յարգանօք իմն՝ թէ « Արք հրէաստանեայք և որ բնակեալ էք յերուսաղէմ » . զի մեծ իմն գովեստ կարծէին զբնակէն յերուսաղէմ և հրէաստանեայ գոն, որ է յուզայեան վիճակն . զորս այսու բանիւ առ ինքն դարձուցանէ՝ թէ « Աւնին դիք բանից իմոց . ոչ որպէս դուք կարծէք թէ խազմիով լցեալ իցեմք » : Տես զմեծանձնութիւնն, զի՛ զյոյով մասն ամբօխին զարմացեալս ընդ իւր ունելով ոչ շփանայ, այլ հեզութեամբ ընդ խիստսն բարբառի : Հայեաց և զողոյ նորա զազատութիւնն . զի ոչ գովեաց զասողսն՝ թէ լսեմք խօսել նոցա ՚ի մեր լեզուս զմեծամեծս Աստուծոյ, այլ զհեզնողսն մեղմով ՚ի կշտամբէն զսքանչացեալսն փութացողս արար յերկիր . և խոյս տուեալ բանին յամբառնալոյ և ՚ի սուտակասոյասութեանէ, նախ ՚ի բաց խլէ զանպատշաճ կարծիս նոցա՝ թէ « Այս որպէս դուք կարծէք թէ խազմիով լցեալ իցեմք » . ապա զուղիղն հաստատէ : Եւ չասաց թէ ոչ որպէս դուք կատակէքդ, զի մի կամաւ չարութեան, այլ անգիտութեան զծաղն դիցէ :

« Օ ի դեռ երեք ժամք են աւուրս » : Եւ այս զի՛նչ առնիցէ՝ թերևս ասիցէ ոք, զի մարթի և յերրորդում ժամու արբեալ լինել : Ասեմ թէ ոչ ասաց ճշլ զիւ վասն արբեցութեան . զի և նոքա ոչ զսոսա արբեալս ունէին, այլ կատակելով զայն ասէին : Աւսալ

ուսանիմք թէ առ ոչ հարկաւորսն չեն պէտք բազում բանից : Եւ այլ ազգ . զի ըստ օրինացն , մանաւանդ յայնմ ժամու և յաւուր , չէր օրէն առն հրէի արբեալ գոլ , զի պենտէկոստէ էր : Այլ տեսցուք դարձեալ զի յերրորդ ժամու իջանել Հոգւոյն ոչ էր վայրասար . այլ նախ զի հռչակելի լիցի , զի չև ևս յուտել կամ՝ ի գործ կամ յընթրիս զբաղեալք , այլ օրն մեկնեալ , և մարդիկն զուարթացեալ պայծառացեալք ցուցցին :

ՆԵՐՄ . ԿԹՂ . Եւս ՚ի սոյն ժամու ասի Ադամ ստեղծեալ և զՀոգին՝ ար փչմամբ զգեցեալ . յորում ժամու և կինն՝ ի չարէն պատրեալ և ՚ի Հոգւոյն թափուր մնացեալ . զորս ՚ի սոյն ժամու և տէրն ՚ի խաչին քաւեաց և զՀոգին սուրբ այժմ՝ դարձեալ պարգևեաց . զոր իբրև նախ արբին պետրոսեանք , ոչ խազմուղ ասեն արբաք և արբեցաք , այլ բաժակ անապահան բերկրու թէ՛ ՚ի կենացն աղբերէ . գետօրէն բրդիմանն ուղիսից փափկու թէ կանխաձայնեալն խոստմանն :

ՈՍԿ . Որով և զմարդարէու թին Յովկէայ այսու լցեալ ցուցանէ , աստի և յառաջ առ ամենեւեան նուսա խօսելով թէ « Այս է որ ասացաւ ՚ի ձեռն մարդարէին Յովկէայ . և եղիցի յետ այսորիկ յաւուրս յետինս ասէ Ատուած՝ Հեղից յՈգւոյ իմոյ » : Յուցանէ այժմու եղելոցս մերձ գոլ զկատարածն . զի յաւուրս վերջինս ասէ զերևումն Քրիստոսի և զհեղու մըն Հոգւոյն , այլ ոչ յիշէ առ ժամայն զանունն Քրիստոսի կամ զխոստանալն նորա զՀոգին . այլ ՚ի Հօրէ ասէ զխոստումն Հոգւոյն . բայց սուղ ինչ յետոյ ասէ վասն Քրիստոսի . և զի խոստացան զՀոգին և սրբուեաց ասէ որպէս տեսանէք : Այսեւապէս զայս արար Պետրոս . զի թէ նախ յիշէր զՔրիստոս , ՚ի վէճ դըրդէր զնոսա . այլ ՚ի յետոյ ասելն հաւատացին անձ գոլ զնա : « Հեղից , ասէ , յՈգւոյ իմոյ ՚ի վերայ ամենայն մարմնոյ » : Հեղուին զառատութիւնն յայտնէ . և ՚ի վերայ ամենայն մարմնոյ , այսինքն ՚ի հաւատացեալս , ոչ ՚ի Հրեայս միայն , այլ և ՚ի հեթանոսս՝ յայտ է : Այլ դեռ ևս ոչ յայտնեաց զայս , զի մի յաչաղեսցեն Հրեայքն :

Այլ իբրև ետ նոցա քաղցր խոստումն զհեղու Հոգւոյն՝ թէ ընդունել կամեսցին , ոչ ետ տեղի նոցա

նախանձելոյ ընդ հեթանոսս . այլ իսկոյն 'ի բաժանմունս ընդունողաց Հոգւոյն փոխեաց զբանն՝ թէ «Մարգարէասցին ուստերք ձեր և դստերք ձեր» : Ալ 'ի ձեզ հարսդ, ասէ, այլ 'ի մանկունս ձեր հեղցի Հոգին . որք և յամենայն լեզուս խօսելով մարգարէասցին, վերստին առեալք զՀնորհոս զոր կորոյս Ադամ Սմին վասն նախ զուստերսն դնէ, զի փոխանակ հօրն առին որդիքն՝ առաքեալքն և Ագարոսք և շիղայեանք . ապա և դստերք, որպէս և Փիլիպպոսին և այլք :

«Եւ երիտասարդք ձեր տեսիլս տեսցեն» : Եւ են սոքա հզօրքն յառաքինուիս, առ որս գրէր Յովհաննէս՝ թէ «Յաղթեցէք դուք չարին» : Եւ զի մի յորդիան և եթ կացուսցէ զՀնորհոս՝ յաւելու . «Եւ ձերք ձեր երազով երազեսցին» : Յայտ է անձային հանձարով ալեորեալքն, զորս ցուցանէ ահա արդէն արժանացեալ և հասեալս Հնորհին . իսկ զկատակողսն ոչ Սմին վասն զմարգարէն ածէ 'ի մէջ 'ի զիմաց Աստուծոյ ասելով, հեղուին յԱզուոյ իմոյ յոմանս դէմ՝ յանդիման, որպէս այսօր յինքեանս՝ յորս նստաւ նախ և յայլս երազովք՝ որպէս 'ի մարգարէանս . որդոն յերազի երևէր Պաւղոսի այր մակեդոնացի, հրաւիրելով շնա անդ 'ի քարոզել . և ցԱնանիա 'ի Գամասկոս ասէր տէր 'ի տեսլեան մտանել առ Սողոս :

«Իսկ 'ի վերայ ծառայից իմոց և աշխնաց իմոց հեղից, ասէ, յԱզուոյ իմոյ» : Յառաքինութենէ կուէ զնոսս՝ որք են երկիրաճքն և փոյթք 'ի սլաշտօն անոց, ազատեալքն 'ի մեղաց և ծառայեալք անոց . յորս և առատ հեղուն Հնորհքն, ոչ 'ի սակաւս ոմանս իբրև 'ի հնումն յԱննա կամ Գերովրա, այլ աստ 'ի յոյժ բազումն առատացեալ . որք և մարգարէասցին, ասէ . ըստ այնմ . «Ամենայն այր կամ կին թէ աղօթէ կամ մարգարէանայ» : Արդ որպէս երբեմն Քրիստոս կամելով ուղղել զառ 'ի յինքն զչար կարծիս նոցա՝ թէ բեկղբեբուղաւ հանէ գա զգէս, ասաց՝ թէ Հոգւոյն անոց հանեմ ես զգէս, նոյնպէս և այժմ՝ Պետրոս . զի ոչ արբեցութեան դիւնոյ՝ այլ Հոգւոյն սրբոյ անոց ցուցցէ դորձ զխօսելն ինքեանց յայլ և այլ լեզուս, 'ի մարգարէն ապաւինի կնքել նովաւ զբանն՝ որում ոչ կարէին ընդդիմանալ : Զոր սմին վասն և Քրիստոս առնէր, յաճախ զմարգարէանս յիշելով, և նորք զբանն կնքէր :

որպէս այն, « Թէ դաւիթ զնա տէր կոչէ, զիարդ որդի նորա իցէ » . և այլ բազում ուրեք . առ որ ոչ կարէին տալ պատասխանի :

Արդ իբրև ուղղեաց աստ Պետրոս մարգարէիւն զԹիւրկարծիս նոցա ասելով թէ « Այս է ասացեալն 'ի ձեռն Զովէլեայ » , ոչ 'ի նոյն առնու զտեղի , այլ ընթեռնու ըստ կարգի և զահագինան ևս՝ զի Երկիցէն : « Տաց , ասէ , նշանս յերկինս 'ի վեր և յերկիր 'ի խոնարհ , արիւն և հուր և մրրիկ ծխեալ » : Այս սորիկ ասացեալ են նախ վասն եղելոց նշանացն յաւուր խաչին Քրիստոսի . նա և վասն սաստիկ հասելոց վշտացն Երուսաղէմի 'ի զօրացն Հռոմոց . ևս և վասն նշանաց հանդերձեալ աւուրն վերջնոյ , զորս ածէ 'ի մէջ բանիւս : Նախ զի ցուցցէ թէ Հոգւոյն խօսին 'ի լեզուս , որոյ իջմանն 'ի նոսա նախագուշակք եղեն նշանքն ահաւորք՝ որ եղեն 'ի ժամ խաչին նախ քան զգալ մեծի աւուրս այսորիկ , յորում եկն ահա Հոգին . զի այսու ցուցցէ զիջումն Հոգւոյն սրբոյ ընդ չարչարանացն Քրիստոսի 'ի Հօրէ պարգևս հեղեալ 'ի մեզ հաւատացեալս : Ապա և սպառնայ ևս խաչահանողացն զանցսն՝ որ կրելոց են 'ի տիտոսեանցն . Թէպէտ և ոչ մեկնեաց զասացեալս , որպէս և ոչ զպատուհասն Զուրայի յիշեաց զասացեալն բերանոյն Գաւթի : Եւս եցոյց թէ զոր կրենն 'ի տիտոսեանցն զգժնդակսն 'ի գժնդակագունից վշտաց , վերջնոյ՝ աւուրն են նախագուշակք՝ եթէ ոչ գայցեն 'ի զգաստութիւն : Եւ զի խիտք և նշանախնդիրք ոմանք էին առ հաւատ հանդերձելոցն , « Տաց , ասէ , նշանս » . ոյր . յայտ է ըստ առաջին կարգին՝ թէ հեղման Հոգւոյն այսմ աւուր , զոր օր մեծ և երևելի կոչէ :

ԵՓԲ . Օ ի որպէս առաւօտն նշան է ծագմանն արեւու , և նշանքն յաւուր խաչին Քրիստոսի գուշակ հեղման Հոգւոյն նյ :

ԿԻԻԲ . ԵԲ . Զ Երկինս՝ արեգակն զի խաւարեցաւ , և յերկիր՝ շարժումն զի եղև . արիւնն՝ Քրիստոսի որով փրկեցաք մեք , զոր նօքա աւին 'ի վերայ անձանց և որդւոց իւրեանց 'ի դատապարտութիւն փոխանակ արեանն՝ որ ցանիւր 'ի վերայ նոցա 'ի փրկութիւն . և հուր՝ անձ Բանն՝ որ ջրով կողին շիջոյց զհուրն Ադամայ , և վառեաց զոր ինքն եկն արկանել յերկիր ,

կամ որ երևեցաւն այսօր լէզուօք հրեղինօք : Գար-
ձեալ հօւր՝ մարմինն անծացեալ յերկինս, և արիւն՝
Բանն մարմնացեալ՝ ի խաչին. մրրիկ ծխոյ՝ նախատինք
խաչահանուացն :

ԴԱԻԻԹ ՓԻԼ. Կամ՝ ի շարժմանէն երկրի և ՚ի փրլ-
մանէ վիմաց փոշի ծխատեսակ յօդս վերացեալ : Ուս-
տի և արեգակն խաւարմամբ քօղ արկեալ պատկա-
ռանաց ՚ի տեսանել զնախատինս արարչին, և լուսինն
չըջեալ ՚ի գոյն արեան ստեղծչին . ըստ որում ասէ .
«Արեգակն դարձցի ՚ի խաւար և լուսին յարիւն » .
Թէպէտ և ոչ գրեցաւ յաւետարանն, որպէս և ոչ
արտասուքն որ ընդ ուժգին սպառնանացն Քօի :

ԿԻԻԻ. ԵՐ. Լ՝ յօրքիկ որպէս յայտ է յաւետարան-
ւացն՝ կանխագոյն վճարեցան քան զգալուստ Հո-
գւոյն յօրն պենտէկոստէից . վասն որոյ և մարգարէն
ասէ. «Մինչև եկեալ իցէ օր տեառն մեծ և երևելի» .
յայտ է իջման Հոգւոյն . որ և վասն այսր նշանաց և
անմեղին մահու եկն ահա օրս այս մեծ , յորում
հեղաւ Հոգին :

ՈՍԿ. Իսկ ըստ երկրորդ կարգին կերպագրէ կանխա-
զանցս աղէտիցն յորժամ առցի ՚ի Հոռոմոց Երուսա-
ղէմ, արիւն՝ սպանելոցն պատժապարտաց, և հօւր՝ քա-
ղաքին հրդեհեցելոյ, և մրրիկ ծխեալ՝ նոյն հրոյն հա-
րելոյ. արեգակն խաւարեալ և լուսին յարիւն դար-
ձեալ՝ ՚ի վերայ ծախելոցն ՚ի սրոյն և ՚ի սովոյն՝ յայտ
է : Կամ զսաստիկ վիշտս նոցա այսու նշանակէ և զմե-
ծութիւնն նեղութենն սպառնալիքօքս՝ որով գիտաս-
ցեն եղուկ զինքեանս, զի հասեալ է աւերն Երուսա-
ղէմի : Նա զի և նշանս ոմանս ահագինս յայնժամ ե-
ղեալս ՚ի սպառնանն Երուսաղէմի պատմէ Յովսէպոս
հրեայ : Ապա և զարհուրեցուցանէ ևս զկատակողն
նախաճաշակ նշանօքս այսօրքիւք՝ ակն ունել մեծի հրոյն
հանդերձելոյ ՚ի գալստեան աւուրն տեառն յերկնից,
զի հօւր երթայ առաջի նօրա :

ԵՓԲ. Որոյ լոյս պարգևացն հեթանոսաց, և մրրիկ
ծխոյն խաչահանուաց ՚ի խնդրել ՚ի նոցանէ զվրէժ ա-
րեանն Քրիստոսի և արգարոյն . և խաւարի ՚ի վերայ
նոցա արեգակն նախ քան զըմբռնելն զնոսս ՚ի լիճ՝
հրոյն, զորմէ ասէ . «Մինչև եկեալ իցէ օր տեառն
մեծ և երևելի» :

ՈՍԿ . Օ ի թէպէտ տակաւին առանց պատուհասի մեղանչէք, ասէ, այժմ, այլ ոչ է պարտ դովաւ քաջալերել. զի թէ նեղութիւնն որ նախագուշակ լինելոց են դժուարագունիցն՝ այսչափ սաստկադոյնք են, ապա վասն յոյժ մեծագունիցն կարի յաւետ զարհուրելի։ Եւ իբրև կարի յոյժ սասանեցոյց զնոսա, և զծիծաղելն նոցա ընդ այնքան տագնապաւ փակեաց, զարձեալ տայ ապացոյց նոցա ոգի կլանել։ « Եղիցի, ասէ, ամենայն որ կարգացէ զանուն տեառն՝ կեցցէ։ » Եւ զայս ասաց մարգարէն վասն Քրիստոսի . զի նա է տէր, զորոյ անունն որ խոստովանի՝ կեցցէ։ Այլ Պետրոս դեռ ևս զայս ոչ ասաց յայտնի, այլ պարզաբար զբանն առնու ոչ յաւելլով՝ թէ որ կարգայ զանունն Քրի, որպէս այն՝ թէ ամենայն որ կարգացէ . ոչ յաւելլ թէ հրեայն իցէ և թէ հեթանոսն, որոց չիք խտիր ՚ի Քրի։ Որպէս յարքունիս զի ոչ ՚ի քաջատոհմութի, այլ յարուեստէ և ՚ի գործոյ յարդի իւրաքանչիւր ոք։ Սմին վասն և ոչ զկարգալն յաւելլ, թէ ոչ լոկ ասելն տէր տէր՝ հերիք է առ կեցուցանել, այլ պատուիրանացն կատարմամբ։ Բայց առ այժմ՝ զի դեռ սկիզբն էր, զբան հաւատոյն միայն ՚ի ներքս ածէ՝ թէ ահա գին տանջանացն կարգացմամբ անուանն տեառն է փրկութիւնս իսկ զայն՝ թէ յետ խաչին որ ոք խնդրէ ըզփրկութիւնս՝ պարտի ՚ի Քրիստոս հաւատալով և կարգալով փրկիլ, յետոյ կարգէ։

ԲԱՐՈՅԱԿԱՆ

Արդ այս ձև օրինակի բանից առ նորընծայն այսպէս ՚ի ճահ է, զոր դեռ ևս պիտոյ է նախ ՚ի հաւատա աշակերտել։ Իսկ ըստ մեզ վաղուց հաւատացելոցս պիտոյ է զօրինակ վշտացն Երուսաղէմի ՚ի ստուգուի առնուլ հանդերձեալ գեհէնին սպառնալեաց . և մի վասն զի բարերար է անձ՝ արհամարհել զնա, այլ մանաւանդ զարհուրել, զի և տանջող ևս է։ Չի ո՞ այլ ոք զայնչափ չարիս հասոյց շրէիցն, մինչև կանանց առ կարիս սովոյն զորդիան խորովել և ուտել, եթէ ոչ ինքն Քրիստոս։ Առ որ և նախ ՚ի հաւատալ ՚ի նա շրէիցն՝ փութայ Պետրոս հասուցանել զբանն յասելն .

Ճ Ա Ռ Վ Ե Յ Ե Բ Ո Ր Դ

«**Լ**րի իսրայէլացիք, լուարուք զբանս զայս » :
 Ոչ է փաղաքշանաց հանդարտագոյն խօսելս . այլ զի
 վերագոյն զարհուրեցոյց զնոսա սպառնալեօք մար-
 գարէին, զի մի վհատիցին կամ՝ զայրացին, դար-
 ձեալ նախերգանս սկսանի, յիշեցուցանել կամելով
 նոցա զՔս : Եւ ոչ ասաց թէ արք իսրայէլացիք հաւա-
 նեցարուք, զի ծանր թուէր . այլ թէ լուարուք : Եւ
 իսկոյն վաղվաղակի՝ ՚ի մէջ բերէ զանունն Յսի . և ՚ի
 սկիզբն բանիս ոչ ասէ ինչ՝ ՚ի բարձրագունիցն զՔսէ,
 այլ ՚ի յոյժ խոնարհագունիցն . զՅս՝ ասէ : Եւ վաղ-
 վաղակի զհայրենիսն յիշէ . զնազովրեցի՝ ասէ, որ
 ոչ ինչ մեծագոյն ցուցանէ զնա քան զմարգարէ :

ԵՓԲ . Օ այր . մարգ . քարոզէ զնա, զի իբրև կաթն
 ջամբեսցէ նոցա զաւետարանն . այլ իբրև կատարես-
 ցին, քարոզեսցեն զնա դատաւոր արարիչ և անձ :

ՈՍԿ . Օ Յս, ասէ, զայրն . և զնովիմբ ածէ զմեծն,
 թէպէտ մեղմով՝ թէ յայ առաքեցաւ, ասէ : « Զցու-
 ցեալն յայ ՚ի ձեզ », Զայս և Քս անմ ուրեք փութայր
 ցուցանել թէ « Ոչ յանձնէ, այլ ՚ի շօրէ եկի » . և
 Մկրտիչն՝ թէ « Նա ասաց ցիս . յոյր վերայ իջցէ Հո-
 գին և հանգիցէ, նա է Քսն », Զայս և երանելին Պետրոս
 ձեպելով ցուցանէր այսպանողացն . նախ զսպեաց զնոսա
 երկիւղիւ, և ապա համարձակի պատմել ՚ի մէջ խաչո-
 զացն թէ յարեաւ : Բայց նախ զայն գնէ՝ յայ եկն :
 Եւ այս ուստի է յայտ . ՚ի զօրութեցն և յարուես-
 տիցն զոր արար : Եւ դեռ ևս ոչ ասէ թէ ինքն Յս ա-
 րար, այլ թէ ՚ի ձեռն նորա անձ : « Որպէս և դուք իսկ
 գիտէք » ասէ : Աւանց երկիւղի իրիք զնոսա կուէ վը-
 կայս, զտեսողսն և զլսողս սքանչելեացն Յսի . զոր և
 Նիկողիմոս ասէր՝ թէ « Յայ եկեալ էս . զի ոչ ոք կարէ
 առնել զոր դուդ առնես » :

Եւ իբրև ասաց զնոցին գիտացեալսն, ապա և առ-

անյայտն գայ : « Չնա, ասէ, նկատեալ խորհրդով և կանխագիտութիւնն նոյ մատնեալ 'ի ձեռաց անօրինաց բեւեռեալ 'ի փայտի սպանէք » : Չար կատաղութիւն զայն՝ ոչ եթէ դուք զօրացայք և խաչեցէք, ասէ, եթէ ոչ ինքնիշխան յօժարութեամբ գայր 'ի մահ : որ ցուցանէ զնա անձ . այլ կանխագիտութիւնն նոյ էր սահմանեալ : Եւ տես, զի թէպէտ փութացաւ աղատել զնոսա յամբաստանութիւն ասելով թէ տեսչուի նոյ էր սր եղևն, որպէս և Յովսէփ ասէր մի բարկանայք միմեանց զի անձ առաքեաց զիս աստ, այլ զի մի ստիցէն թէ տեսչուի նոյ էր՝ ապա բարիութեամբ գործեցաք զի խաչեցաք, ոչ, ասէ . զի թէպէտ նախասահմանեալ էր, այլ դուք այրասպան էք : Սմին վասն յաւել թէ « Մատնեալ 'ի ձեռաց անօրինաց բեւեռեալ 'ի փայտի սպանէք » : Չբոլոր չարն 'ի զլուխն Յուդայի կուտէ, որ մատնեաց զնա համբուրիւն 'ի ձեռս անօրինաց զինուորացն : Չի ոչ սարղաբար սպանէք, այլ 'ի ձեռն արանց անօրինաց : Եւ զոր ինչ վասն սպանութեան ծանր էր նոցա լեւ, ոչ ածէ 'ի մէջ թէ կարող էր՝ որ մահու յաղթեաց, և զձեզ սպանանել . այլ ձեպի ցուցանել թէ մեռաւ և յարեաւ : Եւ ոչ ձաղէ դեռ ևս զնոսա, թէ դուք ուրանայք՝ մարգարէն վկայէ . զի ուսուցէ զմեզ զիջանելով բմբունել զանհաւատն :

Աւ նախ զմահն Յոսի խոստովանեալ՝ գայ առ յարութիւնն : « Չոր անձ յարոյց » ասէ : Տես թէ որպէս 'ի մէջ քաջայայտիցն զանյայտն դնէ, զյարութիւն ասեմ . զի զօրութիւնքն և նշանքն և սպանութիւնն յայտնիք էին : Եւ ոչ ասէ թէ ինքն յարեաւ, այլ թէ անձ յարոյց . զի դեռ զխոնարհագունիւքն գայ . և զի ցուցէ թէ չէր օտար 'ի Հօրէ, այլ միաբան և համակամ :

Ապա 'ի վեր հանէ զլսողն բարձրագոյնս ճառելով զնմանէ : « Լուծեալ, ասէ, զերկուսս մահու . զի ոչ էր հնար բմբունել նմա 'ի նմանէ » : Ոչ էր հնարդ՝ ցուցանել թէ ինքն իսկ մահն երկնէր յուսնէն զնա, և չարաչար պատառումն իւր կրել փութայր՝ զոր լուծանել ասէ : Որպէս որ երկնէն ծնանել՝ ոչ կարէ 'ի ներքս ունել զոր ունին, այլ ձեպի արտաքս տալ, այսպէս ոչ կարողանայր մահ իշխել նմա ունելով, այլ լուծեալ քակտիւր 'ի նմանէ : Այլ և երկուսս մահու

զնախնի պատուհասն ասէ զմեր, որ վասն մեզաց գտին զմեզ . զոր լուծեալ անգործ արար : Դարձեալ ոչ էր հնարդ՝ յայտ առնէ թէ ոչ դարձեալ մեռանի որպէս այլք ոմանք յարուցեալք և դարձեալ մեռեալք :

Եւ իսկոյն փութայ բառնալ զայլ ազգ ինչ մտածու թիւն ՚ի նոցունց ասելով . « Դաւիթ իսկ ասէ զնմանէ » : Զի յոյժ մեծարգոյ էր այրն, զնա ած վկայ մահուն և յարուէն . և ՚ի վերուստ ՚ի խոնարհագունիցն առնու զբանն վկայութե զՔնէ, զի ցուցցէ թէ չէր ինչ տրտմեցուցիչ մահ նորա . վասն որոյ և ՚ի դիմաց Քնի առնու զբանս : « Յառաջագոյն, ասէ, տեսանէի զտէր առաջի իմ յամ ժամ . զի էր ընդ աջմէ իմ մէ, զի մի սասանեցայց » : Յուցանէ թէ չէր օտար յայ կամ հակառակ ըստ կարծեաց նոցա . և ոչ առ տկարուէ մեռաւ, այլ կամաւ և Հօր կամակցութե յազթեաց մահու ուրախութե . զոր և ասէ . « Վասն այսորիկ ուրախ եղև սիրտ իմ » . այսինքն բանական հոգին Քնի յաւերելն զգիւաբնակ բանտն դժոխոց : « Յնծացաւ լեզու իմ » . Հոգւովն սրբով ՚ի կոչելն զՀայր տէր երկնի և երկրի . և դարձեալ զեղեալ խնդուին աշխարհի ինքն ասէ զխիզախողացն՝ թէ ո՛ր է մահ խայթոցն քո : Վասն որոյ յաւելու . « Եւս և մարմին իմ բնակեացէ յուսով » . յայտ է անմահուէն, որում սպասեմք դեռ ևս փրկուէ մարմնոյ մերոյ . ընդ որ և ինքն ուրախացեալ փառս կոչէր զաւիթն փրկութես զխաչն :

« Օ ի ոչ թողցես զանձն իմ ՚ի դժոխս » . կալ մնալ ՚ի խաւարչուտ սանդարամետս ընդ կապելոցն ՚ի ներսն սղւոցն : « Եւ ոչ տացես սրբոյ քում տեսանել զապականուի » . որ է լուծումն ՚ի նեխուի . զի թէ պէտ մեռաւ ճշմարտապէս, այլ ելոյժ զմահ և զապականուի, և զդժոխս զդժուարին ամրոցն չարին յաւիտեանց քակեաց : Զի ոչ է թէ անձնաւոր իմն է դժոխք, թէ պէտ և զիբք դէմն դնեն նմա ուրեք իբրև անձնաւորի ուրուք՝ թէ « Լայնեցին դժոխք զանձինս » : Սակայն անդի է մանաւանդ դժոխք և թշուառական հոգւոց տխուր կապարանս : « Ծանուցեր ինձ զճանապարհս կենաց . լցուցեր զիս ուրախութե երեսաց քոց » : Տակաւին ևս զխոնարհագոյնսն ճառէ զՔնէ . այսինքն թէ առեալ ՚ի Հօրէ զանմահուի և բաշխեալ ամենեցուն՝

վերացաւ յերկինս, յանդիման եղեալ վասն մեր երեսացն հօր:

ՈՍԿ.] Եւ յետ վկայութե մարգարէին յաւելու մեկնել զնոյնս՝ «Արք եղբարք» ասէ. 'ի մեծ ինչ ասելն դրնէ զառաջաբանս զայս, զարթուցանելով զնոսա և ընտանեցուցանելով: «Պարտ է համարձակուիլ ասել ձեզ, ասէ, վասն նահապետին Դաւթի»: Բազում խոնարհուիլ խօսի, զի մի խցցեն զականջս չսել կամ բարկասցին: Սմին վասն ոչ ասաց՝ թէ չեն ասացեալ բանքս վասն Դաւթի, այլ վասն Քրի. զի մի թուեսցի անարժանս ինչ զԴաւթ է խօսել: Վասն այսորիկ և ոչ ասաց լոկ վասն Դաւթի, այլ վասն նահապետին Դաւթի: Այսու և զնոսա և ս մեծարէ վասն ցեղապետն ունելով՝ 'ի վերուստ ինքեանց զԴաւթի: «Զի մեռաւ, ասէ, և թաղեցաւ»: Եւ ոչ ասաց թէ ոչ յարեաւ, այլ դողանալով իմն զբանն՝ մեծագոյն ասաց քան զայս՝ թէ «Գերեզմաննորա կայ 'ի միջի մերում մինչև ցայսօր»:

Եւ ոչ գեռ այսպէս և ս եկն 'ի Քր, այլ տակաւին հանդերձ մեծ իմն գովուիլ զԴաւթի: «Զի մարգարէ էր և գիտէր, ասէ, թէ երդմամբ երդուաւ նմա անձ»: Հարկ առնէ նոցա ընդունել զՔրի յարուեն բան. ապա թէ ոչ՝ մնասի պատիւն և մարգարէութիւն Դաւթի: «Զի գիտէր, ասէ, թէ ոչ պարզաբար խօսեցաւ նմա անձ, այլ երդմամբ երդուաւ 'ի պողոյ որովայնի նորա ըստ մարմնոյ յարուցանել զՔր և նշուտուցանել յաթոռ նորա»: Համարձակապէս խօսի զբարձրագոյնան, զի նախկին բանիւքն հանդարտեցոյց զնոսա: Եւ ոչ մերկ դնէ զմարգարէութիւն, այլ և մեկնէ և ս. երդմամբ, ասէ, երդուաւ յարուցանել ըստ մարմնոյ զՔր և նստուցանել յաթոռ նորա: Ըստ մարմնոյ, ասէ. զի ըստ հօգւոյ թագաւորութի նորա յերկինս է: Եւ ընդ յարուեն և զթագաւորութի Քրի լծակցէ. զի յարուցանել ասէ և նստուցանել յաթոռ նորա:

Եւ ցուցանէ թէ հարկ էր ընուլ մարգարէութե ս այսմիկ. և զի վասն Քրի իսկ էր մարգարէութիս, «Յառաջագոյն, ասէ, ծանուցեալ խօսեցաւ վասն յարութեն Քրի»: Եւ չասաց թէ վասն թագաւորութե նորա, այլ վասն յարուեն. զի յասելն թէ նստաւ յաթոռն Դաւթի:

Թի, եցոյց՝ Թէ Թադաւոր է Հրէիցն, որ խաչեցին զնա: «Զի ոչ Թողաւ ոգի նորա՝ ի դժոխս, և ոչ մարմին նորա ետես զապականուի»: Եւ յապէս ասելւս քան զյարեաւն ասել նուազ Թուի, այլ նոյն է. զի անապաւ կանն ոչ է ընդ մահուամբ: Նա և որանչելի և ս քան զայլոց ցուցանէ զյարուի նորա. զի ընկալաւ իսկ զնա մահ, այլ ոչ կարաց զիւրն գործել ՚ի նմա. այսինքն զի մինչև ցերիս աւուրս իբրև զքար ինչ խառատեալ ոչ կարաց կրկտել՝ զնա, այլ փշրեալ ՚ի նմանէ ժանեալ ցըն՝ փութացաւ արտաքս տալ զնա, և ընդ նմին և զյառաջագոյն կլեալսն փսխեաց ՚ի բաց:

ԻՄԱՍՏ. Հաստատեալ Պետրոսի զքան յարուԹնն Քրի վկայուքն Դաւթի՝ համարձակ ապա և զիւրն և ս ՚ի նոյն յարէ: «Զայս Յո, ասէ, յարոյց անձ»: Ոչ տայ այլ ազգ իմանալ զնա յետ յարուեն, զի յամօթ աբասցէ զմարկեղիտոն և զմաքսիմինիտոն և զսևեռիտսրն, որք անկատար և անփառաւոր ասեն զմարմին ան մինչև ցիսաչն, և յարուքն այլայլեալ և փառաւորեալ. զորս կշտամբէ և ինքն որ յարեաւն՝ ասելով, Թէ ես նոյն եմ: Իսկ յարոյց անձ ասելն՝ զիջանելով է ընդ նոսա: Եւ ոչ ասաց Թէ յարոյց Հայր, այլ անձ. ըստ որում և ինքն Քր ասաց՝ Թէ անձն իմ:

ԵՓԲ. «Որում ամենեքին մեք եմք վկայք»: Եւ մեզ վկայ սաստիկ բարբառն որ հնչեաց և անոյշ հոտն որ բուրեաց և լեզուքս օտար զոր խօսիմքս:

ՈՍԿ. Ոչ ասաց Թէ ես եմ վկայ, այլ ամենեքին իսկ մեք: Եւ զի հաւատարիմ ցուցցէ զինքեանց վկայուԹիւնն, դիմէ ՚ի սոյն յայս սքանչելիս: Բայց ոչ զայս և եթ կազմէ սոքիմք, այսինքն հաւատարմացուցանել զինքեանց վկայուԹիւնն, այլ և զնոսա զարհուրեցուցանէ. զի յորժամ ցուցանի ՚ի նոցանէ սպանեալն յարուցեալ և Որդի այ և սիրելի Որդի, Թէպէտ դու լուեցես՝ զպատուհաս վրիժուցն, մեղուցեալն իւրովի հաչի. յայս միտս ասէ «Աջոյն այ բարձրացեալ, զաւետիս Հոգւոյն ընկալեալ ՚ի Հօրէ՝ սփռեաց զայս զոր դուք իսկ տեսանէք և լէք»: Յայտնեաց աստանոր զանուիսն Քրի, և զի Որդի է այ և զի գործակից

1 Միւսն իրել:

2 Միւսն տիշէ:

է նմաւ Հայր, յորմէ և զնձուին ունի որպէս 'ի Հօրէ, և զՀոգին առնու որպէս 'ի Հօրէ, և ինքն բաշխէ որպէս և կամի, որովք երևի մեծ քան զմարդարէս: Զի ահա Մովսէս տկարանայր բաշխել զՀոգին. իսկ սմա զի Որդի է, ոչ չափով տայ Հայր զՀոգին, զի և իւր իսկ է, Որդւոյ՝ որում զամենայն ինչ ետ 'ի ձեռս նորա: Եւ զի յոյժ մեծապէս՝ ասաց զՔտէ, զնոսին իսկ ածէ վկայս. « Սիռեաց, ասէ, զայս զոր տեսանէք և լսէք »:

Եւ զի ասաց թէ Որդի է նոյ, և զի յարեաւ և զի առաքեաց զՀոգին, ասէ և զհամբարձումն նորա. « Զի ոչ եթէ Գաւիթ եւ յերկինս »: Որպէս որ զմանուկ տհաս 'ի բարձր ուրեք կամիցի հանել մեղմով, զի մի յանկրթուէն ապշեալ 'ի վայր անկցի, այսպէս և Պետրոս զգետնաբարչ միտս նոցա: Եւ զի անհաւատալի թուէր Հրէիցն թէ յերկինս եւ, որք և ոչ յարուցեալ իսկ զնա գիտէին, մարդարեւն դարձեալ կնքէ զբանն, զի մի վասն այլոյ ուրուք կարծիցեն զասացեալն զոր ինքն Գաւիթ ասէ. « Ասաց տէր ցտէր իմ. նիստ ընդ աջմէ իմմէ »: Զոր և Թրն առելով զբանս զայս պապանձեցոյց զնոսա: Եւ զի նորա մեռեալ համարէին զնա, ցուցանէ թէ յերկինս է և ընդ աջմէ Հօր իբրև զզուգապատիւ և զաթոռակից: Նա և արհաւիրս արկանէ յաջորդան. « Մինչև եդից, ասէ, զթնամիս քո պատուանդան ոտից քոց »: Յուցանէ զնոսա և Հօր դիմադարձս. վասն որոյ և զվերջին հնազանդութեօրինակն զնէ. « Պատուանդան ոտից քոց » ասէ: Եւ այսու զանհարին տանջանսն ակնարկէ և զաւերումն քաղաքին:

Եւ յորժամ մարդարեւն հաստատեաց զտէրուէն նորա զբանն, ապա և ինքն համարձակ զնոյն վկայէ. « Արդ ճմարտիւ գիտասցէ նամ տունդ Իսրայէլի, զի և տէր զնա և օծեալ նձ արար »: Զամենայն ինչ Հօր յանձն արար զԲրիտոսին, զի ընդունելի լիցի բանն 'ի լսողն, և զոչ գոն յինքեանէ հնար հաստատել 'ի մարդարեւն ստուգէ. ապա և ինքն ևս վճիռ տայ բանիւս ցուցանելով զնա տէր և գատաւոր հաւասար

Հօր և Քն իսկ, որ է օժեալ զոր և ինքեանք իսկ Հրեայքն քաջ գիտէին և զՅովհաննէս հարցանէին թէ՛ դու ես Քնն, և զնոյն իսկ զՅս՝ եթէ դու ես Քնն՝ ասա մեզ, զի գիտէին թէ՛ Քնն Որդի այ է. և սմա ոչ հաւատացին, այլ և խաչեցին իսկ, ցուցանէ արդ՝ թէ սանա է որումակն ունէիք, և ոչ հաւատացէք ճշմարտութեանն:

Այլ զասելն թէ՛ անձ արար զնա, մի արիտարար ընկալցիս. զի զմարմնոյն է բանս և ոչ լատուկ զանձուէն. զորոյ և Պաւղոս իսկ ասէ. « Ան տեառն մերոյ Յսի Քնն »: Եւ այլ աղք. որոց հակառակ Հօր կարծէին զնա, ՚ի սկզբանս կամի ցուցանել թէ՛ ՚ի Հօրէ ունի զճոխութիւն: Եւ զայս հաստատեալ ՚ի գլուխս նոցա ՚ի ծածուկ կուտէ զմեղադրանս ասելով. « Զայն Յս զոր դուքն խաչեցիք »: Եւ այսու սաստիկ դնէ զսպառնալիս, զի զՈրդին այ սպանին. և չէ հնար թէ ոչ տանջեսցին:

ԲԱՐՈՅԱԿԱՆ

Այլ զի զազումս ՚ի մարդկանէ քան թէ բարբարութիւն՝ յոյժ մանաւանդ երկիւղն զգաստացուցանէ, այլ այս ծառայական բարուց և նորեկ անձանց է երկիւղիւն զգաստացուցանել. իսկ առաքինին ոչ յերկիւղէ գեհենին և ոչ ՚ի շահից արքայութեն ակն ածէ, այլ ազատաբար առ անձ զսէրն ուղղէ: Այլ աւաղ զի և ոչ վաճառականապէս վասն բարի խոստմանցն հաւանիմք այլ, այլ բանսարկուին՝ որ յառիթս գեհենին զմեզ ստիպէ ՚ի բարկուի, ՚ի փառամուլուի, ՚ի պակշոտուի. որք և առանց գեհենին ըստ ինքեանց են փախչելիք: Զորս ՚ի բաց մղեալ ուղղեսցուք զհեղուութիւն, զխոնարհուի, զզգաստուի, օրինակ ոչ բարկանալոյ առնելով ՚ի Պետրոսէ՝ որ մանաւանդ հեղուք հաւանեցոյց զխոտասիրտան, զոր և աստ է տեսանել:

Ճ Ա Ռ Ի Ե Օ Թ Ն Ե Բ Ո Ր Դ

« Լ Ի Լ ՈՒ Ե Ա Ղ Ջ Ա Յ Ս Ղ Ղ Ջ Ա Յ Ա Ն ' ի սիրտս իւրեանց և ասենց Պետրոս և ցայլ առաքեալնս . զինչ գործեսցուք, արք եղբարք » : Յոյժ զօրաւոր է հեզուի բան զխստուի, զի արագագոյն խթելով զսիրտս ազգող գանիւ զարթուցանէ . զի որպէս զանզգայեալ մարմին ոչ խոցելով ոք ածէ ' ի զգայուի ' այլ կակղացուցիչ գեղովք , այսպէս զանիրաւուի ' ի խիստ ոգւոյ ոչ ցասումն ' ի բաց հանէ կամ նախատինք , այլ մանաւանդ հեզուք առ նա մատչէն : Այսպիսի ինչ արար Պետրոս . յիշեցոյց նոցա զիւրեանց յանդգնուին հեզաբար և ոչ կշտամբելով . ասաց և զպարզեանն այ , և զնոսին էաժ վկայս . և չև ևս յերկարեալ զբանն ' պատկառեցին ' ի մեծ հեզուէ նորա . զի առ խաչողսն տեառն իւրոյ և ծարաւիսն արեանն իւրոյ հայրօրէն դթովք խօսեցեալ լինէր . ուստի և ոչ պարզաբար հաւանեցան , այլ և պարսաւեցին զանձինս : Ասան զի միշտ այսպիսի են բարք մարդկան . զի յորժամ ասեմք զոք անիրաւ կամ թիւր գուլ , զընդդէմն ճեպի ցուցանել . այլ թէ աւսեմք զնա ոչ անիրաւեալ , ինքն վաղվաղէ ասել զինքն անիրաւ . զի վիճասէր է ազգ մարդկան :

Սմին վասն Պետրոս ոչ պարսաւեաց զնոսա , այլ ցաւ ծուծք զիջոյց ' ի զղջումն . մինչև ասել նոցա ցպետրոսեանսն « Զինչ գործեսցուք , արք եղբարք » : Զորս վերագոյն արբեալս ասէին , արդ եղբարս կոչեն . ոչ այնքան առ հաւասարս ինքեանց զնոսա ունել ցուցանելով , որչափ ' ի գուծ խնամոց առ ինքեանս զնոսա յոր գորելով : Եւ դարձեալ զինախնա արժանացոյց կոչել զնոսա եղբարս : « Զինչ արասցուք » ասեն : Ոչ ասացին իսկոյն ' թէ ապաշաւեմք , այլ զինքեանս նոցա յանձն արարին . որպէս ալեկոծեալն նաւալարին և հիւանդն բժշկին զամենայն ինչ յանձն առնեն , այսպէս և նորա խոստովանեցին զինքեանս ընդ անյոյսս

կենաց . զի ոչ ասացին թէ զիարդ կեցցուք , այլ թէ զինչ արասցուք :

« Եւ զի ցնոսա Պետրոս » . դարձեալ ընդամենեցունց նա պատասխանէ : « Ապաշաւեցէք և մկրտեսցի իւրաքանչիւր ոք 'ի ձէնջ » : Այս ասաց իբր նեղելով թէ տանջեալ լերուք , այլ պարզաբար՝ թէ ապաշաւեցէք , իբր թէ լալ և ախոսուել : Եւ ոչ ասաց հաւատացէք , այլ թէ մկրտեսցիք . զի զհաւատան մկրտութիւն առցեն : Եւ չասաց զմկրտին 'ի խաչն և 'ի մահն , այլ յանուն տն Յնի Քրի , խոստովանել զայն զոր ուրացանն . զի այս է սկիզբն բարեաց՝ յորմէ և զայլն կարելին գիտել : Վասն որոյ նախ զգիւրադոյնն ասէ զունոզն բազում պարզեաց , այսինքն զմկրտելն : Եւ բարիօք յաւել զիւրաքանչիւրն . զի մկրտութե լուացումն ոչ համանգամայն է բոլոր աշխարհի որպէս ջրհեղեղն , այլ ուրոյն ուրոյն հաւատով մատուցելոցն օր ըստ օրէ : Ապա և զահն ասէ , զոր յոյժ փափաքելին լսել թէ զինչ իցեն արդիւնք մկրտութեանն : « Ի թողութի մեղաց , ասէ . և ընկալցիք զաւետիս Հոգւոյն սրբոյ » : Արդ եթէ թողութի մեղաց և զաւետիս Հոգւոյն պարզեունի մկրտութիւն , ապա ընդէր հեղգայք :

ԵՓՐ . Օ ի թողութիւն որ ծածկեալ է 'ի մկրտութի նորա , քաւիւ լինի ձեզ յանօրէնուէն , զի 'ի խաչ հանէք զգա . և յորժամ քաւիւք և սրբիք , ապա և պարզեաց Հոգւոյն զոր տեսէքս 'ի մեզ՝ արժանի լինիք և դուք : Եւ հաւանական առնէ զբանն և ասէ . « Զի ձեզ են աւետիքս և որդւոց ձերոց » . յայտ է առ 'ի Յովելեայ աւետարանեալն՝ թէ « Հեղից յՈգւոյ իմոյ » :

ՈՍԿ . Եւ ձեռն պարզեքն յորժամ և զորդիսն ևս հաղորդս և ժառանգս բարեացն ունիցին : « Եւ նմ հեռաւորաց , ասէ , զորս կոչեսցէ տէր նմ մեր » . Այսինքն հեթանոսաց , այլ նախ մանաւանդ ձեզ մերձաւորաց : Եւ տես յոր ժամասաց հեռաւորաց . յորժամ եղիտ զնն զգաստացեալս մեղադրելով անձանց . զի ոգի յորժամ զինքն յաղագս յանցանայ իրիք ըստ գտանօք դատապարտէ , ոչ կարէ մախալ ընդ այլոց բարիս :

« Եւ այլովք բանիւք բազմօք վկայութի դնէր և մխիթարէր զնոսա և ասէր . ապրեցարուք յազգէ աս .

աի խորտորելոյ յայսմանէ » : Ոչ շփացու թեամբ իբրև առ ցոյցս ինչ յերկարէ զբանս մատենագիրս . այլ մանաւանդ համառօտէ սոսկ անցանելով թէ և այլովք բանիւք : Եւ ոչ մի ըստ միովէ զասացեալսն 'ի մէջ բերէ : Բայց դու տես զիարդ յայանիս և կատարեալս տայ զցոյցս վարդապետութեանն սուղ բանիւս . զի վիայուի զնելն երկիւղ արկանելոյ և զգուշուէ է ցոյցորոյ սակս և զփոշի օտիցն այլուր թօթափէին : Իսկ մի թարեւն սիրոյ և քաջալերս կինաց տալոյ :

« Վարեցարուք , ասէ , յազգէ ասաի խոտորելոյ » : Խոտորեալ ազգ յաղագս առ ժամայն ներկայից Հրէիցն ասաց , որք յայնժամ խոտորեցան 'ի Քթի . որով առաւել առ ժամայն կշտամբին և սպառու հասին մարդիկ 'ի չարում գործով ըմբռնեալք . որպէս բանիւս այսու խաչեցողքն ահա , յորոց 'ի բաց կտրելով զսողսն յորդորէ 'ի հաւատս Քթի , և ցուցանէ թէ հաւատքն զնոսա յայնպիսի չարէն ազատէ . այս է սպրեցարուքն :

« Ոմանց յօժարուք ընկալեալ զբանս նորա մկրտեցան . և յաւելան յաւուր յայնմիկ ոչիք իբրև երեք հազար » : Հայեաց 'ի փրկելոցն բազմուի՝ որ առաւել քան զնշանսն քաջալերեալս և զօրեղս առնէր զառաքեալսն . զի ընկալեալ զբանն գովեցին և երկիւղիւ լիով մկրտեցան , և նոյնժամայն ընկալեալ զպարզ և չօգւոյն սրբոյ՝ իսկոյն առ բարիոք վարսեղեն փոխադրեալք : « Եւ էին հանապազօրդեալք վարդապետութե առաքելոցն և բեկանելոյ հացին և աղօթից » : Երկու առաքինութիս համանգամայն ցուցանէ զնոցանէ , միաբանուի և ժուժկալութի , զի հանապազօր ուսուցանէին զնոսա առաքեալքն , և իբրև զնորագոյն մանկունս սնուցանէին հոգևոր կերակրով , ոչ բաւականացեալք առաջնովք առ նոսա ասացելովքն . զի այն հաւաքեաց ահա զնոսա 'ի հաւատս : Իսկ զկնի այնր ցանկ ուսուցանելն՝ թէ զինչ պարտ է հաւատացելոցն առնել , իրատէր : Եւ տես սպա զնոսա 'ի կերակուր , յազօթս և 'ի հաղորդուի ամենայն կարեաց , միաբանեալս յամենայն հասարակաց և ժուժկալութի :

« Եւ լինէր ամ անձին ահ և երկիւղ » : Յայտ է զի ոչ հաւատացելոցն միայն . նախ զի յանկարծ իմն տե-

սանէին այնպէս փոխադրեալս զնոսա . զի հրեշտակք այն ինչ եղեալք՝ միայն յաղօթս և յունկնդրուի բա նին ժուժկալէին : Եւ գարձեալ 'ի յոլով նշանացն եղելոց յաճախէր երկիւզն : « Զի բազում նշանք և արուեստք 'ի ձեռս առաքելոցն գործէին » : Զի որպէս առ Քսիւ նախ նշանք գործէին 'ի նմանէ , և ապա վարդապետուի և գարձեալ նշանք , նոյնպէս և աստ . որով աճէր երկիւզն հանապօղ : Այլ ոչ ասէ աստա նոր զվարդապետուին կամ զբազում նշանսն մի ըստ միով , այլ համառօտ անցանէ . զի գիտասցուք զի ոչ զամ ինչ գրեցին ոչ զՔսին և ոչ զառաքելոցն :

« Ամենայն հաւատացեալքն էին 'ի միասին , և ունէին զամենայն ինչ հասարակաց » : Տես զաճումն նոցա 'ի բարիսն վազվաղակի . զի ոչ տեղեալ միայն և վարդապետութիւն և աղօթիւք էր հաղորդուին , այլ և քաղաքավարութիւն . զի ունէին զամենայն ինչ հասարակաց իբր զտերունիս և ոչ անձանց : Քանզի տեսին թէ Հոգւոյն սրբոյ պարգևքն հասարակաց էին , և ոչ ոմն քան զոմն ունէր յոլովագոյն , վազվաղակի և ինքեանք զգոյսն հասարակեցին սիրով . զի սէրն իսկ է պատճառամենայն բարեաց : Ամենեքեան , ասէ , միաբան էին , և ոչ ոմն էր և ոմն ոչ . զի վազվաղակի արմատն չարեաց ազահուծի 'ի բաց հատալ :

« Եւ զսոացուածս և զինչս վաճառէին և բաշխէին ամենեցուն ում զիտրդ պիտոյ ինչ լինէր » : Տես զգորուի Հոգւոյն որչափ երկիւզ և փոյթ արկ 'ի նոսա : Վաճառէին զգոյսն , որպէս և Քս ասաց . և բաշխէին ոչ վայրապար որպէս ելլենացւոց իմաստունքն , յորոց ոմանք զգոյսն լոկ ընդ վայր թողին , և այլք ոսկի բազում 'ի ծովն ընկեցին . իբրու թէ չէր հնար բարւոք ուղղել զայն բաշխելով , որ էր անմտուի : Այլ սորա բաշխէին , ասէ , որոց պէտք էին . և « Ինքեանք հանապօղոր կանխէին միաբանութիւն 'ի տաճարն » : Քան զերիս հազարս աւելի գոլով ելանէին հանդերձ առաքելովքն բազում համարձակութիւն . զի վայելելով որ ըստ օրէ վարդապետութիւննոցա՝ ոչ մարմնական ինչ իրս Հոգային , այլ 'ի տաճարն ժուժկալէին առ սո վորական տեղին , յոլով սէր և պատկառանս ունէլով : Զի և առաքեալքն ոչ մերժէին զնոսա անտի , և ոչ

'ի հրեական կարգացն տակաւին փոխէին ինչ, զի մի 'ի հաւատն զնոսա վնասեցեն . քանզի և ինքեանք իսկ անդ 'ի տաճարն կանխէին յաղօթս :

« Եւ առանին բեկանէին զհացն և առնուին կերակուր ուրախուիք » : Միայն զհացն ասացեալ թուի ինձ զպահս և զխիտ վարս ակնարկել . զի կերակրոյ և ոչ փափուէ հաղորդէին : Եւ թէպէտ պահքն և 'ի բաց տալն ընչիցն կարէր զնոսա արկանել 'ի տրամուի, այլ երկօրումքն իսկ ուրախ էին . զի ուրախուին առնէ զվայելումն, և ոչ յղփուի կերակրոյ և ըմպելեաց յաճախուի որ արկանեն 'ի ցաւս :

« Եւ միամտուի սրտի օրհնէին զամ » : Յայտ է զի ողջախոհք եղեն վարուք . զի ոչ է հնար 'ի ցնծուէ լինել, ուր ոչ է պարզամտ յտակուի . զի սա իսկ յայտ առնէ զառաքինուի նոցա, քան զընչիցն տուրս և ըզպահս և զաղօթս մեծագոյն գոլով միամտուին : Այսպէս մաքրապէս օրհնէին զամ . զի այս է առաւել օրհնել զամ, պարզամտուի : Այլ տես զնոսա վաղվաղակի ընկալեալ զփոխարէնն : « Աւնէին, ասէ, շնորհս առ ամ ժողովուրդն » : Յայտ է վասն ընչիցն արհաւմարհելոյ և ողորմածուէն զոր առնէին, փափաքելիք ոմանք էին և ցանկալիք . զի ով որ ոչ սքանչանայր ընդ նոցա պարզամտուին : Եւ մի զայս ինձ ասիցես՝ թէ քահանայապետքն դառն աչօք հայէին ընդ նոսա որպէս և ընդ քո . այլ զի առ ժողովուրդն մեծարգի էին, թուի թէ և զբազումս 'ի նախանձ բարւոք կրօնիցն յորդորէին : « Եւ տէր յաւելոյր 'ի փրկեալսն հանապազօր 'ի նոյն » : Յիրաւի տեառն վերագրէ զկուումն փրկելոցն . զի նա ինքն զիւրաքանչիւր որ 'ի դէպ ժամու կուէ միաւորելով ընդ փրկեալսն : Որպէս ցուցանէ ահա զօրինակն աճման հաւատացելոցն սքանչելեօքս զոր կամի պատմել :

ԲԱՐՈՅԱԿԱՆ

Բայց հոյեաց, զի բազում բարութեց պատճառք
են անստացուածունն՝ բացատրուի առնելով անձա-
րեաց, և ներքսադրուի անչարութե ըստ անմեղ ման-
կանց: Այսպիսիք էին Յովսէփ և Դաւիթ և խորա-
մանկացն յաղթեցին. զի որ գնայ միամտութե, գնայ
յուսով. գործակցէ այսմ և նեղուի և անձուկ, յա-
ղութս և ՚ի յոյսն ան զարթուցանելով զտաղնապետն,
սա որ փութով հասանէ այցելութե բազմագիմի յե-
ղանակօք: Եւ լուր ահա որոց ՚ի կարգիս:

Ճ Ա Ռ ՈՒ Թ Ե Ր ՈՐ Գ

«ՊԵՏՐՈՍ և Յովհաննէս ելանէին ՚ի տաճար անդրր յինն ժամու աղօթիցն » : Բազում յոյժ երևի սոցա միաբանութի . զի սմա ակնարկէր Պետրոս հարցանել զմատնէն, և ՚ի դերեզմանն սորա զուգընթացք, և այն՝ թէ « Տէր, իսկ սա զի » . և այժմ՝ յաղօթս ժուժկալէին, կարգաւ և օրինօք զայն կատարէին և անդ աղօթէին : Սմին վասն ոչ ասէ թէ ելին ՚ի տաճարն յինն ժամն յաղօթս կալ՝ իբրև զնորոգ սկսեալ սովորուէ, այլ թէ ելանէին ՚ի տաճարն յինն ժամու աղօթիցն . զի ցուցցէ՝ թէ օրէն իսկ էր Հրէից աղօթել ՚ի ժամուն յայնմիկ . թերևս ՚ի Գաւթէ կարգեալ էր ժամն յեօթն ժամունցն օրհնելոյ զամբ :

ՆԵՐ . ԿԹՂ . Օրոյ ելից տէրն զխորհուրդ յայնմ ժամու փոխանակ մահուն վճաի զօր եհաս նախնի մարդոյն և արտաքսեաց . եմոյժ ՚ի դրախան զաւազակն ՚ի սոյն ժամու . և ինքն անմահն մահացաւ . զի ընդ այլոցն զիմադարձութեց՝ և ժամ ընդ ժամու կռեցէ ՚ի բժշկէն զմեղ : Զի և մեք մի տուժեսցուք ծուլուք զաղօթս ՚ի դէպ ժամունցն : Եւ զի ընդդէմ յամելոյ ՚ի մեղս չափեսցուք և զապաշխարուեն ժամանակ :

ՈՍԿ . « Եւ էր այր միկազ յորովայնէ մօր իւրոյ » : Զայլովք նշանօքն օրնախ քան զայս՝ զանց արար Ղուկաս, և զայն միայն յիշէ՝ օրով զամենեսեան՝ ՚ի հիացումն շարժեցին, զհաւատացեալն հաստատեցին և զայլսն ՚ի հաւատս ձգեցին . զի իբրև զայս նշան դեռ ևս ոչ էին արարեալ : Քանզի բնական էր ախտն առ այրն, որ դժուարին և ՚ի վեր է քան զարուեստ բժշկուէ . քանզի քառասուն ամ կազ զօլով ոչ օր կարաց բժրչկել զնա : Բայց տես և զառաքեալն ոչ ՚ի սկզբան զայս արարեալ, զի յամենայն փառասիրուէ մաքուրք էին :

1 Միւսն գիտարուէնաց :

իրբե զվարդապետն իւրեանց . այլ յետոյ ուրեմն եկին յայս նշան մեծ բժշկել զկաղն 'ի ծնէ :

ՆԵՐ . ԿԹՂ . « Օ որ բարձեալ գնէին , ասէ , հանապաղ առ դրան տաճարին խնդրել ողորմուի » : Յոյժ էր պատահարք վշտաց մարդոյն . զի և ոչ 'ի հարկաւոր կերակրոյն պաճարանս կարողանալ նմա դոյր հնար , այլ այլոց ոտիւք բարձեալ . որովք և նշանաւոր իսկ էր այրն յախտէն , 'ի ժամանակէն և 'ի տեղւոյն , զի բառնալով տանէին զնա 'ի դուռն տաճարին . և մանաւանդ 'ի ժամ մտանելոյ մարդկան 'ի տաճարն :

ՈՍԿ . « Խնդրել ողորմուի » ասէ : Զի մի կարծիցես վասն այլոյ իրիք կրեալ և եդեալ զնա անդ , այլ զի ողորմուի առցէ : Եւ էր վասն զտեղին յիշէ . առ 'ի յանդիմանել զանադորոյն բարս կրողացն զնա , որ ոչ մատուցին զնա առ քո , որպէս և ոչ զերեսունևութամեայ հիւանդն : Թերևս էին թերահաւատք ոմանք նստեալ 'ի տաճարին , որք զբազումս յայսմանէ խափանէին : Եւ տես ահա զի և ոչ առ առաքեալն զնա մատուցին , տեսանելով զնոսա մտեալս 'ի տաճարին և բազում սքանչելիս գործեալ « Որոյ տեսեալ զՊետրոս և զՅովհաննէս մտանելով 'ի տաճարն՝ աղաչէր ողորմուի առնուլ » : Ողորմուի միայն առնուլ հայցէր ոչ գիտելով թէ ոյք ոմանք էին . այլ զի իրբե առաքինի արանց և արդարոց ետես զձե նոցա յատուկ յայլոց : « Հայեցաւ 'ի նա Պետրոս Յովհաննու հանդերձ և ասէ . հայեաց 'ի մեզ » : Զայս ասաց , զի զմիտս նորա 'ի բարձրագոյն իմացուածս զարթուցէ . այլ նա և ոչ այնպէս զգաստանայր , այլ ստէպ ստէպ թախանձեցուցանէր . զոր և ասէ . « Ես դարձաւ 'ի նոսա , և ակն ունէր առնուլ ինչ 'ի նոցանէ » : Զի այնպիսի է տնանկուի , որ և առ հրաժարեալն 'ի տալոյ ստիպով հայցել հարկէ : Ամաչեցուք ասպա և մի յաղթիցն արտաքսելցուք , այլ մնասցուք թախանձելով զանձ :

« Եւ ասէ Պետրոս » : Տես զՅովհաննէս , զի յամենայնի լուէ և զգահերիցութի այլ ոչ խնդրէ . այլ Պետրոս բնդ նորա տայ պատասխանի . « Արժաթ և ոսկի ոչ ունիմ » : Ոչ ասաց թէ աստ ոչ ունիմ որպէս մեք ասեմք , այլ թէ բնաւ ոչ ունիմ : Եւ զիարդ , ան-

առնա առնես զհայցոյս . ոչ . այլ զոր ունիմս յայտմա
նէ առ : Եւ ոչ ասաց թէ պատուականագոյն քան զու
կին տացքեզ . զի այն յարդեանցն յայտնէր : Եւ զինչ
իցէ զոր տասդ : « Յանուն Յօի Բօի նազովրեցոյ ա
րի և գնա » : Եւ միշտ զնազովրեցին անուանեն . զի
առ ժամայն այն ինչ էր խնդրելի , զի հաւատասցեն 'ի
նա : « Եւ կալեալ զաջոյ ձեռանէ նորա յարոյց զնա » :
Այսպէս և Բօ երբեմն բանիւ բժշկէր , և երբեմն
ձեռն զնելով ուր տկարքն էին 'ի հաւատս . նոյնպէս
և սա , զի մի թուեսցի ինքնին լինել 'նշանն՝ կալաւ զա
ջոյ ձեռանէն և յարոյց զնա : Եւ այս ինչ յայտնի առ
նէր զյարուին Բօի . զի յարու թէ էր պատկեր և օրի
նակ յարուցանէն զկազն . սմին վասն և յանուն նորա
առնէին :

Այսպիսիք էին շրեայք կազք 'ի հաւատս , որոց
պարտ էր խնդրել զառողջութիւն . այլ կացին կազա
ցեալք , զի գեանաբարչք և ընչասէլք էին : Այլ զսա
Պետրոս ոչ արար անտես : Եւ հայեաց զազատութիւն
ձինն , զի ոչ առ ցոյցս արար զբարեբարելն , զի բերանն
և ձեռն զամենայն վճարէր . և նա ոչ զոք 'ի փարթա
մաց խնդրեաց առ բժշկութի , և ոչ ասաց թէ սմա բժշ
կելով ոչ լինի յայտնի և մեծ սքանչելիքս . նա զի և ոչ
գնոյ ակնկալութի գոյր 'ի նմանէ , և ոչ առաջի ոմանց
բժշկէր զնա , և ոչ տանէր 'ի ներքս ուր բաղմունիւն էր ,
և ոչ 'ի ներքս մտեալ քարոզեաց զեղեալն . այլ 'ի
համեստ ձեռոյ իւրմէ զկազն ձգեաց առ հայցուածս ,
և ետ նմա զոր ոչ ակն ունէր :

« Յանուն Յօի Բօի արի , ասաց . և անդէն հաստա
տեցան բարձք նորա և սրունք . 'ի վեր վազեաց և սկսաւ
գնալ » : Աքանչելի էր և հաւաք առն , զի փութապէս
հաւատաց լինել բժշկուեն . զի յամեալքն յախտս հա
զիւ կարեն հաւատալ , իսկ նա ընդ տեսութիւն և ընդ
լսելն զբանն հաւատաց և բժշկեալ եղև : « Ի վեր վա
զեաց և եմուտ ընդ նոսա 'ի տաճարն . գնայր և վազ
վազէր և օրհնէր զամ » : Արդ քանզի տկար էին ոտքն
և ոչ հատեալք , և վասն այնորիկ վազվազէր , փորձե
լով թերևս զանձն իւր և յուրվագոյն առնելով ըզ
քննութիւնն :

ԵՓ . Այլ ոմանք ասեն՝ թէ վասն զի անփորձ էր
և ոչ զիտէր զնալ , զի չէր երբէք գնացեալ :

ՈՍԿ . Իսկ սքանչանալ զայ , զի և ընդ նոսա 'ի տա-
ճարն եմուտ . զի ոչ նորա զնա ածին , այլ ինքն հետե-
ւէր և զերախտաւորսն ցուցանէր և օրհնէր զիւժ :
Զի ոչ ընդ նոսա միայն սքանչանայր , այլ 'ի ձեռն նո-
ցա զիւժ օրհնէր և ոչ դադարէր . այլ մասն ինչ առ
հեղուէ որպէս 'ի խաղս իջեալ վազս առնոյր , և մասն
ինչ յար կալով ընդ նոսա խնոյր զբերանս անհաւա-
տիցն : Եւ զի մի կեղծաւորուի իրքն կարծիցի , վազե-
լով զնայր , զի այն չէր կեղծաւորուի . զի թէ առ սո-
վոյն վտանգի լոկ 'ի վայր կոխել ոչ կարէր , ոչ թերևս
վազվազէր և ցնծայր առաջի կրողացն զնա , զի մի
բաժանեացին զառ 'ի յողորմուէ տուեալն նմա . զոր
միայն իւր լինել կարծէր բաւական : Եւ այլ ազգ . զի-
արդ կեղծաւորէր վասն յուսոյ ընչից 'ի Պետրոսէ՝ որ
ոչ ունէր ստացուածս . այլ վասն զի գոհացող էր նախ
քան զբժշկին , և յետ առողջուէն ևս առ անձ և առ
նոսա բարեմիտ լինէր :

« Եւ ետես ամենայն ժողովուրդն զնա զի զնայր և
օրհնէր զիւժ , և գիտէին զի սա էր որ նստէր առ գե-
ղեցիկ զբան տաճարին » : Բարեոք ասէ թէ ճանաչէին
թէ նա էր , ցուցանելով զի իբրև զանձանօթ զոմն հա-
մարէին զայրն , որպէս զկուրէն իբրև զանձանօթ է ա-
սէին . « Ոչ սա էր որ նստէրն և մուրանայր » . նոյն-
պէս և աստ , հազիւ ուրեմն յիշեն թէ սա էր՝ որ նըս-
տէր վասն ողորմուէ : Զի այսպիսի բառիւս վարիմք
'ի վերայ որոց հազիւ ճանաչեմք առ ժամն . ասեմք՝
թէ յառաջ ճանաչեաք սա էր , այսնիչ ոմն « Եւ լցան
զարմանալեօք 'ի վերայ նշանին որ եղև » : Վայելչա-
պէս . զի բնաւորեալ իսկ է նշան 'ի սքանչումն բմբռ-
նել՝ զտեսողսն : Թերևս զհինգ հազարացն ակնարկէ
աստ , որ այսու նշանաւս հաւատացին :

« Եւ մինչ նա ունէր զՊետրոս և զՅովհաննէս » .
յայտ է՝ բժշկեալն , զի ոչ մեկնէր 'ի նոցանէ , գոհա-
նալով զայ և զնոցանէ , և քարոզէր ամենեցուն զե-
ղեալսն : « Ընթացաւ ամենայն ժողովուրդն 'ի սրահն
Սողոմոնի՝ զարմացեալք » : Յայտ առնէ այսու զբարե-
միտ և զաննախանձ կամս ժողովրդեանն . որպէս զա-

ուաջին սքանչացեալն երկիւղածս գոլ վկայեաց : «Եւ տեսեալ զնոսա Պետրոս զարմացեալս՝ արար պատասխանի » : Դարձեալ Պետրոս որպէս 'ի սկզբանն ատենարանէ : Այլ յայնժամ՝ յարոյց զնա առ քարոզուին իբրն որ վասն լեզուացն էր . իսկ այժմ՝ նշանն որ եղև : Սմին վասն յայնժամ՝ սկսանէր 'ի կատակելոյն , և այժմ՝ 'ի տարադէպ կարծեացն՝ թէ « Ընդ մեզ զի՞ էք պղուցեալք » : Տեսցուք ապա զհասարակուի և զզանազանուի այնր և այսր հրապարակախօսութեան :

Արդ սքանչելիք և այն և այս , և զարմացեալս և անդ և աստ , և բազմուի նմանապէս խմբեալք , և անգիտացեալք նոքա և սոքա զգիարդն և զուստին , և առաքելոցն ուղղեալ զկարծիսն , և հաւատալ բազմաց : Այլ զանազանին . զի այն 'ի տան , և այս 'ի տաճարին . զի յայտնի լիցի , և բազումք հաւատացեն . անդ առանց բժշկուէ , և աստ մերձ կալով բժշկեալն քարոզէր զերախտիսն . անդ կէսք խաղ առնէին , և աստ ամենեքեան զարմացեալք . անդ հանդերձ մետասանիւքն խօսէր Պետրոս , և աստ հանդերձ Յովհաննու միայն . զի այժմ՝ ուժգնագոյն է և համարձակ 'ի յաճախութէ նշանացն : Սմին վասն և հաւատացեալքն անդ երեք հազարք , իսկ աստ հինգ հազարք . զի այսպէս առաքինուի բնաւորեալ է յառաջանալ միշտ և զօրանալ :

ԲԱՐՈՅԱԿԱՆ

Աստի խրատեսցուք նախ զփոքրն խլել զւարիս իբրև զերդումն և զծաղրարանել , և սկսանել զբարին , և սովորել առանց ձանձրուէ . թէպէտ և յոյժ 'ի փոքունցն իցէ , փութով 'ի մեծամեծս ելանէ , որպէս փոքր կայծակն 'ի դիզանել փայտից :

Ճ Ա Ռ Ի Ն Ն Ե Ր Ո Ր Դ

«**Ի** Բ Բ Ե Ի ետես Պետրոս, պատասխանի ետ ժողովրդեանն . արք խորայելացիք, զի զարմացեալ էք 'ի վերայ այսոցիկ, կամ ընդ մեզ զի էք պշուցեալք » : Համարձակագոյն քան զառաջինն է այժմու հրապարակախօսուիս . ոչ թէ վասն զի երկնչէին յայնժամ, այլ զի անդ ծաղրարարք գոլով լսողքն ոչ հանդարտէին . զորս և յառաջաբանսն անդ առ ինքն դարձուցանել կամելով ասէր՝ թէ ունկն դիք բանից իմոց : Իսկ այժմ վասն զինչանն զսոսա յորդորեաց, և լի էին ահիւ և զարմացմամբ, ոչ կարօտացաւ այնպիսի ինչ բանից . այլ այլ ազգ . հնարեցաւ զնոսա շահել . « Ընդէր, ասէ, հայիք ընդ մեզ . իբր թէ անձանց զօրութիւն արարաք զգնալ դորա » : Զայս ասելով նախ զայն կամի յայտ առնել՝ թէ ինքեանք արարին զսքանչելիսն, և ոչ տայ թոյլ թերահաւատ լինել յեղեւոցն . բայց զգուշանայ դարձեալ զի մի յայս և եթ դադարեալ մնասեսցին հաւատքնոցա . սմին վասն 'ի բաց միէ յինքեանց զառ 'ի նոցանէ փառսն և զգովեստ, յիմ զերաբերելով զզօրութի հրաշիցն . զի այնպէս քաջ մանաւանդ զանձինս փառաւորեսցեն արհամարհելովն զփառս և ցուցանելով թէ անձային իմն էր որ ինչ 'ի ձեռննոցա եղև : Քանզի այս իսկ է ախորժակ սրբոցն . ըստ որում Գանիէլ ասէր . « Ես ոչ թէ իմաստուէս որ յիս է՝ գիտացի » . և Յովսէփ՝ թէ « Աստուծով է մեկնութի երազոյն » . և Դաւիթ՝ թէ « Զարջ և զառիւծ փողոտէի յանուն տեառն » : Նոյնպէս և աստ Պետրոս՝ վասն եղելոյ նշանին իմացարուք, ասէ, զսքանչելարարն և մի վրդովիք :

« Բառուած Աբրահամու, անձ Իսահակայ և անձ Յակօբայ » : Միշտ զնախնինն յիշէ և 'ի նոսա յարի, զի մի թուեսցի նոր ինչ կրօնս 'ի ներքս մուծանել : Սմին վասն անդ զԴաւիթ յիշեաց, և աստ զարբահա

մեանսն : « Աստուած հարցն մերոց փառաւորեաց զՈրդի իւր զՅօ » : Տես ընդ ցածու թէն և զիմաստուին . ոչ ասաց շփացուք վաղվաղակի՝ թէ արդ հաւատացէք , ահաւագիկ տեսանէք՝ զի քառասնամեայ կաղն անուամբն Յօի յարեաւ . զի մի վիճողս արասցէ զնոսա : Այլ առժամայն դովէ զնոսա յիշմամբն աննեացն , զի սքանչացեալ էին ընդ եղեալն . և ապա զիմ ՚ի մէջ բերէ , և ՚ի ծնողէ անտի կուէ զՅօ Որդի այ : Եւ դեռ ևս ոչ ասէ՝ թէ Յօ զսա բժշկեաց , և մանաւանդ զի նա իսկ բժշկեաց . այլ զինչ . « Աճ փառաւորեաց զՈրդի իւր զՅիսուս » : Եւ յորժամ յիմ ապաւինի ցուցանելով ՚ի նմանէ զիմ , յայնժամ առանց ահի ինչ զարհուրեցուցանէ զնոսա . զի վերագոյն ասէր . զՅօ զայր ցուցեալ յայ ՚ի ձեզ նշանօք , և այժմ՝ թէ իմ փառաւորեաց զՈրդի իւր զՅօ :

Եւ զի մի ասիցեն՝ թէ զիարդ գորինազանցն փառաւորէր Աստուած , ցուցանէ թէ յայ շօրէ միշտ փառաւորեալ էր նա նշանօքն զոր արար ՚ի միջի ձերում : Քանզի խոնարհաբար դարձեալ սկսանի ճառել զնմանէ որպէս յառաջնուին ՚ի խօսսն . և ապա յամելով բանիւն ՚ի ճառս չարչարանացն ՚ի բարձրագոյնս ընհ հանէ զլսողսն : Սմին վասն զիջանելովն ասէ . « Փառաւորեաց զՅօ զոր դուքն մատնեցիք և ուրացարուք առաջի Պիղատոսի ՚ի դատելն նորա արձակել » : Յիշեցուցանէ նոցա զդատաստանն որ եղև առաջի Պիղատոսի . զի թէ կամիցին ՚ի միտ առնուլ , ոչ էր Յօ օրինազանց . և թէ այնպիսի ոք էր , թերևս և ոչ Պիղատոս ՚ի բաց արձակէր զնա :

Եւ ոչ ասաց ՚ի կամելն նորա արձակել , այլ ՚ի դատելն . զյոյժ անամօ թուի և զկարծրուի նոցա յայտ առնելով : Աստ կրկին դնէ զամբաստանուին . զի հեթաւնոսն և որ յայնժամ ետես զնա , ՚ի բաց արձակէր . և այն զի ոչ ինչ մեծամեծս ետես կամ լուաւ ՚ի նմանէ , այլ զի գիտաց զի առ նախանձու մատնեցին զնա : Իսկ նոքա որ բանիցն և նշանացն սննդակիցք էին , զհաւառակն այնմիկ առնէին : Եւ ՚ի դատելն Պիղատոսի արձակել , զի մի կարծեսցեն չորհրտիս ինչ առնել նմա , ինքն իսկ ասաց՝ թէ « Եւ ձեր սուլորուի , զի արձակեցից ձեզ այր մի » :

« Եւ դուք զ՞քն և զարդարն ուրացարուք, ասելով չիք մեր թագաւոր բաց ՚ի կայսերէ. և խնդրեցէք այր մի մահապարտ շնորհել ձեզ » : Որ զայլս սպանանէր աւազակն՝ հայցեցէք ՚ի բաց արձակել, և որ զսպանեալսն կենադործէր՝ զառաջնորդն կենաց՝ սպանէք » : Յոյժ դժուարացոյց զճանրութի չարեացն. նախ զի ոչ խնդրեցէք, ասէ, զանմեղն. և զի ՚ի կամեն Պիղատոսի արձակել՝ ոչ կամեցայք. և դարձեալ ոչ միայն ուրացայք, այլ և սպանէք ևս : Յոյժ զարհուրեցուցանէ զնոսա. քանզի յերկիւղի և ընդ ձեռամբ ունէր զնոսա : Իսկ յառաջնում նուազին ոչ ինչ այսպիսի ասաց զնոսա. այլ այժմ՝ յորժամ և զգալկարէին զասացեալսն. զի որպէս արբեցելոցն ոչ ինչ ասեմք մինչև սթափեալ յարբեցութիէն զգաստանան և ապա զահն յաճախեմք, այսպէս Պետրոս՝ յորժամ կարէին ՚ի միտառուլ, յայնժամ թեքեաց զէզուն և աճեցոյց զամբաստանութիւն՝ թէ զոր անձ փառաւորեաց, դուք մատնեցէք. զոր Պիղատոս արձակեաց, դուք ուրացարուք :

Եւ տես թէ որպէս ՚ի ծածուկ զգորութի նորացուցանէ՝ թէ զանձն իւր յարոյց. որպէս յառաջնում կացրդականութիւն ասաց՝ թէ չէր հնար ըմբռնել նմա ՚ի մահուանէ, և աստ՝ թէ զառաջնորդն կենաց սպանէք : Ուրեմն ապա ոչ յայլմէ ունի զկեանքն. զի որպէս առաջնորդ սպանութե ասի՝ որ զսպանութիւն ուսուցեալ իցէ, և առաջնորդ կենաց՝ որ յինքննէ ունի զկենդանութիւն : Եւ ապա զիջանելով ընդ նոսա խոնարհազոյնս բարբառի : « Զոր անձ յարոյց, ասէ, ՚ի մեռելոց » . իբրև զգործակից. յայտ է զի ոչ տկարանայր զանձն յարուցանել առաջնորդն կենաց, որոյ անունն կանգնեաց զկաղն՝ որ չէր ընդհատ ՚ի մեռելոյ : Եւ ուսաի զիտասցուք. « Մէք իսկ եմք վկայք » ասէ : Տես զի ոչ այժմ՝ ՚ի մարդարէսն ապաւինի, այլ յանձն իւր. զի այնուհետև արժանի հաւատալոյ ոմն էր : Զի անդ յասելն թէ յարեաւ, զԳաւիթ ածէ վկայ. իսկ այժմ զգունդն առաքելական :

« Եւ հաւատովք անուան նորա զսա զոր տեսանէք ըս և գիտէք, հաստատեաց անուն նորա. և հաւատքն որ նովա՝ ետուն դմա զառողջութիւնս զայս յանդիման ձեր անցն » : Կամեցեալ ասել զիրս փրկու-

Թէ նոցա՝ թէ դարձարուք ՚ի ջնջել զմեղս ձեր, և նախ քան զայն ասել ձանապարհ գործելով չաւատոյ նոցա, յառաջեաց զնշանն ՚ի վերայ էած, զոր և ինքեանք իսկ կամէին. մանաւանդ լսել և գիտել՝ թէ զիարդ կամ յումմէ եղեն սքանչելիքն, զոր յայտնէ ասելով՝ թէ չաւատքն որ ՚ի ԳԾ՝ զամ ինչ վճարէ: Եւ ոչ ասաց ՚ի ձեռն անուանն, այլ անուամբն: Եւ դեռ ևս ոչ ասէ թէ ՚ի նա չաւատացէք, զի տակաւին ոչ վտաճանայր. այլ թէ չաւատքն որ նովաւ: Եւ զի մի նուազ երևեսցի ասելն՝ թէ նովաւ, ասաց՝ թէ անուն նորա չաստատեաց զդա:

Եւ ապա յորդորելով ՚ի չաւատս, ասէ ՚ի վերայ՝ թէ « Չաւատքն որ նովաւ՝ ետուն դմա զառողջութիւն զայդ »: Եւ գիտեա թէ որպէս յամի զնոսա կոչէ վրկայս. զի վերագոյն ասէր, « Որպէս և դուք իսկ գիտէք »: և աստ՝ թէ վկայ ձեզ առողջութիւն զոր տուաք սմա յանդիման ձեր ամցն: Զի զայն՝ թէ անուամբն ՅԾԻ եղեն սքանչելիքն, ոչ գիտէին. այլ թէ կաղ էր և արդ առողջացեալ տեսանէին իսկ: Այլ սոքա զոր արարին, զայն խոստովանին՝ թէ ոչ իւրեանց զօրութեամբ զայն արարին, այլ անուամբն ՅԾԻ. զի թէ չէր այսպէս, և ոչ ճշմարտապէս տեսեալ էին զնա զի յարեաւ. ոչ ապա ախորժէին զփառս մեռելոյն չաստատել, այլ յաւէտ ևս զինքեանցն. և մանաւանդ առաջի այնոցիկ՝ որք ՚ի նոսա իսկ չայէին իբրև ընդ սքանչելարարս:

Եւ քանզի յոյժ սաստկապէս բուռն եհար զնորօք և զարհուրեցոյց՝ ցուցանելով յարուցեալ զխաչեալն ՚ի նոցանէ, զի մի չատցէ զյոյս նոցա որ իսպէցին զնա, և սպառսպուռ կորիցեն, դարձաւ թողացոյց նոցա տալով զիշխանութիւն ապաշխարուէ: Եւ վաղվազակի եղբարց անուանակոչութիւն միսի թարեաց զնոսա. և զոր ինչ նոցա պարտ էր ասել, ինքն ասաց. « Եւ արդ եղբարք, գիտեմ զի անգիտութիւն արարէք որպէս և իշխանքն ձեր »: Եւ վասն զի անդ յառաջ ոչ ասաց այսպիսի ինչ յաղագս ԳԾԻ մեծագոյնս, այլ միայն՝ թէ « Ըշմարտիւ գիտացէ ամ տունդ Խարայէլի, զի տէր զնա և ամ արար », քայց աստ և ողորմանս մատուցանէ թէ անգիտութիւն արարէք: Անդ զտեղի առնոյր, զի նա

քա տացեն պատասխանի . իսկ այժմ՝ զի ընտանացեալք եղեն, ինքն ընդ նոցա պատասխանէ :

Եւ զի չէր յանգիտու թէ, յայտ է. զի զաւագակն հայցել և զգատեալն արձակել ոչ առնուլ այլ և սպանանել՝ զիարդ էր անգիտուի : Սակայն ետ նոցա տեղի ոչ ուրանալ զեղեալն, այլ զզջանալ : Արդ զի զանպարտն սպանին, գիտէին . բայց թէ զառաջնորդ կենաց և զտէրն փառաց՝ ոչ գիտէին . զոր և ինքն Քրիստոս ասաց՝ թէ « Ոչ գիտեն զինչ գործեն » : Եւ ոչ միայն զնոսա ազատէ յամբաստանութեց, այլ և զիշխանան և ս զճարտարապետն չարեաց : Եւ զայս հանձարով . զի թէ ՚ի գատասխազուի զբանն արտաբերէր, վիճականս զնոսա առնէր . զի չարագործ՝ որ յորժամ պարսուիցի, ճեպի ուժգնագոյնս լինել ՚ի պատասխանիս : Սմին վասն ոչ ասաց այժմ՝ դարձեալ թէ իսաչեցէք սպանէք, այլ թէ արարէք, ներողութի տալով նոցա : Զի թէ իշխանքն և առաջնորդք անգէտք էին, քաջ մանաւանդ սօքա . և եթէ նոցա թողաւ, յաւէտ և սոցա : Արդ մի այս է պատասխանի, և երկրորդ միւսն նոր և սքանչելի . որպէս Յովսէփ ասէրն թէ « Աճ առաքեաց զիս առաջի ձեր » . և աստ թէ « Յայ եղէ » : Եւ զոր ինչ վերագոյնն ամփոփելով ասաց՝ թէ « Սահմանեալ խորհրդով և կանխագիտութեն այ » , զնոյն և աստ ասէ յայտնի և ընդարձակ :

« Եւ իմձ, ասէ, որպէս յառաջագոյն պատմեաց ՚ի բերանոյ ամ մարգարէից զչարչարին Քսի իւրոյ, նոյնպէս և կատարեաց » : Յուցանէ թէ զոր ինչ կըրեացն Յն, ոչ էր ՚ի նոցա զօրութի, այլ յայտնի ցուցեալ լինի ՚ի մարգարէից՝ թէ ըստ այ կամացն եղեն : Եւ զոր հեգնելով ասէին « Թէ որդի է այ՝ իջցէ այժմ ՚ի իսաչէն, զի ասաց թէ որդի այ՝ եմ, արդ փրկեսցէ զքա եթէ կամի զքա », ոչ էր առ տկարութեն այն զի ոչն էջ, այլ ըստ զօրութեն, զի կամաւ Հօր եկն յայն . որ կանխեաց քարոզեաց զնմանէ բերանով ամ մարգարէից : Եւ զի մի ասիցեն թէ զիարդ այժմ զնա փառաւորեաց, որոյ յայնժամ օգնել ոչ կամեցաւն, աճէ ՚ի մէջ զմարգարէսն՝ թէ այնպէս պարտ էր լինել : Բայց ոչ զուրուք յիշէ զվկայութի, զորս իւրաքանչիւր որ ՚ի նոցանէ զխաղողացն ամբաստան եղեն :

և զտանջանսն զոր նոցա հասանելոց էր քարոզեցին .
 ըստ այնմ , թէ « Տայ զարս փոխանակ թաղմանն ու-
 ըա » : Եւ մեծացոյց զխորհուրդ չարչարանացն յա-
 ճախու թի մարդարէիցն , թէ ոչ մի որ կամ երկու՝ այլ
 ամենեքեան իսկ ասացին , զորս և կատարեաց , ասէ ,
 զի մի կարծիցեն պակաս ինչ լինել յասացելոցն :

Այլ զի մի վտաահասցին՝ զայն անօրէնու թինն պա-
 տասխանի դու ինքեանց , կանխեաց առաջին բանիւքն
 ըմբռնեաց զնոսա , զի առաջի Պիղատոսի ուրանալն
 նոցա ոչ էր ըստ այն ի կամելն նորա արձակել . և դա-
 տապարտէ զնոսա մարդասպանն , զոր հայցեցին և
 զանմեզն սպանին . թէպէտ առ ՚ի նմանէ անօրէնու
 թիւն մեծ էր . որ մեռաւ և զմահ էլոյծ . որ միայն
 այն իմաստու թէ է ՚ի ճահ զնոցա չարութիւն յօդուա
 բոլորից վճարել :

Այլ որս թէպէտ ՚ի դէպ էր ասել թէ մի կարծէք ,
 թէ զի մարդարէքն զայսոսիկ ասացին , կամ թէ զի
 ըստ անդիտու թէ գործեցէք , թէ այսու ազատեալք
 լինիջիք ՚ի պատժոց : Այլ ոչ ասաց զայս , այլ յոյժ
 հեղու թի . « Արդ ապաշաւեցէք » ասէ : Զի թէպէտ
 ըստ անօրէնու թէ կամ անդիտու թի եղև , այլ մեծու
 մեծս մեղայք : « Եւ այժմ ապաշաւեցէք և դարձա-
 բուք ՚ի ջնջել զմեզս ձեր » : Այ ասաց դարձաբուք ՚ի մե-
 զաց ձերոց , այլ ՚ի ջնջել զմեզս ձեր : Այ ասեմ միայն
 զյանդգնութի որ ՚ի խաչին , զի այն թերևս ըստ ան-
 դիտու թէ էր . այլ զի և այլ ևս մեղքն ձեր ջնջեցին :
 Ար անդ ասաց « Մկրտեսջիք իւրաքանչիւր որ ՚ի թո-
 ղու թի մեղաց » , ապա և զչահն ցուցանէ , « Արպէս զի
 եկեցեն ՚ի վերայ ձեր ժամանակք հանգստեան յե-
 րեսաց տեառն » , աստանօր յաղազս հասարակաց յա-
 բու թենն պատմէ . զի այն իսկ է ճշմարիտ հանգստեան
 ժամանակ : Զոր և Պաւղոս հայցէ թէ « Ի տաղաւարի
 աստ հեծեմք ծանրացեալք և բնակու թենն երկնից
 փափաքեմք » . զնոյն և սացուցանէ թէ աշխատեալք
 էին և բազում պատերազմօք չարչարեալք . զի առ-
 ողբացեալս և բազում միսի թարու թէ խնդրողս յար-
 մարի այս բանուէ յայտ առնէ թէ նա ինքն է հանգրու-
 տեան ժամանակաց պատճառք , որ յայսքան չարեաց
 հանգուցէ , զորմէ ոչ ետ աւետիս թէ զմի և ե թ ըլ-

մեղս ջնջեցէ, այլ յողնասպէս զմեղս բազումս, և զայն հաւասարասպէս :

Եւ տես զհարդ. ճանապարհաւ յառաջ վարէ զբանս . զի յառաջնում՝ ատենախօսութեն 'ի ծածուկ իմն զյարութին ֆօթի և զնստելն յերկինս նշանակեաց, և աստանօր յայտ յանդիման ասէ և զերկրորդ դալուստն : Եւ նախ զիջանելոյն ընդ նոռա « Առաքեսցէ, ասէ, ձեզ » : Եւ ապա յորդորական, թէ « Զյառաջագոյն նկատեալն ձեզ զՅօ ֆօթ » . ցուցանելով 'ի վերուստ 'ի սկզբանց անտի զհանգիստն զայն պատրաստեալ ձեզ ֆօթի :

« Օ որ պարտէ, ասէ, յերկնից ընդունել » . փոխանակ ասելոյ թէ հարկ է յերկնից ընդունել և զիա՞րդ դեռ ընդունել . ընդէր ոչ ասաց՝ որ յերկինս ընկալեալ եղև, այլ զկանխագոյն ընկալեալն այսպէս ասաց . ցուցանելով թէ յերկինս է : Եւ ընդէր այժմ չլինի եկեալ, յայտնէ զպատճառն՝ թէ « Մինչև 'ի ժամանակս ամենեցուն հաստատելոյ, զորոց խօսեցաւ անձ 'ի բերանոյ սրբոց իւրոց մարգարէիցն » : Որպէս զի բազում ինչ իրաց դեռ ևս պակաս գոլով՝ ընուլ պատշաճ է և զիա՞րդ ապա ասացեր՝ թէ կատարեաց զմարգարէիւք խոստացեալնս : Այլ զոր պարտն էր կատարել՝ լցաւ, և այն ինչ որ դեռ ևս լինել պարտն է՝ ոչ ևս :

Գայ ապա ըստ իւրում խոստմանն 'ի մարգարէս . որպէս և անդ զԳաւիթ, և աստ զՄովսէս 'ի մէջ ածէ : « Մովսէս ասաց ցհարսն՝ թէ մարգարէ յարուցէ ձեզ անձ » : Եւ զայլոցն ոչ պատմեաց, այլ միայն թէ խօսեցաւ բերանով սրբոց մարգարէիցն, որոց հարկ է լսել . զի ոչ որ կարէ ասել զնոսա սխալեալս : Եւ անմյն նոցա կանխասացուի 'ի ներքս մուծանէ զֆօթ . զորմէ նախ Մովսէս ասաց . « Մարգարէ յարուցէ ձեզ տէր անձ ձեր յեղբարց ձերոց իբրև զիս » . և այլ որ, ասէ, ոչ ունի զիմ նմանութիս բաց 'ի նմանէ : Եւ յեղբարց ձերոց ասելով առաւել իմն ընտանեցուցանէ զնոսա : Եւ յորդորէ ապա . « Նմա լուիջիք ըստ անմի որ զինչ և խօսեսցի առ ձեզ » : Եւ ոչ ասաց թէ լուիջիք որոց ֆօթ խօսիցի . իբրու ինքն էր որ խօսէրն : Մմին վասն և զպատու հասն բազում դնէ ոչ լսողայն . « Եղիցի անձն »

որ ոչ լուիցէ մարդարէին այնմիկ, սատակեսցի 'ի ժողովրդէնէն : Տեսանէս թէ որպէս ընդ խոնարհագոյնս խառնէ և զբարձրագոյնսն : Աստուած յարոյց զնա ասելն յեղբարց ձերոց, այս խոնարհագոյն . իսկ սպառնալն ոչ լսողացն նմա, զի « Որ ոչ լուիցէ՝ սատակեսցի », զբարձրագոյնս պատիւն նորա նշանակէ . և յայտառնէ թէ Խմ ինչ լինի զոր խօսեցաւ Քմ : Եւ բարիորդ եղ զսատակէնն ոչ լսողացն . զի յորժամ մեծ ինչ ասէ, 'ի յառաջինս ապաւինի և զայն բերէ վկայութի 'ի մարդարէից, որ համանգամայն ունի զերկոսին տեսակ հնազանդութե և անլսողութե, որ է հրաշարաւազոյն . որպէս նախեբեր՝ թէ « Մինչև եղից զթընամիս քո պատուանդան օտից քոց » :

Եւ յորժամ եցոյց զնոսա սաստկապէս մեղուցեալըս զի զանմեղն սպանին, և հազորդս արար ներողութե 'ի ջնջելն զմեղան, և խոստացաւ զքաղցր հանդիսան, 'ի վերայ էած վաղվաղակի՝ թէ Մովսէս զնոյնդ ասէ : Որով ցուցանէ ըստ կարգի զԽմ ինչ լինել մինչև 'ի ժամանակս Խմի կատարելոյ . զորոց ասէ՝ թէ « Եւ Խմ մարդարէք որ 'ի Սամուէլէ և այսր խօսեցան և պատմեցին զաւուրս զայսոսիկ » : Եւ ոչ կամեցաւ 'ի մէջածել զիւրաքանչիւրոցն խօսս, զի մի երկայնեսցէ զբանն . այլ զնշանաւորն յիշելով վկայութի զմովսիսականն՝ զայլովքն զանց արար :

Եւ քանզի նոքա վասն յանդգնութե որ 'ի Քմ կարծէին զինքեանս օտարացեալս, այժմիկ մխիթարէ զնոսա և ցուցանէ՝ թէ և չարչարին Քմի և օրհնելն զձեզ ըստ մարդարէութեցն է . յորոց լսողութին յորդորէ զնոսա հանդերձ գովասանութե . զի այսու նուաճեսցին 'ի հաւանիլ : « Դուք էք, ասէ, որդիք մարդարէիցն և կտակին զոր ուխտեաց Խմ » : Եւ զինչ են որդիք կտակին կամ որպէս . այսինքն է ժառանգք էք խոստմանցն : Եւ զխորդ ապա 'ի ձեր իրոք օտարաբար կայք հեղգացեալք : Պատժոց և պարսաւանաց արդեօք արժանիս գործիցէք . այլ կարէք հանդիպել ներողուեարդ մի զրկիջիք յօրհնութէն զոր օրհնեաց Խմ զԼբրահամ և ասէ . « Ի դաւակի քում օրհնեսցին Խմ ազգք երկրի » : Եւ ոչ մեկնեաց զասացեալսն, և ոչ յիշեաց զՔմէ . այլ պարզաբար էանց :

Եւ զի մի թուեսցի իբրև թէ՛ ի շնորհացն Պետրոսի միայն զայնոսիկ առնուլ, ցուցանէ թէ՛ ի վերուստ ՚ի վաղուց հետէ պատրաստեալ է նոցա օրհնութիւնն այլ . և զի հաւատասցեն , « Ձեզ , ասէ , նախ յարոյց անձ զՍրբին իւր և առաքեաց զնա օրհնել զձեզ » . թերևս արդեօք ոչ և այլոց , այո այլ ձեզ յառաջագոյն խաչեցողացդ : Սմին վասն ոչ լոկ ասաց թէ՛ առաքեսցէ , այլ թէ՛ ձեզ յարոյց և առաքեաց . այսինքն թէ՛ և յետ յարութե և յետ խաչելոյն ՚ի ձէնջ ձեզ նախ առաքեաց : Եւ զի մի ասիցեն թէ՛ ինքն զյայտսիկ ոչ կամի , այլ միայն Հայրն , վասն այնորիկ ասաց օրհնել զձեզ . ոչ ասաց կեցուցանել , այլ որ ինչ մեծագոյնն էր . զի խաչեալն օրհնէ զխաչողն , որ է անբաւ բարերարութեան : Եւ վայելչապէս . զի թէ՛ եղբայր է ձեր , նա և օրհնէ զձեզ որպէս խոստացեալ է Աբրահամն ՚ի զաւակէ նորա օրհնիլ և այլոց : Յայտ է ահա զի այնչափ հեռի է յոչ կցորդելոյն Հօր վասն ձեր , զի և այլոց զձեզ ախորժէ պատճառս և առաջնորդս օրհնութե լինել :

Եւ զի մի իբրև ՚ի պատժոց արձակեալք յանհօգս լիցին , յաւել թէ՛ « Ի դառնալ ձեզ իւրաքանչիւր ՚ի չարեաց ձերոց » . զի զգուշացին յառաջիկայն : Եւ դարձեալ ցուցանէ թէ՛ այնպէս մեծ է օրհնութիւնն այս , զի ոչ միայն ՚ի չարեացն դադարեցուցանէ , այլ և զմեղս լուծանէ . զի թէ՛ ոչ լուծանէր , զի արդ օրհնութիւնն շնորհէր : Չի ոչ եթէ՛ դադարեալն միայն ՚ի մեղաց անդէն և օրհնեալ եղև , կամ մեղացն եզիտ թողու թի առանց Քրի օրհնութեն հաղբրդելոյ :

ԲԱՐՈՅԱԿԱՆ

Վմա այսու հետև նմանեսցուք և մեք , որ յետ խաչին զամ հնարս շարժեաց յաղագս փրկութե խաչողացն . առ որս և զառաքեալն առաքեաց անոխակալ մտօք : Ի բաց հանցուք և մեք զոխս և զնախանձ . և մի բաւական համարեսցուք զոչ հատուցանելն վրէժ , այլ և մահուչափ ցուցուք առ նենգիչսն զսէր : Եւ յայտսիկ մեծ օգնական առցուք զոչ երգնուին , ուստի լինի ոչ բարկանալ :

ՃԱՌ՝ ՏԱՍՆԵՐՈՐԴ

«**Ե**րևանի մինչդեռ խօսելին նոքա ընդ ժողովուրդսն, հասին 'ի վերայ նոցա քահանայապետքն և իշխանք տաճարին և սադուկեցիքն զայրագնեալք վասն ուսուցանելոյ նոցա զժողովուրդն » : Տես թէ զիարդ յաճախել սքանչելեացն և փորձութիւն 'ի միմեանց զնոսա առնուն, ուստի և քաջութիւն իսկ նոցա յայտնի լինի : Զի յետ առաջնոյ փորձութեն՝ որ էր պարսաւանք վասն լեզուացն, որպէս թէ չե ևս խառնեալք համարելով ընդ մարտակիցսն, փութապէս ապա ընդ ուժգնագոյնս ընդ այս խառնին պատերազմ : Բայց տես դարձեալ՝ թէ որպէս կարգաւ լինէր իրքն անօրինեալ . զի ոչ անընդմիջաբար կալան զնոսա փորձութիւն, այլ յառաջնումն քաջ կրթեալք հրապարակախօսութիւն, և յետ այնորիկ սքանչելեօքն որ առկաղն՝ մեծարեալք և քաջալերեալք, ապա այժմ՝ ևս զչարչարանաց ևս բուն հարկանեն խնամօքն այ . զոր պատմէ՝ թէ մինչդեռ խօսելին, եկին հասին քահանայքն և իշխանք տաճարին :

Եւ դու հայեաց, թէ զիարդ 'ի վերայ Քօի յարուցեալք մատնիչս խնդրէին և սպասաւորօք ոմամք վարէին . իսկ այժմ՝ ինքեանք իսկ եկեալ իշխանքն՝ ձեռս միտին յանդգունք և անամօթագոյնք եղեալք յետ խաչին : Վասն զի այսպիսի են մեղք . մինչ չե ևս կատարեալ, ամօթ ինչ ունի . իսկ 'ի կատարումն եկեալ՝ անամօթագոյն զգործողն առնէ : Որով և սոքա լրբեալք հասին քահանայքն և սադուկեցիքն և իշխանք տաճարին . զի կամին դարձեալ հանդիսական ամբաստանութիս վասն բժշկութեն յարուցանել : Եւ ոչ ախորժեկին 'ի ծածուկինչ լինել վրէժխնդրութեանն քանզի զոր ինչ արարին առ Քօի, նոյնպէս և զայս ևս նորին վասն մարդկայնոյ փառաց առնէին . որոյ սակս այժմ՝ և զայս ևս կեղծաւորին, զի մի արիւ-

հասէր զգոլ երևեսցին. զոր և յետոյ ասեն՝ թէ «Աս միք ընկենուլ ՚ի վերայ մեր զարիւն զառն զայնորիկ»:

Եւ տես զանամօթութիւն, ՚ի նշանացն և յարուեստից հաւատալի եղեալ թէ յարեաւ, որով ցուցանիւր անձ գոլ: Զոր մահ ոչ կարաց ըմբռնել, նորա հնարիւք ջանան շիջուցանել. և իբրև զգազանս կատաղիս զայրագինս ՚ի վերայ նոցա գիմէին վասն ուսուցանելոյ զժողովուրդն և պատմելոյ Յօիւ զյարութի մեռելոց: Այ միայն զնա ասէին յարուցեալ, այլ և զմեզ ՚ի ձեռս նորա լինել յարուցեալս: Այսպէս զօրաւոր և յայտնի եղև յարութիւն Քօի. որպէս և այլոց զնա պատճառ լինել յարութե: Եւ դու հայեաց, զի անձ ուրեք ասէին՝ թէ անձ յարոյց զնա, բայց զնշանսն յանուն Յօի ասէին. որով ցուցանիւր թէ ինքնին իսկ յարեաւ Քօ, որոյ անունն և զայլս յարուցանէ:

Եւ քանզի և նորա յարութի կարծէին մեռելոց, թէպէտ և ցուրտ իմն և տղայական, սակայն կարծէին և մեծապէս խառվէին, զի սորա Յօիւ պատմէին զյարութի մեռելոց: Ասն որոյ թէպէտ բաւական էր հաւանեցուցանել զնոսա նշանքն և համարձակուի բանի առաքելոցն, այլ զի յիսուք լցեալք էին ընդ յանունն Յօի, «Մխեցին ՚ի նոսա զձեռս իւրեանց և եղին զնոսա ՚ի բանտի»: Արդ առ Քօիւ ոչ այսպէս մոլեցինք էին. այլ ՚ի մէջ գիշերի առաքեալք՝ զնա անյապաղ ՚ի բաց տանէին, երկնչելով յոյժ ՚ի բազմութէն: Բայ յաղագս սոցա յանձինս վստահացեալք ոչ խորհեցան ՚ի բազմութէն. զի վասն այսր իսկ և իշխանքն ընդ նոսա էին, որք այն ինչ զձեռս արեամբն Քօի լցեալս ունելով՝ զայս և ՚ի նոյն յաւելուին: Եւ ոչ ևս առ Պիղատոս ածեն զնոսա ամաչելով վասն առաջնոց իրացն, գուցէ և վասն այսր ամբաստանիցին. այլ գեռ ևս ինքեանք եղին ՚ի բանտի մինչև ՚ի վաղիւն, թերևս զի չարչարեսցեն, զի էր ընդ երեկս ժամանակ:

ՈՍԿ. Արդ նորա կամելով կակղացուցանել զնոսա եղին ՚ի բանտի. այլ զառաքեալն կարծրագոյն գործեաց յապաղումն ժամանակին: Բայց տես զի զգլուխ առաքելոցն ըմբռնեցին, որով աւելի իմն կարծէին զայլն զարհուրեցուցանել և օցտել ՚ի միմեանց. այլ

Հակառակաւն՝ եղև, զի « Բազումք 'ի լսողաց բանին հաւատացին . և եղև թիւ մարդկան իբրև հազարաց հսդից » : Աբանչելի է թէ զիարդ հաւատացին . մի թէ քաջ զօրացեալս տեսին զնոսա . ոչ ապաքէն կապեալս և 'ի բանտ դժուարին վարեալս, որ բաւական էր և զնախկին հաւատացեալսն դղրդել : Այլ տես զզօրութիւն Քնի . զի ոչ ինչ 'ի նոցանէ զարհուրեին, և ոչ զհասեալ դժուարութիւն ծանր ինչ գրէին . զի ասէին, թէ խաչեալն զայսպիսի ինչ գործէ, ապա ոչ երկրնչիմք 'ի սոցանէ . զի մեծ է զօրութիւն որ կանգնեաց զկահն : Եւ այս նոյ տնօրինելովն լինէր . զի յօրով են այժմու հաւատացեալքս քան զառաջիկան : Սմին վասն և տեսանելով նոցա կապեցին զառաքեալսն, զի և զնուսա երկեցուցեն . և ոչ առաջի նոցա արտաքս հանին, զի մի 'ի նոցա համարձակութէն այլքն չահեցին :

« Այլ 'ի վաղիւ անդր ժողովել նոցա զիշխանսն և զերիցունս և զգալիսս յերուսաղէմ, և զԱննա քահանայատ և զՎայիափա և զԱղէքսանդրոս և զՅովհաննէս և զոր միանգամ յազգէ քահանայիցն » : Տես զնոսա յետ առաջնոց շարեացն բնաւ ին կօխեալ զօրէնսն . ինքեանք դատաւորք, ինքեանք դատախազք . 'ի նոյն դատարանի, 'ի նոյն իրս շարամերձին . Աննա դարձեալ և Վայիափա, զի նոյնպէս պարտապանք լիցին անիրաւ դատաստանին : Գարձեալ յերուսաղէմ ժողովին, ուր սովոր իսկ են անիրաւել, ուր և զՔնի արիւնն հեղին . նա և 'ի քաղաքէն ոչ պատկառէին :

« Այլ կացուցեալ զնոսա 'ի մէջ հարցանելին . որով զօրութիւն կամ որով անուամբ արարէք դուք զայն » : Ապաքէն գիտէին որով անուամբ . այլ 'ի խոր խոցեալք վասն պատմելոյ նոցա Յնիւ զյարութիւն, բմբռնեցին զնոսա : Եւ ընդէր հարցանելին . ական ունելով առաջի բազմութեն ուրանալ նոցա, և զամենայն ինչ այնու համարէին ուղղել : « Արով անուամբ, ասեն, արարէք դուք զայն » : Զոր . ընդէր ոչ ասէք . զի կամիք ստուերացուցանել, այլ քարոզէք ահա . զի դոքա մանաւանդ ասեն՝ թէ մեք ոչ արարաք :

« Հայնժամ Պետրոս լցեալ շողով սրբով ասէ

ցնոսա » : Աստանօր յիշեա զոր ասաց Քրիստոս՝ թէ
 « Յորժամ օճցեն զձեզ 'ի ժողովս , մի հողայք . զի
 Հողին սուրբ խօսեցցի 'ի ձեզ » : Արդ տես զզօրութի
 Հողւոյն . զի որ հարցուածոյ աղախնոյն ոչ հանդուր
 ժեաց , այժմիկ 'ի մէջ անցեալ համարձակագոյնս բար
 բառի . « Իշխանք ժողովրդեան , ասէ , և ծերք Խորայ
 էլի » : Տես զհանձարեզ անձնն . ոչ ասաց վաղվաղակի ,
 թէ յանուն Յոի մեք արարաք , և ոչ ամբարտաւանս
 ինչ բարբառեցաւ . այլ հանդերձ պատուով առանց
 ցասման և երկիւղի . « Իշխանք ժողովրդեան և ծերք
 Խորայէլի , եթէ արժան իցէ դատել զմեզ այսօր վասն
 երախտեաց առն միոյ տկարի , որով սա բժշկեցաւ » :
 Յոյժ բուռն եհար զնոքօք . վասն որոյ և 'ի նախեր
 դանէն սկօեալ կատակէ զնոքօք . զի վասն բարերա
 բութե դատեն զնոսա : Իբրու թէ զայս ինչ ասիցէ ,
 թէ պարտ էր մանաւանդ վասն այսր պսակել զմեզ
 և իբր զբարեգործս քարոզել , նա և դատիմք 'ի ձէնջ
 վասն երախտեաց առն տկարի , ոչ հարստի և ոչ փա
 ռաւորի . և վասն այսորիկ յաչաղէ՞ որ : Եւ մանա
 ւանդ այս իսկ խոցէր զնոսա , զի ցուցանէր զնոսա թըշ
 նամիս փրկութե մարդկան . և որպէս Քս ասաց՝ միշտ
 'ի սպանութիս ընթացեալք :

Իազում ծանրութի է բանս , յայտ առնելով՝
 թէ ինքեանք իսկ զիւրեանց բերանս խնուն . և ին
 քեանք թէպէտ և ոչ կամաւ , զՔս քարոզեն՝ խաչողքն
 և դատողքն . առ որս համարձակապէս գօչէ . « Յայտնի
 լիցի ձեզ և ամենայն տանդ Խորայէլի » : Այսու ա
 ռաւել տրտմեցուցանէր զնոսա , թէ յայտնի լիցի ձեզ
 ամենեցուն : Եւ այս է զոր ասաց ցնոսա Քրիստոս՝
 թէ « Զոր լսէք յունկանէ , քարոզեցէք 'ի վերայ տա
 նեաց » : Եւ զինչ ասէս . « Զի յանուն Յոի Քսի նազով
 բեցւոյ զոր դուքն խաչեցիք , զոր ան յարոյց 'ի մեռե
 լոց , նովաւ սա կայ աւաջի ձեր ողջացեալ » : Մի կար
 ծէք , ասէ , թէ թաքուցանեմք ինչ զհայրենիսն կամ
 զչարչարանսն իբր զամօթալիս : Գրեթէ նախատե
 լով զնոսա զայսոսիկ ասէր , 'ի մէջ բերելով դարձեալ
 զչարչարանսն , դարձեալ զյարութիսն . և ապա հա
 մարձակ և յայտնի քարոզէ , զոր թնամիքն ոչ կա
 մէին լսել՝ թէ յանուն նորա և նովաւ սա կայ աւաթիկ
 աւաջի ձեր ողջացեալ :

Այլ ոչ ասէ թէ առ 'ի մէնջ եղև որջ, և ոչ անցանէ փութով . այլ և յամէ ևս 'ի բանն : «Նա է, ասէ, վէմն անարգեալ 'ի ձէնջ շինողաց» : Յիշեցոյց նոցա բան՝ որ բաւական էր զարհուրեցուցանել զնոսա, զոր կանխաւ ասաց Քո՛ւ թէ «Որ ընդհարցի ընդ վիմիս ընդ այսմիկ, փշրեսցի» : Ապա և ուսուցանէ զնոսա 'ի վերայ ածելով թէ «Նա եղև գլուխ անկեան» . այսինքն ընտրեալ զօրաւոր պատճառ հաստատութե՛ք երկուց սրմոց : Զայսոսիկ խօսի, զի բազում և անծեղէն էր զօրութիւն և մեծնշանայն համարձակութի՛ւ : Այլ յորժամ ուսուցանել պարտ էր, տես որպիսիս խօսին և մարգարէութիւս բազումս յառաջ ածեն . իսկ յորժամ միայն համարձակել պիտոյ էր, պատասխանատրեն :

«Այլ չիք, ասէ, այլով իւրիք փրկութի՛ւ» : Արդ որպիսի գանս ոչ առնուին նոքա 'ի բանից աստի յայցանէ : «Զի և ոչ անուն այլ դոյ 'ի ներքոյ երկնից, ասէ, տուեալ 'ի մարգիկ, որով արժան իցէ կեալ մեզ» : Տես զհարգ զբարձրագոյնս բարբառի : Ամենեցուն, ասէ, յայտնի է, զի ոչ մեզ միայն տուաւ անունն կեցուցիչ, այլ բոլորից : Եւ զնոսա ածէ վկայս բանիցն . քանզի հարցեալք թէ որով անուամբ արարէք, Քո՛ւն՝ ասէ, զի ոչ դոյ այլ անուն . զհարգ հարցանէք, զի անմյն այս յայտնի լիցի՝ զի ոչ անուն այլ կայ ընդ երկնաւ, որով կեանս է գտանել . այլ սա միայն կարող է զմեզ կեցուցանել : Տեսանէս աստ զհամարձակութիւն . որով յայտ է զի զխոնարհագոյնսն ոչ առ երկիւղ զի, այլ զիջանելով խօսէր : Իսկ այժմ զի ոչ էին օգտելոց, աներկիւղ մանաւանդ զնոսա զարհուրեցուցանէ :

«Հայեցեալ 'ի համարձակութիւն Պետրոսի և Յովհաննու, և 'ի վերայ հասեալ թէ արք տգէտք և առանց դպրութե՛ն են, զարմանային» : Ահա այլնշան ոչ պակաս քան զառաջինն . զի երկու այր առանց դպրութե՛ն չնորհօք հօգւոյն հաւատօք երկեցան ընդդէմ քահանայապետիցն . և զարհուրեցուցանէր զնոսա համարձակութի՛ւ նոցա, զի աւմիկք և առանց դպրութե՛ն էին : Զի իցէ աւմիկ լինել և առանց դպրութե՛ն ոչ . իցէ և առանց դպրութե՛ն դու և աւմիկ ոչ . իսկ

աստ երկօրին իսկ : Եւ յարգարուն և գեղեցկապէս ,
 Համառօտ և ոչ երկայն բանս տարածանէին . և 'ի շա-
 րադրութեան ասացուածոցն զիմաստութի ընդ Հա-
 մարձակութեն զոյգ ցուցանէին , ընդ որ նորա յոյժ
 սքանչանային :

« Եւ զի ճանաչէին զնոսա զի ընդ Յօի էին » : Աչ
 պարզաբար եղ զայս աւետարանին . այլ զի սորա մի-
 այն էին յայնժամ 'ի չարչարանսն Յօի երկուցեալք
 և խոնարհեալք . ուստի առաւել զարմանային ընդ
 այնչափ փոփոխումն՝ յոր զոսսա տեսանէին յանկար-
 ծակի . զի և անդ իսկ էին Աննա և Կայիափա , որք և
 տեսին զոսսա ընդ Յօի : Եւ այն իսկ հաւատալ հար-
 կէր զնոսա՝ թէ առ 'ի Յօի իսկ զայս գիտէին , և իբր
 նորա աշակերտք զամ ինչ գործէին : Այլ ոչ պակաս
 քան զբանս սոցա և նշանն ձայն արձակեալ խնոյր զբե-
 րանս նոցա : « Զի տեսանէին , ասէ , զայրն և ս բժըշ-
 կեալ , զի կայր ընդ նոսա . և ոչ կարէին տալ պատաս-
 խանի » : Բազում էր համարձակութիւն առնն , զի և 'ի
 դատարանին իսկ ոչ թողոյր զնոսա . զի թէ որպէս սո-
 վոր էին շրեայքն՝ ժխտել ջանային և ծածկել զիրան ,
 նա իսկ կարկեցուցանէր զնոսա :

Եւ քանզի բժշկութի նորա ոչ տայր թոյլ չարչարել
 զնոսա , « շրամայեցին նոցա արտաքս քան զատեանն
 ելանել , խորհեցան ընդ միմեանս և ասեն . զինչ ա-
 րասցուք արանցս այսոցիկ » : Տես յոյժ վտանգեալս
 զնոսա . զի զամ ինչ առ մարդկան երկիւղի հնարե-
 լով որպէս առ Քօիւ ասէին « Զինչ արասցուք , զի
 աշխարհ ամ զկնի նորա գնաց » , նոյնպէս և աստ ա-
 սէին . « Ստուերացուցանել զիրս չէ հնար . զի երևելի
 նշան եղև 'ի ձեռն դոցա . ամենայն իսկ բնակչացն
 երուսաղէմի յայտ է , և ոչ կարեմք ուրանալ » :
 Յայտ է ահա զի ուրանային իսկ , թէ ոչ քաջայայտ
 էր նշանն և բազմացն վկայութի :

« Այլ զի մի , ասեն , առաւել ճարակեսցի 'ի ժողո-
 վուրդն , սպառնասցուք նոցա մի և ս խօսել յանունն
 յայն և մի ումբ 'ի մարդկանէ » : Այլ անմտութեն .
 զի զորս ճաշակել չարչարանացն համարձակագոյնս
 արար , կարծէին սպառնալեօք զարհուրեցուցանել .
 զի այսպիսի է չարութիւն . ոչ երբէք դադարէ , թէ

պէտ և կշտամբեալ յանդիմանի : Եւ տես , զի զո-
 րոյ զվարդապետն սպանին , և զնոսա ոչ դադարեցու-
 ցին . և զորս կապանքն և բանտն ոչ թողացուցին , հա-
 մարէին բանիւ լռեցուցանել : Յոյժ լաւագոյն էր թո-
 ղուլ զնոսա քան թէ սպառնալ : Վասն որոյ զոր խա-
 փանէին կամէին , յոյժ մանաւանդ յանշափս աճեցեալ
 լինէր : « Եւ կոչեցեալ զնոսա 'ի ներքս պատուիրեցին
 ամենեւին մի խօսել և մի ուսուցանել յանունն Յօի » :
 Իբրու յաղթահարեալք և ամաչեցեալք յերկրոյն՝ զի
 ջանէին տակաւ , թէպէտ յանմտու թէն ոչ կան 'ի բաց :
 « Իսկ Պետրոս և Յովհաննէս պատասխանի ետուն
 և ասեն . եթէ արժան իցէ առաջի նյ ձեզ լսել առա-
 ւել քան նյ , ընտրեցէք » : Յորժամ մասն ինչ յերկիւ-
 ղէն մահու հատաւ , զի մանաւանդ պատուիրելն ոչ
 այլ ինչ էր քան թէ արձակել , յայնժամ հեզագոյնս
 բարբառի . զի այսպէս հեռի էին 'ի յանդգնութի :
 « Եթէ արժան իցէ առաջի նյ ձեզ լսել քան նյ » : Աս-
 տանօր նյ՝ զՔոէ ասեն , զի նա նոցա բազում անդամ
 հրամայեաց քարոզել . և առաջի նյ ասելով զամե-
 նամերձն գոլ զնձ ցուցանէ , որով առաւել իմն կամի
 զբաւել զնոսա յերկիւղ և յամօթ . այլ զընտրութիւն
 'ի կամս նոցա թողու : Եւ զի դուք թերեւս զձերն ա-
 խորժէք քան զնյն նախապատուել հրաման , « Այլ մեք
 ոչ կարեմք զոր տեսաքն և լուաք՝ չպատմել » : Գար-
 ձեալ այսու բանիւ հաստատեն զյարութիւն . զոր և
 տեսաք , ասեն . որով և հաւատալոյ արժանի եմք վը-
 կայքս . եթէ սուտ է զոր ասեմքս , քննեցէք և 'ի վե-
 րայ հասէք . իսկ եթէ ճմարիտ , ընդէր արգելուք :
 « Երբս սպառնացեալ արձակեցին զնոսա » : Տես
 զյանդգնութիւն . զի ոչ ներէին սոցա կատարել զխօսս
 իւրեանց , այլ 'ի մէջ ասացուածոյն հատանէին զբա-
 նըն յոյժ քամահելով : Այլ և յիմարեալք 'ի վա-
 րանս մտանէին : « Զի ոչ ինչ գտանէին թէ որով պա-
 տու հասեցեն զնոսա » . զի եխից զբերանս նոցանշանն :
 « Եւ ամենեքեան փառաւոր առնէին զնձ վասն իրացն
 եղելոց . զի ամաց էր այրն աւելի քան զքառասուն , յու-
 րոյ վերայ եղև նշանս այս բժշկութե » : Արդ ժողո-
 վուրդն փառաւոր առնէին զնձ . այլ նորա նժա-
 մարտք գոլով սպառնային և սպանանել մտարեղէին .

ուստի և երևելագոյնս և պայծառս զնոսա ցուցին .
 զի զօրութի իմ, ասէ, 'ի տկարութե կատարի : Զի
 այսպիսի է հոգևոր իմաստութի . նորա 'ի վտանգի,
 և սորա յուրախութեան . նորա զարհուրեալք զի մի
 ճարակեսցի բանն առ ժողովուրդն, և սորա համար
 ձակեալք՝ թէ ոչ կարեմք զմեծամեծսն չպատմել :

ԲԱՐՈՅԱԿԱՆ

Մերձեսցուք այսուհետև յառաքինութի . և մի մին
 չե 'ի հրճուանս լսելեաց լիցին մեզ ասացեալքս : Ա
 մաչեսցուք . զի փոխանակ զկատարելագոյն վարուց,
 այսինքն բարիս առնել ատողացն՝ պէտք են դարձեալ
 վասն ոչ երգնոյ պատուիրել : Արպէս որ 'ի կատա
 րեալ հասակի և աստիճանի գիտութե գոլով՝ հեզից
 և վանկից ուսման պիտոյանայ, ոչ ապաքէն ծաղու է
 արժանի :

ՃԱՌ Մ Ե Տ Ա Ս Ա Ն Ե Ր Ո Ր Դ

« Լ Ի անտի արձակեալք եկին առ իւրեանցան, և պատմեցին որչափ ինչ ասացին ցնոսա քահանայապետքն և երիցունքն: » Եւ զցածուն և զիմաստասէր բարս առաքելոցն. զի ոչ շուրջ եկեալ հռչակեցին պանծալով թէ զինչ պատասխանատրեցին քահանայիցն կամ զհարդ զերծան 'ի նոցանէ, զի ոչ էին պատուասէրք. և ոչ 'ի բազում թէն համարձակութի վստահացեալք դժուարինս ինչ ասէին զնոցանէ, այլ հանդարտապէս և հեղաբար եկեալք առ ընկերսն պատմեցին որչափ ինչ ասացին ցնոսա քահանայապետքն, ոչ սակա պատուասիրուէ, այլ առ 'ի ցուցանել զՔրի շնորհացն զօրութիւն. զի զոր ինչ նոքա ասացին զայն պատմեցին. իսկ զիւրեանցն թէպէտ և իրաւապէս էր ասել, ոչ ասացին առ յոյժ խոնարհութեն, զի զմեզ խրատեսցեն 'ի բաց կտրել զփառասիրութիւն: »

« Իսկ նոցա լուեալ » և ոչ զարհուրեալք, այլ քաջալերեալք 'ի ճշմարիտ օգնականութիւն ապաւինեցան և յանմատչելի զօրութիւն: « Եւ միաբան համբարձին զձայնս իւրեանց և ասեն: » Աղաղակէն նոցա ձայնիւ՝ լինէր 'ի հեշտութէ և 'ի բազում լըջմտութէ: Եւ տես զհարդ փութով աղօթեն: Եւ զի մեծաիմաստութիւն և բազում խորհրդով առստուգեալ են աղօթք նոցա. զի յորժամ զօր արժանն էր յառաքելութի ցուցանել այսպէս ասէին, « Դու տէր սրտագէտ անի, յատնեա զմի ոք ». զի անդ կանխագիտութե էր պէտք. իսկ աստ քանզի լուեցուցանել զհակառակամարտսն պարտ էր, յաղազս տէրութեն բարբառին. « Դու տէր անձ, որ արարեր զերկինս և զերկիր, զծով և զամ որ 'ի նոսա: » Ահա սահման կատարեալ աղօթից, յորժամ յաղազս այսպիսի իրաց լինի, և

1 Միւսն յանարանելի:

յայտպիտեաց ոմանց և այսպիսի յեղանակաւ . զի որ ոչ այսպիսի նուիրէ զինքն յաղօթս, դարչելի իմն է : Եւ տես զի ոչ պառաւականս և ցուրտ բանս 'ի կիր առնուն որպէս բազումք՝ որ առ այլս անկեալ կան չարութիւն, այլ յաղագս զօրութիւն նորա խօսին :

Եւ որպէս Քս ասաց՝ թէ « Հոգւով նյ հանեմ ես զգւսս », ահա և Հայր Հոգւովն լինի բարբառեալ . զոր և ասեն իսկ « Տէր անձ, որ 'ի բերանոյ հօր մերոյ Գաւթի ծառայի քո Հոգւովն սրբով ասացեր, զմէ՞ խառն վեցան հեթանոսք և ժողովուրդք խորհեցան 'ի սնտախս » : Որպէս ուխտ պահանջելով յնյ՝ զմարգարէութիւն 'ի մէջ ածեն, միանգամայն և զինքեանս իսկ միսիթարեն, զի ունայն խոկացին զամ ինչ թնամիքն . զայնոսիկ 'ի կատարումն, ասեն, հաստ, և ցոյց թէ սնտախս խորհեցան « Յանդիման եղեն թագաւորք երկրի, և իշխանք ժողովեցան 'ի միասին » : Եւ վասն զի անդ ոչ էին բազում իշխանք և թագաւորք, այլ Հերովդէս և Պիղատոս, այլ սովոր են գիրք զմիոյ որպէս զբազմայ խօսել . որպէս Պաւղոս ասէ՝ թէ « Այ դք յիշխանաց աշխարհիս այսորիկ ծանեալ զնա » :

Եփբ. « 11 ասն տեառն և վասն օծելոյնորա » : Վասն զի զՔսն զոր անարգեցին, զՀայրն զոր ոչ անարգեցին՝ անարգեցին նովաւ : « Զի ժողովեցան արդարեւ 'ի քաղաքիս յայտնիկ 'ի վերայ սրբոյ Որդւոյ քո Յօի զոր օծերն, Հերովդէս և պոնտոս Պիղատոս ազգօք և ժողովրդովք Խարայելի առնելորափ ձեռն քո և կամք յառաջագոյն սահմանեցին լինել » :

ՈՍԿ . Ըրդ եկին սոքա 'ի միասին իբր թնամիք սպանողական մտօք ընդդէմ քո հակառակեալք . այլ զայն առնէին զոր ինչ դու կամէիր . զի ոչ նոքա զօրէին գալ յայն, այլ դու որ զարութիւն նոցա 'ի փրկկութիւն աշխարհի 'ի կիր արկեր, քաջահասարդ իմաստուն և զօրեղ . որ զքո թնամիսն ընդ կամս քո թողացուցեր առնել որչափ ձեռն քո և կամք կարգեցին յառաջագոյն : Զեռն զզօրութիւն ասեն . զի ոչ է այլ ումեք զօրութիւն սահմանել յառաջագոյն . կամ ասեն որչափ ձեռն քո դասաւորեալ ետ նոցա իշխանութիւն . զոր և Քս ցՊիղատոս ասէր . « Այ ունէիր դու 'ի վերայ իմ իշխանութիւն, եթէ ոչ էր տուեալ քեզ 'ի

վերաւստ » : Իսկ կամս, զի ամ ինչ կամելով նորա հաստատի : Եւ տես զի և յաղօթան ոչ մոռանան , այլ յիշեն զչարչարանան և զամ ՚ի նա վերաբերեն , և համարձակութե պատճառ ինքեանց զնա լինել ասեն :

« Եւ արդ տէր , հայեաց ՚ի սպառնալիս նոցա » : Զայս ոչ անիծանելով ասեն , և ոչ զոր ինչ սպառնացան նոքա ՚ի մէջ բերեն , որպէս և ոչ Եզեկիայն ըզՀռափսակայ . թերևս զի դժնդակս ինչ ասացին , թէ պէտ և Ղուկաս ոչ դնէ : Սակայն ոչ ասացին թէ կորս վանեա կործանեա . զի այսպէս բազումք անկեալ ՚ի ձեռս սպանանել սպառնացողաց ցասամբ և սաստիկ թշնամութիւն լցեալ լինէին : Այլ ոչ այսպէս և սուրբ գունդս այս . այլ զինչ . հայեաց , ասեն , ՚ի սպառնալիսն , և տուր նոցա և այժմ ևս մտախ խորհել որպէս և յայնժամ . և մի հասանիցեն ՚ի գործ սպառնալիք նոցա : Զայս ասէին ոչ իբր ՚ի վշտաց հրաժարելով , այլ յաղաղս քարոզութեն և փառացն նոյ . զի ոչ ասացին թէ փրկեա զմեզ ՚ի վշտաց , այլ զինչ . « Տուր ծառայից քոց խօսել համարձակութիւն զբանն քո » : Տեսանես , զի յանձանց իւրեանց խոստանան ոչ զարհուրել ՚ի նոցանէ . բայց աղաչեն լինել նշանացն :

« Եւ ՚ի տարածել , ասեն , զձեռն քո ՚ի բժշկութիս և նշանս և արուեստս լինել » : Այլեւապէս . զի առանց այնոցիկ թէպէտ և բիւր յօժարութիս ցուցանէին , ընդ վայր էր ամ : Այլ ոչ պարզաբար զլինելն հայցին . այլ անուամբ , ասեն , սրբոյ Որդւոյ քո Յօի : Զի յորժամ ՚ի նորա անունն սքանչելիքն լինիցին , մեծ լիցի համարձակութիւն մեր . վասն զի ոչ այլով իւր կարեն ցուցանել թէ յարեաւ , բայց միայն ՚ի նշանացն : Զի ոչ միայն զգուշութի ինդրէին անձանց , այլ զոչ լինելն յամօթ և զհամարձակութի խօսել զբանն նոյ :

« Եւ մինչ կային նոքա յաղօթս , շարժեցաւ տեղին ուր ժողովեալ էին » : Աղօթելով նոցա շարժիւր տեղին նշանակեալ թէ լուաւ ամ աղօթից նոցա . տինա և զի Եհաս ինքն առ նոսա . զի յերեսաց տեառն սասանեցաւ երկիր , որ հայի ՚ի սա և տայ դողալ սմա : Այլ զայս արար ամ , զի դեռ սկիզբն էր , և զգալի նշանաց կարօտանային . զի հաւանեցուցէ զնոսա քա-

ջալերել . իսկ յետ այնորիկ ոչ այսպիսի ինչ լինէր : Բայց զիտելի է զի շարժումն երբեմն սաստկապէս եղեալ բարկութեւնէն : նշանակ , որպէս Հիմունք լեբանց սասանեցան զի բարկացաւ անձ . և որպէս յաւուր խաչելութեն Բժի , և իրրե զառ յապա լինելոցսն զոր ասէր Բժ լինել շարժմանց մեծամեծաց , սոյլոյ և սասանութեն : Իսկ այժմուս թերեւս ընդդէմ Հրէիցն ընդդիմադարձից այսպէս , այլ իւրոյն խնամոց և այցարարութեւն ցոյցը . զի առ իւրն միայն եղև և ոչ սաստիկ . զի շարժեցաւ , ասէ , տեղին յոր կային : Սասանեցաւ տեղին , այլ զնոսա անշարժս հաստատեաց և Հոգւով սրբով լցոյց :

« Օ ի լցան , ասէ , ամենեքեան Հոգւով սրբով » : Եւ զինչ է լցանն . այսինքն վերստին հրացան և ջերմագոյնք եղեն , և բարբոթիւր ՚ի նոսա շնորհքն որպէս բոց ՚ի կայծակունս շարժեալս և չնով արծարծեալս : « Եւ խօսելին զրանն այ համարձակութի » : Զի բազում էր զօրութի Հոգւոյն որ ՚ի նոսա չնեաց , որ և ինքն իսկ է սկիզբն և առաջադրութի բարեաց . զոր և յիշէ երկրորդ անգամ թէ որպէս Հոգւոյն ՚ի բարիս յորդօրեալք եղեն ամենեքեան :

« Եւ բազմութե հաւատացելոցն էր , ասէ , սիրտ և անձն մի » : Յետ այ շնորհացն և զառ ՚ի յինքեանցն ևս ՚ի ներքս բերելին : Զոր և մեղ պարտ է առնել , որպէս և Պետրոս ասէր . « Արծաթ և ոսկի ոչ գոյ իմ » : Եւ այլքն զինչս հասարակելոյն , աւելի գոյով քան զհազարս ութ , եղեն սիրտ և անձն մի . և զիարդ : « Զի ոչ և մի որ ասէր զընչից իւրոց գոյ » : Ասաց վերագոյն՝ թէ լսելի եղեն աղօթք նոցա . ցուցանէ և զառաքինութի նոցա : Այլ զի այս ինչ ոչ լինի առանց սիրոյ , աղէ տեսչոյք սէրն զանստացուածութին ծնանէր , թէ անստացուածութին զսէրն : Յայտ է զի սէրն զանստացուածութին . իսկ ՚ի բաց տալն զգոյնս՝ սերտէր և պահէր զսէրն . զի էր նոցա ամենայն ինչ հասարակաց :

« Եւ զօրութի մեծաւ տային վկայութիւն առաքեալքն զյարութեն ան մերոյ Յժի Բժի » : Ոչ միայն ՚ի նշանացն ցուցանէ զօրացեալս զնոսա , այլ և ՚ի բազմութեն յօժարութե օգնեալք . որով իրրե մե-

Ծամե՛ծ շնորհօք և զօրու՛թք համարձակեալք՝ համարձակու՛թք տային զվկայու՛թին, զթերու՛թին զամ՝ ՚ի բաց հանելով վասն յարու՛թեն : Տինա զի ոչ բանիւ միայն, այլ և զօրու՛թք. և այն ոչ պարզաբար, այլ մեծաւ զօրու՛թք ըստ Պաւղոսի ասիցն՝ Թէ « Բանն մեր և քարոզու՛թին ոչ էր պատիր բանիւք մարդկեղէն ինչ իմաստից, այլ ազգամամբ Հոգւոյն և զօրու՛թք » : « Եւ շնորհք մեծամեծք էին՝ ՚ի վերայ ամենեցուն. և ոչ որ կարօտէր ՚ի նոսա » : Վասն այսօրիկ մեծ ասէ զշնորհսրն, զի ոչ և մի որ էր կարօտեալ. յայտ է զի օրհնու՛թին այ աճեցուցանէր զգոյսն. ուստի առաւելու՛թք առանց կարօտու՛թե որպէս ՚ի տուն հայրենի համապատիւք էին ամենեքեան : Զի ոչ Թուէր գոյաւորացն կերակրել զայլն, այլ իբրև յիւրականաց իւրաքանչիւր որ վայելէր. զի յինքեանց ՚ի բաց եղեալ զիւրեանց իրս՝ ոչ իբրև յիւրեանցայնոց, այլ իբր ՚ի հազորդակից կերակրէին ընդ այլս. որ և սքանչելի ցուցանէ զառաքինու՛թի նոցա :

« Օ ի որ միանգամ տեաքքն էին գիւղից կամ ապարանից, վաճառէին և բերէին զգինսն, դնէին առ ոտս առաքելոցն » : Այս լինէր ՚ի բազում յօժարու՛թենէ հաւատացելոցն. զի ոչ եթէ մասն ինչ ՚ի գոյիցն տային ցառաքեալսն, որպէս տունն անանիանց, այլ ինքնակամ իսկ զըլօրն, որով և ՚ի բազում առատու՛թեան վայելէին. զանհաւասարու՛թին ՚ի միջոյ ՚ի բաց բարձեալ արարին բարեկարգու՛թի : Եւ տես զառաքեալսն՝ ոչ յօրդորէին վաճառել, այլ ինքեանք վաճառէին և զգինսն ցնոսա տային, և բազում պատուով զայն առնէին. զի ոչ ՚իձեռսն համարձակէին տալ, և ոչ հպարտացեալ ինքեանք շնորհէին որոց պէտք էին. առ ոտսն բերեալ դնէին, ցնոսա առնելով տեարս և հոգաբարձուս. զի իբրև ՚ի հասարակաց իրաց ծախքն լինիցին և ոչ յիւրականաց ուրուք. այս ինչ և առ ոչ սնափառել նոցա ՚ի Հոգւոյն լինէր պաշտաճեալ : « Եւ բաշխէին իւրաքանչիւր ումեք ըստ որում պիտոյ ինչ լինէր » : Յայտ է զի առաքեալքն իբրև զհաւատարիմ տեսուչս ըստ բազմապատիկ կարեաց մարդկան տային զարժանն :

ԲԱՐՈՅԱԿԱՆ

Այս ինչ թէ այժմիկ լինէր, յուսովագոյն հեշտութիւն
 քաղաքավարեալք լինէաք և ճոխք և տնանկք. և ոչ
 տնանկացն այնչափ՝ որքան փարթամացն բերէր ըզ-
 հեշտութիւն : Ապա թէ ասիցես, զի՞նչ առնէաք յեա-
 ծախման ընկիցն, մի զարհուրիր. զի բիւրասպատիկ այ-
 շնորհքն աճեցուցանէր : Զի թէ առ ութ հազարն
 այնչափ յաճախէր շնորհքն, որչափ առաւել առ ևս
 բազումն այժմ. զի՞նչ ունիք ասել այժմ. վասն այսու-
 թիկ ՚ի փոքունցն սկսայ՝ յոչ երդնլոյ :

ՃԱՌԻ ԵՐԿՈՏԱՍԱՆՆԵՐՈՐԴ

«ՅՈՒՍԷՓ որ կոչեցաւն Բառնարաս՝ յառաքելոյն անտի, որ թարգմանի որդի միսիթարուէն: Արկին պիտոյից սակս ՚ի մէջ բերեալ ածէ զսա: Նախ իբրև ըզպատկեր ոմն կենդանի ՚ի դէմն ածել սովաւ զբազմացն առաքինութի, զորոց վերագոյն ասաց առ տուրս ընչիցն: Եւ դարձեալ ՚ի կշտամբանս Անանիայ և Մարիրայ, ցուցանելով զնոսա ՚ի վատթարութի սխալեալս: Վասն որոյ նախ զբազմացն ուղղութիս յիշէ զի այնչափ բազումք գոլով որք զայն առնէին՝ այնչափ յօժարք գոլով յառատութի չնորհայն, նորա և ոչ ՚ի միոջէ խրատեալք կորուստ ածին անձանց իւրեանց: Բայց Յովսէփս այս ոչ թուի ինձ այն գոլ որ ընդ Մատթիայն եկաց. զի նա և Յոստոս կոչիւր: Իսկ զի և որդի միսիթարուէն կոչեցին զսա առաքեալքն, թուի ինձ բերանունապէս յառաքինութի անտի կոչեցեալ, որպէս թէ առ այն ինչ բաւական գոլ զսա և ճահաւոր:

«Ղեւտացի» ասէ: Տես զբարեկարգութի բազմացն, զի և զքահանայնսն ՚ի սոյն յորգորեցին զօրութեամբ հաւատոցն: «Ազգաւ կիսրացի»: Յուցանէ անմիւ քակեալ զօրէնսն, զի ղեւտացի գոլով զի ա՛րդ էր կիսրացի. այլ զի տարաբնակ եղեալք այնուհետև անգէն իսկ ՚ի հեռաստան մնային ղեւտացիքն: «Եր նորա գեօղ»: Յայտ է զի զայն միայն էր ստացեալ, և զայն վաճառեալ եբեր զգինսն և եզ առ ոտս առաքելոցն, հպատակ և յոյժ ցածուն գոլով բարուցն ըստ որում վերագոյն ցուցաւ:

«Իսկ այր ոմն Անանիա անուն հանդերձ կնաւն իւրով Մարիրաւ վաճառեաց ազարակ, և խորեաց ՚ի գնոց անտի գիտակցութի կնոջն, և եբեր մասն ինչ եզ առ ոտս առաքելոցն»: Դժուարագոյն էր իբքն, զի միաբանութեամբ եղև սխալանքն, և այլոք ոչ զի

տաց . ուստի և արագ պատուհասն 'ի վերայ եհաս թշուառականացն : « Ատէ Պետրոս . Անանիա , ընդէր ելից սատանայ զսիրտ քո ստել քեզ Հոգւոյն սրբոյ և խորել 'ի գնոց գեղջն » : Տես զի յոյժ մեծ է նշանս այս քան զառաջինսն , գիտելն զճաճուկսն : Ընդէր , ասէ , ելից սատանայ զսիրտ քո : Ոչ զնա կշտամբէ թէ ընդէր արար սատանայ զայս ինչ . զի գեն յայս իսկ յամառեալ կայ : Ասան որոյ և ոչ անճ հարցանէր ինչ զօճն՝ որ շէր ինչ ուղղելոց . այլ նզովէր զչարն : Այլ աստ զայս ինչ ասէ , թէ ընդէր ներեցեր չնուլ սատանայի չարեօք զսիրտ քո : Եւ եթէ սատանայ զայս ինչ արար , զա զինչ մեղաւ կամ ընդէր պարտաւորի : Այս ասեմ յիրաւի . զի ընկալաւ կամօք իւրովք ըզնեղօրծութիւն սատանայի , և նովաւ լցաւ : Այլ պարտ էր ուղղել ապա զնա . այլ ոչ ուղղել որ յայնպիսի շահն հայեցեալ լինէր : Բայց դու տես զիարդ վաղվաղակի 'ի սկզբանն 'ի վերայ եհաս բանսարկուն , և 'ի մէջ նշանացն և այնչափ սքանչիցն սա որպէս յամառեցաւ , որպէս Աքարն այն 'ի հնումն վերադրեալ իրին ցանկացաւ և զգժնդակ վրէժն կրեաց . զի յոյժ ծանր և դժուարին է տաճարակողոպուտ լինել , զի 'ի բազում արհամարհանաց ժպրհի ոք յայն : Ոչ վաճառել հարկեցաք , ասէ . և յետվաճառելոյն տալ զինչսն դու կամեցար . զիարդ այժմիկ գողացար 'ի նուիրեալ ընչիցդ :

« Ոչ սպաքէն մինչ կայրն քո էր , և 'ի վաճառելն ընդ քո իշխանութիւն . միթէ 'ի մէնջ արգելա՞ր ինչ . զի է զի եդեր 'ի սրտի քում ստել Հոգւոյն սրբոյ . ոչ ստեցեր մարդկան , այլ նոյ » : Տեսանէս զճանրութիւն չարեացն և զարհամարհանաց : Եւ արդ ո՞ր են այնօրիկ՝ որ ընդ Հոգւոյն պատերազմին . լուիցեն աստանօր , զի որպէս զՀօրէ խօսի յայանապէս քարոզելով զանճութիւն Հոգւոյն :

« Եւ լուեալ Անանիա զըսանս զայսոսիկ անկաւ և եհան զողին » : Յեղելոց աստի յայտ է թէ մեծ է այս քան զօր առ կազն արար . այս է սպանանելն և զգաղտնի լեալն գիտելն : Եւ յոյժ մանաւանդ պարտ էր այսմ լինել , այսինքն սպանանել , և ոչ այլ ազգ շահել զնա . զի ոչ էր արժան պարզաբար անցուցանել

զոր ինչ եղևն , այլ որպէս զապականագործ փտութի ինչ ՚ի բաց հատանել , զի մի վնասեսցէ զբոլոր մարմինն : Եւ զի և նա խակ շահեսցի ոչ ընդ երկար վարելով՝ ՚ի խորագոյն չարիս , զի և այլքն զգուշացին , զի մի՛ի բազումս տարածեսցի չարն : Բայց ոչ յանկարծակի պատուհասեաց , այլ նախ դատաստան կարգեաց : Ընդէր , ասէ , որով կամօք արարեր . ՚ի սկզբանն ունել պարտ էր քեզ զինչն և ոչ խոտանալ : Տես որչափ դժուարին է տաճարակապտութիւն . զի այլ ոք օտարին ցանկացեալ , թերևս յիրաւի թաքուցանէր . քեզ զքոյդ ունել և ոչ գողանալ պարտ էր . զհարգարարեր զգայրն ծայս տաճարին , և դարձեալ առ քեզ շորթեցեր : Յայտ է զի ՚ի բազում արհամարհանաց արարեր . վասն որոյ ոչ ունի հնար ներողութե :

Բայց մի գայթակղեսցիք՝ թէ և այժմ իցեն օմանք տաճարակապուտք . զի և Յուդա այնպիսի էր , այլ ոչ գայթակղեցան աշակերտքն : Այլ յանդիմանեսցուք զնոսա առաջի ամենեցուն , զի և այլքն երկիցեն : Ապա թէ ասիցէ որ՝ թէ այժմ ընդէր ոչ զնորայն կրեն պատուհասն , ասեմ՝ թէ ընդ այն առաւել պարտ է զարհուրել , զի դժնդակագոյն չարեաց պատահին թէ ոչ ապաշխարեսցեն :

« Եւ եղև , ասէ , ահ մեծ ՚ի վերայ ամենեցուն որ լուան զայս » : Եւ պատուհասեալ եղև , և այլքն մեծապէս շահեցան . զի թէպէտ և եղեն յառաջագոյն նչանք , այլ ոչ էր այլոցն այնպիսի երկիւղ : Ի ճահ իմն դիպի ասացեալն՝ թէ « Ճանաչի տէր յառնել զգատաստանս իւր . և ՚ի գործս ձեռաց իւրոց ըմբռնեսցի մեղաւորն » : Այսպէս և առ տապանակաւն եղև . Ոգա պատուհասեցաւ , և այլոցն երկիւղ մեծ անկանէր , և թագաւորն հեռացուցանէր յինքենէ զտապանակն : Այլ վայ և աւաղ . զի որոց պարտ էր հեռանալ այժմ , առաւել իմն հպին : « Յոան կացին երիտասարդքն , զսպեցին զնա և տարան թաղեցին » : Իբրև փոյթք և խելացիք յինքեանց առնեն զարժանն :

« Եւ եղև իբրև ժամք երեք անցին , և կին նորա ոչ գիտեր զինչ եղեալն էր » : Այս է երկիւղ վարդա-

պետի, այս պատիւ աչակերտաց . լսողութիւն և հպատակութիւն Երից ժամուց միջոց անցեալ եղև, և կիինն ոչ իմացաւ . ոչ որ ասաց 'ի պատահելոցն, և մանաւանդ զի բաւական էր իրքն յայտնի լինել . այլ այնչափ երկնչեկն, զի և խօսել չհամարձակեկն զոր ինչ եղևն : Ընդ այս և աւետարանիչս սքանչացեալ ասէ՝ կիինն ոչ զիտէր զեղեալն : « Եմուտ 'ի ներքս » : Տես ոչ զկիինն կոչեաց Պետրոս, այլ սպասեաց մինչև իւրովի եմուտ : « Պատասխանի ետ Պետրոս և ասէ . ասագու ինձ, այնչափ գնոց զգեղն վաճառեցէք » : Գիտակից էր կիինն եղելոցն . վասն այնորիկ և զնա քննէ, կամելով զնա ապրեցուցանել . զի այրն էր առաջնորդ մեղացն : Վասն այնորիկ ետ նմա պայման պատասխանոյ և իշխանութիւն ապաշխարութե . զի կարող էր կիինն յայնմանէ իմանալ՝ թէ Պետրոս զիտէ զեղեալան . զի ոչ զայլ որ, այլ զնոսին հարցանէր . այլ բազում յամառութիւնն ոչ ետ նմա թոյլ զանձն ճողոպրել 'ի վրիժուցն, այլ և բազում համարձակութե տայր պատասխանի . « Այո, ասէ, այնչափ » . զի կարծէր որպէս ընդ մարդոյ խօսել : Ոչ թէ որչափ դժուարին և ծանր էր իրքն, զի միով հոգևով առ մի մեղս միաբանեցին : « Ասէցնա Պետրոս . զի է զի միաբանեցէք դուք փորձել զՀոգին տեառն » : Իբրև նա ոչ կամեցաւ ասել զսոյգն, ինքն յանդիմանեալ կշտամբեաց զնա՝ յայտնի առնելով զիմասն . և ապա իրաւապէս 'ի վերայ յամառեցելոյն եղ զնոյն պատուհասն, զորոյ նմանապէսն մեղաւ : « Ահա ոտքն որ թաղեցին զայրն քո արտաքս, հանցեն և զքեզ . և անկեալ առոտս նորա եհան զսոգի » . քանզի մօտ առ նմա կայր :

ԵՓԲ . Ըստպէս սպանեալք եղեն տունն անանիանց . ոչ միայն զի գողացան և թագուցին, այլ զի ոչ երկեան . և կամեցան խաբել զայնոսիկ՝ որ Հոգին սուրբ ամենաբնին բնակեալ էր 'ի նոսա :

ՈՍԿ . Ըլ թերևս ասիցէ որ՝ թէ յոյժ դառնապէս զնոսա պատուհասեաց : Եւ արդ ասա ինձ, որ է դառնագոյն . եթէ կրկուտ քաղելով որ պատուհասի, ոչ յոյժ մանաւանդ տաճարակապուան . քանզի սոցա ինչքն այնուհետև նուիրեալ եկեղեցւոյն էր : Զի որ որ յանձն առնու զգոյսն իւր վաճառել և բաշ

խել, և ապա զղջացեալ արգելու, սեղանակապուտ է և անհնարին պատժոց արժանաւոր: Արդ եթէ յիւրոց նուիրելոց խորոյն սեղանակապուտ է, յոյժ մանաւանդ որ յօտարայն: Այլ եթէ ոչ այսպէս առոտս պատժին, մի կարծեսցուք անպատու հաս մնալ. այլ զայն տեսցուք, զի վասն այսորիկ սոքա ամբաստանին, զի մեք զգուշացուք. զի մեծամեծ չարիք ծնանին յայսպիսի ակտէ, ազահուծի, զնձ արհամարհուծի, ամբարշտուծի: Սմին վասն պատժեաց զնոսա սակս հասարակաց օգտի: Այլ զի յոյժ ծանր հանդերձեալ էր երևիլ Պետրոս և պատուհասիչ, զայս առնելով գրեթէ բազում հարուածովքն պատասխանի առնէ ամենեցուն, նախ ցուցեալ զմեղսն և ապա տանջեալ:

Արդ եթէ որ սուտ խօսեցաւ միանգամ՝ թէ այո այնչափ՝ և այսպէս պատժեցաւ, զինչ կրեսցեն յարակայ ստախօսքն և երդմնահարքն. որոց անվիւս սպառնալիքն գերանդւոյն մեծի պահեալ կայ: Այլ մի յայն հայեսցուք զի ոչ տանջիմք, այլ թէ ոչ մեղաք. զի թէ մեղուցեալք ոչ տանջիմք, դողալ առաւել պարտ է. զի բազումք զառ ջրհեղեղաւն և զսողոմայեցւոյն և զՓարաւոնին յանդգնելով ոչ իսկոյն պատժին, զի պահեալ կայ նոցա վայն մշտնջենաւոր: Բայց կրեն ոմանք և այժմ մասնաւոր, որոց պարտ է զեղբարցն Յովսէփու յիշել և ասել՝ թէ յիրաւի, քանզի մեղաւոր եմք:

«Ստին երիտասարդքն, գտին զնա մեռեալ, և հանին թաղեցին զնա առ առն իւրում»: Եւ ուստի մտին, յայտ է՝ զի ՚ի սրահէն Սողոմոնի, ուր և բնակէին իսկ: Այլ տես ՚ի հաւատացելոցն անդէն իսկ լուծեալ զօրէնան. զի անվեհեր ՚ի մեռեալն հպելով փուծով զսպեալ թաղէին: Դիտեսցուք և զայս եթէ զիարդառ ընտանիսն ուժգինք էին առաքեալքն, և առ օտարսն ներողականք. զի ոչ այնչափ արտաքնոց իւրք պատերազմի ընդ մեզ, որչափ որ յընտանեայն: «Եւ եղև երկիւղ մեծ ՚ի վերայ ամենայն եկեղեցւոյն և ՚ի վերայ ամենեցուն որ լուան զայն»: Եւ ո՞րք ոչ երկընչէր յառաքելոցն և սքանչանայր ընդ նոսա. կամ ո՞րք տեսանելով զսասան զայն ոչ հեծեծէր և յոգւոց ելանէր. զի ամենեքեան երկուցեալք եղեն:

« Եւ 'ի ձեռս առաքելոցն լինէին նշանք և արուեստք բազումք 'ի ժողովրդեանն » : Յետ լինելոյ 'ի նոսա երկիւղին՝ յոլովագոյն նշանս առնէր Պետրոս և այլքն . բանզի հաւատոցն բազմաց տարածանելով՝ նշանքն յոլովագոյնք լինէին : « Եւ էին ամենեքեան միաբան 'ի սրահին Սողոմոնի » : Եւ ուստի զայս առնէին . ինձ թուի յայնմանէ զոր Քս յառաջագոյն ասաց նոցա՝ անդ լինել և ոչ այլուր մեկնել . ուստի ոչ և ս այնուհետեւ 'ի տան , այլ 'ի տաճարին կացեալ մնային , ունկնդրու թէ բանին պարապեալք . զի բազում և մեծ էր հաւատն նոցա որ առ Քս : Ով սքանչելեացն . առ վաճառարանին այնուհետեւ շրջեալ լինէին , և մեծաւ համարձակութե բնակէին 'ի նշանաւոր տեղոջն՝ ուր ամենայն Հրեայքն ժողովեալ էին և զամենայն գործ անդ վճարէին , և 'ի մէջ թըշնամեացն զօրանային : Եւ ընդր մարդարէութին՝ թէ « Գաւազան զօրութե՛ առաքեսցէ քեզ տէր 'ի Սիոնէ , և տիրեսցես դու 'ի մէջ թշնամեաց քոց » : Այս իսկ էր նշանակ մեծի զօրութե . զի ըմբռնեալքն և կապեալք զայսոսիկ գործէին :

« Եւ յայլոց անտի ոչ որ իշխէր մերձենալ 'ի նոսա » . այսինքն յառաքեալսն . զի ոչ որ համարձակէր հպել 'ի նոսա : Զի առաւել զարմանալի էր այնուհետեւ Պետրոս , ընդ որ հայէին ամենեքեան հիացեալք վասն առաջին , երկրորդ և երրորդ ատենարանութեն և վասն նոյնքան նշանացն . զի այժմուս կրկին է նշան , յանդիմանելն զծածուկսն և սպանանելն հրամանաւ : Եւ այլ ազգ . զի ասաց վասն բազմութե՛ թէ 'ի տաճարին բնակէին . զի մի զարմացիս թէ զխարդ տեղի տային՝ անդ կալոյ , ասէ թէ և ոչ հպել և ս որ 'ի նոսա համարձակէր : Այլ յարգէր զնոսա ժողովուրդն և մեծարէր . և ոչ և ս դիւրաւ արհամարհեալք լինէին որպէս յառաջն 'ի կատակողացն :

« Եւ առաւել և ս յաւելուին հաւատացեալքն 'ի տէր , բազմութի արանց և կանանց » : Այսուհետեւ զթիւն ոչ ասէ զհաւատացելոցն . այսպէս 'ի բազմութի անեզր տարածեալ լինէր իրք հաւատացելոցն :

և յարուժին քարոզեալ լինէր : Եւ այն իսկ էր զարմանք, զի 'ի սուղ ժամանակի որպէս թէ 'ի միում պահու այնչափ իրք եղեն 'ի ձեռն ձկնորսին և մաքսապետին և ընկերաց 'նոցին, զի և երկիրս երկին եղև : Եւ այս յաղաղս առաքինութե 'նոցա և սքանչելեաց և համարձակուէ . զի իրբև զհրեշտակս սքանչելիք էին ամենեցուն, աներկիւղք 'ի վշտաց և 'ի սպառնալեաց, մարդասէրք, խնամիչք, յօրինիչք . ոմանց ընչիւք օգնէին, կիսոց բանիւ, այլոց բժշկութիւնք հոգւոց և մարմնոց, « Մինչև 'ի հրապարակս հանել զհիւանդս և դնել բազմականօք և մահճօք իւրեանց, զի ընդ անցանել Պետրոսի դօնէ հովանի 'նորա հասցէ ուրուք 'ի 'նոցանէ » : Այս ինչ առ Քօիւ ոչ եղև : Այլ տես աստ կատարեալ զառ 'ի նմանէ ասացեալն՝ թէ « Որ հաւատայ յիս, զգործսն զոր ես գործեմ, և նա գործէ և մեծամեծս ևս » :

« Աւ ժողովէր բազմուի շուրջ 'ի քաղաքաց անտի յերուսաղէմ, բերելով զհիւանդս և զնեղեալս յայտոց պղծոց . որք և բժշկէին ամենեքեան » : Ամենայն ուստեք 'ի սքանչելեացն համբաւ ժողովէին 'ի հաւատացելոցն, 'ի բժշկելոցն, 'ի պատժողական երկիւղէն, 'ի համարձակութե առաքելոցն, յառաքինութե հաւատացելոցն . զի այս ամենայն ոչ միայն 'ի նշանացն էր որ լինէր, այլ յաւէտ ևս յառաքինութե առաքելոցն : Զի թէպէտ և նորա ըստ բազում խոնարհութե զանձինս առ չափաւորս ունելով զամենայնն այլ վերագրէին, այլ ընդ առաքինութե 'նոցա ուրախացեալ հողին՝ յայտնէր նոքօք զիւր զօրութիւն :

Այլ տես 'ի հակառակացն զկենցաղն 'նոցա շարմանեալ : Նախ յառաջ տրտմութի եղև 'նոցա վասն համբառնալոյն Քօի . ապա ուրախութի վասն իջման հոգւոյն : Գարձեալ տրտմուի վասն ծաղր առնելով կատակողացն . ապա ուրախութի վասն հաւատացելոց երից հազարացն և վասն առ կաղն եղելոյ նշանին : Տրտմութի դարձեալ վասն ըմբամանն, և ապա աստանօր ուրախութի և տրտմութի խառնեալ : Քանզի պայծառք էին և անժ յայտնի արարեալ էր զնոսա, այն ուրախութի էր . այլ զի վնասին զիւրեանցն սպանանէին, տրտմութի : Ուրախութի դարձեալ 'ի պայ-

Ծառուծէ անտի և յայնչափ նշանացն և յանծիւ
 հաւատացելոցն . և տրտմուծի՛ի քահանայապետիցն
 և յայլոցն՝ի վերայ յառնելոյ : Եւ բոլորովին իսկ զա-
 մենայն կեանս նոցա այսպէս տեսցես :

ԲԱՐՈՅԱԿԱՆ

Ըրդ մեծապէս հոգաբարձուք զգուշացուք յերդ-
 մնահարուծէ : Եւ նախ քան զայս՝ի գողուծէ՝ որ է
 մայր երդմնահարուծէ . մանաւանդ՝ի տաճարակա-
 պուտ լինելոյ . զմտաւ ածելով զխոստացեալ՝ պա-
 տուհասս առ ոմանս եղեալս և առ այլս զսպառնա-
 ցեալն . զի և յաստի տանջանաց զերծեալք և խոս-
 տացելոց բարեացն ժամանեցուք շնորհօք կեցուցչին
 Քսի օրհնելոյն յաւիտեանս . ամէն :

1 Միւսն զտաղիտ :

ՃԱՌԻ ԵՐԵՒՏԱՍԱՆԵՐՈՐԴ

«**Յ**ԱՐՈՒՑԵԱԼ քահանայապետն և ամենեքին որ ընդ նմա և ազանդն սաղուկեցւոց՝ լցան նախանձու » : Յարուցեալ , այսինքն շարժեալ նախանձու և խռովեալ վասն եղելոյն : « Արկին զձեռս յառաքեալսն , և եղին զնոսա հրապարակաւ 'ի բանտի » : Եւ ընդէր հրապարակաւ . զի այժմ՝ կարի յանդուզն հասին 'ի վերայ նոցա . այլ ոչ վաղվաղակի դատեցին զնոսա , ահն ունելով դարձեալ հաւանականս լինել նոցա երկրնսելով 'ի տանջանաց :

« Լ'պա հրեշտակ տեառն 'ի գիշերի երաց զգուրս բանտին և հանեալ զնոսա ասէ » : Որ ինչ եղևն 'ի հրեշտակէն 'ի մխիթարութի եր նոցա և 'ի քաջալեռութի . իսկ բանտողացն զնոսա , յուսումն և 'ի կշտամբանս՝ թէ 'ի զուր յանդգնէին : Եւ տես , զոր ինչ քնարար ընդ փակեալ գրունսն մտանելով , զնոյն և աստ եղեալ : Բայց ոչ թողացոյց հրեշտակն պահպանացն տեսանել զեղեալ սբանչելիսն , որպէս և ոչ ինքն քնզայն թէ որպէս յարեաւ : Զի որպէս գինի որ 'ի ջրոյ խառնեալ լինի , ոչ բազմականքն՝ որ յարբեցութե են տեսանեն , այլ զընտրութիւն այլոց հրամայեն , այսպէս և աստանօր նոքա զարտաքս հանելն 'ի բանտէն զառաքեալսն ոչ տեսանեն , այլ զնշանան միայն և զարուեստս տեսին . յորոց և կարող էին 'ի միտ առնուլ թէ անձային գործ էր զոր ինչ լինէրն : Եւ ընդէր 'ի գիշերի զնոսա հանէր . վայելչապէս . զի այսպէս հաւատալի լիցի եղեալն , քան թէ 'ի տուրնջեան . թերևս զի և ոչ հարցանել զնոսա ժողովեալ լինէին , և ծածկեալ լինէր իրքն . իսկ այսպէս հռչակելի լինէր :

« Կնացէք կացէք , ասէ , 'ի տաճարին և խօսեցարուք ընդ ժողովրդեանն զամենայն բանս կենացս այսոցիկ » : Ի բացեայ հեռի ուրեք երթալ կամ արտաքոյ կալ տաճարին ոչ թողացոյց զնոսա . զի 'ի միտ առցեն ժպիրհ-

քրն բանտարկողքն, զի եթէ 'ի պահապանացն եղեն հանեալք որպէս կարծէին ինքեանք, կամ ոչ իսկ հաւանէին ելանել, կամ ելեալք փախչէին վաղվաղակի, կամ 'ի հանողացն իսկ փախուցեալք լինէին. այլ 'ի տաճարին ոչ լինէին կացեալք խօսելով ընդ ժողովուրդքն: Զի «Իբրև լուան, մտին ընդ առաւօտն 'ի տաճարն և ուսուցանէին»: Այսելապէս ընդ առաւօտն. զի ուսուցանել պատուէր առին, մնացին մինչև ցժամն՝ յորում լսել սովոր էին ժողովուրդն որպէս առ Քսիլ:

«Աւ եկն քահանայապետն և որ ընդ նմա, կոչեցին միաբան զատեանն և զամ ծերակոյտ որդւոցն Խորայէլի, և առաքեցին 'ի բանտն ածել զնոսա»: Տեսանես զհարդ ջեռեալք էին, զի թողին նորա գալկալ յաղօթս ընդ առաւօտն 'ի տաճարին, և փութացան նստել դատել զաշակերտան Քսիլ. զի թէ ոչ մեծ թուէր նոցա քան զաղօթսն չարչարելն զառաքեալսն, մարթիակ էր 'ի գնալն անդր՝ զի իբրև ուսուցանէին նորա, ոչ կարօտ լինել ինքեանց ուրուք յղել զնոցանէն: Այլ կատարէր բանն՝ թէ «Որ սպանանիցէ զձեզ, համարիցի մտերիմ պաշտօնեայ դուայ»:

ՈՍԿ. «Իբրև եկին սպասաւորքն, ոչ գտին զնոսա 'ի բանտին. դարձան անդրէն պատմեցին՝ թէ զբանտն գտաք փակեալ ամ զգուշութիւն, և զպահապանսն զի կային առ դրանն. բացաք և 'ի ներքս զոք ոչ գտաք»: Կրկին էր եղեալ զգուշութիւն որպէս առ գերեզմանաւն Քսիլ, և կնիքն և զինուորքն: Առ որ ասելի է, թէ ով ամամարտք, զհարդ ելին ընդ փակեալ դրունսրն. ոչ ահա մոլեւոց է ատեանդ և բանքդ. զի զորս փակեալ դրունքն ոչ կարացին ունել, յաղթահարել կարծէք: Այլ բարիօք էր, զի սպասաւորքն նոցա եկեալ յայտնապէս խոստովանեցին զեղեալսն: Եւ որպէս այնք սպասաւորքն զՔսիլ ասէին՝ թէ ոչ երբէք խօսեցաւ որ որպէս մարդն այն, նոյնպէս և սորա հաւատարիմք գտան քան զնոսա, որք առ յարութիւնն ոչ ինչ սորա թաքուցին, զի մի քահանայապետքն խժբիծս ինչ կցեսցեն: Այլ տես զնշանսն զանազանեալս, զամանս յառաքելոցն յայլս եղեալս, և զոմանս ինքեանրս իսկ յառաքեալսն, որովք և պայծաք եղեն:

«Իբրև լուան զբանս զայս իշխանք տաճարին և քա-

Հանայապետքն, հիանային վասն նոցա թէ զինչ արդեօք լինիցի այս¹։ Այս ինչ և ՚ի հնունս եղև առ Նաբուգոդոնոսորաւ . զի մինչ ետես զմանկունսն օրհնելով զիմ, յայնժամ եկն ՚ի զարհուրանս։ « Եւ եկն ոմն պատմեաց նոցա, թէ ահա արքն զորս եղիք ՚ի բանտի, կան ՚ի տաճարին և ուսուցանեն զժողովուրդն »։ Բարիոք էր . զի ոչ վաղվաղակի նոցա ազդ եղև, այլ յառաջագոյն ՚ի տարակուսանս եղեն . զի խորհելով և որոնելով զիրսն իմացին անձային զօրութեն զեղեալ գործն . և ՚ի ձեռն այլոց իմանան զիմ², զի մի կարացեն ստել։

« Յայնժամ երթեալ իշխանքն հանդերձ սպասաւորօքն ածեն զնոսա ոչ բռնութիւն . զի երկնչէին ՚ի ժողովրդէնէն, զի մի քարկոծեսցին »։ Ով անանձ բարուցն, ամենայն ուրեք զմարդկային երկիրն երկնչին, պարտ էր յայ երկնչել, որ իբրև զթուչունս միշտ ՚ի ձեռաց նոցա յափշտակէր զնոսա։ « Եւ ածեալ զնոսա կաջուցին յատենի . եհարց ցնոսա քահանայապետն և ասէ . ոչ պատուիրելով պատուիրեցաք ձեզ մի խօսել և մի ուսուցանել յանունն յայն »։ Ով անամօթ և կարծր անձինն . պարտ էր հարցանել թէ որպէս եղէք ելեալ . այլ առ չար նախանձուն իբրու թէ և ոչ միոյ իրիք նշանի եղելոյ՝ հեղազոյն հարցուածովքն պարտաւորէ . « Ոչ պատուիրելով պատուիրեցաք ձեզ մի խօսել և մի ուսուցանել յանունն յայն »։ Չանայ առ ՚ի ցուցանել թէ իրաւապէս պատուիրէր նոցա մի խօսել յանունն Յսի . զոր և առ չարութեն զոր ունէին ընդ նմա, և ոչ զանունն անգամ կամէին յիշել։ Առ որ ասելի է՝ թէ ով անմիտ, եթէ դոքա հաւանեցան ձեզ, բարիոք պատուիրէք . ապա թէ ՚ի նմին ժամու ասացին ոչ հաւանել, որպիսի պարտաւորութի է այդ . ահա ամբաստանութի՝ անյար և լի անմտութիւն։ Այլ հայեաց զկեղծաւորութիւն . զի այսուհետև ոչ սպանողականս կամ զուր պատուհասողս կամին ցուցանել զինքեանս, այլ որպէս վասն ճշմարտութեան զայն սպառնացեալ։

« Եւ արդ աւասիկ լցէք զերուսաղէմ, ասէ, ուսմամբ

1. Միւսն անբարասանութի . . . 2. Լի անմեղսութի :

ձերով և կամիք ածել ՚ի վերայ մեր զարիւն զառն զայնորիկ » . քանզի զարհուրեցուցանել զնոսա կամէր և արգելուլ զքարոզութիւնն . զոր քաջ մանաւանդ ախորժէր քան թէ զնոսա սպանանել : Այլ զի այնմ ոչ եղև հնար, կամի այժմ զաման շարժել ՚ի ցասումն . զի յաճախ յարուսցէ նոցա զտագնապս շարչարանաց . ասէ . « Կամիք ածել ՚ի վերայ մեր զարիւն զառնն » : Զայս ինչ և Քօի արար հարցանելով թէ « Դու ես Որդի Կայ » . զի ամենեցուն զնա մահապարտ երևեցուսցէ : « Զարիւն զառնն զայնորիկ » ասէ, զՔօի՝ յայտ է : Եւ տես զի յամառի տակաւին, զի մարդ լիկ ցուցանէ զնա : Եւ զոր ասէն այս է, թէ քարոզութիւն ձերով և նշանօք զոր առնէք յանուն նորա, կամիք զմեզ անիրաւ սպանողս երևեցուցանել : Այլ տես զնոսա դարձեալ հեղութիւն ընդ նոսա խօսեցեալ . և այն զի ՚ի դէպ էր ասել, զի դուք, ո՞վ կամ ո՞րք ոմանք էք հակառակել ընդ հրամանն Կայ : Բայց ոչ ասացին, զի բազում էր իմաստութիւն նոցա . այլ կարգաւ ողորանաց և խորհրդակցութիւն և ողորմելով դիտելին թէ զիարդ ազատեսցեն զնոսա : Բազում հեղութիւն պատասխանեն, սակայն և այսպէս անձամարտս զնոսա ցուցանեն . և լուր ասա .

« Պատասխանի ետ Պետրոս և այլ առաքեալքն և ասեն . հնազանդել պարտ է Կայ առաւել քան մարդկան » : Ոչ որպէս յառաջնումն ասեն ցնոսա՝ թէ դուք ընտրեցէք, զի նոքա անձամարտք և սուտք և անիրաւք յանդիմանեալք եղեն . և ոչ ասացին թէ չասացա՞ք ձեզ յայնժամ՝ թէ ոչ կարեմք զոր լուաք և տեսաք չպատմել . զի չէին պատուասէրք : Այլ դարձեալ զնոյն ասեն զխաչն զյարուցիւն :

« Ի՞՞՞ հարցն մերոց յարոյց զՅօ զոր դուք սպանէք կախեալ զիայտէ . զնա անձ առաջնորդ և փրկիչ բարձրացոյց աջովն իւրով տալ ապաշխարութի խրայելի և թողութի մեղաց » : Մեծ գոլ ցուցանէ զամբարբշտութի նոցա . և ՚ի Հայր դարձեալ զամոր ինչ զՔօի՝ վերաբերէ, որպէս զի մի թուեսցի Քօ ՚ի Հօրէ օտար գոլ : Եւ այս իսկ սաստիկ զնոսա խօցէր, ցուցանեն զնոսա Հօր թշնամիս : Բարձրացոյց, ասէ . ոչ պարզաբար զյարութիւն և եթ ցուցանէ այսու, այլ և զվերա .

նախն առ Հայր : Եւ արդ որ ճարտասանու թի աստա-
նոր . և ոչ մի . այլ յամի չարչարանք և յարու թին և
համբարձումն ատենաբանեալ , որ յոյժ իսկ անհա-
ւանական դու թուին : Սակայն ոչ իշխանքն և ոչ բազ-
մու թին ընդդիմադրել ունէին առ այս . այլ ոմանք
լռել սպառնային և այլք ուսեալ լինէին . ուստի և
զշահն 'ի վերայ ածէ : «Տալ , ասէ , ապաշխարու թի
Իօրայելի » : Եւ զհե թանոս ոչ յիշէ , զի մի ցասման
կամ նախանձու պատճառս տացէ նոցա . այլ ասէ . «Եւ
թողու թի մեղաց » : Տես 'ի կարգի պատասխանատու
թե վարդապետու թի աւարտեալ : Եւ զի յիշելով ըզ-
յանդ գնու թի նոցա՝ զթողու թի 'ի վերայ ածեն , ցու-
ցանելով զի ինքեանք ըստ որում սպանին զնա , արժանի
են մահու . և որ ինչ 'ի նմանէ տուեալ լինի , իբրև ե-
րախտաւորաց լինի տուեալ : Եւ այս է թողու թի մե-
ղաց՝ որ ցուցանէ զմեծ առ նոսա զսէրն և զանոխա-
կալու թին Քթի , թողու թի տալով զղջացելոց խաչո-
ղացն . զոր և 'ի Հօրէ հայցէր , «Հայր , թող սոցա » :

«Ալ մեք եմք վկայք բանիցս այսոցիկ » : Բազում
համարձակու թի խօսի , ունելով զվստահու թի հաւա-
տարմու թին : «Վկայք եմք նորա բանիցս այսոցիկ » . ո-
րոց եթէ ապաշխարու թի , եթէ թողու թի մեղաց խո-
տացաւ . զի յարու թին այնու իսկ խոստովանեալ լի-
նէր 'ի հաւատալն՝ թէ թողու թի տայ : «Եւ մեք վը-
կայք եմք և Հոգին սուրբ » . որ թերևս չէր եկեալ , եթէ
ոչ յառաջագոյն մեղքն լուծեալ էին . որպէս զի աներկ-
բայելի նշան այս իսկ է յարու թեանն : Այլ տես զի
զՀոգւոյն տուլու թիւնն ոչ միայն ինքեանց 'ի կիր աւ-
նու , զի ոչ ասէ թէ զոր ետ մեզ , այլ «Զոր ետ , ասէ ,
մեծ հնազանդեցելոց իւրոց » : Զայս ասեն զանձինս
չափաւորելով համանգամայն և յայտ առնեն՝ թէ և
նոցա հնար է առնուլ , թէ հնազանդեցին այլ : Այլ
այնպէս պինդ էր յամառու թիւն նոցա , զի այնքան
գործովք և բանիւք խրատեալք ոչ առնուն 'ի միտ .
որպէս զի յիրաւի դատասպարտեցին , ոչ կամելով զօ-
գուտն իւրեանց : Զի վասն այսորիկ թոյլ տայր մեծ
մատնել սոցա 'ի դատաստան , զի նոքա խրատեցին ,
և ամենեքեան ուսանիցին , և առաքեալքն 'ի համար
ձակու թի յարիցեն :

«Իսկ նորա իբրև լուան, ասէ, առատանային և խորհէին սպանանել զնոսա»։ Տես զխիստ խաղաղին, այլքն լուեալ զղջանային, և նորա առաւել զրդեալք եռային ցասմամբ զնոսա սպանանել. զորս պարտ էր մանաւանդ իբրև զմարգարէս աւետարեբրս պատուել և առաւել ևս, իբրև զԹողուԹէ պատգամաւորս և յարուԹեան 'ի նոր աւուրս քարոզողս. այլ ոչ մահու սպառնալ ԹողուԹի մեղաց լսելով։ Ավեղկելի, ոչ տանջանք պահանջէ, ոչ վրէժ, և սպանանել մտաբերես. այլ պարտ էր կամ յանդիմանել զդոսա իբրև զստախօսս, կամ զայս ոչ կարելով առնել՝ հաւանել. այլ ոչ սպանանել։ Այլ յարբեցուԹէ ախտին չգիտէին զինչ արասցեն, զի էին դարձեալ նորա 'ի վտանգի և սոքա 'ի դիւրուԹե և յուրախուԹե Նորա փոքր ինչ նուազ և հերձուին 'ի սաստիկ բարկուԹէն զոր յայտ առնէ առատանայինն. զի այսպէս առնելն չարաչար՝ մանաւանդ կրել է չարաչար. որպէս որ զանգամանդ հարկանէ՝ ինքն յաւետ առաւել դանի, այսպէս սոքա մեծաւ համարձակուԹի 'ի դատաստանի կալով առանց հոգալոյ զբանն խօսէին, և դատողքն 'ի մեծ իմն անձարուԹե վտանգէին։

ԲԱՐՈՅԱԿԱՆ

Օ ի այսպէս մանաւանդ տնանկէն քան զճոխան 'ի դիւրուԹե վայելեն. զի մեծատունն իբր զքաղաք է անպարիսպ 'ի մէջ դաշտի՝ որ 'ի բազում կողմանց յինքնն ձգէ զբաւաճանողսն, զտրամուԹի, զբարկուԹի, զերդումն և զայլս։ Իսկ տնանկուԹի դղեակ է ամուր պատեալ պղնձով, զոր ոչ կարեն տրտմեցուցանել և ոչ մի վտանգք փորձուԹեց՝ որ Թէ դան 'ի վերայ, որպէս առաքելոցն. որով ոչ միայն յայլոց ախտից, այլ և յերգնլոյ կարասցուք զանձինս պարսպել։ Զի երդումն որոգայԹ է սատանայի. տես զՅեսու առ դաբաւոնացիսն երդուեալ, և զՀերովդէս 'ի գժնդակ չարիս ըմբռնեալ։ Կտրեա զլարսն և ոչ ըմբռնիս յորոգայԹն։ Եւ մեծահոգողուԹե և ազատամիտ՝ առա-

քինուած է կալ օրինակ զառաքեալնս սուրբս : Բայց
 թերևս ասիցէ որ, թէ ո՞ որ 'ի մարդկանէ յայնպիսի
 շնորհս վայելելով ոչ արդեօք մեծ լինէր և սայծառ :
 Այլ դու տես նախ քան զշնորհսն զհարդ էին ժուժ-
 կալք միաբան յաղօթս, յուսալով 'ի վերին տեսչու-
 թին : Նա զի և դու հոգիւնկալ ես և յոյս ունիս ար-
 քայուածն, և ոչ ինչ այնպիսի տաղնապիս . իսկ զնո-
 սա փորձուածքն 'ի միմեանց առնուին : Եւ ոչ անմ' ինչ
 շնորհացն էր, այլ և յովով ինչ իւրեանց փութոյն և
 լաւուածն : Զորս իբրև սպանանել սպառնացան, աս-
 րեցոյց զնոսա Գամաղիէլ :

ՃԱՌԻ ԶՈՐԵՔՏԱՍԱՆՆԵՐՈՐԴ

ՅԵՐՈՒՅԵՆԸ, ասէ, ոմն 'ի մէջ ասենին փարիսեցի, որում անուն էր Գամաղիէլ, որ էնսուսոյց, պատուական ամ ժողովրդեանն: Սա վարդապետ Պաղոսի է: Եւ զարմանք են ահա, զի ըստ կամաց իւրոց ունելով զգատարանն և օրինացն քան զրազումս քաջ գիտակ, զիարդ ոչ ևս էր հաւատացեալ: Այլ և չէ 'ի դէպ կարծել արդէն իսկ բոլորովին գոլ սմա ոչ հաւատացեալ. և այս յայտ 'ի նորա բանիցն է: «Հրամայեաց, ասէ, սակաւիկ մի զարնն արտաքս տանել: Վայելչապէս. զի մի թուիցի 'ի նոցա կողմն գոլ, կամ վասն նոցա ասել զոր ասացն. «Արք իսրայէլացիք, ասէ, հայեցարուք 'ի ձեզ վասն արանցս այսօցիկ, զինչ արժան իցէ առնել: Տես զիմաստուն հրապարակախոսութիւն՝ թէ զիարդ յառաջին բանիցն յերկու զնոսա արկանէ: Եւ զի մի կարծիցեն թէ զնոցա իրս խորհի, իբր ընդ համակրօնս հեզութք ընդ նոսա խօսի. սակայն որպէս ընդ արբեալս սրտմտութք և չարութք՝ «Արք իսրայէլացիք, ասէ, հայեցարուք 'ի ձեզ. մի վայրապար և մի որպէս դէպ լինի բերեալ լինիք իբրև ապշեալք:

«Յառաջ քան զաւուրս զայսոսիկ յարեալ թեւդաս ասել զանձնէ՝ թէ իցէ ոմն. յոր ական արք թուով իբրև չորեքհարիւր. որ սպանաւ, և ամբն որք միաբանեալ էին ընդ նմա՝ քակտեցան և եղէն յոչինչ: Օրինակօք ոմամբք կամի մի թարեւ զնոսա և մտախորհս առնել. և ոչ 'ի հին պատմութեց բերէ 'ի մէջ, թէպէտ բազումս ունէր ասել, այլ զնորագոյնսն, որ մանաւանդ զօրեղ էր առ հաւատալ: Սմին վասն ասէ՝ թէ յառաջ քան զայսոսիկ աւուրս: Բայց նախ քան զյարացոյցս ասաց՝ հայեցարուք 'ի ձեզ. ցուցեալ այսու՝ ստուծք զնոսա և 'ի զուր մոլեալս, զի թէ վաղ վաղակի ասացեալ էր թէ 'ի բաց կացէք և թոյլ տուք

արանցդ, և ինքն իսկ եղեալ էր կասկածաւոր, որպէս Նիկիողիմոս առ փրկչաւն . և բանն այսպէս ոչ լինէր զօրաւոր . այլ յեա օրինակացն բանն զիւրն էառ զօրու թի : Վասն որոյ և զայն օր յօլովագոյնն ապստամբեցոյց, ՚ի վերջոյ դնէ :

ԵՓԲ. « Զեռնորա, ասէ, յարեաւ Յուդաս դաշիլեացի յաւուրս լինելոյ աշխարհագրին, և ապստամբեցոյց ժողովուրդ բազում զկնի իւր » : Արդ յարոյց զսոսա սատանայ նախ քան զճնուէնդն և առ ճննդեամբն տեառն մերոյ . զի լուաւ նա զճննդէնէ նորա ՚ի բանից անտի հրեշտակին օր առ Զաքարիա և Մարիամ, այլ և ետես զի արդելաւ Շմաւոն ծեր, զի մի ճաշակեացէ զմահ մինչև տեսցէ զտէր մեր ԿՅ ՔՄ, փաւթացաւ զի ՚ի ձեռն այսց ապստամբաց վնասեացէ զխօրհուրդն ՔՄի : Սակայն փաւթով որպէս նա, սոյնպէս և սա կոբեաւ, և որք ընդ նմա հաւանեալք էին՝ ցրուեցան :

ՈՍԿ. Սմին վասն ոչ զմին միայն յիշեաց, այլ և զերկրորդն . զի յերկուց վկայից հաստատեացէ զբանն : Աւնէր ասել և զեգիպտացին և զչորս հազարն, այլ զսոսա բաւական համարեալ գայ ՚ի խնդրելին : Եւ զարդիս ասեմ ձեզ . ՚ի բաց կացէք յարանցդ յայդցանէ և թոյլ տուք դոցա, զի թէ ՚ի մարդկանէ իցէ խօրհուրդդ այդ կամ գործ, քակտեցի . ապա թէ յայ, ոչ կարէք քակտել զդոսա » : Տես որպիսի հեղու թի լի է բանս և համառօտ և լցեալ հանճարով : Ոչ զնոսա նախատելով թշնամանէ, այլ միայն սլատմողաբար ասէ՝ թէ սպանան . և ոչ զսոսա ամբաստանելով և սրտմտելով յիշէ, և ոչ վնասարանէ ինչ կամ ասէ՝ զի թէպէտ և երկոտասանք էին և արդ բազումք, մի երկնսիք ՚ի բազմութէն :

Եւ դարձեալ զի շեր բաւական հաւանեցուցանել, թէ յայտնի ասելով ասն ՔՄի՝ թէ ահա ՚ի բազում ժամանակաց հետէ լուան նմա ամենեքեան և հաւատան հրեայք և հեթանոսք, և լցաւ երուսաղէմ ուսմամբ դոցա, արդ ընդէր ոչ հաւատայք . ապաքէն այս ոչ է մարդկային, զի ոչ կարացէք քակտել զդա : Սակայն զայս ինչ սյլովք բանիւք տայ իմանալ : Զի ոչ ասաց թէ անձ է ՔՄ, այլ ՚ի գործոցն յայտ արար թէ է, յաւսելն թէ յայ իցէ՝ ոչ որ զօրէ քակտել զդա : Եւ տես

ու համարձակեցաւ մարդկային ասել, այլ և ոչ զան-
ային . զի թէ յոյ ասէր գու, հակառակէին . և եթէ
'ի մարդկանէ, ևս առաւել զինէին : Վասն այսր ամե-
նայնի հրամայեաց նոցա սպասել կատարածին : Զի
թէ 'ի մարդկանէ իցէ, զինչ պէտք էն այսչափ դժուա-
րանալ . զի լեն իսկ կարօս 'ի ձեռնուրուք սպանանել,
այլ անդէն իսկ յինքեանց ինքեանք լուծեալ քակ-
տեցին և 'ի բաց հոսեցի բաղկացու թի նոցա : Ապա
թէ անձային՝ ոչ կարէք դուք ձերով տկար ուժով յաղ-
թել նմա : Եւ ապա ահագին և անպատշաճ իրօքն
զարհուրեցոյց զնոսա :

«Վաւցէ, ասէ, անձամարտք գտանիցիք : Զի զինչ
արգելու զնա, զի և զձեզ քակտեցի . զի դուք ընդ
այ մարտնել ոչ կարէք : Տես զիարդ յոյժ անըմբռնելի
էր բան նորա, որով և սաստիկ զայրագնեալքն և արիւն-
արբուքն հաւանեցան : Արդ ստուգապէս պատմէ և
Յովսէպոս՝ թէ որքան համարձակեցաւ նա այնու հեռե-
ասել՝ թէ յոյ է գործն . յորժամ յիրողու թէցն ըզ-
հաւատարմութի ընկալաւ, այսինքն 'ի սքանչելեացն
զյարութին Գոնի . բայց և առժամայն իսկ սաստիկ և
անալաւ էր համարձակութի նորա : Ոչ ասաց՝ թէ զի
ու քակտեցաւ՝ յոյ է, այլ թէ յոյ է՝ ոչ քակտի և ոչ
բնաւ իսկ որ քակտել կարէ : Որով գազանամիտքն
պատկառեցին յիմաստութիս, 'ի պատուոյն և 'ի կար-
ծեաց ահաւոր և ստուգախօս բանիցն . ուստի հաւա-
նեցան ոչ սպանանել, այլ դեռ գանիւ տանջել :

«Հաւանեցան նմա, ասէ . և կոչեցեալ զառաքեալ-
սրն գան հարին : Զի թէ պէտ և աներկբայելի ի-
րաւարանութենն ընդգիմամարտել ոչ ունէին, սա-
կայն զցասումն լցին զիւրեանց . և դարձեալ զի տան-
ջելովն երկեցուցանել ակն ունէին : Եւ պատուիրե-
ցին մի խօսել և մի ուսուցանել յանունն Գոնի : Տես
դարձեալ սպառնան . թէ պէտ գիտէին զի ոչ ինչ վճա-
րեն այնու, սակայն զիւրեանցն ցուցանեն . զի այսպէս
լիբր է չարութի, զի և յանհնարինսն ժտին ձեռնար-
կել : Եւ նորա գնացին ինդալով յերեսաց ատենին,
զի վասն անուանն արժանի եղէն անարգելոյ : Այս-
ինքն վասն քարոզելոյն գանունն Գոնի, զոր սպառնա-
ցան շրեայքն մի ուսուցանել յանունն յայն . վասն

որոյ տանջեալք խնդալիցք եղեն : Եւ թէպէտ ոչ սպանան վասն հաւանելոյ Հրէիցն Գամաղիէլի , այլ զպատուէր նոցա այլ ընդ այլոյ լուեալ գնացին :

« Եւ զամ՝ որ ՚ի տաճարին և առտնին ոչ դադարէին աւետարանել և ուսուցանել զՅմ » : Բարէ քանիցս անգամ գան արբեալ ՚ լինին , և դարձեալ զվարդապետութիւն տարածանեն . մինչ զի և առտնին և ՚ի տաճարին ուսուցանէին : Քան զորչափ նշանս այսինչ ոչ իցէ սքանչելի , որ բազում առաւելութիւն զանազանեալ է ՚ի կրից առաջնոցն սրբոց : Զի և Երեմիաս գանս էառ վասն բանին այ , և Եղիաս սպառնալիս կրեալ փախստեայ գնայր , և այլք բազումք այսպիսի : Բայց տքա ոչ ՚ի նշանացն միայն , այլ և յիւրեանց փութոյ առաւել զայ զօրութիւն ցուցանէին : Եւ ոչ ասաց թէ ցաւս ոչ կրեցին , այլ թէ գանս կրեալ խնդալիցք եղեն : Եւ այս ուստի է յայտ . ՚ի համարձակուէն որ յետ այնորիկ . զի այնպէս և յետ գանիցն միշտ առաւելեալ լինէին ՚ի քարոզութիւն դեպերեալք :

« Եւ յաւուրսն յայնոսիկ ՚ի բազմանալ աշակերտացն » : Ա՛՛ զ սքանչելեացն . յորժամ այս ամենայն լինէր , յորժամ գանս և հարուածս , յորժամ սպառնալիս բազումս , յայնժամ բազմանայր թիւ աշակերտացն : Եւ լ տես զստուգութի սրատմագրողիս : « Եղև , ասէ , արտունջ Յունաց առ երբայեցիսն , զի արհամարհեալ լինէին ՚ի պաշտամանն հանապազօրդ այլիք նոցա » : Աչ թէ անդէն ՚ի մօտոյ եղև այս ինչ , այլ ժամանակի ընդ մէջ անցանելոյ . այլ սովորութի է զրոց այսպէս ասել : « Ի բազում տեղիս եղև , ասէ , արտունջ Յունաց » : Տես ՚ի բազմուէն զայս ինչ եղեալք անդի ամենայնիւ ստուգութի և հաստատութիւնս առ բազմութիւն ոչ գտանի : Եւ ուստի լինի այս . յայտ է զի յանփութուէ . զի բազումք ՚ի քահանայիցն հպատակէին հաւատոցն , որպէս յետոյ ասէ : Եւ զի պատուականագոյն թուէր ազգն այն , որոց կարծէին բազմութիւն աւելի նուիրել պաշտօն , ըստ որում և եղև արտունջ Յունացն : Յունականս զայնոսիկ կոչէին , որք ՚ի յունարէն բարբառ խօսէին . յայտ է զի

վասն յերկար բնակելոյ Հրէիցն 'ի մէջ նոցա, զի ոչ ամենեքեան խօսէին յունարէն: Անտես լինէին, ասէ, 'ի հանապազօրդ պաշտամանն: ասպա ուրեմն օր ըստ օրէ պաշտօն լինէր այրեացն: Եւ տես զի պաշտօն և ոչ ողորմութիւն զսա կոչէ: զի ոչ զարարողսն և եթ, այլ համանգամայն և զկրողսն այսպէս ասելովս բարձրացուցանէ:

Այլ տրտունջն զի եղև՝ ոչ էր ըստ չարութե, այլ ըստ պղերգութե բազմութեն թերևս. վասն այսօրիկ և աւետարանիչն յառաջագոյն 'ի մէջ բերէ զիրն, զի ցուցցէ թէ ոչ փոքր չար էր յառաջելով: Բայց և զայս տեսցիր՝ թէ զիարդ փորձութիք չարեացն անդէն 'ի սկզբանն ոչ միայն արտաբուստ՝ այլ և 'ի ներքուստ 'ի վերայ յառնէին առաքելոցն: Եւ մի յայս և եթ հայեցիս՝ թէ զիարդ փութով ինդիր իրացն ուղղեալ եղև. այլ զի մեծ չար էր հեղգութին և տրտունջն. ուստի և առաքեալքն որպէս առ արտաքինսն ոչ իւրեանց կամաւ՝ այլ ըստ հարկի պատասխանատրէին, որպէս և առ իւրեանցսն:

«Օ ի կոչեցին, ասէ, երկոտասանքն զբազմութի աշակերտացն և ասեն. ոչ է մեզ հաճոյ թողուլ զբանն այ և պաշտել զսեղանն:» Բանզի հարկաւորացն կարելորագոյնն նախապատուելի է. սմին վասն յառաջագոյն զանտեղին ասէին. իբրու զի ոչ էր վայելուչ փութով երկաքանչիւրոցն 'ի միասին լինել: Այլ տես թէ զիարդ վաղվաղակի և յայսմիկն նախախնամութի և հոգառնէին և ինքեանք 'ի քարոզութի փութային. և ընտրեցին կարգել առ այն ինչ արս՝ որ առաւել երկիւղածք էին 'ի նոսա:

«Ի նտրեցէք, ասեն, եղբարք՝ վկայեալս 'ի ձէնջ արս եօթն, զորս կացուսցուք 'ի վերայ պիտոյիցս այսոցիկ:» այսինքն զի իցեն լի հոգւով և իմաստութի: Եւ քանզի յորժամ զՄատթիայն ձեռնադրել հանդերձեալ էին, յառաջագոյն զպէտս իրացն ցուցանէին զի պակասութին լցցի, այսպէս և աստ զպէտսն յայտնեն: Եւ ոչ յառաջագոյն արարին զայս. այլ սպասեցին մինչև պէտք իրացն յայտնի լինէր 'ի տրտնջողացն. որում ոչ ներեցին բազում անգամ այսմ իրաց լինել: Եւ տես, զգատաստանն ընտրութե իրացս այսօ-

ցիկ նոցա առնել յորդորէին, զի հաճոյ իցեն ամենեցուն. և որ վկայեալ իցեն յամենեցունց, զայնոսիկ յառաջ արկցեն, զի և մեք ուսցուք զնոյն. քանզի յոյժ բարի և գեղեցիկ է զայնպիսիսն ընտրել:

Եւ եօթն այր յառաջ կացուցանէին. և ոչ ևս երկոտասան ըստ ինքեանցն. և իմաստունք և վկայեալք բարուք և կենօք: Արդ յորժամ զՄատաթիայն պարտէր յառաջ մատուցանել, «Պարտ է, ասէին, յեկեւոցս ընդ մեզ յամենայն ժամանակի». այլ աստ ոչ այնպէս. զի ոչ էր այնպիսի աստիճան ընտրութեն, և ոչ ևս վիճակաւ յորդորէին ընտրել, զի այն նուազ էր վասն չև ևս եկեալ Հոգւոյն. այլ աստ կամօք ամենեցուն: Եւ այն զի ինքեանք կարողք էին ընտրել Հոգւոյն. այլ սակայն և զառ ՚ի նոցանէ զվկայութիւն ատորժէին: Այլ սահմանելն զթիւն և ձեռնադրել և յայնպիսի պէտս նոցա լինել և բաժանել զարսն ՚ի պաշտօնն, առաքելոցն եղև հրամայեալ. զի մի թուիցին այլքն շնորհուկս ինչ արանցն կամ առանց շնորհի ինչ Հոգւոյն առնել: Քանզի և Խժ Մովսէսի հրամայեաց ընտրել զերիցունսն. նա զի և բազում իմաստութե պէտք էին առ այնպիսի տնօրէնութիւն: Եւ մի կարծեսցես թէ զի բան ոչ եղև ընձեռեալ պաշտել նոցա, այլ զգործ տնտեսութեն՝ թէ ոչ ունի պէտս իմաստութե այնպիսի իրք, այլ և յոյժ բազում թերևս քան զբան:

«Եւ մեք, ասեն, աղօթից և պաշտաման և բանին հպատակեսցուք». այս է ժուժկալեսցուք: Տեսանէս զի ոչ պարզաբար, այլ բազում փութոյ պնդութե զաղօթսն առնէին. և մանաւանդ որպէս զքարողութիւն զաղօթսն լինէին վճարել, ևս և ՚ի պաշտամանէ աղքատացն ոչ անհոգ մնային. այլ մեծաւ փութով իբրև յոյժ մեծագոյն իրի հպատակէին: Իսկ զքարողութիւն բանին իբրև զտուեալ յայ գործ ոչ թողուլ և ՚ի Մովսիսէ իսկ խրատէին. այլ պահել զամ աւանդեալն ըստ կարգի: Սմին վասն որպէս ՚ի սկզբանն ասացին՝ թէ ոչ է պարտ ՚ի բանէն դադարել, զնոյն և այժմ ասեն: Զի պարտ էր ոչ պարզաբար և ոչ որպէս գէպ լինէր, այլ բազում ջանիւ ժուժկալել ՚ի պաշտօն բանին: Եւ հաճոյ եղև բանն առաջի ամենայն բազ-

մնութենն » : Վայելչապէս . զի արժանի ըստ նոցա ի մաստուութեն էր . վասն որոյ և ամենեքեան գովեցին զասացեալսն , զի այնպէս լի էր հանձարով :

« Եւ ընտրեցին զՍտեփաննոս , այր լի հաւատով և հոգւով սրբով և զՓիլիպպոս և զՊրոքորոն և զՆիկանովրայ և զՏիմոնայ և զՊարմենայ և զՆիկողայոս զեկն անտիոքացի » : Ապա ուրեմն և սոքա ամենեքեան լի էին հաւատովք և հոգւով սրբով : Եւ ոչ պարզաբար հոգևորս զսոսա ասէ , այլ լի հոգւով և իմաստութե . զի թէ հաւատովք և հոգւով լիքյայտ է թէ և իմաստութե . զի մեծ իմաստութե պէտք էր հանդուրժել տժգոհութե այրեացն . ըստ որում պարտ էր լինել ոչ միայն հաւատարիմ , այլ և իմաստուն : Զի զինչ օգուտ է թէ չգողանայ , յորժամ զբոլորն կորուսանէ անիմաստ գովով , յանդուզն կամ զայրացեալ :

Սմին վասն որպէս Ստեփաննոս լի հաւատովք և իմաստութե , այսպէս սքանչելի և Փիլիպպոս . յազագս որոյ գրէ Ղուկաս . « Մտեալ , ասէ , ագաք 'ի տունն Փիլիպպոսի աւետարանչի , որ էր յեթմանց անտի » : Այսպէս Պրոքորոն հետևող Յովհաննու աւետարանչի : Այսպէս Նիկողայոս . այն որ թէպէտ 'ի պատճառս շնութե կնոջ իւրոյ զոր արձակեաց խրատու առաքելոցն՝ համարձակին 'ի շնութի նիկողայեցիք , այլ ինքն յոյժ սքանչելապէս եկաց մնաց , որպէս պատմէ Կղեմենտէս : Այլ զի եկ կուէ զսա Անտիոքայ , ինձ թուի 'ի հեթանոսաց գոլ նշանակել զնմանէ . կամ որպէս զՅովսէփ կիպրացի և զՊաւղոս տարսոնացի , այսպէս և զսա անտիոքացի : Արդ զի մի այնպիսի ինչ լիցի որպէս առ Յուդայիւ , Անանիայիւ և Սափիրաւ , ընտրեալ որոշեցին զսոսա 'ի բազմութենն :

« Եւ կացուցին առաջի առաքելոցն » : Ոչ եթէ առաքեալքն աժին , այլ 'ի բազմութեն արքն ձգեալք լինին : Այլ սքանչելի է թէ զիարդ ոչ հերձաւ բազմութեն յընտրութի արանցն , և ոչ 'ի նոցունց անհազանդութե անպատուեցան առաքեալքն : Եւ տես թէ զիարդ եթմն արանցն կարօտացան առ այնպիսի իրս . այնչափ զինչսն 'ի վերայ հոսեալ լինէին , և այնչափ էր այրեացն բազմութեն : Եւ տես , զի ոչ էր կարգելն զսոսա մարդկային և աւելորդ . և զի լի էին

Հողուով և իմաստու թի՞ք. և յայտ անտի է, զի ոչ հայցէին ուսանել զհանգամանս զործոյն թէ զիարդ մատակարարեսցեն: այլ թէ՛ « Աղօթս արարեալ եդին ձեռս 'ի վերայ նոցա »: Եւ ոչ ասէ աստ զաղօթսն, այլ համառօտ անցանէ: Այլ տես, զի ամենայն ուրեք զհոգևորսն պահօք և աղօթիւք և բազում ջանիւ և ընտրու թի՞ք առնէին: Որպէս յորժամ զպաւղօսեանսն յուղարկէին՝ աղօթիւք և ջանիւ առաքէին, այսպէս և սոցա ընդ գործոյն և զքարոզու թի՞ք բանին աւանդեցին. որպէս ինքեանք հսկելով բանին 'ի պաշտամանէն ոչ հեղգացան: Իսկ զի թէպէտ ձեռս վերադրեալ լինի առն, այլ անձ է որ զամենայն ինչ ներգործէ, և նորին ձեռն մերձեցեալ լինի 'ի գլուխ ձեռնադրելոցն. որպէս 'ի հնումն առ Յեսուաւ և այլովք ոմամբք: Միայն թէ ըստ արժանի և որպէս պարան է լիցի ձեռնադրու թին, որպէս և աստ:

Այլ որպիսի ինչ է իշխանու թի՞ն նոցա զոր ընկալան ձեռնադրու թի՞ք: Չսարկաւագացն ունէին զպատիւ՝ յայտ է: Իսկ այսպէս այժմ ոչ գոյ յեկեղեցի, այլ երիցանց է անօրէնու թին այն զոր նոքայն առնէին: Այլ ինձ թուի զի դեռ ևս ոչ մի որ էր եպիսկոպոս, այլ առաքեալքն միայն: Սմին վասն և ոչ զերիցանց և ոչ ըստ սարկաւագաց կարծեմ՝ զանուանան յայտ յանդիման գով: Այլ առժամայն ոչ միայն 'ի սարկաւագուէ, այլ և յայլ շնորհս անձայինս եղեն սոքա ձեռնադրեալք. ուստի ոչ հարեանցի, այլ բազում աղօթիւք լինէր ձեռնադրու թին, զի զօրասցին կարողու թի՞ք: Չորս և ոչ բարձրամտեալս ինչ ասէ՝ վ'ս իշխանուէն կամ հեղգացեալս 'ի գործն. զի և մեք այսպէս զգուշացուք:

« Եւ բանն այձէր, և բաղմանայր թիւ աշակերտացն յոյժ յերուսաղէմ »: Ոչ լոկ և պարզաբար ինչ ասէ զայս, այլ զի ցուցցէ թէ որչափ էր ողորմու թէն և կարգաւորու թէն զօրու թի՞ք: Եւ սյս ևս մեզ 'ի խրատ, զի և մեք այսու կարասցուք զբազումս ձեզել 'ի հաւատս: Այլ ով սքանչելեացն, զի յերուսաղէմ աճեալ լինէր բազմու թին. ուր Քրիստոս եղև սպանեալ, անդ աճեաց և քարոզու թին: Եւ ոչ միայն ոչ գայլ թակղեցան ոմանք սակս անցիցն Անանիայ և Սափիրայ, այլ և երկիւղն և հաւատոցն հաստատու թի՞ք յո-

լովագոյն եղև : Զի [Թէպէտ զոմանս տանջեալս տեսանէին յառաքելոցն վասն անուանն Յսի և ոմանց սպառնացեալ մի խօսել յանունն յայն , ոմանք փորձելով զՀոգին և այլք արտնջէին , այլ տես աճեցեալ զբազմութիւն , և այն զկնի փորձութեցն և ոչ յառաջագոյն :

Հանդերձեալ այսուհետև աճեցուցանել զիրսն Ստեփաննոսի , նախադրէ և զպատճառս նորին իրաց : « Բազում ժողովք , ասէ , 'ի քահանայիցն անսային հաւատոցն » : Զի տեսին զքահանայապետն և զիշխանն և զայլն սուտ եղեալս , և զսքանչելեացն և զգեղեցիկ կարգացն փորձ տեսեալ հնազանդէին հաւատոցն : Այլ տես զանչափ մարդասիրութիւնն այ , մինչ զի և 'ի քահանայապետիցն որք հանապազ չարաչար արտնջէին և հայհոյէին զնա և ասէին՝ խաչեսցի դա , 'ի հաւատս ընկալաւ որք կամեցան :

ԲԱՐՈՅԱԿԱՆ

Օր և մեզ պարտ է բարիս փոխարինել դաւաճանողացն . զի այսու նմանել կարիցեմք Քսի : Զի և նա եկեալ 'ի բարերարել մարդկան՝ խաչեցին և զաչակերտն նորա տանջեցին . այլ նա յետ այնորիկ 'ի պատիւ աչակերտացն հասուցանէր զհաւատացեալն 'ի խաչողացն : Արդ ողորմածութիւն յայտոսիկ կրթեացուք , և բարերարելով թնամեացն և մեծահոգութեամբ , անցասումն լինելով առ անարգողսն և անյիշաչար : Զի այսպէս պայծառք երևեալք քաջութիւն պսակացն հասանիցիմք շնորհօքն Քսի՝ որ է օրհնեալ յաւիտեանս . ամէն :

ՃԱՌԻ ԿՆԳԵՏԱՍԱՆԵՐՈՐԳ

« ՍՏԵՓԱՆՆՈՍ այր լի շնորհօք և զօրութիւն » : Տե-
սանէս, զի առ եօթանասն նա էր նախապատուեալ և
առաջնորդ այլոցն. զի թէպէտ ձեռնադրութիւն հա-
սարակաց էր, սակայն բազմապատիկ շնորհս և զօրու-
թիւն սա յինքեան ընկալաւ. զի ըստ չափու հաւա-
տոցն տայ անձ : Եւ զի լի էր հաւատովք, լցաւ և Հո-
զւով շնորհաց և զօրութեց. շնորհօքն ՚ի բարեգործել
բժշկութիւն թիւք, և զօրութիւն ՚ի բազմապատիկ նշանս և
՚ի պատուհասել կարողանալ : « Առնէր արուեստս և
նշանս մեծամեծս ՚ի ժողովրդեանն » : Համառօտ ան-
ցանէ և աստ, և ոչ յանուանէ յիշէ զեղեալն ՚ի նմա-
նէ : Այլ արուեստասի՝ որ ձեռս դնելով իցէ, որպէս
կաւով ծեփելն տեառն զաչս կուրին. և նշան՝ որ հրա-
մանաւ, որպէս այն՝ թէ « Երթ, որդին քո կենդանի
է » . կամ « Ազգարէ, արի եկ արտաքս » : Յայսպիսիս
զօրանալ ասէ սմա :

Այլ տես, զի նախ քան զձեռնադրութիւն այսպի-
սի ինչ ոչ առնէր. զի յայանի լիցի թէ ոչ միայն շնոր-
հաց, այլ և ձեռնադրութե պէտք են. որովք սա ոչ
միայն բանիւ ուսուցանէր զամենեւեան, այլ և յա-
ճախէր զմեծամեծ գործս և զնշանս զարմանալիս :
Յորմէ դարձեալ նորա շարնախանձու շարժեալք՝ ամ-
բոխ և խռովութի յարուցանեն. ըստ որում ասէ .
« Յարեան ոմանք ՚ի ժողովրդեանն, որ կոչուր լիբե-
ացւոց, կիւրենացւոց, աղէքսանդրացւոց, կիւլիկե-
ցւոց, ասիացւոց » : Դարձեալ յառնել՝ զզայրանալն
ասէ և զբարկութիւն : Այլ աստ յոյժ առաւել ցուցա-
նէ զբազմութիւն ՚ի վերայ յարուցելոցն. ոչ միայն
զայնոսիկ որ յերուսաղէմ էին, այլ և այլս բազումս.
որք յայլ և այլ ժամանակս գերեալք ընդ բազում
աշխարհս, և յետոյ ուրեմն անդրէն դարձեալք. կէսք
՚ի լիբեացւոց ՚ի սահմանակցացն Եգիպտոսի և Հընդ-

կաց, և այլք 'ի կիւրենացւոցն, որ է անդր ևս քան զԱղեքսանդրիա. և ոմանք յասիացւոց, որոց լեզուօքն վարժեալք և յերուսաղէմ բնակեալք, զի մի յար երթևեկու թիւ աշխատեսցին. որք և ժողովարանս ունէին լսել զօրէնսն և աղօթել: Սոքա իբրև տեսին զսուրբն այնքան պայծառացեալ նշանօք, ոչ բերելով նախանձուն՝ ինդիրս ոմանս 'ի մէջ արկանէին վիճել ընդ Ստեփաննոսի: Ո՛վ անամու թէն. զի որով գործով չարչարանաց ոչ յաղթէին, ահն ունէին բանիւք յաղթել. և զոր ինչ առ Քօիւ առնէին, զնոյն և աստ. զի միշտ բանս 'ի մէջ արկանէին վիճախնդիր լինել. զի հարկ արասցեն նմա ասել ինչ, թերևս պատճառս կարասցեն յօդել:

«Եւ ոչ կարէին զդէմ ունել իմաստութեն և զՀուգւոյն՝ որով խօսէր»: Ոչ միայն պարտեալ լինէին, այլ և ոչ հակառակել ինչ ընդդէմ կարէին: Զի զօրաւոր մարտամար 'ի մարդարէիցն շուրջ ածէր զնոսա և խռովէր: Զգաղարումն թերևս ասելով անձային օրինացն. կամ թէ և յայտնի ոչ ասէր, սակայն զնոյն նշանակեալ լինէր. զի թէ ինքն յայտնապէս ասէր, ոչ էին պէտք եկամուտ արանցն և սուտ վկայիցն:

«Յայնժամ հրապուրեցին արս ոմանս ասել՝ թէ լուաք զգորա խօսել բանս հայհոյութե 'ի Մովսէս և յիմ»: Արդ զառաքելոցն ասէին թէ զյարու թին պատմեն, և թէ լցէք յերուսաղէմ ուսմամբ ձերով. իսկ աստանօր զի բազումք բժշկեալ լինէին, վասն որոյ և դոհանալ պարտ էր, ընդ այն իսկ խռովէին. և յայլ ձև չընեն զչարախօսութին, և զՔօի ոչ ինչ յիշեն, զի յայնմանէ արգել զնոսա Գամաղիէլ. այլ իմն պատճառս յօդեալ 'ի մէջ բերեն. չարախօսութի, ասեն, առնէ և խօսի զայ և զՄովսիսէ:

Եւ քանզի պարզաբար յափշտակել ամաչէին՝ ոչ ինչ ունէլով փնասաբանել, տես զինչ առնեն. ոչ ինքեանք դատողքն վկայեն, կասկածեալք զի մի կըշտամբեսցին դաւաճանողս և անիրաւս գոլ, զայլս հրապուրեալ արծաթով վարձաւորեն ասել՝ թէ «Լուաք զգորա խօսել բանս հայհոյութե 'ի Մովսէս և յիմ»: Ո՛վ անամութք, զհայհոյութե իրս դուք առնէք, և չէ՛ ձեզ փոյթ: Ասան այսօրիկ զՄովսէս 'ի մէջ բերեն:

զի զնյ փոյթ ոչ ունելին, այլ 'ի վեր և 'ի խոնարհ ըզ-
Մովսէս յիշեն. «Մովսէսն այն որ Եհան զմեզ, ոչ
գիտեմք զի՞ եղև»: Այլ սարտ էր զմտաւ ածել զբժ-
նելիցն՝ թէ զիարդ հայհոյիչ այր այնպէս աղօթիցէ,
զի ոչ կարելին զգէմ ունել. կամ զիարդ նշանս այն-
պիսիս առնել 'ի ժողովրդեանն:

Այլ ամբոխ չար և անկարգ գոլով ծանրացուցա-
նելով զյօդեալ ամբաստանութիւն, «Խռովեցին զժո-
ղովուրդն և զերիցունս և զգպիրս»: Եւ քանզի ոչ
ախորժելին սարզաբար սպանանել, այլ դատաստա-
նաւ իբր զհայհոյիչ խորամանկէին իմն. զի և զճմար-
տութի առաքելոցն ստուէկարծեօք վնասեցեն: Սմին
վասն զնոսա թողեալք ընդ սմա վիճաբանելին, և որ-
տայօդ զրպարտութիւն զամենայն ժողովուրդն զայրա-
ցուցին որպէս սովոր էին:

Այլ ապա յանդուգն համարձակութեամբ իբր ըզ-
գազանս արիւնարբուս «Հասեալ 'ի վերայ յափշտա-
կեցին զնա և ածին յատեանն, և կացուցին վկայս
սուտս որ ասէին. այրս այս ոչ դադարէ խօսել քանս
հայհոյութե զտեղւոյն սրբոյ և զօրինացն»: Սուտ
վկայիւք զանմեղն դատապարտելին, զի մի անիրաւ
սպանողք երևեսցին. այլ իբրև ջատագովք օրինացն և
պահողք զասացեալն՝ թէ մի ոք առանց երկուց վկայից
մեռցի: Եւ այսպէս զանմեղն զրպարտելին, որպէս միշտ
սովոր էին առնել, որպէս առ Քսիւ, Շուշանաւ և
Նաբովթաւ. զի աշակերտք էին չար ծերոցն և Յեզա-
բէլի, վկայելին թէ այրս այս ոչ դադարէ հայհոյել
զՄովսէս, զտաճարն և զնձ: Տեսանէս թէ որքան
ծանր է չարախօսութիւն. ոչ ասեն թէ խօսի, այլ թէ
ոչ դադարէ 'ի խօսելոյ զհայհոյութիւն. այսինքն թէ
գործ հանապազորդ զայս ունի իւր՝ հայհոյել զսուբբ
տաճարն և զնձային օրէնքն:

Այլ ոչ զայս բաւական համարին. այլ յաւելուն
իբրու ցուցական առնելով. «Մեք, ասեն, լուաք 'ի
դմանէ զի ասէր, թէ Յնազովրեցին նա քակեսցէ ըզ-
տաճարս և փոխեսցէ զօրէնսն Մովսէսի»: Նազովրե-
ցին ասեն նախատելով. նա քակեսցէ զտաճարս՝ զայս
միշտ և 'ի վերայ Քսի կարկատելին. «Վահ որ քակելի
զտաճարն»: Քանզի մեծ իմն վտտահու թի հաստատու-

Թեան ազգին կարծելով զտաճարն, յոյժ ախորժելի էր նոցա . որով և զչարախօսութիւն աններելի ջանան ցուցանել . որպէս Թէ զտաճարն զայն քակել ստէ Յօի, և զննակուծի և զօրէնսն փոփոխել զոր ետ մեզ Մովսէս : Եւ յանուանէ զՄովսէս 'ի մէջ բերելն կրկին չարախօսութիւն էր . նախ Թէ փոխէ զսովորական օրէնսն . և երկրորդ Թէ զայլս 'ի ներքս մնւծանէ : Սմին վասն ոչ ասացին՝ Թէ զոր ետ մեզ անձ, այլ զոր ետ մեզ Մովսէս . զի ցուցանել ջանային Թէ վասն քակելոյ քաղաքին և տաճարին և ամբարշտութեն յանձ, որ էր փոփոխումն օրինացն, զնա չարախօսելին . զի այսպէս 'ի ցատումն սպանուծէ զամենեսեան գրգռեսցեն :

Արդ իբրև կարծելին Թէ զարհուրեցուցին զնա ատենիւն, և ակն ունէին այլազունել երեսացն յերկիւղէ և յամօթոյ, վրիպեալ գտան : « Զի հայեցեալ 'ի նա ամենեցուն որ նստէին յատենի, տեսին զերեսս նորա իբրև զերեսս հրեշտակի » : Այսելլապէս . զի տէրն հրեշտակաց 'ի ձև անմարմին սպասաւորացն իւրոց երևեցոյց զմարմնաւոր սպասաւորն իւր յամօթ դիւադէմ՝ լրբենեացն, և 'ի յոյս վստահութեան այսրէն 'ի մեզ դառնալոյ առաջին պայծառ փառացն՝ ուստի վրիպեցաք . զի « Ծագեսցին արդարքն իբրև զարեգակն » . և 'ի խրախոյս քաջալերուծէ յետ այնորիկ հետևողացն 'ի նոյն հանդէս :

Եւ տես, զի և 'ի փոքր աստիճանի գօլով է փայլել մեծապէս որք կամեսցին, որպէս և սա : Բայց և զի նչ նուազագոյն սա ընկալաւ քան զառաքեալսն . 'ի նըշանաց ոչ էր նուազեալ, և համարձակուծի բանի պայծառագոյն . որով 'ի խոր խոցեալ լինէին դժնեայքն : « Տեսին զերեսս նորա իբրև զերեսս հրեշտակի » : Այս իսկ էր շնորհ փառացն Մովսէսի, որով խնդալից արար զնա անձ լուսափայլութիւն դիմացն . իսկ սորայս առաւել պայծառութիւն փայլեալ, բազում և անչափ լցեալ ուրախութիւն : Եւ վայելլապէս, զի վասն Յօի կրէր զզրպարտութիւն . սակս որոյ ընդ մեծապէս բերկրել սրտին զուարթացան երեսքն . որպէս և առաքեալքն խնդային ընդ անարգանսն՝ որ վասն անուանն Յօի :

Եւ քանզի հանդերձեալ էր ընդ երկար անժամանակ, նախ երեսօքն հիացոյց զնոսա, նուաձեւով յունկընդրութի. զի գոյ և 'ի պայծառ դէմս լուսն հոգևորական շնորհի՝ սիրելեացն 'ի յոյս հաստատութե, և թշնամեացն յամօթ և 'ի զարհուրանս, որով և ներեցին ատենաբանութեն :

Ըստ թէ ուստի էր շնորհացն լոյս փայլեալ 'ի դէմսն Ստեփաննոսի, յայտ է զի կատարելութի հաւատոցն շնորհալից արար զնա. զոր վկայեաց՝ թէ լի էր հաւատովք և հոգևով սրբով, Զի և հաւատովք շնորհս ունել, ոչ միայն 'ի բանս և 'ի բժշկութիս՝ այլ և յայսինչ, շնորհք հոգևոյն բաշխի, որ աջողէ զամենայն յամենայնի. որով տեսին զերեսս նորա իբրև զերեսս հրեշտակի. զի զպարզամիտն և զանչարնս յաւետ շնորհօք ընու անձ, որպէս զԲառնաբայ վկայէ Ղուկաս : Եւ թէ յինչ սակս այս եղև, վասն զի ոչ էր նա պատճառ այսպիսի յանդուզն զբարտութես, զիմացն լուսաւորութի և հեզութի և հանդարտութի նորա յայտ առնէր : Զի ուր զառաքեալնս ոչ այսպէս զբարտեին՝ այլ միայն արգելուին, այսպիսի ինչ ոչ եղև. իսկ աստ զի սա զբարտեալ լինէր, վայելապէս ուղղէր զայն անձ. զինախ քան զամ լուսաւորութի դիմացն պատասխանի արասցէ ընդ դէմստութեն : Եւ յս իսկ և զքահանայապետն յամօթ արար, և զիջոյց 'ի խիստ դառնութեն ունկն զնել բանից նորա :

« Ըսէ քահանայապետն՝ թէ արդարեւ այդ այդպէս իցէ » : Տես զխորամանկութեն. հեզութիք հարցանէ, զի մեծ ինչ չարագործեսցէ. զոր և առ Բնաբար : Վասն այնորիկ և նա հեզաբար սկսանի զբանն և ասէ. « Արք եղբարք և հարք, լուարուք ինձ. անձ փառաց երևեցաւ հօր մերում Աբրահամու մինչդեռ 'ի Միջագետս էր, մինչ չև բնակեցուցեալ էր զնա 'ի Խառան » : Ոչ առանց խորհրդոյ կամ պարզաբար 'ի վեր 'ի նահապետ անդր տանի զբանս :

ԵՓԲ. Ըստ քանզի ակամարս և անդէտս դարութե հեզնէին գոլ զառաքեալնս, սկսաւ երկրորդել նոցա զգիրս. սկսեալ յԱբրահամէ համառօտէ մինչև 'ի Բնա և 'ի լրբութի նոցա :

ՈՍԿ. Ըստ իսկ և իսկ յառաջին բանիցն զթուե-

ցեալն նոցա մեծ 'ի բաց բառնայ . և ցուցանէ ասացել լովքն՝ թէ ոչ ինչ է տաճարն և հրէական սովորու թիքն . զի 'ի Միջագետս երևեցաւ անձ Աբրահամու , և անդ տաճար ոչ էր և ոչ զենմունք . և յանձային տեսլենէն Աբրահամ ոչ վրիպեաց . և այն զի նախահարս քաղ-դեայս պարսիկս ունէր : Եւ բարուոք սկսանելով 'ի բանն՝ անձ փառաց կոչեաց , ցուցանելով թէ զանապատիւն փառաւորս արար . զի նա , ասէ , որ զնոսա փառաւորս արար , և զմեզ արասցէ : Տես թէ զիարդ 'ի բաց տանի զնոսա 'ի մարմնական ընծայիցն , և նախ 'ի տեղւոյն սկսանի , զի բանն վասն տեղւոյն էր : Անձ փառաց , ասէ . զի ոչ կարօտի 'ի մէնջ փառաց , այսինքն 'ի ձեռն տաճարիդ . զի ինքն է աղբիւր փառաց և 'ի նմանէ ամենեցուն փառք . ասպա մի կարծէք այսու փառաւորել զնա . զի երևումն անյ և խոստումն նախ է քան զտաճարն և յառաջ քան զթլփատու թիւն և քան զզենմունսն : Եւ զի դուք ոչ ըստ արժանեաց ձերոց առէք ոչ զթլփատու թիւն և ոչ զօրէնսն , այլ այս անձ Աբրահամու լսողութեն վարձ էր . զի զերկիրն խոստանայր տալ նախ քան զթլփատու թիւն և զօրէնսն , և զհայրենիսն թողուլ հրամայէր . զի այն է հայրենիք՝ զոր անձ պարտ գոլ վարկանի :

« Այլ , ասէ , յերկրէ քու միջ և յաղգէ քու միջ , և եկ յերկիր զոր ցուցից քեզ » : Յուցանել կամի՝ թէ սոքա ոչ են զաւակ Աբրահամու . զի նա այնպէս հաւան և հնազանդ էր անյ , զի ել , ասէ , յերկրէ և յաղգէ քու միջ : Երկոքեան իսկ դժուարինք են . այլ նա աշխատութեն համբեր , և դուք զպտուղն հաւաքեցէք : Եւ թէ ամենեքեան նախահարքն 'ի վիշտս և 'ի նեղութիս էին և 'ի հրամանէն անյ ոչ խոտորէին , առ 'ի խրատել զմեզ՝ թէ առանց նշանաց պարտ է հաւանել անյ , թէ պէտ և դժուարինք իցեն պատահեալքն . զի և հայրապետն զչիրիմս հայրենիս թողեալ և զայլն ամենայն , հնազանդեալ լինէր անյ :

« Յայնժամ , ասէ , ելեալ յերկրէն քաղգէացւոց՝ փոխաբանակեցաւ 'ի Խառան » : Արեւմն ստուգապէս քննելով քաղգէացիքն են Հրեայքն . զի ել , ասէ , յերկրէն քաղգէացւոց : Իսկ այն զի ասէ գիր՝ թէ հայրն Աբրահամու կամեցաւ ելանել , աստի ուսանիմք՝ թէ

տեսլեամբն նյ ինքն Աբրահամ շարժեալ եղև առ յե-
լանել : Եւ յայտ է զի հայրն երևամբն նյ ոչ ուղեկ-
ցէր նորա գնացկանութեանն¹ . այլ վասն գթոյ ման-
կանցն , թէպէտ բազում ճանապարհ հատանէին , ըզ-
հետ գնացեալ լինէր մինչև 'ի Խառան :

« Աւանտի յետ մեռանելոյ հօր նորա փոխեաց պան-
դըխտեցոյց զնա յերկիրս յայս՝ յորում դուք այժմիկ
բնակեալ էք » : Տեսանէս թէ զիարդ զնոսա յերկրէ 'ի
վեր հանէ , ցուցանելով թէ նորա պանդխտութեամբ
կէին՝ ազնուագունին սպասելով . և զնոսա կշտամբէ՝
բնակիչս երկրի , և ստորագաւառս այս ախորժողս
գով՝ զաստիս նախապատուելով : Այլ զնորա հաւասն
և զերկայնամտութիւն և ինքն անկամելով յայտնի
առնել , « Ոչ ետ նմա ժառանգութի 'ի սմա և ոչ քայլ
մի ոտին » : Եւ նա ոչ երկմտէր կամ տագնապէր
ինչ , այլ 'ի հաւատս յեցեալ զխոստացեալն յնյ իբ-
րև զառեալ ունէր . որով հաւատով և զազգն և ըզ-
հայրենիսն թողեալ՝ եկն զհետ խոստմանն նյ . այլ դեռ
ևս ոչ ետ զժառանգութիւն . զի օրինակ ուրեմն էր այն
այլոյ երկրի զոր առնուց էին :

« Այլ խոստացաւ տալ նմա զսա 'ի բնակութի » : Ոչ
վայրապար զբանս վերստին առնու . ոչ ետ , ասէ , և
խոստացաւ տալ : « Եւ զաւակի նորա , ասէ , յետ նո-
րա » . դեռ ևս զաւակ ոչ գոլով նորա : Զայս ասէ , զի
բազում ցուցցէ զնյ մարդասիրութիւն և զամենահնար
զօրութիւն , որ զնմինչ յանհնարից կազմեալ 'ի մէջ
ածէ . զի զբնակեալն յերկրին քաղզէացուց և զայն-
չափ հեռացեալն տէր ասաց առնել երկրին պա-
ղեստինացուց : Յայտնէ միանգամայն և զԱբրահա-
մու հաւատսն և զսողութիւն . զի ոչ գոլով նորա զա-
ւակ՝ ունկնդիր լինէր նյ . և մանաւանդ զի եղեալքն
զհակառակն ցուցանէին : Զի իբրև եկն , ոչ ունէր տե-
ղի և ոչ քայլ մի ոտին , և ոչ ունէր որդի , այլ ոչ կասէր
'ի հաւատոցն :

¹ Այդպէս յերկուսին օրինակն :

ԲԱՐՈՅԱԳԱՆ

Օ ի ուսցուք և մեք մի տաղնապել ընդ աստեացս
 նեղութիւն, մանաւանդ հրաւիրեալքս 'ի նեղութիւս
 աշխարհի աստ . զի այսպէս զխոստումն նյ ընդունել
 մարտասցուք, թէպէտ ներհականք թուիցին պա-
 տահքն, Բայց այժմ առ մեզ ոչ ներհականք, այլ յոյժ
 հետեւեալք ըստ խոստմանցն . զի աստանօր նեղու-
 թիւն ունել մեզ ասացաւ, և անդ հանգչել . ապա մի
 փոփոխեացուք զժամանակս, զի աշխատուեց և մըրց-
 մանց է ժամ . մի աստ հանգիստ խնդրեսցուք, Եւ
 զի այժմ հալածանք 'ի կռապաշտից ոչ դոյ, մարտի-
 ցուք ընդ սնափառութի, ընդ բարկութի, ընդ անպա-
 տեհ ցանկութիս, ընդ ագահութի, Տարցուք թշնա-
 մանացն՝ որ դժնդակք են, չարչարիչք հոգւոց . որոց
 յաղթելով՝ պսակացն հասցուք շնորհօքն քի . ընդ
 սրում շօր և հոգւոյն սրբոյ փառք յաւիտեանս . ամէն .

ՃԱՌ ՎԵՇՏԱՍԱՆԵՐՈՐԴ

«**Ե**ր մինչ ոչ գոյր նորա որդի, խօսեցաւ ւ՛ծ այս պէս՝ Թէ եղիցի զաւակ նորա պանդուխտ յօտար երկրի . և ծառայեցուցեն զնա և չարչարեցեն ամս չորեքհարիւր . և զազգն որում ծառայեցեն, դատեցայց ես՝ ասէ ւ՛ծ . և յետ այսորիկ ելցեն և պաշտեցեն զիս 'ի տեղ ոջս յայտմիկ» : Հայեաց Թէ քանի ամօք յառաջ է խոստումն և որպիսի խոստմանն յեղանակ, և ոչ ուրեք էր զենմունքն և ոչ ԹլփատուԹին . և դարձեալ Թէ որպէս ինքն ւ՛ծ զիւրսն Թոյլ տայր չարչարանս կրել և յօտարուԹէ պանդխտանալ այնչափ ժամանակս, և չարաչար նեղիլ յայնցանէ՝ որոյ ոչ ինչ մեղանս : Զի ոչ որպէս տեարք ծառայիւքն եզիպտացիքն նորօք վարէին, այլ որպէս Թնամիք և գոռոզք 'ի կոխել միայն և 'ի չարչարել փուԹալով :

Այլ Թէպէտ զայսքան ժամանակս եղ Թուով չափեալ, Թոյլ տայր վիտանալ վատԹար գոռոզացն . սակայն ոչ առանց պատուհասի Թողոյր զնոսա, այլ «**Զ**ազգըն որում ծառայեցեն, դատեցայց ես՝ ասէ ւ՛ծ» : Զայս ասելով իբր շնորհս իմն առնել երևի չարչարելոցն 'ի պանդխտուԹէ, պատուհասելովն զնեղիւնս : Բայց անդէն վաղվազակի ոչ սոցա հանգիստ լինել տուեալ, և ոչ նոցա տանջանս . այլ նախ յառաջ խոստանայ միայն : Ապա մի ուղղուք, այսու բանիւ միայն բարեպարիշտք լինել համարիք, ասելով զՅնէ . «**Թէ** յուսացաւ 'ի տէր, փրկեցէ այժմ զգա եթէ կամի զգա» : Զի նա որ խոստացաւն Աբրահամու, որ եսն զերկիրն, յայնժամ նախ գալոց չարեացն տեղի տայր . նոյնպէս և այժմ Թէպէտ արքայուԹի խոստացեալ է, այլ նախ Թողու կրԹել փորձուԹիք : Եւ եթէ անգանօր յետ չորեքհարիւր ամի էր ազատուԹին յազագս արքայուԹէն, զինչ զարմանք են ոչ տալն առ ժամայն :

Իւայց դու զայն տես, զի զոր խոստացաւն՝ արար, և ոչ կարաց յոլով ժամանակն և խիստ ծառայութիւն խափանել զխոստումն. և ոչ մինչ՝ ի թնամեացն պատուհասելն եկաց մնաց, այլ ՚ի նոցա կորնչելն բնասորա՝ ի նեղուեն օգնեալք փրկուի մեծաւ ելին՝ ի հանգիստ. զոր և յիշեցուցանէ նոցա զմեծ երախտին յասելն՝ թէ «Յետ այսորիկ ելցեն և պաշտեսցեն զիս ՚ի տեղուջս յայս». այսինքն թէ ազատութիւն մեծաւ վերստին այսրէն դարձցին և առանց պատուհասի մնացեն: Եւ յետ այսչափ երեւմանց և խոստմանց ապա ետ նմա ուխտ թլփատութե իբրև դրոշմ ինչ կնքոյ և նշան՝ որով զատչիցին հաւատացեալքն յանհաւատից:

«Իւ ապա ծնաւ զԻսահակ»: Աստանօր հանգիստ և դիւրութիւն արար Աբրահամու կատարմամբ աւետեացն ՚ի ձեռն պարզեական զաւակին: «Եւ ապա թլփատեաց զնա յաւուր ութերորդի, և Իսահակ զՅակօր, և Յակօր զԵրկոտասան նահապետն»: Աստ թուի ինձ զօրէնսն նշանակել թլփատութեն Յակօրաւ և նահապետօքն. զի ըստ օրինացն հրամանի յութերորդում՝ աւուր թլփատէին, որ էր ստուեր հանդերձելոյ ութերեկին, յորժամ թլփատեալ ՚ի բաց կտրին չարքն յառաքինեաց. որ և առ մեզ Քնիւ պայծառացաւ անձեռագործ թլփատութիւն:

«Իւ նահապետքն նախանձեալ ընդ Յովսէփայ վաճառեցին զնա յեգիպտոս»: Աստանօր Քնի օրինակն է յայտնեալ նոցա՝ իրօքն զոր կրեաց Յովսէփ յեղբարցն. որք ոչ ինչ ՚ի նմանէ վնասեալք, այլ եկեալ կերակրել զնոսա, նօքա չարաչար զնմանէ խորհեցան. առ որ թէպէտ խոստումն այլ յամէ, սակայն կատարած առնու: «Զի էր, ասէ, անձ ընդ նմա, և փրկեաց զնա յամ նեղութեց նորա»: Տես զի ոչ գիտելով գործակից լինէին եղբարքն մարգարէութեն. զի և ինքեանք լինէին պատճառ. ամին վասն և չարիքն ՚ի նոսա դարձեալ լինէր: «Իսկ նմա ետ անձ չնորհս և իմաստութիւն առաջի փարաւսնի արքային եգիպտացւոց. և կացոյց զնա ի խսան եգիպտացւոցն և՛ ամ տան նորա»: Շնորհս ետ նմա առաջի առն բարբառոսի ծառային գերեցելոցն. զի զոր եղբարքն մատնեցին, նա պա-

տուեաց, Ջոր և առ Քստեսանեմք եղեալ յեղբարցն խաչեալ, և 'ի հեթանոսաց երկրպագեալ և հաւատացեալ:

«Եւ եկն սով մեծ յամ երկիրն եգիպտացւոց և Քանանու նեղութի մեծ»: Ջի իրաւունք դատաստանացն այ սովով ճնշել պարտ վարկաւ զյղիութի անազգահեալն: Եւ տես թէ որպէս կազմէ զիրան այլոցն 'ի խրատ, և զի իւրքն փառաւորեային: Եւ զի էր, ասէ նեղութի մեծ, զի ոչ բաւական լինէր զիւրել վտանգի սովոյն ընտովքն կամ ձկամբք կամ բանջարովք անզոր եղելոյ սոցունց: «Եւ ոչ գտանէին կերակուր հարքն մեր»: Ընդ բազումն նեղեալ վտանգեալ դաւաճանողքն Յովսէփայ 'ի տեղի պատժոցն. իսկ Յակոբ բոտ մատակարարութե, զի 'ի պատճառս նորա կեցցեն ընդ նովաքն:

«Եւ լուեալ Յակոբու թէ գտանի կերակուր յեգիպտոս»: Վայելապէս. ոչ այլ ոք, այլ արժանաւորն կելոյ լսէ զհնարս կենացն. յոյժ մանաւանդ մարգարէաբար քան թէ 'ի համբաւոյ: «Աւաբեաց զհարան մեր յառաջագոյն. և յերկրորդումն ետ ծանօթս Յովսէփի եղբարցն իւրոց, և յայտնի եղև Փարաւոնի ազգնորա»: Արդ իջեալ եղեն, զի կերակուր գնեսցեն, և 'ի պէտս կարեացն առ նա անկեալ եղեն: Իսկ նա ոչ մինչև յայս միայն զսիրելութիւն իւր եցոյց, այլ և Փարաւոնի ծանոյց և գնոսա առ ինքն էած, պահելով և այսու ամբողջ գնմանութի տեառն իւրոյ՝ որ յերկրորդումն գալստեան փառօք յայտնեւոց է և որոց խոցեցին զնա:

«Աւաբեաց Յովսէփի և կուեաց զՅակոբ զհայր իւր և զամ ազգատոհմն՝ ոգիս եօթանասուն և հինգ»: Յորժամ թիւ զաւակացն Յակոբայ հաւասարեաց արու թուոյ կրկին եօթանասնեակամացն Աբրահամու, յորում խոստացաւ անձ նմա զաւակ, և որչափ եկաց յետ տալոյ զաւակին, սկիզբն առնէ ապա միւսոյն ախասացութեն լրման՝ թէ եղիցի զաւակ քո պանդուխտ: Եւ 'ի պատճառս սովոյն «Եջ Յակոբ յեգիպտոս, և վախճանեցաւ ինքն և անձ հարքն մեր»: մինչ չև էր ժամանակ ելիցն «Եւ փոխեցան 'ի Սիւբէմ, և եգան յայրին զոր ստացաւ Աբրահամ զնոց արծաթոյ յոր-

դուոցն Եմովրայ 'ի Սիւբէմ» . զի դեռ ևս և ոչ տեղւոյ գերեզմանի անգամ տեարք էին 'ի Քանան , այսինքն է քայլ մի ոտին :

« Իբրև մերձեցաւ ժամանակ աւետեացն զոր խոստացաւ անձ Աբրահամու , աճեաց ժողովուրդն և բազմացաւ յեգիպտոս » : Ոչ 'ի չորեքհարիւր ամն աճեցոյց զնոսա , այլ մօտ 'ի կատարածն . և մանաւանդ չորեքհարիւր ամն անցեալ էր , և յոլովագոյնն յեգիպտոս : « Մինչև յարեաւ այլ Թագաւոր ' որ ոչ ճանաչէր զՅովսէփ . նա հնարեցաւ ազգին մերում և չարչարեաց զհարսն մեր ' առնել ընկեցիկ զմանկունսն ոցա , զի մի ապրեսցին » : Եւ այս իսկ է սքանչելի . զի յայնժամ աճեցոյց , յորժամ Թագաւորն հնարեցաւ գետընկեց առնել զմանկունսն . զի զնոսա ոչ կամէր յայտնապէս սպանանել , այլ զմանկունսն , զի մի բազմացին : Եւ այս դարձեալ այլ յուսահատու Թեան տազնապ յետ առաջնոյն ' որ էր սոջն . այլ յայնմանէ ապրեցան : Եւ երկրորդ 'ի ձեռս եգիպտացւոցն անկանել : Իսկ երրորդս դժնդակ քան զայլսն , կորնչելն 'ի ձեռաց Թագաւորին :

Այլ տես աստանօր զքաջ ամենահնարու Թին այ յայտնեալ . զի Թէպէտ եկն սովն 'ի վերայնոցա , այլ ոչ սատակեաց զնոսա . նա և զի որ գիտէր զնոսա Թագաւորն ' վախճանեցաւ , այլ մանաւանդ յայնժամ աճեցոյց զնոսա . և զի ել հրաման Թագաւորական և ոչ զօրեաց սպառել զնոսա . այլ որովք բանսարկուն ձեռնարկէր քակել զխոստումն այ , այնու իսկ առաւել եղեն աճեցեալ : Եւ յայնժամ սքանչելապէս լցեալ լինէր խոստումն այ . զի ոչ 'ի բարեբաստու Թեան և 'ի հանգիստ գոլով , այլ չարչարեալք և սպանեալք աճեցեալ լինէին :

« Յորում ժամանակի ծնաւ և Մովսէս » : Գարձեալ և այս և ս սքանչելի գտեսչու Թիւնն այ յայտնէ . զի այն որ պաշտպան լինելոյ էր ազգին , այսինքն Մովսէս , ոչ յառաջ քան զխուճապ խռովու Թեն և ոչ յետոյ , այլ 'ի մէջ սաստիկու Թեն ծնանէր : Իսկ զինչ այն ' Թէ էր կայտառ առաջի այ : Յուցանէ ' որ զի Թէպէտ ըստ մարմնոյ զօրու Թի ինչ կամ իմաստուի ոչ երևէր 'ի նմա , բայց առ 'ի յայն շնորհօքն փայլէր : « Որ և անաւ

ի տան հօր իւրոյ ամիսս երիս» : Չոր Պաւղոս հաւատով, ասէ, թագուցին . զի ծաղիկ դիմացն յոյս տայր շնորհացն ւնյ ապրեցուցանել զնա : Եւ ոչ ևս կարելով թաքուցանել, թէպէտ ոչ կամէին, ՚ի գետ ընկեցին :

« Եւ յընկեցիկն առնել զնա՝ եբարձ զնա դուստրն Փարաւոնի, և սնոյց զնա իւր յորդեգիրս » : Չի ոչ վաբապար ընկեցին, այլ մեծաւ յուսով և բազում ինամարկուք, ակն ունելով յայտնել ՚ի նմա տուեալ շնորհացն ւնյ պարգևք . որ և եղև իսկ : Չի յորժամ ՚ի մարդկայնոցս անյոյս եղև, և արտաքս ընկեցին զնա, յայնժամ ւնյ բարերարութիւն փայլեալ ցուցանիւր . զի եբարձ զնա ոչ այլ որ, այլ դուստր Փարաւոնի : Ահա չէր ուրեք տաճար և ոչ զենամուք զոհից, և այսչափ տնօրէնութիւք եղեն : Արդ եթէ Յովսէփայն այսքան սբանչելի էր՝ որ յեղբարցն վաճառեալ եղև և ՚ի վաճառմանն թագաւորեալ, ասոյս այս Մովսէսիս ևս քսանչելագոյն . զի զայն որ պարտական եղև մեռանել և ՚ի մահ իսկ մերձեցաւ ՚ի գետ ընկեցեալ՝ թագաւորն ինքն սնուցանէր զնա, զայն որ հանդերձեալ էր կործանել զիշխանութիւնորա : Տեսանէս յամի գրեթէ զմեռելոցն յորինեալ զյարութիւ . և մանաւանդ զի չեն հաւասար նորին ւնյ առնելն ինչ և մարդկային կամօքն աւ լինել . քանզի այսքիկ մարդկային լինէին կամօք : Եւ տես զփոյթ նոցա, զի և զիմաստունս եզիպտացւոց կացուցանէին ՚ի դայեկութի վարժից կորուսչին իւրեանց : « Եւ վարժեցաւ Մովսէս ւնմ իմաստութեամբ եզիպտացւոցն . և էր զօրաւոր բանիւք և գործովք իւրովք » . այսինքն ՚ի խրատս հանձարոյ և ՚ի հրահանգս գրաւորական կրթութե :

« Իբրև լցաւ նորա քառասնամեայ ժամանակ, անկաւ ՚ի սիրտ նորա չրջել զեղբարքք իւրովք զօրդւովքն Իսրայէլի » . զի ակն ունէր վարձուցն, բարւոք համարեցաւ չարչարել ընդ ժողովրդեանն ւնյ : « Եւ տեսեալ զոմն զրկեալ, զչարեցաւ » ուղիղ նախանձու և օգնական եղև զրկելոյն : Եւ թէպէտ կասկածելի էին իրքն, « Խնդրեաց զվրէժ զրկելոյն սպանեալ զեզիպտացին » : Տես թէ որպէս ինքեանք ՚ի զգուշութեան գողով զիւրեանց հանդիսան անտես առնէին, և սա և Յովսէփ զի զայլս ապրեցուցեն :

« Օ մտաւ ասէր թէ իմացին եղբարք նորա՝ թէ անձ ՚ի ձեռն նորա տալոց էր զփրկութի նոցա, և նոքա ոչ իմացան » : Բազում աստանօր ցուցանէ առհարս նոցա զինամակալութիւնն այ՛ ՚ի նեղութիւնս . զի ՚ի ձեռն բարերարութեան և տանջանաց և սքանչելեաց նուաճէր զնոսա ՚ի հաւատս, որով արժանասցին փրկութեան . այլ նոքա ոչ իմանային զինամս նորա : Զայս ասելով Ստեփաննոսի և զսոցանէ ակնարկէ իբրև զյիմարաց, որ զամենեցուն եկեալ հասեալ փրկութի զՅիսուս առաւել քան զՄովսէսին, որ ոչ առ յապա զուշակեալ էր՝ այլ անդէն իսկ եկեալ հասեալ, ոչ իմացան իբրև ավշեալք : Զի որոյ արդեօք հանձարոյ կամ անդ կամաստ պէտք էին առ ՚ի գիտել . վասն զի ոչ լոկ բանիւք, այլ ՚ի ձեռն գործոյ լինէր պաշտպանութիւնս . սակայն ոչ իմացան : Այլ հայեաց թէ զիարդ այնչափ խօսելով Ստեփաննոսի ոչ էր ծանրագոյնս ատենին, այլ լսէին բանից նորա . զի տեսանէին զերեսս նորա իբրև զերեսս հրեշտակի :

« Այլ ՚ի վաղիւ անդր երևեցաւ, ասէ, երկուց եբրայեցւոց ընդ միմեանս մարտուցելոց, և կամէր առնել խաղաղութի ՚ի մէջ նոցա . ասէ . արք, եղբարք էք, ընդէր զրկէք զմիմեանս » : Ի միտ առ թէ զիարդ անդ զզրկինն ոչ խրատէր, այլ սատակէր, որ թշնամի էր և ոչ լսէր խրատու . իսկ աստ առ անիրաւն հեղութի խօսի իբրև առ ընտանի և երեկ փրկեալ առ ՚ի նմանէ ՚ի ձեռաց եգիպտացւոյն . որում ՚ի ճահ իսկ էր հաւանել փրկին իւրոյ . այլնա ապերախտ եղեալ և ըմբոստացեալ ընդդիմաբանէր « Ո՞ կացոյց զքեզ, ասէ, իշխան և դատաւոր ՚ի վերայ մեր » : Այսպիսի ինչ և ընդ Քրիստոսին . « Որով իշխանութիւն զայդ . կամ ո՞վ ետ քեզ զիշխանութիւն զայդ » . զի այս իսկ է սովորութի շրէից, առ բարերարսն անիրաւութի գնալ : Եւ տես զբազում պղծութիւնս ապերախտ առնն : « Մի՞թէ սպանանել կամիցիս զիս, ասէ, որպէս երեկ սպաներ զեգիպտացին » : Այնպէս վաղվաղակի զերախտիան մոռանային և զգժնդակն բարեացն փոխարինէին : Զի ահա որ վասն իւր փրկութեան զծածուկ եղեալն՝ յայտ յանդիման հրապարակէր :

« Այլ փախեաւ Մովսէս ՚ի բանիցս յայսցանէ, և

եղև պանդուխտ յօտար երկրի . ուր ծնաւ երկուս որդիս ։ Բայց ոչ խափանեաց փախուստն զանօրէնու թիւնն , այլ և պատճառ և ս եղև ։ Զի թէպէտ նօքա չարաբարոյք առ երախտաւորսն լինէին , սակայն որպէս յայնժամ 'ի ձեռն չարաչար կրողին Յովսէփայ ապրեալ եղէն , և այժմ 'ի ձեռն չարաչար կրողին յինքեանց ապրեցան , այսինքն 'ի ձեռն Մովսէսի ։ Զի որ զերախտինն ընկալաւ 'ի նմանէ , թէպէտ և դործով ոչ սպան զնա , սակայն բանիւ սպան , որպէս և նօքա . նօքա զՅովսէփ յերկրէն իւրեանց յօտարն վաճառեցին , իսկ սօքա զՄովսէս յօտարէն յօտարն փախստեայ արարին . և նօքա զկերակրիչն ինքեանց դաւաճանեցին , և սօքա զբարւոյ խորհրդակիցն և զփրկիչն իւրեանց կամեցան սպանանել ։ Այլ ըստ Գամաղիէլի ոչ զօրեցին քակել զկարգեալն յոյ խորհուրդ , այլ դաւաճանեալքն պատճառ փրկու թէ լինէին դաւաճանողացն . 'ի ձեռն որոց ապրեալք և փրկեալք լինէին հանդերձ Աստուծով . որպէս 'ի կարգի ասացելովքս ցուցանէ ։

« Այլ 'ի կատարել , ասէ , ամացն քառասնից երեւցաւ նմա յանապատին 'ի լերինն Սինայ հրեշտակ տեառն 'ի բոց հրոյ մօրենւոյն ։ Եեսանէս զի ոչ կարէ երկար ժամանակն խափանել զխօստումն այ . այլ յորժամ բազում ժամանակս յօտարութե էր և ոչ ևս ունէր ակն անդրէն դառնալոյ , քանզի և մանկունս երկուս անդրէն ծնեալ էր , յայնժամ նմա հրեշտակն երևեալ լինի , եւ մի զարմանար թէ զՈրդին այ հրեշտակ կոչէ , զի կոչէ և առ Յեսուաւ մարդ ։ Յանապատին և 'ի լերինն ասէ , և ոչ 'ի տաճարին . և ոչ ուրեք տաճար և ոչ զենումն , Նա և ոչ յանապատին երևէր , այլ 'ի տկար և 'ի փշալից թփումն և 'ի մօրենւոյն առ 'ի նշանակ մեծի խորհրդոյն , որ ' առ յայն լինելոց էր 'ի ձեռն կուսին Մարիամու ' որ կրեաց զիմանալի հօւր նծութեն և ոչ կիզաւ , որպէս մարէնին որ վառեալ էր և ոչ այրէր ։

« Այլ Մովսէսի տեսեալ զարմացաւ ընդ տեսիլն ։

1 Յերկոսին օրինակն 27 :

Զի ասի թէ և չորն ձաղկ դալարացեալ տերեւէր իբրև զՄարիամ . որ թէ գոյր 'ի նմա տեսակ փշոյ ' 'ի զանգուածոյ տանն Ադամայ, և այն ևս սրբեալ հոգեխառնէր : « Եւ 'ի մատչելն նորա նշմարել' եղև ձայն տեառն » : Ահաւասիկ ոչ միայն տեսլեան, այլ և ձայնի արժանացաւ : « Ես եմ, ասէ, անձ Աբրահամու, անձ Իսահակայ և անձ Յակոբայ » : Զոր վերագոյն հրեշտակ ասաց, աստանօր անձ և տէր կուէ Աբրահամու, Իսահակայ և Յակոբայ զմեծի խորհրդոյ հրեշտակն : « Եւ զահի հարեալ Մովսէս՝ դարձուցանէր զերեսս և ոչ իշխէր հայել առաջի անյ . և ասէ ցնատէր . լոյժ զկօշիկս յոտից քոց » կոխել զեգիպտացիս որպէս զողկոյզս 'ի հնձանի . ըստ որում Յեսուզքանանացիսն ըստ ասելոյն՝ յեղում լուծից զկօշիկ իմ :

ՆԱԶ . Եւ մեզ առ յօրինակ . զի որ մովսիսապէս հպի առ անձ աստիճանաւ ինչ ըստ առաքելոյն, մերկանալ պարտի և 'ի սակաւ ախտից, որով և զերկիր կոխէ . զի 'ի հոգալ զհարկաւորսն կերակուր կամ ծածկոյթ՝ մի աղտեղացի :

ՈՍԿ . « Օ ի տեղիդ յորում դուդ կացեր, երկիր սուրբ է » : Այ ուրեք տաճար, և տեղին սուրբ է . զի վերերևու թէն և ներգործու թէ միածնին յոյժ սքանչելի և սրբագոյն էր վայրն, և քան զնոյն ինքն զսրբունի սրբութեցն . վասն զի անդ ոչ երբէք այսպէս երևեցաւ անձ, և ոչ այսպէս դողացեալ եղև Մովսէս : Նշանակէր այսու զմարմնով զալուստն իւր, որով սրբելոց էին ամենայն արարածք առաւել քան զտաճարն և զդաբիրայն : Ապա ասէ և զբազում մատակարարութեն զինաման :

« Տեսանելով տեսի զչարչարանս ժողովրդեան իմոյ որ յեգիպտոս » . յայտ է զի ոչ իբրև զմարդ տեսանէ : « Եւ լուայ հեծու թէնոցա » . զի աղաղակեն և հեծեն 'ի դառնութի վշտին : « Եւ իջի փրկել զնոսա . արդ եկ առաքելցից զքեզ յեգիպտոս » : Այ տեղւոջէ 'ի տեղի իջանէ, այլ յանհաս բարձրութեն 'ի գթութի, յիշելով զխոստումն արդարոցն : Յուցանէ անձ զգիջա-

1. Եօրինակն գրեալ էր Իւր, կամ Իւրոյ :

նե՛ն իւր խնամօք առ հարսնոցա՛ ՚ի նեղութե՛ն . զի և սոցա տացէ գիտել՝ թէ որպէս անխմայբ և ապերախաբ եղեն նորա , նոյնպէս և սորա :

ԲԱՐՈՅԱԿԱՆ

Ըստ մեր լսելով զայս ՚ի նեղութի՛ս ՚ի նա ապաւի- նեցուք . քանզի հեծութե՛նոցա լուայ , ասէ , և իջի փրկել զնոսա : Ոչ պարզաբար վասն նեղութեցն , այլ և վասն հեծութե՛ն և աղաղակի նոցա առ իս . զոր և Դաւթաւ յուսադրէ՝ թէ վասն հեծութե՛ տնան կին յարեայց ՚ի փրկել : Ապա թէ որ ասիցէ՝ թէ ընդէր թողացոյց անձ չարչարիլ նոցա անդանօր , նախ զայս ասացուք՝ թէ ամենայն յանիրաւի չարչարանք եկեալ ՚ի վերայ ուրուք , մեծաց վարձուց պատճառ լինի : Եւ ապա զի զզօրութի՛ն իւր ցուցցէ թանձրամտացն՝ թէ կարող էր փրկել ՚ի միջոյ չարեացն : Եւ դարձեալ զի խրատեսցէ զնոսա տանջանօքն զսպիլ յաւելորդաց . զի ահա յորժամ յանապատին անդոր- րացան , գիրացան սարարտացան և թողին զանձ զա- րարին : Սմին վասն թոյլ տայր նոցա չարչարիլ , որ- պէս Ադամայ քրտամբ ուտել զհաց . զի յորժամ հասցեն դարձեալ ՚ի հանգիստն , դահասցին զայ . զի մեծ բարի է նեղութի՛ն ըստ ասողին « Բարի է ինձ զի խոնարհ արարեր զիս , որով ուսայց զարդարու- թիւնս քո » :

Ըրդ եթէ սրբոցն բարի էր նեղութիւնն , յոյժ մանաւանդ մեզ . ապա մի փափկանալ խնդրեսցուք , զի ոչ կարեմք յաշխարհիս խնդալով՝ միանգամայն և յանձ խնդալ . զի չիք ինչ խայտառակագոյն քան ըզ- փափկութի . զի ոչ դադարէ ՚ի վերայ իւրում հիմանն հոգի փափկացեալ . այլ բերեալ լինի իբր ՚ի դժնդակ ջրհեղեղէ հեշտութեանցն անկարգապէս ՚ի ծաղր անհամ և ՚ի բանս վայրասպարս : Եւ տես զԱդամ որ- պիտի որ էր ՚ի փափկութե՛ն զրախտին , և որպէս յետ այնորիկ . կամ զնոյն ինքն զԴաւիթ յորժամ ՚ի հեշտութե՛ էր և ՚ի խնդութե՛ զինչ ասեր . « Ես ասացի ՚ի բարեկենդանութեան իմում՝ թէ ոչ սասանեցայց յաւիտեան » . զինչ և ՚ի նեղութե՛ն . « Թէ ասիցէ՝ թէ

ոչ կամիմ զքեզ, ահա արասցէ ընդ իս զոր ինչ կամի-
ցի » : Տեսանէս զզգաստու թիւն ՚ի նեղութեն . զի չիք
իմաստասիրագոյն քան զարամու թիւն . սմին վասն և
Սողոմոնն ասէ . « Լաւ է երթալ ՚ի տուն սգոյ քան ՚ի
տուն ուրախութեան » : Եւ ասյա զորինակ փրկելոյն
զնոսա յայտ ասնէ . « Եկ , ասէ , առաքեցից զքեզ յե-
զիպտոս » : Սպասաւոր զքեզ լինել կամիմ փրկագործ
կամաց իմոց , և հանել անտի զիմ ժողովուրդն . վասն
որոյ եկ առաքեցից զքեզ :

ՃԱՌԻ ԵՕԹՆԵՒՏԱՄՆԵՐՈՐԻ

«**Չ**ԱՅՆ Մովսէս զոր ուրացան և ասեն՝ ճ կացոյց զքեզ ի շխան և դատաւոր ՚ի վերայ մեր» : Յոյժ միաբանի իրքն Մովսէսի ընդ խորհուրդն Քօի, զի մի զարմասցուք թէ բարեգործեալքն ՚ի Քօի ՚ի բաց հրաժարեն ասելով՝ չիք մեր թաղաւոր . զի և առ Մովսէսիւ զայս ինչ արարին . սմին վասն ցուցանէ ՚ի վաղըն ջույ զապերախտու թի՛նոցա : Զայն Մովսէսն , ասէ , զոր տազնապեցուցին կորնչել , զայն յորմէ հրաժարեցին , զնա անձ փրկիչ առաքեացնոցա , որպէս և զՅօ զոր յարոյցն և առաջնորդ կենացն առաքեաց : Եւ տես թէ զիարդ ՚ի ձեռն Քօի ցուցանէ և զլեւալն յառաջագոյն : « Զեռամբ հրեշտակին » ասէ , այնմ որ ասաց ՚ի մորենուջն « Ես եմ անձ Աբրահամու » :

« Մովսէսն այն եհան զնոսա » ասէ : Եւ տես զիարդ ցուցանէ զնա պայծառագոյն : « Արարեալ , ասէ , նշանս և արուեստս յերկրին եգիպտացւոց և ՚ի կարմիր ծովուն և յանապատին զամս քառասուն » : Յայտ առնէ թէ վասն նոցա առնէր զնշանսն զամենայն . ոչ ՚ի միում տեղուջ կամ սակաւս , այլ յեգիպտոս և ՚ի ծովուն և յանապատին , ուր և դեգերեալ լինէին զամս քառասուն : Զի ոչ պարզաբար ընտրեաց զնոսա , այլ այսպիսի հրաշիւք ՚ի ձեռն այնպիսի առն , որ ընդ այ խօսեցաւ , որ ՚ի հրաշափառ երեւմանցն ապրեցաւ , այնչափ նշանս կարողացաւ առնել :

« Ի՞նչ Մովսէսն , ասէ , որ ասաց ցորդին Խրայէլի մարգարէ յարուսցէ ձեզ տէր անձ ձեր յեղբարց ձերոց արհամարհեալ ՚ի ձէնջ իրրե զիս » : Զի զոր օրինակ անարգեցին հարքնոցա զՄովսէս , այնպէս անարգեցին և սոքա զՔօ . և որպէս անդ զնա Փարաւոն , սոյնպէս և աստ զսա Հերովդէս կամեցաւ սպանանել . այլ նա ՚ի Մադիամ , և սա յեգիպտոս զերծեալ ապրեցան : « Կամ լուիջիք » ասէ : Բերէ ՚ի մէջ զմար-

դարեւութիւն վասն Քրիստի և զնորին օրինակն 'ի նոր օրէնս հաստատելոյ՝ թէ առաջինն լուծանելոց էր 'ի յառնել մարգարէին : Եւ եցոյց թէ առանց պատճառի ընու պարտ է մարգարէութեն . և ոչ հակառակի նմա Մովսէս :

« Սա է որ եղև յեկեղեցւոջն , որ յանապատին էր , ընդ հրեշտակին՝ որ խօսեցաւ ընդ նմա 'ի հրոյ մօրենւոջն՝ ես եմ՝ անձ Աբրահամու . և ընդ հարսն մեր՝ ես եմ՝ ահա քո » : Տեսանէս զի անդուստ էր արմասն հաւատոյ . զի փրկութի 'ի Հրէից է , առէ : Եւ ապա զմեծ սքանչելիսն ցուցանէ՝ որ 'ի լերինն լեալ լինէին . « Որ ընկալաւ , առէ , զպատգամս կենդանիս տալ մեզ » : Տես զի զհրեշտակն որ խօսեցաւ ընդ նմա , զնոյն ինքն զնա ահաւասիկ ցուցանէ զոլ տուող օրինացն : Զինչ է պատգամս կենդանիս . այսինքն որոց կատարումն կենդանութի էր , թէ պահեսցեն և հնազանդեսցին . ըստ այնմ՝ թէ « Որ արասցէ զայն , կեցցէ նորիմք » . որ են մարգարէութիքն 'ի Քրի . և նովաւ կարէին նորա կենդանի մնալ 'ի հնումն : Իսկ վասն ոչ պահօղացն զբանս , առէ Եզեկիէլիւ՝ թէ « Տաց նոցա հրամանս անբարիս և իրաւունս՝ որովք ոչ կարիցեն կեալ » : Ահա ոչ ուրեք տաճար և ոչ զենումն , և ընկալաւ , առէ , զբանս կենդանիս : Յամենայնի սքանչելի ցուցանէ զՄովսէս՝ թէ ոչ միայն նշանս արար , այլ և օրէնս ետ . որպէս և Քրիստոս առաջագոյն նշանս առնէր , և յայնժամ ապա օրէնս դնէր և պատուիրանս աւանդէր , նոյնպէս և նա :

Մյուստանօր ամբաստանութի հասուցանէ նահապետացն որք ոչ լուան նմա անհաւանական բարս ունելով յետ այնչափ նշանացն , և յետ առնլոյն զպատգամս կենդանիս 'ի հակառակն և ս դարձան նմա : « Որում ոչ կամեցան , առէ , հնազանդ լինել հարքն մեր . այլ մերժեցին և դարձան սրախք իւրեանց յեզիպտոս » . ուր հեծէին և յոգւոց հանէին , ուստի դուշին և առ անձ աղաղակէին . դարձեալ անդանօր դառնային : « Եւ ասէն ցԱհարոն . արամեզ աստուածս » : Ով չարութեն . արա , ասեն , ոչ անձ , այլ աստուածս : Եւ այս իսկ է սքանչելի , զի զոր ոչ գիտէին՝ ինդրէին : « Զի երթիցեն , ասեն , առաջի մեր » : Ուր . յեզիպ-

տոս : Տեսանէս թէ զիարդ դժուարաբաւ իմն հպեալ էին 'ի բարս եզիպտականս , և որպէս ուրանան զերախտաւորն և զհանողն անարդէն :

« Օ ի Մովսէսն այն որ եհան զմեզ յեզիպտոսէ , ոչ գիտեմք զի եղև նմա » : Ոչ ուրեք յանունն նյ , այլ զամենայն Մովսէսի վերագրենս : Արդ ուր զոհանալ պարտ էր զնյ , զՄովսէս 'ի մէջ բերէին . և ուր հաւանել պարտ էր օրինացն , զՄովսէս ոչ յիշենս : « Ոչ գիտեմք ասէն , զի եղև նմա » : Եւ սակայն ասաց Ահարոն՝ թէ ելեալ է զի առնուցու զօրէնսն . այլ ոչ հանդուրժեցին զաւուրս քառասունս : « Այլ արարին որթ 'ի Բորեր , ուր անձ երևեցաւ Մովսէսի , և մատուցին զոհս կռոց և ուրախ լինէին 'ի գործս ձեռաց իւրեանց » : Վասն որոյ պարտ էր ամաչել և պատատել զերեսս իւրեանց , նոքա 'ի խնձոյս ծաղու իջեալ կաքաւելով ուրախ լինէին : Եւ զի նչ սքանչելի թէ զՔս ոչ գիտացին այնորիկ՝ որ զՄովսէս և զանձ զցուցեալն 'ի ձեռն այնչափ նշանաց ոչ միայն անգիտացան , այլ և անարգեցին կուռս առնելով : Այլ « Դարձոյց զնոսա անձ և մատնեաց 'ի պաշտօն զօրութեւ երկնից » : Ապա յայտ է թէ աստուտ են զոհքս 'ի սովորութեւ չարութեցն : « Եւ նոքա , ասէ , արարին զոհս կռոց » : Վասն այնորիկ նշանակէ յանուանէ՝ թէ արարին որթ և մատուցին զոհս . զի նախ քան զայն չիք անուն զոհի . այլ հրամանք կենդանի և բանք կենաց : « Եւ ուրախ լինէին 'ի գործս ձեռաց իւրեանց » . վասն այնորիկ լինէին տօնք մարմնականք :

ԿԻՐԱԿՈՍ . Իսկ զի նչ այն՝ թէ « Մասնեաց զնոսա 'ի պաշտօն զօրութեւ երկնից » : Այսինքն յերկրաւոր չար սովորութեն փոխեալ ընդ երկնաւորացն արար խորհրդակից պաշտամամբքն : Իսկ մատնելն զթոյլ տալն յայտ առնէ . որ ոչ ըստ նորին կամաց էր անբանիցն արիւնքն և նիւթական պաշտամունքն , այլ ըստ նոցին հեթանոսաբարոյ սովորութեն . որ յիմանալին և 'ի հոգեւորն մարմնապէս հպէին , ոչ կարելով ըստ միտս կատարել զպաշտօնն , այլ կերակրովք և պէսպէս լուացմամբք մարմնոյ :

ՈՍԿ . « Որպէս և գրեալ է 'ի գիրս մարգարէից » : Եւ ոչ անէ զվկայութիւն պարզաբար . այլ զի ոչ գոյր պէտք

զոհիցն ցուցանէ ասելով. «Մի թէ զոհս և պատարագս մատուցէք ինձ զամս քառասուն յանապատին, տունդ Իսրայէլի » : Զի ոչ թէ փոխանակ զոհից և պատարագաց կերակրեցան նոքա մանանայիւն և լորամարգովն, ՚ի վիմէ բղխամբն ջրոյ և այլ պարգևօքն :

ԵՓԲ. Եւ զի յայտարասցէ թէ ոչ այժմ և եթ սկսաւ չարութի նոցա, այլ անդէն ՚ի սկզբան ընտրութեան նոցա : Զի ահա և կռոց երկիր պագանէին, որում և համբեր ամ . և զի թողին զպաշտօն զարմանալի ՚ի խորանին ւնյ և ընտրեցին զվրանն Մողոքայ մեռելութի կռոցն : Սմին վասն մեռելութի պատկերաւն զոր պաշտեցին, նախատէ զանմտութի նոցա և զամբարշտութիւն. «Առէք, ասէ, զվրանն Մողոքայ» . այս է պատճառ զոհիցն :

«Եւ շաստղն աստուածոյն ձերոյ Հռեմիայ» : Հռեմիայն կռուք էին յանուն կնոջ միոյ բողի, և յորջորջումն պատկերին Ատողիկ, զոր աստուած նոցա ասէ : Յանդիմանապէս զբառս անուանցն ՚ի կիր առնու Հռեմիայ և Մողոքայ : Եւ ՚ի վերայ ասէ. «Զպատկերսն զոր արարէք երկիր պագանել նոցա» . թերևս զԱիրոգիտեայ և զԱրտեմեայ . զի ոչ ունիք ասել թէ վասն զոհելոյ ինձ աշխատ եղէք ՚ի ծախս զոհից, այլ նոցա զոհեցէք . և զայն ինչ արարէք մանաւանդ յանապատին՝ ուր պաշտպանեցի ձեզ : «Զի վասն այսորիկ փոխեցից զձեզ յայն կողմն բարեւազուց » . այսինքն գերի տաց զամս եօթանասուն : Տեսանէս զի գերութիւն նախատինք չարութե նոցա է :

«Վ. Եւ խորանն վկայութե էր ընդ հարսն մեր յանապատին . որպէս հրաման ետ որ խօսէրն ընդ Մովսէսի առնել զայն ըստ օրինակին զոր ետես » : Վկայութե էր, զի վկայ զամ ունիցին զաստղն «Մի եղիցին քեզ այլ աստուածք բաց յինէն » : Վամ զի զայն վկայէր, զի բնակէր ընդ նոսա խորանաւն, այն որ ՚ի լերինն անմարմնապէս տպաւորեաց զնմանութի նորա . և դարձեալ վկայէր սքանչելեացն և հրամանացն ւնյ : Արդ ասէ՝ թէ այս ամ էր, և նոքա ոչ ունէին տաճար : Նա և խորանին գոլով զոհք ոչ էին : «Մի թէ զենլիս և պատարագս մատուցէք ինձ» ասէ : Այլ տես, զի թէպէտ և էր ընդ նոսա խորանն վկայութե,

այլ ոչ ինչ օգտէր նոցա, և ոչ որ նախ քան զայս նը-
շանքն, և ոչ որ յետ այնորիկ լինէին. այլ ամենեքին
ջնջեալ տապաստ անկանէին օսկերքն: Եւ յանապա-
տին՝ ասէ, զի տեղի ընդ տեղւոյ բազմատիցէ, այսին-
քըն ընդ տաճարին. զի ցուցցէ թէ անդ է տեղի սուրբ՝
ուր անձ իցէ: Ապա յայտնէ թէ նախ էր բարերարու-
թիւն քան զխորանն:

«Օ որ ընկալեալ բերէին հարքն մեր, փոխանորդե-
լով զմիմեանս, հանդերձ Յեսուաւ ՚ի կալուածս քա-
նանացւոցն»: Թէպէտ և յայ եղև ստորագրութիւն
խորանին, ասէ, բայց և այնպէս յանապատին չըջա-
բերեալ լինէր և ոչ ՚ի տեղւոջ դադարեալ. և ոչ էր
տաճար, և սակայն քանանացիքն արտաքսեալ լինէին:
«Զորս և մերժեաց, ասէ, անձ յերեսաց հարցն մե-
րոց»: Այլ և ոչ յայնժամ գոյր տաճար. և այնչափ
սքանչելիք եղէն, և ոչ էր ուրեք տաճար: Որպէս զի
ասիցէ՝ թէ առաջինն էր իբրև զտաղաւար դիւրա-
փոփոխ, զփոփոխումն օրինացն տալաւորելով: «Մին-
չև յաւուրս Դաւթի, ասէ, ոչ էր տաճար. նա եգիտ
չնորհս առաջի այ, և խնդրեաց գտանել զյարկս այ
Յակորայ»: Հայցեաց գտանել չնորհս առաջի այ. և
նա ոչ շինեաց, այլ ՚ի բաց ընկեցեալն Սողոմոն. այս-
պէս ոչ մեծ ինչ է տաճարդ, ասէ:

Եւ զի կարծէին նոքա մեծ գուզ Սողոմոն վասն շի-
նելոյն գտաճարն, ցուցանէ թէ չէր լաւագոյն քան
զհայրն և ոչ հաւասար ևս, որպէս յայտ է: «Նա և
Սողոմոն շինեաց նմա տուն. այլ ոչ եթէ բարձրեալն
՚ի ձեռագործ տաճարս բնակէ»: Եւ զի զայսոսիկ ե-
ցոյց նախ ասացելովքն, ցուցանէ և ՚ի ձեռն Եսայեայ
զնոյն ասացեալ:

«Երկինք աթոռ իմ են և երկիր պատուանդան ո-
տից իմոց» ասէ. և ոչ թէ տուն բնակու թեան իմոյ: Զի
թէպէտ արարածք իւր են և գործք ձեռաց իւրոց,
բայց ոչ այսուիկ արժանի այ. և եթէ սոքա ոչ, զիարդ
՚ի ձեռաց մարդկան եղեալն: «Որպիսի տուն շինե-
ցէք ինձ, ասէ. կամ զինչ տեղի հանդստեան իմոյ. զի
զայս անձեռն իմ արար»: Այսպէս փոյթ և համար-
ձակ Սաեփաննոս զբանն ՚ի կիր արկանէ. զի բազում

էր համարձակու թիւն, հանդերձեալ նորա մեռանել, զոր և քաջ գիտէր իսկ :

ԵՓՐ. Ա՝ ամն որոյ իբրև եցոյց զնոսա զի զխորանն փառաց ընդ վրանն Մողորայ փոխանակեցին, և զտաճարն պարծանաց իւրեանց անարգեաց բարձրեալն, զի զինքեանս արասցեն նմա տաճար երկիւզիւն նոյ : Այլ զի ծանեալ թէ չեն ինչ օգտելոց, այլ սպանանել իննդրեն զնա, զուարճացեալ հոգւոյն՝ ՚ի նոսա իսկ դարձոյց զբանն կշտամբելով զկարծրութիւնոցա մարդարէիցն ձայնիւ և ոչ յիւրմէ . «Ո՞ր ստապարանոցք, ասէ, և անթլիաք սրաիւք» : Որովք Երեմիաս նախատէր զնոսա, անարգեաց և սա զթլիատութիւն մարմնոյ. և մեծարեաց զթլիատութիւն սրաի զոր խընդրէ անձ, յորմէ նորա ՚ի բաց կացին . սմին վասն ՚ի մարդարէական կշտամբանսն և զիւրն և ս յաւելու :

ՈՍԿ. «Դ՛ուք հանապազ, ասէ, Հոգւոյն սրոյ հաճառակ կոյք որպէս և յայսմ ժամանակի» : Զի յորժամ ոչ կամէր զոհոս գող, դուք զոհոս արարէք . և վասն որոյ ոչ կամէր տալ ձեզ պատուէր, իննդրեցէք զնա . և իբրև առէք, պղերդացեալ հեստեցէք նմա, դարձեալ մինչ կանգուն էր տաճարն, կուռս կանգնեցէք . և այժմ զի առանց տաճարին կամի զպաշտօնն, դուք զտաճարն իննդրէք . մարդարէքն Հոգւոյն խօսելին, և ոչ անսայիք . առաքեալքն նովաւ սքանչելիս գործեն, և դուք հակառակ յառնէք : Եւ ոչ սասաց թէ ընդ նոյ հակառակիք, այլ ընդ Հոգւոյն . զի և ոչ մի գիտէ զանազանութիւն, այլ զՀօրն Որդւոյ ասէ և զՈրդւոյն Հոգւոյ : Եւ հայրենի ցուցանէ զանհաւատութիւնն նոցա . «Որպէս հարքն ձեր և դուք» ասէ :

Եւ զի մեծամեծս պարծէին ՚ի նահապետն, օտարացուցանէ զնոսա յարդարոցն և մեծապէս խոցոտէ զսիրտս նոցա . որպէս Յովհաննէս ծնունդս ի թից ասաց զնոսա, և Քն որդիս սատանայի, և սա սպանողացն : Զի «Զո՞ ՚ի մարդարէիցն, ասէ, ոչ հալածեցին հարքն ձեր . և սպանին զայնոսիկ՝ որ յառաջագոյն պատմեցին վասն զալստեան արդարոյն» : Այլ այժմ և եթ ՚ի Քնէ ապստամբք էք, ասէ, այլ և վաղ

խակ՝ի Հօրէնորա . որպէս զիբբ ամբաստանեն . «Տէր զսեղանն քո կործանեցին և զմարգարէսն քո կտորեցին », որք յառաջագոյն խօսեցան վասն գալստեան Քրի . զոր տակաւին արդարոյն ասէ, կամեալով ամփօփեւ զնոսա . և անհամեմատ գնէ զկատաղութի սոցա քան զհարցն . զի նորա զմարգարէսն սպանին, և սորա զյածն մարգարէից :

«Արոյ գուք, ասէ, այժմ մատնիչք և սպանողք եղերուք », ՚ի ձեռս տալով Պիղատոսի և խաչելով զնա : «Այք առէք զօրէնս ՚ի հրամանս հրեշտակաց և ոչ պահեցէք » : Ամանք ասեն թէ զայն որ ՚ի ձեռն հրեշտակաց միջնորդութե կարգաւ որեալ էր . զօրէնսն ասէ . կամ զայն իսկ ընձեռեալ նմա ՚ի ձեռն հրեշտակին՝ որ երևեցաւ նմա ՚ի մօրենուջն զոր վերագոյն ասաց : Քանզի թէ մարդ որ էր որ հրամայէր, չէր ինչ մեծ ապախտ առնելն . ոչ սպաքէն ՚ի վերուստ էր կարգաւորութիւն . այնմ, ասէ, եղէք հակառակ որ զայնօսիկ արար ՚ի ձեռն Մովսէսի և զայսօսիկ ինքեամբ, զորոյ զպատմողն ևս սպանէք : Յոյժ մանաւանդ զնոսա այլ և հրեշտակաց իւրոց և մարգարէիցն և Հոգւոյն և միածնին և ամենեցուն իսկ եցոյց լեալս անհաւանս :

Եւ քանզի նորա այսօրիւք ջատագովք լինելն օրինացն և ասելին՝ թէ ՚ի Մովսէս փաստաբանէ, ցուցանէ արդ՝ զի նորա մանաւանդ էին հայհոյիչք և դիմադարձք Մովսէսի : Եւ զի ասելին՝ թէ և յած հայհոյութի խօսի, ցուցանէ թէ ինքեանք ՚ի բնէ ՚ի վերուստ զայն առնելին . և թէ զօրէնսդ իրն նորա փոխեցին . և թէ օրէնքն ոչ է փոյթ նոցա : Եւ զի ամբաստանելով ասելին ընդ Մովսէսի հակառակեւ զնա, յայտ առնէ զի ինքեանք ընդ Հոգւոյն միշտ հակառակելին . և այս ոչ պարզաբար, այլ հանդերձ սպանանելով զընակարանս Հոգւոյն : Եւ թէ զոր Հոգին կանխաւ պատմեաց վասն գալստեանն Քրի, նորա զնա ոչ միայն ոչ ընկալան՝ ՚ի վերուստ ունելով ընդ նմա թշնամութի, այլ և զեկեալն ՚ի փրկել զնոսա ոչ մատնեցին միայն, այլ և սպանին : Այսպիսի է համարձակութի առն զխաչն բարձողի :

ԲԱՐՈՅԱԿԱՆ

Վմանեսցուք և մեք այնպիսի համարձակութեն .
 զի թէ պատերազմի ժամ ոչ է , այլ համարձակութե
 ժամ է . խօսեսցուք հանապապազ զվկայութիս նոյն ա-
 ռաջի թագաւորաց . խցցուք զբերանս հեթանոսաց ,
 այլ առանց սրտմտութե . զի ոչ բնակէ Հողին սուրբ
 հեզութե ուր սրտմտութի է : Զի որպէս 'ի ծովային
 ձմերայնի բազում է աղմուկն և ոչ ունի տեղի որ ի-
 մաստասիրելոյ , նոյնպէս և 'ի սրտմտութե ոչ ինչ յա-
 ռաջեալ լինի ամբողջ . զի ոչ ինչ ընդ հատ է բարկա-
 ցեալն յարբեցելոյ և 'ի դիւահարաց անկարգութի :
 Եթէ կամիցիմք համարձակութի ցուցանել , մաքուր
 լիցուք 'ի բարկութի : Տես զՍտեփաննոս ոչ ցասամբ
 զբուցատրելով , զի ոչ անարգէր զնոսա խստապարա-
 նոցս ասելովն , այլ զմարգարէութիս յիշեցուցանէր
 հեզաբար : Եւ ոչ էր սրտմտութի առ նմա . 'ի քար-
 կոծին 'ի նոցանէ ըղձայր ասելով «Տէր , մի համարիր
 սոցա զայս մեղս» : Զսոյն և մեր ուղղելով հանդեր-
 ձելոց բարեացն հասցուք 'ի փառս Քրի , որ է օրհ-
 նեալ յաւիտեանս . ամէն :

ՃԱՌ՝ ՈՒԹՈՒՏԱՍՆԵՐՈՐԴ՝

«**Լ**Ն՝ լուեալ զայս զայրանային՝ ի սիրտս իւրեանց և կրճտէին զատամունս իւրեանց ՚ի վերայ նորա » : Ահաւասիկ իբրև պատճառս իմն առեալ լինէին յասացելոյն սպանանել զնա . զի անիրաւք գորով և չարք յամի տարակուսին : Որպէս վասն առաքելոցն ասէին զկճեալք « Ձինչ արասցուք արանցս այսոցիկ » , նոյնպէս և աստանօր հերձուեն ՚ի բարկու թէն : Եւ թէպէտ նմա իսկ էր ՚ի դէպ սրտամտիլ որ յանիրաւի զըրպարտիւրն , այլ նա ոչ ինչ այնպիսի կրէր . այլ մանաւանդ զըրպարտողքն իբրև ՚ի խիստ դիւէ մուկնեալք սատակեալք լինէին ընդ լուրն ճշմարտութե : Ձի ըստ որում ասէի , առնելն չար՝ նոյն է կրել չարաչար . զի և մեք ուր ոչ ինչ իցեմք սխալեալք , և զըրպարտեալք կամ անարգեալ լիցուք , մի ախտասցուք սրտամտութիւն կամ տրամու թիւն :

Ըրդ քանզի կամէին զնա սպանանել , պատճառս իմն իրաւացիս խնդրէին առ ՚ի ընուլ զկատաղութիւն իւրեանց : Եւ զի թէպէտ ճշմարիտ էր զոր ինչ կշտամբեալ յանդիմանեաց զնոսա , այլ ոչ կամէին սալ կարծիս՝ թէ վասն առ նոսա կշտամբանացն սպանին զնա , այլ վասն ամբարիշտ հայհոյութեն : Ձի յետ սպանանելոյն փնասել ախորժէին զկարծիս ամցն ՚ի նա իբրև առ հայհոյիչօք . որով և հերձեալք բարկութիւն կրճտէին զատամունս և նախատինս առ նա արձակէին :

«**Լ**չնա լի էր հոգւով սրբով , հայեցաւ յերկինս և ետես զփառս անյ , և զՅս զի կայր ընդ աջմէ անյ » : Յայտ է ահա զի ՚ի բոլոր Երրորդութե փառս վայելեն չարչարեալքն վասն Բժի : Ետես զհայր և զՅս ընդ աջմէ նորա . զի իւրոցն միայն երևի Յս , որպէս յետ յարութեն առաքելոցն : Եւ զի ՚ի մէջ կատաղի տիրասպանացն կայր նահատակն առանց օգնականի , և

զի ծամ՝ պօսակելոյ էր առաջին վկային, ետեօ զտէրն ունեւելով զպօսակն, զի կայր թելադիր ընդ աջմէ նորա յաղթել մահու. զի ցուցցէ թէ նոյնպէս օգնէ 'ի ծածուկորք վասն նորա 'ի մահ մատնին: Սմին վասն յայտնէ զոր ետեսն զերկինս բացեալ, զայն որ յետ փակելոյն Ազամայ նախ Քօի միայն բացաւ 'ի Յորդանան. իսկ յետ խաչին բացեալ լինի և խաչակցացն Քօի, և նախ սմա զոր և ասէ. « Ահա տեսանեմ զերկինս բացեալ և զորդի մարդոյ զի կայ ընդ աջմէ նոյն: Տեսանես, զի յայտնեաց զպատճառս լուսաւորութեւ երեսացն նորա, զի հանդերձեալ էր զսքանչելին զայն տեսանել զտեսիլ. վասն այնորիկ և 'ի կերպարանս հրեշտակի փոխեցաւ, զի հաւատարիմ լիցի վկայութիւն նորա:

Եւ քանզի վերագոյն ճառեաց յաղագս մահուն Քօի, որում մատնիւք և սպանողք եղեն, այժմ և զյարութեն յաւելու զբան. զի գոնէ պատկառեալ 'ի հրեշտակատիպ փառաց երեսաց նորա Հրեայքն ընկալցին զասացեալն: Զոր դուք սոսկ մարդկարծելով սպանէք, ասէ, ես կենդանի զնա յերկինս փառօք՝ զի կայ ընդ աջմէ նոյն՝ տեսանեմ: Եւ զի ծանր թուեր նոցա ընդ աջմէ նոյն զնա լսելն, զի այն ինչ և եթ յարեաւ 'ի մեռելոց՝ յայտնէր ահա, սմին վասն ընդ յարութեանն ոչ և զհամբաւնալն և եթ վկայէ, այլ և ըզհամապատիւ բնութիւն ընդ Հօր և զուղահաւասար զփառան:

Եւ ոչ ասաց զՈրդի նոյն, այլ զորդի մարդոյ. զի հաստատեսցէ ծանօթ բանիւն թէ նա է որ ասէրն՝ թէ « Տեսանիցէք զորդի մարդոյ ելեալ ուր էր զառաջինն ». որ և անձ գուրով վասն այնր էջ և եղև մարդ մնալով անմեղ. որպէս զի զաղխեալ գրուեալ երկնից ընդդէմ մեղուցելոյ նախահօրն մկրտութիւն և արեամբ վերստին բացեալ ընդ իւր տարցի մուծցէ ըզպատրանօք կոխեալն 'ի գիւաց և յանդիման կացուսցէ երեսացն նոյն և Հօր: Աւ որ և փութայր նրն հասանել առ տէրն և անձ Քօ, որ և վասն մեծ սիրոյն որ առ նախնի վկայն իւր յարեաւ պօսակել զքաջ նահատակն:

Եւ զի ընդ աջմէ նոյն ասաց և ոչ ընդ աջմէ Հօր, զի զմարմնոյն իրս կամէր հաստատել. յաղագս որոյ և

որդի մարդոյ կոչէ զնա . և զի սքանչելի տեսիլն հաւա-
տալոյ արժանի լիցի, և երեսքն փառաւորեալ լինէր .
զի մարդասէր զօլով անձ զչարութի նոցա 'ի նոցին յօ-
գուտ յեղաշրջեալ այնչափ նշանօք արծարծէր զնոսա
'ի հաւատս . յազազս որոյ և սուրբն երկեցուցանել
կամելով զնոսա, «Աղաղակեաց 'ի ձայն մեծ» . բարձ-
րագոչ ձայնիւ 'ի լսելիս նոցա հնչեցոյց զոր ետեսն,
զի ցածուցէ զնոսա 'ի մոլեգնութենէն : Այլ նո-
քա զի նչ . «Խցին զահանջս իւրեանց» իբրև զիժս : Իսկ
ոմանք և այսպէս ընթեռնուն . «Աղաղակեալ 'ի ձայն
մեծ՝ խցին զահանջս իւրեանց» : Եւ զոր առ Քսիւ ա-
րարին, լսելով թէ «Տեսանիցէք զորդի մարդոյ նըս-
տեալ ընդ աջմէ զօրութեն», հայհոյութի զայն զբա-
բանելով մահապարտ զնա դատեցին, զնոյն և աստ
առնէն . աղաղակեցին՝ թէ հայհոյեաց, մահապարտ
է : Եւ որպէս առ Քսիւ զհանդերձս պատառեցին, և
աստ զահանջս խցին, զի մի լուիցեն զոր ասայն :

«Այլ գիմեցին առ հասարակ 'ի վերայ նորա» .
վասն վկայելոյն զՔսէ թէ յերկինս է ընդ աջմէ նոյ,
զոր ոչ կամէին լսել : Վասն որոյ զցասումն և զօխան
զոր ընդ Քս ունելով ոչ կարացին ընուլ, հատուցին
յՍտեփաննոս : «Եւ հանեալ արտաքոյ քաղաքին քար-
կոծեցին» : Դարձեալ արտաքոյ քաղաքին, որպէս
զՔս արտաքոյ այգւոյն . զի ձեռքն որ կապեցին ըզ-
տէրն, զիսորդ խորշէին 'ի ծառայէն : Եւ էր տեսանել
զի տեղային 'ի վերայ նորա քարինքն որպէս տարափս
անձրեաց . զորոց ընդունէր երանելին զգարկուածսն
ուրախութի յանձակիր մարմին իւր որպէս զծաղիկս
անուշահոտս գարնայնոյ և իբրև զցօղ հեշտալի ա-
մարայնոյ : Եւ 'ի սաստիկ հարուածոց քարանցն խո-
ցոտեալ սուրբ մարմնոյն հեղոյր արիւն արդարոյն փո-
խան արեանն Քսի . և մանրեալ ոսկերացն ջախջախիւր
և գլուխն սուրբ վասն անձեղէն գլխոյն Յսի խոնար-
հելոյ 'ի վերայ խաչին :

«Այլ վկայքն, զբարտիչքն որպէս Նարովթայ ար-
դարոյ, գնէին զձորձս իւրեանց առ ոտս երիտասարդի
միոջ՝ որ կոչէր Սաւուղ» : Տես թէ զիարդ ստուգիւ
պատմէ զիրան Պաւղոսի 'ի սկզբանն . զի ցուցցէ քեզ
մեծ յետ այնորիկ զանձայինն առնա ներգործուի . զի

առ ժամայն վասն այնքան նշանացն ոչ միայն ինքն ոչ
հաւատաց, այլ և 'ի ձեռս սպանողացն ընկեց իսկ զնա :

ԵՓՐ. Եւ զի փոքր թուեցաւ յաչ նորա ընկենուլ
'ի նա քար, եղև նա կարասապահ՝ սպանողաց նորա,
զի ընդ ամենեցունց մասն բաժանեսցի : « Եւ քարկոծ
առնէին զՍտեփաննոս » : Ոչ վայրապար կրկնէ զքար-
կոծ առնելն, այլ զի ցուցցէ թէ սուտ վկայքն նախ ըս-
կասն քարկոծել զտէրն, զի կարծիս տացեն իբրև թէ
զհրամանս օրինացն պահիցեն՝ թէ ձեռք վկայիցն նախ
ընկեսցեն զքարինս 'ի հայհոյին : Չայսպիսի կարծիս
խորամանկելով նոցա հաստատել սուտ վկայիւքն 'ի
վերայ սրբոյն, « քարկոծ առնէին զՍտեփաննոս, որ
կարդայր և ասէր . տէր Կս, ընկալ զոգի իմ » :

ՈՍԿ. Զուցանէր այսու՝ թէ ոչ լինէր կորուսեալ,
այլ և յորդորէր զնոսա թէ պարտ է հաւատալ 'ի Կս,
զի նա է տէր կենդանեաց և մեռելոց : Եւ ոչ այսչափ
միայն հոգայր զփրկու թի սպանչացն, այլ և մեծա-
պէս ևս . զի « Եդ ծունր և աղաղակեաց 'ի ձայն
բարձր . տէր, մի համարիր սոցա զայս մեղս » : Ա՛վ մե-
ծի սիրոյն և գթութեան զոր ունէր առ նոսա, և սրպէս
պատասխանի տալով զայս յայտնէր՝ թէ յառաջա-
գոյն ասացեալքն ոչ էին ցասամբ . և այնպէս կամէր
զնոսա առ ինքն դարձուցանել և 'ի բաց թողուլ զքար-
կու թին, և գոնէ յետ սպանմանն զնա ողջանալ յախ-
տէն : Եւ զի դիւրընկալ առնիցէ զխրատն, ոչ պար-
զաբար աղօթէր, այլ մեծաւ զգուշու թի ծունր կրրկ-
նէր և զայն ինչ ասէր զոր ուսաւ 'ի տեառնէ իւրմէ՝ զոր
ասաց 'ի ժամ խաչին. « Մի համարիր սոցա զայս մեղս » :

« Եւ զայս իբրև ասաց, ննջեաց » : Տեսանէս, զի
անծահաճոյ էր մահ նորա . զի մինչև ցայն վայր թո-
ղացոյց լինել ոգւոյն 'ի նմա, մինչև աղօթիւք փոխա-
դրեաց զսպանողսն : « Եւ Սողոս էր կամակից սպանման
նորա » : Զի դահիճ խիստ և դժնդակ էր նա 'ի տղայ-
ու թէն, յանդուզն և դայլ յափշտակող . այլ 'ի լի-
նէն աղօթիւք սրբոյն այր և ծեր հաւատովք՝ մի ան-
գամ քարկոծ լինելով վճարէր զպարտս քարանցն, ո-
րովք հաղորդ եղև սպանողաց նորա :

1 Միւսն փոքրագան . թերևս խորագան :

« Եւ եղև յաւուրն յայնմիկ հալածումն մեծ 'ի վերայ եկեղեցոյն յերուսաղէմ » : Քանզի կատաղիք գոլով ոչ շատայան սպանմամբ Ստեփաննոսի, այլ մեծամեծս իմն փքացեալք իբրև զյաղթողս ձեռնարկեն լքուածք զբոլոր հաւատացեալն խափանել հալածելով :

ԵՓՐ. Եւ նման է թէ յայնմ աւուր առին զինչսնոցա յաւարի, զորս գովէ Առաքեալն՝ թէ « Զյափշտակուածի ընչից ձերոց ընկալայք ուրախութիւն » : « Եւ ամենեքեան ցրուեցան 'ի գեողս հրէաստանի և 'ի Սամարիա բաց յառաքելոցն » : Յայտ է զի յերեսաց հալածչացն բացագնացք լինէին :

ՈՍԿ. Եւ տես թէ զիարդ փախուսանսոցա անօրինեալ լինէր յայլոց փրկուածի. զի մի այնու հետև աւմենեքեան յերուսաղէմ նստցին միայն, այլ 'ի հեռաւորս տարածեսցի բանն : Ասն որոյ և առանց խղճի ինչ համարձակ խառնին ընդ սամարացիսն այնորիկ՝ որք երբեմն լուան 'ի Գոթ խորշել 'ի հեթանոսաց : Իսկ առաքեալքն զի և այսպէս առ իւրեանս կամէին ձգել զչրեայն, ոչ 'ի բաց թողուին զքաղաքն, այլ և յայլոց քաղաքաց տային պատճառս վստահութեքարողել զբանն կենաց : Այլ հայեաց թէ սրպէս դարձեալ թոյլ տայր ան լինելոյ փորձութեն. և 'ի միտառ թէ սրպէս զիրոն տնօրինէ անդուստ 'ի վերուստ : Արանչելիք և պայծառք եղեն 'ի ձեռն նշանացն. ապա 'ի տանջանս մտեալ այլ ինչ ոչ կրեցին : Կացուցին պաշտպանս տեսչութե այրեացն. աճեաց բանն հաւատոց : Գարձեալներէ զի լինիցի արգել մեծ և հալածումն ոչ զինչ և իցէ, այլ սաստիկ, զի ամենեքեան երկուցեալք եղեն. որով ցուցանին մարդիկ գոլ երկուցեալքն և փախուցեալք. զի մի յետ այնորիկ ասիցես շնորհօք միայն առնել նոցա զուղղութիւն. զի ահա հալածեալք և զանգիտեալք եղեն, և հալածիւքն յանդգունք :

« Եւ բարձին զՍտեփաննոս արք երկիւղածք, և արարին կոծ մեծ 'ի վերայ նորա » : Այք արգեօք էին սորբա : Օրէնսուսոյցն Գամաղիէլ, և եղբորորդին իւր 'նիկողիմոս, որ և թաղման տեառն սպասաւորեաց : Եւ զի երկիւղածք էին ընդէր առնէին զկոծն, զի ոչ

աշխարհելի՝ այլ խնդարի է այրն : Զի չև ևս կատարեալք գոլով՝ տակաւին զՏրեական սովորու թիքն գային . նա և այս իսկ ցուցանէր զնոսա մարդիկ գոլ , ոչ միայն երկիւղն՝ այլ և տրտմութիւն և կոծն : Բայց և ո՞րք թերևս ոչ լայր տեսանելով զհանդարտ և զըսքանչեւագործ վկայն որպէս զգառն անմեղ քարկոծեալ և եղեալ մեռեալ : Այլ բաւական գերեզմանական խօսեցաւ աւետարանիչն , զձայնն զոր նա ասաց ՚ի ժամ քարկոծմանն . «Տէր, մի համարիր սոցա զայս մեղըս » . և թէ , «Արարին կոծ մեծ ՚ի վերայ նորա :

ԵՓԲ . «Բայց Սողոս մնաստակար էր եկեղեցւոյն . ՚ի տունս տունս մտանէր , քարշէր զարս և զկանայս՝ մատնէր ՚ի բանտ » : Քանզի յայսմ հալածանս , որ եղև ցրուել և վանել աշակերտացն յերուսաղէմէ , թուեցաւ քահանայիցն , դատաւորացն և Սաւուղ թէ ահա իրափանեցաւ աւետարանութիւն անդէն ՚ի սկզբանն . և վասն այսորիկ շրջէր Սաւուղ տանէ ՚ի տուն քննել և տեսանել , թերևս գտցէ զոք տակաւին :

ՈՍԿ . Եւ տես զի բազում և անչափ էր մտորութիւնորա , զի և միայն գոլով մտանէր ՚ի տունս . զի զանձն իսկ եղեալ էր վասն օրինացն . «Քարշէր , ասէ , զարս և զկանայս» : Տես զհամարձակութիւն և զամբարտաւան մտորութիւն , զի զանկեալն ՚ի բուռն բազում խոշտանգանօք չարչարէր . զի ՚ի սպանմանէն Ստեփաննոսի յանդգնագոյն եղև : «Եւ սփռեալքն շրջէին աւետարանէին զբանն» : Արդ այժմ քանզի յոյժ եղև հալածումն քան զառաջինն , զի այժմ թէպէտ ըմբռնեալ եղեն , այլ ազատեաց զնոսանշանքն , բայց մահն Ստեփաննոսի ոչ չիջոյց զցասումն նոցա , այլ ջերմացոյց : Զի ահա եկեղեցին՝ որ նախ քան զմահ նորա աւելի քան զութիւն հազար մարդ էր ՚ի նմա , երկուտասան այր միայն մնացին անդ : Այլ թէպէտ հալածիւքն ցրուելով եկեղեցւոյն կարծէին թէ ամենեւին բնաջինջ սպառի ուսումն ճշմարտութեւն , այն իսկ ցրուեաց ըզվարդապետան որ յերուսաղէմ խափանեալ կային . զի հանին տարածեցին հալածիւքն զնոսա ընդ գաւառսն , զի աշակերտութիւն բազմացի բնդ ամենայն աշխարհ . որ և էր այն սերախութիւն մեծ առ նոսա : Տեսանես սրբափ իրս անօրինէ ՚ի ձեռն մահուանն Ստեփաննո-

սի . զի թէպէտ մեծ եղև սուգն յառաջագոյն , այլ 'ի բաց ջնջեցաւ դարձեալ ուրախութիւն . զի բացաւ դուռն հաւատոց ամենեցուն : « Իսկ Փիլիպպոս իջեալ 'ի քաղաքն սամարացոց ' քարոզէր նոցա զՔս » : Ինձ թուի սա յեօթանցն գտլ , որ էր ընդ Ստեփաննոսի : Եւ տես զի ոչ ինքեան յառաջելով եղև գալ 'ի Սամարիա , այլ հալածեալ 'ի շրէիցն լինելով , որպէսև յաւուրսն Քսի եղև : Այլ դու ինձ ընդ այն զարմացիր , զի և 'ի ժամանակի վշտացն ոչ պղերգանան 'ի քարոզելոյն , այլ փութացեալ լինին :

ԵՓԲ . Երգ էջանդր Փիլիպպոս , և 'ի զօրութի նշանաց իւրոց ելից զաշխարհն շամարացոց յաշակերտութէ անտի իւրմէ այնքան , զի և Շմաւոն մոզն' այն որ կախարդանօքն իւրովք զարմացուցանէր զշամարտացիսն' յանձին կալաւ իջանել ընդ շամարտացիսն 'ի մկրտութի աւազանին , զոր և ըստ կարգի պատմէ աւետարանիչս :

ՈՍԿ . « Իւնկն գնէին , ասէ , ժողովուրդքն բանիցն Փիլիպպոսի միաբան » : Տես աստանօր 'ի սկզբանս ըզգիւրահաւան և զիմաստասէր բարս հեթանոսաց : Եւ այս իսկ է սքանչելի . զի ոչ ոմանք յատուկ , այլ միաբան ունկն գնէին : Վկայի վասն նոցա և յաւետարանի անդ հաւատալ բազմաց 'ի Քս վասն բանի նորա : « Եւ 'ի լսել նոցա և 'ի տեսանել զնշանսն զօրս առնէր » : Զի զկնի քարոզելոյն բանիւ , սքանչելի նշանօք և բարեգործական բժշկութիւնք հաստատէր 'ի հաւատս զլոռոս բանին : « Քանզի բազումք որ ունէին այսս սիղծս , գոչէին ձայնիւ մեծաւ և ելանէին » : Զի ազազակաւ ելանէին էր յայտնի նշան , որ ցուցանէր զմեծ զօրութի շնորհացն այ 'ի ձեռն Փիլիպպոսի . զի ոչ որպէս կախարդքն Եգիպտոսի առնէին առաջօք , կամ որպէս և ինքն իսկ Սիմոն որ կարծիս իմն տայր մոգութիւն թէ բժշկիցէ . զի նա թերևս կապէր զգեան մոլեգնելովն մնալ 'ի նոսին , որ ոչ ազազակէին և ոչ ելանէին : Եւ յայտ անտի է , զի բազում էին , ասէ , զիւահարբ անդանօր : « Եւ բազում անդամաւրծք և կաղք որք բժշկէին , ասէ , զօրութիւնն այ 'ի ձեռն Փիլիպպոսի » : Եւ աստանօր խաբէութի ոչ էր , զի գնալ կաղացն և գործել անդա-

մալուծիցն՝ ի բայ բառնայր զայնպիսի կարծիս . որոց և Ճշմարիտ բժշկու թի՛քն եղև ուրախու թի՛ մեծ ՚ի քաղաքին :

« Եւ յոր ոմն Սիման անուն յառաջագոյն էր ՚ի քաղաքին , և մոգելոյն ապշեցուցանէր զազգն սամարացոց , և ասէր զանձնէ թէ իցէ մեծ ոմն » : Ահա և այլ ինչ փորձու թի՛ անդէն սկսեալ կախարդութիւն Սիմանի : Եւ տես թէ որպէս առ Մովսէսիւ բազգատու թեաւոր և իրրև հակընդդէմ միմեանց լինէին սքանչելագործութի՛քն , նոյնպէս և աստ յայտնի նըշանք յառաքելոցն և զանազան բժշկութիւք Ճշմարտապէս եղեալք , և առ աչօք խաբէութի՛ ընդդէմ՝ նոցունց կերպարանօք կախարդութի՛ք մոգեալ : Եւ զի մանաւանդ ոչ և միոյ դիւահարի պարտ էր լինել անդ , եթէ մոգութիւնքն Սիմանի՝ որ ՚ի կարծիս բժշկութե լինէին՝ չէին սուտ :

« Եւ յոր հայէին , ասէ , ամենեքեան ՚ի փոքրկանց մինչև ցմեծամեծս վասն բազում ժամանակօք ապշեցուցանելոյն զնոսա . և ասէին , սա է զօրութի՛ նոյ , որ կոչի մեծ » : Զայս ասելով զմոգական չարարուեստութի՛ նորա կամի նշանակել , և զկոչմունս առ ՚ի նոցունց համբաւելոցն բարեգործաց դիւաց ոմանց , որք ՚ի յուրութել պիղծ կախարդացն կցորդեալ բարեգործել ձևանային՝ սուտ երևութիւք խաբելով զպարզամիտսն . մինչ զի ասել « Սա է զօրութի՛ նոյ , որ կոչի մեծ » : Եւ լցեալ լինէր ասացեալն ՚ի Քսէ՛ եթէ « Եկեսցեն սուտ քրիստոսք և տացեն նշանս մեծամեծս և զբազումս մոլորեցուցեն » :

Իսկ Փիլիպպոս միայն բանիւ զնոսա յանուն Յոսի բժշկէր և հաւանեցուցանէր . ըստ որում ասէ . « Բայց յորժամ հաւատացին Փիլիպպոսի , որ աւետարանէր վասն արքայութեան նոյ և անուանն Յոսի Քսի , մկրտէին ամենեքեան արք և կանայք » : Թուի ինձ աւետարանէրն ասելով՝ հաստատել զոր վերագոյն ասացի՝ բանիւ միայն զնոսա բժշկել և ոչ ձեռս դնելով . զի առ ժամայն լուծցէ զկարծս այնպիսի ինչ մոգական արուեստից և բժժանաց : Ընդ որս և առաւել սքանչաղեալք ՚ի բանիւ միայն եղեալ սքանչելեացն մկրտէին ամենեքեան : Այդ թէ ասիցէ որ՝ թէ և յետ

այնորիկ ընդէր առանց կասկածի ձեռս դնելով տային զՀոգին նոցունց իսկ սամարացւոցն զորս և 'ի կարծեաց իսկ մոգութե՛ն աղատել կամէին, ասեմ՝ թէ վասն զի յայնժամ մկրտեալք և հաստատեալք էին 'ի հաւատոս . և այլ ազգ . զի զՀոգին նշանաց առեալք ինքեանք իսկ սքանչելագործելով յայսպիսի կարծիս ոչ գային :

« ԸՆԼ և ինքն իսկ Սիմոն հաւատաց , և մկրտեալ կանխէր առ Փիլիպպոս » : Մկրտէր Սիմոն ոչ վասն հաւատոց , այլ զկեղծաւորութիւն թաքուցանելով : Ապա ընդէր ասէ՝ թէ հաւատաց : Զփրբին կերպարանն ասէ , զի իբրև զհաւատացեալ մատեաւ . որպէս և վասն վճկին ասէ զիր՝ թէ եհան զՍամուէլ . զոր ոչ եհան , այլ զդև զոմն 'ի կերպարանս նորա : Եւ ընդէր ապա մկրտէր զնա Փիլիպպոս . որպէս և զՅուզա յայնժամ ընտրեաց Քս . և զի մի գարձեալ հալածիցի որպէս երբեմն 'ի Քսէ , զի կասկածէր , ժուժկալեալ կանխէր առ Փիլիպպոս գեղերելով առ նմա : « Եւ տեսեալ զմեծամեծ նշանն զոր առնէր , զարմանայր » : Այսպիսի ինչ և վասն կախարդացն ասի , որք յաղթահարեալք ասէին՝ թէ մատըն ւնյ է այս : Այլ ոչ համարձակէր առժամայն հայցել զայն ինչ զոր հայցեաց յետոյ . զի և ոչ այլքն գեռ և ս ընկալեալ էին շնորհս նշանաց :

« Իսկ իբրև լուան որ յերուսաղէմ առաքեալքն էին՝ թէ և 'ի Սամարիա ընկալան զբանն ւնյ , առաքեցին առ նոսա զՊետրոս և զՅովհաննէս . որք իջեալ կացին յաղօթս 'ի վերայ նոցա , որպէս զի առցեն Հոգի սուրբ : Որպէս զի յայնժամ չև և ս էր և ոչ 'ի վերայ միոյ ուրուք 'ի նոցանէ հասեալ , այլ միայն մկրտեալք էին յանուն տեառն » : Արդ զի 'ի ձեռն Փիլիպպոսի ընկալան նորա զբանն ւնյ և մկրտեցան , ահա յայտ է . և զի նշանք մեծամեծք եղեն 'ի ձեռն նորա , ապա զհարդ ոչ էին ընկալեալ Հոգի սուրբ :

ՈՍԿ . ԸՆԿԱՆ և ընկալեալ էին Հոգի սուրբ , այլ զմեղացն թողու թի և ոչ զնշանացն զորութի : Զի Փիլիպպոս թէպէտ և զորութիւն առնէր և զմկրտութի Հոգւովն 'ի քաւութի մեղաց մկրտէր , այլ զՀոգին՝ առնել զորութի՝ չիչխէր տալ կամ վասն պատուելոյ

զառաքեալսն, կամ վասն ոչ ունելոյ այնպիսի շնորհս, կամ զի յեօթանցն էր, զոր և մանաւանդ թուի ինձ ասել. իսկ ներքինւոյն փիլիսոսոսն՝ յառաքելոցն: Եւ տես զի առաքեալքն ոչ եղեն նախ ելեալ յերուսաղէմէ, այլ այսպէս տնօրինեցաւ, զի նախ սոքա ելցեն ՚ի քարոզել ՚ի մկրտել ՚ի բժշկել, և առաքեալքն յետոյ եկեացեն վասն տուչութե շողւոյն սրբոյ՝ որ կատարումն էր պարզեացն: Չի նոքա եօթանքն նըշանս առնելոյ զօրութի ընկալան, բայց ոչ և այլոց զնոյն շողի պարզեալ. քանզի այս իսկ էր առաքելոցն վեհագոյն առաւելութիւն:

ԵՓՐ. Այլ վասն այսորիկ առաքելցին զՊետրոս և զՅովհաննէս, զի ձեռնադրութիւնոցա ընկալցին շամարտացիքն զշողին նշանաց՝ և զարմացուցեն ըզմանկունս Երուսաղէմի գործովք շողւոյն զոր ինչ առնէին շամարտացիքն: «Յայնժամ եղին ձեռս ՚ի վերայ նոցա, և առնուին զշողին սուրբ»: Յայտ է զի աղօթս առնելով որպէս ասաց՝ զնէին զձեռս: Չի ոչ պարզ՝ տուեալ լինէր շողին սուրբ կամ կարէին տալ, այլ բազում խնդրուածոց պէտք էին. զի ոչ է հաւատար հանգիստէն բժշկութե և առնուին զօրութիւն բժշկութե:

«Տեսեալ Սիմոնի զի ձեռս դնելով առաքելոյն տուեալ լինէր շողի սուրբ, մատոյց նոցա ինչս և տակ. տուք և ինձ զիշխանութիդ զայդ, զի յոյր վերայ գնիցեմ զձեռս, առցէ շողի սուրբ»: Տեսեալ, տակ, Սիմոնի: Այլ թերևս ոչ տեսանէր եթէ ոչ նշանք ինչ յայտնիք լեալ լինէին ՚ի շամարտացւոցն: Այլ տես զի եղեն նոքա արժանի յանկարծակի առնել ըզօրութիւն և նշանս ՚ի ձեռն շողւոյն զոր ընկալան ձեռնադրութիւն պետրոսեանց. բայց ինքն ոչ գտաւ արժանի, այլ յանդիմանեցաւ ՚ի նմանէ, որպէս այնք ՚ի Պաւղոսէ որք ՚ի լեզուս խօսելոյ հպարտացեալք էին՝ կշտամբեցան փոքու ժամանեալքն շնորհի. և են խժգժագոյնք առանց թարգմանելոյ: Այսպէս և Սիմոն որոյ պարտ էր հաւատով մատուլ և հայցել զի ընդ այլն և ինքն առցէ շողի սուրբ, այլ ոչ ինչ

1 Միան շողուոյ:

2 Միան գործուոյ:

փոյթ էր նմա վասն այնորիկ. այլ խնդրէր զի զՀոգին զօրութեան այլոց բաշխեսցէ : Եւ վասն զի այլքն ոչ էին առեալ զի և այլոց տացեն , այլ ոչ կամէր նա 'ի թիւ և 'ի համար այլոցն անկանել կամ ընդ բազումսն միաբանել , այլ մանաւանդ և քան զՓիլիսոսոս կամէր լինել պայծառագոյն . զորոյ տեսանելով զնշանսն զօր առնէր , կարծէր զիրոն արուեստ գոլ . այլ իբրև ետես զմեծագոյն իշխանութիւն յառաքեալսն , հիացեալ եկն առ նոսա : « Մատոյց առաջինոցա արծաթ » : Ընդէր . միթէ զհամարտացիսն ետես զայն ինչ արարեալ , կամ զՓիլիսոսոս առնելով այնպիսի ինչ . և ոչ երբէք . և միթէ կարծէր ոչ գիտել նոցա թէ որպիսի մտօք զարծաթն մատուցանէր , կամ թէ ոչ իմանայր թէ նորա որպիսի միտս ունէին . մանաւանդ զի ոչ ետես զնոսա ընչիւք տուեալ ումք զՀոգին :

Այլ տես զպղծութի կախարդութեան նորա . զի ոչ էր իբրն անգիտութեան , այլ փորձողի և կամեցողի զնոսա ընդ չարութեան արկանել : Վասն որոյ ասէցնա Պետրոս . « Արծաթ քո ընդ քեզ լիցի 'ի կորուստ » . զի ոչ որպէս պատշաճ է վարիս դովաւ : Ոչ են բանքս անիծանողի . այլ կամ խրատողի՝ իբրու ասել 'ի բաց կորուսջիր զայդպիսի չար կամեց հանդերձ արծաթովք , կամ մարդարեւութեան զհանդերձելոցն նմա գուշակողի , զի երկիցէ : « Զի զպարզեանսն այ համարեցար , ասէ , ընչիւք ստանալ » , փոքր խորհելով այդպէս յազգս ձրիցն այ : Տես զնոսա յամենայնի մաքուրս յընչից . զի և մեք ուսցուք թէ չկարեմք ընչիւք աշխարհի ըստանալ զպարզեանսն այ : Եւ բարիք պարզե կոչէ , զի ոչ արծաթով բաշխի : Եւ զի բնաւ իսկ , ասէ , ակն կալար մարդկային գոլ զիրս զայս՝ որ ոչ է այնպիսի , սմին վասն զքեզ հանդերձ որովք իբրև զքեզ արծաթով ընտրիլ բռնազբօսեն , խտտեալ 'ի բաց վարէ Հոգին սուրբ ասելով . « Ոչ գոյ քեզ մասն և վիճակ 'ի բանիդ յայդմիկ » : Այլ տես , զի որ յազգս մեծամեծացն փոքր խորհի , կրկին մեղանչէ 'ի մեծամեծսն՝ և յսծայինսն ամբարշտելով և զանձն վնասելով որպէս Սիմոն մոգ . զի թէ պարզմտութեան էր մատչելն նորա , թերևս ընդունէին զյօժարութի նորա : Այլ զինչ . « Սիրտ քո , ասէ , ոչ է ուղիղ առաջի այ » :

Տեսանես, զի 'ի չարութի զամենայն ինչ գործէր, և մանաւանդ զի պարտ էր առ նոսա յատակ և պարզամիտ գոլ. այլ զի կրկին էր չարն, երկու իրս հրամայէ նմա:

« Եւ պաշտուեալ դու, ասէ, 'ի չար խորհրդոցդ քոց յայդցանէ, և ազալեալ զտէր՝ թերևս թողու թիւն լիցի քեզ 'ի մեղմելս խորհրդոց սրտի քո: Տես զի չարիս ինչ մտածէր. սմին վասն զոր ինչ 'ի մտածութի նորա էր, զայն 'ի մէջ բերէ զոր նա զանխլանալ կարծէր: Զի զնոյն և Քս առնէր նմա յորժամ մատչէր առ նա յաշակերտութի իբրև զմի 'ի դպրաց: Եւ զի գիտէր զնա Պետրոս առանց ուղղութե, ասէր՝ թերևս թողու թիւն լիցի քեզ 'ի նենգաւոր խորհրդոց սրտիդ և 'ի դառն կապանաց արծաթսիրութեդ՝ յորում կապեալ կաշկանդեալ կաս դու: « Թերևս, ասէ, թողու թիւն լիցի քեզ: Զայս ասաց ոչ թէ զի ոչ լինէր նմա թողութի՝ թէ ապաշխարէր արտասուօք, այլ զի երկիւղ արկցէ նմա. որպէս Գանիէլ ասէր ց՝ Նաբուքոդոնոսոր. « Զմեղս քո ողորմութի քաւես շիր, թերևս երկայնամիտ լիցի 'ի վերայ յանցանաց քոց նձ: « Քան զի է այս իսկ սովորութի մարգարէիցն, իբրև թէ հրաժարել և լքանել իմն և ասել հաւաստի, թէ զայս ինչ արասցես՝ թողութի լիցի քեզ: Եւ զայս առնեն է երբէք՝ զի առ անհաւատսն, զի մի առանց պատճառի թուիցի պատուհասն որ առ նոսա լիցի. որպէս այն՝ թէ զի մի դարձցին և թողցի նոցա: Եւ է դարձեալ իբրև յաջ ըմբռնելով, զի երկուցեալն ինքնին խնդրեսցէ հնարս փրկութեան. որպէս այն՝ թէ երեք աւուրք և Նինուէ կործանեսցի: Նոյնպէս և սմա արկանէ երկիւղ:

« Քանզի 'ի դառնութի մաղձի և 'ի կնճիռն անիրաւութե, ասէ, տեսանեմ զքեզ: « Բազում ցասմամբ լի է յանդիմանութիս. զազգի ազգի և զպէսպէս կախարդութիս չարեացն՝ յորոց միջի վարակեալ կայր, այսու ապացուցիւք խայտառակելով: Ապա այսպիսի դժնդակ գոլով նորա ընդէր ոչ սպան զնա որպէս զԱնանիա և զՍափիրա: Ասեմ, զի որպէս 'ի հնումն որ զփայտն քաղէր՝ սպանաւ առ յայլոցն ողջախոհութի՝ և այլ ոչ ևս որ կրեաց զնոյն, նմանապէս

և այժմ՝ Եւ այլ ազգ. ոչ սպան կամ տանջեաց զնա, զի մի հաւատն 'ի հարկէ լինիցի. այլ խտտագոյնս յանդիմանեաց, զի մի իրքն փոքր կամ առանց խզճի գոլ թուիցի: Գարձեալ զի տեղի կամէր տալ նմա ապաշխարելոյ. և ահա շատ բաւական է առ 'ի խրատ ուղղութե՛ յանդիմանելն և ասել զօր ինչ 'ի սիրտն մ' թերեալ չար խորհուրդք իցեն:

Մեծ էր և խոստովանելն ինքնին թէ ընդ պատժովք ըմբռնեալ եղև. և մեղադիր լինելն անձին իւրում. քանզի ասաց մոգն. « Աղաչեցէք դուք վասն իմ զտէր, զի մի ինչ եկեացէ 'ի վերայ իմ յորոց դուք ասացէք »: Այս բանք խոստովանողի են զխաւանսն. և զայս առ 'ի մաքրումն իւր ասէր իրր թէ զըջացեալ այլ պարտ էր 'ի խորոց սրտէ լալ և ողբալ, թերևս քաւեսցի: Բայց տես զնա պիղծ գոլով ամենայնիւ հանդերձ մոգութեն, և 'ի տուռնս շարեաց կապեալ անլոյծ հանգուցիւք: Զի յորժամ յանդիմանեցաւ, հաւատաց. և յորժամ դարձեալ յանդիմանեցաւ, խոնարհեցաւ՝ կարծելով հնար գոլ զանխաւանալ: Այլ զարհուրեալ 'ի բազմութեն երկեաւ ուրանալ զայսանեալ չարիսն իւր. և այն զի կարէր ասել թէ ոչ զիտէի, այլ պարզմտութի արարի. այլ զարհուրէր, զի յառաջագոյն նշանօքն ըմբռնեալ եղև. և զարձեալ զի զչար խորհուրդս նորա յայտնապէս ձաղեաց: Վասն այնորիկ ընդ երկար գնայր փախտական 'ի Հռոմ, կարծելով ոչ հասանել անդր առաքելոցն:

« Այլ նոցա եղեալ վկայութի խօսեցան զբանն նյ և դարձան յերուսաղէմ »: Վկայութի եղին վասն նորա. թերևս զի մի դարձեալ պատրեալք խաբէութի նորա լիցին, այլ զպուշանալ 'ի նմանէ և կալ հաստատուն յաւանդեալ վարդապետութեն նյ զոր աւետարանեցին: Այլ ընդէր արդեօք դարձան յերուսաղէմ: Վայելչապէս. անդ գնային՝ ուր բռնութի չարեացն էր, ուր մանաւանդ էին սպանողքն. որպէս 'ի պատերազմունս զօրավարքն առնեն, զբռնամարտիկ տեղի ինչ և դժուարակախ հմտագունից քաջամարտ կացն՝ տալով: « Եւ 'ի բազում գեօղս սամարացւոցն

1 Միւսն փառամարգարէն:

աւետարանէին » : Տես զի և ճանապարհք նոցա ոչ էին դատարկ , այլ մանաւանդ գործովք զբազումս փրկելով . և ոչ ինչ վայրապար երբէք առնէին :

ԲԱՐՈՅԱԿԱՆ

Օ ի և մեք ուսցուք մի 'ի սնտախ ծախել զփոքր ժամանակս : Զի բազումք որ ունին գեօղս և ազարակս , հնարին թէ որպէս բազանիս կամ գինեվաճառս շինեսցեն և զչափսն բազմացուցեն , կամ շիրիմս և ապարանս կանգնեսցեն : Այլ թէ որպէս զհոգիս իւրեանցայոցն շահեսցին՝ ոչ է փոյթ , կամ զի եկեղեցի շինեսցեն 'ի փառս ւնյ և 'ի զգուշութի երկրագործ մշակացն որ յազարակսն : Ասան որոյ փութալ խրատ տամ ստացուածաւորացն յազարակս իւրեանց եկեղեցիս շինել և քահանայ կարգել . զի աղօթիւք և գոհութիւ պարսպեսցին վայրքն և արարք և արմտիքն , և յիշատակ բարեացն կանգնողին յերկարաձգեսցին մինչև 'ի գալուստն տեառն : Եւ մեծ է մասն վարձուցնորա , զի զթագաւորն երկնից 'ի ձեռն եկեղեցւոյն 'ի սուռն իւր ընդունի :

ՃԱՌԻ ԻՆՆԵԻՏԱՄՆԵՐՈՐԴ

« **Պ**ՐԵՇՏԱԿ տեառն խօսեցաւ առ Փիլիպպոս և ասէ. արի և զնա դու ընդ կողմն հարաւոյ ընդ ճանապարհ՝ որ իջանէ յերուսաղէմէ՝ ՚ի Գազա, զի այս է անապատ. և յարեաւ և զնաց » : Ինձ թուի յառաքելոցն և ոչ յեթմանց գոլ զսա . քանզի յերուսաղէմէ՝ ՚ի հարաւ զնացեալ լինի, այլ ոչ՝ ՚ի հիւսիս : Իսկ ՚ի Սամարիոյ՝ ՚ի Գազա ոչ ընդ հարաւ պարտ էր գնալ . զի այս է, ասէ, անապատ . զի մի երկնչիցի ՚ի շրէիցն բռնուէ : Եւ նա ոչ եհարց թէ վասն էր . այլ յարեաւ և զնաց : « Եւ ահաւասիկ այր մի եթովպացի ներքինի, հզօր՝ Կանդակայ տիկնոջ եթովպացւոց » : Քանզի անդանօր՝ ՚ի հնուսն կանայք թագաւորէին . և այս իսկ առ նոսա օրէն էր : Եւ ներքինին, որ էր ՚ի վերայ ամենայն դանձուց նորա, եկեալ էր երկիր պագանեւ յերուսաղէմ : Մեծ էր գովու թի սորա . զի եթովպացի գոլով և ՚ի կռամով քաղաքի բնակելով և յոյժ ՚ի մեծութե գոլով եկեալ լինէր ՚ի տօնն երկիր պագանեւ յերուսաղէմ :

ԵՓԲ . **Մ**ԵՂՆԱՄԱՆ է՝ թէ վասն այնորիկ եկն, զի ընկալաւ նա կարգաւ ՚ի տուչութէ դչխոյին հարաւոյ՝ որ եկն երկիր պագանեւ ՚ի տաճարին յաւուրս Սղոմօնի :

ՈՍԿ . « **Ղ**Ե էր անդրէն դարձեալ և նստեալ ՚ի կառս իւր ընթեռնոյր զմարգարէն զԵսայի » : Բարեոք այր հզօր ասաց զսա՝ զքաջութի անձինն նշանակեալ . զի ահա յեթովպիա գնալով, և այնչափ ճանապարհի հոգօք և իրօք պաշարեալ, այնչափ փութոյ պընդութեամբ նստեալ ՚ի կառս իւր ընթեռնոյր զմարգարէն :

ԿԻԻԲ . « **Ղ**Ե է շողին ցփիլիպպոս . մատիւր և յարեաց ՚ի կառսդ » : Եւ որպէս ասէր շողին . մտածութի թերեւս ՚ի նմա արկանելով, և ՚ի միտս նորա խօ-

սի : Ոչ լեզուաւ և բանիւք որպէս առ մեզ կատարի , այլ զՀանդերձելոցն գիտութի զօրէն լուսոյ 'ի միտս և 'ի սիրտս պայծառացուցեալ , որպէս ինքն միայն գիտէ և նոքա ընդ որս խօսէր : «Մատիր , ասէ , և յարեաց 'ի կառսդ » : Եւ ընդէր ոչ ներքինւոյն երևէր հրեշտակն և ածէր զնա առ Փիլիպպոս , այլ զսա առ նա ածէր : Զի թերևս ոչ հաւանէր այրն անծանօթ գուլ . այլ և զարհուրէր ևս : Սմին վասն և յերուսաղէմ ոչ յայտնեցաւ կամ ետես զնա Փիլիպպոս , զի չէր օգուտ նմա տեսանել զառաքեալսն հալածեալս վասն տակաւին տկարամիտ գուլոյն :

« Եւ ընթացեալ Փիլիպպոսի լէր՝ զի ընթեռնոյր զԵսայի մարգարէ » : Ընթանալովն ցուցանէր թէ ասել ինչ կամիցի : « Եւ ասէ . գիտիցես արդեօք զոր ընթեռնուցուսդ » : Տես զմեծանձնութիւն նորա . ոչ նախատեաց զնա և ոչ ասաց թէ տգէտես և ես ուսուցից զքեզ . և ոչ զինքենէ ասաց թէ զայդոսիկ ես ստուգապէս գիտեմ : Եւ դարձեալ ոչ մեծարելով և գովելով զնա ասաց՝ թէ երանի է քեզ , զի զանձային գիրս ընթեռնուս . այլ 'ի յանդգնութէ և 'ի մարդահաճութէ ազատեալ արար զբանն : Զի և մանաւանդ տնօրինաբար և մարդասիրագոյն արար զայն . զի նմա որ ընթեռնոյն՝ պարտ էր հայցել 'ի սմանէ և փափագել փրկութե իւրոյ 'ի ձեռս նորա : Այլ սա միայն երևեցոյց զանձն իւր , և պատճառս տալով հոգաբարձօրէն ասաց ցնա . գիտիցես արդեօք զոր ընթեռնուցուսդ : Եւ միանգամայն հարցանելովն ցուցանէ բազում գանձս՝ ներկայեալ 'ի բանն :

Այլ բարեօք և ներքինին ոչ հաւանեցաւ 'ի ձեռն Փիլիպպոսի , և ոչ ասաց ցնա թէ դու ո՞վ ես . ոչ պարտաւեաց զնա , և ոչ ինքն ամբարհաւածեաց կամ ասաց գիտել զբանն . այլ ցածուք ասաց . « Զիարդ կարիցեմ գիտել , թէ ոչ որ առաջնորդեսցէ ինձ » : Տես զերկիւղածութիւն , զի և ոչ գիտելովն ընթեռնուս . ապա յետ ընթեռնելոյն և քննէ ևս . վասն որոյ և ուսաւ : Զիարդ կարիցեմ , ասէ : Եցոյց զանգիտութե վերն բժշկին . իմացաւ թէ գիտէ զայնոսիկ և կամի ուսու-

1 Սիւան գանձն երկուքու :

ցանել . ետես զնորա հեզու թին և զանփքացու թին , զի ոչ պայծառագոյն յանձին ունէր ձև . և այնպէս էր գրասէր ¹ և բանիցն միտ դնէր . և զոր ասաց Քո՛ թէ որ ինդրէ առնու , առ սմա լցեալ կատարէր :

«Եւ աղաչեաց զՓիլիպպոս ելանել նստել ընդ նմա» : Ապա թէ ասիցէ որ , թէ Փիլիպպոսի պարտ էր ստիպել և յորդորել զնա , ասացուք՝ թէ ոչ գիտէր զինչ պէտս ունէր ներքինին , և ամենևին թէ զինչ հանդերձեալ էր ասել ընդ նմա . այլ կարծէր պարզաբար զմարգարէութիւն ընդունել և ընթեռնուլ զնա : Բայց մեծապէս պատուեաց զնա ներքինին . զի ոչ հրամայեաց նմա կամ ասաց լոկ , այլ աղաչեաց զնա ելանել նստել առ նմա : « Եւ գլուխ զրոցն զոր ընթեռնոյր , էր այս . իբրև զոչխար ՚ի սպանդ վարեցաւ , և իբրև զորջ առաջի կտրչի իւրոյ անմուռնչ կայ , այնպէս ոչ բանայ զբերան իւր . առ խոնարհութեան նորա դատաստան նորա բարձաւ . և զաղգատոհմն նորա ո՛ պատմեսցէ , զի բառնան յերկրէ կեանք նորա » : Եւ այս իսկ նորին իմաստասիրութեան էր , զմարգարէս զայս ունել ՚ի ձեռին՝ որ բարձրագոյն էր քան զայլսն :

«Պատասխանի ետ ներքինին Փիլիպպոսի և ասէ ցնա . աղաչեմ զքեզ , վասն ո՞յր ասէ մարգարէն զայս . վասն իւր եթէ վասն այլոյ ուրուք » : Հայեաց ընդ համեստութի նորա , զի ոչ նախ բարբառեալ եղև առ Փիլիպպոս մինչև ՚ի նմանէ հարցեալ եղև : Այլ և ոչ նա իսկոյն ձեռնարկեաց պատմել նմա մինչև ետես զյօժարութի նորա : Զի նախ աղաչեաց նստել առ նմա , և այժմ աղաչէ ասելով՝ վասն ո՞յր ասէ մարգարէն զայս՝ ամենևին ցուցանէ զինքն գիտել թէ այլ ազգ , և յաղագս այլոց ասեն մարգարէքն , և յաղագս անձանց իւրեանց յայլ դէմն խօսին : Տես զի յոյժ խորհրդաբար հարցանէ զայս : Արդ ամաչեսցուք և տնանկք և մեծատունք ՚ի ճշմարտասէր բարուցն շտեմարանապետին :

«Երաց Փիլիպպոս զբերան իւր , և սկսեալ ՚ի գրոցս յայսցանէ աւետարանեաց նմա զՔո՛» : Այ պարզաբար և հարևանցի ինչ պատմեաց նմա , այլ հեզաբար և

1 Միան ևրուէր :

բազում յօժարութիւնս եւ տես թէ որպէս անօրինեալ լինէր. նախ ընթեռնուլ և ոչ խմանալ. ապա և զայն և ս զվկայութի՛ ուր էր չարչարանքն և յարութիւն և պարգևքն :

«Իբրև երթային զճանապարհայն, եկին 'ի ջուրինս. ասէ ներքինին. ահաւասիկ ջուր, զի՛նչ արգելու զիս 'ի մկրտելոյ » : Տես զնորա ստուգազոյն յօժարութիւնս. զի դարձեալ հայցէ ասելով, ահա ջուր՝ զի՛նչ արգելու զիս 'ի մկրտելոյ : Յամօթ լիցին հեղգացեալքն 'ի մկրտութենէ : Բայց տես դարձեալ զհեզութի՛ նորա և զպատկառկոտութի՛. զի ոչ ասաց թէ մկրտեա զիս, բայց և ոչ լռեաց. այլ 'ի մէջ ցանկուածն և պատկառանացն բարբառի ասելով ահա ջուր, զի՛նչ արգելու զիս :

«Լսէ ցնա Փիլիպպոս. եթէ հաւատաս բոլորովսրբաիւ բով, մարթ է. և նա ասէ. հաւատամ եթէ Յօֆօ է Որդի անս : Տեսանէս զի զաւանդութի՛ հաւատոցն կատարեալ ունէր, և փութով խոստովան լինէր : Քանզի մարգարէն Եսայի զամ ինչ ունէր յինքեան՝ զմարմնանալն Քօի և զչարչարէն, զյարութիւն, զհամ բարձումն, զհանդերձեալ դատաստանն. և մի ըստ միջէ ուսաւ 'ի գրոցս յայսցանէ : Ուստի թէ բազում ցանկութիւն ցուցանէ, մի սքանչանար :

«Եւ հրամայեաց կացուցանել զկառանս » : Համանգամայն ասաց զբանն հաւատոյ, և հրամայեաց կացուցանել նախ քան թէ լսել ինչ : «Եւ իջին երկօքին 'ի ջուրն՝ Փիլիպպոս և ներքինին, և մկրտեաց զնա. և իբրև ել 'ի ջրոյ անտի, Հոգին սուրբ եկն 'ի վերայ ներքինոյն » : Վայելապէս. զի անձային ցուցեալ լիցի որ ինչ եղևն, զի մի կարծեսցէ թէ մարդկային իբր եղևն առ նմա 'ի ձեռն Փիլիպպոսի. այլ զի յայտ լիցի թէ յայ առաքեցաւ Փիլիպպոս 'ի փրկութիւնս նորա. և Հոգւոյն էր գործն :

ԵՓՐ . Ս ամն որոյ իբրև ել նա յաւազանէ անտի մկրտութե՛, բնակեցաւ անդէն 'ի վերայնորա Հոգին զօրութե՛ գործոց. զի գործովք Հոգւոյն զոր 'ի Հնդկկրս գործէր, հաւատարիմ լիցի խաչն ամաչեցեալ զոր քարոզէր : «Եւ հրեշտակ տեառն յափշտակեաց զՓիլիպպոս, և ոչ և ս ետես զնա ներքինին » : Իսկ 'ի հին

օրինակս մեկնութեանս՝ Հոգի տեառն յափշտակեաց, ասէ, զՓիլիպպոս: Եւ բազում անգամ կրկնէ զՀոգին. ինձ թուի թէ զի յայտ առնել կամի՝ թէ յափշտակել հրեշտակին զՓիլիպպոս անտեսաբար եղև ՚ի ներքինւոյն, զի մի թանձր կերպարանօք երեւեալ հրեշտակն, որպէս բազմաց մարդակերպ, կարծեսցէ ներքինին մարդ դոլ զնա:

ՈՍԿ. « Եւ էր վասն վաղվաղակի վերացոյց զնա Հոգին: Զի որ ինչ եղև, սքանչելի ցուցցի. և վայելչապէս. ոչ առ կամ վերացոյց, այլ յափշտակեաց, ասէ. որ է յանկարծակի իմն. զի մի աղաչեսցէ զնա ներքինին ընդ նմա երթալ, և ոչ յանձն առնլով նմա՝ տրտմեսցի. քանզի շէր ժամ զհետ նորա գնալոյ: « Եւ զնայր զճանապարհս իւր ուրախու թի՛ր: Զի թէ կացեալ մնացեալ էր անդէն, ՚ի հեղզու թէ լինէր ամբաստանեալ. այլ երթայր ուրախու թի՛ր. յայտ է՝ զի թէ ոչ յառաջագէտ էր ամենայն բարութեցն եղելոց առնա, թերևս ոչ այնպէս հեշտացեալ ցնծայր. նա զի և ոչ ինչ արդելոյր զնա զամենայն ինչ ստուգագոյն ուսանել մինչդեռ ՚ի կառսն անդ էին: Այլ և ցուցանէ թէ տրտմեալ լինէր, եթէ էր զիտացեալ զբաժանին Փիլիպպոսի. այլ բազում խնդութի՛ր զգածեալ և Հոգւոյն արժանացեալ՝ զյափշտակին Փիլիպպոսի ոչ տեսանէր յուրախութեանն: »

« Բայց Փիլիպպոս գտաւ յԱզովտոս: Աստ ցուցանէ հեռի բացարձակութի՛ն ճանապարհի գնացեալ նորա, մինչ զի յԱզովտոս, ասէ, գտեալ եղև. քանզի անդ եղ զնա Հոգին, ուր այնուհետև աւետարանել պարտ էր: Այլ մեծամեծս այսու Փիլիպպոս շահեցաւ. քանզի զոր լուեալ էր վասն Ամբակումայ և Եղեկիելի, զնոյն առ ինքն ետես սքանչելիս: « Եւ շրջեալ աւետարանէր ամենայն քաղաքացն մինչև ՚ի դալ նորա ՚ի Կեսարիա: Բայց տես զհրեշտակս յօդնականութի՛ն հասեալ քարոզութեան. զի թէպէտ ինքեանք ոչ քարոզէին, այլ վաշակերտսն յորդորէին: Սքանչելի իմն և աստուստ ցուցեալ լինի. զի որ ինչ ՚ի հնումն հազիւ միոյ ուրուք ՚ի հեթանոսաց լինէր հաւատալ, աստանօք յոյժ առատութի՛ր յաճախէր. զի ահաւասիկ զայլազգիս վաղվաղակի ածեն ՚ի հաւատս յամօթ և ՚ի կշտամբանս Հրէից յամառկոտաց:

« Իսկ Սօղոս տակաւին լցեալ սպառնալեօք և ըս-
պանմամբ աշակերտացն տեառն » : Արժանապէս ա-
սաց աւետարանիչս կանխաւ վասն նախանձուն Պաւ-
ղոսի . և ցուցանէ թէ տակաւին սաստիկ յանդգնու-
թիւն 'ի նոյն յարձակի . և ոչ և ս յազեալ սպանմամբն
Ստեփաննոսի և ոչ շատացեալ հալածմամբ եկեղե-
ցւոյն յերուսաղէմ , որով ցրուեալ սփռեցան ամե-
նեքեան : Եւ յայնժամ լցեալ լինէր առ 'ի տեառնէ
ատացեալն՝ թէ « Եկեսցէ ժամանակ , զի որ սպանա-
նիցէ 'ի ձէնջ , համարիցի պաշտօն մատուցանելն » :
Եւ արդ սա այնպէս առնէր . և զի ըստ նախանձու-
առնէր , որպէս կարծէր վասն օրինացն մրցել , յայտ-
է . քանզի և յարտաքին քաղաքսն ուր և մնացեալ
իցեն , հասեալ լինէր հալածել զնոսա : Իսկ այլ շրե-
այքն միայն երուսաղէմացւոցն փոյլ թ առնէին . զմի
ինչ դիտելով միայն , զի պատիւ յամենեցունց կալցին
ինքեանք :

ԵՓԲ . Իսկ սա իբրու զի ոչ որ յղեաց զնա , ինքն
դշխեմ կամօք « Մատուցեալ առ քահանայապետն՝
խնդրեաց 'ի նմանէ թուղթս 'ի Դամասկոս առ Ժողօ
վուրդան . որպէս թէ զք դոցէ զայնր ճանապարհի
արս կամ կանայս , կապեալս ածցէ յերուսաղէմ » :

ՈՍԿ . Իչ ընդէր 'ի Դամասկոս երթայր : Զի մեծ
էր քաղաքն և թագաւորական . կասկածէր գուցէ
նախ ըմբռնեսցի յաշակերտացն Քսի , և դժուարա-
դարձն լիցի : Եւ տես զփափաք յօժարութե նորա
թէ զհարդ վասն օրինացն զինէր . զի ոչ մատեաւ առ
իշխանն , այլ առ քահանայապետն . 'ի նմանէ առնու-
ղհամարձակութիւն , զի թէ զոմանս գտցէ որ կարդաս-
ցէ զանունն Յսի , կապեալս ածցէ յերուսաղէմ : Զայ-
նրր ճանապարհի , ասէ . քանզի այսպէս կոչէին յայն-
ժամ զհաւատացեալն 'ի Քս . կամ զուսումն նշանա-
կելով ճանապարհի անուամբն , որպէս Պաւղոս ասէր
թէ վասն ճանապարհին զոր ասեն հերձուած նազօրե-
ցւոց . կամ թերևս վասն զճանապարհն հատանելոյ
անցանելոյ՝ որ յերկինն բերէր : Եւ ընդէր ոչ է առ
իշխանութի անդէն 'ի Դամասկոս պատուհասել զնո-
սա , այլ յերուսաղէմ ածել : Զի անդ բազում իշխա-
նութիւն զայն ինչ գործեսցէ : Եւ տես թէ յորպիսի

տաղնապ արկանէ զանձն իւր ոչ երկնչելով, զի մի գժուարինս ինչ կրեցցէ . նա և զայլս սմանս առ ընդ ինքն: Ա՛յ կարծր խտուածնն . զի զորս և գտցէ, ասէ, զայնր ճանապարհի, կապեալս անցէ յերուսաղէմ . զի յերկար միջոցաւն ամենեցուն զնոսս տեսարանեսցէ: Արդ շրեալքն այսպէս ոչ լինելին փութացեալք . այլ սա և յառաջ իսկ քան զայս ջան ունէր խափանել զառ ՚ի Քն կրօնս . և զոր ինչ նորա ոչ կարացին առնել, նա առնել յամառէր:

ԵՓԲ . Իւ վասն զի քան զքահանայսն և զայլնն նա կարի գառն էր առ եկեղեցիս, ոչ եղև նմա անձ երկայնամիտ մինչև յաճախեցցէ ՚ի հալածանսն, և ապա կոչեցցէ զնա . այլ յառաջ քան զհալածեւն նորա որչափ կամէր եկեղեցւոյ աշակերտ արար զնա:

ՈՍԿ . () ի ընդ երթալն նորա և մերձենալ ՚ի Դամասկոս, յանկարծակի շուրջ զնովաւ փայլատակեաց լոյս յերկնից, և անկեալ յերկիր՝ լուաւ բարբառ որ ասէր ցնա . Սաւուղ Սաւուղ, զի՛ հալածես զիս ո: Եւ ընդէր ոչ ՚ի ներքս ՚ի քաղաքին փայլատակէր լոյսն ըզնովաւ: Զի մի սմանք առ չհաւատալ խաղ առնիցեն . որպէս զձայնն շօր լսելով՝ ասելին որոտումն լինել: Եւ դարձեալ զի մի այլոցն որ ընդ նմա էին՝ հնար լիցի այլ ազգ պատմել . այլ ինքն հաւատարիմ պատմող լիցի իրացն, որ վասն այնորիկ գնացեալ լինէր: Վասն որոյ զնոյն ասէր ցԱզրիպպաս՝ թէ տեսի յերկնից առաւել քան զլուսաւորութի՛ արեգական ծագեալ զինև լոյս: Զի գերազանցութի լուսոյն հարեալ զաչսն՝ գանեաց զսովորական տեսութիւն . զի աչք չափ ունին տեսուեն: Այլ ասի թէ առաւելութիւն այն և խուլս առնէ և անզգայս . բայց զնա կուրացոյց միայն:

ԵՓԲ . Իւրդ լուսոյն զի կուրացոյց՝ երկեցոյց զնա, և երկիւղիւ ահագին փառացն չիջոյց զսրտմտութի նորա, և մեղմ բարբառոյն կակղացոյց զնա . որովք և նա հաւանեցաւ յանձինն ունել . և զի երկեաւ նա արհամարհել զխոնարհութի տեսան մերոյ՝ որ հեղազոյն բարբառոյն երևէր, և զասի հարաւ անարգել զաստիութի նորա՝ որ ՚ի ձեռն սաստիկ լուսոյն շրտոյց զնա: Եւ մինչդեռ յերկիր ընկեցեալ յիմարեալ կայր ոչ յետ բարբառոյն, այլ յառաջ քան զբարբառն

ապշեալ զարմացմամբ թէ ո՞վ յերկնից կուրացոյց զնա, զի ահա Յժ և ոչ 'ի մեռելոց իսկ յարեաւ որպէս և կարծէր նա . այլ իբրև ասաց ցնա ամբաստանելովն՝ Սաւուղ Սաւուղ զի՞ հալածես զիս, զի՞նչ առ յիննն անիրաւեալ առնես զայդ ընդ իս, լքաւ նա 'ի միտս իւր՝ թէ ես վասն տեառն երկնից հալածեմ, և ոչ թէ զայն որ բնակէն յերկինս՝ հալածեմ : Հարցանէ ապա . « Ո՞վ ես, տէր » . առժամայն խոստովանի զինքն ծառայ . Ո՞վ ես դու, տէր, որ յերկնիցդ հալածեալ ես, զի ես զՅժ՝ զայն որ 'ի մեռեալս է՝ աշակերտօքն նորա հալածեմ :

ՈՍԿ . Եւ տէրն ասէ . « Ես եմ Յժ, զոր դուն հալածես » : Մի կարծեր ընդ մարդկան ունել դու մարտ, այլ ընդ նոյն : « Այլ յոտն կաց և մուտ 'ի քաղաքն և պատմեսցի քեզ զի՞նչ քեզ պարտ իցէ առնել » : Տես որպէս ոչ վաղվաղակի զամենայն 'ի վերայ ածէ . այլ նախ կակղացուցանէ զտրամախոհութի նորա և զտրտութի :

ԵՓԲ . Եւ մինչդեռ կայր ապա 'ի դողման վասն անցից նորա որք անցին ընդ նա, և զահի հարեալ երկընչէր թէ գուցէ ոչ յառնիցէ յերկրէն ուր զարկաւն, և լոյսն որ բարձաւ 'ի նմանէ՝ այլ ոչ դառնայցէ 'ի նա, և ատամնակարկաջ՝ կայր 'ի յերերման, գուցէ ունիցին զնա պատիժք պատուհասից մեծ քան զոր ընկալաւն, տայ նմա յոյս քաղցրութե, և զի վերբստին տեսանիցէ :

ՈՍԿ . Ինչոյ ոչ բժշկեաց զնա անդէն 'ի տեղւոջն, ուր կուրացոյց զնա :

ԵՓԲ . Օ՞ի Գամասկոս ամենայն եկեսցէ տեսցէ զնա սոսկալինշանաւն որ եդաւ 'ի նմա :

ՈՍԿ . « Իսկ արքն որք ընդ նմա երթային, կային անշուռնջ . զձայնն միայն լսէին, բայց տեսանէին և ոչինչ » : Զձայնն Պաւղոսի լսէին որ ընդ նմայն էին, զի ասէր՝ թէ ո՞վ ես տէր . այլ ոչ զոր տեսանէին, և թէ ո՞ւմ տայր պատասխանի՝ ոչ գիտէին . քանզի նուաստագունիցն միայն արար զնոսա լսողս : Զի թէ զձայնն զայն լուեալ էին, թերևս զիննէին թերահաւատեալ :

բայց զի Պաւղոս տայր պատասխանի, սքանչանային ։

ԵՓՐ․ Եւ զսաստիկ փայլատակումնն ոչ տեսին, զի մի կուրացիին և նոքա, և եղիցի շփոթու թիւ ։ Եւ զկուրացոյց զՍաւուղ ստուգու թիւ, և ողորմեցաւ նոցա շնորհօք ։

ՈՍԿ․ Եւ վասն զի զթուղթն ՚ի քահանայից անտի նա խնդրեաց և ոչ նոքա. և զի յառաքելու թիւ քարոզու թիւ նա ընտրեցաւ և ոչ նոքա ։

ԵՓՐ․ Սմին վասն յայնժամ և յերրորդ երկինս զնա անքննաբար վերամբառնայր և զանճառելիսն դերարնապէս ։ նմա վարդապետէր. զի մի նուազ ինչ գտցի քան զսիւնան եկեղեցւոյ ՚ի հաւասարու թենէ, ծայրա գոյն պատուոյ առաքելու թիւ ։ Բայց առժամայն դեռ և ս յարեաւ, ասէ, Սողոս յերկրէ անտի, և աչօք բացօք ոչ զոք տեսանէր ։ Գան արբ երկու աչօքն իւրովք, զի յանդգնեցաւ նա հալածել զողջ և զանարատ մարմին եկեղեցւոյ ։ « Զձեռանէ նորա առեալ՝ մուծին ՚ի Գամասկոս ։ Մեծաւ վատթարու թիւ ձգեալ տանէին զնա ՚ի Գամասկոս, ուր դիմեալ երթայր մեծաւ հպարտու թեամբ. ձգեալ տանէին զնա, զայն սր ակն ունէր զայլս ձգել բռնու թիւ. որպէս կապեալ ՚ի ներքս մուծանելով զայն՝ որ զայլս հանդերձեալ էր կապել ։

ՈՍԿ․ Եւ այց տես զո՞ որ արդեօք այնպէս ձգէին. զաւարտին բանսարկուն անօթիցն. զկապեալն Յոն Բոնի և զկապողն ՚ի նոյն զընդհանուրս. զնա իբր ՚ի քաղաքի ուրեք կամ ՚ի մայրաքաղաքի ՚ի Գամասկոս ըմբռնեալ ։ Եւ և որ սքանչելին է, զի նոքա մարտուցեալքն և թշնամիքն Յոնի ՚ի ներքս մուծանէին զնա ամենեցուն տեսանելով ։

ԵՓՐ․ « Եւ էր անդ զերիս աւուրս և ոչ տեսանէր ։ Զի դիտասցէ զնա Գամասկոս և ամենայն շուրջ զնու վաւ՝ եթէ գան արբ և ապա կալաւ յանձին. և ոչ թէ կաշառօք իւիք հրապուրեցաւ նա լուել և դադարել ։

ՈՍԿ․ « Եւ ոչ եկեր և ոչ արբ ։ Բանջի մեղադիր էր անձին իւրում վասն յինքենէ եղելոցն ։ Եւ յաւուրսն յայնստիկ խոստովան լինէր խնդրէր աղօթէր ըզձայր ողբէր աղաւէր զնձ ։ Եւ ապա զի՞նչ ։

ԵՓՐ. Յայտնեցաւ տէր 'ի տեսիլ գիշերի Անանիայի, զի առանց երկիւղի երթիցէ մկրտեացէ զհալածին: Յայտնեցաւ գարձեալ Սաւուղի, զի առանց երկմտութե լրջասցի ընդ առաջ բժշկին իւրոյ:

ԲԱՐՈՅԱԿԱՆ

Այլ ամաչեացուք, որպէս ասացի, 'իներբինւոյն. զի 'ի զօրեղութե գոլով և 'ի փարթամութե և 'ի ճանապարհի, և ոչ մի ինչ խափանէր զնա յընթեռնւոյն զգիրս կամ 'ի լուացմանէ մկրտութե. զի թէ 'ի ճանապարհին այնպէս ժրանայր, զինչ արդեօք էր 'ի տան: Արդ փութաբար ընթերցջիք զգիրս անձային, զի այն իսկ զներբինին պայծառագործեաց. զի ոչ կարօտացաւ նշանաց ինչ, այլ վաղվաղակի հաւատացեալ մկրտեցաւ: Զի որ դք միտ դիցէ մարգարէից, նշանաց ոչ կարօտանայ. վասն այն ասացաւ յօրէնսն՝ թէ «Խօսեսցիս զօրէնսն անձային 'ի ճանապարհի, յանկողնի, 'ի նստել 'ի տան». զի մեծ իմն վճարէ զրոց վերձանութիւն: Ազգ թէ ասիցես թէ և Պաւղոս ոչ ընթեռնոյր զգիրս՝ զի անդ սքանչից պէտք եղէն նմա առ հաւատալ, ասեմ՝ թէ վասն շրէիցն կարծրութե սքանչելեօք կազմեաց զփոփոխումն նորա, որով 'ի ճահ էր զշրեայսն շահել. զոր ըստ կարգի պատմաւետարանիս:

Ճ Ա Ռ Ի Բ Ս Ա Ն Ե Ր Ո Ր Կ

« Եւ էր, ասէ, աշակերտ ոմն ՚ի Դամասկոս, Անանիա անուռն. ասէ ցնա տէր ՚ի տեսլեան. Անանիա. և նա ասէ՝ աւասիկ եմ, տէր: Ասէ ցնա տէր. յոսն կաց և գնա ընդ փողոցն՝ որ կոչի ուղիղ, և խնդրեսցես յապարանսն Յուդայ զՍողոս տարտնացի, զի կայ դեռ յաղօթս »: Բազում նշանակս տայ անձ Անանիայի, զի մարթացէ գտանել զՊաւղոս. որպէս հրեշտակն Կուռնելիու այսպիսի նշանս տայր գտանել ՚ի Յոսպէ զՊետրոս: Արդ ուղիղ փողոցն այսու անուամբ հրեշտակեալ, ամենայն քաղաքացեացն էր գիտելի. և ՚ի կողմ մի փողոցին ապարանքն Յուդայի հրէի միոյ, առ որ մուծին որք ածէինն զՊաւղոս, որպէս առ խաղախորդին մտեալ էր Պետրոս:

ՈՍԿ. Բայց ընդ էր արդեօք ոչ ՚ի մեծամեծաց և ՚ի հաւատարմագունից ձգեաց ած անձ առ հաստատուն հաւանութիւնն և ողորանսն Պաւղոսի: Վայելչապէս. քանզի ոչ էր լինելոց կոչումն նորա ՚ի ձեռն մարդոյ, այլ ՚ի ձեռն նորուն ինքեան Քօթի. զի և Անանիա ոչ ինչ ուսոյց զնա, այլ միայն մկրտեաց. քանզի հանդերձեալ էր նա ընդ մկրտութեն բազում շնորհս Հոգւոյն կրել յանձին ըստ բազում նախանձուն զոր ունէր յանձին և յօժարութեն: Իսկ Անանիա զի ոչ էր ՚ի յոյժ նշանաւորացն, ՚ի կասկածագին պատասխանուոյ նորա յայտ է. զի թէ տեառն ընդդէմ խօսէր, յոյժ մանաւանդ թէ հրեշտակ առ նա առաքէր: Բայց ոչ այսպէս և Փիլիպպոս. զի ոչ նախ լուաւ զոր ինչ լինելոց էր, այլ միայն զհրեշտակն ետես, և ապա Հոգին հրամայեաց նմա յարել ՚ի կառսն. և ոչ դեռ թերևս զամենայն լուաւ:

Բայց ՚ի սմանէ տես թէ որպէս հատանէր անձ զերկիւզն: Մի երկնչիր, ասէ, խոսպանեալ է և աղօթս առնէ: Եւ ոչ ասաց զոր ինչ ուղղութի հանդերձեալ

էր լինել 'ի նմանէ . զմեզ խրատելով , մի պատմել զան-
ձանց ուղղութիւնս : Այլ և երկուցեալ տեսեալ զնա՝
ոչ ասաց թէ մի անհաւատ լինիր , և ոչ ասաց թէ ուսո
կամ՝ ողորեա զնա . զի թէ ասելով թէ աղօթս առնէ ,
և ետես այր մի եղեալ ձեռս 'ի վերայ զի տեսցէ ,
և ոչ այսու հաւանեցոյց , յոյժ մանաւանդ թէ զայն
իսկ ասէր : Այլ զինչ . « Ետես 'ի տեսլեան այր մի Անա-
նիա անուռն . մտեալ և եղեալ ձեռս 'ի վերայ նորա ,
որպէս զի տեսցէ » : Գրեովիր թէ այսպէս ասիցէ , և
ոչ անհաւատ լինի քեզ : Քանզի ետես տեսլեամբ զեր-
թախն քո առ նա , և դնելով զձեռս լուսաւորել . և
վստն այնորիկ տեսլեամբ , զի խաւարեալ էր : Իսկ առ
Պաւղոս այս ինչ եղև , զի հաւատասցէ զնացելոյն առ
նմա Անանիայի . ըստ որում՝ յերազի ետես նախ ազ-
դեցեալ նմա :

« Պատասխանի ետ Անանիա . տէր , լուայ 'ի բազ-
մաց վստն առն այնորիկ որչափ արար չարիս սրբոց
քոց յերուսաղէմ . և ասա ունի իշխանութի 'ի քա-
հանայապետիցն կապել զամենեւեան որք կարդան զա-
նուն քո » : Տես այնչափ զարհուրեալ զաշակերտսն ,
մինչ զի և ոչ եղելոցն առ Պաւղոս սքանչելեացն առա-
ւելութիւն հաւանեցուցանէր զնա : Այսպէս և Մով-
սէս երբեմն երկուցեալ լինէր . ըստ որում և սորա
բանքս ոչ թերահաւատի , այլ երկուցելոյ և հրաժա-
րելոյ են . զի ասէ . « Տէր , լուայ 'ի բազմաց՝ թէ այրն
այն որչափ արար չարիս սրբոց քոց » : Զինչ ասես , ով
մարդ . անձ խօսի ընդ քեզ , և դու յերկուանանս : Տես
զի ոչ դեռ ևս գիտէին վայելչապէս զզօրութիւն Քրի :
Եւ ուստի այս յայտ իցէ . զի զարհուրեալ գոլով
քննէր զիրսն . ոչ թէ իբրև ոչ գիտելով Քրի ասէր
զայս , այլ թէ այսպիսի գոլով առն զիարդ հնար իցէ
առնել զհրամայեալսդ : Քանզի նոքա կան և ասեն ,
ասէ , թէ ոչ ուրուք 'ի հաւատացելոյ Քրի հնար իցէ
կեալ . այնպէս երկուցեալ գողայր . զի ոչ միտ դնէր
ասացելոցն , այլ 'ի լսելն զանուրնն Պաւղոսի յոյժ
տագնապեցաւ երկիւղիւ . մինչ գրեթէ ասել՝ տես
տէր , յոյր ձեռս զիս մատնես . որ աստ վստն այնր ե-
կեալ է , զի կապեցէ զորս կարդան զանուն քո . եր-
կընչիմ գուցէ և զիս յերուսաղէմ տարցի . ընդէր

ընկենուս զիս'ի բերան առիւծուն. բարեոք ունի, թայլ տուր նմա խաւարեալ կալ. թէ ամենեւին կոյր իցէ, ընդէր հրամայես ինձ բանալ զնա, զի դարձեալ կապեսցէ: Զայսոսիկ ասէր զարհուրեալ գոլով:

Ալ յայսմանէ ահա յայտնի լինի արուածի առնն. զի Հրէիցն ասել զայս՝ ոչ էր սքանչելի. այլ սոցա այսպէս երկնչէն մեծագոյն զարուեստս զօրութենն նոյ ցուցանէ, որ զայնպիսի սաստիկն հաւանեցոյց, զոր յայտ առնելով նո՛ւ ասէ. «Երթ դու, զի անօթ ընտիր է նա ինձ կրել զանուն իմ՝ առաջի ազգաց»: Առ աւելելով թէ գոլութենն ելոյժ զերկիւղն վաղվազակի: Մանաւանդ, ասէ, այնքան յօժարագոյն է մերս խորհել, որպէս զի և բազումս վասն այնր հանդերձեալ է չարչարել: Ալ անօթ ընտիր կուէ զնա, ցուցանելով թէ ոչ է բնական նորայն չարութիւն. զի զփորձն և զլաւն կուէմք ընտիր. որպէս և զումանս 'ի չարեաց անօթս ասէ բարկութենն նոյ, և զայլս անօթս ողորմութեն, և զՊաւղոս անօթ ընտիր:

Ի այց գիտելի է, զի ոչ միայն շնորհայն նոյ, այլ և մարդոյն փութոյ պէտք են յարգոյ առնել զընտրութիւնն. զի «Թէ ոք սրբէ զանձն իւր, ասէ, եղիցի անօթ ընտիր և պիտանի տեառն 'ի դործս բարիս պատրաստեալ»: Որպէս զՊաւղոսէ ասէ անօթ ընտիր. զի ոչ միայն հաւատացեալ լինելոց է, ասէ, այլ և վարդապետ. որ և բազում համարձակութիւն վարելով՝ այնչափ աճեցուցանէ զվարդապետութիւն, որչափ յառաջագոյն զարհուրեցուցանէր զբազումս:

Ալ զի անօթ ընտիր ասաց զնա, պահէ զկարգ հետեւմանն, և 'ի կրէլեացն ցուցանէ զարժանաւորութիւնն անօթոյն: «Կրել զանուն իմ, ասէ, առաջի ազգաց և թագաւորաց և որդւոցն խրայելի»: Լուաւ ահա զոր ինչ ախորժէր Անանիա՝ թէ ոչ միայն ոչ կապեսցէ զորս կարդան զանուն իմ, այլ մանաւանդ ինքն կարդալով և կրելով զանուն իմ ընդդէմ կայցէ Հրէից և ազգաց և թագաւորաց: «Զի ես ցուցից նմա որչափ պարտ է նմա չարչարել վճ առնուան իմոյ»: Թերևս յորժամ ազալէր 'ի բաց առնել զսատանն, և լուաւ՝ թէ «Շատ են քեզ շնորհք իմ, զի զօրութի իմ'ի տկարութեն կատարի»: Ի այց թուի թէ և առ Անա-

Նիա նախատական է բանս՝ թէ նա իսկ զամ կրեացէ վասն իմ, որ այնչափ մոլեալն էր. իսկ դու և մկրտել ոչ կամիս զնա . մի երկնչիր, զի բացմամբն ոչ հակառակ ձեր յառնէ, այլ վասն ձեր լիցի՝ ի տագնասոյ մը տեալ :

Յայտմանէ համարձակու թի առեալ, « Գնաց Անա նիա և եմուտ յապարանսն, եղեալ ձեռս ի վերայ նորա և ասէ . Սաւուղ եղբայր, ի վեր հայեաց . տեր առաքեաց զիս առ քեզ, Յո որ երևեցաւ քեզ ի ճանապարհին յորում գայիր. որպէս զի տեսցես և լըցցիս Հոգւով սրբով : Վաղվաղակի ընտանեցուցանէ զնա անուամբն Յոթի : « Յո, ասէ, որ երևեցաւն քեզ : Եւ մանաւանդ զյս ոչ ասաց նմա Քո, այլ ի Հոգւոյն ուսաւ : Եւ ոչ ասաց՝ թէ Յո որ խաւարեցոյցն զքեզ . և ոչ թէ Յո Որդին այ խաչեալն՝ որ նշանս առնէր : Եւլ երևեալն քեզ, ասէ . ի նորա ծանօթիրացն հաստատէ զբանսն : Նա զի և ոչ Քո յաւելինչ առ Պաւղոս յայցանէ, և ոչ ասաց թէ ես եմ Յո որ ի խաչելի և յարեայ, այլ թէ զոր դուդ հալածես : Բայց ոչ ասէ Անանիա թէ հալածեալն ի բէն, զի մի թուիցի այսպանել ինչնախատելով . այլ երևեալն քեզ, ասէ : Եւ սակայն ոչ երևեցաւ, այլ ի ձեռն իրացն երևեալ եղև :

Այլ վաղվաղակի կամելով ի բաց բառնալ զնախատինսն, ի վերայ էած . « Որպէս զի տեսցես և լըցցիս Հոգւով սրբով : Յայտ արար թէ ոչ եկն՝ զի յանդիւմանեսցէ զեղեալն, այլ զի տացէ զպարգևն, այսինքն զՀոգին : Եւ ինձ թուի զի և Պաւղոս, որպէս կուռնելիեանքն, ընդ ասել բանիս՝ Հոգւոյն սրբոյ եղև հաղորդեալ . և մանաւանդ զի աստ որ տայրն Անանիա, ոչ էր մեծ : Վասն զի ոչ ինչ էր մարդկային որ լինէր, և ոչ ի ձեռն մարդոյ . այլ անձ էր մերձ՝ որ առնէրն զայն : Համանգամայն և խրատէ զնա խոնարհել : Ոչ ածէ զնա առ սքանչելի առաքեալսն . զի ցուցցէ՝ թէ ոչ ինչ էր մարդկային աստանօր, սակայն Հոգւով լի եղև, այնու Հոգւով որ զնշանսն առնէ . զի և այնպէս հաւատք նորա ցուցեալ լիցի : Բայց սքանչելիս ինչ գեռ ևս ոչ առնէր :

« Այլ վաղվաղակի անկան յաչաց նորա իբրև կեղև

ւանք. ետես և յարեալ մկրտեցաւ: Ոմանք ասեն, թէ քան զայն ինչ արար նշան խաւարման, ընդէր իսկ ոչ խփեաց զաչս նորա: Ասեմ՝ թէ վասն զի այն հրաշափառագոյն էր բաց գօլով աչացն ոչինչ տեսանել մինչև զանունն Յսի կարգալով առ նմա Անանիա լուսաւորեաց զնա և մկրտեաց: «Եւ առեալ կերակուր, ասէ, զօրացաւ:» Զի տկարացեալ էր ՚ի Նանապարհէն, յերկիւղէն, ՚ի սովոյն զերիս աւուրս, ՚ի տրտմութիւն. զի կամելով անձ աճեցուցանել զտրտմութիւն նորա կուրացոյց զնա յառաջ քան զգայն նորա. և զի մի կարծիցէ տեսիլ ինչ զխաւարումն, սմին վասն իբրև կեղևանք թափեալ լինէին: «Եւ եղև ՚ի Գամասկոս աւուրս ինչ ընդ աշակերտսն. և վաղվաղակի ՚ի ժողովուրդսն քարոզեաց զՔս՝ թէ սա է Որդին անջ:» Արդ տես զօրանչելիսն. ոչ կարօտացաւ այլոց վարդապետութեան, այլ սպատակումն եղև նմա վարդապետութիւն:

ԵՓԲ. Եւ այն որ դիմեալ էր թայր խառնել զաշակերտսն աւետարանին, դտաւ նա խառնիչ հալածչաց աւետարանին. զի ասէր նա՝ թէ Որդին անջ է Յսն այն, զորմէ դուք կարծէք թէ ՚ի դժոխս է: Եւ քարոզեաց զանձութիւն նորա և զմարդեղութիւն միանգամայն լուղաց և անհաւատից:

ՈՍԿ. Եւ տես զփոյթն. զի վաղվաղակի, ասէ, քարոզէր և վարդապետէր ՚ի ժողովսն. և ՚ի սկզբան անդ զմահ իսկ յանձն առնոյր՝ առ սպանմունսս սպտրաստելով: Տեսանէս որպիսի հաստատուն նշանն եղև. և այս իսկ զամենեւեան զարհուրեցուցանէր: «Զարմանային անքն որք լսէին, և ասէին ոչ սա է որ աւարն հարկանէր զայնոսիկ՝ որ կարգային զանունն Յսի. և այսր նմին իրի եկեալ էր, զի կապեալ զսոսա տարցի յերուսաղէմ առ քահանայատէտսն:» Տես զի ՚ի թերահաւատութիւն եկեալ լինէին վասն քարոզութեան նորա: Ո՛վ յիմարութեն. զի ոչ միայն սքանչանալ պարտ էր, այլ և երկիր պագանել Քսի և պաշտել՝ որ զնայն փոփոխեաց իսկոյն: Զի ոչ պարզաբար հալածիչ էր, այլ և աւար հարկանէր զաշակերտսն Յսի. և ՚ի յոյժ թշնամութիւն և ոչ զանուն նորա լսել յանձն առնոյր: Եւ որ մեծն է քան զայս, զի և անգանսօր վասն այսօրիկ եկեալ իսկ էր. և ոչ ունէին ասել՝ թէ յառաջա-

գոյն հաղորդեալ էր իւրք ինչ ընդ առաքեալսն : Տե-
սանեն թէ որքան իրօք յայտնի է զի թշնամի էր :

« Եւ Սողոս առաւել ևս զօրանայր և յաղթահա-
րէր զշրեայսն որ բնակեալ էին 'ի Դամասկոս , և խե-
լամտեցուցանէր թէ սա է Քոնն : Տես ոչ միայն ոչ լի-
նէր ամաչեցեալ կամ ծածկեալ զերեսս , այլ առաւել
զօրացեալ լինէր և յաղթահարէր զշրեայսն . այսինքն
իբրև օրէնսդէտ գոլով խնոյր զբերանս այնոցիկ՝ որ
հակառակէինն . և ոչ թողոյր ասել ինչ , հաստատե-
լով թէ նա է Քոնն : Իսկ նոքա երկուցեալ և ամաչե-
ցեալ լինէին ասել թէ դու էիր որ աւարէիր զուսում-
նըդ զայդ , արդ ընդէր փոխեցար : Զի ամաչէին և
առ ինքեանս խորհէին՝ զի մի ասիցէ թէ այս իսկ փո-
փոխումնս իմ բաւական էր զձեզ ուսուցանել առ 'ի
ճանաչել զգորուծի այնր՝ որ զիս փոփոխեացն :

Իսկ զհաւանեալսն խելամտեցուցանէր . այսինքն
հեզուծիք ուսուցանելով և հաստատելով թէ նա է
Քոնն : Եւ զի կեղծաւորէին շրեայքն ազատիլ 'ի մե-
ղադրուծէ յոչ լսելն քարոզուծեն , և այնպիսի կար-
ծեօք մոլեգնէին 'ի վերայ Ստեփաննոսի , ահաւասիկ
գտին զսա ընդդէմ ինքեանց ուժգնագոյն մանաւանդ
քան զՍտեփաննոս : Եւ արդ զի՞նչ հաւասար գտցի
այսմ ուրախուծէ , որ յաղագս տրտմուծեն որ վասն
Ստեփաննոսի միսիծարուծի եղև 'գալուստն Պաւղո-
սի . որով ամենեքեան զուարթանային , մանաւանդ զի
այսպիսի օրինակաւ եղև գալուստ նորա :

Եւ թէ ընդէր 'ի սկզբանն ոչ եղև այս՝ այլ յետոյ
ուրեմն , վայելապէս . զի ցուցեալ լիցի թէ Ճմար-
տապէս յարեաւ Քոնն , զի որ հալածէրն զնա և ոչ հա-
ւատայր յարուցեալ զնա , ուստի արդեօք հաւատա-
ցեալ եղև , եթէ ոչ բազում էր զօրուծիւն յարու-
ցելոյն : Արդ համարեսցուք թէ աշակերտքն Քոնի
չնօրհս ինչ առնեն Քոնի , զիարդ և զայս առ սմա որ
կարծիցէ : Վասն այնօրիկ ոչ վաղվաղակի կոչեաց զնա ,
զի յայտնի լիցի սորին սատերազմն ընդ Քոնի : Զի որ
այնպէս մոլեալ էր զի արիւն արդար հեղլով և 'ի բանտ
արկանելով և հայհոյելով և զՔոնիսն հալածելով ոչ
շատացաւ , այլ պարտ գոլ վարկաւ ուժգնապէս ևս
մարանչել ընդ հաւատացեալսն , մինչ զի առ քահա-
նայապետն մատուցեալ 'ի մեծամեծ վիշտս զանձն ըն-

կենսոյր, սորա հաւատալն յանկարծակի մեծ էր և ըս-
քանչև լի :

Ապա թէ որ 'ի հարկէ բռնադատեալ ասիցէ զիրսն,
ասեմ' թէ և Եղիմաս զնոյն կրեաց, ընդէր ոչ փոխե-
ցաւ : Եւ դարձեալ զինչ ահաւորագոյն քան զշարժում
նրն որ առ յարութեն զղինուորսն տագնապեցոյց, և
զայլ նշանսն որ եղեն, և տեսանելով ևս զնա յարու-
ցեալ . բայց ոչ կամեցան օգտել : Անդէր ոչ և Հրեայքն
հաւատացին լսելով զեղեալսն որ առ սա, որոց յայա-
նի էր Ճմարտութիւն . քանզի և ոչ իսկ լինէր նա փո-
խադրեալ առանց այսմիկ :

Արդ հարցանեմ զՀրեայսն . ուստի, ասա ինձ, փո-
խադրեցաւ Պաւղոս . այն որ այնչափ նշանք եղեն յա-
ռաջագոյն, և ոչ փոխադրեցաւ : Նորին վարդապետն
փոխադրեալ հաւատաց, և նա ոչ փոխեցաւ : Արդ ո՞վ
որ զսա ոչ միայն հաւանեցոյց, այլ և յանկարծակի
այնչափ արկ 'ի նմա յօժարութիւն, մինչ զի և 'ի գեհենն
ցանկայր գնալ վասն սիրոյն Քթի . ոչ ահա յայսմանէ
յայտնի է իրացն Ճմարտութիւն, զի անձային իսկ էր առ
նա գործն վճարեալ : Վասն որոյ և որպէս այլոցն
պարտ է հաւատալ, որ քարոզեցին զյարութիւն Քթի,
ոչ ինչ նուազ և սմա՛ որ յանկարծակի փոխեցաւ :

Այլ զի հաւաստի լիցի թէ եղեալքն առ նա ոչ բրո-
նադատութիւն էր հարկեցուցիչ, այլ վարժողական օրի-
նակ հաւանութե՛, տեսցուք և զայլս օգտեալս, զոմանս
առանց նշանի և զայլս նշանօք . որպէս սամարացւոց
գաւառքն, որոց հաւատալն ոչ փոքր ինչ ուրախութիւն
էր ընդդէմ յայնմ ժամու տրտմութե՛ : Այլ ներքի-
նին հնդիկ զինչ նշանս տեսեալ հաւատաց, ընդ որ
սքանչանալ արժան է Ճմարտապէս . զի զՔթ ոչ ետես
և ոչ զայլ ինչ նշանս, այլ մանաւանդ զերուսաղէմա-
ցիսն դեռ ևս պայծառացեալս ետես օրինօքն : Աւստի
ապա եկն յայնչափ խոհեմութիւն . զի ահա աւազակն
նշանս ետես, և մոզքն զաստղն . իսկ սա ոչ ինչ այսպի-
սի, և ոչ կարօտացաւ նշանաց առ փրկութիւն : Ապա-
քէն 'ի գրոց ստուգութե՛ ընթեռնելոյն :

Այլ զիարդ, Պաւղոս ոչ ընթեռնոյր զօրէնսն : Այլ
տնօրինաբար Պաւղոս այսպէս փոխեցաւ, կամելով
Քթի ամենայն ուստեք շահել զՀրեայսն . որք թէ միտս
ուսնէին, քան զամենայն նշանսն որ եղեն 'ի ձեռն ա-

ուաքելոցն՝ բաւական էր շահեցուցանել զնոսա բերելն զնա՝ ՚ի հաւատոս : Այլ տես ահա յետ առաքելոցն և զանձ արեալ նշանս առ ՚ի հաւատալ նոցա . զի յետ առաջնոց սքանչիցն որ առ կաղն՝ ՚ի բանտ արկին զառաքելական , ուր և անձ իսկ առնէր նշանս . և այն էր հանելն զնոսա ՚ի բանտէն : Երկրորդ նշան ցուցանելն զինքն Ստեփաննոսի Երրորդ նշան ածելն զՓիլիպպոս առ ներքինին : Չորրորդ նշան ձգելն զՊաւղոս առ ինքն . այլ ոչ կամեցան նոքա օգտել : Այլ տեսցուք դարձեալ թէ զիարդ Պաւղոս պատուով կոչի , և զայլս ներքինին . զի աստանօր Պաւղոսի երևի Քս վասն կարծրութեն թերևս , զի ոչ արդեօք հաւանէր առանց այսորիկ :

ԵՓԲ . Արդ իբրև խռովեաց նա զԴամասկոս աւետարանաւն զոր սկսաւ նա քարոզել անդ , խռովեցաւ ամենայն Դամասկոս ընդդէմ նորա :

ՈՍԿ . « Այլ իբրև կատարէին աւուրք բազումք , խորհեցան շրեայքն սպանանել զնա » : Առ ունակացեալ չարարուեստութիւնն իւրեանց եկեալ լինէին դարձեալ շրեայքն . ոչ տակաւին զրպարտողք և սուտ վկայք խնդրելով , այլ ինքեանք ըստ ինքեանց զխորհուրդն իւրեանց կատարեն . քանզի տեսին զաւետարանն տարածեալ , վասն որոյ և ոչ ևս դատաստանն ստուցանեն :

« Այստնեցաւ Սողոսի նենդութիւնոցա . քանզի պահէին զգրունան ՚ի տուէ և ՚ի գիշերի , զի սպանցեն զնա » : Քանզի այս իսկ անհանդուրժելի էր նոցա և ծանր թուէր քան զյառաջագոյն եղեալ նշանն զամենայն . և քան զհինգ հազարացն և զերեք հազարացն սորայն փոփոխումն խոցոտէր զնոսա : Այլ տես զնա առ ժամայն ոչ չնորհիւ կեցեալ , այլ մարդկային իմաստութիւն . և ոչ այնքիւք որովք այլ առաքեալքն , զի և յայսմիկ իմասցիս զառնն զօրութի փայլեալ առանց չնորհաց նշանի :

ԵՓԲ . Արդ զի մի խափանեցի նա ՚ի ձեռն մահուն իւրոյ ՚ի քարոզութեանտի՝ որում կարօտեալ էր նա , խորհեցաւ նա իջանել ընդ պարիսպն . ոչ զի երթիցէ նա ՚ի քաղաքս հեթանոսաց ուր ընդունէին զնա , այլ յերուսաղէմ՝ որ աւելի քան զԴամասկոս սպառնայր նմա : « Եւ առեալ զնա աշակերտացն ՚ի գիշերի ընդ

պարիսպն կախեալ իջուցին վանդակաւ » : որպէս զի առանց կասկածանաց իրքն լինիցին :

ՈՍԿ. Եւ զիարդ. յայնպիսի վշտաց ճողոպրել փախ չի արդեօք : Ոչ. այլ զնացեալ լինի անդ՝ ուր մեծապէս թերևս զնոսա բորբոքէ, քանզի ստուգապէս հաւատացեալ էր. բայց զի անհաւատալի թուէր այս, վասն այնորիկ յետ բազում աւուրց լինի այս : Եւ զի վայել էր նմա առժամայն ոչ կամել ելանել անտի, բազմաց թերևս աղաչելով զնա, այլ քանզի իմացաւ զոր ինչ խորհելինն, յայնժամ յորդորեաց զաշակերտան զի իջուսցեն զնա : Տես զի և աշակերտս ունէր վաղվազակի. զի չէր կարօտ յումեքէ ուսանիլ, այլ ուսուցանել : Վասն սորին իրաց և զրէ իսկ՝ թէ « Ազգապետն Արեւոյ արքային պահէր զբաղաքն դամասկացոց ունել զիս, և կախեցայ վանդակաւ և փախեայ » :

Եւ թէ որ ասիցէ թէ ընդէր եղև փախուցեալ, ասեմք՝ թէ ոչ էր իրքն զանգիտութե, այլ պահէր զանձն վասն քարոզութե. զի թէ զանգիտեալ էր, ոչ յերուսաղէմ էր եկեալ, և ոչ վաղվազակի զվարդապետութիւն յանձն առեալ. այլ թողացուցեալ էր արդեօք զուժանութիւն, խրատեալ թերևս կրիւքն Ստեփաննոսի : Նա և այս իսկ տնօրինական էր, զի ոչ ինչ մեծ վարկանէր զմեռանիլն փութով վասն մեծագոյն շահի քարոզութեն : Այլ և հանդերձ բազում շահիւք զբազումս փրկելով, զճողոպրելն գիտելով առնէր զայն : Եւ այնչափ փոյթ էր այրն, մինչ զի և զՔն ոչ տեսանել կամելով, զոր և այնչափ սիրէր և յաւետ քան զամենայն փութայր տեսանել, այլ զայս առնէր՝ քանզի դեռ ոչ էր աւարտեալ նմա որ առ մարդկան էր տնօրէնութիւն : Զի թէ յետ այնչափ ժամանակաց ոչ կամէր լուծանել, այլ ասէր՝ թէ կալ մնալ ՚ի մարմնի կարևոր ևս է վասն ձեր, յոյժ մանաւանդ ՚ի սկզբան վաճառականութեն մինչդեռ այն ինչ ելեալ էր ՚ի նաւահանգստէն :

Եւ որ բազում ինչ որպէս ասացի և մարդկային հանձարով լինել թոյլ տայր Քն, զի ուսանիցիմք թէ մարդիկ էին. և ոչ յամենայնի շնորհացն էր իրքն. և եթէ ոչ էր այսպէս, ապա իբրև զծառս էին պարզաբար անշարժք. այլ բազում ինչ և ինքեանք տնօրինէին մարդկեղէն հնարիւք : Եւ այս ոչ է նուազ քան զմար-

տիրոսութիւն, յոչ և միոյ իրաց հրաժարել վասն բազմաց փրկութեւն :

Եւ յառաջ զաշակերտն որ պատմէ՝ ոչ պատուասիրարար պայծառացուցանելով զՊաւղոս, զի միայն զնա արձակեցին և ոչ զայլ որ ընդ նմա . և այս յոյժ պատշաճապէս, զի երևեալ լիցի նա առաքելոցն որ յերուսողէմ էին : Արդ նորա արձակեցին զնա իբրև պարտգոյով նմա փախտեամբն գտանել փրկութիւն . իսկ նա զներհակն առնէր, առ մոլեալսն մանաւանդ դիմելով . այս իսկ է տապանալ և Քոթի սիրովն վերստին ետալ : Յառաջնմէ իսկ օրէ ծանեալ զամենայն պատուիրեալսն զոր լուան առաքելքն ՚ի տեառնէ . « Զի եթէ ոչ որ բարձրէ զխաչն և եկեացէ զհետ իմ, չէ ինձ արժանի » : Եւ զհեղգագոյն գալն նորա քան զայլ առաքելսն առաւել յօժարագոյն արար զնա . զի « Որում բազում թողուցու, ասէ, առաւել սիրեացէ » : Զի որչափ յետոյ եկն, այնչափ յոլովագոյն սիրեաց, մինչ զի յառաջին ամին դարանս լինէր արարեալ նմա :

ԲԱՐՈՅԱԿԱՆ

Վ, մին և մեք նմանեսցուք և զոգիս ՚ի ձեռս առցուք առ ամենայն վիշտս ճգնել, զի զայլս օգտեսցուցուք . զի ոչ այլ ինչ այսպէս ուրախ առնէ զանձ, որպէս ըզբարեգործելն զայլս . ոչ ՚ի բարեկամս և եթ, այլ և ՚ի դրժողս : Զսոյն զայս իսկ արար Քրիստոս, և մեզ ետ պատուէր . թողջիք, ասէ, զոր ինչ ունիք ՚ի սիրտս ձեր զումեքէ յորժամ յաղօթս կայցէք, ոչ եօթնիցս և եթ, այլ եօթանասնիցս եօթն անգամ . որպէս և ինքն արար ՚ի խաչին, շայր՝ թող դոցա ասելով : Եւ ոչ այսչափ և եթ, այլ և բարիս գործեսցուք առ կարօտս, և մի զաղքատութի պատճառեսցուք . զի կինն որ արկ զերկուս լուծայսն, դատապարտէ զմեզ : Այլ ինչ գոյ ցրտագոյն թէ բրիստոնեայն զայլս ոչ կեցուցանէ . զի ո՞ որ աղքատ քան զՊետրոս . թէ ծառայ իցես, և Ռնեսիմոս . թէ հիւանդոտ ես, և Տիմոթէոս . մի պատճառեր սնոտիս . զի որ զանձին և եթ հոգայ, ոչ կարէ ապրիլ : Լուր զճառս յիմար կուսիցն, և որ զարծածն թագոյց . զի ոչ վասն վատթար գործոց, այլ զի ոչ բարեգործեցին՝ դատապարտեցան :

ՀԱՌԻ ԲՍԱՆԵՐՈՐԴ ԱՌԱՋՆԵՐՈՐԴ

«**Ի**ՐԻԵՒ ԵԿՆ Սօղոս յերուսաղէմ, ընդ ելանէր յարել յաշակերտսն» : Արժան է աստանօր տարակուսել թէ զիարդ ասէ 'ի դաղատացոց թղթին՝ թէ ոչ ելի յերուսաղէմ առ որ յառաջագոյն քան զիս առաքեալքն էին, այլ չոգայ յԱրարիա և դարձեալ դարձայ 'ի Գամասկոս, և յետ երից ամաց ելի յերուսաղէմ տեսանել զՊետրոս : Եւ աստանօր կանխաւ ասէ՝ թէ ել յերուսաղէմ : Եւ անդ ասէ՝ թէ զայլ որ յառաքելոցն ոչ տեսի, բայց միայն զՅակոբոս . և աստ ասէ՝ թէ Բառնարաս ած զնա առ առաքեալսն : Նախ զայս ասասցուք՝ թէ այժմ՝ ոչ զուսանելոյ ինչ յառաքելոցն նշանակէ գնալով առ նոսա, այլ զդարձն և զհաւատսն իւր ցուցանելոյ : Եւ զի ետես զտէր և 'ի նմանէ կոչեցաւ, և ապա ոչ ինչ ընդերկարեալ անդ վասն հակառակութեւ շրէիցն, այլ գնացեալ անտի և մինչև յերիս ամս աւետարանեալ՝ ապա ելանէ յերուսաղէմ, միայն զի տեսցէ զՊետրոս . այլ ոչ եթէ ուսանել ինչ 'ի նմանէ, զոր և անդ գնոյն ասէ՝ թէ ոչ գնացի զի ուսայց ինչ կամ վերադրեալ եղէց : Կամ թէ զայս ելանելս անդ ոչ ասէ, այլ թողու . որպէս զի լինել յսպէս, թէ գնացեալ յԱրարիա՝ ապա եկն 'ի Գամասկոս, ապա յերուսաղէմ . կամ թէ որպէս բազում ուրեք համառօտեն սլատմագիրք զբազում ժամանակս 'ի միասին ժողովելով :

«**Ա**յլ իբրև եկն, ասէ, ընդ ելանէր յարել յաշակերտսն» : Տեսարդ զաշակերտն զՂուկաս թէ որպէս ոչ է պատուասէր . զի և ոչ զտեսիլն զայն ահագին պատմէ մեզ յորժամ յափշտակեցաւ Պաւղոս և զան ճառելիսն լուաւ, այլ թոյլ տայ : Տես և զՊաւղոսի չափաւորութիւն . զի իբրև եկն, ոչ առ առաքեալսն չոգաւ, այլ փութայր առ աշակերտսն, ոչ անամօթաբար մատուցեալ, այլ պարկեշտաբար ամփոփեալ յաշա-

կերտացն օրինակին . զի աշակերտք ամենեքեան կու-
չեցեալ էին յայնժամ վասն բազում առաքինութե .
և զի պատկերն և օրինակն յայտնի աշակերտաց էր ,
որ յանուն վարդապետին խօսէին և գործէին զամե-
նայն ինչ : Առ որս փութայր , ասէ , յարեւցածութիւն
իրբև աշակերտ զոլով որ վարդապետն էր . և վասն
անակնունելի իրացն տակաւին չէր կարծեցեալ հա-
ւատարիմ :

« Եւ ամենեքեան երկնսէին 'ի նմանէ » : Տեսանէս
զիւրդ տակաւին երկուցեալ լինէին 'ի վշտացն , զի
տելով զյանդգնութի առնն . յայսմանէ ահարկութի
և եռանդնօտ սիրան Պաւղոսի յայտնի լինի : Այլ
նանիայէ միայն կամ որոց 'ի Գամասկոս՝ սքանչա-
ցեալ էին ընդ նմա , այլ առաւել յայնցանէ որ յերու-
սաղէմ՝ զարհուրէին 'ի նմանէ . զի ոչ էր իրքն այն ըստ
մարդկային ակնկալութե :

ԵՓԲ . Ըրդ իբրև 'ի Հրէիցն որ անդ էին՝ հալածա-
կան էր նա , և յաշակերտացն որ անդ էին չէր հաւա-
տալի նա , զի չհաւատային , ասէ , թէ իցէ աշակերտ ,
յայնժամ Բառնաբաս՝ որ յերուսաղէմ էին՝ յամե-
նայն ընկերաց իւրոց մատեաւ կալաւ զձեռանէ նորա
և ած առ առաքեալսն :

ՈՍԿ . Եւ թուի զի Բառնաբաս՝ի վերուստ 'ի վաղուց
բարեկամ էր նորա . վասն որոյ նմա և ոչ այլ ումեք 'ի
նոցանէ ասաց ինչ Պաւղոս զիւրոց իրաց . սմին վասն ոչ
նա յայլս վստահանայ , այլ ինքն առեալ ածէ զնա :
Եւ զի քաղցրաբարոյ էր Բառնաբաս , և 'ի Յովհան-
նու իրացն և Ղուկայ վկայելոյն յայտ է : Վասն որոյ և
ոչ եղև երկուցեալ , զի այր փոյթ էր . այլ ած զնա առ
առաքեալսն : « Եւ պատմեաց նոցա որպէս 'ի Ճանա-
պարհին ետես զտէր , և զի խօսեցաւ ընդ նմա , և զի
'ի Գամասկոս համարձակեցաւ յանունն Յիսուսի » :
Այսօրիւք Բառնաբաս կազմէ զնորա հաւատարմու-
թիւն . ուստի և գիւրահուպ եղև առ նոսա Պաւղոս :

« Եւ երբնոց նոսա մտանել և ելանել յերուսաղէմ ,
համարձակեալ յանուն տեառն » : Բանզի աշակերտքն
երկուցեալք էին 'ի նմանէ , և առաքեալքն չհաւա-
տային նմա , այսու լուծանէ զերկիւղ նոցա՝ համար-
ձակ քարոզելով զանունն Յի . որով և նմքն իսկ 'ի

սա վստահացեալ լինէին: Եւ տես զփոյթ նորա և անդ ՚ի Գամասկոս և աստ յԵրուսաղէմ զայլսն նախախնամելով և պատրաստելով զալ ՚ի հաւատս. և առ ժամայն ՚ի սկզբանն ոչ միայն անձային տեսչու թի՛ն մատակարարէր զաւետարանն, այլ և իւրով փութով-որով և ցուցեալ իսկ եղև ուժգնու թի՛ն նորա: Զի որպէս ինձ թուի, ոչ ընդ երկարս ինչ առնել նմա ճանապարհս ուրեք յետ կոչմանն, այլ փութով յԵրուսաղէմ հասեալ: Եւ այս տնօրինաբար լինէր, զի նախ անդ քարոզեցէ. ուրեմն և զաւանանու թի՛քն առնա ՚ի Գամասկոս տնօրինաբար լինէր, որով և գալն նորա եղև յԵրուսաղէմ. զի այս ամենայն եղև և տա-կաւին թերահաւատին վասն նորա, զի ոչ ոք այսօրիկ ակն ունէր:

Իսկ նա ոչ զանդիտէր և ոչ դադարէր ՚ի քարոզելոյ. «Այլ խօսէր և վիճէր ընդ Յոյնսն», որք յունական լեզուով խօսէին: Եւ զայս առնէր յոյժ իմաստութիւն. զի բուն խորին երբայեցիքն և ոչ տեսանել անգամ զնա կամեցան. զորս իբրև խառնակաց, նորա խոկային սպանանել զնա: Եւ այս ուժգնութիւն նորա է նշանակ և զօրաւոր յաղիւթութեն, և նոցա յոյժ տրամութիւն, վասն որ ինչ եղև նորին իրացն: Ուստի և երկուցեալ աշակերտացն զի մի լինիցի այն ինչ որ առ Ստեփաննոսիւ, «Վասն որոյ իմացեալ, ասէ, եղբարցն իջուցին զնա ՚ի Կեսարիա, և անտի առաքեցին զնա ՚ի Տարսոն»: Տես զի ոչ ամ չնորհիւ լինի. այլ թոյլ տայր նոցա անձ բազում իրօ տնօրինել իւրեանց իմաստութիւն մարդապէս. զի թէ յիւրում աւուրսն ՚ի Յօի բազում ինչ այսպէս եղև, յոյժ մանաւանդ առ սօքօք զայս առնէ անձ, զի լուծցէ զպատճառս պղերդիցն: Արդ փախուցին զնա մինչև ՚ի Տարսոն իբրև յիւրում հայրենի դաւառ ՚ի զգուշուի նմա, միանգամայն և ՚ի քարոզել նմա մինչև և ՚ի հեռաւորսն:

«Իայց եկեղեցին ընդ ամ հրէաստան և ՚ի Սամարիա և ՚ի Գալիլէա ունէր խաղաղութիւն, շինեալ և երթեալ զհետ երկիւղի տեառն»: Հանդերձեալ ասել, թէ իջեալ Պետրոս յԵրուսաղէմէ չըջել առ ամենեքունիք, զի մի առ երկիւղի զայս կարծիցես առնել Պետրոսի, յառաջագոյն ասէ զայս՝ թէ հրէաստան

ունէր զխաղաղութիւն : Զի յորժամ սաստիկ հալա-
ծումն էր, յերուսաղէմ էր և նա և այլքն . իսկ յոր-
ժամ յամենայնի ամրացեալ և խաղաղացեալ եղեն ե-
կեղեցիքն, յայնժամ թողին զերուսաղէմ : Արդ շքը-
ջեալ լինէր Պետրոս ուժգին զօրութիւն առ ամենեսինս .
զի թէպէտ խաղաղութիւն ունէր եկեղեցին, այլ ՚ի գէպ
կարծէր ոչ ինչ անկարօտանալ գալստեանն նորա :

Վնաց յերուսաղէմէ Պաւղոս, և խաղաղութիւն էր
և ոչ ևս պատերազմ և ոչ խռովութիւնս . քանզի ՚ի
պետրոսեանց պատկառեալ լինէին . մանաւանդ իբ-
րև բազում անգամ և սքանչելիս արարեալ և ժա-
մանակաւ կացեալս առ նոսա : իսկ զՊաւղոս արհա-
մարհէին, այլ և մանաւանդ զայրացեալ լինէին նմա :
Տես որպիսի էր պատերազմն, և վաղվաղակի եղև խա-
ղաղութիւն : Եւ հայեա թէ զինչ մեծագոյն շահ
արար մարտն այն որ առ Ստեփաննոսիւ յառաջմէ .
քանզի սփռեաց ընդ գաւառս գաւառս զարարողսն
խաղաղութեւ, ՚ի Սամարիա՝ որով յամօթ եղև Սի-
մոն . որպէս եղև և ՚ի հրէաստանի իրքն Անանիայ և
Սաիիրայ : Այլ տես զմեծ ջերմութիւն փութոյ աշա-
կերտացն . զի թէպէտ խաղաղութիւն էր յոյժ, այլ
այսու զփոյթ քարոզութեւն ոչ լքանէին : Եւ այնպիսի
էր խաղաղութիւն, որպէս զի միսիթարութիւն Հոգւոյն
սրբոյ լի առնէին զամենեսեան : Քանզի Հոգին սուրբ
միսիթարէր զնոսա ՚ի ձեռն սքանչելեացն և ՚ի ձեռն
գործոցն . և ՚ի վերայ այսոցիկ զիւրաքանչիւր ոք ըստ
ինքեան երկիւղիւնն այ :

«Այլ եղև ՚ի շրջելն Պետրոսի առ ամենեքումբք» :
Իբրև զօրավար երկնաւոր թագաւորին շրջեալ լինէր
՚ի դիտաւորութիւն դասուցն եկեղեցւոյ, տեսանել թէ
որ մասն իցէ սպառազինեալ կամ ներկուռ և դիւ-
րեալ ըստ բարձրագոյն ճանապարհին . կամ որ վայել
չագոյն և գեղեցիկ, կամ որ իցէ որ նորին գալստեանն
կարօտանայ : Տեսանէս զփոյթն առ ամեն շրջելով :
Յառաջագոյն յորժամ պարտ էր ընտրել զառաքեալ-
սըն, սա էր առաջին . և յորժամ հրապարակասուել
առ Հրեայնն որք զնոսա արբեալս ասէին, սա դար-
ձեալ . յորժամ զկաղն բժշկել, յորժամ հանդիսա-
բանել յատենի և առ իշխանան, սա էր յառաջագէմ

քան զայլսն . յորժամ առ Անանիայիւ , յորժամ 'ի ստուերէն նմ չիւանդու թիք բժշկէին , սա էր : Տես և յնմի իսկ , ուր տազնապ լինէր նեղութե և տնօրէնութի խորհրդոց , սա էր : Իսկ ուր խաղաղութիւ եղեն առ նոսա իրքն , նա հասարակաց առ ամենեսեան էր և ոչ պահանջէր առաւել պատիւ : Արդ յորժամ սքանչելիս գործել պարտ էր , նա յառաջեալ լինէր . և աստանօր դարձեալ ապա սա լինէր աշխատեալ նախ և 'ի տառապանս հասեալ :

« Իջեալ լինի և առ սուրբսն որ բնակեալ էին 'ի Ալուգիա » : Տես զի ոչ միայն հաւատացեալք , այլ և սուրբք էին ամենեքեանս : « Եգիտ անդ այր մի , որում անուն էր Էնեա , ու թամեայ դնէր 'ի մահիճս անդամալոյծ » : Եւ յառաջ քան զի սեսն նորա կամաղաչել ասէ ցնա . « Էնեա , բժշկէ զքեզ տէր Յս . արի և քեզէն թօթափեա զանկողինս քո » : Իսկ նա բանիս այսմիկ հաւատացեալ՝ եղև առողջացեալ , և վաղվաղալ : յարեալ Ընդէր ոչ սպասեաց Պետրոս հաւատալոյ առնն , և ոչ եհարց թէ կամիցի բժշկել : Այլ յելլապէս . քանզի մանաւանդ առ 'ի բազմաց փրկութիւն և 'ի միթաբութի եղեն սքանչելիքս զամենեսեան ածելով 'ի հաւատս : Եւ լուր իսկ թէ որչափ շահ եղև :

« Տեսին զնա , ասէ , ամենեքեան որ բնակեալ էին 'ի Ալուգիա և 'ի Սարոնա , որք և դարձան իսկ 'ի տէր » . քանզի նշանաւոր էր այրն և ամենեցուն ծանօթ : Բայց տես և զառաւելութիւն . զի ոչ 'ի ցաւոցն միայն ազատէին , այլ և զառողջութի շնորհէին և զզօրութիւն : Եւ քանզի անդ ցայն ժամ ոչ էր տուեալ զարուեստ զօրուէ , յիրաւի ոչ պահանջէր հաւատս . որպէս և ոչ կաղն պահանջեցաւ յերուօսողէմ : Եւ զի որպէս Քրիստոս 'ի սկիզբն նշանացն ոչ պահանջէր հաւատս յումեքէ , նոյնպէս և ոչ սոքա , և յերուօսողէմ յետ սքանչելեացն զփորձ առնլոյն : Այլ յելլապէս մատուցելոցն հաւատքն յառաջագոյն ցուցեալ լինէր . զի ասէ իսկ՝ թէ « Յանցս ճանապարհաց դնէին զՏիււանդս , զի յանցանէն Պետրոսի գօնէ հօլանի նորա հասցէ ումեք 'ի նոցանէ » : Եւ զայս առնէին , զի անդանօր յերուօսողէմ բազում նշանք եղեն . բայց աստ առաջին այս հանդիպեցաւ . քանզի 'ի նշանաց ոմանք

վասն զայլս առ ինքեանս ՚ի հաւատս կորզելոյ լինէին, և ոմանք վասն հաւատացելոցն մխիթարութե. որպէս և հետագայ կարգ պատմութեանս իսկ յայտ առնէ:

«Եւ ՚ի Յոպպէ էր կին ոմն աշակերտեալ, անուն Տարիթա, որ թարգմանեալ կոչի այժեմնիկ»։ Այլ վարպար ուսուցանէ մեզ Ղուկաս զանուն կնոջն, այլ զի ցուցցէ՝ թէ բերան ունէր, և աչս այնպէս ունէր սրահայեացս և զարթուցեալս որպէս այժեամնս Գանդի բազում անուանք տնօրինարար եղեալ լինէին, որպէս բազում անգամ ասացաք ձեզ: «Սա էր լի բարեօք գործովք»։ ոչ միայն ողորմածութիւն, այլ և բարի գործովք յառաջագոյն, և ապա ողորմածութիւն էր զարդարեալ:

«Եւ եղև յաւուրսն յայնոսիկ հիւանդանալն որա և մեռանէլ»։ Այլ յանկարծակի մեռաւ, այլ հիւանդացաւ. և ոչ կոչեցին զՊետրոս մինչև վախճանեցաւ: Այլ կոծ էր անդանօր և ոչ ողբք. զի տես որպէս մաքուր պատմէ մեզ զիրսն: «Լուացին զնա, ասէ, և եղին ՚ի վերնատանն»։ այսինքն զոր ինչ օրէն է մեռելոյ, արարին զամբ, և ապա առաքեցին:

«Եւ էր մերձ Լիւդիա ՚ի Յոպպէ. աշակերտացն լուեալ թէ Պետրոս անդ է, առաքեցին երկուս արս առ նա. աղաչեցին զի մի դանդաղեցի դալ առ նոսա»։ Ընդ էր սպասեցին մեռանելոյն, և ոչ յառաջքան զմահն աղաչեցին զՊետրոս: Զի անարժան վարկանէին յաղադս այնպիսի իրաց աշխատ առնել զաշակերտսն, և հատուած տալ քարոզութեն. վասն այսօրիկ իսկ և ասէ՝ թէ մերձ է Լիւդիա ՚ի Յոպպէ. զի իբրև վարկաբարազի ինչ զիրսն խնդրէին, և ոչ նախահոգութեամբ. զի վախճանեալ կինն աշակերտուհի էր:

«Եւ յարուցեալ Պետրոս եկն առ նոսա»։ Տեսանէս զի զայլս առաքելով կոչեն, և նա եկեալ եղև. ոչ անարգանս համարեցաւ զկոչելն ՚ի ձեռն երկուց արանց: Այնպիսի դիւրահաւանք և խոնարհք եղիցուք և մեք, մեծ վարդապետութիւն զիտելով զնեղութիւնս: «Եւ իբրև եկն, հանին զնա ՚ի վերնատունն»։ Այլ աղաչեցին, այլ պարզաբար յորդորեցին. զի զփրկութիւն

ի մահուանէն նմա չնորհեացէ : Եւ ՚ի տուն մտեալ լինէր Պետրոս իբրու իմաստասիրելով յիրան : Եւ տեսապա որպիսի օրինակաւ և որչափ աճումն եղև աղաչանացն : « Կացին, ասէ, շուրջ զնովաւ այրիքն ամ. լային և ցուցանէին զձորձս և զհանդերձս որչափ առնէր նոցա այժեմնիկն » : Տես զողորմածութի նորա, որչափ և որպիսի իրի լինի յորդորիչ : Յուցանէին, ասէ, Պետրոսի շուրջ զնովաւ եկեալք, զի բազում էր խոնարհութի նորա. և ոչ որպէս մեք, այլ հաւասարաբար կայր ընդ ամենեսեան :

« Եւ հանեալ արտաքս զամեն Պետրոսի, եղ ծունր, եկաց յաղօթս » : Եւ ընդէր հանէր արտաքս : Զպտուղն բարեաց առ ցոյցս ոչ առնելով, նմանելով ՚ի ձեռն այսորիկ իւրում վարդապետին : Նա զի և լային խակ, զի մի շփոթումն և զբազումն արասցեն արտասուս հեղլով և խոռովելով. զի ուր սքանչելիք իցեն, ոչ է պարտ խոռովել ողբովք, մանաւանդ ուր այսպիսի խորհուրդ լինի կատարել : « Եղ ծունր եկաց յաղօթս » : Նախ ջերմութի և խոնարհութեամբ զաղօթան տարածեալ, « Դարձաւ ՚ի մարմինն և ասէ. Տարիթա, արի կաց յանուն տեառն մերոյ Յոի Գոի : Եւ նա եբաց զաչս իւր. և տեսեալ զՊետրոս, նստաւ կանգուն » : Աստի ուսանիմք թէ ոչ զամ նշանան այնպէս դիւրութի արարեալ լինէին : Եւ այս լինէր վասն նոցին շահու. զի ոչ միայն այլոց փրկութի, այլ և նոցա փոյթ ունէր անձ : Զի ահա որոյ ստուերն զայնչափ բիւրան բժշկէր յերուսաղէմ, այժմ որպէս ոչ երբէք արարեալ այնպիսի ինչ առնէր : Այլ է ուրեք, զի և հաւատք մատուցելոցն գործակից լինի :

Օ այս առաջին մեռեալ յարուցանէ Պետրոս : Եւ տես որպէս զնա իբրև ՚ի քնոյ զարթուցանէ, զոր մանրամասն պատմէ առ սակաւ սակաւ. նախ զկեանս տրուեալ նմա, որով և զաչան եբաց. ապա տեսեալ զնա նստաւ կանգուն : Զայսօտիկ բանիւ : Եւ ապա շոչափմամբ ձեռին զնախկին զօրութիւն ընձեռեալ : « Ձեռն ետ նմա և յարոյց զնա. կոչեաց զորքսն և զայրիան. առաջի կացոյց զնա կենդանի » : Արբոցն ՚ի միտիթարութի, զի առին դարձեալ զքոյրն կենդանի, զի և զմեծ սքանչելիան տեսին. և այրեացն ՚ի պաշտպանութիւն տածողութի :

«Եւ յայտնի եղև այս ընդ ամ Յոպպէ . և հաւատացին բազումք 'ի տէր» : Տես յամ տեղիս լինելով զնշանսն , և զամսն ածելով 'ի հաւատս : «Եւ եղև աւուրս բազումս լինել նմա 'ի Յոպպէ առ ումեմն Սիմոնի խաղախորդի» : Տես զխոնարհամտութիւն և զհեղուութիւն Պետրոսի . զի ոչ առ յարուցեալ կնոջն ագանի , և ոչ առ այլ ոք 'ի նշանաւորաց . այլ առ մշակի ումեմն մօրթեգործի , որ ազգաւ և արուեստիւ ունէր զաղքատութիւն . 'ի ձեռն ամի 'ի խոնարհութիւն ածելով զմեզ և զնոսա : Ոչ զնուաստագոյնսն յամօթ արարեալ , և ոչ զմեծագոյնսն բարձրացուցեալ հրպարտութիւն : Իսկ աւուրս բազումս լինել անդ , զի կարօտանային վարդապետութեան նորա՝ որք նշանօքն հաւատացին :

ԲԱՐՈՅԱԿԱՆ

Եւ լուարուք աղաչեմ , և մի անօգուտ և վնասա կար կոծս և ողբս յարուցանէք 'ի վերայ ննջեցելոց : Առա ինձ , զի թէ մինչ մեք նստեալ իցեմք , և առաքեսցէ թագաւորն և կոչեսցէ զոք 'ի մէնջ առ ինքն , լայլ պարտ է զնա : Ի բաց տար . քանի՛ ևս առաւել այս կոչումն է ահագին և սարսափելի , և օրհնութեց և երգոց արժանաւոր : Զի իբրև զարեգակն մաքուր պայծառութիւն հոգին թողեալ զմարմինն իբրև յասպարիսէ իմեմնէ փութացեալ լինի առ տէր . մանաւանդ նորակնիքն և անմեղութիւն քաղաքավարեալքն , զորս չէ պարտ սգալ , որպէս և ոչ զճնեալսն . զի և այս ծնունդ է քան զայն լաւագոյն , առ այլ ոմն լոյս յառաջ եկեալ : Ապա թէ զմեղօք գնացեալսն ողբասցես , առաւել ևս ես արտասուեցից : Զի թէ ոք քսան ամ 'ի սնոտիս վաստակէր՝ ողբայր , քանի՛ ևս ողբոց արժանի՝ որ զամենայն կեանս 'ի սնոտիս ծախեաց : Այլ թէ կամիմք , կարեմք զայնպիսին 'ի վշտացն 'ի բաց յափշտակել , ազօթս վասն նորա և ողորմութիւն առնելով . շուրջ կացուցուք զայրիս պաղատանս առնել վասն նոցա և հաշտեցուցանել զամժ . զի վասն նոցին աղաչանաց և Պետրոս յարոյց զՏաբիթայն : Ի սոյն և մեք վստահասցուք 'ի չնորհս նոյ , որ է օրհնեալ յախտեանս . ամէն :

ՃԱՌ՝ ՔՍԱՆԵՐՈՐԻ ԵՐԿՐՈՐԻ

«ԱՅՐ մի էր 'ի Կեսարիա, անունն Կուռնելիոս, հարիւրապետ 'ի գնդէն՝ որ կոչէր խալաքի . բարեպաշտօն և երկիւղած յայն» : Այս այս ոչ էր հրեայ և ոչ յայնցանէ՝ որ ընդ օրինօքն էին . այլ նախ ընկալեալ էր զմերս բարեպաշտութի : Եւ տես աստանօր երկուս հաւատացեալս 'ի հեթանոսաց նմանս միմեանց, զներքինին որ վերակացուն էր գանձուցն, և զԿուռնելիոս . զերկաքանչիւրս իշխանութե գոլով : Եւ զիտեա զբազում փոյթն՝ որ լինէր վասն սոցա . և զայն ոչ թէ վասն իշխանութեցն, 'ի բաց տար, այլ բարեգործութեցն . զի վասն այսօրիկ իսկ և զիշխանութիս նոցա եղ Ղուկաս, անդ շտեմարանապետ և աստ հարիւրապետ, զի զարմանալի և մեծ ցուցեալ լիցի նոցա բարեգործութին : Զի սքանչելի այն է, յորժամ 'ի ճոխութե և 'ի զօրեղութե որ իցէ և այնպիսի լինիցի . զի այն իսկ էր ներքինոյն գովութի, զի ճանապարհորդելով յայնչափ հեռաւորութի և ժամուն անձահ գոլով այնմ և կառօք լինելով բերեալ՝ գիրս ընթեռնոյր և զՓիլիպպոս աղաչէր մեկնել, և այն որ զինի : Մեծ էր և սորայս իսկ ողորմութի առնելն և աղօթս հանապազ, և արդար և սուրբ լինել յայն պիսի իշխանութե : Վասն այսօրիկ զայրն ծանօթ և յայտնի առնէ, զի մի որ կարծեսցէ թէ ստէ պատմութիս անձեղէն գրոց :

Աւ տես ուստի լինի սկիզբն կոյման հեթանոսաց . յառնէ բարեպաշտէ և արժանի անց երևեցելոյ 'ի գործոց իւրոց : Զի թէ այս ամենայն եղև և տակաւին գայթակղէին շրեաքն խղճելով 'ի Պետրոսէ, եթէ չէր այսպէս եղեալ՝ զինչ ոչ լինէր : Քանզի նշանաւոր էր այրն և 'ի նշանաւոր քաղաքի բնակեալ . այլ և 'ի հրեաստանէ իրքն սկիզբն առեալ լինի և անտի յամենայն հեթանոսս տարածեալ :

« Ի գնդէն՝ որ կոչէր ի տալական » : Եւ է գունդս այս զոր այժմիկ նու մերոյն կոչեն . այսինքն է թիւ դասու թե : « Բարեպաշտօն էր , ասէ , և երկիւղած յայ » : Գնէ ըստ կարգի զբարեգործութիւնս որա , զի մի կար ծիցես վասն իշխանութեն լինել փութոյն զնմանէ : Լուարուք որք ՚ի զինուորութե էք և մտակացք թա գաւորաց : « Բարեպաշտ էր , ասէ , և արդար և երկիւղած յայ » : Այլ թերեւս ասիցէ որ , թէ հե թանսք գոյով սորա և ներքինւոյն՝ ուստի ընկալան ըղձնմարիտ անձն պաշտել և երկնել ՚ի նմանէ : Ասեմ . կամ զընական գիտութիւն ունէին ամբողջ՝ որ բաւական էր արարածովքս զարարին քարոզել , կամ ՚ի ժամանակաց անտի սքանչելեացն՝ որ ՚ի ձեռն Մովսէսի յեգիպտոս և յառաջ , ՚ի յաճախ զարմանալեացն յայտնի եղև համբաւ հրաշիցն այ , որում և պաշտօն նուիրելին սոքա : Եւ որ մեծագոյն է սորայս , զի ոչ ինքն և եթ գոյով անձապաշտ , այլ ամենայն տամբն իւրով : Այ որպէս մեք որ յայն փութամբ միայն , զի պաշտօնեայքն մեր ահիւ և երկիւղիւ զամենայն ինչ մեզ աւնիցեն . իսկ զի և բարեպաշտք ևս իցեն՝ պրդերգանամք . և զայս ոչ միայն վասն ծառայիցն , այլ և վասն տանց մերոց փրկութեան . այլ նա ամենայն տամբն էր արդար , և որպէս հայր հասարակաց հագայր ընդ ամենեցուն , և զինուորացն և սառնէր փոյթ լինել բարեպաշտս :

« Եւ ողորմութիւն բազումս աւնէր ՚ի ժողովրդեանն » : Գարձեալ և աստ ողորմածութե գովութի , որպէս և անդ վասն Տարիթայն . որով և սա զկեանս իւր ուղղեալ լինէր : « Եւ յաղօթս կայր , ասէ , առ անձամենայն ժամ » : Եւ ոչ կարէր վրիպել զնա յանձնային գործոց աղօթիցն ցնորք աշխարհականք . յայտ է զի մեծ և բազում էր փոյթ նորա ՚ի պարսպումս աղօթից :

« Եւ տես ՚ի տեսլեան յայտնապէս յիններորդ ժամու առուրն զհրեշտակ այ՝ զի մտանէր առ նա և ասէր . Կուսնելի է : Եւ նա հայեցեալ ընդ նա զարհուրեցաւ և ասէ՝ զի է տէր . և ասէ ցնա . աղօթք քո և ողորմութիւնք ելին յիշատակաւ առաջի այ » : Ընդէր տեսանէր զհրեշտակն : Առ ՚ի ստուգութի Պեարոսի .

և մանաւանդ ոչ վասն նորա միայն, այլ և վասն այլոց տկարագունից, եւ ոչ ընդ քուն երևինմա հրեշտակն, այլ յարթնութե ՚ի տուէ յիններորդ ժամու. քանզի և այնպէս էր այրն զգուշացեալ միշտ անձին իւրում. մանաւանդ յայնմ ժամու պարապեալ լինէր ՚ի ցնորից, և էր ՚ի հանդարտութե և յաղօթս և ՚ի զգլման:

« Եւ կոչեաց զնա հրեշտակն և ասէ. Կուռնելիէ, եւ նորա հայեցեալ ՚ի նա զարհուրեցաւ ընդ տեսիլն: « Յայտ առնէ՝ թէ նախ ձայնիւ կոչեաց զնա, և այնպէս ապա ետես. զի թէ չէր կոչեցեալ, և ոչ տեսնէր թերևս: « Եւ ասէ ցնա. աղօթք քո և ողորմութիւնք ելին յիշատակաւ առաջի ւնյ: » Քանզի այսպէս ամենևին յամենեսեան տարածեալ էր համբաւ բարեաց նորա: Իսկ զի՛նչ այն՝ թէ ելին յիշատակօք. այսինքն ելին յիշեցան առաջի ւնյ. քանզի յիշատակին առաջի ւնյ գործք ամենեցուն. ոմանց յիշեցին մեղք հարց նորա առաջի տեառն, որպէս մեծն Բաբելոն յիշեցաւ, ասէ, առաջի ւնյ տալ նմա զբաժակ ցասմանն ւնյ. և ոմանց յիշի գնալն առաջի ւնյ արդարութեամբ, որպէս Եզեկիայն: Եւ այս ՚ի ձեռն հրեշտակաց՝ որք հանեն մատուցանեն առաջի ւնյ զաղօթս սրբոցն. որպէս Ռափայէլ ցՏուրիթ ասէր. « Մատուցի զյիշատակ աղօթիւցըն ձերոց առաջի սրբոցն: »

Ըրդ երևեալ հրեշտակն ոչ վաղվաղակի ասաց Կուռնելիու զոր ինչ ասելոցն էր. այլ նախ վերացոյց առ ւնձ զմիտս նորա, զի տեսլեամբն իւրով յերկիւղ արկ զնա. այլ չափաւ որէր զերկիւղն որչափ զհայցուածս նորա առ ինքն դարձուցանել միայն. և ապա ասացելովքն զերկիւղն ելոյժ և գովութիւն ՚ի համարձակութիւ ած, և ապա ասէ. « Յղեա ՚ի Յոպպէ արս և կոչեա զՍիմոն՝ որ կոչի Պետրոս: » Զայս ասաց զի մի առ այլ դք երթիցեն. բայց ոչ ՚ի մականուանէն միայն, այլ և ՚ի տեղւոյն յայանի առնէր զայրն:

« Եւ մտեալ է, ասէ, առ Սիմոնի ումեմն մշակի, որոյ է տունն մերձ ՚ի ծով: » Տեսանէք թէ որպէս զառանձին տեղեաց քաղաքացն առաքեալքն զհետ երթային, սիրողք անապատի գոլով և հանդարտութե: Այլ զհարդ արդեօք՝ թէ պատահեալ լինէր և այլոյ ուրուք Սիմոնի լինել խաղախորդի. ահաւասիկ տայ

և այլ նշան զառ 'ի ծովուն բնակելն . քանզի այլոյ ուրուք ոչ էր հնար երից նշանացն 'ի միասին լինել : «Արդ կոչեա» ասէ . և ոչ յաւել զքաղցրագոյնն թէ ընդէր , զի մի նորին փափաքն լցեալ լքանիցի . այլ թոյլ ետ նմա 'ի ցանկութի սիրոյ և 'ի կարօտութի լսողութե լինել : Այսպէս և ոչ Պետրոսի ասաց զամենայն զնորայսն . այլ յամենայնի 'ի մասնէ լինին պատմութիւնքն առ նոսա , որպէս զի յարուցանիցէ զլսողսն 'ի խնդիր իրացն : Այսպէս և զՓիլիպպոս կոչէ միայն յանասպտն :

«Այլ իբրև գնաց հրեշտակն որ խօսէր ընդ նմա , կոչեաց յերկուս 'ի ծառայիցն և զինուոր մի բարեպաշտօն 'ի սպասաւորացն իւրոց . և պատմեալ նոցա զամենայն առաքեաց զնոսա 'ի Յոսպէ» : Տեսանէս , զի ոչ վայրապար ասէ զայստսիկ . այլ զի ցուցցէ մեզ՝ թէ որ պաշտէին զնա , այնպիսիք էին : Այլ տես զխոնարհամտութի նորա . զի ոչ ասաց՝ թէ կոչեցէք առ իս զՊետրոս , այլ զամենայն ինչ պատմեաց նոցա . որպէս զի նոքա հաւանեցուսցեն զնա : Եւ զայս իմաստութի և տնօրինաբար առնէ , զի ոչ պարտ և արժան համարի իշխանութի ածել զնա : Սմին վասն զամենայն ինչ պատմէր , զի այնպէս էր այրն չափաւոր . և զի մանաւանդ ոչ ինչ էր մեծ շփանալ 'ի վերայ առն՝ որ իջէ վանեալ էր առ մշակի :

«Այլ 'ի վաղիւ անդր 'ի ճանապարհ անկեալ նոցա և մօտ 'ի քաղաքն լինել» : Այսելլապէս . ընդ մօտէն նոցա յայնժամ Պետրոս զտեսիլն տեսանէր , զի մի ընդ երկար 'ի տարակուսանս կացցէ : «Ել , ասէ , Պետրոս 'ի տանիսն կալ յաղօթս զվեցերորդ ժամուն» : Տես թէ որպէս և զժամն իսկ ստուգիւ հաւաքեալ յօրինէ Հոգին , և ոչ կանուխ քան զայն և ոչ անադան թողացուցանէ լինել . այլ յորումժամու և զսամարուհին քօ կոչեաց յանստուեր և յամենաճառագայթ ժամուն առ 'ի խորհուրդ նորոյ փրկութես , որ կատարելոց էր առ ազգս ամենայն : Իսկ 'ի տանիս ելանելն , զի առանձինն և հանդարտութի լինիցի իբրև 'ի վերնատանն : «Քաղցեաւ և կամէր ճաշակել» : Տես զի և ոչ քաղցնուն յաղօթիցն կասեցոյց ինչ զնա : «Եւ 'ի պատրաստելն նոցա եղև 'ի վերայ նորա զարմացու-

մըն . և տեսանէ զերկինս բացեալ » : Եւ այս մանաւանդ հոգեպէս եղև առ նմա տեսուածի . և որպէս ասիցէ որ՝ թէ՛ ի մարմնոյն հոգին վերացեալ եղև , որով տեսանէ զերկինս բացեալ :

ԵՓՐ . « Եւ զչորեցունց տանոց կախեալ անօթ ինչ իբրև կտաւոյ մեծի իջեալ նստեալ ՚ի վերայ երկրի . յորում էր ամենայն չորքոտանիք և սողունք երկրի և թռչունք երկնից » : Զինչ արդեօք էր այն : Նշանակ էր այն ամենայն տիեզերաց կոչման : Եւ քանզի առաքեաց առ Պետրոս զՎուռնելիոս ՚ի հետանոսաց , ՚ի ձեռն տեսլեանն որ եղև ՚ի վերայ նորա՝ յորդորեաց զի մի անարգեսցէ Շմաւոն և ոչ երթիցէ , մանաւանդ վասն այլոց ևս Հրէիցն զորոց յետոյ պատմելոց է :

ՈՍՎ . Վանզի այրն անթլիատ էր և ոչ ինչ հաղորդութի ունէր ընդ Հրէից . և հանդերձեալ էին ամենեքեան չարախօսել զՊետրոս իբրև զյանցաւոր օրինացն , երևեցաւ նմա ՚ի տեսլեան անօթ մի իբրև ըզկտաւ ինչ մեծ զչորեցունց տանոց կախեալ յերկնից և ՚ի նմա չորքոտանիք սուրբք և անսուրբք :

ԵՓՐ . Երգ կտաւն երևեալ Պետրոսի՝ էր խորհուրդ աւետարանին , զանազան կենդանեօքն զամենայն ազգս զանազան սաշտամամբք յինքն պարունակեալ :

ՈՍՎ . Եւ այլ ազգ . կտաւն երկիր էր , և որ ՚ի նմա էին գազանքն՝ հետանոսք . ՚ի վերուստ կախեալն՝ զի յայ եղեալ են ամենեքեան . իսկ զանազան ազգք անբան կենդանեացն՝ զիւրաքանչիւր բարս և զվարս նշանակէր . զի զբանական միտս զոր առին , յանբանութի շրջեցին : « Եւ եղև ձայն առ նա . արի , Պետրոս , զեն և կեր » : Արի , ասէ . թերևս ՚ի ծունր իջեալ ետես զտեսիլն : « Զեն և կեր » : Ճահողապէս ասացաւ զեն և կեր . զի ՚ի վերայ հասանելն կտաւուն ՚ի նմին իսկ ՚ի ժամ քաղցոյն եղև : Վասն քարոզութեն այսպէս յօրինեալ . զի որ ինչ լինէրն , անձային էր : « Զեն , ասէ , և կեր » . այսինքն թէ զնոսա ևս որպէս զՀրեայս պարտ է քեզ յանձն առնուլ , և յանպիտանութէ առնել պիտանիս և կերակրողականս :

« Եւ Պետրոս ասէ . քաւ լիցի , տէր . զի ոչ երբէք կերայ խառնակ ինչ և անսուրբ » : Բազում աստ երևի յանդգնութի Պետրոսի թէ ընդէր եղև այ ընդդի-

մատուցուի : Այլ զայս առնէր Հոգին , զի մի որ ասիցէ թէ փորձէր զնա անորպէս զԱբրահամն : Վասն այսորիկ Պետրոս խօսեցաւ զայս , և ոչ ընդդիմատիս լինելով . զի ոչ վասն ինքեան՝ որպէս կանխաւ ասացի՝ այս ամենայն եղև , այլ նոցա էր ընդդիմակայ՝ որ ՚ի նմանէ խղճելոցն էին : Եւ տես թէ զիարդ լինի տնօրինեալ . «Ոչ երբէք կերեալ եմ , ասէ , այդպիսի ինչ» . զի ունիցի սրտատախանի առ ամբաստանողսն՝ նախ զտեսիլն , և ապա զի ընդդէմ խօսեցաւ : Եւ ոչ է սքանչելի . զի թէ Պաւղոս յետ այնորիկ անազան ուրեմն թլփատու թէ և զենման կարօտացաւ վասն նոցա , առաւել յայնժամ ՚ի սկզբան քարոզութեն պէտք էին այնպիսի տնօրէնութի մինչ դեռ և ստեղծարարոցն էին և առ Տրէակիանոս ջերմք : Եւ քանզի ՚ի Հեթանոսս առաքեալ լինէր , զի մի կարծիք ինչ տեսիլն թուիցի , և չարախօսեցեն զնմանէ , քաւ լիցի ասաց . « Չայն եղև առ նա կրկին անգամ . զոր անձ սրբեաց , դու մի պիղծ համարիր » : Եւ թուի այս ընդ նմա գոլ ասացեալ . բայց ամենեւին վասն Հրէիցն ասացաւ . զի թէ գլխաւորն և վարդապետն բանադրեալ եղև , զի մի զայն այլ ասիցէ , յոյժ մանաւանդ և նորա : « Այս եղև երիցս , և վերացաւ անօթն յերկինս » : Արդ երիցս կրկնելն՝ թէ զոր անձ սրբեաց , դու մի խառնակ համարիր , մկրտութի կոչումն և դաւանութի Երրորդութեան է :

ԵՒՒՍ . ՄԾ որ մաքրէ՝ Հայր : ԱԾ որ սրբէ՝ Որդի : ԱԾ որ զամենայն անմաքուրսն մաքրէ՝ Հոգին սուրբ : Իսկ ՚ի վերուստ իջանելն անօթոյն և անդրէն վերանալն յայտնի ցուցիչ է սրբութեն՝ որ երիցս խոստովանութեամբն ՚ի սուրբ Երրորդութին եղև ընդհանուր . և որք նախ անմաքուրք էին , սրբեցան և ընդունելիք եղեն այ մինչև յերկրէ յերկինս վերանալ :

ՈՍԿ . Այլ մինչդեռ զարմացեալ էր ընդ միտս Պետրոս՝ թէ զինչ իցէ տեսիլն զոր ետես , ահա արքն առաքեալք ՚ի Կուռնելիէ՝ հարցին զասպարանիցն Սիմոնի . կացին առ դրանն , կոչեցին և հարցանելին՝ թէ Սիմոն որ կոչի Պետրոս՝ աստ մտեալ իցէ : Յորժամ ինքն առ ինքեան տարակուսեալ լինէր Պետրոս , ՚ի գեղ ժամու հասեալ լինէին արքն լուծանելով զտա-

բախուսու թին . քանզի և զՅովսէփ վասն Մարիամու թողացոյց Քս, զի եղիցի զարհուրեալ . և ապա առաքեաց զՏրեշտակն , զի դիւրաւ այնուհետեւ 'ի հոգին ընկալցի զիրացն պատասխանին յառաջագոյն գոլով 'ի տարակուսանս : Բայց Պետրոսի ոչ ընդ երկար լինի տարակուսու թին , զի 'ի նմին իսկ ժամու հարցանէին թէ աստ Պետրոս մտեալ իցէ :

« Աւ մինչդեռ Պետրոս զմտաւ ածեր վասն տեսլեանն , ասէ հոգին ցնա . ահա աստիկ արք ոմանք խոր դրեն զքեզ . այլ արի էջ և երթ ընդ նոսա առանց իրիք խղճելոյ , զի ես առաքեցի զնոսա » : Իարձեալ և այս իսկ պատասխանի է Պետրոսի առ աշակերտն , զի իմասցին՝ թէ տարակուսեալ եղև և խրատեցաւ յնց առանց խղճի լինել : « Ես առաքեցի » ասէ : Բազում և մեծ է իշխանութի հոգւոյն . զի զոր ինչ անձ հայր առնէ , զայն իսկ ասացեալ լինի թէ հոգին արար : Իսկ Տրեշտակն ոչ այսպէս , այլ յառաջագոյն ասաց « Աղօթք քո և ողորմութիք ելին առաջի այ » . զի ցուցցէ՝ թէ անդուստ էր առաքեալ : Այլ հոգին ոչ այսպէս , այլ թէ ես առաքեցի զնոսա : Տեսանէս զմիա կամ զմիապատիւ բնութե հոգւոյն զիշխանութի :

« Աւ իբրև էջ Պետրոս առ նոսա , ասէ . ահա աստիկ ես եմ զոր խնդրէքն » : Այսպէս պարտ է հաւանել հոգւոյն , պարտս և հաւաստիս ոչ պահանջելով . շատ է առ 'ի նմանէ լսելն միայն թէ զայս ինչ արա և այսմ հաւատա . ամենայնին հաւատալ և այլ ինչ աւելի ոչ խնդրել : Իսկ Պետրոս տեսանէ զգինուորսն յոր ժամ էջ և ոչ զարհուրեցաւ . այլ յառաջագոյն խոստովան եղև թէ նա ինքն է զոր խնդրեն : Ապա և հարցանէ իսկ զպատճառն . « Զինչ իբր են վասն որոյ եկիքք » . իբրու կամեցեալ զկամս իւր թագուցանել մինչև նոքա ասացեն զպատճառս կոչմանն :

« Առանելիոս , ասեն , հարիւրապետ այր արդար և երկիւղած վկայեալ յամենայն ազգէն Հրէից , հրաման էառ 'ի հրեշտակէ սրբոյ կոչել զքեզ 'ի տուն իւր և լսել բանս 'ի քէն » : Ասեն զլաւութի առնն զի հաւանեցուցեն թէ հրեշտակ երևեցաւ նմա : Այլ տես , ասեն , և դու , զի արդար և երկիւղած է : Յաւելին և զայս՝ թէ վկայեալ յամենայն ազգէն Հրէ .

ից : Եւ զիւրդ՝ զի նա անթլփատ էր , նոքա վկայէին նմա : Զի ոչ ինչ է ողորմուէ հաւասար . մեծ է սորայս զօրու թի՛ , յորժամ՝ ՚ի մաքուր և յարդար շտեմարանաց հեղեալ լինի . որպէս և սորայն առատաբար լինէր ՚ի ժողովրդեանն . որով և վկայեալ լինէր ՚ի բարեկրելոցն : Տես որչափ է ողորմու թէն զօրու թի՛ , որ զՏաբի թայն և յառժամայն մահուանէն ազատեաց , և զսա՛ի յաւիտենականէն , և զգրուես երկնից երաց . և այնչափ փոյթարար հաւատալ Կուռնելիու , և հրեշտակ երևեցաւ , և Հոգին ներգործեաց , և գլուխ առաքելոցն կոչեցաւ , և տեսիլ այնպիսի երևեցաւ : Արչափ էին այլք ոմանք հարիւրապետք և թագաւորք , և ոչ մի ոք հանդիպեցաւ որոց սա եղև հանդիպեալ :

« Կոչեաց զնոսա ՚ի ներքս և առ իւր ագոյց » : Զի թէ վաղվազակի փութացեալ էր ընդ նոսա ՚ի ճանապարհ ելանել , ապա ոչ ժամանէր հիւրընկալու թի՛ առ իւր ագուցանել : Այլ զայս առնէր , զի ուսանիցիմք թէ վասն այնչափ սաստիկ հրեական զգուշու թէն որ յառաջագոյն՝ այժմ ոչ ինչ հոգայ , կամ դժուարինս համարի ընդ նոսա խառնիլ . այլ ՚ի ներքս ածեալ և հիւրընկալեալ այնուհետև համարձակու թի՛ նոցա տնակից լինի և հետևող :

ԲԱՐՈՅԱԿԱՆ

Այլ դարձեալ հայեաց , զի մեծ է շահ ողորմու թէն յորժամ յիրաւացի շահից իցէ . որպէս աղբիւր յստակ և ցուրտ և բարեհամ հեշտալի է ՚ի տօթ ժամու : Այս աղբիւր խաղայ ՚ի կեանսն յաւիտենից . սա զգեսն հրոյ շիջուցանէ , զորդն անբուն մեռուցանէ . որ զսառնի , ոչ պապակի ՚ի տապոյ գեհենին : Այլ մի առայս աղբիւր փիճիք և ցրդիք և նոճիք տնկեսցուք . զի այսպիսին անպտուղ է , աւելորդ խրախու թի՛ք և հանդերձից փափկու թի՛ք ՚ի տեսանել միայն պատրիչք հեշտասէր աչաց անօգուտք և վնասակարք : Այլ տնկեսցուք ծառս քաջապտուղս ՚ի ձեռս աղքատաց . որոց ոչ ըստ երկրաւոր ծառոց վրիպակք պատահեն , այլ մանաւանդ յետ մահու տացէ քեզ պտուղ զկեանսն յաւիտենից :

ՃԱՌԻ ՔՍԱՆԵՐՈՐԴ ԵՐՐՈՐԴ

«Եւ ՚ի վաղիւ անդր յարուցեալ Պետրոս զնաց ընդ նոսա . և ոմանք յեղբարց անտի որ ՚ի Յոպպէ էին՝ եկին ընդ նմա , և ՚ի վաղիւ անդր մտին ՚ի Վեսարիա» : Բարիոք յառաջագոյն պատուասիրեալ զարսն իբրև զվաստակեալս և իւր ընտանեցուցեալ զայր ընդ նոսա ՚ի կոչն : Իսկ այլոց եղբարցն գալ ընդ նմա տնօրինաբար եղև , որպէս զի վկայք լինիցին յետ այնորիկ յորժամ պարտ իցէ պատասխանատրել Պետրոսի : «Եւ կուռնելիոս մնայր նոցա» : Տես թէ որպէս հաւատաց թէ ստոյգ եկեսցէ Պետրոս . վասն որոյ և զսմ ինչ պատրաստ առնէր՝ մնալով նմա . այնպէս փոյթ էր այրն յսմ բարիս : «Կոչեալ և զազգատոհմն իւր և զկարևոր բարեկամն» : Այս իսկ գործ է բարեկամի անձապաշտի , զի առ այնպիսի բարութիւնս հաղորդս արասցէ զկարևոր բարեկամս : Վայելապէս զնոսա միայն՝ յորս վստահացեալն էր հանապաղ յաղազս այսպիսի իրաց գոլով նմա փոյթ և ջան . զի երկնէր յայլոց ոմանց ընձեռել զիրսն : Բայց տես ինձ աստանօր , զի և սիրելիքն և ազգականքն առ ՚ի նմանէ ընտրեալք էին :

«Եւ եղև ՚ի մտանելն Պետրոսի՝ ընդ առաջ եղև նմա կուռնելիոս , և անկեալ առ ոտս նորա երկիր պագանէր» : Զայս առնէր նա զայլն իրատելով ՚ի նոյն , և զսոյ գոհանալով վասն իրացն , և զխոնարհութի իւր ցուցանելով . զի թէպէտ և հրաման առ կոչել զնա , սակայն անգուստ ՚ի բնէ բազումն էառ բարութիս ՚ի բնութեն : Զի ներքինին միայն աղաչեաց զՓիլիպպոս ելանել նստել ՚ի կառնս , և մանաւանդ ոչ գիտելով որ է , այլ միայն վասն պատմութե մարգարէին զոր կամէր լսել : Իսկ սա ընդ առաջ երթայր և առ ոտս անկանէր , խոնարհամիտ գոլով բարութք :

« Իսկ Պետրոս կանգնեաց զնա և ասէ . յոսն կաց ,

և ես ինքն մարդ եմ : Տեսանես թէ որպէս նախ քան զայլ ինչ առ այս զնոսա խրատէր, ոչ ինչ մեծ յաղագս նորա կարծեւ : « Եւ խօսելով ընդ նմա եմուտ 'ի ներքս » : Եւ զինչ արդեօք էր զոր խօսէրն . զոր ինչ յառաջագոյն Կուռնելիոս արար և զոր ինչ առաջի կայր . 'ի գալն իւր խօսելով եմուտ 'ի ներքս և եգիտ անդ ժողովեալ մարդիկ բազում, զի պատրաստ էին լսել նմա :

« Եւ ասէ ցնոսա . դուք ինքնին գիտէք որպէս անմարթ է առն Տրէի հպել կամ մերձենալ առ այլազգի » : Տես վաղվաղակի յաղագս այ մարդասիրութեն պատմէ, ցուցանելով թէ մեծամեծս չնորհեաց նոցա անձ բարիս՝ նորա գալովն առ նոսա : Եւ նայեաց թէ զիարդ միանգամայն ընդ մեծագոյն բարբառելն և խոնարհեալ լինի . զի ոչ ասաց՝ թէ որք չէիք արժանի հպելոյ մեզ՝ եկաք առ ձեզ . այլ զինչ . դուք գիտէք, ասէ, զի անձ զայս հրամայեաց, անօրէն գոլ մերձենալ Տրէի առ այլազգի : Եւ զի ոչ էր զայս ասելն մնափառութիւն, նոցունց վկայութիւն կնքէ զբանն : Ապա զի մի որ նմա չնորհ ունիցի ընդ այնմ, ցուցանէ անձային միայն հրաման գոլ զգալուստն իւր . այսինքն զի անձ առաքեաց : « Եւ ինձ անձ եցոյց մի զոր խառնակ կամ անսթր ասել 'ի մարդկանէ » : Եւ զի մի թուեսցի բանն առ երեսս Կուռնելիոս ասացեալ, ոչ և զմի որ 'ի մարդկանէ անսուրբ ասել ասաց . յայտ է զի զահաւոր անուամբն այ սրբեալն, որպէս կանխաւ ցուցաք :

« Եւ ասն այսորիկ և առանց ընդ բանս ինչ ածելոյ եկի կոչեցեալ » : Զայս ասէ, զի մի անօրէնութի կարծեսցեն զհպելն 'ի նոսա վասն առաջին բանիցն . զի ըստ այնմ ոչ միայն չյարել, այլ և ոչ գալ բնաւ առ նոսա՝ օրէն էր : « Բայց արդ հարցանեմ, ասէ, յինչ պէտս կոչեցէք զիս » : Եւ զի գիտէր զամ Պետրոս ուսեալ 'ի Հոգւոյն, յայտ է . լուաւ և առ 'ի զինուորացն . բայց կամի յառաջագոյն զնոսա խոստովանեցուցանել, և 'ի նոցին բանիցն զնոսա պարտականս առնել հաւատալոյ : Զինչ ասլա և Կուռնելիոս . ազատեալ ամիւ զբանն 'ի խաբէութիւն և լցեալ խոնարհութիւն, ուստի և յամ կողմանց արժանի անձային իրացն ցուցեալ լինի : Այս ասաց թէ որպէս զինուորքն պատմեցին քեզ . այլ դարձեալ խոնարհութիւն պատմէ զամ :

«Յառաջ քան զչորս աւուրս, ասէ, մինչև ցայս ժամ կայի յաղօթս յինն ժամն 'ի տան իմում, և ահա այր մի եկն եկաց առաջի իմ'ի հանդերձս սպիտակս» : Զինչ է զոր ասէս յիններորդ ժամուն : Ինձ թուի թէ ժամանակս և ժամս սահմանեալ էր նա անձին իւրում աղօթելոյ . այսպէս փութայր յաղօթս ստուգագոյն և բարի վարութ, նա և աւուրս ոմանս . և վասն այսորիկ ասէ . «Սկսեալ յառաջ քան զչորս աւուրս մինչև ցայս ժամ» : Տեսանէս որչափ է աղօթից զօրութի . զի յորժամ աճեաց բնական բարին, յայնժամ հրեշտակն եկեալ երևէր նմա : Իսկ երևումն հրեշտակին թուի ինձ յերկրորդում աւուր աղօթիցն լինել, որպէս զի լինել այսպէս, օր երկրորդ և յերրորդում աւուր առ Պետրոս առաքէր, և 'ի չորրորդումն եկն առ նա : Եւ ոչ ասէ թէ հրեշտակ երևեցաւ ինձ . այլ այր մի . զի այնպէս խոնարհամիտ և առանց պարծանաց էր հոգի նորա : Իսկ պայծառ հանդերձիւք երեւեալ հրեշտակն, զի զկեանս աւետարանէր :

«Եւ ասէ . կուռնելիէ, լսելի եղեն աղօթքքո, և ողորմութիւքքո ելին յիշատակեցան առաջի ւնյ : Եւ արդ յղեա 'ի Յոսպէ և կոչեա զՍիմոն՝ որ կոչեցեալն էր Պետրոս . նա մտեալ է 'ի տուն Սիմոնի խաղախորդի մերձ 'ի ծով . որ եկեսցէ և խօսեսցի ընդ քեզ : Եւ ես իսկ և իսկ յղեցի առ քեզ . և դու բարիոք բարեր զի եկիր . արդ մեք ամբն առաջի ւնյ կամք լսել զամ զոր հրամայեալ է քեզ 'ի տեառնէ» : Տեսանէս զի վասն այնորիկ հարցանէր Պետրոս թէ յինչ պէտս կոչեցէք զիս, զի զբանս զայս ասասցէ նա՝ թէ առաջի ւնյ կամք լսել զամ հրամայեալսն քեզ 'ի տեառնէ : Զի այնչափ մեծ էր նորա հաւատքն և բնական բարին, զի անդէն գիտացեալ թէ ոչ ինչ մարդկային ասաց Պետրոս թէ ամ եցոյց ինձ . ըստ որում և ինքն ասէ՝ թէ առաջի ւնյ կամք լսել, և ոչ առաջի մարդոյ : Եւ այնպէս երկիւղիւ պարտ է ունկնդիր լինել ծառայից ւնյ : Տեսանէք թէ որպէս էր այրն պատշաճ իմաստութիւն զարթուցեալ, և արժանի էր այսմ ամբարեաց : «Եբաց Պետրոս զբերան իւր» . յայտ է զի և լուսութիւն ուսուցանէր :

ԵՓԲ . «Եւ ասէ . ճշմարտութիւն հասեալ եմ, զի ոչ

գոյ ակնառու թի առաջի ան . այլ յամ ազգս որ երկրնսին ՚ի նմանէ և գործեն զարդարութի, ընդունելի է նմա . Զի և ՚ի մէջ հեթանոսաց՝ որ թուէին մեզ թէ անարգ են, և թէ գտանիցի որ որ պաշտէ զնա ճշմարտութի, ընդունելի է առաջի նորա :

ՈՍԿ . Օ սոյն զայս և Պաւղոս ասէ՝ թէ «Փառք և պատիւ անմի որ գործէ զբարի, և թէ հրեայ և և թէ հեթանոս» : Եւ զոր ասէս այս ինչ է, թէ այժմ ան որ որ գործէ զարդարութի, ընդունելի է նմա, և թէ ՚ի Պարսիկս իցէ կամ ՚ի Պարթևս կամ ՚ի Մարս կամ յայլս . ՚ի տարածել և յառատանալ հաւատոյս՝ ընդունելի են նմա : Որպէս զնեքքինին և թովպացի ոչ անտես արար . ապա յաղաքս անծապաշտիցն զիարդասիցէ որ անտես առնել . զի նա ոչ զոր ՚ի բաց մերժէ յիւրմէ . զի թէ զկախարդս ոչ արար անտես և ոչ զաւաղակն և ոչ զպոռնիկն, յոյժ մանաւանդ . որ զարդարութիւն գործեն և կամակից փրկութե իւրեանց լինին ամենեկն :

ՎՅԼ զինչ իցէ, ասեն, և թէ իցեն ոմանք հեղամիտք և հանդարտք և ոչ իցեն կամեցողք բարձրագունիցն, այսինքն ՚ի Քրիստոս հաւատոցն : Աւաղիկ բաւական պատճառ կորստեան է զոր ասեսդ՝ թէ ոչ կամին զբարձրագոյնն : Եւ այլ ազգ . այնպիսոյն հեղամիտ ոչ ասեմք, այլ այնմ՝ որ զարդարութի գործէ և յամենայնի ամբիծ է և առաքինի, և զայ երկիւղն ունիցի որպէս պարտն է . և զայնպիսին ան միայն գիտէ, որոց գովութիւնն ոչ ՚ի մարդկանէ՝ այլ յայ է . որպիսի և կուռնելիոս էր հաճոյ և ընդունելի ան, և ՚ի մի անգամ լրոյն այնպիսի կենայ եհաս : Այլ և այժմ թէ հրեշտակ եկեալ լինէր, ասեն, թերևս այնպէս իւրաքանչիւր որ հաւատայր : Ասեմք, թէ և այժմ յոյժ մեծագոյն նշանք և սքանչելիք լինին և անային յայտնութիւն . բայց ոչ որ զպատանայ . «Որ գործեն զարդարութի» ասէ : Արդարութիւն զամենայն առաքինութիւն ասէ : Եւ տես թէ որպէս ամիտփէ զխորհուրդրս նոցա, զի մի թուիցին իբրու ՚ի կարգէ բազմաց գերազանցեալս գող : Ապա սկսանելով զվարդապետութիւն՝ պահէ զազնուականութի շրէիցն :

«Օ բանն, ասէ, առաքեաց որդւոցն Խորայելի» :

Միթէ անկն առնլով որոց մերձ պատահեցան շրե-
այքն . քաւ լիցի . զի նախ քան զայս ասաց՝ թէ ամե-
նայն որ որ երկնչի 'ի նմանէ և գործէ զարդարու թի,
ընդունելի է նմա : Այլ զի ասելովն 'ի սկզբանն՝
թէ զբանն առաքեաց որդւոցն Խորայելի , նախ զնոսա
հաւանեցուցէ որք 'ի թլփատու թենէ անտի եկեալ
էին ընդ նմա , իբրև պատասխանի առնելով նոցա :
Սմին վասն և զկուռնելիոս հարկ է ասել զոր ինչ կա-
մէր , զի հանդերձեալ էր նոցա իսկ ընձեռել զբանն
քարոզու թեան . վասն որոյ վաղվաղակի ասէ՝ զոր ա-
ռաքեաց որդւոցն Խորայելի : Եւ այսու ետ շրէիցն
զմեծն և զառաջին պատիւն . զոր և Քս ասէր . « Աչ
ուրեք առաքեցայ , եթէ ոչ առ ոչխարս կորուսեալս
տանն Խորայելի » :

Այլ հայեաց 'ի խորագոյն գիտումն ասացելոցս :
« Զբանն , ասէ , առաքեաց աւետարանել խաղաղու թի
'ի ձեռն Յօի Քօի . սա է ամենայնի տէր » : Նախ յա-
ղաքս անսկիզբն ծննդեանն որ 'ի չորէ՝ խօսի , և էա-
կան բնու թեն . ըստ այնմ . « Ի սկզբանէ էր Բանն և
Բանն էր առ անձ , և անձ էր Բանն » . և ապա վասն
տնօրինական կարգացն . ուստի և զնոյն անուանս 'ի
մէջ բերէ , 'ի ձեռն Յօի Քօի : Եւ ցուցանէ զնա զոյգ
և մի տէր ամենեցուն գոլով : Զայսօսիկ յոյժ բարձրա-
պէս խօսի . քանզի առ հոգւոյ բարձրագունի էր բանն
և զամենայն ջերմապէս ընդունողի , և ոչ որպէս շրե-
այքն : Ապա կազմէ թէ որպէս է տէր ամենեցուն :
« Զոր առաքեաց , ասէ , աւետարանելով » : Աչ դատա-
պարտու թի և պարտս ծառայաբար 'ի վերայ հասու-
ցանելով , այլ տիրաբար աւետիս կենաց և խաղաղու-
թի ընդ նյ տալով յնյ , ասէ , առաքեալ եղև :

Ապա և կազմէ զնոյն յայնցանէ զոր ինչ գործեաց
յընդհանուր հրէաստան , որոց և զնոսին իսկ ածէ
վկայս ասելով . « Գուք ինքնին գիտէք զբանն , որ եղև
ընդ ամենայն հրէաստան » : Աչ ասաց թէ գիտէք զՅս ,
զի ոչ գիտէին . այլ զբանն ասէ , այսինքն զգործն մե-
ծամեծս զառ . 'ի նմանէ արարեալն և ասացեալն .
զի անձային էր և ոչ մարդկային , զի նոքին իսկ վկայե-
ին վասն նորա թէ Որդի նյ է :

« Ակտեալ 'ի Գալիլէէ յետ մկրտու թեն Յովհան .

նու » : Ապա և յայսմանէ ստուգէ . զոր քարոզեաց ,
ասէ , Յովհաննէս . իբրև թէ վասն նորա եկեալ 'ի
մկրտութի , զի ամենեցուն զնա ուսուցէ թէ սա է
Որդին անս : Ասացեալ զուղղութիս գործոցն Յովի ,
այսինքն աւետարանել զխաղաղութի , դարձեալ վասն
նորին ասէ . « ԶՅոր 'ի Նազարէթէ » : Եւ քաղաքին
և ս անուամբն հաստատէ զբանն : « Զոր օծն անձ
դուով սրբով և զօրութի » : Եւ այս ուստի իցէ յայտ .
նախ 'ի բարութեցն զոր արար . ապա 'ի բժշկութեցն
և 'ի բազում զօրութեցն , որով և բանսարկուին յաղ-
թեաց :

« Ար շրջեցաւ բարի առնել և բժշկել զամենայն
բմբունեալն 'ի սատանայէ » : Ատուստ ցուցանէ զբա-
զում կուրութիս և խաւարմունս դիւական գոլ , և
խեղութիս մարմնոց առ 'ի նմանէ լեալս : Որպէս և
Քն ասէր ' թէ « Մարդասպան էր 'ի սկզբանէ » . և
թէ « կապեաց սատանայ » . և թէ « Համրդ և խուլ
այս , ել 'ի դմանէ » : Արդ զայս ամենայն զօրեղա-
պէս գործեաց , զի անձ էր ընդ նմա : Զոր և Նիկո-
դեմոս ասէր . « Գիտեմք զի յայ եկեալ էս . զի ոչ ոք
կարէ զայդ նշանս առնել զոր դուդ առնես , եթէ ոչ
անձ իցէ ընդ նմա » : Արդ կամի ցուցանել իբրև 'ի
Հօրէ զամենայն եղեալ ըստ տնօրէնութեն . զոր և
ինքն Քն 'ի բազում տեղիս յայտ առնէր զՀօր գոր-
ծակցութիս :

« Եւ մեք եմք վկայք ամենայնի զոր արար յեր-
կրին հրէաստանի և յերուսաղէմ » : Զի թէ զնոսա
նախ կուէաց վկայս եղելոցն 'ի Քնէ՝ դուք ինքնին գի-
տէք , ասելով , զբանն որ եղև , յոյժ մանաւանդ զն-
քեանս 'ի ճահ ածէ վկայս : Եւ դուք էք , ասէ , վկայք
և մեք : Եւ յորժամ եցոյց թէ յայ եղև առաքեալ
և անձ էր , ապա 'ի վերայ ածէ՝ թէ սպանաւ : Տեսա-
նես զի ոչ ուրեք թաքուցանեն զխաչն . այլ յետ այլոցն
ամենայնի և զեղանակն ասէ զխաչելութեն : « Զոր և
սպանին , ասէ , կախեալ զփայտէ . զնա անձ յարոյց
յերրորդ աուր և ետ նմա յայտնի լինել . ոչ ամե-
նայն ժողովրդեանն , այլ մեզ վկայիցս յառաջագոյն
ընտրելոցս յայ » : Որպէս նախ քան զգործսն Քնի
'ի Հայր վերաբերեաց , այսպէս և զայն ասէ՝ թէ անձ

յարոյց զնա . և թէ մեզ յայանի եղև ընտրելոցս յնյ .
և սակայն Քս զնոսա ընտրեաց : Բայց և զայն իսկ յսծ
վերագրէ , զի այն իսկ էր ամենայն բարեաց զլուխ՝
հաւատալ թէ յնյ Հօրէ եղև ամենայն :

« Արք կերաք , ասէ , և արքաք ընդ նմա յետ յարուէ նորա ՚ի մեռելոց » . Տեսանէք զայս իսկ հաւաստի նշան ՚ի հաստատութիւն յարութեան տուեալ : Եւ ընդէր , ասեն , յարուցեալ նշանս ոչ արար , այլ միայն եկեր և արք : Քանզի մեծ նշան իսկ յարութե էր ինքն զինքն յարուցեալ , և ոչ ինչ էր հնար լինել քան զնա մեծագոյն . այլ ուտելն և ըմպելն զյարութին ստուգէր : « Եւ պատուիրեաց մեզ քարոզել ժողովրդեանն և վկայութի դնել թէ նա է սահմանեալ յնյ դատարոր կենդանեաց և մեռելոց » : Բարիոք և ՚ի դէպ հանէ զսոզսն ՚ի բարձրագոյնսն , և ցուցանէ զամենակալ տէրութիւն Քսի . բայց և զահագինսն յաւելու զգատաստանն : Ապա և զառ ՚ի մարգարէիցն վրկայութիւն ՚ի վերայ ածէ . « Նմա , ասէ , ամենայն մարգարէք վկայեն » : Զի մի ունիցին պատճառս յանգիրտութի անկանել , և ուժգնագոյն ՚ի մարգարէիցն կազմէ զբանն . զի վասն նոցա մեծամեծ կարծիս ունէին :

Եւ յորժամ երկիւղիւն սասանեցոյց , յայնժամ ՚ի վերայ էած զներումն թողութե : Եւ զայս ոչ յիւրմէ , այլ առ ՚ի մարգարէիցն զասացեալսն . « Թողութի մեղաց առնուլ անուամբ նորա ամենայն յուսացելոց ՚ի նա » : Այս իսկ է նշան , ասէ , թէ ճշմարիտ անձ յնյ էր Քս և ՚ի հանդերձեալ լինելոցն յետ այնորիկ : Վասն այսորիկ և զմարգարէսն ածէ աստանօր ՚ի մէջ . ըստ որում և Եսայի ասէ . « Նա զմեզս մեր բառնայ և վասն մեր չարչարի » . և Երեմիա . « Բաւիչ եղէց անօրէնութեց նոցա , և զմեզս նոցա ոչ ևս յիշեցից » . զնոյն և ամենեքեան իսկ :

ԵՓՐ . Ըրդ մինչդեռ Պետրոս մատուցեալ պատմէր զքարոզութեն տեսան մերոյ թէ ուստի և ուր սկսաւ և ուր կատարեաց ՚ի ձեռն խաչին , և վասն յարութե նորա և վասն քառասուն աւուրն զի կաց մնաց և ապա վերացաւ , և զի վկայ են նմա ամենայն մարգարէքն , և զի քաւի ամենայն օր միանգամ հաւատայ և մկրտի յանուն նորա , ահա անդէն Հոգին ար եկն

'ի ձեռն լեզուաց և բնակեցաւ 'ի վերայ ամենայն լըսողաց բանին . և սկսան նորա խօսել 'ի լեզուս լեզուս, որպէս և կարգ պատմու թէս ցուցանէ :

ԲԱՐՈՅԱԿԱՆ

Արդ որ 'ի ձեռն հաւատոց թողու թէս այսմիկ արժանացաք, և քաւեալք հոգիքնկալք եղաք, գիտելով զմեծութի պարզեացն նոյ, մի վատթար գնացիւք թըշնամանեացուք զնձ . զի ոչ վասն այնորիկ թողու զմեզս զի համարձակեցուք 'ի չարիս, այլ զի դարձցուք և լաւագոյնք լիցուք վասն մարդասիրութե նորա : Արդ մի զբարերարու թին պատճառս չարին ցուցցուք, ըզնեբելովն և զերկայնմտութեն նոյ արհամարհելով : Եւ այս առ խորհրդագգածն . իսկ երախայք և չեւ ևս խորհրդագգածքն փութասցին հասանել մկրտութեն շնորհի և մի յապաղել, զի մի յանկարծադէպ ինչ վրիպակաւ տուժեսցին զմեծ պարզեան :

ՃԱՌ՝ ՔՍԱՆՆԵՐՈՐԴ ՉՈՐՐՈՐԴ

ՈՍԿ . « **Ե**՛ր մինչդեռ խօսէր Պետրոս զրանս զայս ,
 Հանգեաւ Հոգին սուրբ 'ի վերայ ամենեցուն որ լսէին
 զբանն » : Տես զնյ տնօրէնութիւն . զի ոչ ետ աւարտել
 բանին , և ոչ հրամանաւ Պետրոսի լինել մկրտութեն .
 այլ քանզի լսողքն զիւրեանց զմիտանց ցուցին սքանչե-
 լի գոլով , և վարդապետութե սկիզբն եղև , և հաւա-
 տացին թէ թողութի կայ մեղաց , յայնժամ 'ի վե-
 րայ եկն Հոգին : Եւ այսիսկ լինէր յառաջագոյն տը-
 նօրինաբար առ 'ի պատասխանի ունել Պետրոսի : Եւ
 ոչ միայն Հոգին եկն 'ի վերայ , այլ և լեզուօք ևս խօ-
 սէին : Վասն որոյ « Չարմացան որք 'ի թլփատութե
 անտի հաւատացեալք եկեալ էին ընդ Պետրոսի , զի և
 'ի հեթանոսս պարգևք Հոգւոյն սրբոյ զեղութիւն . քան
 զի լսէին 'ի նոցանէ խօսել լեզուս և մեծացուցանել
 զանձ » : Տես , ոչ ասէ թէ զարմացաւ Պետրոս , այլ որք
 'ի թլփատութեն եկեալք էին ընդ նմա . վասն զի նա
 գիտէր զինչ լինելոցն էր : Այլ նոքա ընդ այն իսկ մա-
 նաւանդ զարմանային՝ թէ սոքա զիարդ զՀոգին ըն-
 կալան : Չի յորժամ լուան յետոյ որք 'ի հրէաստան
 էին՝ թէ հեթանոսք հաւատացին , ոչ զարմացան . այլ
 այժմ , յորժամ զՀոգին շնորհեաց նոցա անձ :

Իսկ Պետրոս կանխագոյնեղև զարմացեալ յորժամ
 զտեսիլն ետես . վասն որոյ և ասէր . « Ինձ եցոյց անձ ոչ
 զոք անսուրբ ասել 'ի մարդկանէ » . քանզի 'ի վերուստ
 գիտէր զայս , և յառաջ կազմէր զբանն , զի հեթանոսք
 այնուհետև ոչ էին հեթանոսք 'ի հաւատաւն . բայց
 ոչ ինչ են զարմանք այն , զի նախ քան զմկրտութիւն
 առին զՀոգին : Յուցանէ և Պետրոս թէ 'ի մէջ այս
 ինչ ոչ եղև . զի ոչ որպէս այլքն եղեն նոքա մկրտեալք ,
 այլ բազմապատիկ լաւագոյնք : Վասն այսորիկ այս ա-
 մենայն լինէր , զի երևեսցի թէ անձ էր որ առնէրն .
 զի 'ի մեծութե եղելոցն հաւանեսցին լուել խղճեալ :

քըն 'ի Պետրոսէ . և մի ունիցին ինչ ասել վասն Հաւատացեալ Հեթանոսաց , այլ Հաւատարս ինքեանց զնոսա Համարեացին : Զի թէ և 'ի Վեսարիա և յԵրուսաղէմ յետ այնչափ գործոց յերկբայութի անկանէին , զինչ ապա կրէին թէ այնպիսի գերազանցութի ոչ էին եղեալ իրքն :

Ուստի և Պետրոս առեալ պատճառս դարձաւ 'ի թլիատեալն անդ որ ընդ նմա էին : « Պատասխանի ետ և ասէ զնոսա . մի թէ զճուրն որ արգելուլ կարիցէ առ 'ի յմկրտելոյ զնոսա , որք և զՀոգին սուրբ ընկալան որպէս և մեք » : Տես ո՛ւր վերացոյց զբանն . քանզի ասելովն՝ մի թէ զճուրն որ արգելուլ , յայտ արար թէ յոյժ զնոյն կամէր : Եւ այսպիսի մտօք և բանիւք սպառնացեալ լինի արգելողացն և ասողացն թէ չէր պարտ այսմիկ լինել : Ամենայն ինչ եղև , ասէ . այսինքն որ կարևորն էր և մեծն՝ զոր և մեք մկրտեալ եմք , ապա զփոքրս ո՛ր արգելուցու : « Եւ հրամայեաց նոցա մկրտել յանուն Յմի Քսի » : Յետ պատասխանի տալոյն ապա հրամայեաց նոցա մկրտել , խրատելով զնոսա որ եկեալն էին՝ իրացն վճարմամբ . քանզի զայրացմամբ զայրացեալ էին Հրեայքն : Վասն այնորիկ յառաջագոյն տայ պատասխանի , և մանաւանդ իրացն ազադակելով , ոչ լեզուօք միայն զոր խօսէին , այլ և յառաջ քան զմկրտութիւն ընկալան զՀոգին՝ որ գուշակէր ժողովրդեանն Հրեից թէ յայ եղև կոչումն Հեթանոսաց :

« Յայնժամ աղաչեցին զնա լինել անդ առուրս ինչ » : Զի այնուհետև յոյժ ընտանեբար առ նմա լինէին առկայացեալ . որով և նա վայելչապէս վստահացեալ եկաց մնաց առ նոսա : Արդ թէպէտ էր վկայ և միջնորդ այժմ՝ իրաց տեսիլն Վուռնելիոսի և Շմաւոնի և գալ Հոգւոյն 'ի նոսա յառաջ քան զմկրտիլն , և զի յամենայն լեզուս իբրև զառաքեալն խօսեցան և նորա , սակայն ոչ վասն այնորիկ լինէին Հրեայքն ընտանեբար առ նմա տրամակայեալք , այլ եզերեցին թլիատեալքն զՇմաւոն իբրև եկն յԵրուսաղէմ . բայտ որում ասէ . « Եւ ան առաքեալքն և եղբարքն որ էին 'ի կողմանս հրէաստանի , զի և 'ի Հեթանոսս ընկալան զբանն այ , Բայց յորժամ ել Պետրոս յԵրուսաղէմ , խղճէին 'ի նմանէ որ 'ի թլիատութիւն Հա-

ւատացեալքն, և ասէին՝ թէ եմուտ առ արս անթըլ-
 փատս և եկեր ընդ նոսա » : Տես արդ զնախանձն զոր
 ունէին յաղագս օրինացն . զի ոչ յարժանաւորու թէն
 Պետրոսի եղեն վեհերեալք , ոչ ՚ի նշանացն որ լինէին ,
 ոչ յուզողութեն վճարելոյ , և թէ որչափ էր փրկու թի
 ընդ ունողացն զբան նորա : Այլ յետ այսչափ իրաց վն
 փոքրագ ունիցն այնոցիկ հարցափորձեալ զիրեն թըլ-
 փատեալքն խղճէին ՚ի նմանէ . ոչ առաքեալքն , քաւ
 լիցի . այլ շրեայքն այլք՝ զայթակղեալք ոչ սակաւ :

Աւտես թէ զինչ լինէին յառաջարկեալ . ոչ ասէ-
 ին թէ ընդէր պատմեցեր նոցա զբանն , այլ թէ և
 կերակուր ընդէր կերար ընդ նոսա : Իսկ Պետրոս առ
 այսպիսի ցրտագոյն բանս ոչ ընդգիմանդրեալ լինի վի-
 ճողականս , զի ցրտագոյն էր ճմարտապէս . այլ զայն
 ինչ որ մեծն է՝ բերէ յառաջ . զի ասէ . նոքա շոգւոյն
 սրբոյ հաղորդք եղեն , զիարդ ընդ նոսա հացիւ հա-
 զորդեւ ոչ է պարտ :

Այլ թէ վասն սամարացւոցն ընդէր ոչ եղև այս-
 պիսի նախանձ առ շրեայսն՝ այլ և նորին հակառակն ,
 ասեմ . զի ոչ միայն նախ քան զվկրտութիւն ոչ առին
 նոքա զշոգին , այլ յետոյ ուրեմն . և անդանօր ոչ
 տրտմեցան շրեայքն , այլ լուեալ առաքեցին առ նո-
 սա զՊետրոս և զՅովհաննէս : Եւ և աստանօր ոչ զայս
 ինչ ամբաստանէին զի գնաց առ հեթանոսս և խօ-
 սեցաւ , զի գիտէին թէ անձային շնորհին էր գործ .
 այլ ընդէր , ասէին , կերար ընդ նոսա . յայնմանէ խըղ-
 ճէին : Եւ այլ ազգ . զի ոչ այնչափ էր օտարութիւն
 սամարացւոց առ շրեայս , որպէս առ այլոց հեթա-
 նոսաց : Այլ և ամբաստանելն նոցա տնօրինաբար լինի
 եղեալ , զի ՚ի ձեռն պատասխանւոյն Պետրոսի ուսանի-
 ցին թէ նա ոչ ինչ էր պատճառ . և թէ մանաւանդ և
 ոչ մի ինչ յայսցանէ եղև հանճարով նոցա իմաստա-
 սիրեալ , այլ շոգւոյն էին պատգամք , և անմ յանմ անմ .
 զի նա արար զանմ , և մի ինչ ածցեն զմտաւ այլ ազգ :

Սմին վասն ոչ միայն պարզաբար ետ պատասխանի
 Պետրոս , այլ յոյժ խոնարհութիւն . և առանց շփա-
 ցութե « Սկսաւ պատմել նոցա կարգաւ և ասէ . ես
 էի ՚ի քաղաքին Յոպպէ յաղօթս » : Եւ ոչ ասէ՝ թէ
 ընդէր կամ զինչ պատճառաւ : « Եւ տեսի ՚ի զարմաց-

ման տեսիլ՝ իջանել անօթ ինչ իբրև կտաւոյ մեծի, զչորեցունց տանոց կախեալ յերկնից, և եհաս մինչև առ իս, յոր սլուցեալ հայէի. և տեսի զչորքոտանիս երկրի և զգազանս և զսողունս և զթռչունս երկնից. և լուայ բարբառ որ ասէր ցիս. արի, Պետրոս, զեն և կեր»: Այն իսկ բաւական էր հաւանեցուցանել զի երևեցաւ, այլ և ձայնիւ ևս յաւելոյր: «Եւ ասեմ. բաւ լիցի, տէր, զի խառնակ ինչ և անթք ոչ երբէք եմուտ ՚ի բերան իմ»: Տեսանէք, զի ես զիմն արարի, ասէ. զի ասացի ընդդէմ՝ թէ ոչ երբէք կերայ: Զի զայս իսկ ասէին՝ թէ եմուտ առ արս անթլիատան և եկեր ընդ նոսա. բստ որում և զայս առ նոսա խօսի: Բայց առ կուռնելիոս ոչ ասաց զայս, զի չէր պիտոյ:

«Պատասխանի ետ ինձ, ասէ, երկիցս անգամ բարբառն յերկնից. զոր անձ սրբեաց, դու մի խառնակ համարիր. այս եղև երիցս, և վերացաւ դարձեալ անձ յերկնս»: Ընդդիմադրեցի, ասէ, և նա դարձեալ ասաց՝ թէ զոր անձ սրբեաց, դու մի պիղծ համարիր. և ոչ այնպէս լուայ մինչև երիցս անգամ կրկնեաց՝ զոր անձ սրբեաց, դու մի խառնակ համարիր:

Այլ ասա անդէն երեք արք եկին կացին առ ասպարանիցն ուր եան էի՝ առաքեալք ՚ի Վեսարիայ առ իս»: Արդ այնորիկ որ ասացանն՝ բաւական էին հաւանեցուցանել զնոսա. բայց և ՚ի ձեռն այսոցիկ զոր ասէս՝ զնոյն յարգարէ: Եւ հայեաց թէ որպէս տայ պատասխանի. ոչ արժան համարի զառն անուն առ նոսա ՚ի կիր արկանել. զի որչափ հեզուեթք բարբառի առ նոսա, այնչափ մանաւանդ ըմբռնէ զնոսա: Բայց և պատուով իսկ յիշէ զարսն, և առաքեալս անուանէ. ոչ անարժան համարի զվարդապետին անուն առնուլ ՚ի վերայ սոցա, զի և սոքա իսկ յայ էին առաքեալք:

«Ասէ ցիս Հոգին երթալ ընդ նոսա և մի ինչ խորհչեւ»: Տեսանէս զի Հոգւոյն էր օրինադրուածին, զի Հոգին հրամայեաց ինձ զնալ, ասէ. նմին իրի իսկ ոչ դանդաղեցայ: «Եկին ընդ իս և սոքա վեցեքին եղբարքս»: Այ ինչ է քան զայսպիսի բարս խոնարհագոյն յորժամ զեղբարցն վկայուածի ՚ի վերայ ածէ: «Եւ մտաք ՚ի տուն առնն այնորիկ», ասացէլ առ նոսա՝ թէ անձ առաքեաց զիս առ ձեզ. և ոչ այնպէս մկրտեցի

տակաւին : « Եւ նա պատմեաց մեզ սրպէս ետես ըզհրեշտակն 'ի տան իւրում . զի կայր և ասէր ցնա . առաքեա 'ի Յոսպէ և կոչեա զՍիմոն զկոչեցեալն Պետրոս՝ որ խօսեսցի բանս ընդ քեզ , որով կեցցես դու և ամ տունքո » : Եւ ոչ ասաց զառ 'ի հրեշտակէն ասացելն ցկուռնելիոս՝ թէ աղօթքք և ողորմուիք ելին յիշեցան առաջի ան . զի մի ինչ ընդդիմացեալ երեւեսցի նոցա որք անթլփատս ասէին զնոսա . այլ զինչ ասէ . « խօսեսցի բանս , որով կեցցես դու և տունքո » . քանզի այս իսկ վայելապէս ատորժելի լինէր առ Հրեայնս : Եւ ոչ ինչ ասէ յազագս հեզուժէ առնն , նա և ոչ թէ հոգւոյն հրամայելով և ան առաքելով 'ի ձեռն հրեշտակի անդուստ կոչելով 'ի Վեսարիոյ , և աստուստ յայտնութիւն լուծանելով զիրացն խիղճ . ինձ զինչ պարտ էր առնել : Այլ ոչ ասէ յայսցանէ և ոչ ինչ , այլ վերջին իրօքն զնոսա զգուշացուցանէ . որ և ինքն ըստ ինքեան աներկուանալի էր նշանն :

Արդ ընդէր այս ինչ միայն ոչ եղև , այլ և Հոգին յայտնեցաւ և խօսելն լեզուօք : Զի առաւելուժեամբ եղելոցն ցուցցի ոչ յառաքելոցն սկսեալ այսօքիկ . զի թէ նա ինքնին գնացեալ էր , և ոչ մի ինչ յայսցանէ եղեալ՝ յոյժ թերևս Հրեայքն խոցեալ լինէին : Վասն այնորիկ 'ի վերուստ բանիւն զմիտս նոցա ընտանեցուցանէ և ասպ ասէ . « Արք և զՀոգին սք ընկալան որպէս և մեք » . և յառաջ բան զայս՝ թէ « Իբրև սկսայ խօսել , եկն Հոգին սք 'ի վերայ նոցա » : Եւ ոչ այսուշատանայ և ոչ այնու՝ թէ որպէս 'ի վերայ մեր 'ի սկզբ բանն . այլ և զբանն տեառն վերստին յիշեցուցանէ զոր ասէր . « Յովհաննէս մկրտեաց 'ի ջուր , բայց դուք մկրտիցիք 'ի Հոգին սք » : Այլ ինչ եղև , ասէ , նորոգ ինչ կամ օտար . այլ զոր ինչ յառաջագոյն Քս խօսեցաւ՝ թէ մկրտիցիք 'ի Հոգին սք . և այլ ոչ էր պարտ մկրտել , քանզի աւարտեցաւ մկրտութիւն յայ , զի զամ ինչ անձ գործեաց . անձ մկրտեաց զնոսա , և ոչ ես : Վասն այնորիկ ոչ ասէ՝ թէ ես հրամայեցի նոցա մկրտել , այլ եցոյց թէ ինքն ոչ ինչ արար . զի զոր ինչ մեք ընկալեալ էսք , ասէ , նոքա զայն առին :

« Իսկ արդ եթէ զհասարակաց պարգևն ետանձ նոցա , որպէս և մեզ 'ի հաւատալն 'ի տէր Յիսուս Քս , ես զինչ կարող էի արգելուլ զանձ » : Յոյժ ամաչեցու

ցանկելով և ծանրամտութիւն է բանս . նա և ոչ ասաց յետոյ՝ թէ զայս գիտելով լուեցէք, այլ ընդունի ըզյանդգնուի նոցա : Եւ ամբաստանելով տայ նոցա պատասխանի . « Ո՞րք էի, ասէ, արգելուլ զիմ » : Եւ այսու մեծապէս ինու զբերանս նոցա . վասն այսորիկ յաւել զայն՝ թէ զհասարակաց պարգևն . զի մի թողացուցէ նուազագոյնս ինչ բան զինքեանցն զնոցայն կարծել : « Հաւատացելոց, ասէ, 'ի տէր ՅԾ ՔԾ ետ իմ ըզհասարակաց պարգևն որպէս և մեզ » . զի և հաւատար է և հասարակաց իմ ազգաց որ հաւատան, և ոչ Հրէից միայն . զի զիմնն որ հաւատան, սրբէ և մաքրէ : Եւ ոչ ասաց՝ որպէս ձեզ, այլ որպէս մեզ . զի մի ինչ անարժանս զնա կրել համարեսցին, կամ թէ մոլեալ յորժամ եղ զհեթանոսս հաղորդս եղեալ Հոգւոյն :

« Եւ լուեալ զայս լուեցին և փառաւոր առնէին զիմ և ասէին . ուրեմն և 'ի հեթանոսս ետ իմ զպաշխարութի կենաց » : Տեսանէս զի 'ի հանդիսաբանութեն Պետրոսի եղև իմ ինչ բարիութի . զի պատմելով նորա զլեալսն՝ փառաւոր առնէին զիմ, ասէ . զի զգատացան և երկուցեալք և հանդարտեալք և խոնարհեալք եղէն 'ի բանիցս յայսցանէ :

ԲԱՐՈՅԱԿԱՆ

Եւ յայէս և մեզ պարտ է յընկերացն բարութիս փառաւորել զիմ և մի տրտմել ընդ յաջողուածս ինչ հոգեկանս կամ մարմնականս, այլ մանաւանդ 'ի բարիսն նախանձել և առ ուղղութիւնս ապաշխարութի զանձինս մեր զարթուցանել : Եւ մի պղերպութի ըզփոքր ժամանակս անցուցանել, մանաւանդ յեկեղեցւոջ 'ի ժամու աղօթից անզբաղ մտօք, և մի ծաղր լինելով զբուցատրութեամբ և յորանչմամբ և այլով անկարգութեամբ . այլ մեծաւ ահիւ և սարսափմամբ կալ առաջի իմոյն խորհրդոյն 'ի շահ անձանց և յօգուտ տեսողացն, ոչ միայն մերձաւորաց, այլ և հեռաւորաց ըստ նմանութեանց բարոյացն զորս ոչ խափանեաց 'ի բարութի ընթացիցն վիշտք մարմնականք : Եւլ աստուծոս մանաւանդ այսու հետև բացեալ եղև դուռն համարձակութե առ հեթանոսս բարոյելոյ, ըստ որում ասէ .

ՃԱՌ՝ ՔՍԱՆԵՐՈՐԳ՝ ՀԻՆԳԵՐՈՐԳ՝

«**Լ**Ի ցրուեալքն՝ ի նեղուհն որ եղև ՚ի վերայ Ստեփաննոսի՝ հասին մինչև ՚ի Փիւնիկէ և ՚ի Վիպրոս և յԱնտիոք» : Այ փոքր ինչ ուղղութի եղև հալածումն այն . զի այնոցիկ որ սիրենն զանձ, յամի գործակից լինի ՚ի բարիս : Իսկ յանդգնեալքն առ նոսա՝ ՚ի հալածել ոչ արդեօք կարէին այլ ինչ առնելքան թէ զի սիռեցին զվարդապետն, որպէս զի ճահաւորուք փութացեալ լինէին հաստատել զեկեղեցիսն : Եւ տես զնոցաքաջութիւնն . զի ոչ որպէս մեք ողբովք և արտասուօք ՚ի վայր կործանեալ լինիմք ՚ի պատահել ինչ նեղութեց, այլ մեծ և բարի գործոյ տուեալ զանձինս յոլովագոյն գիւրութիւն քարոզէին զբանն իբրու հեռագոյն եղեալ յարգելողացն, ՚ի շրէիցն ասեմ, և առմարդկան հասեալք որք աներկիւղ էին ՚ի շրէից : Եւ տես ուր տարածեցաւ նոքօք քարոզութիւնն . զի հասին, ասէ, ՚ի Փիւնիկէ, ՚ի Վիպրոս և յԱնտիոք : Արդ մինչև ՚ի Վիպրոս հասին, ասէ, որ ՚ի մէջ ծովուն է, ուր յոլովագոյն էր անհոգութիւն յերկիւղէ շրէիցն :

«**Ա**յ ումք խօսէին զբանն, բայց միայն շրէիցն» : Այ իբր երկնչելով ՚ի հեթանոսաց, այլ զօրինականն պատուելովքան զհեթանոսս . և այս իսկ անպատասխանի առնէ զշրեայսն առաջի Բնի, որ ոչ երբէք արգել ՚ի նոցանէ զպատճառս փրկութե : Յիրաւի ապա այնչափ իբք եղեն վասն Կուռնելիօւ, զի այնպիսի էր յօժարութի նորա, և այլոց հեթանոսաց . զի յորժամ Ստեփաննոս քարկոծեալ եղև ՚ի շրէից և առաքեալքն տանջեցան և Պաւղոս երկիցս վշտագնեցաւ, յայնժամ հեթանոսք ընկալան զբանն, յայնժամ սամարացիք : Սմին վասն և Պաւղոս ասէր՝ թէ «**Ձեզ նախ կարևոր էր քարոզել զբանն նյ . այլ զի դուք անարգեցէք զնա, ահաւասիկ դառնամք ՚ի հեթանոսս**» :

«Ալ էին ոմանք 'ի նոցանէ արք կիսրացիք և կիւրենացիք, որք մտեալք յԱնտիոք խօսէին ընդ Յոյնան, աւետարանէին զտէր Յօ Բօ »: Տես 'ի ձեռն փորձուց զամենայն ինչ ուղղեալ և զքարոզութիւն աճեցեալ . զի ոչ իբրև զկարճօգիս յինքեանս ասացին, թէ մեք կիսրացիք և կիւրենացիք գօլով զիմարդ այսպիսի պայծառ և մեծ քաղաքի համարձակիւք քարոզել . այլ 'ի շնորհսն անհաւատալով ձեռն արկանէին 'ի վարդապետութի բանին : Բայց և ոչ նոքա անարժան համարեցան առ 'ի նոցանէ ուսանել ինչ : Եւ զի սոքա յունարէն խօսէին, գիտելի է և յԱնտիոք այնպիսիս գօլ ընդ որս խօսէին :

Ուրեն ստայօդ առասպելախօսքն որք զանուանեալ դարձն Անտիոքու շաղահրատեն, և զՊետրոս և զՅովհաննէս ասեն երթեալ անդ զառաջինն և քարոզել զԲօ, և տանջեալք և խղեալք և ոչ ինչ վճարեալք, մինչև զՊաւղոս ասեն 'ի թիկունս հասեալ նոցա . անյարմար և անհաւան զրուցատրութիւն խարին և խաբեն : Զի ահաւասիկ Ղուկաս ոչ զոք յառաքելոցն, այլ կիսրացիս ոմանս և կիւրենացիս գօլ ասէ զառաջին քարոզիչն Անտիոքու որպէս լսես : Եւ զի ընդ Յոյնան խօսէին, ոչ զՀրեայն անտես առնելով . կամ վասն ոչ գիտելոյ երբայեցերէն՝ թերևս Յոյնս զՀրեայն կոչէ :

«Ալ էր ձեռն ան ընդ նոսա . և բազմութի հաւատացելոց դարձան 'ի տէր »: Ձեռն ան աստ զնշանացն զօրութիւն ասէ . այսինքն զի նշանս գործէին : Տեսանէս թէ ընդէր եղեն պիտոյնշանքն, զի բազմութիւն հաւատացէ : Հայեաց դարձեալ զանմտութի այնոցիկ՝ որ 'ի մտաց իւրեանց գրեցին զանուանեալ դարձն Անտիոքու . զի ահա 'ի ձեռն կիսրացւոց քարոզաց ասէ՝ թէ բազմութի հաւատացելոց դարձան 'ի տէր : «Լու եղև բանս այս յահանջս եկեղեցւոյն որ էր յերուսաղէմ՝ վասն սոցա . և առաքելին զԲառնաբաս մինչև յԱնտիոք »: Տես զառաքելալն ամենեցուն համանդամայն փոյթ արարեալս իբրև միտուն զտիեզերս հոգալով : Լուան թէ յԱնտիոք հաւատացին, առաքելին անդ զԲառնաբաս . առաքեն դարձեալ և մարգարէս :

Այլ ընդէր արդեօք այսպիսի քաղաքի ընդունելով զբանն՝ ինքեանք ոչ եկին, այլ զԲառնաբաս առաքելցին: Նախ զայս ասեմ. զի այսպէս կամեցաւ Հոգին, և նոքա զամենայն ինչ ըստ նորա կամացն գործէին: Եւ այլ ազգ. վասն զի բազում երկար էր միջոցն յերուսաղէմէ, ոչ էր պարտ առաքելոցն առժամայն մեկնել անտի, զի մի փախտականս գոլ կարծեսցեն զնոսա՝ ի Հրէիցն: Զի յորժամ դատակնիք արեանն Քնի Հասեալ լինէր՝ ի վերայ նոցա հռոմայեցւոյքն, յայնժամ մեկնեալ լինէին. ոչ իբր զարհուրեալք ի հինէն, զի ահա առ այնոսիկ որ հանդերձեալ էին պաշարել զերուսաղէմ՝ զնացեալ լինէին, և յետ վախճանի առաքելոցն ապա լինէր պաշարումն Երուսաղէմի: Եւ ընդէր առ Պաւղոս ոչ գրեցին երթալ յԱնտիոք, այլ զԲառնաբաս առաքելցին: Զի տակաւին ոչ ևս գիտէին զնորա քաջութիւն, զսա առաքելցին:

« Իր իբրև եկն և ետես զչնորհանն այ, ուրախ եղև: »
 Ոչ զփոյթ մարդկանն ետես, ասէ, այլ զչնորհանն այ. զի այս իսկ զբազմութիւն դարձոյց: « Զորս և միսթարէր զամենեւեան, յօժարուք սրտի կալ նոցա ՚ի տէր: »
 Զինչ կամի աստ միսթարէրն, զի ՚ի հալածողացն ոչնըշանակէ վշտանալ նոցա. յայտ է ապա զի քաջալերէր հանդերձեալ յուսոյն ՚ի վաստակս առաքիւնուէ ըստ հաւատոցն արժանապէս զնալ: « Զի էր այր զուարթամիտ և լի Հոգւով սրբով և հաւատովք: »
 Յայտ առնէ զի յոյժ քաղցր էր այրն և անկեղծ, և յոյժ ցանկայր փրկութե մերձաւորացն, և խոնարհամիտ էր և ներողական. զոր և վասն բարեյօժար կամացն զոր ունէր յառաջադրութե սրտին՝ ներբողելով ասէ՝ թէ լի էր Հոգւով սրբով, զի Հոգին սուրբ առ այնպիսիսն հանգչի:

« Այլ յաւելլաւ ժողովուրդ բազում տեառն: »
 Տեսանէս ՚ի ձեռն փոքունց զմեծամեծս գործեցեալ. յաղագս որոց ասացեալ է՝ եթէ զոչինչս սչխարհի ընտրեաց անձ: Զի որչափ աննշանք էին, այնչափ մանաւանդ շնորհքն նոքօք փայլեալ լինէին. որով և տնօրէնաբար լինէր Բառնաբայ անգր դալ: Եւ քանզի բազմութի յոյժ էր հաւատացելոցն, և ոչ դք էր որ խափանէր, վայելչապէս բղխեաց հաւասն: Եւ թէ ընդէր

նախ քան զայս յորժամ դժուարինքն եղեն յերուսաղէմ և հալածումն՝ ոչ առաքեցին յԱնտիոք զԲառնաբաս, վասն զի առ երուսաղէմացիսն անպարապացեալ էին: Եւ դարձեալ այսպէս տնօրինէր, զի Հրէիցն տացեն պատասխանի. զի հեթանոսք քան զնոսա յառաջեալ լինէին՝ ՚ի հաւատս, և ոչ այնչափ փութոյ հանդիպեալք: Բայց և ոչ զայրացան անտիոքացիք, զի յառաքելոցն ոչ առաքեցին առ նոսա, այլ վարդապետօքն շատացան. զի այնպէս ամենեքեան եռային՝ ՚ի լուր բանին: Եւ որպէս հող պարարտ ընկալաւ զբանն այ քաղաքս այս, և յոյժ եցոյց զպտուղիւր, և յաւելաւ ժողովուրդ բազում տեառն:

Բայց ոչ այսու շատացաւ Բառնաբաս. զի անձն անձատէր ոչ յազի միշտ յառաջել ՚ի բարիս: Սմին վասն « Ել ՚ի Տարսոն խնդրել զՊաւղոս. և գտեալ զնա ած յԱնտիոք »: Եւ ընդէր ՚ի Տարսոնէ՝ ՚ի բաց կացոյց զնա և աստանօր ած: Զի աստանօր առաւել էր բարեացն յոյս, և քաղաքն մեծագոյն և բազմութիւն յօժարք, և մանաւանդ զի ոչ ինչ աստանօր կրեցին փորձուիք. և Պաւղոս քարոզէր, և ոչ և ս հարկ լինէր փախել: Եւ տես զամենայն նորհացն այ գործեցեալ, և ոչ ՚ի Պաւղոսէ, ՚ի ձեռն փորունց սկիզբն առեալ իրացն:

Տես և յայսմիկ զԲառնաբաս զերանելի, զի ոչ հայեցաւ յիւրսն միայն առանձինն, այլ ընթացաւ ՚ի Տարսոն վասն Պաւղոսի. քանզի գիտէր իսկ զի ոչ փոքրինչ փրկութի տնօրինէր Հոգիսանդ հասանելոյն Պաւղոսի. և հարկաւորապէս եկն առ նահատակին. զի մի միայն ինքն, այլ և զնա ածցէ ՚ի տեղի հանդիսին: Այլ և առ ո՞րք արդեօք գայր. առ զօրավարին իսկ, առ մենամարտիկ քաջին, առ ուժեղ աւիւծուն. և ոչ ունիմ զինչ ասացից որչափ և ասացից՝. առ շանն որ սականին սպանչին աւիւծուց, առ հզօր զուարակին, առ պայծառ լապտերին, առ բերանն այն՝ որով տիեզերք շատացեալ լինէին նովաւ: Եւ ասեմ, զի տնօրինաբար նախ վասն նորա խոովելին Հրէայքն, զի մինա պարփակեալ լիցի յերուսաղէմ՝ փողն երկնային և ձայնն քարոզութե:

1 Եղին յաւելու գերազանցունն Պաւղոսի սփոթն ելելի:

Բայց տես թէ որպէս յամենայնի զչարութիւն շրէ-
 իցն 'ի պատշաճ պէտս եկեղեցւոյ 'ի կիրարկանէ Քս,
 զառ 'ի նոցանէ հալածեալսն վարդապետս առաքելով
 տիեզերաց, զի հանդերձեալ էր ընդ երկուս լինել
 քարոզութիւն. սմին վասն և կուռնելիու իրքն յայն-
 ժամ յառաջեաց, որով համարձակագոյնք եղեն քա-
 ըողել հեթանոսաց. զոր և Պաւղոս ասէ վասն իւր և
 վասն Բառնաբայ՝ թէ «Աջ հաւանուէ ետուն պետրո-
 սեանք, զի մեք 'ի հեթանոսս և նոքա 'ի թլիատութենս

«Ալ եղև, ասէ, նոցա զամն ողջոյն ժողովել յեկե-
 ղեցին և ուսուցանել ժողովուրդ քաղում. և անուա-
 նել նախ յԱնտիոք զաշակերտսն քրիստոնեայս »: Այ-
 փոքր գովութի է այս այնմ քաղաքի. այսու իսկ ա-
 մենեցուն հանդէպ կարող է կալ, զի բերանոցն Պաւ-
 ղոսի այնչափ վայելեաց ժամանակաւ յառաջագոյն
 'ի պարծանս ամենայն քաղաքաց: Քանզի ջերմք էին
 'ի հաւատս, յօժարամիտք և փոյթք 'ի լսել զբանն կե-
 նաց. վասն որոյ և նախկին աստանօր անձային անուանն
 արժանացան:

«Ինչ աւուրսն ընդ այնոսիկ իջին յերուսաղէմէ
 մարգարէք յԱնտիոք»: Եւ վասն էր արդեօք. զի պարտ
 էր և ողորմութենս պաղոյ աստանօր տնկել: Եւ տես
 թէ զհարդ հարկաւորապէս դասք դասք մի զմիոյ կնի
 հետևէին. որոց յառաջնումն և ոչ մի օք յերևակացն
 և մեծամեծացն եղև վարդապետ, այլ զկիպրացիս և
 զկիւրենացիս ունէին վարդապետս. և ապա զմեծա-
 գոյնսն ընկալան՝ զՊաւղոս և զԲառնաբաս. զի սոքա
 գերազանցեալ էին քան զնոսս, զի զՀոգին սուրբ ու-
 նէին վարդապետ. այժմ և մարգարէք ևս իջին:

«Յարուցեալ մի ոմն 'ի նոցանէ անուն Ագաբոս՝
 նշանակեաց Հոգւոցն սով մեծ լինել ընդ ամենայն աշ-
 խարհ, որ եղև առ կղաւղեաւ»: Արդ զի մի կարծիցեն
 թէ վասն զի քրիստոնէութի 'ի ներքս եմուտ և եղև
 սոջն, և զի դեք 'ի բաց կացին յառաջագոյն, վասն
 այնորիկ ասէ՝ Հոգին: Բայց ոչ ինչ էր սքանչելի լինել
 սովոյն. զի և Քս յառաջագոյն զնոյն տեսաց: Եւ քան
 զի պարտ էր վաղվաղակի յետ խաչին լինել սովոյն,
 այլ վասն նեղութեցն և հալածանացն որ յառաքեալ-
 սըն եղև, երկայնամտեաց անձ: Եւ մինչ դեռ 'ի նոյն

էին տակաւին, սով մեծ լեալ լինէր դուշակելով շը-
րէիցն զհանդերձեալ չարիսն, և առնուլ 'ի միտ թէ
վասն նոցա իսկ էր այն պատուհասն. Եւ զի պարտ էր
ապաքէն երկնչել յայնմանէ և դադարել յունակա-
նաց շրէիցն յապիրատութենէ. քանզի և նոքա իսկ
բուն շրէիցն չարեաց կցորդեցին, փոխանակ զի պարտ
էր նոցա ընտիրս և լաւս լինել, Զի որ ինչ և յինքեանց
հնար էր, առնէին, տանջէին, սպանանէին, յամե-
նայն տեղիս հալածէին:

Այլ զայսպիսի չարիսն պարտ էր, ասեն 'ի բաց բառ-
նալ: Առ որս ասեմ, թէ ընդէր ապա Քո յառաջ զնոյն
իսկ ասաց՝ թէ յաշխարհի աստ նեղութի ունիցիք,
Իբրու թէ ասիցես՝ թէ պարտ էր ոչ մկրտել, զի մի
նեղութիս ունիցիմք. 'ի բաց տար: Իսկ եթէ հարկա-
ւոր կարևոր է մկրտելն, յոյժ մանաւանդ և նեղու-
թիքն: Այլ տես թէ երբ լինի սոյն. յորժամ հեթա-
նոք 'ի հաւատս եկին. որոց և սոյն լինի փրկութե
պատճառ, դուռն 'ի դէմն ողորմութե, բազում բա-
րութեց առ ի թ: Այլ և ձեզ այժմ զնոյն ասէ Հոգին
թէ ախորժէիք. բայց ոչ կամիք: Արդ յառաջագոյն
ասէ զգալն սովոյն, զի նախ պատրաստեսցին յողոր-
մածութի. զի յառաջ քան զայս ոչ էին հրէաստա-
նեայքն 'ի կարօտութե կամ 'ի սովի: Բայց բարևոք
մտածութի ոչ յաղագս սովոյն նոքա ասէին որ աւե-
տարանէինն, զի մի ումեք ծանր թուեսցի, այլ մարգա-
րէքն զայն պատմէին:

« Իայց յաշակերտաց անտի որպէս զիարդ կարող
ոք էր, իւրաքանչիւր ոք 'ի նոցանէ որոչեցին առաքել
'ի պէտս եղբարցն՝ որ բնակեալ էին 'ի հրէաստանի.
զոր և արարին իսկ. առաքեալ առ երիցունսն 'ի ձեռն
Բառնաբայ և Սողոսի »: Տեսանես ընդ հաւատալն
համանգամայն պողարերեալս զնոսա. ոչ միայն իւ-
րայնոցն և մօտևորաց, այլ և հեռագունիցն բացա-
կանաց: Եւ զայսմանէ իսկ ասէ Պաւղոս՝ թէ « Ձեռն
ետուն հաղորդութեան ինձ և Բառնաբայ. զի մեք 'ի
հեթանոսս, և նոքա 'ի թլփատութեն. բայց միայն զի
զաղքատն հոգասցուք հասարակաց, զոր և ես իսկ
փութացայ զնոյն առնել »: և այժմ տակաւին Յակոբոս
եղբայրն Յովհաննու կենդանի է:

Այլ հայեաց ընդ յօժարու թի սոցա . զի ոչ սպասեցին հասանելոյ սովոյն , այլ յառաջագոյն առաքեցին զՊաւղոս և զԲառնաբաս , զի պաշտօն արասցեն հրէաստանեայցն որպէս և կարող էր իւրաքանչիւր որ : Եւ տես զի առաքելովքն յերուսաղէմ՝ այլք ոմանք յայս գործ յորդորեալ լինէին : Իսկ յԱնտիոքայ Պաւղոս և Բառնաբաս ընուն զպաշտօնն՝ տանելով զտուրս նոցա յերուսաղէմ : Եւ ոչ փոքր էր այս տնօրէնու թի սոցա տանէն , քանզի սկիզբն էր ողորմու թեան բարեաց , և ոչ էր պարտ լինել գայ թակղու թե : Դիտեա և զայս ևս , զի այնուհետև կարիք սովոյն ՚ի ներքս մուծանէ զհեթանոսաց հաղորդու թին տրոց զեղեալն յողորմածու թի : Իսկ հրէաստանեայքն որ երբեմն խղճէին ՚ի կերակրոց հեթանոսաց , ընդունէին ահա այժմ զառ ՚ի նոցունց տուեալն :

ԲԱՐՈՅԱԿԱՆ

Այլ այժմ ոչ որ զայս առնէ ՚ի մէնջ , զի մանաւանդ սով է դժուարագոյն քան զայն . քանզի ոչ է հաւասար հասարակաբար կրէն պատուհաս այնմ . զի ամենեցունց յառատու թեան լինելով միայն տնանկբ իցեն ՚ի սովի . նա զի և անդ տուողքն տնանկբ էին : Արմին վասն ասէ՝ թէ որպէս կարող էր իւրաքանչիւր որ : Արդ սով կրկին է , որպէս և առատու թի կրկին . սով դժուարին՝ ոչ լսել զբանն նոյ . իսկ միւսն կարօտու թի մարմնոյ : Արդ յառատանալ բանին՝ հոգւոց լիութի . իսկ մարմին կերակրեալ ՚ի ձեռն ողորմու թե . որպէս և յայնժամ տնանկբն որ ՚ի հրէաստան վայելեալք լինէին , և որք յԱնտիոք տուեալք զինչս . և սոքա մանաւանդ վայելէին քան զնոսա : Այլ այժմիկ և մեք տնանկբ գոլով ՚ի ժամու սովոյ՝ յորժամ ոմանք հարկաւոր կերակրոյն կարօտին , սերմանեսցուք ըզկրկնակի ողորմու թին ՚ի ցնծու թի նոցա , որով մեք իսկ առաւել ՚ի խրախու թե լինիմք ողորմու թին նոյ :

ՃԱՌԻ ԲՍԱՆՆԵՐՈՐԴ ՎԵՑԵՐՈՐԴ

«**Բ**նդ ժամանակս ընդ այնոսիկ արկ շերովդէս արքայ ձեռն չարչարել զոմանս յեկեղեցւոյն, և սպան զՅակոբոս զեղբայրն Յովհաննու սրով»։ Ընդ ժամանակս ընդ այն, ասէ. յայտ է զի յամս Կղաւղեայ, զկարգ ասացելոցն պահելով. զի այս իսկ սովորութի է գրոց: Բայց շերովդէսս այս ոչ է նա որ զՅովհաննէս գլխատեաց, այլ նորին որդի՝ Թոռն առաջնոյն շերովդէի: Սա կոչի և Ագրիպաս. և սորա որդի է միւս ևս Ագրիպաս որ առ Փետտոսիւ: Այլ ահաւս սիկ դարձեալ միւս ևս փորձութիւնս ՚ի վերայ աշակերտացն հասանէ. և տես թէ որպէս շարամանեալ լինին իրողութիւք սոցա: Որպէս յառաջն իսկ ասացի ՚ի ձեռն դիւրութե և նեղութե ամենայն ինչ նիւթեալ լինելով. քայց այժմ ոչ տակաւին շրեայքն և ոչ ժողովուրդն, այլ թագաւորն իսկ հալածէ. զի որչափ մեծ է իշխանութիւնս, դժուարին է մարտն. և այնպէս զի և առ շնորհուկս առնէր շրեիցն, առնելով զոր ինչ կամէին:

«**Ա**յլ սպան զՅակոբոս զեղբայրն Յովհաննու սրով»։ Էր և այլ ոմն Յակոբոս՝ եղբայր տեառն. սմին վասն նշանակէ զեղբայրն Յովհաննու: Եւ ոչ է թէ վայրապար ինչ իբրև հարեանցի պատահամբ սպան զնա, այլ քանզի յոյժ սաստիկ էր սա ընդդէմ շրեիցն առաւելեալ ՚ի քարողութեանն քան զամենայն առաքեալսն. և զի ինքեանք շրեայքն վասն խորհրդական խրատուն Գամաղիէլի արգելեալ լինէին ՚ի սպանմանէ առաքելոցն: Նա և այլ ազգ. քանզի պատճառս մահու ոչ կարէին գտանել, ՚ի ձեռն այլոց զսպանութիւն պատրաստէին: Ուստի ապա և երդմամբք հաւանեցուցին զշերովդէս անյապաղ փութով զնա սպանանել, զի մի այլ ինչ իբր պատահեսցի և եղիցի զեր-

ձեռք նա . որպէս նախ քան զայս 'ի նոյն իսկ յերու-
սաղէմ Պաւղոս , կամ որպէս յետոյ առ Պետրոս եղև :
Եւ նա որպէս զազան չար վայրագաբար և անսրբա-
պէս 'ի վերայ հասեալ լինէր , և առանց ատենի և քրն-
նութեան սպանանէր զնա . և ընդոյր ասացեալն առ նա 'ի
Քսէ' թէ « Զբաժակն իմ ըմպիցէք և զմկրտութիւնս
իմ մկրտիցիք » :

Ըստ թէ խնդրէ ոք թէ ընդէր ներեաց անձ , ասեմք
թէ առաջին վասն Հրէիցն , զի 'ի միտ առցեն' թէ և
սպանեալք լինելով աշակերտքն՝ յաղթեն թշնամեացն .
որպէս առ Ստեփաննոսիւ եղև : Երկրորդ ատեղի տա-
լով թշնամեացն , յետ ընդոյն զցատումն զղջանալ 'ի մոլո-
րութիւնս : Երրորդ ցուցանելով թէ այն իսկ ներողու-
թիւ և երկայնմտութիւնս նորա եղև : Չորրորդ յայտնի
առնել զնոցա զարիութիւնս . զի այնպէս անխնայտային
զանձինս իւրեանց 'ի մահ վասն անձնազերծող զի մի
ոք ասիցէ թէ վասն այնորիկ աներկիւղ համարձակին
'ի մահ' ակն ունելով 'ի բաց կորզել զնոսա անձնա-
վասն այնորիկ թողացուցանէր սպանանել զնոսա , և մանա-
ւանդ զգլխաւորսն իսկ զՍտեփաննոս և զՅակոբոս . զի
և գլուխ ամենայն աշակերտացն երեքս այսորիկ էին
Պետրոս և Յովհաննէս և Յակոբոս , ջերմաջերմ 'ի քա-
րողութիւն քան զայլսն : Եւ այս իսկ յաւէտ դատա-
պարտութիւն էր սպանող Հրէիցն . զի այնուհետև ցու-
ցեալ լինէր ոչ մարդկային գոլ քարողութիւն , հաւա-
նեցուցանելով զնոսին՝ թէ այն ինչ ոչ 'ի բաց կացու-
ցանէր զնոսա կամ խափանէր 'ի քարողութիւնս , այլ
յետ սպանանելոյն առաւել ևս զօրանայր և ճշմար-
տապէս լցեալ լինէր բան մարգարէին՝ թէ « Համարե-
ցաք որպէս զօջիսար 'ի սպանդ » :

« Իբրև ետես թէ հաճոյ է Հրէիցն , յաւել ևս ու-
նել զՊետրոս » : Ո՛վ բազում պղծութեն և ամբարըշ-
տութեն Հերովդի . հաճոյութի էր սպանումնս , և այն-
պիսի սպանումն տարապարտուց , ուստի յայտնի լինի
մեզ չարութիւն թագաւորին , զի անատեղի և պիղծ ցան-
կութիւն Հրէիցն պատեալ պաշարեալ էր : Որոյ պարտ
էր զնոցին ներհակն առնել , 'ի բաց հատանել զարշա-
ւանս մոլորութեանոց . իսկ նա մանաւանդ վերա-
տարածէր՝ իբրև դահիճ ոմն գոլով հիւանդաց , այլ

ոչ բժիշկ : Եւ այն զի բազում օրինակս ունէր երկիւզ զի . նախ զպապուն իւրոյ և ապա զՏօրն , թէ որպէս մին վասն մանկանցն կոտորածոյ դժնդակագոյն կըրեաց չարիս , իսկ միւսն զՅովհաննէս գլխատեալ՝ պատերազմ դժուարին յարոյց ինքեան , որով և անկաւ իսկ յարքայու թէ : Իսկ սա կարծրացեալ սրտիւ ոչ ՚ի նոսա հայէր , այլ անմտաբար՝ տես թէ յաղագս որոց ոմանց և կամ որպիսի իրօք շնորհս առնէր նոցա , ըսպանմունս առնելով վայրապար և սնտոի :

« Եւ էին , ասէ , աւուրք բաղարջակերաց » : Գարձեալ այսու զաւաւել չարաբարու թի շրէիցն յայտնէ թէ յորպիսի աւուրս սպանանել ոչ արգելուին . մանաւանդ թէ այլ ինչ ոչ գործէին յայնմ ժամանակի : « Զոր իբրև կալաւ , ասէ , եդ ՚ի բանտի և մատնեաց չորից չորրորդաց զինուորաց պահել զնա » : Քանզի երկնէր , կարծելով թէ յերկիւղէն որ վասն Յակօբայ՝ Պետրոս տեղի տայցէ . և կամելով ունել զնա , յամուրս արկ ՚ի բանտի պահապանօք : Այլ այս իսկ նշանակ էր առաւել ցասման և երկիւղի . զի ոչ բանտիւ միայն , այլ և այնքան զինուորօք պաշարէր զնա : « Եւ կամէր յետ զատկին ածել զնա ժողովրդեանն » : Եւ թէ զիարդ ոչ այնպէս վաղվազակի սպան զնա որպէս զՅակօբոս , թուի թէ ըստ որում Ղուկաս յայտնի արար զպատճառն՝ թէ էին աւուրք բաղարջակերացն . կամ մանաւանդ զի կամէր զնա կտտամահ խայտառակել սպանմամբ :

« Եւ Պետրոս ՚ի պահեստի էր ՚ի բանտին » : Այլ որչափ ամրագոյն էր բանտն , այնքան սխրալի եղև ցոյցք իրացն . և այն իսկ ինէր յաղագս Պետրոսի , զի ընտիր երեւեսցի՝ զիւրն արու թի ցուցանելով : « Եւ աղօթք ստեպ ինէին յեկեղեցւոյն վասն նորա առնծ » : Քանզի խտտագոյն էր տագնապն , և յաղագս գլխաւորին էր խնդիրն . վասն որոյ և փութով աղօթիւք առնծ կարգային : Եւ զի Յակօբայ սպանումն զարհուրեցոյց զնոսա , և Պետրոսի ՚ի բանտ արկանելն , առ որ մեծ գթասիրութիւն տրամակայեալք առ վարդապետն ոչ խուճապեալք և խուովեալք եղէն , այլ միաբան յաղօթս կային , և դարձան ՚ի ճշմարիտ մարտակցութիւն և յանդիմամարտ ձեռն ապաւինեալք :

ոչ ասելին թէ ի՞նչարհք և շնչինք գոյով մեք զիսորդ յաղագս նորա աղօթեսցուք որ մե՞ծն է, այլ զի սիրով և միաբանութիւն զիրան առնելին. սմին վասն և առին զոր հայցեցին: Զի որչափ բռնադատութիւն գործեցին թշնամիքն և զգուշութիւն պահելին, այնչափ փութադոյնս արարին զնոսա և ջերմս: Եւ զի ՚ի տօնին զփորձութիւնս ՚ի վերայ ածին, զի նոցա ընտրութիւն և համարձակութիւն երևեսցին:

«Իբրև կամեցաւ ածել զնա Հերովդէս, ՚ի գիշերին յայնմիկ էր Պետրոս ՚ի բուն ՚ի մէջ երկուց զինուորացի: Տես զգործմանալիս. զի լուծեալքն յաղօթս, իսկ կապեալն ՚ի բուն ննջեալ անհոգութիւն: Եւ զիսորդ Պաղոս ՚ի բանտին ՚ի գիշերի հսկեր Շիղայիւ, և սանջեր: Վայելապէս. զի նա հսկելովն դուռն հաւատոյ ցուցցէ ՚ի վիշտս և զգործութիւն աղօթից. իսկ սանջելովն զաներկիւղ լինելն ՚ի մահուանէ որ վասն այլապէս որում և ինքն ոչ զանգիտէր ինչ կամ գողայր. այլ ՚ի նոյն իսկ գիշերին յորում հանդերձեալ էր ածել ՚ի սպանդ, ուրախացեալ յանհոգս ննջեր, զամենայն ինչ յիմ ապաստան արարեալ: «Եւ էր կապեալ կրկին շղթայիւք ՚ի մէջ երկուց զինուորացի: Տես ըզբազմապատիկ զգուշութիւն սպանողացն. որովք յայտնի լինի նոցա չարութիւն և սորա արւութիւն:

«Եւ պահպանք առաջի դրանն պահելին զբանտն. և ահա հրեշտակ տեառն եկն եկաց ՚ի վերայ, և լոյս ծագեաց ՚ի տանն: Յայնմ գիշերի յայտնեցաւ հրեշտակն, որ ՚ի վաղիւն սպանելոց էր զնա Հերովդէս. և լոյս ծագեաց, զի տեսցէ և լուիցէ Պետրոս, և մի առ աչօք երևոյթ ինչ կարծիցէ: Եւ զլոյսն ոչ որ ետես բաց ՚ի նմանէ. զի թէ այնպէս եղև և տակաւին կարծէր երազ գոլ վասն անահնկալի սքանչիցն, թէ այնպէս չէր լեալ յորպիսի կարծիս ոչ անհանէր. քան զի յոյժ Ճակատամարտեալ էր ընդդէմ մահու, առ որ փութալով ոչ երկնչէր, այլ յանհոգս կայր. նա զի և բազում աւուրս մնալով նորա ՚ի բանտին և ոչ փրկիլն առնէր զայն:

«Եւ իսթեաց զկողմն Պետրոսի, զի այնպէս ՚ի խոր ննջէր, և յարոյց զնա և ասէ. արի վաղվաղակի:» Զի՞նչ է յարոյցն և ասէ արի: Թուի թէ ընդ զար-

Թուցանելն զնա խթելով, զի ընկողմնեալ էր, նստոյց զնա՝ թերևս զձեռանէ կալեալ. զի յարոյց ասէ զնրստոյցն. որպէս զայն՝ թէ « կանգնեցաւ և նստաւ մեռեալն ». և « Տարիթայն նստաւ կանգուն » : « Եւ ասէցնաւ. արի վաղվաղակի » . զի մի պղերգասցի . վասն զի քնակիցք էին զինուորքն : Եւ զի մի խափանեացեն զնա կապանքն, իսկոյն անկան շղթայքն՝ ի ձեռացնորաւ :

« Այլ ասէցնաւ հրեշտակն. աժ զգօտի քո, և արկ զհողաթափս յոտս քո. և արար այնպէս » : Յուցանէ հրեշտակն այսու ամենայնիւ թէ ոչ թնամուտ չարաբարւոյ դաւաճանութեամբ, և ոչ բարեկամի վշտակից փութով լինէր այն. զի ոչ որ փութալով ական հատանել՝ այնչափ ընկոյցն հոգ տանի, մինչև առնուլ զհողաթափս, գօտի ածել և ձորձս շուրջ արկանել . որպէս ասաց, արկ զձորձս քո և եկ զկնի իմ :

« Այլ ելեալ երթայր զհետ, և ոչ գիտէր թէ ճշմարիտ իցէ որ ինչ եղև նմա՝ ի հրեշտակէն. զի համարէր երազ տեսանել » : Բարւոք. զի թէ որպէս և էրն, և այնպէս ճշմարիտ գոլ կարծէր զեղեալն յառաջնմէ, թերևս զարհուրեալ լինէր և ՚ի յահէն զյիշատակ իրացն մոռանայր : Բայց այժմ որպէս յերազի հեշտեաւ տեսանելով առանց խուլուութե էր :

« Այլ իբրև անցին նոքա ըստ մի պահ և ըստ երկուս, եկին մինչև ՚ի դուռն երկաթի » : Ո՛ր են հերձուածողքն, որ ամենայնի գիտակ համարին զանձինս և քննեն. ասացեն մեզ այժմ զորպէսն. ահաւասիկ Պետրոս էանց ըստ մի պահ և ըստ երկու և տակաւին կարծէր երազ տեսանել, և մանաւանդ զի այս ամենայն եղև հաւանեցուցանելով զնա թէ չէր իրքն կարծիք. վասն որոյ և զգօտին ընդ մէջ ածել հրամայէր, և զհողաթափսն յոտս արկանել, և խթելով զքունն ՚ի բաց թօթափեաց. զի գիտասցէ թէ ճշմարիտ է. և իսկոյն անկանել շղթայիցն ՚ի ձեռացն և ասել արի վաղվաղակի՝ որ ոչ էր զարհուրեցուցի այլ հաւանեցուցի՝ ոչ պղերգանալ. այլ նմա թուէր երազ տեսանել վասն գերազանցութե եղելոցն : Արդ եթէ Պետրոսի թուէր երազ տեսանել առ այնչափ ժամս, և այն զի ինքնին զգօտին ածէր և զհողաթափսն ազանէր, զինչ արդեօք այլ որ կրեսցէ վասն անձայնոցն ան-

հասանելեաց և Առեսցեն այժմ որք ունայնս պանծան :

«Այկին, ասէ, մինչև 'ի դուռն երկաթի' որ հանէր 'ի քաղաքն, որ և ինքնին բացաւ նոցա» : Արդ զի յերուսաղէմ ըմբռնեցաւ Պետրոս և արկաւ 'ի բանտ, այն ահա յայտ է յասելոյն յետ սակաւուց զՀերովդէս իջեալ 'ի հրէաստանէ 'ի Վեսարիա : Իսկ զինչ այն՝ թէ «Եկին 'ի դուռն երկաթի' որ հանէր 'ի քաղաքն» : Լեառն Սիոն 'ի մէջ երուսաղէմի փակեալ էր հզօր պարսպօք, որ և միջնաբերդն կոչուր, որպէս 'ի մակաբայեցիսն կայ . յորում էր արքունիքն և արարանքն սեպհական զնդիցն . 'ի ներքս անդ էր և բանտն, ուստի եհան զՊետրոս և ած մինչև 'ի դուռն որ հանէր յարտաքին քաղաքն 'ի նոյն յերուսաղէմ . որ և ինքնին բացաւ, ասէ : Եւ ահաւասիկ իւրովի բացումն երկաթի դրանցն երկրորդ նշան՝ ոչ փոքր քան զառաջին եղեալսն :

«Այլ մտեալ անցին ընդ փողոց մի . և վաղվաղակի 'ի բաց եկաց 'ի նմանէ հրեշտակն» : Եւ զի 'ի ներքս լեալքն յոյժ սքանչելագոյնք էին . այլ այս մարդկեղէն էր զկնի հեռեւել . սմին վասն յորժամ ոչ ինչ էր որ խափանէր զնա, յայնժամ 'ի բաց եկաց հրեշտակն . զի թէ յորժամ եհան 'ի բանտէն և 'ի բաց լինէր, ոչ արդեօք յառաջեալ լինէր Պետրոս այնչափ խափանողաց գողով, զի ճշմարտապէս զարհուրեցուցիչ լինէր իրքն : «Եւ Պետրոս իբրև 'ի միտս եղև՝ ասէ . այժմ գիտեմ ճշմարտիւ թէ առաքեաց տէր զհրեշտակ իւր և փրկեաց զիս 'ի ձեռաց Հերովդի և յամենայն ակրն կալու թէ ժողովրդեանն Հրէից» : Յորժամ 'ի բաց եկաց հրեշտակն, յայնժամ իմացաւ Պետրոս և ասէ՝ այժմ ծանեայ, և ոչ նախ քան զայս :

Այլ ընդէր արդեօք լինէր այնպէս ոչ զգալ Պետրոսի հաւաստի զեղեալսն . և մանաւանդ այնպիսի ազատութեան հասեալ, որ մեծամեծ նշանս ունէր ոչ առաջօք գողոյ : Ասեմ՝ թէ զի յանկարծակի կամեցաւ նմա հեշտութի արկանել . զի յետ ազատելոյն յամենայնէ ապա առցէ զիրացն զգայութի . որ և այն չէր փոքր ինչ նշան . որպէս եղև այնոցիկ՝ որոց աչքն կալեալ էին, զի մի ծանիցեն զՅո, և ապա բացան և ծանեան զնա :

Եւ թէ որ ասիցէ թէ ընդէր ոչ 'ի ձեռն ինքեանց իսկ առաքելոցն այսպիսիքս լինէին նշանք՝ այլ հրեշտակօք, ասեմ՝ թէ վասն զի այսպէս պատուէր զնոսաւն ձ, 'ի ձեռն հրեշտակաց զնոսա յափշտակելով. իսկ յայլ ոչ հրեշտակ, այլ ինքեանք իսկ առաքեալքն գործէին զոր ինչ և պարտ լինէր : Եւ թէ զիարդ առ Պաւղոսիւ այսպէս ոչ եղև, զի անդ հաւատալ պարտ էր բանտապետին . իսկ աստ ազատել միայն Պետրոսի . այնպէս զանազանաբար զամենայն ինչ յօգուան մեր տնօրինէր նձ :

Եւ թերևս ասիցէ որ, թէ ընդէր ոչ թողացոյց զնա անկանել 'ի ձեռս Հերովդի, և ապա անդուստ յափշտակեաց, զի այն իսկ աւելի զնա 'ի զարհուրումն ածէր, իսկ այս անհաւատալի լինի եղեալ : Ասեմ, թէ այդպէս լինէր, թերևս ոչ մարդիկ իսկ գոլ կարծեցեալ լինէին բազմաց : Եւ այլ ազգ . առ Ստեփաննոսիւ զինչ ոչ արար . ոչ եցոյց որպէս հրեշտակի զերեսս նորա : Տինա զինչ և աստանօր յամենայնէ որ բաւական էր հաւանեցուցանել զնոսա՝ պահաս եղև . այլ ոչ կամեցան շահել զիբրկու թի :

«Եւ լեալ 'ի միտս . յայտ է Պետրոս . այսինքն թէ ուր էր, և թէ ոչ միայն զնալ պարզաբար պարտ էր, այլ իմանալ զնորհոս բարերարին և օրհնու թք և գոհանալով փառաւորել : «Եկն, ասէ, 'ի տուն Մարեմու մօրն Յովհաննու՝ որ կոչեցաւն Մարկոս» : Եւ ովարդեօք էր սա : Թերևս նա էր որ միշտ ընդ նմա շրջէր . զի վասն այնօրիկ զմականունն նորա յաւել Մարկոս, որ և գրեացն իսկ զաւետարանն՝ որ կոչի անուամբ նորա : Ի տուն մօր սորա եկն, ասէ, «Ուր էին բազումք ժողովեալ և աղօթս առնէին» : Տես 'ի գիշերի աղօթս առնելով որչափ ինչ կատարէին . և թէ որչափ բարի է նեղութի, զի իբրև զուարթունս զնոսա գործեաց : Տեսէր զշահ սպանմանն Ստեփաննոսի . տես արդ և զբանտիս զայսմ՝ թէ որչափ էր՝ ամենեցուն օգտակարութի : Եւ զի ուսանիցիս թէ ոչ սաստեղով նձ անիրաւացն մեծ ցուցանէ զաւետարանն, այլ նօքօք անիրաւողքն, ոչ ինչ կրելով իւրօցն 'ի զըուղացն չարաչար . և զնեղութիւն ըստ ինքեան եցոյց մեծամեծ շահս գոլով . զի մի մեք անձանց ամենևին զա-

զատուածիւնն՝ խնդրեսցուք, և ոչ թշնամեաց զվրէժ խնդրուածիւնն :

«Եւ ՚ի բախել զգուրս տանն՝ մատեաւ աղախին մի ունկն դնել, որում անուն էր Հաովդէ. և ծանուցեալ զձայնն Պետրոսի, ՚ի խնդալոյն ոչ եբաց զգուրսն. ՚ի ներքս ընթացեալ պատմեաց թէ Պետրոս առ դրանն կայ՝ Գիտեա թէ որպէս և աղախինքն նոցա երկիւղածք էին և սուրբք. զի իբրև ծանեաւ զբարբառ նորա, թող նա բանալ նմա զգուրսն, և յուրախուածէ անտի իւրմէ փուծացաւ նա աւետիս տալ ընկերացն : Բարեւոք և այն իսկ եղև, զի մի նոքա յանկարծակի տեսեալ զնա զարհուրեցին և թերահաւատեսցեն. այլ կանխաւ զգալն լսելով՝ կրթեցին միտք նոցա. որ և մեր է սովորուած ՚ի զայս առնել : Եւ զի աղջիկն այն փուծայր զի ինքն տայցէ զաւետիսն, զի աւետիք էր ճշմարտապէս, իսկ նոքա ոչ ունելով ակն իրաց՝ զայս յանձն ոչ առնուին, այլ ասեն ցնա. «Մոլիս. և նա պնդէր թէ այսպէս է. և նոքա ասեն թէ Տրեշտակ նորա իցէ : Եւ զայս ճշմարիտ ասացին, զի իւրաքանչիւր ուրուք Տրեշտակ գոյ. զոր և Քաասաց՝ թէ «Տրեշտակք նոցա յերկինս է» : Զի՞նչ էր խորհուրդ Տրեշտակին, կամ ընդէր զայն կարծէին : Ի ժամանակէն առին զակնկալուածի այնմ լինել :

«Եւ Պետրոս ստէպ բախէր, զի հաստատեցէ թէ ինքն է և ոչ Տրեշտակն : Իբրև բացին, տեսին զնա և զարմացան. և նա ձեռամբ ցուցանէր նոցա լսելն. որպէս զի լուիցեն զառ ՚ի նմանէ ասացեալն : Քանզի փափաքելի էր այնուհետև Պետրոս բազում իրօք աշակերտացն՝ ոչ ապրելոյն միայն, այլ և առնոսա հասնելոյն և վաղվաղակի ՚ի բաց գնալոյն : «Եւ պատմեաց նոցա որպէս տէր եհան զնա ՚ի բանտէն : Արով այնուհետև իմանային իւրքն զամ ինչ հաւաստեաւ : Իմանային և օտարքն եթէ կամեցեալ էր, բայց ոչ կամեցան զօգուտն իւրեանց : Իսկ այս և առ Քսիւ եղև բազում անգամ, և յարուծին առաւել. բայց ոչ կամեցան օգտել :

«Եւ ասէ. պատմեցէք Յակոբայ և Լղարց զայս» :

Տես որպէս խոնարհ էր և ոչ փառասէր . ոչ ասաց թէ ամենեցուն որ յամենայն տեղիս են պատմեցէք, այլ եղբարցն միայն . ասացէք, ասէ, Յակօբայ և եղբարց, զի խնդասցեն և զի մի հոգասցեն : Եւ տես՝ նորա՝ ի ձեռն սոցա իմանային, մեծքն՝ ի նուաստիցս . և ոչ սոքա՝ ի ձեռն նոցա . զի խոնարհագոյն կողմանն մեծապէս փոյթ առնէին : Զնոյն արասցուք և մեք, և մի թաքուսցուք զքբանչելիսն ւնյ . այլ վասն մերոյ օգտի փութասցուք զայնոսիկ հռչակել և առ ՚ի յայլոց շինութիւն :

« Եւ ել զնաց անտի յայլ տեղի » : Տես զհոգաբարձու և զխոնարհ հոգին Պետրոսի, ոչ ուրեք վաղվազակի կամեցաւ զնալ մինչ չև ևս էր աւետիս տրււեալ իւրոցն . զի որպէս սքանչելի էր կամաւ յանձն առնուլ ՚ի կապանս մտանել, նոյնպէս սքանչելի էր ոչ յառաջագոյն զնալ մինչև պատմեցէ իւրոցն զամենայն : Եւ ընդէր զնայր յայլ տեղի . զի ոչ փորձէր զած և ոչ արկանէր զանձն իւր ՚ի փորձութի : Բայց և զայս ևս արարին պետրոսեանքն յորժամ հրաման ընկալան՝ թէ մտէք դարձեալ ՚ի տաճարն և իօսեցարուք ընդ ժողովրդեանն : Եւ սմա զայս այժմ՝ ոչ ասաց հրեշտակն . բայց լուեւեայն ՚ի բաց կալոյն և ՚ի գիշերի հանելոյն ոչ ետ իշխանութիւն վերստին ՚ի նոյն դառնալ : Եւ և այս եղև, զի ուսանիցիմք թէ և մարդկօրէն բազումինչ տնօրինեալ եղև . զի զայս նմա եթող առնել . և ոչ դարձեալ ՚ի նոյնն անկանել բանտ : Բայց տես զի յետ զնալոյ նորա ոչ ասացին թէ հրեշտակ նորա է, այլ յառաջ . զի և ՚ի տեսանելն զնա գրդուեցաւ կարծիքնոցա . ըստ որում և նա ստէպ բախէր, զի մի առ աջօք համարեցին . զի թէ հրեշտակն էր՝ ոչ բախէր արտաքոյ զգուրսն, և ոչ յայլ տեղի զնացեալ լինէր ՚ի տուէ :

ԲԱՐՈՅԱԿԱՆ.

Վմանեացուք հսկողացն այնոցիկ, և մի զամենայն գիշերն քնով ծախեացուք. զի ահա ոմանք և ոչ շուրջ անգամ առնուն 'ի մահիճս զամենայն գիշերն իբրև զմեռեալսն. զի ոչ վասն այնր եղև գիշեր՝ զի հանապազննջիցեմք: Ըզպ թէ ասիցես՝ վաստակեալ եմ 'ի տունջեան և ոչ կարեմ՝ յառնել, այդ բարուրք է. հայեաց 'ի ճանապարհորդս, 'ի պղնձագործս և 'ի դարբինս և յայլ ձեռարուեստս, զմեծ մասն գիշերին 'ի գործ յարուցեալս: Պատկառեա՛ թէ և ոչ յումեքէ՝ 'ի գիշերապահացն, որք զամենայն գիշերն շրջին մեծամեծս գոչելով, ընդ սառնամանիս և ընդ անձրևս բերեալք. և նոքա վասն մարդկային ահի և վասն քոյոյ ընչից. արի և դու վասն ոգւոյ քոյ հանդերձ կնաւ և որդւովք և աղախնովք, որպէս նոքա զորոց վերագոյն լուաք: Յիշեա զԳաւիթ, որ լծագաւոր գոլով զամենայն գիշերս արտասուէր. փութա և դու արտասուօք դալարեցուցանել 'ի գիշերի զտապացեալ ոգիդ տունջեամբ: Եւ առ այս յոյժ օգնական լինիքեզ գիշերային խոր լուութիւնն 'ի յիշատակ մահու գրեզ ածելով, տեսանելովքս զգուռզս և զանիրսս ընդարմացեալս քնով իբրև զմեռեալս:

ՃԱՌԻ ԲՍԱՀՆԵՐՈՐԴ ԵՕԹՆԵՐՈՐԴ

« Ի ԲԻԲԵԻ այգ եղև, էր խռովու թի մեծ 'ի մէջ զինուորացն, զի արդեօք Պետրոսն եղև » : Զի որ ինչ եղևն առ նա 'ի հրեշտակէն, անյայտ 'ի զինուորացն եղև . և զի թէ և զնոսա ևս ընդ Պետրոսի հանեալ էր հրեշտակին, փախուստ գողկարծեցեալ լինէր իրքն : Այլ քանզի ոչ գոյր ընդ նոսա զոր այնչափ զգուշու թեամբ պահէին, մեծապէս իսկ խռովէին յահէն Հերովդի, միանգամայն զարմացեալ ք ընդ իրսն :

ԵՓԲ . « Իսկ Հերովդէս իբրև ինդրեաց զնա և ոչ եգիտ, հարցեալ զպահապանն հրամայեաց սպանանել » : Զի զորս ուրախ արար մահուամբն Յակոբայ, տրտմեցուցէ մահուամբ սպանչացն առաքելոյն :

ՈՍԿ . Այլ թերևս տարակուսեցի որ՝ թէ ընդէր անտես արար անձ յայնժամ զմանկունն կոտորեալս վասն Քրի, և այժմ գարձեալ զզինուորսն սպանեալս 'ի պատճառս Պետրոսի, և մանաւանդ զի հնար էր յետ Պետրոսի և զնոսա ազատել : Ասեմ, թէ որպիսի մնաս եղև այժմ, ասա ինձ . զի ահա մանկունքն որ անիրաւ զարիս կրեցին, հանգիստ դտեալ շահեցան և ոչ մնասեցան : Իսկ ընդէր և ոչ վասն Յակոբայ ասես զայդ . զի և զնա ոչ փրկեաց : Այլ քանզի անհասանելիք էին դործք նորա, և ոչ որ բաւէ քննել :

Իսկ յաղագս զինուորացն ասեմք՝ թէ զի այժմ չէ ժամանակ դատաստանի իւրաքանչիւր ումբք զարժանն հատուցանել : Եւ այլ ազգ . ոչ է թէ Պետրոս ընկեց զնոսա 'ի ձեռս նորա, այլ զի պարտեալ եղև՝ այն մանաւանդ տրտմեցուցանէր զնա . որպէս զնորուն պապն խաբէն 'ի մոգուցն բարկու թք վառէր և ծանակ կացուցանէր, նոյնպէս և սա կիզոյր բարկու թք . վասն վրիպելոյն 'ի սպանանելոյ զՊետրոս զզինուորսն սպանանէր անիրաւարար : Վասն զի հարցանելովն զպա-

Հապանան՝ ապաքէն լուաւ 'ի նոցանէ զսոյզն, զի կապանքն այնպէս կային անկեալ, և զի մինչև ցայն գիշեր ընդ նոսա էր այլ նա այնմ միտ ոչ առնէր . կամ զգայր զքանչսն, այլ զնոսա սպանանէր առ ամբարտաւան ցասմանն :

Մա որ ասելի է, թէ ով անզգամ, ոչ տեսնես զի երկաթքն ոչ լուծեալ է և ոչ փշրեալ, և պահասպանքն 'ի ներքս, և արտաբուստ բանան փակեալ, և յորմն տանն ոչ ահան հատեալ . և այսք ամենեքին գուէն՝ զի ոչ մարդկային էր յափշտակելն նորա : Արդ զնոսա ընդէր գատապարտես . միթէ սոքա փախուցին . ընդէր և ոչ ինքեանք ընդ նմին փախեան, գիտելով զանն երելի դառնութիւնք : Այլ թերևս ինչս առեալ արձակեցին . այլ ուստի տայր, որ և աղքատի տալ ոչ ունէր : Այլ պարտ էր յայսցանէ սքանչանալ նմա և 'ի միտ առնուլ թէ անճային և ոչ մարդկային էր գործըն, և զարհուրել զի յանիրաւ իրս յանդգնէր : Բայց այնուհետև 'ի ձեռն սպանման նոցա ամենեցուն յայտնի լինէր նորա չարութիւն և ան սքանչելիքն : Եւ դու տես զճամբարտութիւն Առկայ, զի զայստսիկ ոչ թաքուցանէ . և թէ զիարդ միաբանի միւս աւետարանչին, թէպէտ զմանկանցն սա ինչ ոչ ճառեաց յաւետարանին . բայց զՅովհաննուսն միայն : «Եւ իջեալ 'ի հրէաստանէ 'ի Վեսարիա և անդ լինէր » . այսինքն շերովդէս : Յայտ է ապա զի յերուսաղէմ գործեաց զվերագոյն պատմեալս և զսպանուամն Յակոբայ :

ԵՒՍ . Այլ իբրև առ Պետրոս վրիպեցաւ 'ի չար կամացն, յամօթ եղև և տարակուսեալ էջ 'ի Վեսարիա, յայն որ ասի թէ Պեննադա է նա . յորում էր 'ի յիշատակ սքանչիցն տեառն առ կինն տեռատես՝ պատկերն պղնձի :

ՈՍԿ . «Այլ էր շերովդէս ցասմամբ ընդ տիւրացիս և ընդ սիդոնացիս» : Ընդէր զայս պատմուին յիշէ աստ, կամ զինչ միաբանութի ունի յառաջիկայս : Եւ կարի 'ի ճահ . զի զչարութի նորա մասամբ ինչ յայտնեաց, կամի և զամբարտաւանութի նորա ցուցանել, և զայ գատաստանին վճիռն . զի յամենայնի զճամբարիտն ցուցէ, բերէ զայս 'ի մէջ թէ էր նա ցասուցեալ ընդ սիդոնացիս : «Եւ նոքա առ հասարակ եկին առ նա » :

Ինձ թուի զի և զնոսա՝ ի պատասխանիս ածելով՝ զհետ տարեալ լինէր . քանզի ցասկոտ և խռովասէր միտս ունելով բարկացեալ էր ՚ի վերայ նոցա , և զչրեայն հաճեցուցանել կամէր : « Իսկ ծուրացիք ՚ի բանի արարեալ զԲղաստոս սենեկապետնորա խնդրէին զխազաղու թի » : Տես թէ զիարդ իրրե տառապեալ մի ՚ի մտաց զիւրաւ ՚ի բարկութի յուզէր , և անազատ գուլով ՚ի ձեռն միոյ սենեկապանի ՚ի հաշտութի փոխէր , յամենայնի ծառայ գոլով հանդիսին : Եւ քանզի վասն սովոյն վտանգի որ ՚ի վերայ կայր , զոր վերոյ յիշեաց , ազաչէին նոքա կերակրել գաւառի նոցա յարքունուստ :

« Իսկ յաւուր միում երևելուջ շերովդէս զգեցեալ էր զհանդերձ թագաւորութե և նստէր յատենի , և հրապարակաւ խօսէր ընդ նոսա » : Տես որպէս սնափառ էր այրն . զի հանդերձեալ տալ նոցա զձիրն՝ հրապարակաբանէր յատենին : Իսկ Յովսէպոս ասէ՝ թէ հանդերձս պայծառս յարծաթոյ պճնեալ զգեցեալ էր . ուստի ընդ շողոյ արեգականն ՚ի վերայ անկանելոյ ճառագայթք արձակէին . և այնպէս նստէր ՚ի տես խաղուն հրապարակախօսելով առ նոսա : « Եւ ամբօինն աղաղակէր՝ թէ ան է բարբառն և ոչ մարդոյ » : Տես զնոցա սուտակասպասութիւն թէ զինչ աղաղակէին , անձ կարդալով զմարդ մահկանացու : Տես և զառաքելոյն խոհեմութի , զի զնա որ զազգս բոլորովին այնպէս հաճեցուցանէր , նոքա զնա ատէին :

« Եւ անդէն եհար զնա հրեշտակ տեառն , փոխանակ զի ոչ ետ փառս անյ . և եղեալ որդնալից սատակեցաւ » : Ոչ փոքր օգուտ եղև այս ինչ առ ՚ի գիտել և ՚ի միտ առնուլ զիրաւունս անյ . զի տես թէ որպէս վաղվաղակի դատաստանն արդար եհաս ՚ի վերայ . թէ պէտ և ոչ վասն Պետրոսի , այլ վասն նորին գուռոզ բարձրամտութեն : Այլ ասեն . ամբօինն աղաղակեցին , նմա զինչ մեղ էր : Այլ վասն զի ախորժելով զայնպիսի ձայնն ընկալաւ , զի զանձն արժանի գոլ կարծեաց խաբէբայիցն աղաղակին : Վասն այսորիկ մանաւանդ և խաբէբայքն խրատեալ եղեն մի յանդգնել տարապարտուց յայնպիսի իրս : Տես դարձեալ զերկաբանչիւրսրն արժանիս գոլ պատուհասի . զնոսա մնացեալս , և զնա տանջեալ : Չի չէ այժմ՝ ժամանակ դատաստանի

Հատուցման . այլ նոցա թողացուցանէ , զի յայնմաննէ շահեացին զփրկութի անձանց . և զնա յաւետ դատապարտեալ տանջէ զանբժշկելին ախտացեալ :

Արդ Յովսեփոս ասէ՝ թէ զաւուրս Հինգ ՚ի խիստ հիւանդութի անկաւ ՚ի տես ռամկին : Եւ քանզի բազումք ոչ գիտացին զայն եթէ հրեշտակ տեառն եհար զնա , աւետարանին եդ և զայս իսկ սրպէս և գիտէր Հոգւով զճշմարիտն : Սակայն և անգիտանալն զայն բազում օգուտ էր , խորհելով նոցա թէ վասն աղաղակին եղև այն և վասն սպանման Յակոբայ և վասն զուր կոտորածի զինուորացն : Եւ տես , զի յորժամ զառաքեալն սպան , ոչ ինչ այնպիսի գործեցաւ . այլ յորժամ զօտսա՝ դատապարտեցաւ : Եւ զի եկեալ առ նա սուտակասպաս լինելին ասելով զի թէ պէտք յոյժմ մարդ մահկանացու համարեաք զքեզ , այլ այժմ գիտացաք անձ գոլ զքեզ , իսկ և իսկ ապա ՚ի կրունկն ամբարհաւաճ բարբառոյն յորդունս զեռեալ գարշելապէս , և ողորմեաբար տանջանօք քակեալ զկենցաղն՝ այլ ոչ լինի երևեալ վիրագն : Արդ պարտ էր ՚ի միտ առնուլ զայս շրէից , թէ նա լուաւ միայն թէ անջայն է և ոչ մարդոյ . և մանաւանդ ինքն ոչ ինչ ասացեալ և զայնպիսի կիրս կրեաց , ապա յոյժ մանաւանդ և Քր , եթէ ոչ էր անձ , զոր և ինքն միշտ ասէր՝ եթէ « Բանն զոր խօսիմ , ոչ է իմ , այլ Հօրն որ առաքեացն զիս » . և « Իմ թագաւորութիւնս չէ յայսմ աշխարհէ » . և զայլս սոյնպիսիս :

« Աւ բանն անյ աճէր և բազմանայր » : Տես զայ տնօրէնութիւնն և զհանգիստ նոցա զմեծ յետ նեղութեն , և բազում բարիս ՚ի նորա պատուհասին : Բան զի այսոցիկ այսպէս եղեալ , հաւատացեալքն բազմացեալք լինելին : « Բառնաբաս և Սօղոս գարձան յերուսաղէմէ իբրև կատարեցին զպաշտօնն » : Զայն ասէ զպաշտօն , զի տարան նոքա զթողակն ՚ի պէտս սրբոցն որ յերուսաղէմ , առեալ ընդ իւրեանս և զՅովհաննէս՝ որ կօչեցաւն Մարկոս :

« Աւ էին ոմանք յԱնտիոք ըստ եկեղեցւոյն մարգարէք և վարդապետք , Բառնաբաս և Շմառոն կօչեցեալն Նիւղէր , և Ղուկիոս կիւրենացի , և Մանայէն դայեկորդի Հերովդի չորրորդապետի և Սօղոս » : Տա

կաւին յառաջագոյն զԲառնաբանս և զայլնս յիշէ՝ զի ոչ ևս էր Պաւղոս պայծառացեալ և ոչ նշանս ինչ գործեալ։ Մինչդեռ ՚ի պաշտաման տեառն կային և պահէին, ասէ Հոգին սուրբ՝։ Զինչ է ՚ի պաշտաման տեառն կայն։ Զքարոզութիւն կոչէ պաշտօն։ Արդ պահս կատարէին և պաշտօն . զի գիտասցես թէ բազում արթնութե պէտք էր։ « Ասէ Հոգին սուրբ՝։ Եւ որպէս ասաց ցնոսա. ՚ի ձեռն մարդարէիցն թերևս . վասն այսորիկ յառաջագոյն ասաց՝ թէ մարդարէք էին յեկեղեցւոջն։

Արդ գիտեա այսուհետև զիշխանական զօրութի Հոգւոյն սոյն. զի պահէլով նոցա, ասաց, ասէ Հոգին սուրբ. « Որոշեցէք ինձ զԲառնաբանս և զՊօղոս ՚ի գործ՝ յոր կոչեցեալ է իմ զգոսա »։ Զիարդ արդեօք համարձակիցի որ ոչ նորին հայրական իշխանութեն գոլ ասել զայսոսիկ Եւ քանզի զՊաւղոս ԲՅ կոչեաց յառաջագոյն, որ և ասաց իսկ « Անթ ընտիր է նա ինձ » . և ինքն զՀօրէ իսկ ասէ, « Այլ անձ, ասէ, յորժամ կամեցաւ՝ որոշեաց զիս յորովայնէ մօր իմոյ, և կոչեաց զիս ՚ի ձեռն շնորհաց իւրոց աւետարանել զՈրդին իւր ինև »։ իսկ աստ ասէ Հոգին սուրբ՝ որոշեցէք ինձ ՚ի գործ՝ յոր կոչեցեալ է իմ զգոսա։ Այլ զի յայտնի լիցի թէ որ Հօր ասի՝ այն Որդւոյ է և Հոգւոյն, և որ ինչ Որդւոյ և Հոգւոյ՝ նոյն և Հօր։ Եւ զի ոչ ասաց որոշեցէք տեառն՝ այլ ինձ, զմիութի իշխանութեն այսու եցոյց ՚իսկ զինչ է որոշեցէքն ինձ ՚ի գործ . այս ինքն յառաբելութիւն։ Այլ զայս առնէ Հոգին, զի մի իցեն նոքա հասարակաբար ընդ այլոցն . քանզի ետես զնոսա մեծագոյն զօրութի ունելով և բազմաց հնարաւորեալ զփրկութի, շատ համարեցաւ միայն լինել նոցա։

« Յայնժամ պահեալ և աղօթս արարեալ՝ եզին ձեռս ՚ի վերայ նոցա և արձակեցին »։ Տես որչափ ինչ մեծ է պահք և բազում բարեաց պատճառք . քան զի պահելով նոցա ասաց Հոգին սոյն՝ որոշեցէք ինձ։ Եւ յորժամ պարտ էր ձեռնադրել, պահս ընդ աղօթից լծակեցեցին և եզին ձեռս ՚ի վերայնոցա։ Տես ՚ի ձեռն որոց ոմանց եղեն ձեռնադրեալք . Ղուկիոսի կիւրեւնացւոյ, Ըմաւոսի և Մանայէնայ. զի իմասցին թէ ՚ի

ձեռն Հոգւոյն եղև ամենայն . զի ոչ նոքա , այլ Հոգին սուրբ . զի որչափ դէմքն նուազագոյնք էին , այնչափ անորհրէքն մեծապէս լինէր 'ի նոսա : Արդ ձեռնադրեալք եղեն այնուհետև յառաքելու թի , իբրև իշխանութբ . քարոզել և առնել սքանչելիս , զորս և համանդամայն ձեռնադրեալք 'ի բաց արձակեցին : Արդ զիարդ ապա ինքն ասէ . « Ոչ 'ի մարդկանէ և ոչ 'ի ձեռն մարդոյ » : Այո . զի ոչ է թէ մարդ որ զնա կուլեաց և աշակերտեաց , այլ անձ . այս է ' ոչ 'ի ձեռն մարդոյ . ըստ որում և աստանօր զարձակիլն ասէ ոչ յու մեքէ , այլ 'ի Հոգւոյն սրբոյ :

ԲԱՐՈՅԱԿԱՆ

Այլ վերստին յիշեցուցանեմ զկարևոր պիտանութի պահոց . բայց ոչ այնչափ պնդութի խեղդ արկանեմ անսուաղ լինել , և ոչ զչափաւոր կերակուրն խափանեմ՝ որ տիրապէս է վայելումն . այլ յանչափ որկորստութէ և 'ի վնասակար արբեցութէ ու ժգին սաստիւ 'ի բաց լինել հրամայեմ , որ մանաւանդ ապականիչ է հոգւոյ և մարմնոյ , և քաղում աղմկով և խռովութբ զհոգին պաշարէ , և քան զդիւահարսն դժընդակագոյն զզուանօք լլկէ : Զի ո՛ւմ վայ , է թէ ոչ որոց յամենն 'ի դինուջ : Եսաւ յորկորստենէ կորոյս զանդրանկութին . ժողովուրդն նստաւ ուտել և ըմպել և կռապաշտել : Իննայեա 'ի քեզ և տես 'ի նահատակն զի անօր և նրբագոյն մարմին զօրեղ է : Առ և 'ի մօտոյ օրինակ զժուժկալ պահեցօղս , զորոց Ղուկաս պատմաբանեաց :

ՃԱՌԻ ԲՍԱՆՆԵՐՈՐԴ ՈՒԹԵՐՈՐԴ

« Լի նորա առաքելալք 'ի Հոգւոյն սրբոյ իջին 'ի Սելւկիա » : ՅԱնտիոք լինի Պաւղոս ձեռնադրեալ 'ի Հոգւոյն, քարոզել ուր առաքեսցի : Այլ դու յորժամ լսես թէ 'ի Հոգւոյն առաքեցան, մի խնդրեր հասու լինել ամենայնին . զի ոչ միայն ձեռնադրեալք եղեն 'ի Հոգւոյն, այլ և 'ի բաց առաքեցան :

Արդ իջեալք 'ի Սելւկիա, ոչ դեգերէին անդ յերկար . գիտելով զի 'ի մերձաւոր քաղաքէն Տարսոնէ առեալ լինին բազում օգտակարուիք : Այլ առ կարեւորսն փութալով « Անտի նաւեցին 'ի Կիպրոս », իբրև ոչ գոյով անդանօր դաւաճանուէ . մանաւանդ զի ընդարձակեսցի քարոզութիւն . քանզի յԱնտիոք բաւական էին այնք, և Փիւնիկէ մերձ էր 'ի Պաղեստին . իսկ Կիպրոս ոչ ևս :

« Եւ հասեալք 'ի Սաղամիսնա, որ էր մայրաքաղաք Կիպրոսցւոց, պատմէին զբանն նյ » : Քանզի յԱնտիոք զամ մի ողջ արարեալ, պարտ էր և անդանօր դնալ, և ոչ հանապազ աստ ևեթ նստել . այլ զի և նորա մեծագոյն վարդապետօքն վայելեացէն : « Եւ 'ի ժողովս Հրէիցն նախ պատմէին զբանն նյ » . զամենայն փոյթ նոցա արարեալ յառաջագոյն, զի մի վիճաբանագոյն նրս՝ զնոսա գործեսցէն : « Ունէին և զՅովհաննէս պաշտօնեայ » . զՄարկոս ասէ, քանզի երկանուն էր : « Եւ շրջեալ ընդ ամենայն կղզին մինչև 'ի Պափոս » : Ի մայրաքաղաքէն սկսեալ անցանէին ընդ բոլոր կղզին . եկին 'ի Պափոս, և անդ առ արմատ ցաւոյն հասանելով՝ զհոգեմանն աշխարհին ուղղել փութացան :

« Եւ գտին անդ զայր մի մոգ սուտ մարդարէ հրեայ, որում անուն էր Բարեյեսու » : Որպէս անդ Միմն մոգ, դարձեալ և աստանօր երևի մոգ հրեայ՝ անուն Բարշու մա : « Որ էր ընդ փոխանակի բդեշխին » . այս

1 Միւսն յիճարմականօրոյն :

2 Միւսն հոգանելով :

է զի շրջէր նա ընդ անթ Տիպատին Սերգեայ Պաւղոսի առն իմաստնոյ . որոյ աղաչեցեալ զԲառնաբաս և զՍօզոս՝ խնդրէր լսել զբանն ւնյ : Այր իմաստուն ասէն զանթ Տիպատն՝ ոչ է ըստ ակնառութե . և ահա յիրացն տեսլիր թէ որպէս ոչ բազում բանից կարօտացաւ , և զհարդ իւրովի աղաչանօք կամեցաւ լսել նոցա : Բայց և զանուանսն ևս զնորին ասէ , որ զառաջինն Սերգեա գօլով , յայտ է զի զերկրորդն նորոգ կօչեցին Պաւղոս : Եւ սքանչելի են սորա իբքն . զի նախ ըմբռնեալ կախարդութիւնսն և կամէր լսել զբանս առաքելոցն : Զայս ինչ և սամարացիքն արարին , զորս երբեմն ապշեցուցանէր Սիմոն : Բայց տես աստ զառաքեալսն . զի ընդ կախարդին ոչ ինչ ասէին մինչև ինքն ետ զպատճառն , այլ միայն զբանն ւնյ պատմէին : Եւ քանզի զայլսն տեսին հաւատացեալս , և առ մի միայն հայէին առ անթ Տիպատն , զի և նա հաւատասցէ :

« Եւ ընդգէմ եկաց նոցա Ելիմաս մոգ , զի այսպէս թարգմանի անուն նորա . խնդրէր շրջել զփոխանակ բղէշխին՝ ՚ի հաւատոց » : Տես զնափառութի և զիշխանութի յամենայնի պատճառ չարեաց վատթարացն , որպէս սմա . զի ահա յորժամ այլոցն քարոզէին , ոչ կարի վշտանայր մոգն . իսկ յորժամ առ հոգեմոնն եկեալ լինէին քարոզել նմա , յայնժամ մոլէր ընդգէմ կազելով :

Եւ աստանօր ՚ի բաղդատութի յաղթութի պայծառ երևի , կախարդութեն յաղթահարեալ լինելով . վասն զի Սօզոս որ է Պաւղոս , զի յետ ձեռնադրութեն փոխեցաւ անուն նորա որպէս Պետրոսին և այլոցն , « Սա լցեալ Հոգւով սրբով » , զի մի զասացեալսն սրտամտութիւն գոլ կարծիցես , « Հայեցաւ ՚ի նա և ասէ . ով լի ամենայն նենգութիւն և խորամանկութիւն որդի սատանայի » : Ոչ են բանքս անարգողի , այլ յանդիմանողի զճածկեալ չարութիւն ՚ի նմա . զի զխատսրն և զանամօթսն այսպէս պարտ է զարհուրեցուցանել : Լի , ասէ , ամենայն նենգութիւն , ոչ ինչ նուազեալ ՚ի չարեաց : Լի խորամանկութիւն . զի կեղծաբութիւն կայր , փրկութիւն ձևով կորուսանել խնդրելով զանթ Տիպատոսն : Արդի , ասէ , սատանայի . զի զնորին գործէր զգործ , յորմէ և կախարդութիւն կորուսիչ :

« ԹՆամի ամենայն արդարութեան » . զի ամենայն արդարութի այն իսկ էր զոր քարոզէրն : Բայց այսու և զկենցաղն նորա յանդիմանէ չար և զեղիս գոլ : « Ոչ լուես 'ի թիւրեւոյ զճանապարհս տեառն զուղիղս » : Ոչ ասաց թէ ընդէր ոչ դադարես դարձուցանել զանթհիպատդ , այլ ընդէր թիւրես զուղիղ ճանապարհս տեառն : Ոչ ընդ մեզ մարտնչիս , ասէ , այլ ընդ ուղիղ ճանապարհին տեառն : Զայսոսիկ գովելով ասէ , ըզձմարտութիւն ցուցանելով :

« Եւ արդ ահա ձեռն տեառն 'ի վերայ քո , և եղիցիս կոյր չտեսանել զարև մինչև 'ի ժամանակ մի » : Զեռն զներգործութի Հոգւոյն ասէ . և այս ոչ էր պատուհաս , այլ բժշկութի եթէ կամէր : Գրեթէ այսպէս ասէ , թէ ոչ էս առնեմ զայս , այլ ձեռն ւնջ . և ահա եղիցիս կոյր : Որով ինքն ածեալ եղև , կամէր և զնա ածել . բայց աստ ոչ լոյս որպէս շուրջ զՊաւղոսիւ փայլեաց : Իսկ ասեն՝ թէ մինչև 'ի ժամանակ մի , ոչ էր պակաս նշան քան զկուրացուցանելն : Եւ դարձեալ տայ նմա այսու յոյս թէ կամեսցի . զի ոչ էր բանն տանջողի , այլ դարձուցանողի . զի թէ տանջել միայն կամէր , հանապազ սահմանէր 'ի վերայ նորա զկուրութիւն : Բայց այժմ ոչ այսպէս , այլ առ ժամայն , զի զանթհիպատան շահեսցի , և նմա տացէ 'ի չարեացն ապաշխարել . վասն զի ոչ ախորժէին առաքեալքն պատուհասելով զթշուառականն երևելիք լինել , մանաւանդ ըզթճնամիսն . զի առ ընտանիսն վայելապէս պատահի այս , այլ առ օտարնն ոչ ևս . զի մի 'ի հարկէ հաւատան կարծիցի և յերկիւզէ :

« Եւ անդէն անկաւ 'ի վերայ նորա մէգ և խաւար , և շրջէր խնդրէր առաջնորդս » : Արդ նշան կուրութեն առաջնորդին խնդրելն էր . և այն յայտնի առնէր զոր յոգւոջն նորա էր կուրութիւն : Եւ թէ ընդէր ոչ այլ ինչ նշան արար , զի թերևս այն ոչ լինէր այսմ հաւատար առ 'ի յրմբունել զթճնամիսն . զոր յառաջագոյն ամբաստան լինելով եցոյց արժանի գոլ կրելոյ զայս , զի զյառաջագոյն ըմբունեալն կախարդութիւն այնպիսի պատուհասիւ պարտ էր խրատել . որպէս գէտքն և մոգքն առ Մովսէսիւ 'ի ձեռն խաղաւարտից խրատեալք լինէին :

« Յայնժամ տեսեալ փոխանակի բղէշին զիրսն որ եղէն, հաւատաց՝ զարմացեալ ընդ վարդապետութի տեառն » : Տես զի նորա խաւարմամբն անթհիպատն ոչ միայն հաւատաց, այլ զարհուրեալ և զարմացեալ յառաջագոյն՝ ետես զի ոչ լոկբանք և պատրանք էին այն : Եւ տես թէ նա որչափ սէր և ցանկութի ունէր առ վարդապետութիւն, ՚ի սկզբանէ գոլով այնպիսի : Բայց ոչ յամեն նորա ՚ի տեղւոջն, զի հաւատաց անթհիպատն, և ոչ թուլացեալ կակղանան դիւրութիւն և պատուովն, այլ իսկոյն ՚ի դործ բանին՝ որ յայնկոյս էր ՚ի դաւառն գիմեն :

« Այւ ամբարձեալ ՚ի Պափէ պաւղոսեանց՝ եկին ՚ի Պերդէ Պամիլիւլեայ » : Ամբարձան ասելովն զարագաձեպ փոյթ ընթանալոյն կամի յայտ առնել : « Յովհաննէս մեկնեալ ՚ի նոցանէ դարձաւ յերուսաղէմ » : Զհեղգութի նորա յայտ առնէ այսու իբրու զի ընդերկարաձիգ այնուհետեւ առնէին նորա ձանապարհ և մանաւանդ զի նա պաշտօնեայ էր, և նորա ունէին զհոգսն և զտագնապն. այլ ոչ բարկացան ինչ առաքեալքն ՚ի վերայ նորա. զի ոչ կարեւոր ինչ էին իբր նորա, այլ ՚ի դործ անդր փութային : « Նորա զնացեալ, ասէ, ՚ի Պերդէայ եկին յԱնտիոք Պիսիդեայ » : Տես զիարդ համառօտէ շարագիրն, և ոչ մի ըստ միջէ պատմէ մեզ :

« Այւ մտեալ, ասէ, ՚ի ժողովուրդն յաւուր շքութու՝ նստան » : Գարձեալ հրէական ձեռով ՚ի ժողովուրդն մտանեն, որպէս զի մի մարտուցեալք լիցին կամ հալածեալք, այլ զի նախ բանին ձանապարհ հորդեցին. ըստ որում և ոչ յառաջագոյն սորա խօսեցան, այլ ՚ի նոցանէ յորդորեալք իբրև զօտարս ոմանս ՚ի բանն յորդորելով զնոսա : « Եւ յետ ընթեանլոյն զօրէնս և զմարդարէս՝ առաքեցին առ նոսա ժողովորդապետքն և ասէն. արք եղբարք, եթէ իցեն ՚ի ձեզ բանք միսթարութեալ առ ժողովուրդդ, խօսեցարուք » : Տես զժողովորդապետն տակաւին զայս իսկ առանց մախանաց արարեալք. բայց յետ այսորիկ ոչ ևս : Առ որս ասելի է. եթէ զայսոսիկ ախորժէիք դուք, յոյժ մանաւանդ պարտ էր ձեզ միսթարել ուրախութի :

ԲԱՄՈՅԵԿԱՆ

Այլ աւաղ թշուառութեանս, զի իշխանասիրութիւն զամինչ վեր'ի վայր կործանէ որոց առաջնորդք որպէս կուրաց պիտոյ են: Այլ երանի թէ առաջնորդս խնդրէին այնպիսի կոյրքն, և ոչ յառաջ վազէին այլոց լինել առաջնորդք: Այլ թէպէտ բուռն է ախտս այս, այլ երկիւղն նոյ բաւական է զսա յաղթահարել. զի թէ յերկիւղէ կամ յամօթոյ մարդկան բազում անգամ զախտաւոր յարձակմունս մեր խափանեմք, քանի՛ ևս թէ զերկիւղն նոյ առաջի աչաց ունիցիմք՝ սնոտի փառաց ցանկութե՛ յաղթեմք: Եւ տես թէ զիարդ և զայս ուղղեցին առաքեալքն, որպէս լեւս. և եթէ փառս սիրես՝, զամօթոյնս սիրես ջիր:

1 Միւսն գործեր է:

ՃԱՌԻ ԲՍԱՆԵՐՈՐԴԻ ԻՆՆԵՐՈՐԴ

«ՅՈՏՆ ԵԿԱԿ ՊԱԼՂՈՍ» : Արդ յառաջագոյն ասացելովքն ոչ փոքր ինչ յաղագոս Պետրոսի իմացեալք, այսուհետև զՊալղոսի զիրսն իմասցուք : Աստանօր առաջին Պալղոս քարոզէ . քանզի այլ ոչ ևս էր եկեալ անդ : Եւ տես զնորա հանձարն . զի ուր էր բանն սփռեալ, անդուստ զանց առնէր . և ուր չև ևս էր հասեալ, անդանօր դեպերէր . որպէս և ինքն գրելով ասէ՝ թէ « Այսպէս առատացաք աւետարանել, ոչ ուր անուանեցաւ Քրիստոս, զի մի իբրև յայլոյ հիման վերայ շինեցից » : Եւ այս բազում արևութեան նորա էր . զի ՚ի սկզբանէ սքանչելի էր այրն, խաչեալ աշխարհի և ճակատամարտեալ առ ամենայն տեսակս ճգանց . գիտէր որչափ շնորհս ընկալաւ, և հաւատարակչիս զփոյթն ՚ի ներքս մուծանէ : Ոչ զանդիտեաց ՚ի Հրէիցն յառաջագոյն յորժամ ՚ի մէջ բազմութեան սոյառնացելոցն յերուսաղէմ էր . և աստ դարձեալ ՚ի մէջ նոցա մտանէ : Եւ տես թէ որպէս լինի տնօրինեալ ՚ի Հոգւոյն ոչ քարոզել Պալղոսի աւերուսաղէմացիսն . զի այն միայն իսկ շատ էր անդ լսելն թէ հաւատաց . այլ քարոզելով ոչ ներէին թերևս վասն ատելութեանն զոր ունէին առնա . սմին վասն և ՚ի հեռաւոր տեղիս զնաց՝ ուր ծանօթ ոչ գոյր, և անդ քարոզէ :

Այլ տես այժմ զԲառնաբաս տեղի տալով Պալղոսի . և զիսորդ ոչ . այնմ զոր ինքն ածէր ՚ի Տարսոնէ . այլ որպէս Յովհաննէս Պետրոսի յամենայնի տեղի տայր և մանաւանդ պատկառելի և մեծ քան զնա գոլով : Բայց քանզի ամենայն ուրեք ՚ի հասարակացօգուտն հայէին, և ոչ յանձանց մեծարանս, տեղի տային միմեանց :

Եւ ընդէր յոտն յառնէր Պալղոս . զի սովորութի էր այսպէս առնել . « Շարժեաց, ասէ, զձեռն » : Եւ այնպէս և շարժել ձեռնինն ՚ի լսելն յորդորելով : Եւ տես

Թէ որպէս բանին ճանապարհ հորդէ . նախ գովու թիւս
ասացեալ թէ «Արք խորայէլացիք» . ցուցանելով նո-
ցա անուամբն այսու զբազու մատակարարու թիւնն
այ . զի հասարակաց փրկու թէն որ Քծիւ՝ զնահապետս
նոցա հաճեցաւ լինել սկզբունս : Իսկ ասելովն «Եւ
ոյք երկնչիք յայ» , թուի թէ զեկամունտսն՝ ի հեթանո-
սաց ասէ : Այլ ոչ ասաց՝ թէ և որ ՚ի ձեզ եկք են ,
զի մի թուիցի օտարացուցանել զնոսա յԽորայէլէ . այլ
ասէ՝ ոյք երկնչիք յայ . կամ թէ զնոյն ինքն զերկիւզն
այ ասէ :

Վճ ժողովրդեանս այսորիկ Խորայէլի ընտրեաց ըզ-
հարսն մեր » : Տես զիմաստու թիւնորին և զգիր բա-
նին՝ թէ զիարդ կամ ուստի սկսանի . զվճ կարգալով ,
որ է հասարակաց ամենայն մարդկան արարիչ : Եւ
՚ի սկիզբն բանին ցուցանէ ՚ի վերուստ ՚ի նահապե-
տացն զերախտինն նորուն մեծապէս առ նոսա գովով ,
որպէս և Ստեփաննոս առնէր :

« Այլ զժողովուրդն բարձրացոյց , ասէ , ՚ի պանդխտու-
թէ երկրին եգիպտացուց , և ՚ի բազուկ բարձր եհան
զնոսա անտի » : Ահա ասիկ զառաջին ուղղու թիւն ոչ
նոցա ինչ զնէ , այլ երախտեացն այ . նա , ասէ , ընտրեաց
և բարձրացոյց և յաղթու թիւ զգեցոյց : Եւ այսօրիկ ոչ
եթէ նոցունց ինչ էր գովու թիւ , զի ոչ եթէ հայցեցին
և նա ետ : Եւ յորժամ ՚ի բազու թիւ աճեցին յԵ-
գիպտոս , ասէ , յայնժամ զսքանչելիսն առաւել ա-
րար վասննոցա : Զսոյն և մարգարէքն յիշեն միշտ՝ որ
ինչ յԵգիպտոս եղեն իրքն : Եւ տես թէ որպէս զժա-
մանակօք պատահարացն զանց առնէ և զնոցանէ զամ
բաստանու թիւնն ՚ի մէջ ոչ ածէ , այլ նոցին թողացու-
ցանէ խորհել , և միայն զայ մարդասիրու թիւն յիշե-
ցուցանէ :

« Այլ իբրև քառասնամեայ ժամանակ կերակրեաց
զնոսա յանապատին » ասէ : Ապա և զքնակու թիւ երկ-
րին որ տուաւ ցեղիցն վիճակաւ , ասէ . « Եւ քակեաց
զազոս եօթն յերկրին Քանանու , և ժառանգեցոյց
նոցա զերկիրն նոցա » : Ապա և զյուլովու թիւ ժամա-
նակացն ասէ . « Իբրև ամս չորեքհարիւր և յիսուն .
և յետ այսորիկ ետնոցա դատաւորս , զինի անապա-
տին և Յեսուայ ասէ , մինչև ՚ի Սամուէլ մարգարէ » :

Աստանօր զգանազան տնօրինեալ իրքն՝ որ ըստ նոցա էր՝ յայտնէ . զի ՚ի ձեռն յիշեցայ զիրան որ յեղիպտոսէ և այսր՝ բաւական լիցին լսողքն՝ ՚ի միտ առնուլ զառ ինքեանս զբարեմտութի նոցա :

« Եւ անտի յառաջ ինդրեցին , ասէ , թագաւոր » : Եւ ոչ ասէ զանդիտութի և զանօրէն յանդգնութի նոցա , այլ յամենայնի զայ մարդասիրութիւն : « Եւ ետ , ասէ , նոցա զՍաւուղ որդի Կիսեայ այր յազգէ Բենիամինի , ամս քառասուն . և իբրև փոխեաց զնա , յարոյց նոցա զԴաւիթ թագաւոր , որում և ասաց վկայութի , յայտ է թէ առ Սամուէլ , գտի զԴաւիթ որդի Յեսսեայ այր ըստ սրտի իմում , որ արացէ զամենայն կամս իմ » : Յոյժ վայելապէս զԴաւիթ միայն զօվեստիւ զնէ . և ասացելովքս ցուցանէ՝ զի ՚ի նմանէ էր Քս . որ ոչ էր փոքր վկայութիս այս առ ՚ի հաւատալ՝ ՚ի նմանէ լինել Քսի : « Ի սորա զաւակէ , ասէ , ըստ աւետեացն յարոյց ան իարայելի զփրկիչն Յս » : Արդ վերագոյն ասացելովքս յայտ արարնոցա՝ թէ և այժմ՝ ըստ առաջին սովորութեն զՈրդին իւր առաքեաց ան առ մհակսն յայգին , որպէս և զծառայսն յառաջագոյն . իսկ ըստ աւետեացն զայն ասէ՝ զոր առ Դաւիթ և առ Աբրահամ և մարգարէիւքն կանխաձայնեալ :

« Իստ յառաջագոյն քարոզութեն Յովհաննու առաջի երեսաց մտի նորա , մկրտութի ապաշխարութե ամենայն ժողովրդեանն իարայելի Եւ իբրև ընոյր Յովհաննէս զընթացսն , ասէր՝ զո՞ դք կարծէք զինէն թէ իցեմ . չեմ ես այն . այլ ահա դայ զկնի իմ , որում չեմ արժանի զկօշիկս ոտիցն լուծանել » : Բերէ ՚ի մէջ զՅովհաննէս հանդերձ մեծամեծ վկայութիքն զորքարոզէր : Սոյնպէս և Յովհաննէս աւետարանիչ գրելով զսկիզբն աւետարանին փութալով առ նա ապաւինի , քանզի մեծ էր անուն նորա յամենայն տիեզերս : Եւ ոչ ասէ զիրան յինքենէ , այլ զնորին վկայութիս յառաջ բերէ Յովհաննէս վկայէ զնմանէ , ասէ . և ոչ վարապար . այլ զի ամենեքեան նմա ընծայելին զփառսն՝ թէ նա է Քսն : Եւ նա ՚ի բաց ընկենոյր զայն յիւրմէ , որ ոչ փոքր ինչ էր առնելն զայս . զի և ոչ իսկէ հաւասար զպատիւ փառացն զոր ոչ դք տայ և զայն զոր ա-

մենեքեան շնորհեն՝ ի բաց վարել յինքենէ . և ոչ զայն միայն , այլ և այնչափ ամփոփմամբ զինքն ՚ի խոնարհ մատուցանել :

« Բքք եղբարք՝ որդիք արրահամեան տոհմին , և որ ՚ի ձեզ երկիր զածք իցեն յայ » : Դարձեալ ՚ի Հօրէ անտի կոչէ զնոսա , զի որդիքն հօրն նամանեցին : « Ձեզ , ասէ , բանս այս փրկութեան առաքեցաւ » : Յամենայնի զայն ձեպի ցուցանել՝ թէ ընտանի է նոցա բարին , զի մի իբրև օտարի ումեմն հայեցողք եղեալ փախչիցեն : Աստանօր զձեզդ ոչ Հրէիցն տայ . այլ ասելովն՝ ձեզ բանս այս , այնոցիկ ասէ՝ որ ՚ի բաց լինին պատառեալ յայնցանէ՝ որ սպանանել զՔս յանդգնեցան : Եւ յայտ առնէ զասացեալս միւս բանն զոր ՚ի վերայ բերէ . « Բայց որ բնակեալ են յերուսաղէմ հանդերձ իշխանօքն նոցա անծանօթք եղեն ՚ի նմանէ . և ըստ բարբառոյ մարգարէիցն , որ զամենայն շաբաթսրն ընթեռնուին , դատեալ կատարեցին » : Այ գիտացին զնա , ասէ . և որպէս կամ զիմորդ ոչ գիտացին՝ Յովհաննու այնչափ քարոզելով : Նա և մարգարէքն , ասէ , աղաղակէին : Ապա դնէ և այլ ամբաստանութի :

« Եւ ոչ մի ինչ պատճառս մահու գտեալ խընդրեցին , ասէ , ՚ի Պիղատոսէ սպանանել զնա » : Այ էր այս անգիտութե . քանզի դիցուք թէ իբրև զՔս ոչ ընդունէին զնա . սպանանէին ընդէր , և զայն յայլազգւոյն խնդրելով : Տեսանէս որչափ փոյթք էին ՚ի սպանանել : Ասէ և զյեղանակ մահուն . զի յայտ լիցի թէ առ ՚ի դատելոյն զնա անիրաւաբար՝ դատեալ կատարեցին , ասէ . այն է զի ամենեքեան դատապարտեցին զնա թէ մահապարտ է : Միանգամայն և զնոցանէ մեծապէս ամբաստանէ , զի առն այլազգւոյ մատնեցին զնա . զի ոչ ասէ թէ հանդիպեցան իրացն , այլ խընդրեցին , և ոչ մի ինչ պատճառս մահու գտեալ սպանին զնա . զոր և Պետրոս ասաց՝ թէ ՚ի դատելն նոցա արձակել : Արդ անգիտութե՞ն էր այս սխալանք . բաւ լիցի :

Եւ քանզի յոյժ սիրէր զնոսա Պաւղոս և կամէր զփրկութի նոցա , տես թէ որպէս և յազաքս նոցա պատասխանատրէ հանդարտօրէն , թէ ոչ գիտացին զնա . և ոչ զայս միայն , այլ և ցուցանել փութայ՝ թէ այսպէս պարտ էր լինել , տնօրէնու թի դնէ զիրսն գոլ

ասելով . « Եւ իրրեւ կատարեցին զամենայն որ վասն նորա գրեալն էր » : Քան զոր զինչ մեծագոյն ժպրհու թէ նշանակ , զի ճաղեցին թքին կատակեցին և հաւանեցուցին զՊիղատոս 'ի խաչ հանել զնա : « Եւ իջուցեալ 'ի փայտէն եդին 'ի գերեզմանի » : Տես զի 'ի նոցանէ թաղեցաւ , որոց խոստացեալ էր լինել փրկու թի :

« Այլ անձ յարոյց զնա 'ի մեռելոց » : Տեսանէս և զսա 'ի նմին Հոգւոյ շարժեալ որպէս Պետրոս , այնպէս 'ի վեր և 'ի խոնարհ զարչարանն , զգերեզմանն և զյարու թին քարոզելով : Այլ ուստի է յայտ թէ յարեալ , կամ ո՞վ են վկայք , զայս դարձեալ ցուցանէ 'ի նոցունց իսկ 'ի վկայիցն և ապա 'ի գրոց : « Երեւեցաւ , ասէ , աւուրքք բազմօք այնոցիկ ' որ ելեալ էին ընդ նմա յերուսաղէմ , այսինքն 'ի Գալիլէէ 'ի հրէաստան . որք և արդ իսկ վկայք են նորա առ ժողովուրդն » : առ այն որ սպան զնա : Արդ եթէ ոչ անձային զօրութիւն հաստատեալ էին և ստուգեալ թէ անձ է Քս , ոչ տային այսպիսի վկայութիւն առ սպանողն և արիւնահեղս :

Ապա և 'ի դիրս ապաւինի ուժգին առնելով զվկայութիւնն : « Եւ մեք ձեզ աւետարանեմք զխոստումն որ առ հարսն եղեալ էր . զի զնոյն անձ կատարեաց առ մեզ որդիս նոցա ' յարուցեալ զՅս » : Չխոստումն , ասէ , հարքն ընկալան . իսկ զկատարումն դուք » : Ապա ըզԳաւիթ և զԵսայի ածէ վկայս ասացելոցն ' զհաւատարիմն և զյայտնիմն : « Որպէս և 'ի սաղմոսին գրեալ է յերկրորդում . Որդի իմ ես դու . ես այսօր ծնայ զքեզ » : Այսու յայտ առնէ թէ Որդի է նոյ , որոյ և այլ վկայութիւն 'ի սաղմոսի անդ հետեւին :

« Այլ զի յարոյց զնա 'ի մեռելոց , և ոչ ևս դառնալոց է յապահանութի . այսպէս ասէ Եսայեալ ' թէ տաց քեզ զսրբութիսն Գաւթի զհաւատարիմն » : Աստ զի զգուշութիւն սարտ է հայել յասացեալս , նախ յիշեսցուք զասելն Ամասիայ քրմի Բեթելայ առ անձայինն Ամուս , թէ « Երթ զնա և մի աստ մարգարէանար , զի սրբութի թագաւորի է » : Ուստի իմանամք ապա սրբութի Գաւթի ասել ' կամ զվայելու թի խորանին զոր սրտրաստեաց կանգնեաց Գաւթի , և հանգոյց անդ զտապանակն ' յորում կարգեաց և զսաղմոսանուադսն , կամ զիշխանութի ամբողջն ա-

սէ սրբութիւն և զփառս թագաւորութեն Դաւթի, որ յարութիւն Քրիստոսի հաստատեցաւ. ըստ այնմ թէ «Յաւթուն Դաւթի նստցի» . և նա ինքն է եկեղեցի այ, յորոյ վերայ թագաւորեաց Քրիստոս, սրբեալ զնա մշտնջենական, զոր հաւատարիմ ասելովն նշանակէ : Յայս հայի և այն թէ «Տաց բեզ զհեթանոսս» : Իսկ ՚ի կէս օրինակս՝ տաց ձեզ, ասէ, զսրբութիւն Դաւթի . յայտ է զՔրիստոս, որ իւրով յաւիտենականն որ ուխտիւն, այսինքն իւրով արեամբն ոչ միայն տանն Դաւթի, այլ և ամենայն աշխարհի եղև սրբութիւն :

«Քրիստոս և ՚ի միւսունն ասէ . ոչ տացես սբջ քում տեսանել զապականութիւն» : Այսու զհաւասարազօր՝ փրկագործութիւն Հօր և Որդւոյ յայտնէ, ոչ տացես ասելն : Բայց ՚ի միտ առ յասացելոցս՝ անապական քարոզեալ զնա և նախ քան զգնիլն ՚ի գերեզմանի՝ որ է տեղի ապականութե . զի ոչ ասէ թէ վերաուցես զնա յապականութե, այլ ոչ տացես բնաւ տեսանել կամ զփորձ առնուլ . զի կարկեսցէ զասացողսն այլայլելի գող զնա :

Եւ տես թէ զիարդ ոլորէ զբանն մանուածով ՚ի նահապետացն, ՚ի մարգարէիցն, ՚ի զաւակէն որ ըստ աւետեացն . ապա զՅովհաննէս ՚ի մէջ ածէ ընդ այլ մարգարէսն, զորոց և ասէ դատելով լցին զամենայն գրեալսն : Ապա վկայս յարութեանն զառաքեալսն ածէ . ապա զԴաւթի վկայութիւն շարամանելով զհինն և զնորս . որպէս զի ՚ի ձեռն երկաքան իւրոցն հաւատարմացուցէ զբանն քաղցրութե : Քրիստոս թէ ասացեալ էր թէ ըմբռնեցէք զնա դուք և սպանէք, ՚ի միտս իւրեանց օտարացուցանէր զնոսա . սմին վասն ոչ իբր ընդ քնասպանից խօսի, և ոչ որպէս օտար բարութիւն ընձեռելով նոցա . այլ ընտանի և հաղորդ : Քրիստոս յոյժ փափաքելի էր նոցա անունն Դաւթի . ապաքէն ՚ի ձեռն որդւոյ նորա, և ընդ թագաւորութե նորա զնոսա լինել ասէ : Եւ տես թէ զիարդ գովեստիւ յիշէ զԴաւթի թէ և զմեծ վկայութիւն այ ածէ ՚ի մէջ վասն նորա, թէ «Գտի զԴաւթի որդի Յեսսեայ այր ըստ սրտի իմում» :

Եւ յլ զի մի այսօրիւք նախասացեալքն զԴաւթի

1 Միւսն զհասարակութիւն իրապօրծութեանն :

զոլ կարծիցին՝ ածէ 'ի վերայ . «Այլ Դաւիթ յազգի անդ իւրում պաշտեաց զամժ, և 'ի կամս նոյ քաղաքավարեալ ննջեաց» : Որպէս Պետրոս յառաջագոյն խօսի զնմանէ իբր զսկզբնաւոր զիրէ, առ որ աւետիքն նոյ եղեն . «Պարտ է, ասէ, համարձակութեամբ ասել վասն նահապետին Դաւիթի» : Եւ աստ ոչ ասէ Պաւղոս թէ վախճանեցաւ, այլ թէ յաւելաւ առ հարս իւր և ետես զապականութիւն : Տեսանէս թէ որպէս սա ուժգին բանիւք բարբառի : Չայս իսկ ոչ ուրեք ասաց Պետրոս այսպէս :

Այլ իբրև ամրացոյց զբանն որ վասն յարութեանն Քրիստոսի, համարձակապէս և աւետեօքն յորդորէ . «Յայտնի լիցի ձեզ, արք եղբարք, զի սովաւ ձեզ թողութիւն մեղաց աւետարանի . և յամէ յորմէ ոչ կարացէք օրինօքն Մովսէսի արդարանալ, սովաւ նմ որ հաւատայ՝ արդարանայ» : Եւ ընդէր ոչ ած զվկայութիւնն 'ի ձեռն որոյ հաւատալի էր՝ եթէ թողութի մեղաց սովաւ տուեալ լինի : Քանզի այս էր մեծագոյն փոյթն՝ ցուցանել եթէ յարեաւ . և այսմիկ խոստովանելի եղեալ, ապա և այն իսկ աներկբայելի լինէր 'ի ձեռն այսմ : Եւ այլ ազգ . քանզի կամէր զնոսա 'ի փափագումն ածել մեծագունիս այս մահու, որով թողութի մեղաց աւետարանի . ապա ուրեմն ոչ 'ի բաց լքեցելոյ էր մահն նորա, այլ մարգարէութեց լրումն : Նա և սքանչելի, զի թաղեալն 'ի գերեզմանի թողութե զս առաւել քան զօրէնսն : Եւ ոչ ասաց թէ յորմէ ոչ կամեցայք, այլ թէ զոր ոչ կարացէք օրինօքն Մովսէսի արդարանալ . սովաւ որ հաւատայ, օ և իցէ արդարանայ, յօրինացն ոչ ինչ շահելով : Արդ այս որքան երախտիք ոչ իցէ . վասն այսորիկ յետոյ եզ զթողութիւնն և մեծագոյն զս ցուցանէ, յորժամ անհնար էր օրինօքն լինել այսմիկ :

Այդ փոխաբերեալ լինի բանիւն, 'ի վերայ նոցա հասուցանելով զերկիւզն և զսպառնալիսն . նախ ցուցեալ զփափաբելին նոցա զօրէնսն արտաքս ելեալ, զի ոչ կարացին սովաւ արդարանալ . և 'ի սպաշաճին դեզերի՝ թէ որ հաւատայ, արդարանայ . և եթէ մեծամեծք եղեն բարութիքն նոցա հաւատովքն՝ ցուցանէ 'ի հպատակ լինելն, և դժնդակ չարիք յոչ լսելոյն : Իսկ Ստեփաննոս վայելապէս զայս ոչ առնէր :

զի՛ն սպառնալիսն միայն և ՚ի նոցա չարութիւն զբանն հանգուցանէր . քանզի հանգերձեալ էր մեռանել, տեսեալ զնոսա ՚ի սպանանել և ոչ յուսանել սլատրաստս . այլ և ցուցանէր թէ վայելչապէս օրէնքն քակել լինի : Իսկ սա ոչ ևս այսպէս . այլ սպառնայ և երկեցուցանէ միայն , և ՚ի հեշտականս զբանն հասուցեալ յիշեցուցանէ ապա մարգարէութիս պատմութեամբ, առ որս բազում կրեցին չարիս . և զայս ՚ի կատարման բանին շարագրէ ասելով . « Չգոյշ լերուք , գուցէ եկեսցէ ՚ի վերայ ձեր սպառնալիք մարգարէին . տեսէք արհամարհօտք և զարմացարուք և եղծարուք » : Տես թէ որպէս խոշորագոյն գոլով բանին համառօտեալ լինի : Մի հասցէ ՚ի վերայ ձեր առ այլս ասացեալն՝ թէ գործ մի գործեմ՝ ես յաւուրս ձեր, գործ՝ որում ոչ հաւատայցէք եթէ որ պատմեսցէ ձեզ : Արդ մի սքանչանայք, ասէ, եթէ անհաւատալի ձեզ թուի գող իրքս այս . զի այսմ այսպէս լինել յառաջագոյն ՚ի վերուստ առ հարբքն ասացեալ է : Եւ զի խիստ և բազմ իմաստ էր դիտողութի բանիցս, և եթէ նոքա բովանդակապէս լսելով ՚ի միտ ոչ առին, այլ ազաչէին դարձեալ զնոյն լսել, ոչ ինչ էր սքանչելի :

ԲԱՐՈՅԱԿԱՆ

Այլ զարհուրեցուք , գուցէ և առ մեզ հանդիպեցի ասացեալս՝ թէ զգոյշ լերուք արհամարհօտք . քանզի բազմատեսակ չարիք ՚ի մեզ հաստատեալ են , թէպէտ և մեզ թուի թէ ՚ի խաղաղութե եմք : Եւ քան զբողոքսն այս իսկ է դժնդակագոյն , զի ոչ ճանաչեմք թէ ՚ի չարիս եմք : Եւ մի ինձ զլուկ գալն յեկեղեցիս ՚ի կատարելութե սակի դիցես . այլ թէ զինչ շահիցէ որ գալովն աստ . զի յիւրաքանչիւր յիմծային զրոց դեղ առցէ վիրաց հոգւոյ իւրոյ . թէպէտ և ոչ զամենայն ՚ի միում աւուր , այլ մասն ինչ այսօր և մասն ինչ վաղիւ : Եւ մի ասիցես թէ ոչ պոռնկիմ . զի ահաւասիկ ընչասէր ես : Տես , ճնճիւղի թէպէտ ոչ ամենայն մարմնովն , այլ միով ոտամբ բմբունի , ՚ի կորուստ երթայ . ապա և մեզ ամենայն ակտիւ զգուշանալ պարտ է ոգեկանաց , շնչականաց և մարմնականաց . զի կատարեալ լիցուք փրկեալք ՚ի փառս Քրի :

ՃԱՌԻ ԵՐԵՍՆԵՐՈՐԴ

« ԻՐԲԵՒ ԵՂԻՆ անտի , աղաչէին 'ի միւսում շաբաթուն խօսել նոցա զնոյն բանս » : Տեսեր զհանճար բանիցն Պաւղոսի . ընդ որ ոչ միայն յայնմ ժամու սքանչացան , այլ և ցանկուծի արկ նոցա երկրորդ լսողութե . քանզի ասացեալքն իբրև զսերմանիս ոմանս 'ի խոր անկեալ : Եւ զի ոչ ելոյժ զամենայն և ոչ պատմեաց բանիւ ընդ երկար , որպէս զի կակղացուցէ դեռ ևս զմիտս նոցա և ընտանեցուցէ ինքեան , և մի տարտամն և հեղգս գործեցէ զնոսս՝ յանկարծակի զամենայն 'ի լսելիս նոցա հեղլով : Ասաց թէ թողութի մեղաց 'ի ձեռն նորա աւետարանի մեզ . բայց թէ որպէս՝ ոչ յայտ արար զոր և խնդրէին իսկ ուսանել : Եւ տես զի յետ այսորիկ զՊաւղոս քան զԲառնաբաս յաւաջագոյն դնէ Ղուկաս :

« Իբրև արձակեցաւ ժողովուրդն , ասէ , զհետ երթային բազումք 'ի Հրէից անտի և 'ի պաշտօնէից եկամտից հեթանոսաց զՊաւղոսի և զԲառնաբայ , որք խօսէին ընդ նոսա և հաւանեցուցանէին զնոսա կալմնալ 'ի շնորհսն ւնյ » : Տեսանէս զյօժարութի լսողացրն . զի 'ի ձեռն բանիցն ոչ միայն կապակցեցաւ ընդ նոսա ամբօխն , այլ և աղաչէին զնոյն լսել . իսկ 'ի ձեռնն գործոց զփոյթն ցուցանէին զհետ գնալով նոցա : Իսկ նորա ոչ միայն ընդունէին զնոցին հնազանդութիւն , և ոչ խաբէութե զնոցա իրօն համարէին , այլ ամենայնիւ աղաչէին զնոսա կալմնալ 'ի շնորհսն ւնյ : Եւ ընդէր ոչ վաղվաղակի մկրտեցին զնոսա : Զի տակաւին ոչ էր ժամ . այլ հաւանեցուցանել պարտ էր , որպէս զի հաստատութեամբ 'ի հաւատս կացցեն և մնացեն :

« Իւ 'ի դալ միւսոյ շաբաթուն գրեթէ ամենայն քաղաքն ժողովեցաւ լսել զբանն ւնյ : Իբրև տեսին Հրէայքն զամբօխն , լցան նախանձու . և ընդդէմ դար-

ձեալ ասացելոցն 'ի Պաւղոսէ՝ հայհոյելին» : Իսկ նախ քան զայս ընդէր ոչ հակառակելին . զի չև ևս էին շարժեալ նախանձու . քանզի 'ի ձեռն արտիս այսորիկ ամենայն ուրեք կորնչելին շրեայքն . որք իբրև տեսին զի կրկին խօսելն պայծառագոյն արար զնոսա , խոցեալք նախանձու և զայս խոցոտել կամէին . և որք յառաջագոյն աղաչելին կրկին խօսել նոցա , այժմ ոչ միայն ընդդէմ կալով հակառակին , այլ և հայհոյեն ևս . զի չարութի ոչ երբէք իրօք իւրք լինի դադարեալ :

« Համարձակեալ Պաւղոսի և Բառնաբայ ասելին . առ ձեզ նախ պարտ էր խօսել զբանն ւյ . և քանզի դուք մերժեցէք զնա և ոչ արժանիս համարեցայք զձեզ կենացն յաւիտենականաց , ահաւասիկ դառնամք 'ի հեթանոսս : Տես յարժանի և 'ի չափու լեալ զհամարձակութի առաքելոցն և զգեղեցիկութի բանիցն իմաստութե . զի 'ի վիճարանել շրեիցն ոչ անարգեցին ինչ զնոսա , և ոչ ընդարձակեալ 'ի բացեայ գնալով տարածելին վաղվազակի զքարոզութին , մինչև պատասխանի արարեալ նոցա , և անպարտս յամբաստանութե զինքեանս առ իւրեանցն ցուցեալ , և ասլա մա նաւանդ ետուն զանձինս 'ի հեթանոսս : Զի թէ Պետրոս պատասխանոյ կարօտանայր առ կատակողն , յոյժ մանաւանդ սոքա :

Այլ ասելովն թէ ձեզ նախ , եցոյց թէ յառաջագոյն նոցա պարտ էր խօսել զբանն քան հեթանոսաց . և ասելովն թէ պարտ էր , զնոյն յայտ արար թէ հարկաւոր էր իրքն : Իսկ նոքա զոր ինչ առ մարգարէսն առնելին ասելով մի խօսիք ընդ մեզ յանուն տեառն , զնոյն առնեն և աստ . զոր և ասելովն թէ դուք մերժեցէք զնա , զայս ինչ յայտ առնէ՝ թէ ոչ զմեզ , ասէ , մերժեցէք , այլ զբանն տեառն . զի ոչ եթէ առ մեզ է ամբարտաւանութիդ առ 'ի ձէնջ , այլ ընդ ւյ : Եւ զի մի ոք բարեացն հաղորդս՝ զող կարծեցէ զնոսա յասելն թէ ոչ արժանիս դատին զինքեանս կենացն յաւիտենից , սին վասն ասաց թէ դուք մերժեցէք զնա : Եւ ոչ ասաց թէ անարժանք էք , և տանջանք և վայ կայ և մնայ ձեզ . այլ թէ դուք համարիք զանձինս : Բազում հեղութեամբ և համարձակութեւ լի է բանս :

Այլ քանզի անպատասխանիս արար զնոսս, ապա ասէ՛ յայսմ հետէ դառնամք ՚ի հեթանոսս: Տես և աստ զառաւել զուձն . ոչ ասաց թէ ՚ի բաց թողումք ըզձեզ, այլ որպէս թէ հնար է մեզ դարձեալ աստանօր դառնալ: Եւ զի ասաց՝ դառնամք ՚ի հեթանոսս, զայս վկայու թի՛ր մարգարէէն հաստատէ, ցուցանելով թէ այսմ լինել առ հեթանոսս ոչ ՚ի ձերոյդ եղև ամբարտաւանութի՛ :

«Այլ քանզի այսպէս պատուիրեաց մեզ տէր» . և ձեզ ՚ի բաց ելանել և նոցա ՚ի ներքս մտանել . ոչ առ ՚ի մէնջ, այլ առ ՚ի ձէնջ եղև, որ և յառաջ էր քան ըզձեզ յայ կարգեալ: «Եդի, ասէ, զքեզ ՚ի լոյս հեթանոսաց լինել քեզ փրկութի՛ն»: Այս աստ զհաւատոցն ասէ, իսկ փրկութի զգիտութի . որ և է իսկ փրկութի մեծ՝ գիտելն յո հաւատայ, որ կարողն է փրկել: Եւ զի մի զայս լսելով հեթանոսացն կարծիցեն թէ ինքեանց փրկելովն ոչ ամենեքեան հանդիպեսցին բարութեցն, ՚ի վերայ ածէ զմարգարէութի՛ն ասելով. «Մինչև ՚ի ծագս երկրի»: Տես զաւետիսն և զխոստումն, և լոյս և փրկութի: Չայս ասէր, զի հեթանոսացն լսելով յօժարագոյնք լիցին, տեսանելով զի շրէիցն պարտ էր լսել յառաջագոյն, և ահա ինքեանք խոստմամբն վայելեն . որ զի այս մանաւանդ զշրէայսն զկծեցուցէ:

«Չայս լուեալ հեթանոսացն ուրախ լինէին և փառաւոր առնէին զբանն տեառն, և հաւատացին որք էին կարգեալ ՚ի կեանսն յաւիտենից» . այսինքն որոշեալ յմծ ընտրութի և հողւով: Տես որպէս եցոյց մեզ Ղուկաս զյառաջահրաւեր կանխատես օգտակարութի՛ն . ոչ ասաց պարզաբար՝ թէ ՚ի հեթանոսացն հաւատացին, այլ թէ ամենեքեան որք էին կարգեալ ՚ի կեանսն յաւիտենից: Եւ այս իսկ է նշանակ թէ ըստ կամացն այ եղև ընտրութի՛ն նոցա կարգաւ և ոչ հարկաւ. զորս յառաջագոյն գիտէր, ասէ, և նախասահմանեալ էր: Չայս, ասէ, լսելով որք ՚ի հեթանոսացն էին, ուրախ լինէին . որք և յետ սակաւու մատուցեալ եղեն ՚ի հաւատս:

«Այլ շրջէր բանն այ ընդ ամենայն գաւառն» . փոխանակ ասելոյ թէ քարոզութի՛ն կրեալ լինել և

ընկալեալ 'ի նոցանէ : Եւ յայտ առնէ այսու՝ թէ ոչ գաղարեալ զանգիտեցին ինչ առաքեալքն վասն նախանձու նոցա, այլ 'ի գործն քարոզու թէ յաւելուին զի և մեզ ուսուցեն թէ վասն այլոց նախանձու և հակառակու թէ զբարին ոչ է պարտ խափանել : Եւ տես դարձեալ թէ որպէս զբանն այ առաքելովքն հաւածելով շրեայքն յինքեանց՝ այլոց մեծամեծ բարու թիս կազմեն . զի ահա ոչ 'ի քաղաքին միայն, այլ և 'ի գաւառսն սիւռեցին զքարոզութիս :

« Ի այց շրեայքն գրգռեցին զսալտօնեայ կանայս զգաստս և զգլխաւորս քաղաքին, և յարուցեալ հաւածանս 'ի վերայ Պաւղոսի և Բառնաբայ և հանին 'ի սահմանաց իւրեանց » : Տեսանէս թէ որչափ իրս վըճարեցին հակառակորդքն քարոզութե, և թէ յորպիսի յանդգնու թիս և 'ի չարութիս զոր ինքեանք ոչ զօրեցին՝ ետուն հաւանութիս գլխաւորաց և կանանց զգաստից տիկնաց և մեծամեծաց քաղաքին . և զնոսա 'ի մարտ յարուցեալ արարին և նեղութիս Պաւղոսի և Բառնաբայ, և հաւածեցին զնոսա 'ի սահմանաց անտի իւրեանց :

« Եւ նոցա թօթափեալ զփոշի ոտից 'ի վերայ նոցա՝ եկին յԵկոնիոն » : Աստանօր ահագին իրօքն զոր արարին, երկիւղ արկանէին նոցա . զի այնպէս այնուհետև հրամայեաց Քս, թէ « Որ ոչ ընկալցին զձեզ, զփոշի ոտից ձերոց թօթափեալք 'ի վկայութի նոցա » : Եւ նօքա ոչ եթէ վայրապար զայն ինչ արարին, այլ յորժամ 'ի նոցանէ հաւածեալ եղէն : Այլ այս աշակերտացն ոչ ինչ արար զնաս, այլ առաւել կային և մնային 'ի բանին տեառն . զորոց և ասէ՝ թէ « Աշակերտքն ընուին խնդութե և Հողւով սրբով » . թէ պէտ հաւածեալս տեսին զվարդապետսն . զի կարիք նեղութե ոչ 'ի բաց բառնայ զհամարձակութի վարդապետացն և ոչ զփոյթ աշակերտաց : Կամ թէ զնոցանէ առ որս չոգանն՝ ասէ թէ ընուին խնդութե և Հողւով սրբով . զի եկին հասին վարդապետքն նոցա . զի բազում է բնութե զօրութի աւետարանին :

« Եւ եղև յԵկոնիոն 'ի միասին մտանել նոցա 'ի ժողովուրդն շրեից և խօսել նոյնպէս » : Զինչ է 'ի միասին մտանելն . յայտ է զերկոցունցն նշանակել ըզ-

Պաւղոսի և զԲառնարայ 'ի մտանէն 'ի ժողովն և քարոզէլ զբանն , նոյնպէս որպէս յԱյսիոր : « Մինչև հաւատալ շրէից և Յունաց բազմաց յոյժ » : Դարձեալ 'ի շրէից ժողովն մտանէն : Տես թէ որպէս ոչ ինչ զանգիտելն 'ի նոցանէ . այլ և ասացեալ բազում սեպհականու թք թէ դառնամք 'ի հեթանոսս , սակայն 'ի բաց բառնան՝ դարձեալ առ նոսա մտանելոյն՝ զպատճառս և զսրատասխանիս նոցա : Իսկ Յոյնս աստ՝ զայնոսիկ թերևս ասէ , որ յունարէն խօսելն 'ի նոցանէ . վասն զի 'ի միջի նոցա բնակեալ էին :

« Բայց անհաւան շրեայքն , ասէ , որք ոչ հաւանեցան , յայտ է՝ յարուցին և չարացուցին զանձինս հեթանոսացն 'ի վերայ եղբարց » : Դարձեալ զհեթանոսս յարուցանէն 'ի վերայ , իբրև թէ ինքեամբք ոչ շատանալով 'ի չարինն : Զինչ է յարուցինն և չարացուցին . այսինքն դաւաճանեցին զառաքեալն բազումս չարախօսելով զնոցանէ . և զի անամբօրք էին հեթանոսքն , փոխադրեցին զնոսա չարութիւնս զհարգարդեօք ոչ զնացին անտի . զի ոչ ելէն հալածեալք , այլ մարտուցեալք միայն հակառակելով , և զամենայն ինչ յամ ապաստան արարեալ :

« Բազում ժամանակս շրջէին համարձակեալք տեառրն վկայութիւն և բանիւ շնորհաց իւրոց , տալով նըշանս և արուեստս լինելոյ 'ի ձեռս նոցա » : Արդ մի նուազութե իրս կարծիցես զասէն Պաւղոսի զՅնէ : « Որ վկայեացն առաջի սոնտացւոյ Պիղատոսի » . քան զի այն իսկ վկայութի յայնժամ յորդօրէր և գործէր զհամարձակութիւն առաքելոցն : Հանդերձ բանիւ շնորհացն ևս . այսինքն որով բազում ժամանակս շրջելով նշանս և արուեստս առնելով համարձակեալք լինէին : Բայց հանդերձ սոքիմք առաւել ևս համարձագոյնս առնէր զնոսա յօժարութիւն իւրեանց :

« Եւ եղէն հերձուածք 'ի բազմութե քաղաքին . ոմանք էին 'ի շրեայն և ոմանք յառաքեալն » : Ոչ փոքր ինչ էր հերձանիւն 'ի միմեանց . և այս է զոր ասաց Քր . « Ոչ եկի տալ խաղաղութի , այլ սուր » : Իբրև եղև դիմել հեթանոսացն և շրէից իշխանօքն իւրեանց 'ի թնամանէլ և 'ի քարկոծել զնոսա , ազդ եղեալ նոցա փախեան 'ի քաղաքս լիկննացւոց և 'ի Նիւսարոս և 'ի Դերբէ և շուրջ զդաւառաւն , և անդ աւետարանէին » :

Հայեաց դարձեալ թէ որպէս 'ի ճահ տարածանել կամելով զքարոզութիւն յամենեւեան, և յետ տարածանելոյն աճմամբ՝ դարձեալ զնոսարտաքս հանեն: Այլ իբրև արշաւելն նոցա դառն ցասմամբ ազդեղև առաքելոցն, ոչ կացին մնացին անդէն, այլ խնամարկեալ հաւատացելոցն՝ զի մի առաւել բորբոքեցեն զցասումն դիմելոցն 'ի վերայ ինքեանց՝ փախեան ոչ միայն 'ի քաղաքէն, այլ և 'ի գաւառէն ևս:

Սակայն հալածումն յամենայնի մեծամեծս գործէր բարութիւնս. զի հալածիչքն լինէին պարտեալք և ամաչեցեալք. և հալածեալքն պայծառք և ընտիրք երևեալք: Որպէս ահա «Այր ոմն լուսորացի տկար յոտիցն նստէր կաղ յորովայնէ մօր իւրոյ, որոյ երբէք չէր գնացեալ. սա լուաւ զխօսելն Պաւղոսի, որ հայեցեալ 'ի նա և տեսեալ թէ ունի հաւատս փրկութե՛ թէ՛ ասէ մեծաձայն. քեզ ասեմ յանուն տեառն մերոյ Յօի Բօի, յոտն կայ 'ի վերայ ոտից քոց ուղիղ. և վազվազէր և գնայր»: Տես զնորա իմաստութիւնս. լըսէր, ասէ, զասացեալսն 'ի Պաւղոսէ, զի ոչ ինչ մնասեր կաղու թիւն զփոյթ լսողութենս. առ որ հայեցեալ Պաւղոսի ծանեաւ զհաւատս նորա թէ արժանի է կենաց, քանզի փութով ընկալաւ զբանն յօժարութե՛. իսկ առ այլոցն նորին հակառակն լինէր, քանզի յառաջագոյն զմարմինս բռնկէին և ապա զհոգիսն: Այլ սա ոչ այնպէս. այլ նախ 'ի հոգին նորա հայեցաւ Պաւղոս և ասաց ձայնիւ մեծաւ: Ընդէր ձայնիւ մեծաւ. առ 'ի հաւատալ բազմութե՛ ամբօխին: Իսկ նա վազվազէր ընդէր. զի այն էր ստուգագոյն նշան առողջութե՛, կամ զի անփորձ իսկ էր գնալոյ:

«Եւ ժողովրդոցն տեսեալ զոր արարն Պաւղոս՝ բարձին զձայնս իւրեանց լիկոներէն և ասեն. «ձք նրմանեալ մարդկան իջին առ մեզ. և կոչէին զԲառնաբաս Դիոս, որ է Զեւս, և զՊաւղոս Հերմէս, քանզի նա էր առաջնորդ բանին»: Արդ զայսոսիկ զբանս յիւրեանց բարբառն լիկոներէն խօսէին, թէ «ձք նմանեալ մարդկան: Բայց ոչ ևս յայտնէին զայս առաքելոցն. սմին վասն և նորա ոչ ինչ նախ ցնոսա ասէին. իսկ յորժամ տեսին զգոհս և զպսակն, յայնժամ և զհանդերձս պատառեցին: Իսկ զի կոչէին զԲառնաբաս Արամազդ և զՊաւղոս Հերմէս, որ համբաւեալն էր

առ նոսա շահից վերատեսուչ, ինձ թուի վասն յերեսաց արժանատես և պայծառափայլ գոլոյ զԲառնարաս . իսկ Պաղոս 'ի բանն զարմանալի . որով և անուամբք նմանեցուցանէին : Հերմէս կոչէին վասն քաջաբան ճարտարախօսուէ . զի Պաղոս էր, ասէ, առաջնորդ բանին . և իբրև աստուածոց զոհէլ կամէին : « Զի քուրմն Դիոսի որ կայր առաջի քաղաքին, ցուլս և պսակս հասուցեալ 'ի դուռն տանն ուր էին առաքեալքն հանդերձ բազմու թիւն՝ կամէր զոհէլ : Ահա և ասիկ միւս ևս փորձու թի ոչ փոքր, 'ի բազում անչափուէ կարծեաց զնոցանէ : Բայց և աստանօր առաքելոցն առաքինու թիւն երևի, թէ զիարդ յիմ զամենայն վերագրէին : Բայց դու տես զհէ թանոսաց պարզմտութիւն և զհրէիցն շարագործութի . զի հէ թանոսքն 'ի ձեռն գործոց ցուցանէին թէ լսելոյ արժանի են՝ հրամանի առաքելոցն և հնազանդութե, և այնպէս պաշտէին զնոսա 'ի նշանացն միայն : Իսկ շրեայքն ոչ միայն գայթակղէին 'ի քարոզութիւն, այլ և հայհոյէին և իբրև զմահապարտս հալածէին : Այլ սոքա ոչ միայն ոչ գայթակղէին, այլ և բերկրեալ խընդային, և իբրև զիմս պաշտէին և ընծայս նուիրէին : Այլ թէպէտ բարեմտութիւն էր 'ի նոցունց, սակայն անգիտութե էր գործն և զնաս մեծ . սմին վասն ոչ ներեցին առաքեալքն իրացն, այլ փութացան 'ի փառքս նոյ զիրողութիւն յեղափոխել, և ոչ անձանց :

ԲՈՒԹՅԱԿԱՆ

Վոցին և մեք նմանեսցուք . ամենայն ուրեք զսոնարհութի ողջունելով՝ փախիցուք 'ի փառասիրութե : Թէպէտ և թուիցիմք ուղղել ինչ, մի մեզ, այլ նոյ գրեսցուք, որպէս և էն իսկ . զի զինչ ունիմք զօր ոչ իցէ յոյ առեալ, և զնոյն ինքն զհաւատս, զօր մատուցանեմք ընծայ : Եւ թէ ունիցիմք բան և շնորհ վարդապետուէ, մի շփասցուք այնու իկ, և մի փանդունահարաց նմանեսցուք, հրձուեցուցանողս և եթ ցըրտաբանելով, զի գովեստ շահեսցուք . այլ զի զլսողն շահեսցուք : Մի զհետ շարագրութե և զեղեցկութե բառից գնալով, այլ զօրաւորս բարբառել . որովք ըլլողն կարիցեմք նկարել 'ի սպտիւերն նոյ :

ՃԱՌ ԵՐԵՍՆԵՐՈՐԴ ԱՌԱՋՆԵՐՈՐԴ

«**Ե**րևեալ առաքելոցն Բառնաբայ և Պաւղոսի՝ պատառեալ զհանդերձս իւրեանց արտաքս վազեցին յամբօխէն . աղաղակեցին և ասէն . արք , զի՛նչ գործէք զայդ . մեք ձեզ նմանողք կարեօք մարդիկ եմք» : Տես զամենայն ինչ ուժգնութիւն առնելով առաքելոցն , պատառեցին զհանդերձս , վազեցին արտաքս , աղաղակեցին ուժգին . զամենայն իսկ զայսոսիկ հաստատուն ընարութիւն Հոգւոյն սրբոյ գործելով , որ և ատեայր իսկ զէալնն զայնոսիկ և սգայր . քանզի սուգ էր ճշմարտապէս և սուգ անմխիթար , եթէ հանդերձեալ էին անձք կարծիլ և կռապաշտութիւն ՚ի ներքս մուծանել զոր ՚ի քակել եկին : Այլ զի այս իսկ գործ և կազմուած բանսարկուին էր , սմին վասն և ոչ նոքա իրացն հանդարտեցին . այլ նախ առաջին տեսութիւն զարհուրեցուցին զնոսա զհանդերձսն պատառելով : Զայս իսկ և Յեսու նաւեայ առնէր ՚ի պարտել ժողովրդեանն : Եւ դու մի կարծիցես զայս ինչ անարժան գոլ բարեկարգութե նոցա . առնէին զայս , զի թերևս այլ ազգ ոչ լինէին իափանեալ զայնչափ արշաւանս չարին , կամ զայնպիսի հրդեհն շիջուցանել : Այլ այսուիկ ուսանիմք , զի յորժամ ՚ի պատշաճիցն իմիք պարտ իցէ լինել , մի և մի ինչ յիրաց հրաժարեսցուք :

Այլ տես և զբանն չափաւորեալ առ զարհուրմանն : «Մեք ձեզ նմանեալ կարեօք մարդիկ եմք» : Վազվաղակի յառաջին բանիցն գրգուեցուցին զչարն . ոչ ասացին պարզաբար մարդիկ , այլ ձեզ նմանեալ . և ոչ այսու շատացան , այլ յաւելին՝ թէ ընդ կարեօք անկեալ : Տես զնոսա ՚ի փառասիրութե կարեաց մաքուրս . ոչ միայն զի ոչ ցանկային փառաց , այլ և ըզտուեալնն ՚ի բաց բախէին : Արդէս Պետրոս ասէր . «Ընդ մեզ զի՛ էք պշուցեալ» . և Յովսէփ . «Ո՞չ ասաքէն Աստուծով էր մեկնութիւն» , և Գանիէլ . «Ինձ ոչ

առ իմաստութեան որ յիս՝ յայտնեցաւ այս ու և Պաւղոս այլուր. « Այ եմք անձամբ բաւական խորհել » . և աստ՝ թէ « Կարեօք մարդիկ եմք » : Բայց այսպէս յասելս յայտնի արարին՝ թէ քան զդոսա մեծագոյն եմք , զոր դուք աստուածս անուանէք . զի դոքա մեռեալք են և ոչ են կենդանիք , թող թէ աստուածք : Սմին վասն զի մի թուիցին պատուել զկուռսն յոչ թողացուցանելն զոհել ինքեանց , հանդերձ ուսուցանելովն և սպառնալիս ևս խառնէ լի սքանչմամբ :

« Այլ աւետարանեմք ձեզ , ասէ , յայդպիսի ունայնութեց դառնալ յիմ կենդանի՝ որ արար զերկինս և զերկիր , զծով և զամենայն որ ՚ի նոսա » : Եւ այս իսկ մանաւանդ զնոսա խափանեաց չզոհել , յասելն թէ յայդպիսի ունայնութեց դառնալ յիմ : Եւ ոչ ինչ յաղագս աներևութից իմանալեացն բարբառին , այլ և ոչ ուրեք զմարդարէսն յիշեն առ սոսա , զի ոչ էին գիտակ . այլ յերևելի արարածոցս կազմեն ճանաչել նոցա զճշմարիտն իմ որ արար զամենայն և նախախնամէ , և վկայք՝ նոքին իսկ արարեալքն և նախախնամեալք : Եւ եթէ ամենեցուն գոյացուցիչ է և ինամիչ , ընդէր ոչ և զմարդիկ նախախնամէ , ահա յետագայ բանիւս և զայն ևս յայտ առնէ :

ԵՓԲ . « Ար յանցեալ ազգսն թոյլ ետ ամենայն հեթանոսաց զնալ զճանապարհս իւրեանց » . այսինքն զի թողին զպաշտելն զնա՝ թոյլ ետ , այսինքն անփոյթ արար . զի մի կարծիցեն թէ կարօտութի նորա որ ապաստանն էր ՚ի նոսա , ստիպեաց զնա , զի ՚ի սկզբան անդ հաստատեսցէ զնոսա :

ՈՍԿ . Բայց աւասիկ զայս ոչ ասաց , քանզի առ փութացեալն ճեպի . այսինքն ցուցանել թէ իմ գոյ : Եւ ոչ աստանօր յիշէ զանունն Քոի . այլ զի՞նչ . « Սակայն ոչ եթէ առանց վկայութե զինքն եթող , ասէ , բարերարութիքն տալով յերկնից անձրևս և ժամանակս պտղաբերս , ընուլ կերակրովք և ուրախութի զսիրտս ձեր » :

ԵՓԲ . Այսինքն զի թէպէտ անփոյթ արար զնոցանէ , սակայն երկրպագանել կռոցն՝ նոցա ոչ կամէր . սմին վասն և ոչ եթող զանձն իւր մռանց յայտնի վկայութե , բարերարութիքն տալով անձրևս յերկ-

նից . զի բարեօքն որ յերկնից՝ ճանաչել և օրհնել ըզտեր յերկնից պարտէին նորա : Այսու որքան ըզկուռսն մեծամեծս էին , 'ի ձեռն սոցունց կարէին ճանաչել զտէրն : Զի թէպէտ ոչ առաքեաց մարգարէս 'ի մէջ հեթանոսաց , այլ ծառայքն իւր որ են տարերք՝ հանապազորդ զտեղի մարգարէութեան ընուին :

ՈՍԿ . Արդ թէպէտ զայսպիսի միտս յայտնեն ասացեալքն՝ թէ ոչ եթող զինքն առանց վկայութե , սակայն ոչ կամեցաւ յայտնի բանիւ զամբաստանութիւն զնոցանէ աճեցուցանել . այլ մանաւանդ առ անձ մենեին փութայ ածել զնոսա ինքեամբ : Եւ զի իմացին թէ զնոսա ինքեանս ոչ է պարտ զօհիւք փառաւորել . քանզի մարդիկ էին . այլ մանաւանդ արժանի այ մատուցանել պաշտօն , որ արար զամենայն և խնամէ մարդասիրութիւն :

Եւ ոչ կարի յաճախ յամէ 'ի բանսն որ յաղագս այ . այլ զիջանէ 'ի նորին խնաման ըստ լողացն շահու և օգտութե : Եւ տես թէ որպէս զանխլաբար զարաստութիւն եդ , նոցա այնչափ բարութիւք 'ի նմանէ վայելելով , և ոչ իբրև զերախտաւոր և զսնուցող ճանաչելով զնա : Եւ նորա մանաւանդ զայս ամենայն արարեալ նոցա , ոչ էր պարտ թողացուցանել , այլ տանջել զնոսա արժան էր : Բայց ոչ ասէ զայս յայտնապէս . այլ զինաման ցուցանէ զնորա . տալով , ասէ , անձրևս և ժամանակս պողաբերս : Այսպէս և Գաւիթ ասէր . « Ի պողոյ ցորենոյ գինւոյ և ձիթոյ իւրեանց լցեալք եղեն » . և 'ի բազում տեղիս 'ի սաղմոսս անդ յաղագս գոյացուցանելոյ զամենայն այ պատմէ : Զայսոսիկ բերէ 'ի մէջ և Երեմիաս . « Տէր , ասէ , արար զերկիր զօրութիւք , և խորհրդով իւրով ձրգեաց զերկինս , և 'ի տալոյ զձայն իւր ընու զբազմութիւնըց յերկինս » : Արդ Գաւղոս նախ զարարութիւն և ասպ զնախախնամութիւն զոր 'ի ձեռն անձրևաց և պողաբերութե՝ ասաց . որպէս զի այնպիսի բարերարութիւք խրատեսցէ զնոսա . « Անուլ , ասէ , կերակրովք և ուրախութիւք զսիրտս ձեր » : Տեսանէս զբարերարութիւն . զի ոչ միայն ըստ բաւականի և պիտոյից տայ զկերակուրն , այլ բազում պատուասէր առատութիւն :

« Եւ զայս ասացեալ հազիւ լռեցուցին զժողովուրդըն առ 'ի չգոհելոյ նոցա . այլ գնալ յիւրաքանչիւր տեղիս » : Եւրդ էթէ զհանդերձս պատառեցին և այսպիսի բանիւք հազիւ լռեցուցին , եթէ զայս ոչ էին գործեալ զինչ արդեօք լինէր . յայտ է զի թէ ոչ էին արարեալ զայս , կարծեցեալ լինէին թերևս այլ ինչ գոհիւք և նուիրօք խոնարհել և ցանկալ պատուոյն այնմիկ յինքեանս : Յիրաւի ապա առ այս իսկ ընդդիմացեալ կային առաքեալքն , զի 'ի բաց դարձուցն զմոլորութիւն զայն : Եւ այսպիւք առաւել սքանչելիք եղէն :

« Եւ 'ի շրջել նոցա և յուսուցանել եկին հասին յԱնտիոքէ և յԿոնստնտնէ հրեայքն . և 'ի վիճել նոցա համարձակութիւն պատրեցին զժողովուրդն 'ի բաց կալ 'ի նոցանէ , և ասէին թէ ոչ ինչ ճշմարտութիւն ասեն , այլ զամենայն ստեն . և քարկոծեալ զՊաւղոս քարչէին արտաքս քան զքաղաքն , և համարեցան զնա մեռեալ » : Ո՛վ հրէական յանդուգն և լիրք չարութեն , որք ճշմարտապէս որդիք էին սատանայի : Ոչ միայն առ իւրեանց քաղաքօքն , այլ և արտաքոյ հեռի յինքեանց 'ի հանդէսն՝ որ այնպէս պատուէր զնոսա , յանդգնեցան մտանել և այնպիսի ինչ առնել , ոչ զարհուրելով յորոց պատուէին զնոսա . և այնչափ փութային խափանել զքարոզութիւն և կործանել զհաւատս ժողովրդոցն , որչափ առաքեալքն կանգնել փութային : « Պատրեցին , ասէ , զժողովուրդն 'ի բաց կալ 'ի նոցանէ » . այնչափ՝ մինչ զի քաղաքն որ 'ի ձեռն բռնկուած կազուն՝ պատարագօք աստուածս կարդային զնոսա , 'ի ձեռն չարախօսութե մարդոց հրէից քարամէք քարկոծեցին զՊաւղոս և քարչէցին ընկեցին արտաքս : Ետանօր լցեալ լինէր ասացեալն առ նա՝ թէ « Շատ են քեզ նորհք իմ , զի զօրութիւն իմ 'ի տկարութե կատարի » : Եւ յս իսկ մեծ էր քան զկազն յարուցանել :

Եւրդ հեթանոսականքն իբրև զաստուածս կարծէին . իսկ սոքա հաւանեցուցանէին քարկոծ առնել : Բարիօք այս ինչ լինէր . քանզի ոչ իսկ էր յօգուտ ամենեցուն սքանչանալ ընդ նոսա . այլ 'ի նոյն քաղաքին յորում այնպէս սքանչելիք երևեցան , կրէին

զդժուարինան : 'Նա և այս իսկ զտեսողսն շահեցուցաւ նէր , զոր և ինքն ասէր' թէ «Գուցէ որ աւելի համարեսցի յիս քան զոր տեսանիցէ յիս կմլուիցէ յինէն :

ԵՓՐ . «Եւ 'ի պատել զնովաւ , ասէ , աշակերտացն՝ յարեալ եմուտ 'ի քաղաքն» : Իբրև օրն տարածամեցաւ և աղտամուղտ եղէն , դաղտուկ մուծին զնա աշակերտքն 'ի քաղաքն :

ՈՍԿ . Տեսանես զնա եռացեալ ոմն և հրացեալ դարձեալ 'ի նոյն քաղաքն մտանէ . յայտ է ահա զի թէպէտ և երբեմն տեղի տայր , այն վասն սիուելոյ բանին էր . և դարձեալ զի ոչ էր պարտ զնոցայն բորբոքել զցասումն : Այսորիկ քան զիրս նշանացն ոչ էին նուազագոյն : Բայց և զնոսին իսկ այս գործէր պայծառագոյնս . և առաւել ևս պատրաստէր առ 'ի իրն դալ . զի ոչ ուրեք ասէ թէ դարձան խնդալով զի նըշան արարին , այլ զի արժանի եղէն վասն անուանն անարգելոյ : Եւ զայս իսկ 'ի Գոթէ լինէին ուսեալ , թէ «Նոգ այն մի խնդայք , թէ այսք հնազանդին ձեզ » . զի ճշմարիտ և զուտ խնդու թի է կրել ինչ նեղութիս վասն Գոթի : Ապա ընդ ամենայն քաղաքն անցեալ լինէին , որպէս ասէ .

ԵՓՐ . «Եւ 'ի վաղիւ անդր ել Բառնարաւ հանդերձ 'ի Գերբէ . աւետարանեալ 'ի քաղաքին յայնմիկ և աշակերտեալ զբազումս՝ դարձան 'ի Լիւստրա և յԻկոնիոն և յԱնտիոքա հաստատել զանձինս աշակերտելոցն և մի թարեւ կալ հաստատուն 'ի հաւատսն . և թէ բազում նեղութի պարտ է մեզ մտանել յարքայութիս նյ » : Արդ նովին հարուածովքն իբրև զինու մտանէին 'ի վերայ հալածչացն 'ի Լիւստրէ և յԻկոնիոն և յԱնտիոքա , ուր հալածեցին զնոսա . ոչ է թէ ածել զվերսն 'ի վերայ հալածչացն , այլ զի հաստատեսցեն զաշակերտսն աւետարանին որ անդէն նեղեալն էին , թէ 'ի նեղութեանդ յորում դուք էք , և մեք 'ի նմին եմք , որով պարտ է ձեզ մտանել յարքայութիս նյ՝ որ 'ի ձեռն մեր քարոզի ձեզ :

ՈՍԿ . Եւ տես զի յառաջագոյն 'ի Գերբէ լինէին ելեալ , հանդիստ տալով հալածչացն 'ի բարկութիս . և յայնժամ դարձեալ 'ի Լիւստրա և յԻկոնիոն և յԱնտիոքա , զի 'ի սրտմտելն նոցա՝ հպատակէին տե .

զի տալով, և դադարելով նոցա 'ի չարէն՝ դարձեալ 'ի վերայ հասանէին քարոզել : Արդ հայեաց զի ոչ զամենայն շնորհիւ, այլ և իւրական փութով մատակարարէին . « Հաստատելով, ասէ, զանձինս աշակերտելոցն » . որպէս զի հաստատեալ էին նախ քան զայս . բայց զնոյն մանաւանդ յաւելուին անշարժս յօրինելով զնոսա : Նախ ասէին զնեղութիւնս . զի յորժամ հասանիցէ միեղիցին դայթակղեալք . զայսպիսի բանս ասէին և զայսպիսի գործ ցուցանէին : Եւ այս իսկ 'ի ճահ լինէր 'ի ձեռն առաքելոցն . ոչ վասն առաքելոցն միայն, այլ և վասն աշակերտացն . զի իմասցին անգօտին 'ի սկզբանն վաղվաղակի և զքարոզութեն զօրութի . և եթէ ինքեանց ևս պարտ է այնպիսի կիրս կրել, զի արիապէս կացցեն . և մի միայն 'ի նշանսն հայեսցին, այլ յոյժ մանաւանդ և առ փորձութիւնսն : Վասն որոյ և ինքն Պաւղոս ասէր՝ [Եւ զնոյն փոյթ կալարուք ամենեքեան զոր ուսարուքն և լուայք և տեսէք յիս : Բայց տես զի հալածանք զհալածանս յաջորդէր փոխարկելով, մարտք, պատերազմունք, քարկոծութիւք . և թէ որպիսի էր յորդորումն 'ի բազմանալ աշակերտացն, կամ որպէս լինէին հաւանեցուցել զանրնդէլ մարդիկն, առ սկիզբն՝ առաջին զնեղութիւնս քարոզելով . ապա յաւելին և այլ միտթարուի :

ԵՓԲ . « Զեռնադրեցին նոցա ըստ եկեղեցւոյն երիցունս . և աղօթս արարեալ հանդերձ պահօք յանձն արարին զնոսա տեառն՝ յոր հաւատացեալն էին » : Տեսանէս զզօրութիւն աւետարանին . զի 'ի քաղաքս յայտոսիկ ուստի հալածեցին զնոսա հանդերձ աւետարանութիւն զոր քարոզէին, ահաւասիկ երիցունս և սարկաւազունս աներկիւղ վստահութիւնսն 'ի նոսա :

ՈՍԿ . Եւ ընդէր 'ի Կիպրոս ոչ ձեռնադրեցին երիցունս և ոչ 'ի Սամարիա : Զի Սամարիա հուպ իսկ էր յառաքեալսն և յերուսաղէմ, և Կիպրոս յԱնտիոք, ուստի բանն զօրացեալ լինէր : Բայց և աստանոր բազում միտթարութեան կարօտանային որք 'ի հեթանոսացն էին, որոց պարտ էր բազում ինչ ուսանել . զորս և պահս կատարելով ուսուցանէին ժողովալ լինել առ փորձութիւնս . և աղօթս առնելով և

հանդերձ պահօք դարձեալ ձեռնադրու թիքն լինէին : Ահաւասիկ դարձեալ պահօք, որով է իսկ մաքրու թիւն անձանց մերոց : Եւ տես զժերմու թիւն Պաւղոսի . առ զօթիւք , ասէ , տեառն յանձն արարին զնոսա :

« Եւ շրջեալ ընդ Պիսիդեայ եկին 'ի Պամփիլիա . և խօսեցեալ 'ի Պերգէ զբանն տեառն՝ իջին յԱտալիա » : Վայելչապէս . շրջէին ընդ ամենայն գաւառսն , զի մի լիցի կործանեալ երկբայելով խորհուրդ աշակերտացն , թէ կարծեցեալ աստուածքն այնպիսիս ախտանան սաստիկ նեղու թիք . եկին առ նոսա և պատմեցին զկամսն այ՝ 'ի նեղու թիւս , որով և մխիթարեցան իսկ : « Եւ անդուստ , ասէ , նաւեալ գնացին յԱնտիօք ուստի էին յանձն արարեալ շնորհացն այ՝ 'ի գործն զոր կատարեցին » : Տես զանձու թիւն Հոգւոյն և զհաւասարու թիւն ընդ Հօր . զի 'ի Հոգւոյն առաքեալ 'ի գործն՝ շնորհացն այ , ասէ , արարեալ զայն :

Եւ ընդէր դարձեալ յԱնտիօք եկեալ լինէին . զի անդանօր պատմեցեն զամենայն զլեալսն : Նա և այլ ազգ ևս . մեծ իրս լինի տնօրինեալ , զի պարտ էր այնուհետև համարձակու թիք քարոզել հեթանոսաց : Արդ եկեալ եղեն զայսոսիկ պատմելով , որպէս զի գիտասցեն զայն : Եւ տնօրինեալ եղև 'ի Հոգւոյն յայնժամ իջանել յԵրուսաղէմէ այնոցիկ՝ որք արդելուին զհաղորդիլն միաբանու թիք ընդ հեթանոսաց . զի այնուհետև բազում ունելով վստահու թի՛ համարձակու թիք յԵրուսաղէմէ գնասցեն առ հեթանոսս . զի և պաւղոսեանք յԵրուսաղէմ ելանիցեն վասն ինդրոյն և ընդհանրական օրէնս սահմանեցեն : Զայսոսիկ յարգարեալ՝ գալովն յԱնտիօք կամի ցուցանել յասելն . « Եկեալ և ժողովեալ զեկեղեցին՝ պատմեցին որչափ արար ընդ նոսա անձ . և զի եբաց հեթանոսաց դուռն հաւատոց » : Տեսանէս զի ոչ պարզաբար եկին , այլ տնօրինապէս , իրրև 'ի Հոգւոյն առաջնորդեալք . որպէս զի քարոզու թիւն ընկալեալ 'ի հեթանոսաց հաստատեցի : « Պատմեցին որչափ արար ընդ նոսա անձ » . և ոչ եթէ որչափ ինքեանք արարին , կամ թէ որչափ ջանացին : Ինձ թուի թէ զփորձու թիւն ասէին՝ յորոց փրկէր զնոսա անձ :

Եկին դարձեալ առ նոսա յԱնտիօք ուսուցանելով :

զի վայելչապէս ձեռնադրեալ եղեն 'ի Հողւոյն : Աս
 և այլ ազգ աստանօր դալն կազմէ, ցուցանելով զբարս
 նոցա թէ յանձնահասակութի ազատք էին, զի եկեալ
 ցուցանեն զհամարձակութիւն, զի առանց նոցա հե-
 թանոսաց քարոզեցին : Դարձեալ զհպատակութիւն.
 զի զոր ինչ արարին, եկեալ արդ նոցունց զնոյն վերա-
 բերիցեն . և զի այնչափ ուղղութիւն արարեալ՝ ոչ ե-
 ղեն բարձրամտեալք : Եւ տես զեռանդոտ հոգին
 Պաւղոսի . զի ոչ հարցանէ զոք իբր ուսանել ինչ՝ ճա-
 կատամարտելով վասն հեթանոսաց, այլ վաղվաղա-
 կի զոր պարտն էր խօսել առ հեթանոսս՝ խօսի . վասն
 որոյ և ասէ՝ թէ «Ոչ զգացուցի մարմնոյ և արեան,
 և ոչ ելի առ որ յառաջ քան զիս էին առարեալքն» .
 քանզի այնչափ էր ջան նորա և յօժարութիւն, մինչ զի
 ոչ ոք այնպէս փայլեաց :

ԲԱՐՈՅԱԿԱՆ

Ըստպիսեոյ և մեք պէտս ունիմք յօժարութե և
 ջերմութե հողւոյն, ընդ մեզս ճակատամարտելով .
 զի այլ ազգ ոչ կարեմք հանդիպել արքայութեն, բայց
 թէ խաչիւ : Մի ապա հեղգասցուք, զի պատերազմ
 սաստիկ կայ առաջի ոչ ընդ մարմնոյ և ընդ արեան, և
 դժնդակ քարկոծանք քան թէ առ Պաւղոսիւ . այսինքն
 նախատանաց բանիւք . այլ արասցուք զոր ինչ նա արար .
 Եւ զինչ . զի քարկոծեալ դարձեալ եմուտ 'ի քաղաքն
 բարեբանելով զբարչիւսն : Եւ դու ապա մի բարկանար
 ընդ նախատինան, այլ յաղթեալ չարին բարեբանելով
 և շիջօ զհուր ցասման . և մի աշակերտեսցիս չարին,
 որ զքեզ 'ի ցասումն շարժելով բանիւք ինչ՝ կամի զի
 փոխեսցիս զարշիւս բարբառել քան զարբեալսն :
 Այլ պարուրեալ զքեզ հեղութիւն և երկայնմտութիւն,
 և խոնարհ մտածութիւն իբր 'ի մոխիր թաղեալ զհուրն
 բարկութե, զի սպակ առցես յաղթութե :

ՃԱՌԻ ԵՐԵՄՆԵՐՈՐԴԻ ԵՐԿՐՈՐԴԻ

«**Ը**րջելն ժամանակս ոչ սահաւս ընդ աշակերտսրն» : Ըի մեծ գոլով քաղաքն Անտիոք՝ կարօտանայր վարդապետացն : «Եւ ոմանք իջեալ 'ի հրէաստանէ ուսուցանէին զեղբարս , եթէ ոչ թլփատիք ըստ օրինացն Մովսէսի , ոչ կարէք ապրել» : Եին սոքա 'ի Հրէից անտի աշակերտեալք 'ի պետրոսեանց : Այլ զի թէպէտ և 'ի Քս հաւատացեալք էին , զթլփատութի և զօրէնսն Մովսէսի պահէին սոքա . և իբրև տեսին թէ հեթանոսք առանց այսորիկ հաւատացին 'ի Քս , իջին նոքա յերուսաղէմէ յԱնտիոք , տակաւին ունելով և զցաւս արծաթսիրութե . կամէին յայլմէ յայլ փոխադրել զայնոսիկ որք 'ի հեթանոսացն էին : Սկսան ասել թէ ըստ քարոզութեն Պետրոսի և ընկերացն նորա ոչ հաւատայք դուք , ոչ կարէք ապրել : Եւ ահա Պաւղոս օրէնսդէտ էր մանաւանդ քան զնոսա . բայց զայս ինչ ոչ կրէր յինքեան :

Այլ քանզի անդուստ իջին նոքա , և աւանդն զոր ուսուցանէին՝ ոչ էր ստուգագոյն . զի որ յերուսաղէմն էին , այնպիսի ինչ ոչ հրամայէին 'ի վերայ հեթանոսաց . թէպէտ և իրաւապէս իբր յայ գոլով ուսեալ առաքեալքն՝ վասն շահելոյ զՀրէայսն առժամայն ոչ հրամայէին խափանել զսովորականսն , այլ 'ի հեթանոսաց ոչ այնպիսի ինչ պահանջէին . և պաւղոսեանքն առաւել համարձակապէս խափանէին զհրէականսն . և այս իսկ 'ի նախանձ էած զորս 'ի Հրէիցն էին : Եւ ոչ ասէին թէ թլփատութի պարտ է առնելլոկ , այլ յոյժ ստիպով . զի թէ ոչ արասցեն , ասեն , կեալ ոչ կարեն . որոյ ներհակն մանաւանդ լինել պարտ էր . զի թլփատելովն իսկ ոչ կարէին կեալ : Տեսանէս զփորձութի ստէպ 'ի վերայ հասեալ ներքուստ և արտաբուստ : Այլ բարիոք տնօրինեալ լինէր 'ի Հոգւոյն Պաւղոսի մօտ լինելով :

ԵՓՐ. Որ և կացոյց իսկ մաքառու մն ընդդէմ նոցա, և ասաց ոչ խափանել զօրէնսն և զթլփատու թի ՚ի Հրէից. զի ցարդ ևս առ առաքելն զօրէնսն և զթլփատու թին պահէին նոքա: Այլ արժան է, ասէ, զի ամենայն մարդ յորում էր՝ յորժամ հաւատաց, ՚ի նոյն կացցէ. այսինքն զի Հրէայքն կացցեն մնասցեն ՚ի թլփատու թեանն՝ որոց պետրոսեանքն քարոզէին, և հեթանոսք մնասցեն առանց թլփատու թե որպէս ՚ի մէնջ հրամայեցաւ, Իսկ իբրև սոքա լուծանել զօրէնսն ոչ կամէին, և կողմն Պաւղոսի պահել ոչ հաւանէին, դազանացան կացին ընդդէմ իջեալքն յԵրուսաղէմէ, և կամէին ասել զդատաստանն առաջի առաքելոցն և ծերոցն ՚ի հրէաստան:

Իսկ պաւղոսեանքն զի մի լուծցեն առանց առաքելոցն զոր ինչ առաքեալքն վասն տկարութե Հրէիցն պահէին, անցանեն գնաննոքա յԵրուսաղէմ, զի անդդէմ յանդիման առաքելոցն խափանեցեն զօրէնսն և զթլփատու թին, զոր ոչ առանց նոցա խափանել կամեցան. զոր և յայտ իսկ առնէ յասելս, թէ «Եւ ՚ի լինելն ոչ սակաւ հակառակութե և խնդրոյ Պաւղոսի և Բառնաբայ ընդ նոսա, եզին ելանել Պաւղոսի և Բառնաբայ և ոմանց ՚ի նոցանէ առ առաքեալն և երիցունս յԵրուսաղէմ վասն խնդրոյն այնորիկ»: Եւ տես, ոչ ասաց Պաւղոս թէ զիարդ ոչ իցեմ հաւատարիմ օրէնսդրութի յայտափ նշանացս վկայեալ: Այլ վասն նոցին որք զայսն ասէին և վասն հեթանոսաց հաւատացելոց հաւանեալ եղև ելանել հանդերձ Բառնաբաւ ընդ նոսին յԵրուսաղէմ:

Այլ տես աստանօր զառաքինութի նոցա. զի ոչ գնացին դաւաճանել զայնօսիկ որք յԱնտիոքն իջին, մինչև նոքին հարկեցին գնալ. որք և այնպէս իսկ խոկային զպատուասիրութի, զի ոչ գիտելով առաքելոցն եկին յայնպիսի իրս յանդգնեալք: Այլ պաւղոսեանքն ոչ ինչ ՚ի նոցանէ յառաջ հասուցին կանխաւ առ առաքեալն յԵրուսաղէմ. իսկ յորժամ ՚ի նոցունց հարկեալ զնոցին բանսն ցուցին, յայնժամ ուժգնաւ գոյնս գրեցին առաքեալքն յանդիմանելով զնոսա իբրև զիստիւն:

Արդ յերթալն իւրեանց պաւղոսեանքն պատմե-

յին թլփատելոցն զոր ինչ արար անձ 'ի ձեռն նոցա անթլփատիցն . ըստ որում ասէ . «Նորա յուզարկեալք յեկեղեցւոյն շրջեցան ընդ Փիւնիկէ և ընդ Սամարիա, պատմէին զդարձն հեթանոսաց, և առնէին ուրախութի մեծ ամենայն եղբարցն» : Զի յոր ժամ իմացան ամենեքեան զլեալսն 'ի հեթանոսս և առսամարացիսն, ինդացին յոյժ : «Եւ հասեալք յերուսաղէմ և ընկալեալք յեկեղեցւոյն և յառաքելոցն և յերիցանց՝ պատմեցին որչափ ինչ արար ընդ նոսա նորօք անձ» : Պատմութիս այս ոչ էր պատուասիրութե և ոչ վերստին ցուցանելոյ զանձինս կամ լրումն առնոյ թերութե իրիք, զի ոչ էին պատուասէրք, այլ և ոչ թերիք ինչ . այլ էր պատասխանատուութի վասն քարոզութեն առ հեթանոսս, որով խընդային նորա ընդ դարձն հեթանոսաց :

« Հարեան ոմանք 'ի հերձուածոյն փարիսեցւոց հաւատացեալք, և ասեն թէ պարտ է թլփատել զդոսա և պատուիրել պահել զօրէնսն Մովսէսի» : Տես զի որք տարան զպաւղոսեանսն 'ի դատաստան, թէպէտ և այսոցիկ զոր ինչ պատմեցին պաւղոսեանքն 'ի ձեռն երիցանցն՝ կամէին ճմարտել, այլ յիւրեանց անտի զոր ինչ ինքեանք կամէին՝ ոչ կամեցան լռել : Վասն զի յանդիման երիցանցն իսկ ասացին թէ պարտ և պատշաճ է ձեզ թլփատել զհեթանոսս և պահել զօրէնսն Մովսէսի :

ՈՍԿ . Իսաղում էր Հրէիցն յուզախնդիր լինելն և յետ հաւատոցն տակաւին օրինադրելով անձանց, և ոչ հաւանելով առաքելոցն, և զայնպիսի իրս 'ի նոսա թողլով :

ԵՓԲ . Իւ վասն զի դատաստան մեծ էր ընդ ժողովուրդն և ընդ հեթանոսս, և ընդ առաքեալսն և ընդ ընկերոս իւրեանց, եկին ժողովեցան առաքեալքն և քահանայքն հանդերձ ժողովորդեամբն, զի տեսցեն զինչ վճիռ ելցէ վասն բանիս այսորիկ : «Եւ յետ բազում խնդիր լինելոյ յոտն եկաց Պետրոս և ասէ ցնոսա» : Վասն զի յառաջ եկաց Պաւղոս յերուսաղէմ ասել յանդիման Շմաւոնի և ընկերաց նորա ընդդէմ օրինացն, որպէս և ասացն իսկ յԱնտիոք յանդիման նորին ընդ դէմ պահպանուէ օրինացն : Իսկ Շմաւոն՝ այն

որ յԱնտիոք լուեալ կայր, իբրև յառաջ մատուցեալ Պաւղոս ասէր ընդդէմ օրինացն յերուսաղէմ, բնակեցաւ 'ի նա Հոգին սուրբ, և սկսաւ ասել ընդդէմ օրէնսհաստացն այսպէս .

ՈՍԿ. « Դք եզբարբ, դուք ինքնին գիտէք զի յաւուրցրն առաջնոց 'ի միջի ձերում ընտրեաց բերանով իմով լսել հեթանոսաց բանին աւետարանի և հաւատալ » : Տես զՊետրոս 'ի վերուստ 'ի սկզբանէ անտի մեկնեալ զատեալ 'ի հրէական իրողութեց . այլ վասն նոցին տկարութե մինչև ցայժմ ըստ Հրէից և օրինացն վարելով : Սակս որոյ և տեղի տայ յառաջագոյն լինել ինդրոյն յեկեղեցւոջն, և յայնժամ ապա ինքն խօսի : « Դուք ինքնին գիտէք » ասէ . թերևս մօտ էին ամբաստանողքն զնմանէ երբեմն յաւուրսն կուռնելիութե և 'ի ներքս մտողքն ընդ նմա 'ի տուն նորա : Սմին վասն զնոսին ածէ վկայս . « Զի յաւուրցն առաջնոց, ասէ, ընտրեաց անձ » . կանխաւ, ասէ, յառաջին աւուրսն, և ոչ այժմ : Ի միջի ձերում, այսինքն 'ի Պաղեստին . կամ թէ ձեր իսկ մօտ լինելով ընտրեաց անձ : Ոչ ասէ թէ կամեցաւ, այլ ընտրեաց անձ, ասէ, բերանով իմով : Տես թէ որպէս ցուցանէ զանձ 'ի ձեռն ինքեան բարբառեալ : Եւ ոչ մարդկային ինչ ասէ, և ոչ ասէ թէ լսել այնոցիկ որ 'ի թլիատութենէն, այլ հեթանոսաց . զի ոչ փոքր ինչ և այս զօրաւոր առնէր զիրս հեթանոսաց բերանովն Պետրոսի լսել բանին աւետարանի և հաւատալ :

Եւ և այտօքիկ ոչ էին փոքր առ 'ի խրատ Հրէիցն հաւատալ և ոչ ընդդէմ դառնալ, տեսանելով ըզհաստատութի իրացն հեթանոսաց 'ի կանուխ ժամանակէն, 'ի տեղւոյն՝ ուստի անձ խօսէր, յընտրութենէն՝ թէ զոր անձ սրբեաց, 'ի Հոգւոյն՝ որ վկայեաց լեզուօք զընտրութին . զոր և ցուցանէ ոչ շնորհացն պարզաբար, այլ առաքինութե նոցա վկայութի զայսոսիկ լինել . այսինքն զի ոչ նոցա նուազագոյն ինչ շնորհեաց հայելով յուղղութիւն սրտից նոցա, զի յամենայնի սիրտ ուղիղ ինդրէ . որպէս յաղօթսն ասէին՝ դու տէր, սրտագէտ ամենայնի . ըստ որում և 'ի վերայ ածէ՝ թէ « Սրտագէտն անձ վկայեաց նոցա » : Եւստ 'ի Հոգւոյն վկայութին տարաւ Եհան զնոսա . « Տալով

նոցա, ասէ, զՀոգին սուրբ որպէս և մեզ» . զի յառաջ քան զիմաստէն զնոսա պահել զօրէնս կամ թլփատել, ետնոցա անձ զՀոգին սուրբ խօսելովնոցա յամենայն լեզուս, որպէս և մեզ առաքելոցս :

Եւ զի ամենայնիւ հաւասարէ զհետնոսս, տես զի ածէ 'ի վերայ' թէ «Ոչ ինչ ընտրութիւն արար 'ի մէջնոցա և մեր» : Յորժամ եցոյց թէ վկայեաց նոցա, յայնժամ համարձակ զմեծս զայս բարբառեցաւ բան . զոր և Պաւղոս ասէ, թէ «Ոչ թլփատութիւն ինչ է և ոչ անթլփատութիւն . զի զերկոսեանն շինեսցէ յինքեան : Եւ տես . ոչ ասաց թէ ոչ արար անձ ընտրութիւն 'ի մէջնոցա և այնոցիկ որ 'ի թլփատութեան . այլ 'ի մէջ մեր, այսինքն առաքելոցս . և թէ լաւագոյն էաք մեք քան զնոսա պահպանութիւն օրինացն, սակայն հաւատովքն ոչ ինչ արար ընդ մեզ և ընդ նոսա խտրոց :

Եւ զի մի անարգանս օրինացն զիրսն գոլ կարծիցեն, դնէ անդէն զհաւատն . « Հաւատովք, ասէ, սրբեալ զօրոտս նոցա » : Ի հաւատոց միայն ասէ այսպիսեացս հանդիպիլ . և այսոքիկ առ 'ի խրատ Հրէիցն էր և կարող յուսուցանել' թէ հաւատոց միայն պէտք էն և ոչ գործոց և ոչ թլփատութեան : Այսոցիկ ամենեցուն սերմանիս 'ի Պետրոսի հանդիսաբանութեան կայ . զի ոչ միայն վասն հետնոսաց պատասխանատրելով զայսոսիկ ասէ, այլ և զնոսա խրատելով 'ի բաց կալ յօրինացն . զի յայսմ հետէ ոչ ևս ինչ ըստ օրինացն կատարուին :

« Եւ ընդէր փորձէք զանձ, դնել լուծ 'ի վերայ պարանոցի աշակերտացն զոր ոչ հարքն մեր և ոչ մեք կարացաք բառնալ . այլ շնորհօքն անհաւատամք ասրել յորպէս և նոքա » : Տես թէ որպէս յահագինսն տարաւ եհան . ցուցանելով զնոսա 'ի տագնապի որք յօրէնսն էին, իսկ զնոսա ազատս : Զի զոր ինչ ոչ կարացին օրէնքն, այսինքն ապրեցուցանել, զայն կարաց հաւատն : Եւ յայսմանէ արտաքս արկանելով ցուցանէ զնոսա 'ի կորստեան : Եւ ոչ ասաց թէ 'ի թերահաւատութեան էք դուք, քանզի ծանր էր այս . այլ զնոյն իսկ յայտնէ այլովք բանիւք յասելն .

ԵՓԲ . Եւ զի դատիք զխորհուրդս անյ, զի այսինքն

է փորձել զի՞նձ . զի զոր ինչ էտ մեզ ՚նձ հաւատովք և օրինօքն , էտ զնոյն և հէթանոսաց հաւատովք առանց պահպանութե՛ն օրինաց :

ՈՍԿ . Եւ այլ ևս . փորձել է զի՞նձ ասելո՞ւ թէ ոչ են կարող կեցուցանել հաւատք , և զի յաւելլուլ կամիք զնէլ 'ի վերայ պարանոցի աշակերտացն . և ոչ ասէ թէ հէթանոսաց , թէպէտ զնոցանէ խօսի զլուծն թըլ փատութե՛ն և զօրինացն : Ապա ուրեմն անհաւատու թէ՛ իրք է զօրէնան 'ի ներքս բերել . յորմէ ցուցանէ և զնոսա ոչ ինչ շահեալ . և զամենայն ինչ առ օրէնսն դարձուցանէ՝ ասելով ծանր և դժուարին , և ոչ առ նոսա , այլ 'ի նոցանէ զչարախօսութի՛ն բաց հատանէ բանիւն « Զոր ոչ մեք , ասէ , և ոչ հարբն մեր կարացաք բառնալ » :

Եւ յորժամ 'ի բաց մարբեաց յառաջագոյն զխոշորութի բանին , ապա յայնժամ ցուցանէ ոչ զօրէնան չար , այլ զնոսա տկարս . սմին վասն և 'ի վերայ ածէ . « Այլ շնորհօքն այ՛ հաւատամք ապրել որպէս և նոքա » : Որչափ զօրութի լի են բանքս այսօրիկ . զոր և Պաւղոս 'ի ձեռն բազմաց առ հռովմայեցիան ասէ , զայնոսիկ Պետրոս 'ի ձեռն սակաւուց աստ , « Զի թէ Աբրահամու գործովք էր արդարացեալ , ասէ , ունէլ ունէր պարծանս , այլ ոչ առ ՚նձ » : Տեսանէս , զի այսօրիկ բանք՝ նոցա մանաւանդ էր 'ի խրատ , թէպէտ և պատասխանիս վասն հէթանոսաց էր : Եւ թէ առանց պատճառանաց զայսօսիկ էր ասացեալ , կասկածէր զնոցանէ զի մի ասիցեն թէ զիշխանութենէ բուռն հարեալ առանց երկիւղի լինի բարբառեալ :

Տես յամենայնի զառ 'ի թշնամեացն իրս առ նոսա լինելով պատճառ փրկութե՛ն հասարակաց . զի թէ շրեայքն ոչ լինէին շարժեալ , թերևս ոչ լինէին այսօրիկ ասացեալ , և ոչ որ յետ այսօցիկ : Այլ թէ և կամէին հէթանոսք յառաջագէ՛մ լինել , ոչ ինչ իմանային եթէ պարտ է նոցա զօրինացն անտես առնել : Այլ դու տես , զի ոչ 'ի մարդարէից արար ընդ նոսա վարդապետութի՛ն , այլ 'ի հասեալ իրողութեցն որոց նորին իսկ վկայք էին . որով և վաղվաղակի 'ի հաւանութի գային լուելով 'ի խնդրոյն . զի հաճեցան երիցունքն 'ի բանսն Շմաւոնի , և առանց մաքառման խափանեցաւ մաքառումն 'ի ձեռն հաւանութե՛ն շողոյն :

« | Աեաց, ասէ, ամենայն ժողովուրդն, և լսէին Բառնարայ և Պաւղոսի պատմելոյն որչափ արար անշանս և արուեստս 'ի ձեռն նոցա»: Վայելչասպէս և նորա այնուհետև վկայեն և զբանն զօրացուցանեն ասացելովքն: Եւ տես ոչ ինչ ասեն զոր 'ի Հրէիցն ընդդիմադարձութիքն, այլ զոր ինչ արար նորօք ան: Ահաւասիկ ոչ լոկ բանից վերացումն', այլ որ ինչ 'ի ձեռն իրաց և արդեանց վճարմունք էին 'ի ձեռն Հոգւոյն: Այլ սակայն և այնպիսի նշանս ունեցով տակաւին հեղաբար լինէին բարբառեալ:

ԲԱՐՈՅԱԿԱՆ

Օ 'ի մեծ բարի է հեզութիւն յամենայնի, մանաւանդ յայսմիկ, զի սովաւ յաղթել կարացուք բարկութե: Եւ թէպէտ երեկ տրամաբանեցաք վասն բարկութե, դարձեալ զնոյն երկրորդեմք. զի և դեղոյ ինչ, որ ունի զօրութի ողջացուցիչ վիրի, բազում անգամ պիտոյանամք նմա: Այսպէս և վասն հոգւոց փրկութե մի ձանձրացուք զնոյն ինչ լսել. այլ բժըշկել կամելով զոգիս 'ի ցասմանէ՝ խլեացուք նախ զհրպարտութի: Եւ զայս ո՞րպէս. մի յօտար իրս, այլ 'ի մեզ ինքեանս հայեացուք. գիտացուք, զի թէ կամիմք՝ հրեշտակս 'ի մարմնի լինիմք, յօժարութե ուղղելով զառաքինութիւնս. և եթէ կամիմք՝ օճս և ծնունդս իժից: Չանասցուք ապա լաւագունին ժամանել պատուոյ:

ՃԱՌ ԵՐԵՄՆԵՐՈՐԴ ԵՐՐՈՐԴ

«**Ե**թ լուրջն նոցա պատասխանի ետ Յակոբոս և ասէ . արք եղբարք, լուարուք ինձ» : Եւ սա եղբայր տեառն մերոյ . որ և առաջին եպիսկոպոս յառաքելոյն եկաց յԵրուսաղէմ : Եւ զի եպիսկոպոս էր տեղւոյն , սմին վասն և յետոյ խօսեցաւ . և այն իսկ՝ եթէ « Ի բերանոյ երկուց և երից վկայից հաստատեսցի ամենայն բան » , աստանօր լցեալ լինի : Այլ տես զմիաբանութի եկեղեցւոյն , զի ոչ ինչ բարձրամտութի երևի աստանօր . յետ Պետրոսի և Պաւղոսի լինի բարբառեալ , և ոչ ոք զնա լուեցուցանէ : Նա և Յակոբոս թէպէտ 'ի վեր ելանէ բանիւ յատենին , այլ ոչ յափրշտակէ զբանն . քանզի բազում էր բարեկարգուին : Այլ ինչ Յովհաննէս աստանօր խօսի , և ոչ այլ ոք յառաքելոյն , այլ լուեն . քանզի նմա էին ընձեռեալ զիշխանութին : Եւ ոչ ցասնուն ինչ կամ արտնջեն . զի այնպէս մաքուր էր 'ի կարեաց անձինք նոցա :

Բայց տես և զսորա հանձարեղ իմաստութին , զի անդէն 'ի հնոյն ստուգէ զբանն 'ի մարգարէիցն . և զի ոչ ունէր ինչ յայտնութի իրս ցուցանել , որպէս Պետրոս և Պաւղոս . և բարիօք տնօրինեալ լինի 'ի շագւոյն , զի 'ի ձեռն նորա լինին այնոքիկ՝ որ ոչ էին հանդերձեալ բնակել յԵրուսաղէմ : Իսկ սա զի ոչ այսպէս ուսուցանէր զՀրեայն , այսինքն լուծանել զսովորական օրինացն պահպանութի , ոչ լինէր ինչ վասն այսորիկ պարտապան . քանզի իբրև զտկարս կամէր շահել զնոսա , և ոչ 'ի բաց պատառել :

Բայց տես և աստ զհամաձայն միակամութիւնն . Շմաւոն , ասէ , պատմեաց որպէս յառաջագոյն անձայց արար առնուլ ժողովուրդ 'ի հեթանոսաց անուան իւրոյ » : Բազում աստանօր երևի հեղութի սորա . և զի նախ 'ի սկզբանն ուժգնագոյնս խօսեցաւ Պետրոս , իսկ սա հանդարտագոյն . զի այսպէս պարտ է այնմ :

որ 'ի մեծի զօրութե և 'ի պատուի իցէ, 'ի ծանրագոյնսն այլոց տալ տեղի և ինքն 'ի հանգարտագունիցն երևիլ: Եւ բարխոք ասաց՝ թէ Շմաւոն պատմեաց, զի ցուցցէ թէ և ինքն ըստ նորա կամացն համաձայնել կամի. զի Շմաւոն ոչ է թէ 'ի մտաց իւրոց գուշակեաց, այլ մարգարէական տեսութիւն, որպէս անձ Հոգւոյն եցոյց նմա. «Զի յառաջագոյն անձ այց արար 'ի սկզբանն առնուլ ժողովուրդ»: Կա և ցուցանէ կանուխ գոլ զիրան. այսինքն զի հեթանոսք յանուն Զոթի հանգերձեալ էին զի խոստովանեցին, որպէս զի կատարեցին բանք մարգարէիցն՝ որ կանխեցին քարոզեցին առնուլ ժողովուրդ 'ի հեթանոսաց, այսինքն ընտրել, ոչ վայրասպար՝ այլ անուան իւրոյ, որ է 'ի փառս իւր: Եւ ոչ միայն ոչ լինի ամաչեցեալ յանուն իւր ընտրել զհեթանոսս, այլ և մեծագոյն փառս համարի:

Եւ տես զկատարեալ հանդիսաբանութիւն սորա, որով 'ի կատարումն իրաց 'ի վերայ հասուցանէ ասելով. «Եւ յամ, ասէ, միաբանին բանք մարգարէիցն»: Եւ տանօր մեծ իսկ նշանակեալ լինի 'ի մարգարէիցն՝ թէ նախ քան զամենեսեան էին ընտրութիւն կոչեցեալ հեթանոսք: Եւ քանզի Պետրոս ժամանակաւ յայտնէր զընտրութիւն, բայց հաւատարմութի յառաջնոցն ոչ ունէր, զի ոչ եբեր 'ի մէջ զկանխասացութիւն մարգարէից. վասն որոյ և սա զյառաջասաց վկայութիւն 'ի մէջ բերէ. «Յետ այսորիկ ասէ, դարձայց և շինեցից զյարկսն Դաւթի, զանկեալն և զկործանեալն նորա վերստին շինեցից և կանգնեցից»: Եւ զիա՞րդ շինեցաւ և ոչ մանաւանդ կործանեցաւ. թէ յետ Բարիլոնի և եթ իմացուք զխոստումնս, այլ ստուգագոյն քննութիւն թագաւորութի Դաւթի այժմ եղև հաստատեալ, յորժամ ծնեալ որդի նորա թագաւորէ ամենայնի, որ կանգնեաց զորդիս մարգարէին՝ որ մեղօք էին գլորեալ զի եղեն բնակարան որդւոյն Դաւթի: Զի զի նչ շահ էր տանց քաղաքին Դաւթի և անշունչ յարկացն շինութիւն. և ոչ ինչ: Եւ զի նչ փնաս 'ի կործանմանն նոցին յորժամ ամենեքեանն Հոգւոյն շնորհացն արժանի եղեն, և զհոգիս իւրեանց ախորժելով 'ի ձեռս նորա աւանդեն: Քանզի Դաւթի թ

պայծառագոյն այժմեղև յորժամ ամենայն տիեզերք
երգէ զերզս օրհնութեան : Արդ այն զցալի շինուածն
կատարեցաւ . ապաքէն և այսմիկ կատարել պարտէ .
վասն էր . « Զի խնդրեցեն մնացորդք մարդկան զտէր » :
Զի անշնչիցն շինուածով ոչ խնդրեցին հեթանոսք ըզ-
տէր , յայտէ . այլ այսու իսկ կանգնեցաւ քաղաքս այս
'ի ձեռն առ 'ի Գաւթայ ծնիցելոյն , որով խնդրեցին
մնացորդք մարդկան զտէր . այսինքն 'ի Հրէից հաւա-
տացեալքն :

« Եւ ամենայն հեթանոսք յորոց վերայ կոչեցեալ
է անուն իմ , ասէ տէր » : Յուցանէ թէ քաղաքին շի-
նութե պատճառ եղև կոչումն հեթանոսաց . զորս
և ըստ մարգարէութեն կարգի երկրորդս ըստ դա-
սու 'ի ներքս մուծանէ , յորոց վերայ կոչեցեալ է ա-
նունն Քաթի : « Ասէ տէր՝ որ առնէ զայս ամենայն » :
Ոչ միայն ասէ , այլ և առնէ : Ապա ուրեմն այս նոյն է
գործ : Եւ ապա յաւելու զհաւատարմութի եղելոցն՝
թէ ոչ ինչ է նոր , այլ 'ի սկզբանէ ամենայն յօրինեալ
էր ասէ : « Յայտնի է 'ի յաւիտեանց » . այսինքն յայտ-
նի և գիտելի էր միշտ նոյն գործն զոր 'ի ձեռն մար-
գարէիցն լցեալ եղև յաւուրս մեր :

Արդ քանզի ոչ զայս ասելին ընդդիմախօսքն՝ թէ ոչ
է պարտ զնոսա ընդունել հաւատովք , այլ թէ և հան-
դերձ թլփատութեն և օրինօքն է պարտ , որոց ընդ-
դէմօրինադրեաց Պետրոս հաւաստեալ թէ ոչ է պարտ
զերկոսեան , ընդէր սա ախուհետև հրապարակաբա-
նէ կրկին » : Այս և յոյժ վայելչապէս . զի զօր ինչ
օրինադրել պարտ էր Պետրոս , 'ի ներքս մուծանէ .
իսկ զկանուխ ընտրութիւն մեր անդուստ 'ի վերուստ
զոր ոչ գիտէին , զայն սա ասաց . զի այս իսկ առաւել
քան զամենայն զարհուրեցուցանէր զլոռոյն : Ապա 'ի
դէպ ժամու զարժանն առնելոյ 'ի ներքս մուծանէ ա-
սելով . « Ղանս որոյ և ես իրաւունս համարիմ » : Բա-
րիօք ասէ իշխանութիւն թէ ես իրաւունս համարիմ .
այսինքն թէ այսպէս ասեմ բարի գող . և որչափ կայ
'ի կարի իմում , հաստատեմ զքանս Շմաւոնի : Եւ քան-
զի հեթանոսք ոչ էին լուեալ զօրինացն , վայելչապէս
զայսօսիկ հրամայէ առ յօրինացն . զի մի թուիցի ապ-
ախտ արարեալ զնա :

Ընայն ակտ թէ որպէս ոչ թողացուցանէ զնոսա առ յօրինացն զայսոսիկ ուսանել և լսել. այլ նախ քան զօրինացն զիւրն ասելով. ոչ ասէ յօրինացն զայսոսիկ լուարուք. այլ զինն. «Մէք, ասէ, դատեցար և իրաւունս համարիմք մի նեղել զայնոսիկ՝ որ ՚ի հեթանոսաց դաւանան առ ւիճ». այսինքն մի յետս դարձուցանել զոր ւիճ կոչեաց առ ինքն. և այդոքիկ խրարութիւնք դարձուցանեն յայ. ապա ուրեմն զայդ ասելով ընդ այ մարտնիք. եւ ոչ ասաց թէ մի դայթակղեցուցանել զնոսա կամ յետս դարձուցանել, զոր Պաւղոս յայտնի առ զաղատացիսն ասէ. այլ մի նեղել, այսինքն մի թախանձեցուցանել և ստիպել զնոսա ՚ի պահպանութիւն օրինացն. Յուցանէ այսու զպահպանութիւն օրինացն ոչինչ գոյ ուղղութիւն, այլ միայն թախանձութիւն. «Այլ տալ, ասէ, թուղթ առ նոսա՝ խորշել ՚ի կերակրոց կոնց և ՚ի պոռնկութիւն և ՚ի մեռելաւայ և յարեմն. շարկաւորապէս նախ ՚ի զոհեալ կերակրոց խորշել հրամայէ. զի զոր զոհեն հեթանոսք, դիւաց զոհեն. ուստի ՚ի բաց կամի զատուցանել զհաւատացեալսն ՚ի հաղորդս լինելոյ դիւաց:

ԳՐԻՐ. ԵՐ. Օ ՚ի բազումք ՚ի կերակուրդ մեղանկեն. ոմանք ՚ի զոհեալ անդր անխտիր մատչին. ոմանք ՚ի մոյ պահել պահեն, բայց դատեն զայնոսիկ որ ուտենն. և պէտքէս ինն ՚ի կերակրոց բանի անդ՝ բազմաց ոգիքն ուղծին ՚ի սգիտութիւն ուտելոյ անտի. և յօգտել պատճառանաց պահելք ՚ի մոյ և ՚ի գինւոյ, ոչ իբրև պիղծ ինչ համարելով, այլ զի վարձուց ակն ունիմք. զի զանցար կերակուրս արհամարհեալք՝ զմշտնիւնաւոր սեղանն վայելեացուք. սերմանելք արտասուօր, զի ջնձութիւն հնձեցուք: Արդ մի դատեր զորս ուտենն ինչ վան սխարութիւն մարմնոյ կամ ըմպեն փոքր մի գինի վան ստամոքսի: Մի օտար համարիք զմիս, զի գինի զայսպիսին Աւարեալն և ասէ. «Արգէլուն ասնել կանայս, և մեքեն ՚ի կերակրոց զոր ւիճ հատուտաց վայելել հաւատացելոց. եւ թէ մեկնեալ իցէս ՚ի սցունչ, մի իբրև ՚ի ուղծութիւն, այլ վան երկարս բարութիւն որ պահեն զէլ: Զբոլ լէր մի ուտիցէս յայնմանէ որ կոնց առտի երեւալ են. զի վան կերակրոց և Յախարոց որ այս եկեղեցոյ ա-

առջնորդէր՝ փոյթ եղև գրել առաքելովքն և երկ-
ցամբքն ամենայն հեթանոսաց զլիսաւոր թուղթ մի :
«Նախ, ասէ, խորշել ձեզ ՚ի զոհեւոյ կոսց կերակրոց
և ապա ՚ի հեղձուցեւոյ և յարենէ» : Զի բազումք այն
են ՚ի մարդկանէ՝ որ իբրև չար դադանք ինչ օրինակի
կեանս կան, պիղծ դադանաց օրինակ դարձան խոր-
վեն և զհեղձուցիկն ուտեն անխտիր : Այլ դու որ Քսի
ծառայդ ես, կարգ գիր երկիւղածութիւն զհրամայ-
եալսն ուտել, և անխտիր զոչ հրամայեալսն չուտել :
Զոր ոչ աստ միայն, այլ և Պաւղոս հրամայէ՝ «Թէ որ
ասիցէ թէ այդ զոհեալ է, մի ուտիցես» : Եւ ՚ի պու-
նկութիւն, ասէ, խորշել. զի և այս իսկ պղծութիւն է
հոգւոյն և մարմնոյ : Եւ ՚ի մեռելութեան, ասէ՝ որ է
հեղձուցիկ : Զոր ոչ միայն օրէնքն պիղծ ասեն, այլ և
ցեղորոս զեն և կեր ասաց շողին, զոր ետես ՚ի կտաւ
անդր. և ոչ ասաց խեղդեա և կեր : Զի թէ պէտ և
անդր առ բարս մարդկան հայէր խորհուրդ կենդա-
նեացն, այլ և ուտելոյ ևս օրէնք կային առաջի. զի
վասն այնր իսկ և շրեայքն խղճէին ՚ի Պետրոսէ՝ թէ
կերար ընդ անթլիատսն : Արդ զի զեն, ասաց, և
կեր, սմին վասն և աստ չուտել գրէ զմեռելութի :

Այլ որք անխտիր կամին ուտել զհեղձուցիկ, ծի-
ծաղելի իմն ասեն. ոչ թէ զմեռելութի ուտելն հրաժեշտ
տայ՝ ասեն, այլ զհեղձուցանել զմարդ ծեր կամ զհի-
ւանդ. որպէս առնեն, ասեն, դեռ ևս հեթանոսք : Նա
և ջատագով առնուն այսմ թէ ահա և զձուկն ոչ զե-
նումք՝ որ է մեծ կենդանի, այլ առանց զենման ու-
տումք, և չեն ինչ մեղք. այսպէս և ոչ մեռելութի : Առ
որս ասելի է՝ թէ ով վեհք, այսպէս ասելի յոյժ հե-
ռի է ՚ի կարգէ գրելոցս աստ. զի աստ հրամանք ա-
ռաքելոցն յօրինացն Մովսէսի, վասն որոյ և մերձա-
կայ վեճն էր շրեիցն. զայսոսիկ միայն պահել հրա-
մային հեթանոսացն, և զայլսն ոչ պահել : Եւ զի ոչ
թէ յայնժամ վասն զմարդ հեղձուցանելոյ հաւատա-
ցեալ հեթանոսացն վիճէին շրեայքն խափանել զայն,
այլ կամէին զի հաւատացեալ հեթանոսքն թլիփատե-
ցին, և զամենայն կերակրոց խարուխն՝ որ յօրէնսն էր՝
պահեսցեն : Այլ ոչ կամեցաւ շողին նր զլուծ օրի-
նացն որ վասն կերակրոց խարութիւն զնել ՚ի վերայ նոր.

ընծայ հեթանոսացն, բայց միայն զկարևորս զհարկաւորս զայտոսիկ : Տես և զկարգ բանին . 'ի հեղձուցելոյ ասէ, որ է 'ի մեռելութոյ . և ոչ ասէ 'ի հեղձուցանելոյ, զի զքո անճահ կարծիսդ բառդ սկսանդիմանէ . զի զհեղձուցելոյն՝ մեռելութոյ ասէ : Տեսանես, ոչ ասէ ներգործական հեղձուցանելոյ, որ է մեռուցանելոյ ըստ քեզ . այլ թէ 'ի հեղձուցելոյ, որ է միջակ կամ կրաւորական, օտար 'ի քո կարծեացդ, Նա և ձուկն թէպէտ և ոչ զենումք, չէ մեռելութի . և թէ զիարգ, ես ասեմ : Մեզ օրէնք հրամանն այ է . և ան որ և զձուկն մեզ 'ի յուտել ետ, ոչ ուրեք հրամայեաց զենուլ զնա . զի յօրէնսն Մովսէսի ոչ հրամայեաց, և 'ի նորումս Պետրոսի՝ վասն չորքոտանեաց և սողնոց և թռչնոց ասաց զեն և կեր, և ոչ վասն ձկանց . թէպէտ և տիրապէս բանն առ մարդիկ հայի : Այլ մի ինձ ընդդէմ ասիցես՝ թէ ուրեմն և զծովու թռչունս ոչ է պարտ զենուլ : Երկակենցաղք են այնք, ովդու . և ընդ այլնն ևս թռչունս երկնից ասին . ուստի և զենուլ զնոսա հարկ է . այլ զձկունս ոչ ուրեք ասաց զենուլ, տինա և ինքն անձ եկեր զձուկն առանց զենման, և ոչ խոտեաց մեռելութի : Արդ զոր անձ ոչ ասաց մեռելութի, մարդ մի ասիցէ . մի թէ օրէնս իշխեմք դնել այ . ոչ ապաքէն զորս զենուլ հրամայէ՝ զենուլ պարտիմք . և վասն որոց ոչ հրամայէ, ով իշխեսցէ քննիչ լինել : «Եւ յարենէ» ասէ . զի մի կերիցեն հանդերձ արեամբ : Զի բազումք իբրև զպիղծ գազանս զարիւնն խորովեն և ուտեն :

Այլ զի յօրէնսն բազում ուրեք գրեցաւ չուտել զարիւն, և կարևոր համարեցաւ Հոգին 'ի նորումս զայս օրինադրել չուտել զարիւն : Այլ զի որք կամին և զարիւն անխտիր ուտել, զայս աստ՝ թէ խորչել և յարենէ, չսպանանել ասեն . այլ ոչ կամին երթալ զհետ բանիս : Զի այն ինչ 'ի Քա հաւատացեալ հեթանոսքն ոչ է թէ սպանու թիս գործելով որոշէին 'ի շրէիցն, այլ չխտրելովն զկերակուրս և անթլիատու թին : Արով շրէայքն խտրու թի կերակրոց ըստ օրինանս և թլիատու թին պարկեշտս գոլ թուէին, և զհեթանոսս ևս ընդ սոքօք մուծանել կամէին : Վասն որոյ առաքեալքն յօրինացն Մովսէսի միայն զհար-

կաւորս զայսոսիկ պահել Տրամայեն հեթանոսաց, այսինքն չուտել մեռելոտի և ոչ զարիւն և ոչ զոհեալ կերակուր, և չպոռնկել և զայլսն որ ինչ յօրէնսն խարուծիւնք կերակրոց մանրաքննին և շարածուց պահպանուծիւնք և լուացմունք մարմնականք հանդերձ թլփատուծեամբն անփոյթ առնել, Զի զայլսն զորս պահել պարտ է յօրինացն, լրամբ և սաւետարանն ունի: Եւ թէ ասիցես, միթէ և զպոռնկելն չդատի աւետարանն ընդէր և աստ եղաւ, ասեմ՝ թէ այո. այլ վասն յոյժ հարկաւոր դուրսն և աստ եղաւ. որպէս և Պաւղոս բազում ուրեք սաստէ պոռնկուծէ: Եւ դարձեալ աճեցուցանել կամելով զօրինադրուծիւնս եղին աստ. վասն զի և առնթեր վէճն շրէից որոց պատճառաւ այսօրիկ օրինադրեցան հեթանոսաց, ոչ վասն պոռնկելոց հեթանոսացն էր, այլ զի թլփատեցին հեթանոսք և զօրէնսն պահեսցեն խարելով զկերակուրս. որոց ոչ անսալով առաքելոցն՝ զայսոսիկ միայն հարկաւոր համարեցան գրով օրինադրել հեթանոսաց. «Տալ, ասէ, առ նոսա թուղթ՝ խորշել՝ի զոհելոյ կողմ և յարենէ՝ի հեղձուցելոյ և ՚ի պոռնկելոյ:

ՈՍԿ. Եւ ընդէր արդեօք և վասն շրէիցն ոչ զնոյն գրեսցուք: Այլ վասն զի ոչ գրեմք, ոչ եթէ վասն զի պարտ է նոցա աւելի ինչ քան զայս պահել, այլ քան զի Մովսէս ընդ նոսա խօսի: «Զի Մովսէս, ասէ, յազգացն առաջնոց, վասն այսօրիկ որ ազգի ազգի տեղիքս են, զքարոզիչս իւր ունի ըստ ամենայն շարածուց ընթերցեալս: Տես որչափ զիջանէ ըստ օրինացն՝ ուր մնաս ինչ շէր: Արդ ՚ի վերայ կացոյց զՄովսէս վարդապետ օրինօքն. և շնորհեաց նմա պատիւ՝ որ ոչ ինչ ՚ի հաւատոց խափանէր զշրէայսն, յորդորելով լսելն մա ըստ այնոցիկ, և ՚ի բաց տանելով յօրինացն զորս ՚ի հեթանոսացն էին: Տեսանէս զմե ծիմնատ հանճարեղուծի նորա. ՚ի ձեռն նորա թուեցաւ զօրէնսն պատուել, ՚ի վերայ կացուցանելով զնա իւրոցն: ՚ի ձեռն այնորիկ ՚ի բաց տարաւ զհեթանոսս ՚ի նմանէ: Ազգայնուհետեւ հասարակաբար լինի աւանդուծին:

«Յայնժամ, ասէ, հաճոյ թուեցաւ առաքելոցն և երիցանցն ամենայն եկեղեցեաւն արս ընտրեալս

'ի նոցանէ առաքել յԱնտիոք ընդ Պաւղոսի և ընդ Բառնարայ . զՅուդա զկոչեցեալն Բարսարա և զՇիլա, արս զխաւորս, գրեալ առ եղբարս 'ի ձեռն նոցա զայս ինչ : Վայելչապէս խորհին զայսոսիկ . և կամելով զի հաւատարմագոյն իրքն լինիցին, առաքեն զառ 'ի յինքեանց արձակեալն, զի առանց կասկածանաց լինիցին որ ընդ Պաւղոսին էին . և ապա ոչ պարզաբար բանիւ լոկով, այլ հաստատութե'ի ձեռն գրոյ օրինագրեն զայս ինչ . «Առաքեալք և երիցունք և եղբարք յԱնտիոք և 'ի Սիւրիա և 'ի Կիլիկիա եղբարց որք 'ի հեթանոսաց էք՝ ողջոյն» : Բարիոք ըստ պատուոյ գնեն զկարգ դասու երեսացն 'ի սկիզբն թըղթոյս, պահելով զվայելչականն . և զայն ոչ շփացու թք ինչ, այլ առանց պաճուճանաց պարզաբար վասն հարկի յայտնելոյ զգէմնս յորոց բանն : « Բնակելոց, ասէ, յԱնտիոք և 'ի Սիւրիա և 'ի Կիլիկիա » : Ուր ցան ծնեալ եղև և սկիզբն առ, անդ և զգեղն առաքեն վաղվաղակի, 'ի դէմն ածելով առ որս բանն : « Եղբարց որ 'ի հեթանոսաց էք » . զորս և ընտանիս և եղբարս արար հաւատալն 'ի Քս . առ որս նախ ինքն մտեալ հանդի ողջունիւն զոր պատուիրեաց տալ արժանաւորացն :

Այլ տես թէ որպէս ծանրաբար գրեն յաղագս նոցա որ դաւաճանողքն էին : « Քանզի լուարձ թէ ոմանք իբրև 'ի մէնջ խառվեցուցին զձեզ բանիւք խախտել զանձինս ձեր . ասեն թ լիատեղ և պահել զօրէնսն, որոց ոչ հրամայեցաք » : Շատ և բաւական է չարախօսութիս 'ի վերայ անձնահաճութե' նոցա և յանդգնուէ . և այսպիսի բանք արժանի իսկ է առաքելոցն հեղութե', ոչ ինչ առաւելքան զայս ասելով զնոցանէ դժուարագոյն . այլ միայն 'ի մին հայելով դարձուցանել յայնմանէ զոր ինչ եղեալն էր . զի այս իսկ և զնոսա որ անդանօր խազմարարքն էին, 'ի խոստովանութի' ածէր : Ոչ ասացին թէ խաբեբայք պատրողք խռովարարք, այլ լոկ՝ թէ ոմանք իբրև 'ի մէնջ : Եւ զի մանաւանդ ուր պարտն էր ասել զայս, և՛ որ այս պիտիքն են, զայս Պաւղոս առնէ, որպէս յորժամա-

1 Երևան և որդիսիս են . . . ողջունիս հասարակականութիւն

սէ . « Ով լի ամենայն նենգութիւն և խորամանկութիւն .
 և « Զգոյշ լերուք 'ի շանց անտի » : Բայց աստանօր
 ուղղութեն հաստատուն լինելով՝ այսմ տակաւին ոչ
 էր պէտք :

Եւ տես զի ոչ գրեցին՝ թէ ոմանք իբրև 'ի մէջ
 հրամայեցին ձեզ զօրէնսն պահել . այլ թէ խռովեցու
 ցին բանիւք խախտել զանձինս ձեր, այսինքն անպատ
 րաստ առնելով : Ոչ է իսկապէս այլ ազգ քան զայս
 բան, ոչ և մի որ ուրեք այսպէս ասաց . զյառաջագոյն
 հաստատեալ զհոգիսն ասէ խախտել, որպէս 'ի շի
 նուածի ուրեք, զառ 'ի նոցանէ լեալսն փոխաբերելով
 և խախտելով . ասեն թլփատել, զոր ոչ հրամայեցաք
 և ոչ արարաք այդպիսի իրաց խարութիւն :

« Հաճոյ թուեցաւ մեզ միաբան ժողովելոցս արս
 ընտրեալս յղել առ ձեզ ընդ սիրելիս մեր ընդ Բառ
 նաբայ և ընդ Պաւղոսի . արք որք մատնեցին զանձինս
 իւրեանց վասն անուան տեառն մերոյ Յնի Բնի » :
 Արդ զի ամենեցուն այս յայտնի լիցի թէ քննութիւն
 'ի միասին դատաստանաւ և իրաւամբք գրեցին զայ
 սոսիկ և ոչ հարեանցի բռնաբար, միաբան ժողովե
 լոցս ասէ : Իսկ ասելովն՝ թէ արս ընտրեալս առաքել
 առ ձեզ, ոչ զորս հանդիպեցան ասեն, այլ զառա
 ջինսն 'ի շնորհս Հոգւոյն : Եւ զի մի թուիցի կարծիք
 ինչ կամ դաւաճան դոլ Պաւղոսի և Բառնաբայ ա
 ռաքելն զնոսա, բառնան զխճրիծս զայս յասելն՝ ընդ
 սիրելիս մեր ընդ Բառնաբայ և Պաւղոսի : Եւ եթէ
 սիրելիք են, ապա ոչ արհամարհեն զնոսա : Եւ ապա
 ցուցանեն զովութիւն զիոյթն պաւղոսեանց վասն ա
 նուանն տեառն, որով վկայեալ լինին հաւատարիմք
 գոլ յամենայնի : Եւ տես զմեծ վկայութիւն 'ի վերայ
 Պաւղոսի և Բառնաբայ . « Արք, ասէ, որք մատնեցին
 զանձինս իւրեանց վասն անուան տեառն մերոյ Յնի
 Բնի » : Եւ եթէ մատնեցին զանձինս վասն տեառն,
 ապա և նոքա արժանի եղեն հաւատարմութիւն :

« Արդ առաքեցաք զՅուդա և զԸիզա, և նոցա 'ի
 բանից զնոյն պատմել . զի հաճոյ թուեցաւ Հոգւոյն
 սրբոյ և մեզ, մի ինչ աւելի բեռն դնել ձեզ » : Զի և 'ի
 բանից զնոյն պատմեցեն ձեզ, ասէ . զի պարտ էր ոչ
 միայն թղթին լինել, այլ և բանից . զի մի ասիցեն թէ

յափշտակեալ եղև թուղթն և չէ ճմարիտ, կամ այլ ինչ փոխանակ այլոյ գրեցան. վասն այսորիկ գովութիւն որ յաղագս Պաւղոսի էր, եխից զբերանս նոցա : Վասնորոյ և ոչ միայն Պաւղոս և Բաւնաբաս լինին եկեալ, այլ և այլք առաջինք յեկեղեցւոյն, զի մի կասկածանօք լիցի գալուստ նոցա. բանդի նոքա՛ի թիկունս հասեալ լինին աւանդութեն. ոչ միայն զի յերուսաղէմ էին, այլ զի և հաւատարիմք էին, որ, պէս ասաց զնոսա արս ընտրեալս զՅուդա և զՇիղա զի մի հաւատար զնոսին համարեցցին այնոցիկ՝ որ այն պէս մտեալ էին. ըստ որում և յաւել՝ թէ վասն էր առաքեցան. « Զի՛ ի բանից զնոյն պատմեցցեն » ասէ :

« Օ՛ի հաճոյ թուեցաւ Հոգւոյն սրբոյ և մեզ, մի ինչ աւելի բեռն դնել ձեզ : Ընդէր ասելով՝ թէ հաճոյ թուեցաւ Հոգւոյն սբջ, յաւելին՝ թէ և մեզ. զի մանաւանդ շատ էր ասելն՝ թէ Հոգւոյն սբջ : Արդ Հոգւոյն ասեն, զի մի կարծիցեն մարդկային ինչ զգրեալսրն, այլ անձային. զի մարդկային խորհրդով ոչ էր հնար զայս ինչ իմանալ և ուղղել դիւրաւ զթերութի սխալանացն, այլ Հոգւովն միայն կարօտանայր իրքս այս : Իսկ և մեզ զի ուսանիցին թէ և նոքա ընդունողք եղեն այնոցիկ, և մանաւանդ՝ ի թլիփատութե գողով : Եւ զի և առ մարդկան որ տակաւին տկարագոյնք էին՝ էր բանն. երկուցեալք լինէին սոքա՝ թէ գուցէ խախտիցին տկարքն, սմին վասն յաւելին՝ թէ և մեզ, առ՝ ի հաստատութիւնոցին :

« Մի՛ ինչ աւելի բեռն դնել ձեզ » ասեն : Գարծեալ բեռն և ծանրութիւն զօրէնան կոչեն : Այլ ցուցանէ ոչ ըստ զիջանելոյ գող բանն, և ոչ զի խնայէին ինչ ի նոսա, և ոչ իբրև առ տկարաց, այլ զնոցին հակառակն : Ասելովն թէ մի ինչ աւելի բեռն դնել ձեզ, զի այլքն քան զայս այժմ՝ աւելորդք են : Բանդի բազում էր և ծերոց և վարդապետացն Հրէից պատուիրանք և զգուշութիւն. այլ այն աւելորդ ծանրութի էր : Եւ տես զի՛ ի վեր և ի խոնարհ զօրէնան ծանրագոյն կոչեն :

« Ինչոյ միայն ի կարեօրացս յայոցանէ, ասէ. ի բաց կալ ի զօհելոյ կողմ և յարենէ և ի հեղձուցելոյ և ի պոռնիութե. յորոց պահեալ զանձինս՝ բարւոք

առնէք . ողջ լերուք : Արդ զայսոսիկ 'ի նորումս ոչ հրամայէ յաւետարանին , և ոչ ուրեք յաղագս այսոցիկ խօսեցաւ Քս . այլ յօրինացն զայսոսիկ առնլով այլովքն ամենայնիւ խափանեն զօրէնսն անգործ թողեալ . զի ըստ աւետարանիս հետեւեալ աւելորդ էր այլն ամենայն թլփատու թի՛ն հանդերձ : Եւ զի մի ասիցեն թէ ընդէր ոչ յօրինաց անտի ուսանիցին վասն խափանելոյ անպատշաճ գործոցս այսոցիկ , եցոյց ասելովն՝ թէ 'ի բաց կալ 'ի կարևորացս յայսցանէ . զի ցուցցէ թէ և ոչ Հրէից աւելի ինչ քան զայս պարտ է պահել 'ի Մովսիսէ . և այսպէս 'ի բաց ելոյժ զամենայն օրէնսն : Եւ որով թուէր զօրէնսն պատուել առ 'ի նմանէ առնլով զայսոսիկ , նովիմք զնա լուծանէ զայսոսիկ միայն առնլովն . իսկ զայլսն անգործ թողեալ :

Եւ զի մանաւանդ բազում անգամ ընդ թղթոցն Յուգա և Շիղա ընդ նոսա յաղագս պահելոյ զայսոսիկ խօսեցան , բայց զի երևեսցին և զօրէնսն պատուել՝ ասէ զօրինացն պատուիրանսն , և զայս ոչ որպէս առ 'ի Մովսիսէ ասելով , այլ իբրև յառաքելոցն : Եւ զի բազում պատուիրանս յայտ արասցէ , զմին բաժանեաց յերկուս . զայն՝ թէ յարենէ և 'ի հեղձուցելոյ 'ի բաց լինել , և ապա 'ի զոհելոյ և 'ի պոռնկու թէ : Զի այսօրիկ թէպէտ և մարմնականք են , սակայն հարկաւորք են առ 'ի պահել հաւատացելոց . զոր և 'Նոյի պատուիրեաց անձ . քանզի մեծամեծ չարիք յայսց իրաց անուանին և գործին , ցուցանէ՝ թէ այլքն յօրինացն ոչ են կարևորք այժմ՝ յաւետարանիս , այլ աւելորդք են . իսկ սորա հարկաւորք են առ 'ի պահել . յորոց պահեալ , առէ , զանձինս՝ բարւոք առնէք : Եցոյց այսու՝ թէ ոչ ինչ հեթանոսացն պակասէ , այլ թէ այս իսկ շատ է , և ամենայն օրէնքն կատարեցաւ :

ԵՓԲ . Օ 'ի իբրև զայս ամենայն պահեսջիք , ասէ , առանց թլփատու թե և պահպանու թե օրինացն , ընկալջիք զՀոգին նք խօսել զամենայն լեզուս . որպէս ընկալան ընկերքն ձեր կուռնեւեանքն՝ որ ընտրեցան յառաջ քան զձեզ :

ՈՍԿ . Կարող էին ասել զայս և առանց գրոյ . այլ որպէս զի նորագիր օրէնք լիցին , վասն այնորիկ գրով : Եւ դարձեալ ցուցանեն՝ թէ հաւանեալ լինին օրի-

նացն, և 'ի նոցանէ առնուն ասել զայսոսիկ: Այլ տես յամենայնի հարկաւորապէս զհեթանոսաց ուղղութեանի զբն 'ի պատճառէ Հրէից 'ի ներքս մտեալ. զինախ քան զայս իսկ ամբաստանեալ 'ի նոցանէ վասն առ կուռնելիոս մտանելոյն տայր պատասխանի Պետրոս. և կարգաւ պատասխանատրութեան զամենայն ինչ ասացեալ նոցա դիւրընկալ առնէր զբանն: Ապա Հրէիցն ընդդէմ դառնալով Պաւղոսի և հայհոյելով այնպէս եկն 'ի հեթանոսս: Ատանօր դարձեալ այլ անչափութիւն տեսանելով 'ի Հրէից ոմանց 'ի ներքս մուծեալ, այնպէս դադարեցոյց զօրէնսն. զի ընդդիմաբանութիւն որ եղև՝ թէ պարտ է թլկիատել զդոսս՝ տնօրինաբար էր, զի յետ ընդդիմաբանութեաւանդն հաստատուն եղև. զի և զՊաւղոսի կամեն հաստատեցին. ստուգեալ զնոյնն գովեցին զնորա առաջարկութիւն, և սքանչացան ընդ շնորհս. և այսպէս հանգուցին զհեթանոսս յօրինացն ծանրութենէ:

Այլ նոքա արձակեալք իջին յԱնտիօք. և ժողովեալ զժողովուրդն ետուն զթուղթն, և ընթերցեալ ուրախ եղեն 'ի վերայ մխիթարութեանն: Տես սուղինչ թուղթ՝ ոչ ինչ յաճախ բանս ունելով, ոչ կազմ ճարտասանութի բանից և ոչ համարադրութիք ինչ և ոչ հրամանք ահագինք, և զտիեզերս բաւական եղև կրօնից 'ի կրօնս փոփոխել. և յիրաւի, քանզի Հոգւոյն էր օրինադրութիւն. օրով և ուրախ եղեն մխիթարեալք: Այնչապէս ուրախ եղեն. զի օրինակ իմն, դրդուեալք էին 'ի բանից խռովեցուցացն: Եւ զի ոչ եղև զբաւ մաքառմանն պաւղոսեանց ընդ նոսա յԱնտիօք, այլ իբրև ընդ դատախազս ոմանս դիմեալ էլին յերուսաղէմ, անդ առնուլ զվճիռ վիճմանն. և սոքա կային մնային դեռ ևս 'ի կասկածի, գուցէ համաձայն գտցի խռովացն օրէնքն առաքելոցն: Իսկ իբրև լուան զգրեալսն 'ի նոցանէ ըստ վերոյասացեալ օրինակիդ ցուցման, ուրախ եղեն, զի հանգուցին զնա յաւելորդ կասկածանաց:

«Յուդա և Շիղա, քանզի և նոքա մարգարէք էին, բանիւք բազմօք մխիթարէին զեղբարս և հաստատէին»: Բարիօք վճարելով յոր ինչ եկեալն էին. յետ ընթեռնելոյ թղթին ասպա և ինքեանք մխիթարեն բանիւ, օրպէս զի յամենայն կասկածանաց ազատ լիցին:

զի և ինքեանք, ասէ, մարդարէք էին և ոչ վարդապետք: Զնոցին հաւատարմութիւն աստանօր ցուցանէ. քանզի կարող էր մանաւանդ Պաւղոս մխիթարել զնոսա բանիւ. բայց սոցա էր պարտ, սմին վասն և ՚ի խաղաղութի հաստատեն զնոսա: Քանզի ընդ Պաւղոսի վիճելով յառաջագոյն էին արամակայեալք. այնպէս ՚ի մի հաւաքեալ զեկեղեցին, և անձնապարտաստ զգուշութիւն հաստատեալ և ուսուցեալ դարձան խաղաղութիւն: «Եւ եղեալ անդ, ասէ, ժամանակս ինչ արձակեցան խաղաղութիւն յեղբարցն առ առաքեալսն»: Եւ ոչ ևս էր խռովութիւնս յայնմհետէ: «Եւ հաճոյ թուեցաւ Շիղայի մնալ անդէն»: ասէ Սիղուանոս որ շրջէր ընդ Պաւղոսի:

Վպա այսուհետեւ և մեք մի գայթակղեսցուք վասն հերձուածողացն: Զի տես ահա առ սկիզբն քարոզութեն՝ թէ որչափ էին գայթակղութիւնք. ոչ ասեմ՝ զառ ՚ի յարտաքնոցն ևեթ, զի այնորիկ և ոչ իսկ էին գայթակղութիւնք, այլ առ ՚ի ներքնոցն. որպէս նախ եղև Անանիային. երկրորդ արտունջ Յունաց առ հեքրայեցիս. երրորդ Սիմօնի կախարդին. չորրորդ ամբաստանողքն զՊետրոսէ վասն կուռնելիու. ապա սոջն. ապա գլուխն չարեաց շերովդէս: Իսկ այժմ խռովեցուցիչքն որք ՚ի թլիփատութի շրջել ջանային զնորընծայսն ՚ի հեթանոսաց, բայց ոչ որ փնասեցաւ. զի ոչ գոյ բարւոյ երբէք լինել, և չար ընդ նմա ոչ բաղկանալ:

ԲԱՐՈՅԱԿԱՆ

Սի զարհուրեսցուք ապա թէ ոմանք յազգի ազգի հերձուածս զառածանին. այլ պինդ կացցուք ՚ի ճշմարիտ կրօնս, զի այս իսկ գիպուած մանաւանդ պսակէ զմեզ. որպէս չարչարիչքն պսակաց առիթ լինէին վկայիցն: Զի ոչ և միոյ հակառակողի գոլով ո՛ր երևեսցի մեր առ անձ սիրոյն ջերմութի. այլ ընդ գայթակղութիւնս անփնաս անցանել՝ մեծաց գովեստից արժանաւոր: Արդ այնուհետեւ ուսուցանէր Պաւղոս և ոչ լինէր խռովութիւն և ոչ մարտ, որպէս ունի պատմութենս կարգ. ըստ որում ասէ.

ՃԱՌ ԵՐ ԵՍՆ ԵՐ ՈՐԴ Զ ՈՐԲՈՐԴ

«**Բ**ԱՅՑ Պաւղոս և Բառնարաս շրջէին յԱնտիոք ուսուցանել և աւետարանել և այլովք բազմօք զբանն տեառն» : Այլ վայրապար զեգերին անդ , այլ ուսուցանէին և աւետարանէին : Եւ զինչ արդեօք ուսուցանէին, Չայն ինչ հաւատացեալն հաստատէին . յայտ է՝ և որ ոչն էին հաւատացեալ՝ դարձուցանէին, զբազումն ունելով արբանեակս ՚ի գործն : « Իսկ յետ աւուրց ինչ, յայտ է ոչ բազմաց, ասէ Պաւղոս ց Բառնարաս . դարձցուք և շրջեսցուք զեղարբք ըստ ամենայն բաղաբաց յորս քարոզեցաք զբանն տեառն՝ թէ որպէս ունիցին» : Տես զբազում խնամակալութիւն, և մանաւանդ զՊաւղոսի . զի հարկ առնէր Բառնարայ առ ՚ի տեսչութի բացազնացութե . զի և այլոց քաղաքաց լիցին ընձեռել զբանն : Քանզի բազում էին յայնժամ գայթակղութիւք, ըստ որում կարօտանային նոցա գալստեանն որինչ խնդիրքն էին առ ՚ի լուծանել, բարիօք թուեցաւ խրատօ այս յականջս Բառնարայ .

«**Ե**ւ կամեցաւ տանել ընդ իւր զՅովհաննէս զկուչեցեալն Մարկոս : Բայց Պաւղոս աղաչէր՝ թէ զմեկնեալն ՚ի նոցանէ ՚ի Պամփիլիայ և զԷկեալն ընդ նոսա ՚ի գործն մի առնուլ ընդ ինքեանս . և եղև գրժտութի մինչև մեկնել նոցա ՚ի միմեանց , Բառնարայ առնուլ զՄարկոս նաւել ՚ի Կիպրոս , և Պաւղոսի ընտրեալ զՇիղա՝ ել, յանձն արարեալ շնորհացն նյ յեղբարց անտի» : Չայլոց առաքելոցն զբարս յառաջագոյն նշանակեաց մեզ Ղուկաս , որպէս ցուցաք ՚ի նախկին քննեալսդ վասն հեզութե , անախտութե և բոլորովին առաքինութե նոցա : Արդ այժմ և զսոցանէ յայտ առնէ թէ ոմն քաղցր էր և մանաւանդ ներողական , այսինքն Բառնարաս . և ոմն ստուգագոյն և խիտ՝ Պաւղոս . քանզի զանազան են շնորհքն . զի և այն շնորհք և այս՝ յայտ է . բայց մին ըստ այլ

բարուց մարդկան պատշաճի և միւսն ըստ այլ. որպէս զարժանն գիտէ հոգին. և եթէ փոփոխեալ լինին այսքիկ, այնուհետե բոլորն անպիտան լինի:

Պատանեմք և առ մարգարէսն այսպիսի ինչ զանազան կամս և զանազան բարս. որպէս Հեղիաս խիստ էր, և Մովսէս հեղ. նոյնպէս և աստանօր, զի Բառնաբաս կակղապոյն և ներողական գոլով կամէր առնուլ և զՅովհաննէս Մարկոս. բայց Պաւղոս աղաչէր մի առնուլ: Տես զստուգութիւն և զբազում հեղութիւն Պաւղոսի. զի մանաւանդ ոչ էր հարկ աղաչել, առ ձեռն ունելով զիրաւացի ամբաստանութիւն, զի զմեկնեալն 'ի նոցանէ մի առցեն ընդ ինքեանս: Որպէս զօրավար ոք ոչ կամեսցի զայն որ զկահ զինուցն բերէ՝ ունել հանապազ հեշտ և կրակասէր, նոյնպէս և ոչ առաքեալն: Սակայն աղաչէր, զի պատկառէր 'ի Բառնաբայ բազում խոնարհութիւն իբրև հաղորդ գոլով նորա ընդ այնքան իրս, և ընդ նմա շրջելով զայնքան ժամանակս: Բայց Բառնաբաս և ոչ այնպէս անսայր կամ անտես առնէր զոր Պաւղոս ստոյգ ոչ կամէր:

Այսպիսի ինչ լեալ երևի և առ այլ և մարդկան. զի ոմն աղաչէ և ոմն բարկացեալ լինի. որպէս յորժամ վա Մարիամու Մովսէս աղաչէ, և ան պատասխանէ՝ «Թէ հօր իւրոյ թքեալ էր ընդ երեսս նորա, ոչ ամաչէր». և դարձեալ վասն ժողովրդեանն աղաչէ Մովսէս, և լսէ, «Թոյլ տուր ինձ ջնջել զգոսա». և առ Սամուէլ, «Մինչև յերբ սուգ առնուցուս»: Եւ 'ի ձեռն երկաքանչիւրոցն մեծ բարութիւն վճարէին:

Նոյնպէս և աստանօր Պաւղոս բարկացեալ լինի և Բառնաբաս ոչ ևս: Բայց թէպէտ բարկուի գոլ թուի, այլ մանաւանդ է տնօրէնութիւն. զի պատշաճն իւր տեղի բարոզելոյ առցէ երկաքանչիւր ոք: Առ որս օգտակարապէս և գժտութիւն եղև, զի և նա խրատեսցի վասն որոյ այն եղև, և մի թուեսցի գոլ իբքն խաբէութիւն: Նա զի թէ ոչ էր հանդերձեալ իբքն ուղղութիւն լինել, թերևս և ոչ իսկ բարկանային. զի Պաւղոս որ հրամայէր՝ թէ արեգակն 'ի վերայ բարկութե՛ն ձերոյ մի մտցէ, որ և յամենայնի ինքն անսացեալ լինէր, անտանօր ոչ եղև անսացեալ. և Բառնաբաս դարձեալ որ այնպէս սիրէր զՊաւղոս, որպէս

զի նախ քան զայս ինչ՝ տանել զնա առ առաքեալն, և գալ խնդրել զնա ՚ի Տարսն, և զողորմութիւն հասարակաց ՚ի միասին տանել յերուսաղէմ, և զիրոն որ ըստ աւանդութենէր վասն ոչ թլխատելոյ՝ հասարակաբար յանձն առնուլ, ոչ թերեւս վասն այսպիսի իրաց սաստեալ և բարկացեալ լինէր : Այլ զինչ ուրոյն առնեն զանձինս ՚ի միմեանց, զի խրատեսցեն և աւանդեսցեն ՚ի ձեռն բաժանմանն զայնոսիկ՝ որ կարօտեալն էին նոցա վարդապետութե :

Օ ի «եղև, ասէ, գժտութի մինչև մեկնել նոցա ՚ի միմեանց» : Արդ զի հանապազ ներգործութի հոգւոյն ածէր զնոսա յայնչափ յառաջադիմութի՝ յայտ է . որով կարեմք իմանալ՝ թէ մեկնելն նոցա ՚ի միմեանց ոչ էր մարդկային . և ոչ գժտութի նոցա ըստ մարդկային իրաց նշանակ էր : Եւ մանաւանդ զի ոչ ասէ՝ թէ բարկացաւ Բառնաբաս ընդ աղաչանսն Պաւղոսի, այլ թէ գժտութի եղև ՚ի մէջ նոցա : Եւ եթէ նա ոչ եղև բարկացեալ և ոչ սա, զայսոսիկ գիտելով մի ապա վայրապար զնոյնս ընթերցցուք, այլ բազում ընտրութիք . զի զամենայն ինչ՝ ՚ի գրոց ուսանիմք և խրատիմք . զի ոչ եթէ սնոտի է գրեալ . զի մի յորոց շահել պարտ է, տգիտութի նոցանէ վնասեալ լիցուք . որպէս բժշկական դեղք և զէնք զինուորականք ոչ գիտելով ՚ի կիր արկանողացն վնասեն և կորուսանեն : Արդ ոչ եղեն կամօք տարբերեալք, այլ զի ոչ զիջեալ եղեն ըստ իրերաց : Եւ զի մեծ բարի էր մեկնիլն նոցա . և պատճառ իրողութեն, այսինքն մեկնելոյ նոցա, յայսմանէ էառ՝ ՚ի բարւոյն : Եւ զի ոչ թշնամութի եղեն ՚ի միմեանց գնացեալ . քաւ լիցի . զի տեսանես զկնի այնորիկ զԲառնաբաս բազում գովուէ հանդիպեալ ՚ի Պաւղոսէ ՚ի թուղթան գրելով :

«Գժտութի, ասէ, եղև» : Այլ թշնամութի և ոչ վիճաբանութի . այնչափ միայն կարաց առնել գժտութիւն իբրև մեկնել զնոսա ՚ի միմեանց . զի զոր երկաքանչիւր որ կարծէր պատշաճ գոլ, զայն իրսն յետ գժտութեն միւսն ոչ եղև յանձն առեալ վասն առ ընկերն հաղորդութե : Ինձ թուի և խորհրդաբար լինել մեկնութեն, և սիրով ցմիմեանս ասել՝ թէ քան զի ես ոչ կամիմ և դու ախորժես, զի մի՛ եղիցի մարտ

կամ խէթ 'ի միջի մերում, բաժանեացուք զտեղինք
քարոզութեւ : Կբրև յոյժ հոյատակելով միմեանց զայս
առնէին . քանզի կամէր Բառնաբաս զի հաստատեացի
իրքն Պաւղոսի, վասն այնորիկ գնաց : Ոհ թէ մեք
այսպիսի բաժանմամբ լինէաք բաժանեալ, որիչ որիչ
գնալով 'ի քարոզութի :

« Բառնաբաս առեալ զՄարկոսն առեւ 'ի Կիպրոս » :
Ոչ ապաքէն, ասեն, չար արար Բառնաբաս, և զիարդ
ոչ էր անտեղի վասն այնպիսի իրաց փոքու այնչափ
ընդդիմանալ կամ յառնել ընդդէմ Պաւղոսի : Ասեմք,
թէ յառաջանալով իրին ոչ ինչ եղև չար . զի
թէ 'ի միասին դուրով բոլորին ազգաց շատացեալ լինէին,
ապա 'ի բաց մեկնելովն 'ի միմեանց առաւել
մեծ եղև բարեացն տարածումն :

ԵՓԲ . Եւ և այլ ազգ . զի դիւրաբար ոչ թողուին
զմիմեանս . ըստ որում այնպէս տնօրինեցաւ, զի մի
երթիցէն կողմանքն երկոքեան 'ի միում գաւառի,
լինի պատճառ զի անջրպետեցին ուրոյն ուրոյն եր-
թալ և քարոզել 'ի գաւառս գաւառս ըստ նմանու-
թեան՝ զի անջրպետեցաւ Աբրահամ 'ի Ղովտայ . զի
Աբրահամ եղիցի ուսուցիչ 'ի մէջ քանանացւոցն, և
Ղովտ 'ի մէջ սոգոմայեցւոց :

ՈՍԿ . Եւ յի դու սքանչացիր ընդ աշակերտին ճշմարտախօսութիւն, զիարդ ոչ զայսպիսի իրս թաքուցանէ . զի մարթ էր նմա ասել խառն 'ի խուռն՝ թէ մեկնեցան 'ի միմեանց : Այլ և սարտ էր, ասեն, մեկնել 'ի միմեանց առանց բարկանալոյ : Ասեմք՝ թէ մանաւանդ այսու ցուցանին մարդիկ գող . զի թէ վն Քթի այսպիսի ինչ, այսինքն մարդկային պարտ էր լինել առ 'ի հաւատարմութի տնօրէնութեն, յոյժ մանաւանդ առ սոքօք, զի մի ոք աւելի քան զմարդկային բնութիւն համարեացի զնոսա : Եւ և այլ ազգ . ուսանիմք այսու՝ թէ բարկանալն ոչ է յուսի, յորժամ վասն այսպիսի իրաց իւրաքանչիւր ոք խորհեացի մեկուսանալ, և հանդերձ իրաւացի բանիւ զընտրութիւն առնել : Արդ եթէ զիւր ոք խնդրելով իրս և զառ ինքն պատիւս՝ բարկացեալ լինի, բարիօք ասես չար . ապա թէ իրատել և ուսուցանել իւրաքանչիւրքն կամելով զմարդիկ, ոմն զայս ճանապարհ գնալով և ոմն զայն,

որպիսի ամբաստանութի է այս : Քանզի բազում ինչ
և մարդկային տրամախոհութիք առնէին . զի ոչ էին
իրբև զքարինս անշարժք :

Արդ տես զի յուրվս շահեցուցանէ զՄարկոս մար-
տրս այս . զի զՊաւղոսի զահագին խրատն և զահն
գարծոյց 'ի վերայ նորա , և 'ի Բառնաբայ բաղցրու-
թէն տակաւին 'ի բացեայ մնալ ոչ ետ որպէս յառա-
ջնն : Սակս որոյ և մարտ վասն այնր իսկ եկեալ լինի ,
բայց առ մի կատարած շահն հանդիպի : Քանզի զՊաւ-
ղոս տեսանելով Մարկոսի յօժարեալ 'ի բաց կալ զնա
յինքենէ , երկեսաւ յոյժ և ստգտաւ զանձն իւր . և
զԲառնաբաս տեսանելով այնպէս նմա փոյթ արա-
րեալ , յոյժ սիրեաց զնա . և ուղղեալ լինէր աշակեր-
տըն 'ի ձեռն մարտի վարդապետացն , Այնչափ և նա
հեռի էր 'ի գայթակղելոյ : Զի եթէ վասն անձանց
իւրեանց պատուոյ զայն ինչ առնէին , յիրաւի լինէր
գայթակղութի . իսկ եթէ վասն փրկութե միոյ ա-
շակերտի ծուլացելոյ վիճաբանէին , իրբև առ 'ի ցու-
ցանել զայն իրս՝ որ զնա պատուական և մեծարգոյ
գործէր , բարիօք և նա խորհեցեալ և ընկեցեալ ըզ-
հեղգուին իրբև զանտեղի իրս՝ փոյթ լինէր 'ի բարին .
զոր ընդ իւր առեալ Բառնաբայ նաւէր 'ի Վիպրոս :

Արդ ո՞ որ լուսագոյն , ասեն , խորհեցաւ . որ էանն
ընդ իւր զնա , թէ որ եթողն : Ասեմք՝ թէ ըստ Հու-
գւոյն կամաց եղև երկոքին , և մեզ չէ քննել : Սա-
կայն զի մեծ եղև տնօրէնութի բանին , ասեմք՝ զի
ուր Պաւղոս երթալոց էր , հանդերձեալ էին երկիցս
արժանանալ տեսութե . պարտ էր զի և նորա ար-
ժանասցին , առ որս գնալոց էր Բառնաբաս : Նա և
այս իսկ տնօրինական էր Բառնաբայ երթալ անդր .
քանզի կիւրացիք ոչ այնպիսի իրս ընդգիմակս ցուցին ,
որպէս որք յԱնտիոքն էին և այլքն . ըստ որում և
նորա մանաւանդ կարօտանային բարուցն կակղագու-
նի բաւականացեալ նովաւ : Իսկ սորա այնմիկ պէտս
ունէին , որ ստուգագոյնն էր Պաւղոս . որ և ոմանց
սաստէ և զայլս յորդորէ , և հրամայէ զբարին առ-
նել առ ամենեսեան առանց ձանձրանալոյ . ըստ ո-
րում և ինքն զամենայն ինչ առնէ և ուղղէ և խրատէ ,
զոմանս միամիտս և յօժարս առեալ յարբանեկութի .

որպէս ասէ՝ թէ «Պաւղոսի ընտրեալ զՇիղա»։ Վասն զի սքանչելի էր այրս այս և յոյժ մեծագոյն 'ի շնորհքս Հոգւոյն։

Իսկ զինչ այն՝ թէ «Յանձն արարեալ շնորհացնայ յեղբարց անտի»։ Յայտ է, աղօթս արարին, աղաւեցին զմեծ։ Եւ տես յամենայնի մեծ բարութեանց պատճառ և կարող լեալ զաղօթս եղբարցն։ Եւ հայեաց ընդ իմաստութիւն Պաւղոսի. զի ոչ յառաջագոյն յայլ քաղաքս եկեալ լինին, այլ նախ ընդունողաց բանին այց առնէ տեսչութիւն։

«Շրջէր, ասէ, 'ի կողմանս Ասորւոց և կիւլիկեցւոց, հաստատէր զեկեղեցիսն»։ Ահա ասիկ առ որս զթուղթն յառաքելոց անտի ուն, ինչ զի տարցին առ նոսա, նախ առ այնոսիկ շրջի. զի ոչ համարէր իմաստութե՛զ որ զանօգուտ ընթացսն զնորօք զանց առնելով։ Զոր և մեր իսկ սովորութի է առնել. զի նախ զառաջինսն խրատեմք, զի մինորբա խափանիչք այլոցն լինիցին։ Արդ տես զնա յարուցեալ հանապազ և հոգացեալ, և երբէք նստել և հանգչել յանձն ոչ առեալ. մանաւանդ բիւրուց վշտաց համբերելով։ Տեսանեն զի ոչ էր 'ի զանգիտութե՛զ յառաջագոյն դառնալն յԱնտիոք. և այժմ՝ առանձնանալն ոչ էր զանգիտելի ինչ. այլ զառնայր 'ի տեսութի, որպէս և բժիշկք առ հիւանդացն առնեն։ Եւ զկարիս իրացն այց առնելոյ յայտնեաց նախ ասելովն ցԲառնաբաս, «Գարձցուք առ որս պատմեցաք զբանն՝ թէ որպէս ունիցին»։ քանզի յիրաւի յայսմ՝ անգիտանայր և շրջէր տեսանել։ Բայց և զայս իմաստցուք՝ թէ որպէս այնուհետև հետիոտս ընդ ցամաք ճանապարհորդէին, շրջելով առ ամենեսեան, զի այնպէս շահեցուցին զբազումս։ Իսկ յորժամ փութոյ պէտք լինէին, յայնժամ նաւու ընթանային. բայց այժմ՝ ոչ ևս։

«Ինչն եհաս 'ի Գերբէ և 'ի Վիւսարա. և ահա աշակերտ ոմն էր անդ անուն Տիմոթէոս, որդի կնոջ հրէի հաւատացելոյ և հօր հեթանոսի, որ վկայեալ էր 'ի Վիւսարացւոց և յիկոնացւոց եղբարց. զսա կամեցաւ Պաւղոս ընդ իւր տանել, և առեալ թլիատեաց զնա վասն Հրէիցն որ էին 'ի տեղոջն յայնմիկ»։ Աշակերտ զբրիտանեայսն ասէ տակաւին. որպէս

նախքան զայս ասաց՝ թէ ընդէր զնէք լուծ 'ի վերայ պարանոցի աշակերտացն : Եւ էր սա կիսակատար ոմն 'ի հրէութեան . զի հօր հեթանոսի էր որդի : « Որ վկայեալ էր , ասէ , 'ի լիւստրացւոց և յիկոնացւոցն եղբարց » : Տես աւասիկ զի մեծ էր շնորհքն որ առ Տիմոթէոս , և մանաւանդ առաքինութի նորա . վասն զի յորժամ 'ի բաց եկաց Բաւնաբաս , զայլ ոմն հաւասարորդ նորա գտանէ Պաւղոս . յաղագս որոյ ասէ առ նա գրելով . « Չմտաւ ածեմ զարտասուան քո և զանխեղձ հաւատսն որ են 'ի քեզ , որ յառաջագոյն բնակեցաւ 'ի հանոյ քում Ղովիդեայ և 'ի մօր քում Եւնիկեայ . հաստատեալ եմ թէ և 'ի քեզ իցէ » : Եւ քանզի հեթանոս գոյով հօր նորա՝ վն որոյ և թլփատեաց զնա , զայն որ մայրն իւր ոչ թլփատեաց : Տեսաւ նես աւասիկ լուծեալ զօրէնսն . զի անթլփատ էր նա , թէպէտ և մեծ էր . կամ ընդ հօրն զի հեթանոս էր , կամ զի յետ քարոզութեանն և հաւատոցն եղև ծնեալ սա . և թէ չէր այսպէս , թերևս ոչ գրէր առ նա , թէ « Ի մանկութենէ զգիրս սուրբս գիտես » :

ԵՓԲ . Ղորդ առեալ թլփատեաց զնա . ոչ թէ առանց ընտրութե գործելով զայս , այն որ զամենայն ինչ ընտրող իմաստութե գործէր , այլ քանզի հանդերձեալ էր աւետարանել Տիմոթէոս զաւետարանութիւն շրէից ընդ ամենայն տեղիս , զի մի վասն անթլփատութեն անարգեսցեն զքարոզութի նորա , ըզմտաւ ած խորհեցաւ թլփատել զնա . ոչ թէ զի զթլփատութիւն հաստատեսցէ նովաւ խափանիչն թլփատութե , այլ զի աւետարանութիւն 'ի պատճառս անթլփատութե նորա մի ճեղքեալ գտանիցի նովաւ : Այնր աղագաւ վասն հեթանոսացն այնոցիկ փոյթ ոչ առնէր :

ՈՍԿ . Ղանդի բանին պարտ էր սերմանել , այն էր մեծագոյն . վասն այնորիկ և թլփատեաց զնա , զի մեծ էր ուղղութիւն որ լինելոց էր յայնմ իրաց : Տեսանես 'ի հակառակէն մեծ բարի լեալ , ըստ որում և զպատճառն յայտնէ մեզ Ղուկաս . « Վասն շրէիցն , ասէ , որ էին 'ի տեղիսն յայնոսիկ » . զի թերևս ոչ լինէին յանձն առեալ շրէայքն յանթլփատէ լսել զբանն : Եւ տես զուղղութիւն . թլփատեաց , զի զթլփատութիւն

խափանեցէ . և ոչ այս միայն , այլ և զաւանդու թիւն
քարոզէր զառաքելոցն , որ ընդդէմ թլփատու թէն ,
Ահա մարտ և 'ի ձեռն մարտին շինու թի . ոչ առ 'ի
յայլոց մարտուցեալ լինելով , այլ ինքեամբ զներհակո
տմանս առնելով . այնպէս զեկեղեցին շինէ հաւա-
տովք . աւանդու թի 'ի ներքս մեծանէ ոչ թլփատել ,
և ինքն թլփատէ հանդերձ հաւատովք :

Ղմարտապէս զարմանալ պարտ է ընդ հանճար
իմաստու թէն Պաւղոսի . զի նա որ այնչափ մարտ և
ինդիր արար ընդդէմ թլփատու թէն , և զամենայն
ինչ շարժեաց 'ի վերայ , և ոչ նախ 'ի բաց եկաց մին-
չև ուղղեաց զամենայն . և յորժամ աւանդն ամե-
նայն առաքելոցն հաստատեցաւ , յայնժամ առեալ
զաշակերտն թլփատէ . ոչ միայն զայլս ոչ խափանէ ,
այլ և ինքն զնոյն գործէ . քանզի զամենայն ինչ ըստ
պատշաճի տեսանէր : Ոչ վայրագար և յանկարծա-
դէպ ինչ առնէր , այլ յառաջահոգ նախատեսու թի .
նա և որ ինչ սքանչելին է , զի զհետ իւր առեալ տա-
նէր զնա : Ապա այնուհետև ոչ դեզերի առ տեղե-
քն այնոքիւք իբրու վասն այցարարու թի հասարա-
կաց եկեալ . այլ հեռաւորացն տեսու թի յառա-
ջեալ լինի :

« Իբրև անցանէին ընդ քաղաքն , աւանդեցին նոցա
պահել զհրամանն պատուիրեալս յառաքելոցն և
յերիցանցն՝ որք յերուսաղէմ . և եկեղեցիքն հաստա-
տէին 'ի հաւատս , և 'ի ձեռն նշանացն որ լինէին՝
յաւելուին 'ի թիւն հանապազօր » : Տեսէր զթլփա-
տու թի շահն . վասն այնորիկ թլփատէր զաշակերտն .
զի ոչ միայն մնաս չարար թլփատու թիւն , այլ և մեծա-
մեծս շահեցոյց : « Էւ չրջեցան ընդ Փռիւզիա և ընդ
կողմանս գաղատացւոց , արդելեալք 'ի Հոգւոյն սրբ
խօսել զբանն յԱսիա » : Արդ զՓռիւզիա 'ի հարաւ
կողմ և զԳաղատիա 'ի հիւսիս կողմ թողլով 'ի մէջ-
երկրեայնս փու թային . քանզի է իսկ Փռիւզիա 'ի
հիւսիսոյ կուսէ սահմանակից ծովուն կիպրացւոց ,
իսկ Գաղատիա 'ի հարաւոյ կուսէ սահմանակից ծով
եզերն Պոնտոսի :

« Իայց եկեալ առ Միւսեաւ , թեւակոխէին երթալ
'ի Բիւթանիա . և ոչ համարձակեաց նոցա Հոգին » :

Արդ զի արգելեալ եղեն, զի մի ումեք խօսեսցին ըզբանն ան՝ ի գաւառին ասիացւոց, ասէ: Բայց թէ ընդէր արգելան, ոչ յաւել. խրատելով զմեզ հաւանութիւն հնազանդել միայն ան, և ոչ զհանգամանս իրացին խնդրել: Կա և զայս ևս ուսուցանէ՝ թէ բազումին մարդկապէս խորհէին և առնէին:

«Այլ անցեալ ընդ Միւսիա իջին՝ ի Տրովադա. և տեսիլ երևեցաւ ՚ի գիշերին Պաւղոսի. այր ոմն մակեդոնացի կայր ազաւէր զնա և ասէր՝ անցեալ ՚ի Մակեդոնիա օգնեսցես մեզ: Ընդէր տեսիլ երևի և ոչ հոգին սուրբ խօսի ընդ նոսա: Վայելապէս այս լինի. զի նախ ՚ի յասիացւոցն նա արգել և խափանեաց զնոսա. և այժմ տեսիլ երևեցուցանէ, քանզի կամէր առ մակեդոնացիսն ձգել զնոսա բարոզութիւն վասն որոյ և յանուրջս որպէս բազմաց ՚ի սքցն երևեալ կոչէ զնոսա: Կա և ՚ի սկզբանն սա տեսիլ ետես. այր ոմն մտեալ և եղեալ ՚ի վերայ նորա ձեռս, և յետոյ ՚ի ձեռն հրեշտակի խօսի ընդ նմա Քս ՚ի գիշերի. «Մի երկնչիւր, ասելով, Պաւղէ. կայսեր ևս պարտ է քեզ յանդիման լինել: Արդ վասն այնորիկ զնա անդանօր ձգէ հոգին, զի ՚ի հեռաւորս տարածեալ լիցի քարոզութիւնս մին վասն և խափանեալ եղև դեգերել առ այլովք քաղաքօքն. անդ զնա փութացուցանելով Քսի, թերևս վասն զի ասիացիք հանդերձեալ էին վայելել վարդապետութիւն Յովհաննու աւետարանչի բազում ժամանակս: Կա թերևս և առ ժամայն ոչ յոյժ կարօտացեալ լինէին լսել զբանն, և անշահ լինէր զնալն առ նոսա. այլ անդ զնալ պարտէր ուր հաւատոյն բացեալ էր դուռն վաղվաղակի: Այլ տես զի ոչ ՚ի ձեռն հրեշտակի, որպէս Փիլիպպոսի կամ Կուռնելիու, այլ ՚ի ձեռն տեսլեան յայտնեալ լինի նմա մարդկեղէն իրօք և ոչ անձային. քանզի ուր դիւրագոյն է հաւանելն՝ մարդկօրէն երևի, իսկ ուր բազում է բռնութիւն՝ անձային լինի յայտնութիւն: Եւ քանզի Պաւղոս միայն ՚ի քարոզելն իսկ լինէր փութացեալ, ըստ որում բաւական էր առ այն իրս անուրջ միայն երևել նմա. իսկ զոչ քարոզելն ոչ առնոյր յանձն և ոչ լինէր նմա դիւրընկալ: Վասն որոյ զայն իրս հոգին սուրբ յայտնէ և արգելու: Այսպէս և ան»

դանօր Պետրոսի Հողին տայր հրաման երթալ ընդ նոսա և մի խղճել, զի ոչ արդեօք զգիւրադոյնսն լինէր գործեալ Հողին, այլ շատ և բաւական էր ա նուրջն միայն: Այսպէս Յովսէփայ զի դիւրաբար հաւանէր, անուրջ լինէր երևեալ վասն կուսին, իսկ այլոց արթնութիւն. որպէս կուռնելիու, և նորին իսկ սմա այժմ: Նա և երևելն ոչ պարզաբար հրամայելով էր, այլ աղաչելով և զկարիսն յայտնելով իբրև ՚ի մեծ վտանգէ զերծանել. «Օգնեսցես մեզ» ասէ:

ԵՓԲ. Ըրդ զի մի խափանեսցին նոքա ՚ի մէջ այնոցիկ որ ոչ լտէին նոցա, յայտնեցաւ նոցա երթալ ՚ի Մակեդոնիա զի դէտ ակն ունէին նոցա և բիւթանացիքն. որպէս զի արդելան նոքա յասիացւոց: Արդ զի փութասցին նոքա երթալ ՚ի Մակեդոնիա՝ ուր պատրաստեցաւ նոցա, երևեցաւ Պաւղոսի իբրև այր մակեդոնացի, զի մատուցեալ աղաչէր և խնդրէր ՚ի նմանէ զի երթիցէ օգնեսցէ ՚ի Մակեդոնիա: «Եւ իբրև զտեսին ետես, վաղվաղակի խնդրեցաք ելանել ՚ի Մակեդոնիա, տեղեկացեալք եթէ հրաւիրեաց զմեզ տէր աւետարանել նոցա. և ելեալ ՚ի Տրովադա դէպ ուղիդ գնացաք ՚ի Սամոթրակէ. և ՚ի վաղիւ անդր ՚ի նոր քաղաք, և անտի ՚ի Փիլիպպուպոլիս՝ որ է առաջին վիճակ մակեդոնացւոց քաղաք կողոնիայ. և անդ ՚ի քաղաքին դադարեալ մեր աւուրս ինչ»:

ՈՍԿ. Ըրդ ասէ յանուանէ զչլխաւոր տեղիսն իբրուկերպագրութիւն. և ցուցանէ թէ առ մեծագուննօքն զտեղի առեալ դադարէին, զայլովքն զանց առնելով ասել մի ըստ միոջէ: Արդ երթեալ նորա առ այնոսիկ որ կարօտէին բժշկու թէ, տեղեկացեալ ասէ՝ թէ կոչեաց զմեզ տէր. այսինքն ուր պարան է և արժան: Նա և Պաւղոսի տեսանելն և ոչ այլոյ ուրուք, և արդելուն ՚ի ձեռն Հողոյն, և առ սահմանօքն լինելովն, յայտնեցանէ յամենեցունց հաստատեալ՝ անդ դիմէին յօժարութիւն. զի փութով նաւարկութիւն զայս երևեցուցանէ՝ եթէ բռնութիւն էր արդելեալ: Տես զի ոչ եղև արդելեալ յորժամ ծանեաւ, այլ փութով ՚ի ըսկիզբն և յարմատն մակեդոնացւոց ՚ի Փիլիպպէ մըտեալ և անտի սկսանէր: Իսկ կողոնիայն իշխանութիւնն անուն է քաղաքին. որպէս թէ ասել քաղաք իշխանութիւն:

ՅՈՐԴՈՐԱԿ

Երբ որպէս վերագոյն ասացի զգուշութիւն Տպետ-
 ցութի զիրս, զի մի վնասիցիմք յորոց շահեն է պատ-
 շաճ. զի բազումք իսկ վնասին վեր ՚ի վերոյ ՚ի գրեական
 մատչելով: Եւ այս է պատճառն. զի ոչ որ ինչ մեզ յօ-
 գուտն է յայն փութամք, այլ յօտարոտինն ՚ի կազ-
 մածս տանց և ՚ի շահս ստացուածոց զորս փութամք
 յարդարել, և զհոգիս մեր խարխալեալ տեսանելով
 անտես առնեմք. զչունսն և զբազէսն իմաստասիրել
 կրթեմք յորսոցն իրս, զի զորսն ըմբռնեալ և ՚ի բազցոյ
 ստիպեալ տեառն մնան և ոչ ուտեն. զի մի ՚ի գովեստի
 ցրն և յառատ վայելմանցն վրիպեալ դանս և ս առցենս
 Չառիւծուց ցասումն նհանջել կրթեն, և զանձինս
 իւրեանց քան զնոսին անարգագոյնս և գազանայինս
 առնեն: Եւ որս ասելի է՝ թէ ով գութ, թէ ՚ի սրբոց
 ուրութ ոչ ախորժէք առնուլ օրինակ ուղղութե, ասե-
 լով թէ նոքա մեծք էին Պետրոս և Պաւղոս, գոնէ ՚ի
 շանցդ և ՚ի բազէիցդ խրատեցարութ արհամարհելով
 զմերձակայսս վասն հանդերձելոցն մեծամեծ խոսա-
 մանց. որոց լիցի մեզ հասանել ՚ի Քս Յս:

ՃԱՌ ԵՐԵՍՆԵՐՈՐԴ ԷՒՆԳԵՐՈՐԴ

«**Լ** Ի յաւուր շաբաթու ելաք արտաքոյ քաղաքին առ գետափն, ուր համարէր աղօթս մատուցանել. և նստեալ խօսեաք ընդ ժողովեալ կանայսն»: Տես դարձեալ զՊաւղոս ըստ Հրէիցն արարեալ, և ՚ի ժամանակէն և ՚ի տեղոյն: Յաւուր շաբաթու, ասէ. քանզի յայնմ աւուր դատարկացեալ ՚ի միասին ժողովէին բազմութիւն Հրէիցն արտաքոյ քաղաքին. զի առ լսողութիւն յոյժ ՚ի ճահ էր տեղն այն, ազատ գոլով ՚ի խուճապից և ՚ի զբազմանց: Ի տեղի, ասէ, ուր օրէն էր լինել ուխտի աղօթիցն: Զի ոչ միայն ՚ի ներքս ՚ի քաղաքն ժողով լինէր Հրէից, այլ և արտաքոյ աղօթիւք ուխտ կատարէին, որպէս տեղի ինչ որոշելով. զի և էին իսկ մարմնականագոյն Հրէայքն: Եւ տես զխոնարհութիւնն առաքելոցն. զի ոչ մեծագոյն թուէր նոցա քաղաքն այն մեծ Փիլիպպոլայօլիս, այլ արտաքոյ ելեալ նստեալ խօսելին ընդ ժողովեալ կանայս: Ահաւասիկ և որ գրեացն զպատմութիւս, ոչ լինի ամաչեցեալ վասն ՚ի ճահ առ կանայսն խօսելոյ. որպէս զի առ պարապութիւն լինելով առաւել հուպ լինէին յասացեալսն կանայքն: Այլ ընդէր միայն ընդ կանայսն: Քանզի գիտէր որոյ արժան էր խօսել զբանն. որ և անդէն իսկ արդիւնք քարոզութենն երևեցաւ:

«**Օ** ի կին ոմն անուն Լիզիա ծիրանեվաճառ ՚ի Թիււատիր քաղաքէ, երկիւղած յնյ լուաւ, զորոյ տէր իսկ երաց զսիրտն անսալ բանիցն Պաւղոսի» Հայեաց զխոնարհութիւնն Պաւղոսի թէ զիարդ ընդ ամենեսեան զիջանէր: Տես և զիմաստասէր կինն թէ որպէս փութով հաւատաց, և ոչ ինչ խափանեաց զնա մեծութիւնն. և զի մեծարգոյ էր, յարուեստէն իւրմէ յայտնի էր. Բայց զի առանց բարձրամտութեան էր և խոնարհ, և Ղուկաս վկայէ՝ թէ երկիւղած էր յնյ, և թէ յառաջագոյն կուէաց զնա նժ և երաց զսիրտ

նորա . ապա ուրեմն այ կարօտանամք բանալ զսիրտս մեր : Այլ անձ բանայ զսիրտս ախորժողաց . զի է տեսանել զսիրտս հեռացեալս որք ոչ կամիցին . արդ բանալն այ էր , իսկ հուպ լինեին 'ի բարխն՝ կնոջն . որպէս զի անձայինն և մարդկայինն 'ի միասին գոլ պէտս ունին :

Այլ իբրև մկրտեցաւ , ասէ , ինքն և իւրքն ամենայն , աղաչէր և ասէր . եթէ համարիք զիս հաւատացեալ տեառն , մտեալ 'ի տուն իմ ագերուք . և բռնադատեաց տարաւ զմեզ : Աբանչելի էր հաւատք կնոջն . զի տես թէ սրպէս հաւանեցոյց զամենեսեան որ ընդ իւրն էին . ապա հայեաց և ընդ իմաստու թի նորա թէ զիարդ աղաչէր զառաքեալսն , կամ թէ սրպէս խոնարհու թի և իմաստու թի լի են բանք նորա . զի ոչ այլ ինչ նշան տայ աղաչանացն , բայց զայն միայն որով ապրեցաւն : Աչ ասաց՝ թէ ընտրեցէք զիս մանաւանդ քան զմեծագոյն կանայսն . այլ թէ համարիք զիս հաւատացեալ տեառն , յոյժ մանաւանդ և ձեզ . և եթէ ոչ իցէք երկուացեալ և համարիցիք զիս՝ ասէ , այսինքն եթէ ընտրեցէք զիս ընձեռելով ինձ այսպիսի խորհուրդ , ապա կատարեցէք գալովք ձերով :

Այ ինչ քան զաղաչանս զայս է պատկառելի . զո՞ որ արդէօք ոչ կակղացուցանէին բանքս այսոքիկ : Աչ հայեաց , ոչ աղաչեաց պարզաբար . այլ զնոսա թողացոյց ընտրոյ տեարս լինել . այնպէս հարկեաց ուժգնաբար և բռնադատեաց բանիւքս այսոքիւք , մինչև հաւանեցոյց զառաքեալսն : Եւ ոչ ասաց՝ առ իս , այլ առ բազում խոնարհու են՝ 'ի տուն իմ ագերուք , ասէ : Այն պիսի յօժարու թի ճմարտապէս հաւատարիմ էր կինն , զի այնպէս վաղվաղակի պողարբերեաց՝ շահ մեծ զհաւատն վարկանելով և զմտանելն նոցա 'ի տուն իւր : Եւ ոչ համարձակեցաւ նախ քան զուսաւորու թի ինդրել . այլ իբրև մկրտեցաւ , ընկալաւ զառաքեալսն այնչափ աղաչանօք . բազմապատիկ յոլովագոյն սա քան զԱբրահամ :

Այլ ընդէր լինելին կամեցեալ որք ընդ Պաւղոսին էին : Որպէս զի բռնադատելովն՝ զանձինս երևեցուսցեն ազատս յերախտիս պահանջելոյ , և զկինն կուէս-

ցեն այնու 'ի մեծագոյն յօժարութի. կամ գարձեալ զի զպատուիրեալսն 'ի Քսէ կատարեսցեն' թէ «Յոր քաղաք մտանիցէք, նախ հարցանիցէք թէ ո՞ր 'ի նմա արժանի է, և անդ լինիջիք»: Եւ այսպէս զամենայն ինչ վասն տնօրէնութեան աւետարանին արարեալ լինէին: Արդ և մեք զայսոսիկ ուսանելով մի ամալեսցուք ընդ աղքատութիս և անպատուութիս: Առ մշակի լինէր ազեալ Պետրոս. առ ծիրանավաճառի և օտար կնոջ Պաւղոս. յամօթեղև և անդանօր մեծամտութի:

«Աւ եղև մինչ երթայաք մեք յաղօթս, պատահեաց մեզ աղախին մի, զոր ունէր այս հարցուկ. որ շահս բազումս տայր տերանց իւրոց մոլէլովն: Նա զհետ եղեալ Պաւղոսի և մեր՝ աղաղակէր և ասէր. արքսայս ծառայքնյ բարձրելոյ են, որ պատմեն ձեզ զճանապարհս փրկութե. և զայս առնէր 'ի բազում աւուրս»: Գեն այն էր զոր Ապողոնն անուանէին, որ և զհարցուկութիւնս առնէր. զոր և 'ի տեղւոջն յայնմիկ Պիւթիոն աստուած անուանէին հեթանոսքն:

ԵՓԲ. Աւ զիարդ կամ ո՞րպէս դեն այն զայսոսիկ բարբառէր: Յայտ է, զի կամ կաշառս վարկանէր զայն առաքելոցն՝ զի մի հանցեն զնա յաղջկանէն, կամ որպէս խաբէր դիւթութիւն իւրով և տայր կարծիս թէ զճմարիտն ասիցէ. զի և վասն անհաւաստի հրամանատուութեն շեղիչ և պատրիչ կոչէին զնա: Կամեցաւ խաբել և այսու որ ճմարիտս էր. զի վկայ առ ճմարտութի անդ՝ ընդ որդւոցն ճմարտութե կեղծաւորէր գոլ:

ՈՍԿ. Այց ոչ եղև ընդունելի առաքելոցն յարգելն և գովելն նորա. զոր օրինակ և ոչ առ տէրն նոցա դեն այն որ զմոնէն նոցա 'ի մէջ շրէիցն քարոզէր: Նմանապէս և Պաւղոս արգելու զնա, քանզի նենդութիւն և չարաբանութիւն զայն իրս առնէր: Իսկ Պաւղոս մեծ հանճարեղութիւն խորհեալ, զի մի հաւատալի արասցէ զրան նորա. զի թէ ընկալեալ էր զվկայութի նորա, զբազումս 'ի հաւատացելոցն պատրէր խաբելով իրրն ընկալեալ 'ի Պաւղոսէ որպէս ճմարիտ: Վասն այնորիկ ոչ առնու յանձն լսել զդիւական ասացեալսն, զի

դադարեցուսցէ զնա վասն իւր ասել ինչ . զոր և Քն զնոյնս բազում անգամ առնէր :

Եւ տես զի նախ զիջանելովն այսն ՚ի կիր արկանէր զբանն , իբրև թէ այնու պատրել կարասցէ զմիտս նորա , երկուցեալ առ իւրոյ կորսաեանն : Նա և Պաւղոս յառաջագոյն ոչ ընդունեցաւ զբանն , այլ մերժեաց զնա ՚ի բաց , ոչ կամելով արկանել պարզաբար զանձն իւր ՚ի նշանս . այլ յորժամ կարի ստիպեաց այսն առնելով զայն , և զգործն ևս զնոցա ցուցանէր . « Պատմեն ձեզ , ասէ , զճանապարհս փրկու թէ » : Այլ ով պիղծ և ամենապիղծ , է թէ գիտես այսու հետև է թէ ճանապարհ փրկու թէ պատմեն , ընդէր ոչ կամաւ յաղջկանէդ արտաքս ելանես : Այլ զոր ինչ Սիմոն կամեցեալ լինէր ասելով « Տուք ինձ զիշխանուիր զայդ , զի յորոյ վերայ դնիցեմ ձեռս , առցէ Հոգի սուրբ » , զայս իսկ և սա առնէր . քանզի ետես զնոսա քաջունտիրս լեալ քան զինքն . ըստ որում և այսու կեղծաւորեալ զինքն իբրև ճշմարիտ երեւցուցանէր . և այսպէս աին ունէր թողեալ լինել յազախինն , իբրու թէ զնոյն զնոցայն քարոզէ այնուհետև : Այլ է թէ օրհնութի բերանոյ մարդոյ մեղաւորի ոչ է գեղեցիկ կամ ընդունելի այ , յոյժ մանաւանդ առ ՚ի դիւէն ասացեալն . սմին վասն յայնժամ և Պաւղոս սաստեաց նմա ելանել յաղջկանէն :

« Օայրացեալ , ասէ , Պաւղոս դարձաւ և ասէ ցայսն . պատուիրեմ քեզ յանուն Յսի Քրի , ել ՚ի դմանէ . և ել ՚ի նմին ժամաւ : Իբրև տեսին տեարք նորա թէ հատաւ յոյս շահի նոցա , առեալ զՊաւղոս և զՀիղա ձգեցին ՚ի հրապարակս առ իշխանսն , և ածեալ զնոսա առ զօրագլուխսն ասեն . արքս այս խռովեցուցանեն զքաղաքս մեր . ինքեանք Հրեայք են , և պատուիրեն մեզ օրէնս զոր ոչ է մեզ արժան ընդունել և ոչ առնել , զի հռոմայեցիք եմք » : Զինչ է այն թէ զայրացաւ Պաւղոս . այսինքն զչարագործու թին տեսեալ զգիւլին . ըստ որում գրէ՝ թէ « Չեմք անտեղեակ խորհրդոց նորա » . վասն որոյ և արտաքս վարէ զնա :

ԵՓԲ . Եւ փոխանակ վարձուց բժշկութեան զոր պարտէին Պաւղոսի տեարք աղջկանն , խռովեցուցին

զքաղաքն 'ի վերայ նորա . և յօրէնս շրէից զոր ոչն քարոզեաց նոցա , զրպարտէին զնա :

ՈՍԿ . Ի այց տես զգժնէու թի գիւին . զի յորժամ կեղծաւորու թիւն ոչ կարաց ընդ միտ մտանել Պաւղոսի , ապա կամեցաւ զնոսա 'ի բարկու թի արկանել , որով և զայլնս 'ի բարկու թի դրդեալ շարժեաց 'ի վերայ նոցա . որք և սուտ բանիւք , որ ամենայն ուրեք պատճառ է շարեաց , զրպարտէին զնոսա : Ո՛վ հեթանոսական կարծրու թեանն . ախորժէին դիւահարել աղջկանն , զի այնու ինքեանք շահս շահեսցին : Եւ տես զխաւովարարու թէն զփոյթ . ոչ ասացին զոր ինչ էրն՝ է թէ զդէն հանին կամ յաստուածս ամբարշտեցան . զի այսնուազագոյն երևէր առ նոսա՝ որ զիշխանու թիւն ունէին . այլ 'ի խազմարարու թի ելանեն , որպէս շրէայքն՝ թէ « Ամենայն որ թագաւոր անուանէ զանձն , հակառակ է կայսեր » : Այսպէս և սոքա . « Արքս այս , ասեն , խաւկեցուցանեն զքաղաքս մեր » . և ամբարշաւաճաբար դռէին , աղաղակաւն զլսողսն զարհուրեցուցանել խորհելով :

« Իյաւովեցուցանեն , ասեն , զքաղաքս մեր » : Չի՞նչ առնելով չար , ով դուք . կամ որպիսի գործովք : Եւ ընդէր ոչ նախ քան զայդ ձգեցէք զդոսա յատեանն . մանաւանդ որ յամենայնի անսայք դիւին , ընդէր ոչ և աստանօր . նա ասէ՝ թէ ծառայք այ բարձրելոյ են . և դուք ասէք՝ թէ խաւկեցուցանեն զքաղաքս . նա ասէ՝ թէ պատմեն ձեզ զճանապարհս փրկու թի . և դուք ասէք՝ թէ պատմեն մեզ օրէնս զոր չէ արժան ընդունել : Տեսանես , ոչ և դիւին զնոսա անսացեալս . այլ առ մի ինչ հայեցեալ յարժաթոյն շահս : շրէայք են , ասէ . անուամբն դաւաճանէին իբրու ատելի իրօք : Չոր ոչ է արժան ընդունել , ասեն , զի հումայեցիք եմք . վաղվաղակի զիրսն յամբաստանու թիւն ածեն : Ո՛վ անմտու թի բանիցն . ոչ քննեցին , ոչ ետուն բանից տեղի . մանաւանդ այնպիսի նշանս տեսեալ , որով պարտ էր երկիր պաղանել և իբրև զփրկիչս և զերախտաւորս ընդունել : Քանզի թէ ինչս կամէիք հաւաքել , ընդէր այսպիսի փարթամու թի գտանելով ոչ 'ի վերայ ընթացեալ եղէք . այսմիկ պայծառագոյն առնել հնար էր ձեզ , որ

զդեան հալածելիք, քան թէ նոցին դիւացն հաւանել
Ահաւասիկ և նշանք տեսին, այլ ընչասիրութիւն յա-
ճախեաց զօրութիւն:

«Եւ կուտեցաւ, ասէ, ամբօխն 'ի վերայ նոցա» .
զի առ այսպիսի իրս վաղվաղակի ընթանան մարդիկ,
Բայց 'ի կուտել ամբօխն 'ի վերայ նոցա, տես զնոսա
ոչ տալով պատասխանիս և ոչ ընդդիմադրելով. որով
և մեծապէս այնու արժանիք սքանչանալոյ լինին .
ըստ որում ինքն ասէ . «Յորժամ տկարանամ, յայն-
ժամ զօրանամ» . և թէ «Շատ են քեզ շնորհք իմ,
զի զօրութի իմ 'ի տկարութե կատարի» . քանզի և 'ի
հեղութիւն սքանչելիք երևին:

ՈՍԿ. ԵՓՐ. «Եւ զօրագլուխքն պատառեցին զհան-
դերձս իւրեանց . և հրամայեցին գան հարկանել
զնոսա, և բազում վերս եդեալ 'ի վերայ նոցա ար-
կին 'ի բանտ, և պատուիրեցին բանտապետին զգու-
շութիւն պահել զնոսա» Արդ քաղաքապետքն պատա-
ռելով զգգեստս իւրեանց՝ զխառվութի ամբօխն դա-
դարեցուցանել կամէին. զի մի եղիցի, խափանէին նո-
քա: Եւ քանզի տեսին զամբօխն զայրագինս 'ի վե-
րայ հասեալ, գանիւքն զսրտմտութիւն հանդարտե-
ցուցանել կամէին: Եւ առ 'ի հաճել զկամս ժողովոր-
դեանն որ ժողովեալ էր, պրկեցին զպաւղոսեանն և
տարան եդին զնոսա 'ի տան բանտին . և պատուէր ե-
տուն զգուշութիւն պահել զնոսա, կամելով դեռ ևս
լսել յաղաքս նոցին իրաց: Արդ զամենայն զգործսն
Պաւղոս առնէր և զսքանչելիսն և զվարդապետութիւն .
իսկ վշտացն և Շիղաս հաղորդէր:

«Որոյ առեալ զայնպիսի պատուէր արկ զնոսա 'ի
ներքին բանտն»: Բազում էր սրտմտութիւն, որով և
նա իսկ դարձեալ 'ի ներքսագոյն բանտն արկ զնոսա:
Որ և այս իսկ տնօրինարար լինէր վասն մեծամեծ
սքանչելեացն՝ որ հանդերձեալ էր լինել. զի որչափ
զգուշագոյն էր բանտն, նոյնչափ և սքանչելիքն պայ-
ծառագոյն: Եւ ոչ միայն այսու, այլ զի և զոսս նոցա
պնդեաց 'ի կոճեղ, 'ի փայտն զօր ներքոն անուա-
նէին:

ՅՈՐԴՈՐԱԿ

Մորդ և մեք զայս ստէպ յիշեցուցուք անձանց որ-
չափ նեղուածիս կրեցին նոքա զայ գործն գործելով .
և մի զգիջային և շփոթեալ զբաղմամբ կեանս խընդ-
րեսցուք և զմնասակար խրախճանուածիս . զի ոչ ինչ
է անպիտանագոյն քան թէ մարդ յար հանդստեամբ
և խրախուածք փափկացեալ : Զի ոչ միայն առաքի-
նուածք հոգւոյ է այնպիսին աղկաղկ 'ի խոհեմուածէ
և յարուածէ , այլ և մարմնով ևս թոյլ և ցաւագին .
իսկ աշխատեալն մարմնով պնդակազմ և առողջա-
կան : Որպէս ջուր ոչ դադարեալն՝ այլ ընթացեալն է
յստակագոյն . և երկաթ՝ ոչ խափանեալն որ 'ի ժան-
գոյ ծախի , այլ շարժեալն 'ի գործ իւրև զարծաթ-
փայլէ : Հեղգասցուք և կարի յամրագոյն 'ի չարիս
լիցուք . զի են որ հսկեն 'ի չարիս , սրոց լաւ էրննջեւն
լոկ՝ քան 'ի չարիս հսկել 'ի գիշերի : Այլ մանաւանդ
յաղօթս և 'ի բարի գործս յարուցեալք՝ թօթափես-
ցուք զկրկին թմբուածիս , հայելով յօրինակս ուղ-
ղուածէ զոր ունի կարգ բանիս :

1 Միւսն յօրացեալ :

ՃԱՌ ԵՐԵՄՆԵՐՈՐԴ ՎԵՑԵՐՈՐԴ

« Եւ ՚ի մէջ գիշերին Պաւղոս և Շիղա կային յազօթս և օրհնէին զւժ . և ունկն դնէին նոցա կալանաւորքն : Զի՞նչ երբէք հաւասար լիցի անձանցս այսոցիկ . քանզի հարեալ և դանս բազումս առեալ անարդեցան չարչարեցան , զվերջին վտանգան կրեցին . ՚ի կոճեղ պնդեցան զգուշութիւն , և այն ՚ի ներքնում բանտի . սակայն և այնպէս ՚ի քուն կալ ոչ յանձն առնուին , այլ ամենագիշեր օրհնութեամբ հսկէին : Տեսանես թէ որչափ բարի են նեղութիւնք առ անձասէր անձինս :

Արդ քննեսցուք զգիշերքս զայսոսիկ որ առ մեզ առ այնմ գիշերոյ . զի նոքա զամենայն գիշերս օրհնէին զւժ , իսկ առ մեզ զի՞նչ . դայլայիկք , արբեցութիւք , պակշոտութիւք , կակուղ անկողինք և քուն խոր զամենայն գիշերն , ՚ի մահուանէ ոչինչ զանազանեալ , յումեքէ ոչ երկնչելով . կամ արթնութիւ քան զքուն դժուարագոյն , Զի ոմանք ննջեն անզգայաբար . և ոմանք արթունք եղկելի կայիւք նենգութիւն կարկատելով , յաղագս ընչից ցնորելով թէ որպէս չարիս հատուցեն զըկողացն փութալով , թշնամութիւն խոկալով պատգամս անարգողականս և իորհուրդս չարաբարոյս ըստ իւրաքանչիւր աւուր ՚ի միտս ընտրելով . այսպէս ՚ի գիշերի զհուրն բարկութե բորբոքեն զանտեղիան գործելով : Այլ նոքա վասն այնորիկ թերևս հսկեն ՚ի կապանսն և ՚ի չարչարանսն , զի զմեր լուծեալ դանդաղութիւն և այս առանց կապանաց՝ սուտուցեն զգաստանալ . քանզի յայնպիսի նեղութե էին , և ոչ բռնութիւքնոյ ըմբռնեաց զնոսա . ոչ վերքն ցածուցին , ոչ երկիւզն ՚ի տարակուսանս արկ . զի մանաւանդ այնորիկ էին որ յարուցանէին զնոսա , և բազում հեշտութիւն առնէին . որով ուրախացեալ օրհնէին զւժ : Եւ գիտեա թէ որպէս ՚ի բանտին Պետ .

րոս 'ի քուն կայր . տնօրինաբար և այն իսկ եղև . և Տըրեշտակն եկեալ երևեալ լինէր նմա միայնոյ , և այլ ումեք ոչ էր պարտ տեսանել զոր ինչ եղևն : Իսկ աստ Պաւղոս արթուն էր և բարձրաձայն յօրհնուիս . և ըսքանչելիքն եղեալ ամենեցուն յայտնի զի հաւատասցեն :

« Այլ եղև յանկարծակի , ասէ , շարժումն մեծ մինչև շարժել հիմանց բանտին . և բացան անդրէն դրունքն ամենայն , և ամենեցուն կապանքն լուծան » : Վասն էր եղև շարժումն . զի զբանտապետն զարթուսցէ : Իսկ դրունքն բացան , զի տեսեալ սքանչացին ընդ եղեալսն : Այլ կալանաւորքն զբանալ դրանցքն ոչ տեսին . ընդէր . զի թերևս ամենեքեան փախուցեալ լինէին , և յայնժամ հանդերձեալ լինէր զանձն իւր սպանանել բանտապետն : Եւ ընդէր ոչ այլ ինչ նշան հաւատալոյ եղև նորա . զի այս իսկ բաւական եղև հաւանեցուցանել զնա , մանաւանդ 'ի փոյթ ձգելով . որ և ինքն իսկ տաղնապետացաւ յահէն : Զի ոչ այնպէս պարզաբար եղեալ սքանչելիք զմեզ վերացուցանեն , որպէս այնք որ 'ի մեր փրկութի յարմարին : Եւ զի մի թուեցի ինքնին լինել շարժմանն և այլքն զարմանք , ընդ նմին հետևեցաւ վկայելով նմին : Իսկ 'ի գիշերի լինի երևեալ , զի ոչ առ 'ի ցոյցս՝ այլ առ 'ի փրկութի առնէին զամենայն :

ԵՓԲ . Արդ եղև դրոգումն 'ի քաղաքի անդ , և դրունք բանտին բացան , և կապանք արդելոցն թափեցան 'ի նոցանէ . և զի մի եղիցի տրտմութի բանտապետին որ հաւատացելոցն էր , որ 'ի նոցանէ ոչ խուսեաց . զի վասն այտորիկ բանտապետն արժանի եղև մկրտութե աւազանին ընտանեօք իւրովք որպէս ասէ . « Իբրև զարթեաւ բանտապետն և ետես բացեալ զդրունս բանտին , ձգեաց զսուսերն և կամէր երթալ զիւրովին . կարծէր փախուցեալ զկապեալսն : Եւ կոչեաց 'ի ձայն մեծ Պաւղոս և ասէ . մի ինչ գործեր ընդ անձն քո չար , քանզի ամենեքեան աստ եմք . ինդրեաց լոյս և դիմեաց 'ի ներքս , և զահի հարեալ անկաւ առ աջի Պաւղոսի և Շիղայի . և ամեալ զնոսա արտաքս ասէ . տեարք , զինչ պարտ է ինձ առնել զի ասրեցայց » : Տեսեր թէ՛ որպէս սքանչելիքն ըմբռնեաց զնա . և զի զարմացաւ մանաւանդ ընդ մարդասիրութին Պաւ .

զոսի. զարհուրեցաւ ընդ արիւ թին, զի կարելով փախ
չէլ և ոչ փախեալ . և զի արգել զնա 'ի սպանմանէն .
Եւ զայն վայելաբար առնէր Պաւղոս. զի բանտապետն
այր բարերարոյ էր և ոչ չարաբարոյ : Զի թէպէտ 'ի
ներքսագոյն բանտն էարկ զնոսա, այլ զայն ոչ յինքե-
նէ արար, այլ պատուէր այնպիսի ընկալաւ 'ի զօրա-
գլխացն . իսկ ինքն զարհուրանօք և խռովութիւն էր
ընդ իրօն :

Այլ ընդէր ոչ նախ քան զձգելն զսուսերն կուլեաց
զնա Պաւղոս . վասն զի զարհուրումն առաւել զնա 'ի
հաւանումն ածէր : Նմին վասն լուռ եկաց Պաւղոս
մինչև ետես զչարիսն, և ապա աճապարեալ ասաց .
մի, զի ամենեքեան աստ եմք : իսկ նա փութացեալ 'ի
ներքսանկաւ առ ոտս կապելոցն կապանապահն և
ասէ . տեարք, զինչ պարտ է ինձ առնել զի կեցցեմ :
Հայեաց 'ի ջան նորա . զի ոչ այնու իսկ զի փրկեալ 'ի
սրոյն եղև՝ հաստատեցաւ 'ի կեանս, այլ ընդ զօրու-
թիւնն և ընդ մարդասիրութիւնն զարհուրեալ այլ
իմն կեանս խնդրէր : Տեսեր թէ զինչ անդանօր եղև
մինչև էին 'ի բանտն և 'ի կապանս, և զինչ աստա-
տանօր կապեալ . անդ՝ ուր նշանօք աղախինն ազատե-
ցաւ 'ի դիւէն, 'ի բանտ արկին զնոսա, զի բժշկեցին
զնա յայտոյն . իսկ աստանօր միայն զդուրս բանտին
բացեալ ցուցին, և բացեալ զդրունս սրտի նորա և
լուծին զնորա կապանսն ներքինս . իսկ լոյսն լուցեալ
զլոյսն որ 'ի սրտի նորա էր՝ փայլեցոյց և զխաւարն
հալածեաց : Անկաւ առաջի . բայց ոչ հարցանէր թէ
որպէս եղև այս կամ զիարդ . այլ վազվազակի ասէ,
զինչ արարից զի կեցցեմ :

Իսկ նորա ասէն . հաւատա 'ի տէր Յիսուս, և ապ-
րեացիս դու և նմ տուն քո . և խօսեցան նմա զբանն
տեառն և ամենեցուն որ էին 'ի տան նորա : Տես
զի վազվազակի քարոզեցին զբանն, և ցուցին զլեւսն
առնա մարդասիրութի . զի մանաւանդ այն իսկ զնա
և զայլսն ձգէր 'ի հաւատս, զի անվնաս սրահեցին
զնա . այլ և զամենայն տուն նորա կենաց արժանի առ-
նեն և փրկու թէ :

«Այլ առեալ զնոսա 'ի նմին ժամու զիչերոյն լը-
ւաց 'ի վերաց անտի, և մկրտեցաւ ինքն և իւրքն ա-

մենեքեան անդէն վաղվազակի . և ածեալ զնոսա 'ի տուն իւր՝ եղ առաջի նոցա սեղան և ուրախ եղև ա մենայն տամբն , հաւատացեալ յնձն : Հայեաց 'ի ջերմ հաւատոն . լուաց զնոսա , և մկրտեցաւ ինքն և տուն իւր . լուաց զնոսա և լուացեալ եղև . զնոսա 'ի գանիցն լուաց , և ինքն լուացեալ եղև 'ի մեղաց . կերակրեաց , և կերակրեցաւ զհայն երկնաւոր և ուրախ եղև : Եւ զի մանաւանդ ոչ ինչ երևեալ եղև , բայց բանք միայն և յոյս քաղցունք , և այն իսկ նշան էր սերտ հաւատոցն նորա . և զի զամենայն հոգս երկրաւոր և զերկիւղ մարդկային 'ի բաց եթող վաղվազակի : Զինչ վատթարագոյն քան զբանտի կապանապահ . կամ զինչ քան զնա կարծր և խիստ է գտանել կամ զարհուրեցուցիչ . այլ սակայն յայսցանէ փոխեալ 'ի ձեռն հաւատոցն սբանչելի լեալ , որով և բազում պատուով ընկալաւ զնոսա : Եւ տես ոչ զի 'ի մահուանէ փրկեցաւ՝ ուրախացաւ , այլ զի հաւատացեալ եղև յնձն :

“ Եւ իբրև այդ եղև , առաքեցին զօրագլուխքն զնուիրակսն և ասէն . արձակեա զարօդ զայդոսիկ ” : Թերևս զօրավարքն գիտացին զոր ինչ եղևն՝ զմեծամեծ սբանչելիսն . և այնպէս ոչ համարձակէին յինքեանց թողուլ զնոսա , այլ 'ի բանտապետն առաքէին իբրև զազտագողի իմն հանել զնոսա :

ԵՓՐ . Օ ահի հարան և երկեան աստարիտայքն ճոխք քաղաքին 'ի շարժմանէ անտի , և ճշմարտեալ գիտացին՝ թէ արդարեւ 'ի պատճառս նոցա եղև շարժումն այն , բայց խոստովան լինել 'ի նա ոչ կալան յանձին . առաքեցին ծածուկ հանել զնոսա : “ Եւ պատմեաց բանտապետն զբանս Պաւղոսի՝ թէ առաքեցին զօրագլուխքն զի արձակիցիք . արդ ելէք և երթայք խաղաղութի ” . այսինքն զգուշութի , ոչ երկրնչելով : Եւ այլ ազգ ևս . քանզի արտաքոյ տագնապի ախորժէր զնոսա լինել , զի մի կարծիցեն յետոյ դարձեալ յայնցանէ ամբաստանեալ լինել՝ յաւել թէ խաղաղութի : “ Իսկ Պաւղոս ասէ ցնոսա . “ Գան հարեալ զմեզ հրապարակաւ՝ արս անմեղս հռովմայեցիս արկին 'ի բանտ , և արդ լուէլեայն հանեն զմեզ . ոչ այդպէս . այլ եկեսցեն ինքեանք իսկ հանցեն զմեզ ” : Երդ

քանզի յօրէնս հրէութի զրպարտեցան 'ի նոցանէ աւուրք յառաջ, ասէն հռովմայեցի եմք, հեռի և զատ յօրինացն շրէից և 'ի տանջանաց քաղաքապետացն . ոչ է թէ հանցեն զմեզ գաղտուկ իբրև երախտաւորք ինչ լինելով առ մեզ, այլ զի նոքա իսկ եկեացեն հանցեն զմեզ :

ՈՍԿ . Արդ զօրագլխացն համարձակելով ելանել, Պաւղոս ոչ ելանէր այնու . այլ երկեցուցանէր զնոսա, զի մի կարծեալ լիցին աղաչելով արձակիլ, և զի զայլսն և օ հաւատացեալսն 'ի համարձակութի հաստատեցէ : Բայց տես, ով սիրելի, զիմաստութի բանից նորա . զի կրկին և երեքկին էք ամբաստանութին . զի հռովմայեցի եմք, ասէ, և անմեղ առանց դատապարտութե, և գանահարեալք 'ի հրապարակի : Եւ ոչ ասաց' թէ գան հարեալ զմեզ որ նշանս գործեցաք . զի նոքա ոչ ինչ այսոցիկ փոյթ առնէին . այլ որ ինչ մանաւանդ շարժէր զտրամախոհութի նոցա երկիւղիւ՝ զայն ասէ . « Զարս անմեղս հռովմայեցիս » ասէ : Տեսանես զի մարդկային իրս քաղումն կազմէին : Արդ զի մի թուեցի ումեք իբրև գատապարտ որ և մեղաւոր արձակել զնոսա, վճ այսորիկ ասաց Պաւղոս' թէ « Գան հարեալ զմեզ արս անմեղս եդին 'ի բանտի . արդ ոչ ելանեմք . այլ եկեացեն ինքեանք հանցեն զմեզ » . զի մի իբրև շնորհս ինչ նոցա զիրսն համարեցին : « Եւ պատմեցին զօրագլխացն նուիրակքն զբանսն . զասի հարան իբրև լուան թէ հռովմայեցիք են » : Երկեանս իբրև գիտացին թէ հռովմայեցիք են . այլ ոչ զի տարապարտուց արարին ընդ նոսա զայն :

ԵՓԲ . « Եւ եկեալ աղաչեցին զնոսա . և իբրև հանին, աղաչէին գնալ 'ի քաղաքէն » : Արդ զի եղիցի 'ի նոսա շնորհս այս, եկին և խնդրեցին 'ի նոցանէ' թէ ոչ գիտացաք թէ արդար էիք դուք . որպէս զի շարժումն իսկ գուշակեաց վասն ձեր . արդ շնորհս ինչ հայցեմք 'ի ձէնջ զայս, ելէք գնացէք 'ի քաղաքէ աստի . գուցէ թէ յետ շարժմանս ժողովեացին 'ի վերայ ձեր նոյն մարդիկ' որ յառաջ քան զշարժումն ժողովեալ էին :

ՈՍԿ . « Եւ ելեալ 'ի բանտէն մտին առ Ադրիա . և տեսեալ զէզրարսն՝ մխիթարեցին զնոսա և գնացին » :

Վայելչապէս . զի ոչ էր պարտ զհիւրընկալն զնախկին հաւատացեալն և զտուն նորա թողուլ յաշխատութիւն և 'ի հոգս, այլ պարտ էր մխիթարել զնոսա : Այլ տես զզանազանապէս տնօրինեալ շնորհացն թէ որպէս Պետրոս ել 'ի բանտէն յառաջագոյն կամ որպէս սա . և մանաւանդ երկաքանչիւրքն առաքեալք գուլով : Արդ ելին 'ի քաղաքէն ոչ նոցա ինչ հաւանելով , այլ 'ի քարոզութիւն փութալով , և քաղաքին 'ի ձեռն նշանացն բաւականապէս շահս գործելով : Եւ զի պարտ էր այնուհետեւ ոչ մտ լինել նոցա , զի սքանչելիքն մեծագոյն երեւեցին՝ գործողացն 'ի բաց դրնալով . յայնժամ ինքնին մանաւանդ սքանչիցն գուլելով . զի բանտապետին հաւատքն փոխանակ ձայնի հնչէր յամենեցունց լսելիս :

Օ ինչ այսօրիկ հանգոյն լինիցի յորժամ կապեալն զայլս լուծանէ , 'ի բանտի գուլով զայլս արձակէ , և 'ի ձեռն ինքեան մեկին կապեալ լինելոյն՝ զկապողն իւր 'ի կրկին կապանաց արձակէ : Այսօրիկ ճշմարտապէս շնորհաց են գործք : Արդ մի զսքանչելիսն միայն որ 'ի շնորհացն՝ այլ և զայսօսիկ զկապանս յամենայն ժամ յիշեցուք . որ կապեալ գուլով զկապանապահն հաւանեցոյց :

Այլ թերեւս առ այս ծիծաղելով ելլենացիք՝ զո՞վ ասեն , հաւանեցուցին կամ ո՞ւմ յաղթեցին . ոչ ապաքէն վատթար մարդոյ տառապելոյ և միտս ոչ ունողի , նա և բազում չարեօք լցելոյ , որով և գիւրաւ ըմբռնեալ եղև 'ի նոցանէ . և այլքն որ իբրև զսա , ներքինին , բանտապետն , ծառայք , կանայք և նոյնպիսիք : Զայսօսիկ նորա :

Այլ զինչ կարիցեն ասել յորժամ յառաջ բերեմք զայնօսիկ որք յիշխանութե էին , զհարիւրապետն , զբղեշին , նա և զբոլոր տիեզերս և զնոսին իսկ զթաւ գաւորս և զիմաստասէրս ըմբռնեալ 'ի նոցանէ . և կերպարանօք հաւանութեն և սքանչելի . զի ոչ հանգիստ ինչ կամ շահս մարմնոյ խոտտանային , այլ զնոցին հակառակսն . այսինքն թէ պարտ է հաւանելոցն բազում չարչարանս կրել և մեռանել : Այս իսկ ըսքանչելի ցուցանէ զզօրութիւն աւետարանին :

ՅՈՐԴՈՐԱԿ

Լսոցիկ վիճակեալ մեր՝ մի աղաւաղեսցուք ծու-
լուծի և դանդաղանօք զմեծութի կրօնիցս : Յարի-
ցուք յաղօթս, թէպէտ և ոչ բազումս, գոնէ մի և
երկու աղօթս կատարեսցուք . բացցուք աղօթիւք ոչ
զբանտն, այլ զերկինս . Լուծցուք աղօթիւք զկասպանս
մեղաց :

ՃԱՌ ԵՐԵՍՆԵՐՈՐԴ ԵՕԹՆԵՐՈՐԴ

« Եւ շրջեալ ընդ Ամիիպօլիս և ընդ Ապղօնիա, եկին 'ի Թեսաղոնիկէ՝ ուր էր ժողովուրդն շրէից » : Գարձեալ զփոքրագոյն քաղաքօքն զանց առնէին առ մեծագոյնսն փուլթալով . որպէս զի 'ի նոցունց իբրև յաղբերէ իմն հանդերձեալ էր բանն հոսել առ մերձաւորսն : « Եւ ըստ սովորութեն Պաւղոս եմուտ առ նոսա » : Եւ զի վերագոյն ասաց՝ թէ դառնամք 'ի հեթանոսս , արդ ընդէր առ նոսա մտանէ : Վայելչապէս . քանզի ոչ թողոյր զնոսա բնաւին 'ի բաց , զի բազում սէր առ նոսա ունէր . և լուր նմին իսկ . « Եղբարք , ասէ , իմ հաճութիւն սրտի և աղօթք առ անձ վասն նոցա է 'ի փրկութի » . և « Ինդրեմ՝ նզով լինել վասն եղբարց իմոց՝ որ են իսրայէլացիք » : Այլ զայս ինչ առնէր վասն խոստմանն ան և փառացն . և զի մի 'ի նոցայն բնաւին վերջոտնել գայթակղութի լինիցի հեթանոսաց 'ի հաւատս անդր . ըստ որում և աստաւ նօր վասն նորին իրաց փութայր :

« Եւ 'ի շաբաթս երիս խօսեցաւ ընդ նոսա 'ի գրոց » : Զի 'ի շաբաթս իսկ դատարկացեալ այնմիկ պարապէին . իսկ 'ի գրոց , քանզի զայս և Քս առնէր , 'ի վեր և 'ի խոնարհ 'ի գրոց վարդապետելով . և ոչ ամենայն իրօք ուրեք 'ի նշանացն կամէր հաւատալի լինել , քանզի և առ այն իսկ հակառակաբար կային իբրև մոլորեցուցիչս և կախարդս դաւաճանելով . իսկ 'ի գրոց հաւանեցուցանելով՝ ոչ ունի տեղի այնպիսի շարկարծեաց : Եւ 'ի բազում տեղիս գտանեմք զՊաւղոս վարդապետութի հաւանեցուցեալ զնոսա . որպէս և յԱնտիօք Պիտիգեայ նախ ամենայն քաղաքն ժողովեցաւ լսել զբանն ան : Այսպէս մեծ է առ 'ի գրոց վեկայութի հաստատութի :

« Բանայր և դնէր առաջի , թէ պարտ էր Քսի շարչարել և յառնել 'ի մեռելոց . և թէ նա է Քսն

Յն զոր ես պատմեմ ձեզ : Տեսանեն , զի յառաջ քան զամենայն զչարչարանսն քարոզեն : Այսպէս պարծէին նովաւ և ոչ լինէին ամաչեցեալք . քանզի գիտէին զայն իսկ փրկիչ աշխարհի , և թէ պարտ էր չարչարել ճշմարտապէս և յառնել . քանզի յոյժ իսկ այս քան զայն սքանչելի է և մեծ : Զի եթէ որ ոչն ինչ մեղաւ , 'ի մահ ետ շայրն զնա , զի զայս նշանակե պարտ էր ասելն , ապա յոյժ մանաւանդ և յարոյց զնա : Եւ զի մի կարծիցեն նոքա թէ ինքեամբք զօրացան առ այն , այսինքն սպանանել զՔս , այլ զի անթոյլ ետ , պարտ էր չարչարել Քսի՛ ասէ . որով ցուցանէ թէ երկու իրք մատակարարեցաւ լինել . նախ զի մի իբրև վրէժխնդիրք օրինացն մեծամտեսցեն շրեայք 'ի սպանանել զնա , զի ինքեանք իսկ լուծանէին զօրէնսն . և դարձեալ զի մի սոքա զանգիտասցեն իբրև սուտք և սարտապանք դատապարտու թէ . սմին վասն յաւել թէ որ չարչարեցաւն և յարեաւն , նա է Քսն Յս զոր ես պատմեմ :

« Այլ ոմանք 'ի նոցանէ հաւանեցան և վիճակեցան Պաւղոսի և Շիղայի » . յայտ է 'ի Հրէից անտի : Բայց պաշտօնէիցն հեթանոսաց էր բազմութի յոյժ , և 'ի կանանց դիտաւորաց ոչ սակաւք : Պաշտօնեայս կուէլ զհաւատացեալսն 'ի հեթանոսաց՝ յաղագս հաւատոցն և գործոցն բարեպաշտութե է հանդերձ մեծամեծ տիկնամբք , զորոց բազմութին մի ըստ միոջէ ոչ աճեցուցանէ ըստ թուոյ կարգաւ , այլ համառօտ զամենայն . ըստ որում և ոչ զնորին Պաւղոսի հանդիսաբանութին յամենայնի զգրի հարկանէ : Եւ նոքա այսպէս . իսկ Հրեայքն զնորին հակառակն դարծէին , յամենայնի նախանձոտք և չարք գոլով :

« Ախանձեցան , ասէ , Հրեայքն , և առեալ արս ոմանս գռեհիկս անօրէնս՝ ամբոխ արարեալ իռովեցուցին զքաղաքն » : Տեսանեն . զի թէպէտ և բազում էին հեթանոսք , բայց ոչ կարծէին զինքեանս շատանալ 'ի խազմարարութի առանց Հրէից . քանզի և ոչ ունէին իսկ պատճառս իրաւացի զայլս վերգովելոյ : Իսկ Հրեայքն հանապազ զայնպիսի անօրէնութի 'ի կիր արկանէին ժողովելով առ ինքեանս արս չարախօսս : « Եւ կուտեալ առ ապարանսն Յասոնի՛

ինդրէին ածել զնոսա 'ի հրապարակն . և իբրև ոչ գտին զնոսա 'ի տանն Յասոնայ , քարշէին զՅասոն և զումանս եղբարս առ քաղաքապետն» : Ա՛յ ամբարիշտ բռնութեն . 'ի տանցն քարշէին զնոսա վայրապար 'ի հրապարակն : « Բողոք բարձեալ թէ որք զաշխարհս խռովեցուցին , նոքա և այսր հասին , զորս ընկալեալ է Յասոնի . և սոքա ամենեքեան հակառակ հրամանացն կայսեր զործեն . թագաւոր զոմն ասեն զՅն» : Հակառակ կայսեր ասեն , զի նոր արքայ ընդ կայսեր քարողեն : Տեսանէս զամբարիշտ ամբաստանութին . յապտամբութի այսու զնոսա դաւաճանէին . ոչ ինչ վասն աւանդելոցն հակառակ ունել ասէին ընդ օրինացն : Քանզի այնու ոչ կարէին խռովեցուցանել զքաղաքն , յազազս որոյ առ այլ ինչ ամբաստանութի զրպարտէին զնոսա . զոր և Քսի առնէին :

« Եւ խռովեցուցին զԺողովուրդան և զքաղաքապետան՝ որ լսէին զայս , քանզի զահի հարան և երկեան զօրագլուխքն յայսմ համբաւոյ . և առեալ երաշխաւորութի առ Յասոնայ և յայլոցն՝ արձակեցին զնոսա » : Զայս արարին Ճոխք քաղաքին , զի ցածուցեն զամբոխն՝ որ կուտեցաւ 'ի վերայնոցա : Այլ հայեաց ընդ սքանչելիս և մեծ սէրն Յասոնի , որ 'ի վիշտս և 'ի մահտուեալ զանձն իւր՝ զինքն բաւական յերաշխաւորութիւն տալով , զՊաւղոս 'ի բաց արձակեաց , զանձն իւր մատնեալ յազազս նորա :

« Իայց եղբարքն , ասէ , վաղվաղակի գիշերայն յուղարկեցին զՊաւղոս և զՇիղա 'ի Բերիա . որք իբրև հասին անդ , 'ի Ժողովուրդն շրէից գնացին , զի սոքա էին ազնուականագոյնք քան որ 'ի Թեսաղունիկն էին . որք ընկալան զբանն ամենայն յօժարութբ . հանապազ քննէին զգիրս թէ իցէ այս այսպէս» : Արդ զիաճրդ գրէ Պաւղոս՝ թէ մեք 'ի հեթանոսս , և պետրոսեանքն 'ի Թլիատութիւն անդ . և ինքն ընդ շրէիցն առնէր զվարդապետութին : Այլ ըստ առաւելութե առնէր զայն : Եւ զի պարտ էր նմա և ընդ շրէիցն խօսել , որպէս և պետրոսեանքն 'ի հեթանոսս . զոր և ասեն իսկ զարմացեալք՝ եթէ ետ նձ 'ի հեթանոսս ապաշխարութի կենաց : Եւ այսպէս նոքա ընդ հեթանոսացն միաբանեցան , թէպէտ և մանա-

ւանդ 'ի թլիատու թէն քարոզու թիւն անդ որոշեալ գոլով : Այսպէս և սա գյուլովագոյն փոյ թն առ նոսա ցուցանէր . սակայն և առ նոսա ոչ պղերգանայր , զի մի կարծիցեն զինքեանս 'ի բաց ճեղքեալս :

Եւ զիւրդ ասէ՝ թէ նախ 'ի ժողովս Հրէիցն մտանէր . այո . քանզի զհեթանոսս 'ի ձեռն Հրէիցն հաւանեցուցանէր , որովք ընդ նոսայն լինէր խօսեցեալ : Քանզի գիտէր եթէ այս իսկ մանաւանդ հեթանոսաց է պատշաճաւորառ 'ի հաւատոյն երածու թիւրատ ասելոյ նորին « Արչափ եմ հեթանոսաց առաքեալ , զպաշտօնն իմ փառաւոր առնեմ » . թերևս նախանձ արկից Հրէիցն մարմնով իմով և ապրեցուցից զմանս 'ի նոցանէ » : Նա և ամենայն իսկ թուղթք նորա ընդ Հրէիցն լինի մարտուցեալ : Սոքա , ասէ , որք 'ի Բերիա ազնուականագոյնք էին » . այսինքն հեզք և խոնարհք և բարեբարոյք , ոչ ինչ չար գործելով . զի ոմանք հաւանեցան , և այլք ոչ ինչ 'ի չարագործութի եկին : Եւ զի ազնուականք էին , ըստ առաքինութե բարետոհմք էին . ուստի և ոչ վայրապար ըստ սովորութե իրիք , այլ մեծաւ ստուգութե քննէին զգիրս առ 'ի յորինաց և 'ի մարգարէից ուսանել զճմարտութիւնն :

« Եւ բազումք 'ի նոցանէ հաւատացին » . այսինքն 'ի Հրէից : Տես հաւատարմացեալ զասելն զնոցանէ ազնուականս գոլ , զի բազումք հաւատացին : « Եւ 'ի Յունաց կանանց զգաստից մեծամեծաց և յարանց ոչ սակաւք » : Գարձեալ և աստանօր բազմութիւն 'ի հեթանոսաց ընծայէր : Իսկ Հրէայքն չարաբարոյք իջին և անդ , զի իւրեանց հակառակութեն զՊաւղոս 'ի հեռաւոր տեղիս առաքեսցեն , որով առաւել բանն զօրանայր : Զի որովք հալածելն կարծէին , յամենայնի տարածեալ լինէր քարոզութիւն :

« Օ ի իբրև գիտացին , ասէ , որ 'ի Թեսաղոնիկէ Հրէայքն էին՝ թէ և 'ի Բերիա պատմեցաւ 'ի Պաւղոսէ բանն այ , եկին և անդ շարժել և խռովեցուցանել զժողովուրդն » : Տես զյանդգնութիւն վայրապար . զի վրդովելով և նախանձելով 'ի վերայ դիմեալ լինէին . քանզի արք վաճառականք էին և յանիրաւութի սովորեալք . և մանաւանդ զի բազաւքն մեծագոյն էր : Եւ

այս ոչ ինչ է սքանչելի, 'ի մեծագոյն քաղաքի լինել արս վատթարագոյնս. զի մանաւանդ յայնպիսումն լինին վատթարագոյնքն, ուր և խռովութեանն պատճառք բազումք են. որպէս և 'ի մարմնի ցաւք դժընդակագոյն ունին զնիւթն և զկերակուրն, նոյնպէս և աստանօր: Որպէս և որք յԿոնստն և յԱնտիոքն էին Հրեայքն արարին: Որով դատապարեալք ոչ միայն զանձանց, այլ և զայլոց կորստեան հատուցեն զիրաւունս: Զայսօսիկ և Պաւղոս ասէ. «Որք արգելուին զմեզ խօսել հեթանոսաց զի ապրեւցին, զի կատարեւցեն զմեզս իւրեանց յամենայն ժամ»:

«Յայնժամ վաղվաղակի զՊաւղոս առաքեցին եղբարքն դնալ մինչև 'ի ծովեզրն. և մնացին Շիղա և Տիմոթէոս անդէն»: Տեսանէս ամենայն ուրեք զնա և ասէ զի տալով և դադարելով, և բազում ինչ մարդկային իմաստութիւն յորինելով: Եւ այժմ անօրինաբար փախուցեալ լինի, և ոչ զանգիտելոյ վասն. զի թէ չէր անօրինաբար, ապա դադարեալ լինէր 'ի քարոզութեն. և նորա ոչ առաւել լինէին զայրացեալ: Բայց յայսմանէ երկուս իրս անօրինիւր. զի և նոցա ցատումն շիջանէր, և քարոզութիւն առաւել աճէր: Այլ և եղբարքն և սյարժան և իմաստաբար զայս առնէին, զի յորժամ նոցին անկարգ յանդգնութիւն 'ի վերայ եհաս ամբօխել և խռովեցուցանել զքաղաքն, յայնժամ զՊաւղոս միայն արձակէին. քանզի յաղագս նորա առաւել լինէին երկուցեալ, զի մի դաւ ինչ կրեսցէ, իբրև գլուխ և վարդապետ գոլով նոցա: Այսպէս ոչ յամենայն ժամ շնորհքն ներդործեալ լինէին. այլ թողացուցանէր զնոսա և մարդկային ինչ առնել յարուցանելով զնոսա և զարթուցանելով և 'ի հոգս արկանելով:

Եւ տես արդ, զի մինչև ցփիլիպպեցւոց քաղաքն միայն հասոյց զնոսա, յայլոցն արգելով. և անդ 'ի Փիլիպք 'ի ձեռն տեսլեան փութացուցանելով ածէր զնա. վասն որոյ և վաղվաղակի հասին անդ, այսինքն 'ի Փիլիպք. բայց անդուստ և յառաջ 'ի ձեռն տեսլեան ոչ և ս: Իսկ Պաւղոս զսերն և զփոյթն և յայսմ առաւել ցուցանէր, յամենայն զառաւելն խորհելով և առնելով. որպէս 'ի բազում իրաց յայտ է: «Զի

ահա Քո հրամայեաց, ասէ, որոց զաւետարանն աւետարանեն, յաւետարանէն կեալ» . այլ ինքն ոչ առնէր այնպէս : Ոչ առաքեաց զնա Քո մկրտել, այլ աւետարանել միայն . այլ և զայն առնէր : Եւ տես թէ որպէս հասարակակշիռ էր ամենեցուն և առաւել ևս . զի «Պետրոս, ասէ, ՚ի թլփատութեն և ես, ասէ, ՚ի հեթանոս» ՚ի յոլովագոյն մասին :

Այլ ընդէր ոչ տեւաց աստանօր ՚ի Բերիա . կամ ընդէր ոչ նշանս արար . զի թէ անդանօր ՚ի Ալուստրոս յորժամ քարկոծ արարին զնա՝ բազում ժամանակս տեւէր, ապա մանաւանդ և աստանօր պարտ էր, ընդէր ոչ արար այնպէս : Քանզի ոչ հանապազ կամեցեալ լինէր Պաւղոս զի նշանք լինիցին . զի քան զնշանս առնել ոչ նուազ սքանչելիք էին հալածելովն յաղթել առանց նշանաց : Եւ Քո իսկ զնոյն կամէր, զի առանց նշանաց յաղթեսցեն . որպէս և ինքն Քո յայնժամ ՚ի շրջելն յերկրի ՚ի բազում տեղիս կամեցեալ լինէր յաղթել Ճամարտութեն : Սմին վասն և ոչ առաքեալքն հանապազ ընթանային նշանօք, որպէս և Պաւղոս ասէ՝ թէ «Հրեայք նշան հայցեն և հեթանոսք զիմաստութի ինդրեն . այլ մեք քարոզեսցուք զՔո ՚ի խաչելեալ» : Զայսօսիկ տամք ՚ի յաղթութի, զոր և ոչ նշանքն կարեն հաւանեցուցանել . իսկ մեք զայս քարոզելով, ասէ, հաւանեցուցանեմք : Որպէս զի մեծ նշանքն այս իսկ էր՝ խաչիւ և մահու յաղթել աշխարհի : Եւ տես ահա առաւելութի քարոզութեն իբրու սքանչելի նշանօք ընթացեալ . զի պարտ էր այնուհետեւ՝ մի բազմութի հաւատացելոյն մեծագոյն լինել նշան քան թէ զայլ ինչ : Եւ զայնօսիկ առնէին ՚ի բազմութի զօրանալ հաւատացելոյն, տեղի տալովն և ՚ի վերայ հասանելովն : Արդ յուղարկեցին զնա մինչև ՚ի ծովեզրն, զի մի լիցի նենգողացն դիւրաւ հասանել նմա . զի առժամայն զնա յափշտակել կամէին . և զայս ըստ ինքեանց : Սոքա բերիացիքս մեծ իրս գործեցին և հանդերձ նուաւ մճարեցին և ուղղեցին :

ԵՓՐ. Արդ եհաս մինչև ՚ի ծովեզրն տեղի տալով քայց արդել զնա Հոգին սք ՚ի քարոզելոյ . զի գուցէ սպաւ

1 Երկուսին օրինակն այնուպէս զեպոստոսի :

նանիցեն զնա : «Եւ որք տանէին զՊաւղոս , ածին զնա մինչև յԱթէնս . և առեալ 'ի Պաւղոսէ պատուէր առ Շիղա և Տիմոթէոս , զի վաղվաղակի եկեսցեն առ նա յԱթէնս . և նորա զնացին առ նա իբրև ընկալան զպատուէրն » :

ՅՈՐԴՈՐԱԿ

Հայեաց և տես յասացելոցս թէ որքան սիրով աշակերտքն Հոգային զվարդապետէն և փութային զերծուցանել զնա և ապրեցուցանել : Այլ այժմ ոչ այսպէս . այլ ճեղքեալք 'ի միմեանց , մեծքն շփանան և փոքունքն նախանձին : Արդ մի այսպէս . այլ փութասցուք 'ի սէր միաբանութեան , զի վայելեացուք օգնականութի միմեանց 'ի Հոգևոր իրս և 'ի մարմնաւոր : Զի վասն այսորիկ և աղօթեմք վասն ամենայն աշխարհի խաղաղութեան և վասն առաջնորդաց . զի մեծ է զօրութի միաբանութեւ որպէս յայտ է յօրինակէ մարմնոյ . զի անդամքն զմիմեանց Հոգաւով՝ ամենայն ինչ ըստ պատշաճի կազմի : Այլ 'ի չար միաբանութէն փախիցուք և բարւոյն Հաղորդեսցուք :

ՃԱՌ ԵՐԵՄՆԵՐՈՐԴ ՈՒԹԵՐՈՐԴ

ՈՍԿ . « Եւ յԱթէնս 'ի մնալնոցա Պաւղոսի, զայրանայր հոգի նորա 'ի նմա . զի տեսանէր 'ի կռապաշտութե՛զ զքաղաքն » : Յիրաւի զայրանայր . զի նոքա առաւել քան զամենեւեան պատուէին զկուռան, մինչ զի ոչ էր այլ ուրեք այնչափ կռապաշտութի տեսանել : Բայց զայրանալ աստանօր ոչ զբարկանալ ինչ ասէ, և ոչ թէ կագ ինչ կուռոյ կամ վիճաբանութեան շարժէր զնոսա : Կա և տնօրինեալ լինի 'ի Հողւոյն և ահամայ իսկ կալ և մնալ նմա անդանօր սպասելով աշակերտացն : Այլ զինչ է զայրացեալն լինել . այսինքն եռանդնօտ սրտիւ յարուցեալ իմն և 'ի նախանձ վասն փառացն նոյ շարժեալ : Քանզի 'ի բարկութեն և 'ի վիճմանէ՛ հեռի են շնորհքն . ոչ կարէր հանդուրժել նոցին մոլորութեն, այլ մաշէր զայն ամենայն տեսանելով :

ՆԱԶ . Եւ այլ ազգ . Հոգին նոք յերանելու մն զայրանայր 'ի Պաւղոսի . իբրև հոսանք ինչ զեղեալ յառաքելական յողւոջն նեղէր, ոչ գտանելով յանարժանսն տեղի յառաջելոյ ինքեան : Եւ յազագս այնորիկ ընդ ձեմականս և ընդ եպիկուրեանսն մարտնչէր :

ՈՍԿ . « Եւ խօսէր 'ի ժողովրդեանն ընդ Հրեայսն և ընդ պաշտօնեայսն, և 'ի հրապարակսն զամենայն օր ուրոց և պատահէին » : Տես դարձեալ զնա ընդ Հրեայսն և ընդ պաշտօնեայսն, որք էին եկք զբուցատրելով . զի ընդ ամենայն տեղիս Հրեայք բնակէին : Քանզի ցրուեցան նախ քան զգալուստն Քրի, համանգամայն և օրինացն լուծանելով : Արդ ամենեցուն քարոզէր Պաւղոս, միանգամայն ուսուցանելով մարդկան ըզբարեպաշտութի : Այլ սքանչելի է թէ զի ոչ ծիծա-

1 Միւսն 'ի գծար-նէնէ :

զեցան զնովաւ իմաստասէրքն վաղվաղակի, ընդ անարգանին ընդ նուազունսն խօսելով նորա: Քանզի հեռի էր այն վարդապետութիւն յիմաստասիրութենէն, ոչ և մի ինչ ունելով բարձրալզութի և հպարտութիւն: Բայց ոչ իմանային զասացեալսն ՚ի Պաւղոսէ: Զի որպէս արդեօք իմանալ կարէին ուր ստոյիկեանք զմարմինս ասէին անձ, և եպիկուրեանք երանութի զհեշտութի համարէին: Ուստի և ոչ կարացին ՚ի բարձրագոյնսն և ՚ի մեծամեծսն ելանել, ամենեկն տկարք գոլով ՚ի հաւատս: Բայց միայն վկայութի ընկալան ՚ի Պաւղոսէ իւրեանց պատահարացն և անագատութեն:

«Ոմանք յեպիկուրեանցն և ՚ի ստոյիկեանց փիլիսոփայիցն հակառակէին ընդ նմա, և ոմանք ասէին՝ զինչ կամիցի սերմանաբաղս այս խօսել: Իսկ այլք, թէ օտարոտի իմն դից թուի պատմիչ լինել: Քանզի զՅո և զյարութիւն աւետարանէր: Արդ քանզի աթենացիքն ոչ ևս իւրեանց օրինօքն լինէին վարեալ, զի և նոքա ստորանկեալ եղեն ընդ հռովմայեցւոլքն: Ուստի կամեցան բանս աստատմութե արկանել ՚ի վերայ Պաւղոսի: Քանզի զայլ իրս տեսանէին զի խօսէր նա, և կարծեօք առ նա վարանէին, և անդէն վաղվաղակի ՚ի նախատինս արկանէին՝ սերմնաբաղ զնա կոչելով: Քանզի շնչաւոր մարդ ոչ ընդունի զվարդապետութի Հոգւոյն ան, զի յիմարութի է նմա: Ուստի և ասէին. «Օտարոտի իմն դից թուի պատմիչ լինել»: Դիս զաստուածսն կոչէին: Քանզի էր իսկ քաղաքն նոցա լի պատկերօք և կռովք դիւաց: Քանզի զՅո և զյարութիւն աւետարանէր, նոքա և զյարութիւն աստուած ոմն գոլ կարծէին: Իբրու սովորեալք արուս ոմանքս աստուածս և էգս աստուածուհիս պաշտել:

«Եւ առեալ զնա ածին յԱրիսպագոսն և ասէին: Կարասցո՛ք իմանալ թէ զինչ է նոր վարդապետութիդ՝ որ ՚ի քէն պատմի: օտարացուցիչս իմն բերես ՚ի լսելիս մեր: Կամիմք գիտել թէ զինչ կամիցի այս լինել: Արդ ածին զնա յԱրիսպագոսն երկեցուցանել կամելով: և ոչ որպէս զի իմացին միայն զբանսն, այլ զի և տանջեցեն ևս: զի անդանօր զսպանանելոյ դատակնիքն սովոր էին քննել: Տես արդ, զի և ուսա-

ներոյն յուսովն յամենայնի զնորաձեռութիւն ամբաստանէին : Եւ քանզի խօսողաց և բանիբուն արանց էր քաղաքն նոցա , ասէ . « Աթենացիքն ամենեքեան և եկքն օտարք ոչ յայլ ինչ պարապէին , բայց ասել ինչ կամ լսել նորագոյնս » : Ատանօր զայն ինչ նշանակէ՝ թէ ամենեւին յայն իսկ պարապեալ էին հանապազ 'ի խօսս և 'ի լուր . սակայն զայնօսիկ օտարօտիս դուրս կարծէին , զոր ոչ երբէք էին լուեալ :

« Այլաց Պաւղոս 'ի մէջ Արիստպպին և ասէ . արքաթենացիք , ըստ ամենայնի իբրև պաշտօնասէրս տեսանեմ զձեզ » : Հայեաց աստ զբարձրացեալ Հոգին Պաւղոսի զիարդ . հորդէ ճանապարհ բանին , և զիարդ իջանէ ըստ նոցա , իբրև ներբողելով իմն զնոսա թուի : Բայց ոչ իբր փաղաքշականս կամ սուտակասպասս . այլ թէ առ դիցն պաշտօն երկիւղածագոյն տեսանեմ զձեզ , յայնինքն բարեբնկալք և յօժարք : Ապա 'ի բազնէն առեալ պատճառ՝ բարբառէրձայնիւ 'ի մէջնոցա . « Քանզի շրջեալ , ասէ , և տեսեալ զպաշտամունս ձեր՝ գաի բազին մի , յորում գրեալ էր՝ անծանօթի նյ . զոր դուք յանծանօթս պաշտէք , ես զնոյն պատմեմ ձեզ » :

Օրինչ է անծանօթի նյ . քանզի աթենացիք ըստ ժամանակս ժամանակս բազում աստուածս ընկալեալ եղէն և 'ի բացարձակ սահմանաց և 'ի գերագոյն գըրից , որպէս և զտաճարն Աթենայ և զայլս այլ ուստեք : Ապա երկուցեալ թէ գուցէ երբէք այլ ոմն իցէ՝ որ նոցա ոչ է ծանօթ , և այլք այլ ուրեք պաշտէին , յաղագս յուրվագոյն թերևս զգուշութե և նմա բազին կանգնեցին . և քանզի աստուածն ոչ էր յայտնի , մակաբրեալ եղև 'ի նոցանէ՝ անծանօթի նյ : Անտի առնու սկիզբն և պատճառ Պաւղոս և ասէ՝ թէ զայն իսկ պարտ է գու Յօի , և մանաւանդ ամենեցունց ամենակալ նյն . զնա ես պատմեմ ձեզ , ասէ : Տես թէ որպէս ցուցանէ նոցա նախ ընկալեալ զնա . և ոչ ինչ օտար կամ նորաձե ձեզ մատուցանեմ , ասէ : Քանզի 'ի վեր և 'ի խոնարհ զայս ինչ ասէին՝ թէ օտարօտի իմն պատմէ , և թէ զինչ է նորաձեդ այդ վարդապետութի զոր արկանես 'ի լսելիս մեր , ահա վագվաղակի զկասկած մտաց նոցա 'ի բաց խլէ , զմծ կարդա-

լովարարիչ ամենայնի. 'ի ձեռն որոյ կործանեաց զիմ՝
իրս իմաստասիրացն:

« Ը՛ծ, ասէ, որ արար զաշխարհս և զիմ՝ որ 'ի նմա,
նա երկնից և երկրի տէր է: » Քանզի եպիկուրեանքն
ինքնին ասէին լեալ զարարածս, և յանհատից 'ի հիւ-
ղէ զմարդն. իսկ ստոյիկեանքն մարմին և հուր ասա-
ցին ամենայնի պատճառ, յորոց և զողիս մարդկանս.
Իսկ սա ցուցանէ՝ թէ գործ նորա է աշխարհ և որ 'ի
նմա: Տես համառօտ վարդապետութի և հաւաստի:
Նա և զայս ևս հայեա՝ թէ զինչ էր որ նոցա օտար
թուէր. թէ անձ զաշխարհս արար. և զոր ինչ այժմ
'ի հանդիպմանէ կարգաց աշխարհի բազումք գիտեն
և յիրաց եղելոց հանապազ, զայսօտիկ աթենացիքն
իմաստուն համարեալքոչ գիտէին, և ոչ գլխաւոր փի-
լիսոփայքն: Արդ եթէ արար զաշխարհս՝ յայտ է թէ
և տէր է սորա:

Տեսանես որպիսի ինչ ասաց անթուութեն՝ ծանօթու-
թի. զգոյացուցանելն յօւնից զամենայն, որ և Որ-
դւոյ սեպհական ասի. Նա և մարգարէքն յամենայնի
զայսօտիկ ասէին, այ իւրական առանձինն գոլ զգոյա-
ցուցանելն. և ոչ որպէս նոքա՝ որ զայլ ոմն գոլ ասէին
արարիչ, և ոչ զնոյն տէր. և նիւթ անեղ համբաւէին
աստանօր: Հայեաց ընդ իմաստութիւն Պաւղոսի թէ
որպէս զիջեալ ըստ նոսա՝ առասպելաբար 'ի բազմէն
սկսանելով զիւրոն, և անտի այնուհետև հաստատէ
զճմարտութիւն, և զնոցայն զամենայն 'ի բաց բառնայ:
« Նա է, ասէ, երկնից և երկրի տէր: » Եւ զոր աստ
յաղագոս Հօր՝ այլուր յաղագոս Որդւոյ գտանեմք ա-
սացեալ երկնից և երկրի տէր գոլ. զոր նոքա աստուած
գոլ կարծէին զերկին և զերկիր:

Ըլ զի մի կարծեսցեն որպէս մի 'ի բազմաց գոլ
զնա, ուղղէ բանիւն զոր 'ի վերայ ածէ. « Ոչ 'ի ձեռա-
գործ տաճարս բնակէ, ասէ, և ոչ 'ի ձեռաց մարդկան
պաշտի իբր կարօտ իմիք: » Տեսանես թէ որպէս ընդ
փոքում 'ի ներքս մուծանէ զիմաստասիրութիւն կա-
տարեալ, և որպէս ծիծաղի զելլենական իմաստունքն
ԵՓՐ. « Ոչ 'ի ձեռագործ տաճարս բնակէ » ասէ

իրբն զհուռնս ձուլածոյս ձեր. և զոհիւք որովք զեքն պաշտին, նա ոչ պաշաի. և յինչ ոչ է կարօտ ամենեցուն տուիչն:

ՈՍԿ. Եւ զի թէպէտ 'ի տաճարս բնակէ, ոչ յայն պիտիս որ 'ի մարդկանէ շինին, այլ 'ի մարդկային ոգիս: Եւ այտու զմարմնական պաշտօնն զիմ 'ի բաց երարձ, եւ զիարդ. ոչ բնակեալ էր 'ի տաճարն որ յերուսաղէմէր: Աջ արդեօք, այլ անտի ներգործելով զօրու թիս՝ կարծեցաւ շրէիցն թէ արդ 'ի ձեռադործի բնակէ: Իսկ սա ցուցանէ թէ ոչ 'ի ձեռաց մարդկան պաշտի անձ, այլ յառաքինութի. քանզի անկարօտ գոյով նա՝ զայսոսիկ ոչ երբէք խնդրէ: «Այ ուտեմ ես զմիս զուարակաց, ասէ, և ոչ զարիւն նոխազաց քոյ ըմպեմ»:

Եւ պ 'ի վեր հանեալ զնոսա 'ի գետնաբարչիցս՝ զևս մեծագոյնս զնէ պատասխանելով. Այ է, ասէ, շատ և բաւական այս զնյ իմանալ թէ անկարօտ է, թէպէտ մեծ և անձային է այս. բայց պարտ է հանդերձ այտու և զայս ևս գիտել. «Զի նա տայ, ասէ, ամենեցուն կեանս և շունչ և զամենայն ինչ»: Ըստ ամենայնի երկու նշանակք են յատուկ անձութեն. ինքեան ոչ և միոյ իրիք կարօտանալն, և ամենեցուն զամենայն ինչ շնորհել: Արդ անձ աստանօր զՊղատոն՝ որչափ յաղագս նյ իմաստասիրեաց, որչափ Եպիկուրոս. և ամենայն շաղփաղփու թի է առ այսօրիկ. «Նա տայ, ասէ, շունչ և կեանք»: Ահաւասիկ և հոգւոյ գոյացուցիչ ասէ զնա և ոչ ծնող:

Իարձեալ հայեաց թէ որպէս 'ի բաց բառնայ յաղագս նիւթոյ ճառս. «Արար, ասէ, 'ի միողէ արեանէ զամենայն ազգս մարդկան բնակեալ 'ի վերայ երեսաց ամենայն երկրի»: Արդ այսօրիկ յոյժ լաւագոյն և մեծք են առ 'ի գիտել քան զնոցայն, և որչափ ըստորոգութի արարին նորա անհատիցն և նիւթոյն: Իսկ սա ցուցանէ թէ ոչ է մասնական տէրութի նորա, և ոչ հոգի մարդոյ 'ի նորին բնութի է. այլ որպէս ամենեցուն, նոյնպէս և սորա էացուցիչ է: Եւ ինքն ոչ մարմին է և ոչ մարմնաւոր բնութի կարօտանայ. այլ 'ի սուրբ միտս և 'ի պատշաճ իմաստութի հանդէս. և ոչ յառասպելաբանեալ մասնական դիքն, ոմն հրոյ

Համբաւեալ և ոմն ջրոյ և միւսն այլոյ վերատեսուէք. այլ ամենայնի ինքն է, ասէ, արարիչ:

Վախ իբրև զմարդոյ խօսեցաւ, թէ զոր դուք յանձանօթս պաշտէք. ապա եցոյց՝ թէ ոչ ՚ի տեղւոջ բընակէ. և յայնժամ ասաց՝ բայ անձ է. և յայտ աստի է, զի զամենայն արար. իսկ որ ոչ արար զամենայն, և ոչ անձ է: «Զի աստուածք որ զերկինս և զերկիր ոչ արարին, կորիցեն ՚ի ներքոյ երկնից»: Յոյժ մեծագոյն աւանդութիս ՚ի ներքս մուծանէ, թէպէտ և մանաւանդ զայլ բարձրագոյնսն ոչ ասաց, քանզի որպէս տակաւին ընդ մանկունսն խօսէր ընդ կարծեալ իմաստունսն. նա և այսօրիկ յոյժ մեծագոյն էին առ այնոսիկ զոր նոքայն գիտէին:

Վրդ զարարչու թին, զտէրու թին, զանկարօտու թին, զպատճառն ամենայն բարու թեց յայտնի արարեր. իսկ առ մեզ զիարդ ապա բնակէ անձ: Այլ չէ, ասէ, ժամանակ: Այլ հայեաց ընդ սքանչելի բարերարութիւն. ՚ի միոյ արենէ, ասէ. այսինքն ՚ի միոջէ առնէ այսչափ անհամար բիւրս մարդկան ընդ տիեզերս առնելով և արարեալ ինքն զնոյնս շարունակէ, տուեալ շունչ և կեանս ամենեցուն: Ապա և զայսոսիկ ցուցանէ՝ թէ ճանաչէն զնա ոչ դժուարին էր և ծանր. զի և ոչ իսկ էր հարկ շրջել և խնդրել զաստուած, այլ ըստ սահմանադրութե էիցս ՚ի նմանէ դիւրին էր այս:

«Օ ի հաստատեաց, ասէ, կարգեալ ժամանակս և սահմանադրութիս բնակութե նոցա խնդրել զանձ, զի թերևս զննիցեն զնա և գտանիցեն»: Զայս ինչ կամի յայտնել ասացելովքս՝ եթէ սահմանեաց անձ խնդրել զինքն. բայց ոչ հանապազ և յամենայն ժամ զայս սահմանեաց, այլ առ կարգեալ ժամանակս. ցուցեալ այսու՝ թէ այժմիկ ոչ խնդրելով գտին, այլ յիմարեցան: Իսկ նա էր յայտնի և որպէս ՚ի միջի ամենեցուն կալով առ ՚ի զննել զնա և շօշափել. նա զի և թէ կոյրք էին, կարէին շօշափել. զի ոչ թէ սմա էր յայտնի և նմա ոչ, կամ աստ երևէր և այլուր ոչ, կամ յայտմ ժամանակի էր և յայլում ոչ. զի ըստ ամենայն ժամանակս և ըստ ամենայն սահմանադրութիս յայտնի էր. զի ոչ տեղեաւ փակի և ոչ

ժամանակաւ . այսպէս տնօրինեաց լինել և զարա-
րածս :

ԵՓՐ.Վ. Բանցի սորա իսկ մանաւանդ ընձեռէին մարդ-
կան զգիտութի, յամենայն տեղում զոչն երկնից զար-
դուն իւրով, յամենայն ժամանակի հաստատուն կալ
երկրի : Եւ զի մեկնեաց զժամանակս ամարայնոյ և
ձմերայնոյ, և կարգեաց սահմանս ծովու և ցամաքի
և որդւոցն Նոյի, զի խնդրեսցեն յայտնեօքս զծա-
ծուին . այն որ նա ինքն է պատճառ ամենայնի :

ՈՍԿ.Վ. Եւ ոչ հեռի իսկ է յիւրաքանչիւր ումեքէ
'ի մէնջ . զի նովաւ կեամք և շարժիմք և եմք » :
Տես դարձեալ այ արժանի զոր ասէ՝ թէ ոչ միայն ըզ-
կեանս ետ և զչունչ և զամենայն ինչ, այլ և զգլուխն
ամենայն բարութեց . այսինքն զի 'ի գիտութիւն ին-
քեան էած զմարդիկ տալով զայսօսիկ, 'ի ձեռն որոց
կարէիք գտանել զնա և հասանել բարոյն, այլ ոչ
կամեցարուք ինդրել . և մանաւանդ հուպ գոլով նո-
րա և ոչ հեռի և ոչ 'ի միօջէ ումեքէ 'ի մէնջ : Բարէ,
ամենեցուն հուպ է որ ընդ ամենայն տեղիս տիեզե-
րաց . զինչ իցէ քան զայս մեծագոյն : Տես որպէս 'ի
բաց բառնայ զմասնականսն : Եւ զի՛ ասեմ թէ ոչ հե-
ռի է, ասէ . զի այսպէս հուպ է, որպէս զի առանց
նորա ոչ է հնար կեալ ումեք . « Զի նովաւ, ասէ, կեամք
և շարժիմք և եմք » : Որպէս առ մարմնաւոր յարա-
ցուցի է տեսանել . զի որպէս անգայտութի օգոյ յա-
մենայն տեղում հեղլով՝ և ոչ հեռի գոլով յումեքէ,
այլ մանաւանդ ներքոյ և վերոյ մեր և շուրջ և ամե-
նայն ուրեք, առանց որոյ անհնար է կեալ շնչաւորի,
նոյնպէս և զայ ասէ : Տես որպէս զնախախնամութի
նորա ասէ և զամենակալ շարունակութի, զգոչն ա-
մենայնի առ 'ի նմանէ, զներգործելն, զոչ կորուսա-
նելն : Եւ ոչ ասաց 'ի ձեռն նորա կեամք, այլ որ առա-
ւել հուպ էր՝ նովաւ, ասէ :

« Որպէս ոմանք և 'ի ձերոց ճարտարացն ասացին՝
թէ նորա և ազգ իսկ եմք » : Զայս իսկ թեմգիանոս
և Արպտոս քերթողք ասացին : Արդ ոչ առ 'ի հաւա-
սարութի բնութենն այլ և մարդկան ասաց զբանս քեր-
թողացն՝ թէ նորա ազգ եմք . զի նորա զայս բան

զԶեւոյ ասացին, իսկ սա յաղագս ճմարիտ գոյացուցին առնու . ոչ զնոյն զնոցայն ըստ նոցա ասելով . քաւ լիցի . այլ որ ինչ իսկապէս յաղագս նոյ ասել վայել էր՝ առնու զբանս նոցա : Քանզի և բազին նմա ասաց , բայց ոչ հանդոյն այնոցիկ զոր նոքայն պաշտէին . զի բազում ինչ նախ ասէին և գործէին , ոմանք վասն նոյ , թէ պէտ և ոչ գիտէին թէ վասն ոյր էր : Զի ասա ինձ , յաղագս ոյր ուրուք ասէին և գործէին իսկապէս անձանօթի նոյ . յաղագս գոյացուցին արարածոց , թէ յաղագս գիւին . յայտ է թէ յաղագս գոյացուցին . զոր և առնու իսկ զգիր բազնին և ուղղէ զմոլորեալ կարծիս նոցա . զի զնձ ոչ ճանաչէին , բայց զգիւացն զհետ երթային և գիտէին : Արդ ասէ՝ թէ ամենայն լի է Աստուծով և ոչ Զեւոով պղծով ումեմն մարդով և թքալից եղելով և կախարդով :

Աւզայն՝ թէ նմա և ազգ եմք , ոչ նմանապէս ըստ նոցին կարծեաց ասաց Պաւղոս . քաւ լիցի . այլ այլովք մտօք : Զի ազգ դու նոյ զմեզ ասաց , այսինքն նովաւ եղեալք և խնամեալք և ընտանիք գուրով և հուպք առ նմա , իբրև թէ մտակայք և զբացիք : Նա և զայսոսիկ ասէ զբերթոցացն բանս . զի մի դարձեալ ասիցեն՝ թէ օտարոտիս մուծանես ՚ի լսելիս մեր : Եւ այսպէս ոչ ընդ նոսա ինչ հակառակի , այլ առ ՚ի նոցունց եղելոյ բազնէն և յասացելոցն զսպացոյցն տուեալ ՚ի վերայ ամէ . « Եւ արդ որովհետև ազգ եմք նոյ , ոչ պարտիմք համարել ոսկւոյ կամ արծաթոյ կամ քարի , որ ՚ի ճարտարու թէ և ՚ի մտաց մարդոյ քանդակեալ իցէ , զնձականն լինել նմանող » . Ահա ասիկ ամէ ՚ի մէջ զարարիչն . և ոչ ասէ՝ թէ ձեզ ոչ է պարտ համարել ոսկւոյ կամ արծաթոյ ձեւացելոյ գուր զնձայինն նման՝ որ չէ նման , այլ պիղծ և ամենապիղծ . այլ որ ինչ խոնարհագոյն էր , զայն ասէ՝ թէ մեզ ոչ էր պարտ կարծել այսպէս . ոչ պարտիմք համարել ասէ . քանզի յոյժ գերագոյն և ՚ի վեր քան զայսոսիկ է նձ : Իսկ այսոցիկ ժամանակաւորք են և մարմինք , որոց չէ պարտ ասել զնձայինն գուր նման . զի ո՞ որ իցէ մարմին և ժամանակ և որք ՚ի ժամանակի , ասա ինձ : Տեսանես թէ որպէս զանմարմին բնութիւն

'ի ներքս եմոյժ . քանզի մարդկեղէն տրամախոհոյ
 թիւնն յորժամ 'ի կարծիս մտանէ, մարմին և միջոց
 ժամանակի զմտաւ ածէ : Արդ ոչ պարտիմք, ասէ,
 որոց 'ի մարդկեղէն մտաց քանդակեալ իցէ, զանձա-
 կանն գոյ համարել նմանող :

Արդ թերևս ասիցէ որ. ոչ այսպիսի ինչ կարծեմք,
 այլ առ բազում յոյժ տկարսն են բանք սորա . քանզի
 թէ եմք նման այ մեք, ըստ հոգւոյ միայն և ոչ ըստ
 մարմնոյ . իսկ զգալեացս ոչ եմք նման ըստ հոգւոյ մեք,
 ասպա յոյժ մանաւանդ և ոչ անձ : Բայց ոչ ասէ զայս,
 այլ առ ժամայն 'ի թանձրամտութեն 'ի բաց տանի
 զնոսա : Նա և ոչ ընդ այլ իրիք մարդկային մտածու-
 թեք արկեալ լինի, ասէ . զի զոր արուեստ կամ մտա-
 ծուութի եգիտ, զիարդ այն ինչ անձ իցէ . իսկ եթէ
 այնք աստուած են, սպա և 'ի քարի գոյացութիւն
 այ իցէ . ո՞վ անտեղութես : Բայց տես և զմեղադրու-
 թին . զի նովաւ կեցեալ լինիմք, ասէ, և ոչ գտանեմք
 զնա : Այս կրկին է ամբաստանութի . զի զնա զճըշ-
 մարիտն զյայտնին ոչ գտին, և զայսպիսի սուտս գը-
 տին . որ ոչ այնմիկ զոր կարծեցին՝ տրամախոհութի
 նոցա ճշմարիտ է ըստ իրին :

Աւ քանզի սասանեցոյց զհոգիս նոցա, ցուցեալ՝
 զի պատասխանի անդամ ոչ ունէին, դառնայ ցուցա-
 նել՝ թէ զինչ դարձեալ այժմ իցէ ինդրելի : « Բայց
 զժամանակս անգիտութեն անտես արարեալ այ, արդ
 զայս պատուիրէ մարդկան՝ ամենայն ումեք ապաշ-
 խարել : Ապա զիարդ ոչ և մի որ տանջեալ լինի յոչ
 կամողացն զղջանալ : Արդ զայս ոչ յաղագս անցե-
 լոցն կամայժմու յանդգնեցոցս ասէ, այլ բարեհաւա-
 նիցն . յաղագս որոյ պատուէր տայ, ասէ, և ոչ պա-
 հանջէ 'ի ձէնջ դատաստան : Ոչ ասաց թէ ոչ ետես և
 ոչ ասաց թէ թողացոյց . այլ զանգիտութեն մոլորու-
 թի՝ որ հաճոյ եղև աշխարհի խոտորել յայ, անտես ա-
 բար, ասէ . այսինքն ոչ կամեցաւ ստիպել և նեղել ինչ
 զնոսա, և ոչ պահանջեաց դատաստանս իբրու յարժա-
 նեաց գոլով տանջանայ : Անգիտացայք, ասէ, և ոչ կա-
 մաւ չար գործեցէք : Բայց 'ի ձեռն վերագոյն ասացե-
 լոցն յայտ արար եթէ կամաւ գործեցէք : Արդ պա-
 տուիրէ, ասէ, ամենայն ումեք ընդ ամենայն տեղիս

զղջանալ։ Ամենայն ումեք ընդհանուր ասելովս՝ ՚ի բաց տանի զմասնական կարծիս յաղագս այ . որպէս հեթանոսք զոմն հրոյ արարիչ ասեն ՚ի դիցն , և զայլ ոմն երկնի . այլ անձ բոլորից է տէր , ասէ :

« Քանզի հաստատեաց օր՝ յորում պարտ է դատել զաշխարհս արդարութի ՚ի ձեռն առնն , որով սահմանեաց տալ հաւատս ամենեցուն , յարուցեալ զնա ՚ի մեռելոց » : Նախ զահագին օրէն յիշէ և զարդար դատաստանէն , և այսու երկեցուցանէ զնուս և շարժէ ահիւ զարամախոհու թիս նոցա : Եւ ապա զչարչարանն Քոի յայտ առնէ , և յայնժամ ՚ի վերայ ածէ զյարութի նորա ՚ի Հօրէ . զի յայնմանէ և հանգերձելոցն հաւատասցեն լինել ամենեցուն յարութի : Եւ ընդ որ հակառակէինն և դժուարէին ընդ յարութին , հաստատուն ցուցանէ դու : Զի թէ ճշմարիտ է ասացեալն դատաստան , յայտ ՚ի յարութէն է . զի ընդ նմին ընդ յարութեն ամենայն կազմեալ լինի իրք դատաստանին : Եւ զի զամենայն ճշմարտութի ասաց Քո , յայտ է յորմէ յարեալ , զի ՚ի ձեռն նորա Հայր դատելոց է զաշխարհ . յայտ է որով սահմանեաց նովաւ տալ հաւատս ամենեցուն . որ և կամօք Հօր չարչարեցաւ և յարեալ : Այլ զի իբրև զմարդոյ զՔոս խօսի , և այս մեծ իմն հանճարով , զի ըստ տկարութե ընդունողացն կշռէ զբանն : Արդ զի ամենեցուն չնորհեաց հաւատս , ՚ի յառնելոց նորա ՚ի մեռելոց յայտ է : Այլ տես զի և դատաւոր զնա ՚ի ներքս մուծանէ , զի ճշմարտապէս դատել պարտ է . զի թէ ոչ յարեալ Քո , ոչ լինիմք դատեալ . ապա թէ յարեալ , ստուգապէս դատելոցք եմք . զի վասն այնորիկ մեռաւ և յարեալ ՚ի մեռելոց , զի կենդանեաց և մեռելոց տիրեսցէ :

Արդ պատուիրէ ամենեցուն զղջանալ . զի՛ ամենեքեան կալոց եմք առաջի բեմբին Քրիստոսի , զի ընկալցի իւրաքանչիւր որ իւրով մարմնոջն զոր ինչ գործեաց եթէ բարի և եթէ չար : Զի ահաւասիկ և յաղագս ամենեցուն յարութե բան ՚ի ներքս եմոյժ . զի ոչ այլ ազգ դատեալ լինի զտիեզերս : Իսկ յարուցեալ զնա ՚ի մեռելոց՝ յաղագս մարմնոյն ասէ , զոր և այր իսկ կուէ . զի նա մեռաւ և եղաւ ՚ի գերեզմանի : Եւ

քանզի առ ելլենացիսն, որպէս արարչութեն և յոչ էից զաշխարհս գոյացուցանելոյն իբր, նոյնպէս և դատաստանին բան մանկանց գիւտքէն և խաղ, և արբեցութի՞նցն որեալ մարդկան :

ՅՈՐԴՈՐԱԿ

Եւ և մեք լուիցուք զասացեալս թէ պատուիրէ անձ ամենեցուն զղջանալ և զոր ինչ յանգէտ աթենացւոցն պահանջեաց, առաւել ևս մեք որ յաղագոս այսոցիկ ստուգապէս գիտեմք, գործեսցուք զայն ինչ, որ մեզ օգտակար է : Ընտանացուք անյ, և մի կացցուք ընդ նմա թշնամութիւն . այլ հաստատեսցուք ՚ի սէր նորա : Եւ թէ որպէս ուղղեսցուք առ նա զսէրն, այս է օրինակն և արուեստ, որով մարթացուք ուղղել զսէրն : Զի հանապաղ զմտաւ ածցուք ընդ հասարակաց բարեգործութեն և զայն ինչ զոր մեզ յատուկ իւրաքանչիւր ուրուք բարեգործեաց, թէ քանիցս անգամ ՚ի դժնդակ պատահարաց և ՚ի հիւանդութեց և ՚ի մահու կասկածելի վշտաց եհան : Յիշեսցուք թէ զինչ և քանիս մեղաք նմա, և ՚ի նմանէ քանիս բարեգործեցաք . և սիրեսցուք զնա, ոչ միայն վասն բարեգործելոյն, այլ և վասն ներող երկայնմութեն . զի մի խստութիւն սրտից գանձեսցուք զբարկութի մեզ յաւուր արգար դատողութեն անյ :

ՃԱՌԻ ԵՐԵՄՆԵՐՈՐԳԻ ԻՆՆԵՐՈՐԳԻ

«**Ի**ՐԲԵՒ ԼՈՒԱՆ զյարու թի մեռելոց, ոմանք ծաղր առնէին, կէսքն ասէին՝ Լուիցուք ՚ի քէն վասն այդորիկ միւսանգամ. և ապա Պաւղոս ել գնաց ՚ի միջոց նոցա»։ Տես զի նախ մեծագոյն կրէր փորձութիւնս. իսկ յԱթէնս ոչ կրէ այնպիսի ինչ. այլ միայն մինչև ցրծաղբ առնել ամենայն ինչ վճարեալ լինէր։ Իսկ առ Հրեայնս բազում էր դժուարութիւնս. զի յոյժ խստագոյն էին ընդ նմա և ընդ կրօնսն թշնամեցեալք։ Արդ ընդէր արդեօք մինչ չև ևս էր հաւանեցուցեալ զնոսա, և զի բանիցն ասացելոցն ՚ի նմանէ ունկնդիր եղեալք, և դարձեալ լսել նմին հանդերձեալ լինէին, և վշտաց և հալածանաց ոչ գոլով այնպէս փութացեալ լինի զԱթէնս թողուլ Պաւղոս։

ԵՓԲ. **Յ**իրաւի. քանզի աթենացիք որ մինչև ցայս վայր լուան նմա, վասն յարութենն լսել նմա ոչ հանդուրժեցին, և յաղթահարեցան և ասացին՝ թէ վասն այդորիկ յայլում ժամու Լուիցուք քեզ։

ՈՍԿ. **Ի**չև զի դիտէր թերևս, եթէ ընդ երկար կալով առ նոսա ոչ ինչ մեծ զնոսա շահեցուցանել էր հնար։ Եւ տես զնոցա թանձրամտութիւն՝ թէ որչափ մեծամեծս և թանձրագոյնս լուեալ ոչ առին ՚ի միտ. այլ լսելով զյարու թի մեռելոց խաղ առնէին. զի շքնչաւոր մարդ ոչ ընդունի զիրս հոգւոյն, Զի մանաւանդ օտար լոյց ցանկացողք գոլով սակս այնր ՚ի միտ ոչ առնուին, և ոչ յայն ինչ փութային. այլ որպէս զի միշտ ունիցի նորագոյն ինչ ասել, որ և ՚ի բաց կալ ետ նմա ՚ի նոցանէ. վասն որոյ ել և գնաց ՚ի միջոց նոցա։ Զի այս իսկ էր նոցա սովորութի որպէս ամբաստանէին իսկ՝ եթէ օտար դից թուի սլատմիչ գոլ. որ և այն իսկ յոյժ էր տարակուսելի, զի իբրև զմի յանուանեալ դիցն համարէին գժտ. բայց սակայն և այնպէս հաւանեցոյց զԻննս. և իսկայն ասացին զգլխաւորն աթենացւոց

և զայլս յուրս, զորոց ասէ. «Եւ ոմանք արքանկեալք 'ի նա հաւատացին. ընդ որս էր և Դիոնեսիոս արիսպագացին, և կին մի անուն Դամարիս, և այլք ընդ նոսա»: Զի թէպէտ և ամենեքեան ոչ հաւատացին, այլ ոմանք հասու լինելով քարոզութեն և վարուցն հոգեւորաց՝ վաղվաղակի ընկալան զբանն, իսկ այլքն ոչ ևս, բաւական թուեցաւ Պաւղոսի արկանելն միայն անդ զսերմանիսն հաւատոյ:

«Յետ այսորիկ մեկնեալ Պաւղոսի յաթենացւոց անտի՝ եկն 'ի Կորնթոս»: Արդ 'ի Կորնթոս 'ի ձեռն Հոգւոյն ածեալ լինի, ուր զտեղի առնուլ և դադարել առ նոսա պարտ էր. քանզի բազում ժողովուրդ հաւատալոց էր անդ, զի ոչ էին զրախնդիրք որպէս աթենացիքն: «Եւ եգիտ զոմն հրեայ, անուն Ակիւղաս յազգէ պոնտացի, այն ինչ եկեալ յառախայ, և Պրիսկիլա կին նորա, վասն հրամանին Կղոզեայ որոչել զամենայն Հրեայս 'ի Հռոմէ»: Տես թէ որպէս 'ի ձեռն հալածանացն Հրէից 'ի Կղոզեայ քաջ ևս այնուհետև օրէնքն քակեալ լինէր: Այլ զԿղոզիոս կայսր յիշէ աստ, զի ընդ յերկարումն կենացն Պաւղոսի յաւուրս նորա՝ յառաջեալ լինէր քարոզութիւն ամենայն ուրեք. իսկ զկինի նորա յաւուրս Կերոնի կատարեցաւ:

Արդ յայնմ հետէ 'ի հրամանէն Կղոզեայ բորբոքեալ լինէր առ Հրեայնս պատերազմ վասն յամառութիւն Իւրեանց. և 'ի Հռոմայ իբրև փնասապարտք և արժանիք հարուածոց և դատապարտութե արտաքսեալ լինէին, և զի ողջախոհացին և զղջացին 'ի չարեաց Իւրեանց: Թերևս վասն այնորիկ տնօրինեալ լինի 'ի Հոգւոյն, զի զՊաւղոս իբրև զկալանաւոր կապանօք տարցին անդ՝ ամբաստանեալ 'ի Հրէից, զի մի իբրև հրեայ անդուստ հալածեսցի, այլ որպէս օտարացեալ 'ի Հրէից. և ընդ կարգաւ դատաստանի գործառնութիւն ունելով անդանօր պահեալ լիցի:

«Այլ իբրև եկն 'ի Կորնթոս, եգիտ, ասէ, զոմն Ակիւղաս պոնտացի յազգէ, և յարեցաւ 'ի նոսա: Եւ վասն զի համարուեստ էր, եղև առ նոսա և գործէր. քանզի էին խորանակարք արուեստիւ»: Արդ պոնտացի գուրով սա, ոչ յերուսաղէմ և ոչ մերձ 'ի նա փութայ դալ, այլ հեռագոյն ընտրէր բնակել: Առ

ամա ազանի Պաւղոս . և հանապազորդեալ յամելով
անդ՝ ոչ ամաչէր : Բարէ որպիսի արժանս և իրաւունս
առնոսա եզիտ յարակցելով առնոսա : Վայելչապէս .
քանզի պարտ էր գործել , որպէս զի անդանօր 'ի Առ-
բընթոս առաւել պարտ էր նմա ոչ առնուլ ինչ վասն
սուտ առաքելոցն . որպէս ասաց թղթելով առնոսա՝
թէ « Զորում պարծին , և նորա իբրև զմեզ գտանի-
ցին » . և թէ « Աչ արդէլցին պարծանքս իմ 'ի կողմանս
աքայեցուց » . և թէ « Աչ 'ի գործ ինչ արկաք զիշխա-
նու թիս զայս » : Ըստ որում անօրինեալ եղև , զի ան-
դանօր յարեցցի 'ի նոսա իբրև 'ի ճահ պատրաստ գո-
լով զօթեանն , և ընտիր առ գործակցու թին . զի քան
զարքունական ապարանսն յոյժնմա 'ի ճահ և վայ-
ելուչ էր : Եւ գու ով սիրելի , մի ծաղր համարեցցիս
զայնպիսի խոնարհութիս . զի որպէս մրցականին մայ-
տանն զիւր 'ի դէպ է , և հիւանդի կակղազոյնքն 'ի
գեղոց , և պատերազմողի սուսերն երկաթի և ոչ ոս-
կի , նայնպէս և այն նմա :

« Աւ խօսէր 'ի ժողովրդեանն ըստ ամենայն շաբա-
թուց , և հաւանեցուցանէր զչրեայսն և զհեթանոսս » :
Գործեալ լինէր , ասէ , քարոզելով . ամաչեցուք ապա
մեք , որք և առանց քարոզելոյ դատարկութի կենցա-
ղավարիմք : « Իբրև իջին 'ի Մակեդոնիա Շիղա և Տի-
մոթէոս , ստիպէր Հոգւոյն Պաւղոս դնել վկայութի
չրէիցն թէ Զնն է ԳԾ » : Չիարդ Պաւղոս ոչ 'ի բաց
կացեալ լինի 'ի նոցանէ բազում սողտանօք և եր-
կիւղիւ . քանզի նախ յայտնեաց զպատճառն ասելով .
« Ձեզ նախ պարտ է խօսել զքանն » . ըստ որում և
ամենայն ուրեք զնոյն առնէր , նախ 'ի նոցանէ սկսեալ
զքարոզութին : Իսկ աստ վկայութի դնէր նոցա Հո-
գւոյն շարժեալ , զի մի ունիցին այնուհետև ինչ պա-
տասխանի . և 'ի բաց կալովն նշանակ տայր և առաւել
զնոսա զկծեցուցանէր : « Եւ յընդդէմ դառնալ նոցա
և հայհոյել ' թօթափեաց զձորձս իւր և ասէ ցնոսա .
արիւն ձեր 'ի զլուխս ձեր . քաւեալ եմ ես . յայսմհե-
տէ 'ի հեթանոսս երթամ : Եւ գնացեալ անտի՝ ե-
մուտ 'ի առն ուրումն՝ որոյ անուն էր Տիտոս Յուստոս ,
պաշտօնեայ նոյ , որոյ ապարանքն էին մերձ 'ի ժողով-
ետոյն » :

ԵՓՐ • Արդ յընդդէմ դառնալ նոցա, իբրև ետես թէ շրեայքն թշնամանելով թշնամանեն զնա, թօ թափեաց զզգեստս իւր, որպէս ուսաւ ՚ի տեառնէ իւր մէ և ասէ. մի եկեսցէ արիւն ձեր զկնի քարոզւացն՝ որ զօրհանապազ ՚ի նեղութիս պէսպէս վշտօք զաւետարանութի տեառն ձերոյ աւետարանեն ձեզ: Այլ եկեսցէ զկնի ձեր բարբառն որ ասաց՝ թէ ոչ կամեցան լսել ինձ. որպէս և դուք զի ոչ կալարուք յանձին լսել ինձ: Արդ երթամ՝ ես ՚ի հեթանոսս, որք պատրաստեալ են ոչ մեռանել մեօք իբրև զձեզ. այլ զի կեցցեն մեօք, զոր դուք ոչ կամեցարուք:

ՈՍԿ • Այլ ՚ի բաց եկաց ՚ի նոցանէ. այնուհետև մաւնաւանդ ակն ունելով ձգել զնոսա առ ինքն: Քանզի ընդէր իսկ ապա թողոյր զտունն յորում էր, և գայր մերձ ՚ի ժողովեաղն և ՚ի տուն ժողովրդապետին. ոչ ապաքէն վասն այսորիկ զոր ասաց ցիս. զի և ոչ վիշտս ինչ ետես անդանօր: Եւ քանզի նախ վկայութի դնէր նոցա վասն Քսի և ուսուցանէր, իսկ ՚ի հաւանել նոցա թօթափէր զձորձս և վկայութի դնէր նոցա և առաւել երկիւղ, որպէս զի ոչ բանիւ միայն՝ այլ և իրօք զնոսա զարհուրեցուցէ. զոր և մարգարէքն առնէին յաճախ: Նա և ուժգին խօսելով ընդ նոսա. «Արիւն ձեր ՚ի գլուխ ձեր. քաւեալ եմ՝ ես. այսուհետև ՚ի հեթանոսս երթամ»: այս իսկ զբազումս ՚ի նոցանէ հաւանեցոյց: Ապա ուրեմն և մեք պարտապան լինիմք արանց բազմաց, եթէ ոչ հանապազ նոցա զնոյն վկայութի տացուք զկենացն որ առ անձ: Իսկ նա զայս ասէ որպէս և այլուր. «Այսուհետև աչխատ ոք զիս մի արասցէ»: Երկիւղ առաւել արկանելով նոցա: Զի ոչ այնպէս զարհուրեցուցանէր զնոսա սպառնալիք պատուհասին, որպէս այս զկծեցուցանէր. զի և զնոսա կամէր հաւանեցուցանել. վասն որոյ և առ հեթանոսս փութացեալ լինի:

Ի այց և յետ ասելոյն՝ թէ ՚ի հեթանոսս երթամ, առ սոսա խօսել ոչ լինի հեղգացեալ. զի ծանիցուք թէ ոչ հրաժարելոյ աղադաւ զայն ասէր, այլ սակս յարուցանելոյ զնոսա և ՚ի նախանձ յորդորելոյ: Վասն որոյ և ոչ հեռի ուրեք, այլ ՚ի տանն որ մերձէր ՚ի տունն Կրիսպոսի ժողովրդապետին՝ մտանէր, որպէս զի նա-

խանձ արկցէ նմա մերձաւորու թիւն: Իսկ Տիտոս Յուստոս աստ զաշակերտէն ասէ. և վկայէ ևս զլաւութի նորա, առ որ մտեալ աշակերտեաց զժողովրդապետն. որպէս ասէ. «Կրիսպոս ժողովրդապետն հաւատաց ՚ի տէր ամենայն տամբ իւրով. և բազմաց ՚ի կորն թացւոցն լուեալ հաւատային ՚ի տէր և մկրտէին»: Տեսանդէն վաղվաղակի զժողովրդապետն շրէից հաւանեալ ամենայն տամբ իւրով. և այս իսկ բաւական էր ՚ի փոյթ վասն շրէիցն ածել զՊաւղոս. զի ահա յետ ասելոյն թէ յայսմ հետէ ՚ի հեթանոսս երթամ, աշակերտեաց զժողովրդապետն:

ԵՓՐ. Ըրդ թէպէտ և ՚ի շրէից մի ոմն միայն ՚ի ծերոց ժողովրդեան հաւատաց, այլ հեթանոսք կորն թացիք միանգամայն ժողովուրդ բազում մկրտեալ լինէին:

ՈՍԿ. Իսկ Կրիսպոսս այս է, վասն որոյ գրէ. «Ոչ զոք ՚ի ձէնջ մկրտեցի բայց միայն զԿրիսպոս»: Սա ինձ թուի երկանուն գոլ, որ և Սոսթենէս կոչեցեալ լինէր, այր հաւատարիմ յաւետարանն. վասն որոյ և գան հաբեալ լինէր ՚ի շրէիցն. որ և հանապազ մօտ գօլով Պաւղոսի, զոր և եղբայր անուանէ ՚ի սկիզբն նոցին թղթին:

«Եւ ասէ տէր ՚ի գիշերի տեսլեամբ ցՊաւղոս. մի երկնչիւր, այլ խօսեաց և մի լուեր, զի ես ընդ քեզ եմ. և ոչ ոք ընդդէմ դարձցի քեզ ՚ի չարչարել զքեզ, զի ժողովուրդ բազում է իմ ՚ի քաղաքիս յայսմիկ»: Տես ՚ի ձեռն որքան իրաց հաւանեցուցանէ զնա կալ ՚ի տղւոջն յերկար և խօսել զբանն անդադար՝ երեւմամբն և առաւել ընտանու թիւ խնամոցն. զի և ոչ մեծագոյն վիշաք ՚ի վերայ նորա լինելոց է այնուհետեւ. և բազմութեն հաւատալ և ժողովրդապետին՝ բաւական էր ՚ի փոյթ զարթուցանել զնոսա: Իսկ ասելոյն թէ մի երկնչիւր՝ հանէ զերկիւղն ՚ի մտաց նորա. զի ոչ ՚ի չարչարանացն զանգիտէր, այլ ՚ի հակառակութի շրէիցն. զի չարչարանքն և անհաւանու թիւն ոչ այնպէս արամեցուցանէր զՊաւղոս, որպէս հակառակութիւքն. զի այս իսկ և քան զվիշտս դժուարագոյն էր: Վասն որոյ յայնժամ երեւի նմա քո, յորժամ հակառակ հայհոյութիւքն եղեն. և ասէ խօսեաց և մի լուեր, զի ոչ ոք ընդդէմ դարձցի քո ՚ի չարչարել զքեզ: Զի ոչ հանա-

պաղ թողացուցանէր զնոսա կրել զգարչարանս , զի մի լինցին տկարագոյնք :

Եւ թէ ասիցէ որ , թէ զիւրդ յետ այսց բանից միաբան շրեայքն հասին 'ի վերայ նորա , սակայն 'ի միտ առցէ՝ զի ոչ ինչ կարացին առնել , բայց միայն ածին զնա առ անթհիպատն . և որ ինչ մանաւանդ ուրախ առնէր և համբառնայր զանձն նորա , զայն յետոյ ասէ ցնա տէրն՝ թէ ժողովուրդ բազում է 'ի քաղաքիս յայսմիկ . զի իբրև ոչ որ մեղանէ քեզ , զբազումս աշակերտես դու աստ :

« Եւ նստաւ անդ տարի մի և ամիսս վեց . և ուսուցանէր նոցա զբանն տեառն » : Եւ իբրև յաճախեաց լինել անդ , ոչ համբերեցին շրեայքն իբրև տեսին թէ աշակերտեաց նա զհեթանոսս : « Եւ Գաղիոնաւ փոխանակաւ բոլորսն քաղաքացոց յարեան միաբան շրեայքն 'ի վերայ Պաւղոսի և ածին զնա յատեանն և ասէին՝ թէ արտաքոյ օրինաց պատրէ սա զմարդիկ պաշտել զսփս : Յամենայնի հակառակելով շրեայքն ընդ ճշմարտունին , յետ տարւոյ միոյ և վեց ամսոյ միաբան 'ի վերայ հասեալ լինէին . և յորժամ ոչ կարէին օրինօք իրաւանց վարել , բռնութեամբ վարէին . և զայն որ հանապազ օր ըստ օրէ ուսուցանէր նոցա յօրինաց անտի , զրպարտեցին առաջի հոգեմանին և ասեն՝ թէ արտաքոյ քան զօրէնսն ուսուցանէ սա որդւոց մարդկան երկնել յնյ : Խսկ նա ոչ ինչ անսայր նոցա . ուստի և ոչ ինչ կարօտ եղև Պաւղոս վասն այնորիկ տալ պատասխանի :

« Օ ի իբրև մերձ էր , ասէ , Պաւղոս բանալ զբերան իւր , ասէ Գաղիոն ց շրեայսն . եթէ էր ինչ անիրաւութի , այսինքն թէ զիրաց քաղաքիս էր բուռն հարեալ Պաւղոս անիրաւութի , կամ խարդախութի չարեաց , ով շրեայք , 'ի դէպ էր ինձ անսալ ձեզ . ապա թէ ինդիրք ինչ են վասն բանի և անուանց և օրինաց ձերոց , տեսէք ձեզէն , զի դատաւոր այդպիսի իրաց չկամիմ լինել . և մերժեաց զնոսա յատենէ անտի » : Տես թէ որպէս հանձարեղ էր այրն . զի ոչ ասաց վաղվաղակի թէ չէ ինձ փոյթ այդպիսի իրք , այլ թէ էր , ասէ , անիրաւութի բռնութե , ով շրեայք , 'ի դէպ էր ինձ անսալ ձեզ :

ԵՓԲ. Լ՛յգա թէ չար ինչ գործեաց ըստ օրինաց ձե-
րոց, կամ թէ բանք անարժանք կայցեն 'ի վարդապե-
տութե՛ դորա, կամ թէ զոր ինչ դուք ասէք՝ դա ոչ առ-
նու ձեզ յանձն, կամ թէ արատ ինչ ունիցիք դուք
վասն վարդապետութեան դորա կամ 'ի վերայ ա-
նուանց և օրինաց ձերոց, այսինքն վասն արքային Քնի
որ գրեալ է յօրէնան, զայն դուք գիտէք որ ինչ 'ի մի-
ջի ձերում է ձեզոյն առանձինն: Բայց ես ոչ առարե-
ցայ դատել զայնոսիկ՝ որ խափանեն զպահպանութիս
օրինացն:

ՈՍԿ. Լ՛յսու առանց պատուարանի արար զդա-
տաստանն, և պայծառ եղև յաղթութիս: Եւ այս իսկ
մանաւանդ բարձրացոյց հպարտութի՛ր զկորնթացիսն
և անհաւանս արար: Զի ոչ եցոյց զինքն նոցա իրա-
ւամբ դատաստանի իշխան, և ոչ ցածոյց զյանդգնու-
թի՛ն նոցա. զի ոչ էր հաւասար դիմաբանութի՛ք յաղ-
թեւն և իմանալն, թէ չէր փոյթ Գաղիոնի յաղագս
իրին: Եւ առեալ ամենեցուն Յունացն զՍոսթենէս
ժողովրդապետն հարկանէին առաջի ատենին. և ոչ
ինչ զայնմանէ փոյթ լինէր Գաղիոնի: Յոյնս աստա-
նոր զայնոսիկ զՀրեայսն ասէ, որ Յունաց բարբառովն
խօսէին:

ԵՓԲ. Գոյնք հաւատացեալք հարկանէին զՍոսթե-
նէս գլուխ ժողովրդեանն:

ՈՍԿ. Ը՛վ անմտութե՛. զի յետ մերժելոյ յատենէն և
յամօթ լինելոյ, 'ի յանդգնութի՛ն ոչ դադարէին:
Իսկ դատաւորին ոչ ինչ փոյթ էր զայնմանէ. թէպէտ
որ լինէրն, մանաւանդ անարգանք էր նմա. բայց իր-
րև զանիրաւս և զյանդգնեալս թողոյր զնոսա:

ԵՓԲ. Եւ զի մի իրրև տեսանիցէ հոգեմօնն, ինդրի-
ցէ վրէժ անարգանաց նորա, այսինքն զՍոսթենէսայ,
եղև իրրև չտեսեալ, զի առաւել ևս յաճախեսցին
հարուածք նորա:

ՈՍԿ. Բայց տես զհեղութի՛ն նորա. զի գան հարեալ
ոչ ինչ ասէր. այլ և իշխանուի ունելով ոչ ինքն զնոսա
հարկանէր, զի ինքն իսկ ունէր զիշխանութի՛ն ժողովրդ-
դեանն: Այլ քանզի խրատեալ լինէր 'ի ձեռն հաւա-
տոցն, որպէս զի և դատաւորն իմանայր թէ ով ոք էր
հեղ կամ որքան էրնա հանդարտ. և ոչ փորր ինչ շահ

արար աշակերտացն Գաղիոնի մօտ պատահէն: Ուստի յայտնի եղև սոցա հեզու թին և նոցա յանդգնու թին. զի յատեան ածելովն յայտ արարին, թէ գատաւորա կան հրամանի կարօտանան այնպիսի իրողութիւնք: Եւ թէպէտ նա այնպիսի վճիռ ետ, զի մի դարձեալ աշխատ առնիցեն զնա՝ թէ ոչ կամիմ զայդպիսի իրս դատել, ձեզէն տեսէք, որպէս Պիղատոս՝ թէ ըստ ձերոց օրինացն դատեցարուք, իսկ նորա ամենայնի ան իրաւք գոլով իբրև արբեալք և մոլիք այնպէս՝ ի չարիսն յամառեալք լինէին. զորոց արբեցու թին իմաստասիրական հեզու թիւ տանէր Սոս թենէս:

ՅՈՐԴՈՐԱԿ

Սին հեզութե և մեք նամանեսցուք երկայնամիտ լինելովաւ այնասիկ որ հարկանեն զմեզ թնամանօք, անյիշաչարութիւն իբրև խաղաղական օգուլ անխուով պահելով զնաւ խորհրդոց մերոց. զի խաւար է ցասումն և մըրիկ բարկութե: Եւ որպէս նաւակօծեալքն ոչ գիտեն զորինչ՝ ի նաւէն արտաքս ընկենուն, նոյնպէս բարկացեալքն ոչ գիտեն կալ ի բարեկարգութե: Արդ ստասցուք պարծանս յաղթութե յայնպիսի մարտի անցասումն մնալով. զի ոչ անարգեալք, այլ անարգողն մանաւանդ յամենեցունց պախարակի:

ՃԱՌ՝ ՔԱՌԱՍՆԵՐՈՐԴ

«**ՄԱՅՑ** Պաւղոսի տակաւին մնացեալ աւուրս բազումս առ եղբարս»։ Այցելչապէս յետ խռովութեն և հարուածս ընդունելոյ Սոսթենեայ ոչ փութով մեկնի Պաւղոս 'ի նոցանէ . զի պարտ էր նմա տակաւին կալ սպասել, զի մխիթարեցէ զնոսա և հաստատեացէ մի ձանձրանալ 'ի նեղութիս : «Եւ հրաժարէր նաւէր յԱտորիս» . զի ցանկայ հասանել դարձեալ յԱտորիս : Քանզի անդանօր հրամանս առ զաշակերտեալնս կոչել քրիստոնեայս , անդանօր աւանդեալ եղև 'ի հոգւոյն 'ի պաշտօն առաքելութեն . տուեալ նմա ըզնորհանն այլ ըստ որում պարտ էր զիրօն ըստ աւանդելոյն նմա անդէն վճարել : «Եւ ընդ նմա Պրիսկիլա և Ակիւղաս փոքրեկ զգլուխ 'ի Կենքրա քանզի ուխտադիր էր»։ Տես յորժամ օրէնքն քակեալ եղեն , թէ որպիսի մտօք տակաւին սոքա ըմբռնեալ էին . զի այն իսկ հրէական էր , խուզել զգլուխն ըստ ուխտի : Արդ եկն ընդ Պաւղոսի 'ի Կենքրոն 'ի նաւահանգիս տրն կորնթացոց . զի անդ եղեալ էր ուխտ Ակիւղաս խուզել զհերս իւր . պարտ էր և պատարագ մատուցանել 'ի ձեռն քահանային , յոր ինչ եղև լեալ 'ի յանցանս՝ քաւել 'ի ձեռն այնորիկ :

ԵՓՐ . «**Մայց** իբրև եհաս յԵփեսոս , զնոսա եթողանդ և ինքն մտեալ առ ժողովուրդն խօսէր ընդ շրեայսն . և աղաչեցին զնա բազում ժամանակս լինել անդ , և ոչ առ յանձն . այլ հրաժարեալ 'ի նոցանէ : Դարձեալ շրջեցայց առ ձեզ այլ կամօք»։ Արդ եկն եհաս Պաւղոս յԵփեսոս և ընդ նմա ահիւղասեանք , և խօսեցաւ 'ի ժողովրդեանն անդ . և խնդրեցին 'ի նմանէ զի մնասցէ առ նոսա , և ոչ առ յանձն ընդերկարեալ առ նոսա . վասն զի ուր փութացեալն էր , պարտ էր դնալ : Սակայն ոչ պարզաբար եթող զնոսա , այլ հանդերձ խոստումս միւսանցամ ակն ունել զալքս

տեան նորա կամօքն նյ, Զայս ասէ, զի և զնձ աղա-
լէսցեն վասն գալոյ նորա, զի կամեսցի :

ՈՍԿ. Եւ թող նա զակիւղասեանս յԵփեսոս, յիրա-
ւի իբրու զուսուցիչս. քանզի այնչափ ժամանակս ընդ
նմա լինելով, բազում ինչ ուսեալ լինէին: Եւ սակայն
'ի հրէական սովորութեն դեռ ևս ոչ լինէր զնոսա հե-
ռացուցեալ: Ահաւասիկ և կին 'սք և պարկեշտ Պրիս-
կիղա ուսուցիչ յաւետարանն. և քանզի ոչ կամեցաւ
զնոսա ընդ իւր շրջեցուցանել, այլ թողուլ զնոսա
յԵփեսոս, բայց նոքա յետ այնորիկ 'ի Կորնթոս բնա-
կեցան: Այլ և մեծամեծ իրս վկայէ զնոցանէ 'ի բա-
զում տեղիս, և առ հռովմայեցիսն գրելով ողջունէ
զնոսա: Ուստի ինձ թուի, թէ յետ այնորիկ չոգան 'ի
Հռոմ իբրև թէ գաւառասիրելով զտեղիսն զայնոսիկ,
ուստի արտաքս անկեալ եղէն յաւուրս Կղոզեայ, Եւ
որպէս ինձ թուի թէ և այլ հաւատացեալքն անտի
էին 'ի Հռոմայ, և դարձեալ անդ էին ժողովեալ յա-
ւուրս Եւերոնի. զի ոչ վաղվաղակի 'ի բաց ելեալ լինէ-
ին բնաւին 'ի հայրենի տեղեացն:

« Ըմբարձեալ յԵփեսեայ և իջեալ 'ի Կեսարիա,
եւ և ետ ողջոյն եկեղեցւոյն յԵրուսաղէմ: Ոչ եթէ
վայրապար փութացեալ լինի զգալն 'ի Կեսարիա, և
միւսանգամ և յայլ գաւառսն, այլ զի իւրով գալըս
տեամբն հաստատեցէ զնոսա: «Եջ յԱնտիոք և ե-
ղեալ անդ ժամանակին, եւ շրջել կարգաւ ընդ գա-
ղատացւոց յաշխարհն և ընդ Փոիւզիա, հաստա-
տել զամենայն աշակերտեալսն»: Յայն տեղիսն հա-
սանէր՝ յորս նախ ժամանակաւ ինքն եկեալ էր:

« Հրեայ ոմն Ապեղէս աղեքսանդրացի յազգէ, այր
ճարտարաբան, եկն եհաս յԵփեսոս. և էր զօրաւոր
գրովք: Ահաւասիկ և բանաւորք այնուհետեւ փու-
թացեալ լինէին և յաշակերտութի յօժարեալ: Տե-
սանէս զաճումն քարոզութե: « Սա էր տեղեկացեալ
ճանապարհին տեառն և եռայր հոգւով. խօսէր և
ուսուցանէր ճշմարտութի վասն Յոթի. գիտէր միայն
զմկրտութին Յովհաննու. սա սկսաւ համարձակել
յանուն տեառն 'ի ժողովրդեանն. և լուեալ 'ի նմանէ
Ակիւղայ և Պրիսկիղայ աւին զնա առ իւրեանս, և
ճշմարտագոյնս պատմեցին նմա զճանապարհն նյ: »

Արդ զիւրդ, եթէ զմկրտութիւն Յովնաննու միայն զիւտեր նա, որպէս եռացեալ լինէր հոգւով զի հոգին այն պէս ոչ լինէր տուեալ : Եւ եթէ որ յետ նորա էին զորոց զկնի սորա պատմէ Ղուկաս՝ կարօտացան մկրտութեն Քնի, յոյժ մանաւանդ և սա և ս կարօտացեալ լինէր : Ադա զինչ պարտ է ասել . զի ոչ եթէ վայրապար եղ զերկաքանչիւրան ըստ կարգի, այլ զի ուսցուք զճմարիտն : Արդ կամ էր սա՝ ի հարիւր և քօանիցն մկրտելոց հոգւովն ընդ առաքեալն, կամ թէ ոչ այնպէս, ասեմք՝ թէ որ ինչ եղև առ Վուռնելիոս, եղև և առ սմա : Բայց ինձ թուի՝ թէ ոչ ինչ գիտէր ստուգապէս եթէ մկրտելնմա ոչ է պարտ : Զի թէ որք ՚ի Յովնաննէ էին մկրտեալք և յետ այնորիկ դարձեալ մկրտեալ լինէին, ապա և աշակերտացն Յովնաննու ոչ էր պարտ զնոյն առնել : Այլ տես զնա . ստուգապէս խօսէր յազգս Քնի, բայց կարօտ էր այլում ստուգութե վարդապետութե : Եւ այսպէս ոչ գիտելով զամենայն, վասն բազում յօժարութե լցաւ հոգւով սրբով որպէս կուռնելեանքն : Աւրեմն սմին վասն տնօրինեաց հոգին թողուլ Պաւղոսի զակիւղասեանն յԵփեսոս, որպէս զի սորա՝ ի նոցանէ ծանուցեալ զուղիղն, այնպէս զօրացեալ մտցէ ՚ի Վորնթոս : Եւ տես զամենայն ինչ նոցա հաւատով և սիրով ուղղեալ, և ոչ ուրեք մախանք կամ յաշաղանք . Ակիւղաս ուսուցանէ, և մանաւանդ ինքն ուսանի . խորհեցաւ Պաւղոս զնալ, և գրով ուղարկեն :

« Իբրև կամեցաւ, ասէ, նա զնալ յԱբայիա, որ է Ելլադա բնաշխարհն կորնթացոց, յօժարեալ եղբարցն գրեցին առ աշակերտն ընդունել զնա . որ իբրև եհաս անդր, բազում նպաստ լինէր հաւատացելոցն, քանզի պնդագոյն զշրեայնն յանդիմանէր հրապարակաւ, ցուցանելով գրովք թէ Քնն է Յն : Արդ ակիւղասեանք ստուգագոյն պատմեցին Պաւղոսի . այլ և յորդորեցին և ս զնալ յԱբայիա, զոր և ինքն փութայր . և ետուն նմա գիր վկայութեան, զի անձանութ էր այրն : Իսկ նորա զնացեալ բազում օգուտ գործէր . զի յոյժ հմուտ էր գիտութե գրոց, որպէս վկայեաց : Եւ զի հաստատուն էր հաւատովք, և այնպէս զգնացան կատարէր քարոզելով . զի վասն սորա գրէ

Պաւղոս . « Ես տնկեցի , Ապողոս ջուր ետ » . զի յետ մեկնելոյն Պաւղոսի եհաս 'ի Կորնթոս . զոր և դարձեալ եղբայր իւր անուանէ ասելով . « Այլ վասն Ապողոսի եղբոր յոյժ աղաչեցի » : Արդ սա 'ի հանդիսի յանդիմանելով զՀրեայնս՝ զհամարձակութիւնս զիւր ցուցեալ լինէր . և համարձակութիւնս զօրութիւնս զոր ունէր 'ի գրոց՝ լինէր յայտնի . իսկ հաւատեալ 'ի գրոց ցուցանելովն հմտութիւն երեւիւր իմաստութեանորա : Քանզի ոչ համարձակութիւնս միայն ըստ ինքեան կատարէ ինչ՝ ոչ գոյով զօրութեան , և ոչ զօրութիւն վճարէ ինչ՝ ոչ գոյով համարձակուէ . որով և նա յանդիմանէր զՀրեայնս , ասէ : Իսկ զիւրդէ , զի ոչ երբէք սոցա ինչ առնէին , այլ 'ի վերայ Պաւղոսի հանապազ լինելին հասեալ : Ճահողակի այս ինչ լինէր . վասնզի գիտէին զի նա էր գլուխ ամենեցուն , և զի մեծ էր անուն և գործքն Պաւղոսի :

ԵՓԲ . Ամենեցաւ Պաւղոս 'ի կամս անձին իւրոյ գրնալ յերուսաղէմ . և դարձոյց զնա Հոգին յԱսիա , զոր և պատմէ : « Եղև , ասէ , մինչդեռ Ապողոսն 'ի Կորնթոս էր , Պաւղոսի շրջեալ զվերին կողմամբն , և իջեալ յԵփեսոս և գտեալ զոմանս յաշակերտացն՝ ասէ ցնոսա , եթէ Հոգի սուրբ ընկալարո՞ք 'ի հաւատալն : Եւ նոքա ասեն . այլ և ոչ եթէ Հոգի սուրբ գուցէ՞ լուեալ է մեր : Եւ ասէ . իսկ յինչ մկրտեցարո՞ք : Եւ նոքա ասեն . 'ի Յովհաննու մկրտութիւն : Եւ ասէ Պաւղոս . Յովհաննէս մկրտեաց մկրտութիւն ապաշխարութեանմ ժողովրդեանն և ասէր , զի որ գալոցն է յետ նորա , 'ի նա հաւատասցեն , այսինքն 'ի ՔնՅԾ : Իբրև լուան , մկրտեցան յանուն տեառն Յոնի Քնի : Եւ 'ի դնելն 'ի վերայ նոցա Պաւղոսի զձեռն՝ եկն Հոգին սուրբ 'ի վերայ նոցա . խօսելին լեզուս և մարգարէանային . և էին ամբն արք իբրև երկոտասան » :

ՈՍԿ . Ավերին կողմանս զնախկին յիշեցեալսն ասէ զգաղատացոց աշխարհն , և զորս ըստ Կեսարիայ Կապադովկիոյ և զայլն . ընդ որս շրջեալ այնպէս եկն յԵփեսոս : Եւ գտեալ զոմանս յաշակերտացն՝ ոչ ասաց նոցա թէ հաւատայք 'ի ՔնՅԾ , այլ թէ Հոգի սուրբ ընկալարո՞ք , զի գիտէր թէ չունէին . բայց կամեցաւ հարցանել ցնոսա յորդորելով զմիտս նոցա , զի իմա-

ցեալ զիւրեանց պակասունին, զկատարեալն խնդրեսցեն: Եւ տես, զի բազում իրօք սոքա հեռագոյն էին յԱպողոսէ, որք և ոչ գիտէին եթէ է իսկ Հոգի Կրօն և ոչ միայն վասն Հոգւոյն չէին լուեալ, այլ և զՔրօն գիտէին: Իսկ յինչ, ասէ, մկրտեցայք. ՚ի Յովհաննու, ասեն, մկրտուածին:

Ըրդ սոքա յեփեսոս գոլով ուստի արդեօք ունէին զՅովհաննու մկրտութիւնն: Թերևս գնացեալ եղեն յայնժամ յերուսաղէմ, յորժամ մկրտէրն Յովհաննէս. որ և ստոյգ այսպիսի է: Եւ զիարդ ապա և նոքա որպէս զԱպողոս Հոգի ոչ ունէին, Զի ոչ էին եռացեալ այնպէս, և ոչ յօժարաբար մտադիր եղեալ զրոյ ամենայնի որպէս նա: Զիարդ և սոքա ոչ առնէին մկրտութիւն: Այլ նորայն, ինձ թուի թէ այս իսկ է, զի բազում էր համարձակուի նորա: Բայց Պաւղոս ոչ ասաց ցնոսա թէ չէ ինչ մկրտութիւն Յովհաննու, այլ թէ անկատար է. նա և ոչ զայս յաւել, այլ միայն ուսուցանէր՝ թէ Յովհաննէս յապաշխարութի մկրտեաց, զի հաւատացեն յայն՝ որ եկն զինի նորա Քրօն: Տեսանէս, զի և ՚ի Քրօն ոչ հաւատային նոքա տակաւին. յայտ է յասելոյն՝ թէ «Ի նա որ գալոցն է յետ նորա, մկրտեսցին» . վասն որոյ և մկրտեցան յանուն տեառն Յոնի:

Այլ ընդէր ջրոյ պէտք էին կրկին, զի ՚ի ջուր մկրտեալ էին: Հարկաւորապէս. զի զկատարեալ խորհուրդն աւանդէր նոցա, և զօրինակն ՚ի բաց բանայր. զի այն Յովհաննուն յայսպիսի բիւրապատիկ պարգևաց լոկ էր, զի ջուր միայն էր և ապաշխարութի. ուստի և անկատար էր, և ոչ Հոգի և մեղաց թողութի: Որով և ՚ի նոյն իսկ ՚ի նորոգ մկրտութիւն մարգարէանան. զորս և Յովհաննէս քարոզութիւնն ՚ի նոյն իսկ Քրօնն ածէ ցնոսա, և ցուցանէ թէ մկրտութիւն Յովհաննու զայս ուսուցանէ յասելն՝ թէ «Ես մկրտեմ զձեզ ջրով. այլ որ զինի իմ գալոցն է, նա մկրտեսցէ զձեզ Հոգւով սրբով և հրով»: Եւ ՚ի դնելն Պաւղոսի ՚ի վերայ նոցա զձեռն, առին Հոգի սուրբ. խօսէին լեզուս և թարգմանէին յանձանց:

Իայց տես զհաւատս նոցա և զգիւրահաւան բարս, որով և յայտնապէս զՀոգին սուրբ ընկալան նման

առաքելւոցն, և զչնորհացն և ս առաւելու թի. զի բազում նշանօք, լեզուօք և մարգարէութեամբ զՀոգին առնուին. և յայնժամ մարգարէութիւն յաճախ տայր Հոգին: Բայց բազումք լինէին և սուտ մարգարէք ընդդէմ ճշմարտութեն: Իսկ որ ՚ի Հոգւոյն սրբոյ ընկալեալք էին, յոյժ երևելիք լինէին: Այլ զայս ասասցուք, թէ նշանք ոչ ինչ են օգուտ առ ՚ի կատարումն. զի որպէս որք ոչն տեսին զՔս և Հաւատացին՝ երանելիք են, նոյնպէս և որք առանց նշանաց Հաւատացին. իսկ նշանախնդիրքն յանդիմանին ևս. «Թէ ոչ նշանս ինչ տեսանէք, ասէ, ոչ Հաւատայք»: Արդ զի զգլուինն ամենայն բարութեց առաք մկրտութիւն, այսինքն զթողութի մեղաց, զսրբութի, զհաղորդութի ընդ Հոգւոյն, զորգեղբութի, զկեանս յաւիտենականս, զինչքան զայս աւելի նշանս կամիցիմք: Եւ զի նշանք խափանեցան, այլ ունիմք Հաւատս, յոյս, սէր, որ կան և մնան:

ՅՈՐԴՈՐԱԿ

Օ այսօսիկ խնդրեսցուք, յաւետ զսէր՝ որ մեծ է քան զամենայն. որոյ առ մեօք անուեն է մնացեալ միայն, իսկ գործ և ոչ ուրեք. այլ օգտեալք ՚ի միմեանց: Եւ մի ասիցես թէ մի եկեղեցի ունիմք և մի աւանդութի, և յիւրաքանչիւրում աւուր ընդ միմեանս ոչ մարտնչիմք. այլ զի ոչ սէր Հարազատ և անսասանելի ունիմք, պատանաց և սպեղանեաց պէտս ունիմք: Արդ որպէս ուղղեսցուք զսէրն: Չքացբարձականս սիրոյ ՚ի բաց խզեսցուք. նախ զմախանս և զյաչաղանս և զայլս: Եւ չէ այս բաւական՝ ոչ լինել ումեք թրչ նամի. այլ պարտ է և սիրել: Եւ այս զիարդ ուղղի աստ: Չինչ առնէ տափումն մարմնոց. ոչ ապաքէն գեղեցկութի մարմնոյ. ապաքէն և հոգիս գեղեցիկս կալցուք, և իցեմք իւրեանց սիրելիք: Զի ոչ միայն սիրել պարտ է, այլ և սիրեցեալ լինել: Նախ զի քան զամենայն ինչ զայս ուղղեսցուք՝ զի նախ սիրեցեալք լիցուք, և այնպէս ուղղի և սիրեն ևս:

ՃԱՌԻ ՔԱՌԱՄՆԵՐՈՐԴ ԵՒ ԱՌԱՋՆԵՐՈՐԴ

«**Լ**Ի մտեալ 'ի ժողովուրդն համարձակէր ամիսս երիս . խօսէր և ուսուցանէր վասն արքայու թինն յոյ» : Տեսանէս , յամենայնի զանձն իւր նախ 'ի ներքոյ ժողովրդոցն շրէից մըցեալ , և այնպէս արտաքս ելանէ . քանզի ամենայնի , որպէս ասացի , նախ 'ի նոցանէ կամի առնուլ բանի պատճառ , զի հեթանոսքնախանձեցին և դիւրաւ զնա ընկալցին , և հեթանոսացըն ընդունելով շրեայք զզջացեալ լիցին : Իսկ զինչ համարձակելն իցէ . ոչ խոշորուի ինչ կամ խտտութի , այլ զի առ վիշտսն ճակատամարտեալ յայտ յանդիման լինէր բարբառեալ , ոչ թաքուցանելով զաւանդն , զի յազագս քաղցրագոյն իրաց լինէր խօսեցեալ : Ո՞վ որ յազագս թագաւորութեան երկնից լսելով ոչ լինէր յօժարացեալ . սակայն անհաւան շրեայքն ոչ . վասն որոյ ասէ . « Իբրև ոմանք խտանային և ընդդէմ դառնային բամբասել զճանապարհն առաջի բազմութեանն , մեկնեալ 'ի նոցանէ որոշեաց զաշակերտսն . հանապազօր խօսէր 'ի դիւանին Տիւրանեայ ուրումն» : Յիրաւի զքրիստոնէութիւն ճանապարհ կուէին . զի նա է ճանապարհ , որ տանի յարքայութիւն երկնից :

«**Մ**եկնեալ , ասէ , որոշեաց զաշակերտսն» : Եհատ զչարաբանութի նոցա , և ոչ կամեցաւ բորբոքել զնախանձն , և ոչ 'ի հեռի յօլովագոյն արկանել : Եւ զի պարտ էր 'ի նոցունց 'ի բաց կացուցանել զաշակերտսն , 'ի նոցանէ կամէր առնուլ սկիզբն՝ զի արժան էր ոչ ընդ նոսա ժողովել նոցա , և ոչ վայրապար առնել զայն . վասն որոյ և ստեպ թախանձեցուցանէր զնոսա փոխել յանհաւանութի : Եւ զի բամբասել ասէ նոցա զճանապարհն , յայտ առնէ զի շրեայք ոմանք չարաչար բանիւք զրպարտէին զՊաւղոս , որոց ոչ ինչ չարասէր ընդդէմ նոցա չարաչար 'ի նոցունց լսելով : Զի

աստուստ և մեք ուսցուք մի ընդդիմադրել չարաբանողացն : Եւ զի խօսէր ինքն ըստ իւրաքանչիւր աւուր , և այնու ընտանեցուցանէր զբազումս , և չարաչար կրելովն ոչ 'ի բաց վազեաց 'ի նոցանէ և ոչ բաժանեալ եղև :

« Հանապազ խօսէր 'ի դիւանին Տիւրանեայ » : Տես զլաւութի առնն , զիարդ լինէր վերակացու և քարոզիչ զերկեամ' մի . թերևս 'ի գլխաւորացն գուլովսա և իւրքն , քանզի հաւատացեալք էին և յոյժ հաւատացեալք . վասն որոյ իբրև զմեծ արանց պատմէ մեզ զնոցանէ՝ թէ հանապազ խօսէր 'ի դարպասին Տիւրանեայ , Հայեաց դարձեալ զի բամբասողացն զվարդապետութիւն աստանօր ոչ տայ պատասխանի Պաւղոս , որպէս և այլուր . իբրու զի 'ի հեթանոսացն հաւատալով բազմանային , այլ և 'ի Հրէիցն ոչ սակաւք : Վասն որոյ և զտեղի վարդապետութեն ոչ վայրապար ուրուք , այլ ուր էր պարապումն 'ի խռովութեց' ինդրեցին յապարանսն Տիւրանեայ : Որով և զաշակերտսն խրատեցին ոչ յառնել 'ի տրտմութի ընդդէմ բամբասողացն . այլ տեղի տալով և մեկնելով զաշակերտսն 'ի ժողովարանէն Հրէից . և ոչ գնալով 'ի քաղաքէ անտի՝ ցուցանէին յամենայնի վանել զլաւութիւն վասն փրկութե նոցա :

« Այս եղև զերկեամ' մի , մինչև ամենայն բնակչացն ասիացւոց լսել զբանն տեառն , Հրէից և հեթանոսաց » : Տես որչափ ինչ 'ի գլուխ եհան վերակացութի բանին և դադարելն անտանօր Պաւղոսի . զի յերկարեցաւ քարոզութիւն , մինչ զի ամենեցուն լսելի եղև բանն , որք միանգամ բնակեալ էին յԱսիա :

« Այլ զօրութիւն ոչ սակաւս առնէր անձ 'ի ձեռն Պաւղոսի . մինչ զի 'ի հիւանդս տանել 'ի քրտանէ նորա թաշկինակս կամ վարչամակս , և մերժել 'ի նոցանէ ախտիցն և այսոց չարաց ելանել » : Տեսանես ըզօրութի մարմնոյն , զիարդ զգեցեալ էր զՔթ . և որպէս Պետրոս յերուսաղէմ , սա աստ գործէր զբժշկութի ամենեցուն . ոչ ինքեամբ միայն և ձեռն դնելով , այլ և 'ի ձեռն հանդերձիցն բացէ 'ի բաց . ոչ զգենլով և եթ նոցա , այլ և առեալ 'ի վերայ ինքեանց դրնէին զդաստառակն , զզուներն կամ զգօտին , և ան-

դէն ողջանային 'ի ցառոց , և չար գեքն ելանէին : Եւ վանն այնորիկ ոչ թողացուցանէր նմա երբեմն Հոգին գնալ յԱսիա , այսմ ժամանակի սպասելով որպէս ես կարծեմ :

Ըրդ որք յելլենացւոցն թերահաւատեն վանն յարուածեն՝ զմոխիրն տեսանելով 'ի գերեզմանս , զայնպիսի գործս տեսեալ հաւատասցեն նոյ զօրուեն : Ուստի և այսպիսի իրք գործէին , զի չարաբանքն՝ պարտեալ յամօթ լիցին , որք զնոյն իսկ զաւանդութիւն գաւաճանէին բամբասելով : Բայց դու միտ դիր , քան զի արտաքնոցն փորձութիւն դադարեալ եղեն առ ժամանակ մի . իսկ որ առ 'ի դիւացն՝ սկսեալ եղև :

« Յանդգնեցան ոմանք և 'ի շրջող Հրէիցն՝ որք երդմեցուցիւքն էին , անուանել 'ի վերայ այնոցիկ՝ որ ունէին այսս չարս՝ զանուն տեառն Յօի , և ասէին . երդմեցուցանեմ զքեզ 'ի Յօ զոր Պաւղոս քարոզէ , ել 'ի դմանէ » : Տես զհրէական հեղգութիւն 'ի հաւատս , և զտարտամութիւն . տեսանէին զհանդերձսն Պաւղոսին երգործելով զմեծամեծս , և 'ի միտ ոչ առնուին . զի զինչ մեծ քան զայսպիսի իրս լինիցի : Իսկ նոքա փոխանակ հաւանելոյ և զղջանալոյ , 'ի հակառակն և սդառնային : Բարէ թէ որչափ էր հաւատոցն զօրութիւն և որչափ անուանն Պաւղոսի , որով և նոքա 'ի նախանձ գրգռեալք 'ի փառասիրութիւն . որպէս և Սիմոն մոգ սակս հաւատարիմ և իրաւ զինքն երևեցուցանելոյ խնդրէր զչնորհան Հոգւոյն՝ սքլ , նոյնպէս և սոքա յաղագս նորին իրաց զայն ինչ առնէին սակս իրաւացուցանելոյ զինքեանս յոր ինչ կամէին : Տես , հաւատալ ոչ կամէին , այլ 'ի ձեռն անուանն կամէին հանել զդւանս : Ո՛վ բազում տարտամութե՛նոցա և անհաւանութեն , զի եղկելիքն և թշուառականք ոչ սացին դիւին թէ հաւատամք 'ի Յօ զոր Պաւղոսն քարոզէ , զի ասելով զայս առաւել պայծառագոյնք լինէին և յաղթէին նմա , և այնու ընտանացեալ լինէին տերութեն Յօի . այլ թէ երդմեցուցանեմք և հրամայեմք քեզ յանունն Յօի , ել 'ի դմանէ :

Ըրդ ասաց Ղուկաս և զբանս անմտութեան նոցա ,

ցուցեալ թէ որպէս առանց ծանրութեւ պատմէ զամենայն, և ոչ զաւաճանէ ինչ կամ պարսաւէ զնոսս. զի այս իսկ առնէր զառաքեալն սքանչելիս, հեղութի և անյիշաւարութի նոցա: Զի այն ինչ որ առ փիլիպեցիսն եղև, զհուճապն ասեմ զոր հասոյց Պաւղոս հարցկին դիւի՛ որ էր յաղախինն, և զսոսա հերքէր որդարսոհ առնել, բայց ոչ առնուին ՚ի միտ: Եւ ընդէր արդեօք շրջէին երդմնեցուցիչն այն: Սակս փարթամութեւ ընչից ժողովելոյ. բստ որում և ոչ պատմէին զիրսն. այլ իբրև շուրջ ընթացեալ լինէին այնուհետև քարոզելով, որով և վտանգեալ լինէին:

«**Ե**րկուսն Սկեւեայ հրէի քահանայապետի եօթն որդի, որ զայս առնէին»: Ասէ և զանուն հօրն նոցա և զթիւ նոցա, տալով այնոցիկ որ յայնժամ էին՝ նշան հաւատարմութեւ գրելոցն անի: Զայս առնէին՝ ասէ: Եւ զհարդ արդեօք Պաւղոս ոչ երբէք սատէր նոցա: Կարծեմ թերևս անտես գող իրացն և ոչ յայտնի. զի զանխաբար զայս առնէին, մինչև յանդիմանեալ եղև տկարութի նոցա. վասն որոյ և այնպէս անօրինեալ եղև, զի ամենեցուն իբրն յայտնեցան: Եւ դու միտ դիր հրէական պիղծ մտացն, զհարդ մոլեալ լինէին տակաւին յետ այնքան ներգործութեցն, յանուանէ անտի Յօի իրաւանալ կամելով. զամենայն ինչ վասն փառաց և ընչից առնէին. զՅօ ասէին և զՊաւղոս յաւելուին, իբրև մեծ զոմն կարծելով զնս. իսկ զՅօ ոչ այնպէս կարծէին:

ԵՓԲ. «**Պ**ատասխանի ետ այսն չար և ասէ ցնոսս. զՅօ գիտեմ և զՊաւղոս ճանաչեմ. բայց դուք ո՞վ էք»: Դուք, ասէ, խզեալք որդնարեկեալք ՚ի դիւաց, ո՞վ էք որ դիւաց ելանել հրամայէք. և կարճատեաց զնոսս դեն յաջ և յահեակ և եհան զնոսս ՚ի տանէ անտի:

ՈՍԿ. «**Օ** ՚ի վազեաց, ասէ, այրն՝ յորում էր այսն չար, և ըմբռնեալ զերկոսին յաղթահարեաց զնոսս, մինչև մերկս և վերաւորս փախել ՚ի տանէ անտի»: Ապա ուրեմն անուեն Քօի ոչ ինչ առնէ, եթէ ոչ լինի հաւատով կարգացեալ: «**Ո**ր հաւատայ յիս, ասէ, մեծագոյնս առնէ գործս բան զոր էս գործեմ: Իսկ այս կատարեցաւ ՚ի ստուեր մարմնոց առաքելոցն. որ և ՚ի հանդերձիցն Պաւղոսի լինէին սքանչելիք:

Բայց դու տես և զարմացիր զիարդ իւրովք դոր-
ծովքն զիւրոն ահամայ քակէր սոտանայ, և զիարդ
զէնք նորա 'ի հակառակու թի նմա 'ի կիր արկեալ
եղէն. զի արժան է աստանօր սքանչանալ թէ ընդէր
դէն ոչ լինէր գործակից երդմնեցուցացն մուրորու-
թե՛, այլ կշտամբէր զնոսա և զխարէութի նոցա յայտ-
նի առնէր: Ինձ թուի թէ յոյժ սրտմտեալ էր, որպէս
թէ մի որ, որ յաղագոս չարութե և վատթարութե
իւրոյ 'ի վերջին տագնապն անկեալ և 'ի թշնամեց
ուսեմնէ տառապելոյ կշտամբեալ լինի, ոչ կարէ հան-
դարտել, այլ զամենայն իսկ զցասուսն 'ի նա կամի
թափել. այնպէս լինէր անդ:

Եւ զի մի թուիցի արհամարհիլ և դատարկանալ
անունն ԅԾի, նախ խոստովանեալ դիւին՝ ասէ, զՅ՞՞՞զի
տեմ. և ապա էառ իշխանութի 'ի վերայ նոցա. ցու-
ցանելով թէ ոչ էր անուանն տկարութի, այլ նոցունց
պատրանացն էր ամ. զի թէ ոչ էր այնպէս, առ Պաւ-
ղոսիւ ընդէր ոչ այնպէս լինէր. զոր և ասէր դէն՝ թէ
զՊաւղոս ճանաչեմ, դուք ո՞վ էք: Ասան որոյ կռփեաց
խտագոյնս զգլուխս նոցա և սատառեաց զհանդերձս
նոցա: Աստ ցուցեալ լինի դիւացն զօրութի մեծ իմն
գոլով յորժամ ընդ անհաւատիցն ունիցի կռիւ:

Եւ վասն էր ոչ ասաց թէ ո՞վ է ԅԾի Գանգի երկու-
ցեալ լինէր, զի մի և ինքն խոսիւ տանջեսցի. այլ և
կեղծաւորէր, իբրու զի թողութի լիցի նմա և մի մատ-
նեսցի 'ի տանջանս յառաջ քան զժամանակն տանջա-
նաց. և նորա փոխարէն վրէժս գտեալ լիցին առեալ,
որք խաղային 'ի վերայ նորա. զՅ՞՞՞զի տեմ, ասէր, և
զձայն Պաւղոսի ճանաչեմ զոր քարողէ: Արդ պարտ էր
ասել թէ զփրկիչն տիեզերաց զյարուցեալն 'ի մեռե-
լոց. այլ ոչ կամէին խոստովանել զփառս նորա, ըստ
որում յաղթահարեալք էին 'ի նմանէ: Այլ առ մո-
լիան ասէին, զի դուք ոչ հաւատայք, այլ միայն անուամ
բն շատանայք ասել զայդ, իմք էք և ոչ Գ՞՞՞ի, դիւ-
րայողթք էք և տկարք: Բազում էր առ նոսա ցասուսն
դիւին. զՅ՞՞՞զի տեմ, ասէ. ապա դուք յամօթ լերուք
ոչ դիտացեալքդ. զՊաւղոս ճանաչեմ. մի կարծէք թէ
արհամարհելով ինչ զնոսա ոչ առնեմ զասացեալքդ
'ի ձէնջ, Բազում էր երկիւղ դիւին զոր ունէր յա-

նուանէն Յիսուսի , և ոչ իշխէր այլ ազգ ասել կամ առնել ընդէր առանց բանիցս այսոցիկ ոչ պատառեաց զհանդերձսնոցա , և այնպէս ելից զցասումն իւր : Այլ քանզի երկնէն և դողայր յանմատոյց զօրութենէն , թերևս և ոչ այնչափ զօրացեալ լինէր եթէ ոչ նախ ասացեալ էր զայն :

Արդ տես յամենայնի զդևսն բարեմտագոյնս , և ոչ յանդգնելով հակառակախօս եղեալ և ոչ ամբաստանեալ շառաքեալսն և ոչ զՔրիստ Չիանդ ասելին « Գիտեմք զքեզ , սուրբք այ » . և դարձեալ « Գուես Որդի այ » . իսկ աստ , « Աբբա այս ծառայք այ բարձրելոյ են » . և « ՉՅս գիտեմ և զՊաւղոս ճանաչեմ » : Չի յոյժ երկնէն զդողային և ՚ի սրբոցն և ս , զի այնչափ ունէին զօրութիս , ըստ որում յիշէ զՊաւղոս , զի մի կրեսցէ զայն ինչ զոր կրեաց հարցուկն որ յաղախինն : Արդ զայնպիսի վիշտս կարէին և առաքեալքն հասուցանել խաբեբայիցն . զի թէ դործողացն զայնպիսի հարուածս՝ այսինքն գիւացն՝ յայլթողք էին , յոյժ մանաւանդ և նոցա . բայց առ ժամայն ոչ արարին . ուստի ցուցեալ լինի նոցին հեղութիսն , զի հաւածեալք գողով ՚ի նոցունց՝ այնպիսի իրս չառնէին . և հաճեցուցեալ նոյգեքն՝ զնորին հակառակն ընդ նոսա գործէին :

Արդ այս ինչ և առ Քսիւ եղև , զի անուամբն և օտարքն դևս հանէին : Բայց յայնժամ ոչ եղև արգելեալ պատուհասիւ , զի դեռ սկիզբն էր իրացն : Նա և Յուդա գողացեալ ոչ լինէր պատուհասեալ . իսկ Անանիա և Սափիրա և սպանան և ս : Բաղումք ՚ի շրէիցն հակառակելով ընդ աւետարանին՝ ոչ կրեցին չար . իսկ Ելիմաս կուրացեալ եղև . զի ոչ ամենեքեան առտէն դատին , սակայն այլովք փորձութքն . և այս իսկ եղև պիտանացու և յօգուտ բազմաց :

« Օ ի այս յայտնի եղև , ասէ , ամենայն շրէից և հեթանոսաց , որ բնակեալ էին յԵփեսոս . և անկաւ երկիւղ յամենեկին ՚ի նոսա , և մեծանայր անուն տեառըն Յսի : Տես ամենայն ուրեք զմարդիկ ոչ այնպէս քաղցրագունիւք դարձուցեալ , որպէս ահագին իրօք և երկիւղուն : Չի յորժամ Անանիա և Սափիրա պատուհասեցան , եղև երկիւղ մեծ ՚ի վերայ ամենայն եկեղեցւոյն , և յայլոցն ոչ որ իշխէր մերձեանալ

ի նոսա . և աստանօր յորժամ վարչամակաւ և այլովք հտաւովք զամենայն ցաւս բժշկէին և զգեան հանէին, ոչ այնպէս զգաստանային . և յետ այնորիկ յորժամ գեւն զայն գործէր, յայնժամ երկիւղիւ մեծաւ ըմբռնեալ լինէին: Եւ մեծանայր անուն տեաւ ռն Յոթի . մինչ զի զայն որ իբր ընդ խաղ իմն արկանելով վայրապար յիշէին, յայնմ՛հետէ և ոչ միոյ ուրուք համարձակել յայն, և ոչ ըստ հանդիպման անգամ զանունն իշխէին անուանել . այնպէս անկաւ երկիւղ մեծ ՚ի վերայ ամենեցուն:

Եւ ոչ այս միայն, «Այլ և բազումք ՚ի հաւատացելոցն գային և խոստովան լինէին և պատմէին զգործս իւրեանց» : Տեսանէս զի երկիւղն և ՚ի խոստովանութի արկ զնոսա . քանզի յայանի երևեցոյց նոցա թէ ամենադէտ է անձ, և նորին յառաջգիտութե մեծագոյն իսկ նշանս այս եղև . յորմէ զարհուրեալ իւրաքանչիւր, ՚ի խոստովանութի փութային նախ քան թէ առ ՚ի դիւացն յանդիմանեալ, և անձամբ զանձինս քննէին՝ երկնչելով զի մի զնոյն կրեսցեն: Զի յորժամ օգնական և մարտակից նոցա դէքըն այսմ ամբաստանողք իցեն, որպիսի այնուհետև յոյս կայցէ նոցա . բայց միայն գործեցելոցն խոստովանութի: Զի այնչափ հաստատեալ զօրացան ՚ի հաւատս, զի երկնչէին ինչ թաքուցանել ՚ի Պաւղոսէ, զփորձ առեալ զնորա և ՚ի ձեռն դիւացն և ս առնել այնպիսի կշտամբութիս: Վայելապէս եկեալք լինէին յայն, զի խոստովանէին . և բովանդակ այնորիկ որ գործէին զխարդախութիս, զղջանային:

«Եւ բազումք ՚ի կախարդասարացն որք հաւատացին՝ բերէին զգիրսն, այրէին առաջի ամենեցուն . և համարեցան զգինսնոցա, և գտանէին արծաթոյ բիւրս հինգ . և այնպէս բանն այն աճէր և զօրանայր» : Արդ զայն ինչ առնէին, գիտելով այնուհետև զի ոչ ինչ շահ էր ՚ի նոցանէ, յորժամ և ինքեանք իսկ դէքն զայնպիսի իրս առնէին: Արդ այս ինչ բաւական էր զամենեւեան դարձուցանել . բայց մի օբանչանար, զի զչար և զանհնազանդ բարս ոչ որ հաւանեցուցանէ . և ՚ի նոյն իսկ յերդմնեցուցացն տեսցուք թէ որպէս կարծր է չարութի, զի զայնպի-

սի անցս կրեալ չեղեն լաւագոյնք : Եւ տես այսպիսի նշանաց լինելով թէ որպիսի չարիք յետ սակաւ ժամանակի լեալ լինի . զի այնպէս մարդկային ընու թիս իսկոյն 'ի մոռացոնս զայ բարւոյն , ոչ 'ի հարկէ , այլ ազատ կամօք , որովք և կարող ապա և ողջախոհ լինել :

ԲԱՐՈՅԱԿԱՆ

Մ. յլ մի սքանչասցուք թէ այնպիսի նշանաց լինելով ոչ ամենքեան դարձեալ եղեն . զի և առ մերովք ժամանակօք յորով ինչ այնպիսի լինի : Ա՛չ հերու թօթօտեաց անձ զքաղաքս ամենայն , և քանի ապարանք կործանեցան . ուստի զարհուրեալք ամենայն չարագործք զգաստացեալք եղեն , և յետ երից աւուրց դարձեալ յիւրեանց չարիս վերստին դարձան : Եւ քանիք ոմանք 'ի վտանգս եղեալք իսկոյն 'ի զղջումն եկին , և դարձեալ նոյնք եղեն : Այս իսկ մանաւանդ զկամաւ չարանալն մարդկան յայտնէ . զի թէ բնական էր , ապա և ոչ բնաւ իսկ փոփոխեալ լինէր 'ի բարին : Այլ զի քան զգեւս չար են մեղք , մի խնդրեսցուք զգեւս հանել . այլ մանաւանդ 'ի մեղաց զանձինս և զայլս ազատել : Յաղթեսցուք բարկու թէ , տարցուք անարգանաց , և մեծ է քան զգեւս հանել :

ՃԱՌԻ ՔԱՌԱՄՆԵՐՈՐԴ ԵՐԿՐՈՐԴ

« Եւ իբրև եղև այս, եղ Պաւղոս 'ի մտի Հոգւոյն շրջել ընդ Մակեդոնիա և ընդ Աքայիա և գալ յԵրուսաղէմ » : Ոչ ևս մարդկապէս աստանօր անօգուտս բարբառեալ լինի . զի թէ պայմանաւ հաստատեալ էր անցանել անդանօր , ոչ ևս զտեղի առեալ յամէր յԵփեսոս , և զաշակերտեալսն միայն առաքէր 'ի Մակեդոնիա :

ԵՓՐ. « Եւսէր ' թէ յետ երթալոյն իմոյ անդր , պարտ է ինձ և զՀռոմ տեսանել » : Այսինքն զի իբրև տեսցէ նա զՄակեդոնիա և զԱքայիա՝ որ է Ելլադա , ապա դարձցի և եկեսցէ յԵրուսաղէմ . զի ոչ թողուին տեսանել նմա զգաւառս զայսոսիկ Հրեայքն՝ որ 'ի հրէաստանին բնակէին :

ՈՍԿ. « Եւ յետ ակն ունէր նա զի յետ այսորիկ և 'ի Հռոմ քաղաք երթիցէ և ուսուցէ . զոր ահաւասիկ և մարգարէանայ ասելով . « Պարտ է ինձ և զՀռոմ տեսանել » : Թերևս մտիթարելով զնոսա որք յԵփեսոսն էին , իբրև ոչ ամայի մնացեալք 'ի նմանէ , այլ որպէս զի դարձեալ հուպ լինելոց է առ նոսա . և թէ պարտ է զթագաւորական քաղաքէն բուռն հարկանել , զի և այս ևս մտիթարու թի էր : Այլ և յարուցանէ մարգարէութիւն զանձինս աշակերտացն :

« Եւ աքէ երկուս 'ի պաշտօնէիցն իւրոց , զՏիմոթէոս և զԵրաստոս 'ի Մակեդոնիա , և ինքն մնաց ժամանակս ինչ յԱսիա » : Արձակէ զաշակերտսն 'ի Մակեդոնիա , և ինքն մնաց յԵփեսոս , բաւականապէս դեգերելով և յամելով անդ . ապա փոփոխեալ լինի անտի : Եւ որպէս 'ի սկզբանէ յանձն առեալ էր յԱսորիս գնալ , նոյն դարձեալ 'ի Մակեդոնիա դառնայ՝ ցուցեալ աստ թէ ոչ ամենայն ինչ իւրով զօրութիւն լեալ լինի , այլ ըստ Հոգւոյն կամաց և զօրութիւն : Սմին վասն յառաջ ասէր զերթն իւր 'ի Մակեդոնիա

վասն աշակերտացն, զի ոչ ևս ընդ երկար տևելին մեկուսանալ 'ի նմանէ. ըստ որում յորդորէ զնոսա յասեհն կանխաւ. «Զի թէ յԱթէնս, ասէ, նախ տևեցաք մնալ վասն ձեր, ապա և այժմ կանխեսցուք ըզգալն 'ի Մակեդոնիա առ ձեզ» Եւ դարձեալ քանզի ոչ ընդ երկար էր կալոց 'ի կողմանս Մակեդոնիոյ, աշակերտօքն յառաջ առաքմամբ անդ տայ քաջալերս ակն ունել նմա : Երկուս միայն առաքէ անդ, և զգալուսոն իւր խոստանալով յօժարագոյնս քան զամենեսեան առնէ զնոսա, և ինքն տակաւին մնայ յԱսիա : Այսելլապէս և յիրաւի, զի անդ էր գուռզու թի իմաստասիրացն. և կալով լինի դարձեալ ընդ նոսա տրամաբանեալ, քանզի բազում էր երկիւղ դիցապաշտութե նոցա, զոր և ընդերկարելով անդ՝ լուծանէր :

«Եւ եղև 'ի ժամանակին յայնմիկ խռովու թիւն ոչ սակաւ վասն ճանապարհին» : Ճանապարհ զգնացս աւետարանին ասէ. իսկ խռովու թիւն՝ զհալածանսն մեծ՝ որ եղև 'ի ձեռն Գեմետրի ոսկերչի. զի վասն այսորիկ իսկ և դրէր առ կորն թացիսն՝ թէ «Ոչ կամիմ զձեզ տգէտս լինել վասն նեղութե մերոյ եղելոյ յԱսիա» . քանզի խոստացեալ լինէր 'ի Կորն թոս գընալ և ոչ ժամանեաց, փութով պատասխանի տայ իբրև ոչ հեղգացեալ, այլ 'ի նեղութէն խափանեալ : Եւ ասէ զփորձութիսն զիրսն Գեմետրի՝ որով ընդդիմաբանեալ լինէին : Զի թէպէտ և եղև նշան կրկին, այլ դարձեալ վիշտք 'ի վերայ յառնէին. և այսպէս ամենայն ուրեք շարամանեալ լինէին իրողութիքն 'ի նեղութե և յանդորրու :

«Իսկ Գեմետրիոս ոմն անուանեալ արծաթագործ գործէր զմեհեանս արծաթիս Արտեմեայ դիցն, և տայր ճարտարացն լինել ոչ սակաւ շահս. որ և ժողովեաց իսկ զձեռագէտս արուեստին և ասէ. արք, դուք ձեզէն իսկ դիտէք, զի յայսմ գործոյ էր շահ մեր. և տեսանէք և լսէք զի ոչ միայն զեփեսացւոցս, այլ գրեթէ զամենայն իսկ ասիացւոց Պաւղոսս այս հաւանեցուցեալ շրջեաց բազում ժողովս, ասել թէ ոչ են աստուածք ձեռագործք» : Ո՞րպէս հնար էր մեհեանատաճարս արծաթիս առնել : Թերևս իբրև տապանակս փոքունս լինէր. որպէս ասի և տաճարս

փղոսկրեայ: Արդ բազում էր պատիւն Արտեմեայ յԵփեսոս, ուր և տաճար նորին երբեմն հրդեհեալ այնպէս տրտմեցոյց զնոսա, զի է զանուն անգամ այրեցմանն չկամէին յիշել. այլ որպէս թէ իւր կամօք եղև այն ասէին:

Այլ տես ամենայն ուրեք զընչասիրութիւն պատճառ կռապաշտութե. և նոքա որոց աղախինն՝ վասն ընչից, և սոքա վասն ընչից գրգռէին զաղմուկն: Այլ որպէս թէ զբարեպաշտութենէ նորա փոյթ ունէին տազնապել, այլ իբրու ինքեանք զշահիցն առաջարկութի ոչ ունէլով: Եւ հայեաց զարու թի առնն, քան զի ինքն փարթամ էր յոյժ, և ոչ էր նմա այնչափ փեսս և տուգանս անգործ մնալն. իսկ այլոցն բազում էր իբրև տնանկաց գողով և յօր ըստ օրէ գործաւորութեն կերակրելով. բայց նոքա ինչ ոչ ասեն, այլ ինքն: Եւ տես նախ զնոսա հաղորդս առնելով, ապա զփշտս կարեացն առաջի դնէ և խռովէ զքաղաքն ամենայն:

ԵՓՐ. Իբրու ասէր՝ թէ այսուհետև ոչ գոյ մեզ վարձ վաճառոյ, զի գտանէաք մեք ՚ի կոնքաց անտի զոր առնէաք. զի ուսոյց և աշակերտեաց Պաւղոս զԱօիա, զի հաւատասցեն թէ ոչ են աստուածք՝ որ ՚ի ձեռն որդւոց մարդկան իցեն արուեստագործեալ. և զի յայսմ արուեստէ էր մեզ կեալ, առանց այսր ահա տազնապիմք ՚ի սով անկանել:

ԱՍԿ. Եւ արդ սոյն իսկ ասացեալքս ՚ի նմանէ բաւական էր զնոսա ՚ի բարեպաշտութի ածել. որպէս ըի թէ մի մարդ այսպէս և այսչափ զօրէ իբրու փոփոխել զամենեւին և ՚ի տազնապի կացուցանել զիրս աստուածոցն, յայսմանէ պարտ էր զմտաւ ածել՝ թէ որպէս հզօր է նորին անուն. և զի յոյժ մաւնաւանդ նա տացէ ձեզ զայն ինչ, յորմէ կասկածէքն. այսինքն զպէտս կարեացն: Այլ նոքա տառապեալք և ցուրտք ոմանք ոչ զայս ինչ զմտաւ ածէին, այլ զայն ինչ առնէին զօր արարին: «Տեսնէք, ասէ, և լսէք» . զի այնպէս յայսնի էր ամենեցուն, որ ինչ եղեալ վնէր ՚ի ձեռն Պաւղոսի: Այսպէս Պաւղոս զամենայն Աօիա հաւանեցուցեալ փոխեաց, ասէ: Այսպէս յառաջագոյն ըմբռնեաց զանձինս նոցա:

Ոչ բռնաւթի արար, ասէ, այլ հաւանեցոյց . սակայն
ասելն թէ լին սատուածք 'ի մարդկանէ ձեռակեր-
տեալքն՝ կործանէ զարուեստս մեր : Եւ ոչ զմտա-
ածէին՝ թէ որ այնչափ կարացեալ լինի առնել, նմա
պարտ է հաւանել : Այլ տես վասն որոյ իրի արարն-
լին հեթանոսք . «Աօաց, ասէ, թէ 'ի մարդկանէ ե-
ղեալքն լին սատուածք» : Յամի յարուեստն մերձ դը-
նէ դասն, զի խռովեցուցէ զճարտարսն : Եւ ապա
որ ինչ մանաւանդ արտմեցուցանէ զնոսա, զայն յե-
տոյ դնէ :

«Այլ ոչ այս միայն ճգնէ, ասէ, զմեր կողմնս գալ
'ի յանդիմանութի, այլ և զմեծի սատուածոյն Ար-
տեմեայ մեհեանն յոչ ինչ համարեալ . նա և քակե-
լոյ և ս իցէ մեծութի նորա, զոր Ասիա և ամենայն
տիեզերք պաշտեն» : Այլոցն ամենայնի, ասէ, ոչ առ-
նեմ՝ փոյթ . այլ զի մեծին այ Արտեմեայ տաճարն 'ի
տազնապի կայ կործանել : Ապա զի մի թուրքի սակս
իրացն վճարման ասել զայս, տես թէ զինչ յաւելու .
«Զոր բոլոր տիեզերք պաշտեն» ասէ : Ի միտ առ թէ
հրպէս եցոյց մեծագոյն զգորութի Պաւղոսի, զամե-
նեսեան եղկելիս, անզորս և տառապեալս երեւցուցա-
նելով, և թէ այր մի հալածեալ խորանակար այն-
չափ զօրացեալ լինի : Տես առ 'ի թշնամեացն զմեծ
վկայութիս զՊաւղոսէ և զայլոց առաքելոցն, զի կոր-
ծանէին զպաշտամունս նոցա . ուստի լիւստրացիք
անդ զուարակս և պսակս մատուցանէին, և աստ ա-
սնն թէ տապնապէ զմեր կողմնս գալ 'ի յանդիմանու-
թի . զոր և Հրեայքն ասէին՝ թէ «Լցէք զամենայն
տեղիս ուսմամբ ձերով» . և զՔսէ՝ թէ «Աշխարհս ա-
մենայն զկնի նորա դնաց» . և դարձեալ թէ «Որք
զաշխարհ խռովեցուցին, նոքա և այսր հասին» :

«Օ այս իբրև լուան, լի եղեն բարկութի» : Յոր-
ժամ՝ յաղազս Արտեմեայ լուան և վասն արուեստին
իւրեանց վատթարելոյ . զի այսպիսի է վաճառակա-
նաց սովորութի . 'ի հանդիպմանէ ուրուք յափշտա-
կեալ լինին բորբոքեալ . վասն որոյ և նա բննութի
բորբոքէր զնոսա, զոր պարտ էր նոցա ուղիղ բնութի
'ի վերայ հասանել իրացն : Բայց տես և զնոսա դիւր-
հաւանս ոմանս և արհամարհելիս . որպէս զի հաճե-

լի եղև կալ ամենեցուն նոցա առաջի նորա :

« Բարկուծք, ասէ, աղաղակէին և ասէին. մեծ է Արտեմիս եփեսացւոց. և լցաւ քաղաքն խռովութեամբ : Արդ ձայնին իւրեանց կարծէին պարսպել զմուրուծութիւն և ընդդէմ կալ անձեղէն Հոգւոյն զօրութեան : Զչմարտապէս ըստ բանի ումեմն մանկունք անմիտք են ելլենացիք : Փարթամութի մեր, ասէ, յայսմ գործոյ է զոր Պաւղոս անվաւեր առնէ : Արդ ով տարամիտք, որպէս հաւանեցոյց այր մի նուաստ, որպէս այնչափ յաղթեաց սովորութեն, զինչ արարեալ կամ զինչ ասացեալ. զի ահա ոչ է այսչափ գործ առն միոյ. զի ասելն Պաւղոսի միայն՝ շատ եղև ճշմարտել բազում ժողովրդոց թէ չեն աստուածք ձեռագործք : Արդ եթէ այնպէս դիւրմբունելի է աստուածոց իրքն՝ ի ձեռն բարեպաշտութե, պարտ էր կանխաւ ևս ստգտեալ լինել ի ձէնջ. ապա թէ զօրաւոր՝ ոչ այգպէս վաղվաղակի կործանել. բայց զի յայնի լիցի ձեզ, ով անհանձարք, թէ անձեղէն զօրութիւն էր որ ներգործէր : Տես զանիմաստն, զի որպէս մեծագոյն ինչ ասելով և լսելով լի եղէն սրամտութե և ասէին. « Մեծ է Արտեմիս եփեսացւոց » . քանզի ըստ քաղաքին նախնի աստուածք էին նոցունց Արտեմիսն և Գիոպետայն. վասն որոյ և այնպէս մտածեալ լինէին զի ի ձեռն ձայնին մարթասցին վերբուտին ստանալ զպաշտօն նոցա, և զեղեալ հաւատսն յսծ ի բաց լուծանել :

« Այլ լցաւ, ասէ, քաղաքն խռովութեամբ » : Տեսանես անկարգ բազմութի. վայրապար աստ խռովին հեթանոսք, ընդ որս խռովեցան աստ և Հրեայք՝ որք և յամենայն տեղուջ նոցունց յանդգնեցելոցն առաջի կացեալ լինէին հաւանութե. այնպէս ոչ ունէին իրաւունս պատճառանաց և ոչ լրումն ինչ պարծանաց կամ փառաց : « Գիմեցին առ հասարակ ի թէատրոնն, յափշտակեցին զԳայլոս և զԱրիտարքոս մակեդոնացի զուղեկիցսն Պաւղոսի » և քարշեցին զնոսա ի թէատրոն անդր, որպէս զՅասոն Հրեայքն :

« Բայց Պաւղոս իբրև կամեցաւ մտանել յամբոսն, ոչ թողին զնա աշակերտքն » : Կամէր զի մտցէ անդ հանդիսարանել և զհալածանս առնուլ ի խօսս

վարդապետութիւնն ՚ի դէպ, զի լուեցուցէ զդիւակահան մոլորութիւնն որ ՚ի կուռսն, Բայց աշակերտքն դիտեալ թէ որչափ յաղագս նորա նախախնամութիւնն ՚ի կիրարկանէին յամենայնի, և յառաջնմէ իսկ հետէ տեսցես զինամն նոցին, որպէս և աստ : Ի սկզբանն արտաքս հանեն զնա ուրեք ուրեք, զի մի վասն նորա խրատագոյն վերս առցեն : Այլ այժմ և տնօրինաբար և հոգած կամօք դիմէր Պաւղոս յօժարութիւնն ՚ի թէատրոնն մտանել, զի մի աշակերտքն ընդ եղեալ խռովութիւնն զարհուրեցին . որք և ոչ նմա ինչ կրել տանջանս կամեցեալ լինէին :

«Սմանք և յասիապետացն որ էին նորա բարեկամք, յղէին առ նա և աղաչէին մի տալ զանձն ՚ի թէատրոնն» . այսինքն յանկարգ հանդիսին հասումն . աղաչէին՝ գիտելով զյօժարութիւնն նորա . այնպէս ամենայն հաւատացեալքն սիրէին զնա . և Պաւղոս հաւանեալ լինէր, զի ոչ էր մնափառ և ոչ պատուասեր : «Այլք այլ իմն աղաղակէին . զի էր ժողովնն նոցա խռովեալ» : Քանզի բազմութիւնն այնպիսի է, վայրապար իրացն հետեւեալ լինի . որպէս նիւթ ՚ի հօւր արկեալ զբոց խռովութենն բորբոքէ :

«Եւ բազումք ՚ի նոցանէ ոչ դիտէին թէ վասն ո՞ր ժողովեալ իցեն : Եւ յամբօխէն բազմութիւնն յառաջ կալան զԱղէքսանդրոս» : Յառաջ ածէին զԱղէքսանդրոս Հրեայքն տնօրինաբար վասն ինքեանց, չարբանել զՊաւղոսէ . այլ ոչ ժամանէր բարբառել ինչ : «Զի իբրև ածին, ասէ, զնա յառաջ Հրեայքն, Աղէքսանդրոս շարժեաց զձեռն, կամէր պատասխանի առնել ամբօխին» : Եւ վասն որոյ իրի արդեօք կամէր Աղէքսանդրոս դարբին տալ պատասխանի . միթէ նա լինէր ամբաստանեալ : Ոչ . զի ոչ էր նա ՚ի գործակցացն Պաւղոսի, այլ ՚ի ներհակացն . այլ իբր ժամանակ գտեալ իւրոյ չարութենն՝ զամենայն ինչ յետս դարձուցանել խորհէր զհաւատոցն իրս և առաւել բորբոքել զցասումն հանդիսին կամէր . ըստ որում և նորին բանքն տնօրինաբար խափանեալ եղև :

«Իբրև գիտացին, ասէ, թէ այրն հրեայ է, միաբարբառ եղեալ ամենեցուն իբրև ժամս երկուս՝ ազաղակէին եթէ մեծ է Արտեմիս եփեսացւոց» : Ման

կահան և անմտութե էր ճշմարտապէս տրամախո-
հութիւն. իբրև երկնէլով, զի մի շիջանիցի պաշտօն
նոցա, ստէպ գոչեին: Զամս երկուս անդ նստաւ Պա-
ղոս. և տես թէ որքան տախաւին հեթանոսացն էր
մոլութի և շարութի և ցասումն առանց կարգի:

Ի այց բարիք և դպրապետն սաստկապէս յառաջ
կալով լռեցոյց զամբօխն, տուեալ զհաւանութի քա-
ղաքացւոցն և ասէ. «Այք եփեսացիք, իսկ ո՞վ է ՚ի
մարդկանէ որ ոչ գիտէ զեփեսացւոց քաղաքս բուրմն
մեհենազարգս մեծին Արտեմեայ գիցն և Գիտպե-
տեայ». և կալ ումեք ընդդէմ նորա և խափանել ոչ
որ կարէ: Իբրև ոչ գոլով յայանի վնասուց ինչ առ
գիտն, յայնժամ իսկ յառաջագոյն շիջուցին զսրբա-
մտութի նոցա: Իսկ ո՞վ է Արտեմիսն: Այց համբա-
ւեալ աստուածուհին, որ և ՚ի տիրացւոց և ՚ի լակո-
նացւոց պատուիւր հիւրասպանութի: Իսկ Գիտպե-
տեայն միւս տաճարի անուն կոչեցեալ լինէր: Ա՛յ որ,
ասէ, ոչ ճանաչէ զեփեսացւոց քաղաքս»: Զայն ինչ
ասէր յաղագս որոյ երկուացեալն էին: Զայնիւ ձե-
րով, ասէ, ոչ ինչ աւելի աճեցուցանէք կամ հաճե-
լի ցուցանէք զգիտն: Եւ ոչ ասաց թէ ո՞ որ որ ոչ ճա-
նաչէ զԱրտեմիս, այլ թէ զեփեսացւոց քաղաքս.
բանզի այն իսկ հանդարտեցոյց և հաճեցոյց գնոսա:
Արդ ընդ էր խնդրէք, ասէ, զայդ իրս՝ որ ամենեցուն
յայանի է: Իսկ նորա իբրև բարեպաշտութի ձեւ-
ցուցանելով ոչ կամէին առնել ըստ հրամանի դպրա-
պետին: Այլ նա ոչ եթէ հանդարտապէս բուռն հար-
կանէ զնոցանէ:

«Եւ զի այդ այդպէս է անշուշտ, ասէ, պարտ է
ձեզ հանդարտել և մի ինչ յանդգնութի գործել»: Զուցանէ թէ անբանապէս եկին ՚ի միասին: «Աճէք
մատուցէք զարսդ զայդոսիկ այսր, ոչ մեհենակապու-
տքս և ոչ հայհոյիւս աստուածոցն մերոց»: Զայսոսիկ
սուտ առ հանդէսն ասէ, որպէս զի նորա լռեսցեն և
հեղադոյնք լինիցին. զի հնարէր դադարեցուցանել
գիւսովութիւն: Զի եթէ Գեմետրիոս և որք ընդ նմա
ճարտարքն, ասէ, ունիցին ինչ ընդ ումեք բանս, յա-
տեան երթիցեն, և դատաւորք գոն, և ամբաստան

լինիցին զմիմեանց . իսկ եթէ վասն այլ իրիք խնդիր
իցէ , յօրինաւոր ժողովն վճարեսցեն :

ԵՓՐ . Լ¹ յ Գեմետրիոս անարգ և լիտի, ասէ, նա և
մանկուհիք ճարտարութիւն իւրոյ , թէ դատ ինչ ունի-
ցին ընդ միմեանս՝ յառաջ կացցեն և ցուցցեն հոգե-
մննին . և թէ այլ ինչ խնդիր իցէ , յօրինաւոր ժողո-
վըն վճարեսցի :

ՈՍԿ . Բ¹ անգի երիս ժողովս լինէր որք ըստ օրինացն
նոցա էին յիւրաքանչիւրում ամսեան . իսկ այն ա-
ռանց օրինաց էր : Ասէ՝ թէ ոչ էր պարտ սակս շի-
նական և չնչին ամբաստանութե հասարակաց ժո-
ղով առնել : Եւ այսու ապա ևս զարհուրեցոյց արհա-
մարհեաց և տարակուսեցոյց զնոսա ասելով . « Քան
զի և մեզ վիշտ վտանգի է » : Ի մեծ իմն աղմկի եմք՝
ասէ , և ՚ի ծանր աշխատութիւն անկեալ : « Ընդ կռուոյս
այսր աւուր առանց իրիք յանցանաց լինելոյ , զոր-
մէ ոչ կարասցուք պատասխանի տալ վասն ժողովոյս
այսորիկ » : Ոչ միոյ իրիք պատճառի գոլոյ մըրկիդ այդ-
միկ , յաղադս որոյ ոչ կարասցուք բան պատասխա-
նելոյ հատուցանել : Տես զհարդ՝ թէպէտ և անհա-
ւատ էր տակաւին , որպէս հանձարեղ էր և զար-
ժանն քննէր . որով և այնպէս իսկ շիջոյց զցասումնս
Զի որպէս դիւրաւ² բորբոքեալ եղև , նոյնպէս և դիւ-
րաւ շիջուցեալ :

« Օ այս ասացեալ արձակեաց զժողովն » : Տեսանես
զհարդ ան տեղի տալով փորձութեցն գալ ՚ի վերայ
առ ՚ի յարուցանել արիս , և հմուտս գործել զաշա-
կերտան և ուժգնագոյնս առնելով ՚ի նոյնն :

ԲԱՐՈՅԱԿԱՆ

Օ ի և մեք մի ՚ի վայր անկցուք ՚ի փորձութեցն
հասանել , զի նա տացէ զօրութի հանդուրժելոյ : Ոչ
ինչ այնպէս սիրելիք առնէ և ՚ի միասին կապէ և ջրը-
ջէ³ զանձինս հաւատացելոց որպէս նեղութի : Նա և

1 Մին աղիտի և միան աղաւթի : Եւ ի վերջէս :
2 Միւսն զի-բարբոքեալ . . . զի- լննէ :
3 Ի մի օրինակն և եթ կայ .

գիւրալուրս կազմէ զվշտացեալսն՝ ի լողութի՛ն անձայ-
 ին բանին. զի՛ ի հանգստի գոլով տաղտկանան՝ ի լսել.
 իսկ ՚ի նեղութե՛ բազում յօժարութե՛ լսեն. եւ թէ
 ասես՝ թէ Հրեայքն զիա՛րդ ոչ լսէին. ՚ի կարճմտու-
 թէ՛ : Նախ զի տկարք էին. երկրորդ զի բազում էր
 վիշտն : Այլ աստ զչափաւորէ՛ է բանս. զի նեղութի՛ն
 յիմաստասիրութի՛ յարուցանէ զնեղեալն, իսկ հան-
 գիստ՝ ի խայտառակութի՛ գրգռէ : Եւ նկարեա տունս
 երկուս, մին սգոյ և միւսն հարսանեաց. և դարձեալ
 բանտ և տեսարանք. և գտցես զմին լի ամենայն հա-
 մեստութե՛ և զմիւսն լի ամենայն անկարգութե՛ :

1 Միւսն զի լախար է բանս :

ՃԱՌԻ ՔԱՌԱՍՆԵՐՈՐԴ ԵՐՐՈՐԴ

« **Ե**րև յետ դադարելոյ ամբոխին կուէաց Պաւղոս զաշակերտսն և մխիթարեաց » : Պարտ իսկ էր լինել բազում մխիթարութե՛ն ՚ի խռովութե՛ն յայնմանէ : զոր և բաւականապէս արարեալ Պաւղոս և այնպէս արծարծեալ զհոգիս նոցա, ողջոյն ետ և էլ զնաց ՚ի Մա կեդոնիա : « Եւ շրջեալ ընդ կողմանսն ընդ այնոսիկ և ընդ երկար բանիւ վարդապետութե՛ն մխիթարեալ զնոսա՝ եկն յելլադա » : Տես յամենայնի ՚ի ձեռն բանին զամենայն ինչ ուղղեալ քան թէ ՚ի ձեռն նշանաց :

ԵՓԸ . « Իբրև արար անդ ամիսս երիս , եղև նմա դաւ ՚ի Հրէից , մինչդեռ կամէր ելանել յԱսորիս . խորհուրդ կալաւ դառնալ ՚ի Մակեդոնիա » : Քանզի նենդեցին Հրէայքն ՚ի վերայ նորա , կամեցաւ զնալ յԱսորիս , և դարձոյց զնա Հոգին ՚ի Մակեդոնիա :

ՈՍԿ . « Եւ զի ցուցանէ մեզ ստէպ ստէպ զնա փութացեալ յԱսորիս , որոյ պատճառն եկեղեցին էր , որ անդ և յԵբուսաղէ՛մ մօտ գոլով . բայց սակայն արգելոյր զնա փափաքն որ վասն ուղղութե՛ն այլոց : Բայց ահա դարձեալ հալածեալ ՚ի Հրէիցն որ յելլադա՝ եկեալ լինի ՚ի Մակեդոնիա » : « Եւ երթային ընդ նմա մինչև յԱտիա Սոսիպատրոս Պիւռիա բերիացի , և ՚ի թեսաղոնիկեցւոց Աբիստաբքոս և Սեկունդոս և Գայիոս դերբացի և Տիմոթէոս , և ասիացիք՝ Տիւքիկոս և Տրոփիմոս . սոքա յառաջեալ մնային մեզ ՚ի Տրովադա » : Յառաջագոյն երթեալ պատրաստէին զճանապարհս նորա . այսինքն զգուշացուցանէին զեկեղեցիսն կազմել զոր ինչ միանգամ պարտ էր ուղղել զբարեկարգութիւս նախ քան զգալ նորա . զի ոչ փոքր ինչ էր երկիւղն ՚ի համբաւոյ դալստեան նորա , որ ընդոստուցանէր զայնոսիկ՝ որ հանդերձեալն էին ընդունել զգալուստ նորա : Լուր նմին իսկ . « Գուցէ ,

ասէ, եկեալ գտանիցեմ զձեզ որպէս ոչ կամիմ, և գտանիցիմ ձեզ որպէս դուք ոչ կամիցիք» :

« Այլ մեք նաւեցաք յետ աւուրցն բաղարջակերաց 'ի Փիլիպպեայ, և եկաք առ նոսա 'ի Տրովադա մինչև աւուրս հինգ . անդ դադարեցաք աւուրս եօթն » : Քանզի զտօնսն թուի ինձ եթէ փութայր առնել 'ի մեծագոյն քաղաքն փիլիպպեացոց, ուր սքանչելեացն իրք որ ըստ բանտին էր՝ եղև : Այս երրորդ անգամ զալուստ նորա 'ի Մակեդոնիա : Եւ քանզի բազում լաւութիւն վկայէ զփիլիպպեացոցն, վասն որոյ և անդանօր զաւուրս ոմանս դեգերեալ լինի. իսկ հասեալ 'ի Տրովադա՝ դադարէ զաւուրս եօթն :

« Այլ յաւուր միաշարաթու մինչդեռ ժողովեալ էք բեկանել զհացն, Պաւղոս խօսէր ընդ նոսա զի գընալոց էր 'ի վաղիւ անդր, և յերկարեաց զբանսն մինչև 'ի մէջ գիշերին » : Արդ զի աւուրք պէնտէկոստեից էին յայնժամ, յայտ է . բայց տես թէ որպէս ամենայն ինչ վարկսարազի է համարեալ առ քարոզութեն : Եւ քանզի կիւրակէ էր, մինչև 'ի մէջ գիշերին, ասէ, խօսեցաւ . այլ և զգիշերն իսկ զամենայն 'ի վարդապետութի ծախեալ . քանզի խնդիր ինչ բանի 'ի մէջ անկեալ յերկարաձգեաց զվարդապետութիւն . զի այնպէս և ոչ գիշերի դադարէր երբէք, այլ յայնժամ մանաւանդ վարդապետէր և առ նոյն իսկ ընթրեացն ժամու : Եւ տես թէ որպէս և սեղանոյն Պաւղոսի հաղորդք էին ամենեքեան . ուստի թուի ինձ և առ սեղանոյն նստեալ և առնէր զվարդապետութիւն : Ա՛յլ երանելի ընթրեացն և մեծի ուրախութեն . զմըտաւ ածէք ինձ, իմ իմիք նման էր տունն այն, ուր լապտերքն էին և բազմուի ժողովոյն . յորում և Պաւղոս 'ի մէջ նոցա գոլով խօսէր և վարդապետէր . յորում և առ պատուհանսն իսկ բազումք հասեալ լինէին, զի տեսանիցեն զեղեալսն և լսիցեն զձայն երկնաւոր փողոյն, և հայեսցին զուարթ և զուրախարար զննդալի և զհրեշտականման երեսն զայն : Եւ ընդէր 'ի գիշերին զբանսն խօսէր : Զի հանդերձեալ էր 'ի վաղիւն ելանել անտի, և այնուհետև այլ ոչ լինէին տեսանել զնա, զորս որպէս տկարագոյնս գոլով հաստատէր : Եւ զի բազում էր հեշտութի լսո-

զացն առ 'ի լուրն, և յորժամ հատուած տայր, բանին՝ նորա պատճառս տային յերկարելոյ յօժարու թին, և պղերգացելոցն սաստէին մանաւանդ զի լուիցին զձայնն Պաւղոսի: Վասն այնորիկ և ոմն մեռեալ իսկ էլ և քանզի հնարեցաւ բանսարկուն տրամեցուցանել զնոսա 'ի տօնին, սակայն ոչ կարաց:

ԵՓԻ. Քանզի խօսելով Պաւղոսի յառաւօտէ մինչև 'ի մէջ զիշերին, ննջեաց պատանեակն և անկաւ յերկց աստիճանաց՝ զի նստէր նա անդ՝ և աւանդեաց զողին: Եւ էջ անկաւ Պաւղոս 'ի վերայ նորա, և առ կեցոյց զնա ըստ որում պատմէ. «Եին, ասէ, լապտերք բազումք 'ի վերնատանն՝ ուր էաք ժողովեալ, և նրստէր ոմն երիտասարդ. Եւ տիրոս անուն 'ի վերայ պատու հանին և նիրհէր 'ի քուն թանձրութե. և 'ի խօսեին Պաւղոսի յաճախ՝ ընկղմեալ 'ի քնոյ անտի անկաւ յերրորդ դստիկոնէն 'ի վայր և բարձաւ մեռեալ: Եւ իջեալ Պաւղոս անկանէր զնովաւ, առնոյր զնա ընդ գիրկս և ասէր. մի խռովիք, զի ոգի սորա 'ի սին է. և էլ եբեկ զհացն և ճաշակեաց. և բազում և սխօսեցաւ մինչև ցառաւօտ»:

ՈՍԿ. Արդ տես ինձ զտեսարանն և ժողովարանն թէ որպէս էր 'ի միասին եկեալ, և զնշանն թէ որպիսի: Ի պատու հանի էր նստեալ 'ի տարաժամ զիշերին. այնչափ էր փափաք լսողութեան: Արդ ամաչեացուք զայսոսիկ լսելով: Այլ Պաւղոս, ասեն, յայնժամ խօսէր: Ասասցուք՝ թէ մանաւանդ ոչ յայնժամ և ոչ այժմ Պաւղոս, այլ Քն որպէս անդ՝ նոյնպէս և աստ. բայց ոչ որ լէ և կամ 'ի միտ առնու: Ոչ պատու հան այժմ, ոչ քաղց, ոչ քուն թախանձէ. այլ սակայն ոչ փափաքանօք և ջերմութեամբ, ոչ անձկութի տեղւոյ և ոչ այլ ինչ այսպիսեացս և ոչ մի: Եւ այս իսկ է սքանչելի, զի համբակ գոլով ոչ լինէր պղերգացեալ և 'ի քնոյ տազնապեալ, բայց ոչ թողեալ և 'ի բաց կացեալ. նա և ոչ զարհուրեցաւ 'ի վշտէն, զի մի անկանիցի. ուր և ոչ 'ի պղերգութեան ինչ նիրհեաց, այլ 'ի ձեռն բնական կարեացն: Եւ դու միտ դիր, զի այնպէս ամենեքեան եռացեալք էին յօժարութի, յոր և յեռաձեղուանն էին խտացեալք թանձրութի, և զի դեռ եկեղեցի ոչ էր անդ:

Ս'ի գարհուրիք, ասէ, զի հոգի սորա 'ի սմա է: Այս ասաց թէ մեռաւ՝ բայց յառնէ, զի ես յարուցանեմ զդա . այլ միայն զմխիթարական զրանն ասաց՝ թէ հոգի սորա 'ի սմին է: Ա՛յլ մեծի խոնարհութեն և առանց հպարտութեն հոգւոյն . զի միանգամայն ընդ մլխիթարական բանին զնշանսն որ եղև յայնմ՝ երեկոյի՝ ամենեկին յիշելիք առնելով նոցա, այնուհետև բեկեալ զհացն ճաշակեաց, և այլ ինչ հատուած ոչ ետ բանին և ոչ խափանեաց: Տես զընթրիսն առանց յաւելուածոյ . վասն որոյ և խօսէր մինչև յառաւօտ, և ապա ել և գնաց: Միտ դիր թէ՛ որպէս զցայցն արթնու թը անցուցանէին . զի այնպիսի էին սեղանքն՝ պարկեշտութիւն և լոկ . որպէս զի ճաշակեալ զարձեալ 'ի բաց առնել լսողացն, և 'ի նոյն իսկ 'ի սեղանն յաւելտ առ լսողութիւն 'ի ճահ գալ: Իւ զանազանիմք 'ի շանց և 'ի խողից, ասա ինձ . տեսանէ՛ք որպիսի և որչափ է տարբերութիւն մեր 'ի նոցանէ:

«Այլ ածին զպատանին կենդանի, և մխիթարեցան ոչ սակաւ:» Այել լայպէս . զի կենդանի զհամբակն ընկալան և զյարութիւն տեսին, և այնպիսի նշան եղև: Արդ 'ի բազում տեղիս Պաւղոս յաշակերտացն մեկնեալ լինի. զի աւասիկ զարձեալ նա ընդ ցամաք հետի գնացեալ լինի: «Իսկ Ղուկաս և որ ընդ իս՝ մլխտեալ 'ի նաւ, ամբարձաք յԱսոն. և անտի ակն ունեաք միւսանգամ առնուլ զՊաւղոս . զի այնպէս պատուիրեալ էր, մինչ ինքն զցամաքաւն երթալոց էր . և իբրև գիպեցաւ մեզ յԱսոն, առեալ զնա եկաք 'ի Միտիլինէ:» Արդ 'ի թեթևագոյնսն զնոսա յորդորելով, և զխատագոյն աշխատութիւն յինքն ընդունելով՝ հետի գնացեալ լինէր համանգամայն և բազում ինչ անօրինելով կրթելով զաշակերտսն և խրատելով զնոսա մեկնելովն յիւրմէ:

«Այլ անտի նաւեալ, ասէ, 'ի վաղիւ անդր հասաք հանդէպ Քիայ, և 'ի միւս օրն հասաք 'ի Սամոս, և անտի 'ի Տրոզիլոն, և 'ի վաղիւ անդր եկաք 'ի Մելիտոն . զի 'ի մտի եղեալ էր Պաւղոսի նաւել առ Եփեսեաւ:» այսինքն նաւելով զանց առնել ընդ Եփեսոս: «Որպէս զի մի լիցի նմա ժամանակ ինչ յամել յԱսիա . այլ փութայր զի թէ հնար ինչ իցէ նմա:

զօրն պենտէկոստէից երթալ յերուսաղէմ¹ : Ընդէր կարգէ աստ Պուկաս թէ ո՛ր եկին կամ ո՛ր գնացին : Վայելչապէս . զի ցուցցէ մեզ զճանն Պաւղոսի և զփոյթն , եթէ ո՛ր զտեղի առեալ յամէր , և կամ ընդ ո՛ր կողմամբ նաւելով զանց առնէր : Եւ զպատճառքս չմտանելոյն յԵփեսոս յայտնէ . զի մի լիցի նմա , ասէ , յամել յԱսիա : Քանզի եթէ անգանօր հասեալ էր , ոչ էր հնար զանց առնել որպէս խորհեալն էր . զի ոչ կամէր տրտմեցուցանել զայնոսիկ՝ որ աղաչէին զնա :

« Եւ փութայր , ասէ , զօրն պենտէկոստէից առնել յերուսաղէմ¹ » : Եւ զի՞նչ էր փոյթ և վերացութիւն՝ դիտմանն այնորիկ : Ոչ վասն տօնին ինչ , այլ վասն բազմութեն անգր ժողովելոյ համանգամայն . զի և այսու զհրեայն հաւատացեալս զիւրեաւ ածէր և ՚ի փոյթ յորդորէր իբրև պատուելով իմն զտօնսն . իսկ զթշնամիսն ըմբերանելով յամօթ առնէր : Տեսանես և մարդկապէս զնա շարժեալ . փութայր , ասէ , թէ հնար ինչ իցէ . զի մի կարծիցեն զնա ՚ի վեր գոլ քան զընութիւն մարդկան , տեսանելով զնա և փութացեալ և ոչ հանդիպեալ բազում անգամ : Զի սրբն և սքանչելի արբն այնորիկ նոյն բնութես մերոյ հաղորդք էին , բայց կամաց ոչ ևս . վասն որոյ և բազում շնորհս յոյ յանձինս իւրեանց բարձեալ բերէին :

Տես ահա զՊաւղոս թէ սրչափ և յանձնէ իւրմէ տնօրինէ . զի մի , ասէ , տացուք հատուած կամեցողացն տեսանել և օգտիլ ՚ի մէնջ , և մի յամելովն բիծ ընկալցի պաշտօնս և փոյթս մեր : Ահա կենցաղ անհասանելի , և դարձեալ զիջութի ըստ ամենայնի . զայս ինչ տնօրէնութիւնի ասացեալ , որով է իսկ ՚ի ծայրագոյն բարձրութի հասանել . այսինքն բազում գլծով զիջմամբն : Զինա որ դերազանցեաց զամենեքումք զպատուիրանսն Քրի ընդ , այսպէս դարձեալ ամենեցունց խոնարհագոյն էր՝ ընդ ամենայնի ամենայն լինելով , զի շահեսցի զամենայն , և ՚ի բազմապատիկ վիշտըս տալով զանձն համբերութիւն բազմաւ ՚ի նեղութիւն և յայնս : Եւ այսու ամենայնիւ բազում է փափաք նորա առ Քրի . զի թէ այս ոչ իցէ , այլն ամենայն ա-

1 Միւսն վերացուցումիւն :

ւելորդ է. նա և տնօրէնու թիւն իրք պիտոյ է յառաքի-
նու թիւ և անհաս կենցաղոյ . և այսպէս ընդ ամենե-
ցուն վշտագնել . ըստ որում ասէ. «Ո՞րք տկարանայ
և ես ոչ տագնապիմ » :

ԲԱՐՈՅԱԿԱՆ

Ս անասցուք զի զայսպիսի բանս և մեք համարձա-
կեսցուք գօշիչ . ՚ի վիշտս ընկեսցուք զանձինս վասն եղ-
բարց . թէպէտ հուր իցէ, կամ երկաթ , ընկեա ՚ի
ներքս զանձն քո, սիրելի, զի թափեսցես զանդամն Գոթի
Աշակերտակից լէր Պաւղոսի՝ որ բազում չարչարանս
յանձն առ վասն թշնամեաց, նամենեաց Մովսէսի՝ որ
ետես զրկեալ զեղբայրն և վրէժխնդիր եղև , և ՚ի մեծ
վիշտս զինքն արկ և ոչ ինչ զայ տրանջեաց : Վշտաս-
ջիր և դու , հեծեա և ցաւեա , թէպէտ և յիրաւի զոք
յայ տանջեալ տեսցես . զի զայս սիրէ անձ . զայս ուղ-
ղեցին նորքն՝ ցաւելով ընդ բեկումն Խարայէլի : Եւ տես
զինամուտ սէրն Պաւղոսի սրբան հնարի շահեցուցա-
նել զամենեւեան . զի թէպէտ զնալով ոչ զնաց յե-
փեսոս վասն վերոյ ասացեալ պատճառին , ապա այլ
ազգ տնօրինէ զիրս նոցա , և ոչ թէ վասն նոցին օգտի
պղերգանայ ինչ :

ՃԱՌՒ ՔԱՌԱՄՆԵՐՈՐԳ՝ ՉՈՐՐՈՐԳ

« **Ի** Մեկիտեայ յղեալ յԵփեսոս՝ կոչեաց զերիցունս եկեղեցւոյն . և իբրև եկին առ նա, ասէ ցնոսա . դուք ձեզէն գիտէք » : Հայեաց ընդ մեծութի գթոյ նորա , զի ոչ վասն առաջիկայ փութոյն զնոսա անտես առնէ . այլ կոչելով զիշխանս եկեղեցւոյն՝ ՚ի ձեռն նոցա ընդ եկեղեցւոյն խօսի : « Դուք ձեզէն գիտէք , ասէ , յօրէ յառաջնմէ յորմէ եկի յԱսիա որպէս զամենայն ժամանակս եղէ ընդ ձեզ ծառայել տեսառն ամենայն խոնարհութի » : Արժան է զարմանալ , թէ որպէս Պաւղոս ՚ի կարիս հարկի անկեալ ըզմեծամեծս ասէ յաղագս անձին իւրում : Որպէս Սամուէլ յորժամ աւանդէր Սաւուղայ զիշխանութին , առաջի նորա ասէր ցժողովուրդն . « Միթէ առի ինչ ՚ի ձէնջ . դուք վկայ էք և ան » . և Դաւիթ ՚ի թերահաւատեն Սաւուղայ ասէր . « Արածելով իմ զխաշինս հօր իմոյ , յորժամ գայր արջ կամ առիւծ , ձեռամբ կալեալ բեկանէի զնոսա » . և ինքն իսկ Պաւղոս այլուր . « Եղէ անզգամ , զի դուք ստիպեցէք » : Այլ և անձ իսկ զսոյն առնէ , զմեծամեծս յաղագս իւր ասելով . ոչ պարզաբար , այլ յորժամ յոմանց թերահաւատեալ լինիցի . և զայս գտցես ընդ բազում տեղիս . որպէս զայն՝ թէ « Ես եմ որ հաստատեցի զերկիր և արկի հիմունս երկրի » : Այսպէս և աստանոր առնէ Պաւղոս . յառաջագոյն զնոսա ածէ ՚ի վկայութի , զի մի կասկածիցես՝ թէ պաճուճանաց բանք և եթ իցեն :

« Դուք ինքնին գիտէք » ասէ . զնոսին իսկ զլսողնս կոչէ վկայս ասացելոցն , իբրև ոչ արդեօք ստեալ առաջի նոցա . այս է քաջութի վարդապետի , յորժամ իւրոց ուղղութեցն վկայս զաշակերտեալն ունիցի : Եւ որ ինչ սքանչելին է , ոչ զմի օր , ասէ , կամ զերկուս զայս առնելով կատարեցի , այլ զամենայն ժամանա .

կըս որ եղէ 'ի միջի ձերում' ծառայել տեառն ամե-
նայն խոնարհութի : Մ'իտ գիր թէ զինչ առաւել
պատշաճ գոլ ցուցանէ իշխանաց . առել զամբարտա-
ւանութի , վասն զի հարկ է առաջնորդացն առանց
բարձրամտութե՛զ գոլ . զի խոնարհութի է հիմն և ար-
մատ ամենայն բարեաց . որպէս և Քս ասէ . « Երա-
նի աղքատաց հոգւով » : Եւ ոչ ասէ պարզաբար խո-
նարհութի , այլ ամենայն խոնարհութի . քանզի բա-
զում տեսակք են խոնարհութե՛ք , բանիւ գործով , առ-
իշխանս , առ իշխեցեալս . և այլ բազում յեղանակս
ասացէ որ խոնարհութե՛ք : Արդ են ոմանք որ ոչ են
այսպիսիք . և զի մի թուիցին բարձրամտեալք , յա-
ռաջ արկանեն հիմն խոնարհութե՛ք զլսողացն կարծիս
լուծանելով միայն : Իսկ սա ամենայն խոնարհութի
եղէ , ասէ . և այժմ ոչ 'ի բարձրամտութե՛ք ասեմ զոր
ինչ ասեմ : Եւ որ ևս հանդարտագոյնն է՝ յաւելու .
յամենայնի հաղորդութի բազմաւ եղէ ընդ ձեզ ,
ասէ , ծառայելով տեառն : Հասարակաց առնէ զուղ-
ղութին և ոչ ինքեան առանձինն :

Եւ զինչ , ասեն , ունէր առ անձ բարձրամտել : Ա-
սեմ , զի բազումք են 'ի մարդկանէ որ հպարտա-
ցեալ բարձրամտեն առ նմա . իսկ նա և ոչ առ աշա-
կերտսն եղև բարձրամտեալ : Այս իսկ է ուղղութի
վարդապետի , զի իւրոց ուղղութեցն զաշակերտսն
համեմատս առնիցէ : Ապա և յարութին ասէ , ոչ փա-
ղբշելով ինչ , այլ 'ի նայն զնոսա յորդորելով :

« Ինչպէս արտասուօք , ասէ , և պէսպէս փորձու-
թիք որ դիպեցան ինձ 'ի նենդութեց շրէից » : Տե-
սանէս զի վշտանայ և ցաւագնի վասն եղելոցն՝ տե-
սանելով զանհաւատութի նոցա : Բայց աստ և զան-
յիշաչարութին թուի յայտ առնել . քանզի յոյժ
ախտացեալ լինէր վասն կորուսելոցն՝ որ նենդութիս
առնէին առ նմա : Նա և խնդայր ևս , զի յայնմ դա-
մէ էր՝ որ խնդային , զի վասն անուանն Քսի արժանի
եղեն անարդելոյ . զոր և ինքն ասէ . « Այժմ խըն-
դամ 'ի չարչարանս իմ որ վասն ձեր է » . և դարձեալ
թէ « Առժամայն յաճախութի թեթեւ նեղութես
մերոյ 'ի յաւիտենական առաւելութին զմեծութի
փառացն գործէ 'ի մեզ » : Այլ զայսուսիկ թեթեւ նե-

զուժի ասէ խոնարհելով . և աստ ցուցանէ զօրութիւն իւր , և ոչ այնչափ զօրութիւն որչափ զհամբերութիւն : Չարաչար ակտացեալ լինէի , ասէ . այլ ձեօք հանդերձ . և որ դժուարին էր , ՚ի ձեռն շրէից՝ ասէ : Այսու զսէրն իւր եղ և զօրութիւն :

Տես աստանօր պատկեր նկարագիր վարդապետութե . և զինչ այն . « Արպէս ոչ ինչ զանգիտեցի , ասէ , յօգտակարացն չպատմել ձեզ » : Յուցանելով այսու՝ թէ առանց մախանաց էր և առանց դանդաղութե և լի պատշաճաւորօքն : Քանզի է ինչ որ ոչ է պարտ , և ոչ կարօտանայր ուսուցանել . զի որպէս թագուցանելն զպիտանացու իրս մախանաց է , նոյնպէս և զամենայն ասել տարտամութե է . սմին վասն յաւել զօգտակարսն : Եւ ոչ ասացի միայն , ասէ , այլ և ուսուցի . զի և ոչ զբանս զայստօրիկ յանձնէ ՚ի բաց եղի : Եւ զի զայս իսկ ցուցանէ , տես զինչ ասէ . « Պատմել ձեզ և ուսուցանել ձեզ հրապարակաւ և առտնին » : Այսու զբազում տառապանս իւր և զյուրով փոյթն և զյօժարութիւն ցուցանէ :

« Տալ վկայութի , ասէ , շրէից և հեթանոսաց » : Յայսմանէ ուսցուք և մեք , զի թէպէտ և ոչ ինչ շահ ցուցանեմք , սակայն ասել պարտ է . զի վկայութի տալն այս իսկ է , յորժամ առ այնտօրիկ խօսեսցուք՝ որ ոչ առնուն ՚ի միտ : Վկայեցուցանեմ , ասէ Մովսէս , զերկինս և զերկիր . և աստ Պաւղոս՝ թէ « Վկայութի տալով շրէից և հեթանոսաց զսպաշխարութիւն որ առ ւնծ » : Զինչ է արդեօք զոր վկայեցուցանես : Արպէս զի կենաց ուղղութե և բարեաց գործոց փոյթ առնիցեն , և զղջացեալ ՚ի գործս իւրեանց եկեսցեն առ ւնծ : Զի և ոչ շրեայքն իսկ գիտէին զւնծ որպէս պարտն էր գիտել վասն գործոց իսկ իւրեանց վատթարաց և վասն զՈրդին այ ոչ գիտելոյ , որով է և զչայր գիտել . զոր և ասէ առ նմին . « Եւ զհաւատսն որ ՚ի տէր Զս Բս » : Արդ վասն այսորիկ ասեմ զայստօրիկ , որ զսոյն իսկ զայստօրիկ վասն ոչ հաւանելոցն ունիմ զի ծապէս ամբաստանել :

Եւ քանզի յառաջագոյն ահաբեկեաց զնոսա ասացելովքս , ասա ՚ի վերայ էա՞ծ . « Եւ արդ աւասիկ էս կապեալ հօգւոյն երթամ յերուսաղէմ . և որ

ինչ անդ ընդ իս անցանեւոց իցէ, չգիտեմ: Վասն էր ասէ զայս. զի կամի զնոսա պատրաստս գոլ հանապազ 'ի նոյն, այսինքն վշտաց ակն ունել հանապազ և հոգւոյն հպատակ կալ: Ապաքէն այսպէս գնաս անդ իբրև անդէտ. բաւ լիցի. այլ գիտեմ զի առ մեծամեծ նեղութիս ամեալ լինիմ:

« Քանզի հոգին սուրբ ըստ քաղաքաց քաղաքաց վկայէ ինձ և ասէ, թէ որպիսի դժուար կապանք և նեղութիք մնան քեզ: Բայց զայս ասեմ, զի և դուք միտ նեղութե սպասել ակն ունիցիք, թէպէտ և առ ձեռն ոչ իցէ: Եւ զի մի կարծիցէք ողբալով իմ զայսոսիկ ասել, « Զի ոչ իւրիք համարիմ զանձն իմ պատուական որպէս կատարել զընթացս իմ ուրախութիւն և զպաշտօնն զոր առի 'ի տեառնէ Յմէ: Տեսանէս, զի ոչ պարծանաց և ոչ ողբոց են բանքս այսոքիկ, այլ խոնարհութե և խրատելոյ զնոսա և իւր չարչարակցելոյ նոցա յայնոսիկ՝ որ ինչ լինելոց էին, այսինքն 'ի դալոյ ծանուցն՝ գայլոց և զթիւրն խօսողաց: Եւ ոչ ասաց թէ նեղիմք և վշտանամք, բայց պարտ է համբերել. և ոչ մեծարելով ինչ զանձն իւր խօսի, այլ ուսուցանելով զնոսա 'ի ձեռն առաջնոց բանիցն զխոնարհութի իւր և զօրութիւն և զհամարձակութի. այսինքն ոչ սիրեմ զանձն իմ և ոչ նախապատուեմ, քան թէ կատարել զընթացս իմ ուրախութիւն և ըզպաշտօնն Յմի: Զայսոսիկ ասելով յարուցանէ զանձինս նոցա, և հաւանեցուցանէ մի միայն ոչ լինել փախտական, այլ և արիաբար կրել զամենայն. վասն որոյ և ընթացս զպաշտօնն կուէ. միտքն ցուցեալ ըզպայծառութի և զփոյթ ընթացիցն՝ վասն որոյ և ընթացս ասէ, և միւստիւն զպարտս պաշտամանն: Պաշտօնեայ եմ, ասէ, և զայսոսիկ ճեպիմ կատարել, և ոչ ինչ առաւել քան զայս խնդրեմ:

ԵՓԲ. Օ ի իբրև սկսաւ ասել՝ Ճամարտիւ զինչ անցը անցանեւոց էին ընդ նա յերուսաղէմ 'ի քահանայից և 'ի դպրացն, բայց նա վասն սրբոցն որ էին յերուսաղէմ՝ երթայր մտիթարել զնոսա, և դարձեալ զի ցուցցէ՝ թէ չարչարանք ոչ երկեցուցանեն ինչ զնա, զի ահա անխիղճ աներկիւղ առանց զանգիտելոյ ընդ առաջ փութացեալ երթայր ընդ-

գէմ'նեղու թէց , բայց սակայն յաւելեալ ասէ՛ թէ չէ համարեալ ինձ անձն իմ պատուական քան զվաստակըս աւետարանին կենաց և քան զպաշտօն աւետարանին բանի որ 'ի տեառնէ մերմէ ընկալայ . այսինքն զի վկայեցից շրէից և հեթանոսաց :

ՈՍԿ . Եւ տես՝ ոչ ասաց քարոզել կամ ուսուցանել , այլ վկայ լինել աւետարանի շնորհացն ւնյ . և այսու մի թարեզնոսա , զի մի ինչ ցաւագնեալ լիցին 'ի վիշտս չարչարանաց անկանելով :

ԵՓԲ . Եւ քանզի հանդերձեալ էր ծանրագոյն ինչ ասել՝ թէ սուրբ եմ ես յարենէ ձեր ամենեցուն , զի ոչ ինչ յիմոցն պակասեցուցի խրատուց , և զի զամենայն նեղութիս համբերեցի փոխանակ աւետարանին զոր աւետարանեմ ձեզ . զի ոչ եկի յայլ խորհուրդ , այլ յայս միայն՝ զի մրցելով իմ ընդ մահ և ընդ կեանս զօգուտն ձեր գուշակեցի ձեզ :

ՈՍԿ . Եւ զի հանդերձեալ էր այսու 'ի վերայ նոցա ընկենուլ զամենայն ծանրութիւն և զբեռն , վասն որոյ յառաջագոյն կակղէ զմիտս նոցա ասելով . «Եւ արդ աւասիկ գիտեմ ես՝ թէ ոչ ևս տեսանելոց էք զերեսս իմ գուրք ամենեքեան , յորս շրջեցայ քարոզել զարքայութիւն ւնյ» : Կրկին է մի թարու թիս . զի զորս ոչ գիտէին , յայտնէ նոցա՝ թէ ոչ ևս տեսանելոց էք զերեսս իմ . և զերեսն ասելով ոչ տեսանել նոցա , յայտ առնէ՝ թէ հոգւով և մտօք ընդ ձեզ եմ : Եւ զի վայելչապէս վկայութի զնել ձեզ ասացի , ասէ , զի ոչ ևս եմ հանդերձեալ գալ առ ձեզ :

» Ա՛սան որոյ վկայութի զնեմ ձեզ յաւուր յայս միկ զի սուրբ եմ ես յարենէ ամենեցուն ձեր . քան զի ոչ խորշեալ վեհերեցայ ինչ պատմել ձեզ զամենայն կամս ւնյ» : Տեսանես թէ որպէս երկեցուցանէ , և մանաւանդ գրաւէ զնոսա՛ի հարկ , յաշխատութիս տալ զանձինս և 'ի նեղութիս , և ամփոփս լինել յամենայն զբաղմանց : Այլ ցուցանէ և հարկ զիրան համարել , այսինքն խրատել և ոչ երբէք լուել յասելոյ : Ազգա ուրեմն որ ոչ խրատէ հանապազ , յայտ է թէ պարտական գտանի արեան նոցա , այսինքն մահու նոցա : Զոյն իսկ զայս և ցմարգարէն ասէր ւնձ՝ թէ «Զարիւնն 'ի ձեռաց քոց խնդրեցից» : Յուցանէ այ-

սօրիւք, զի թէ զոր ինքն արար և նորա զայն ոչ առնիցեն, պարտասպան արեան ինքեանք գտանիցին: Եւ թուի պատասխանի նոցա տալ զասեւն՝ թէ ոչ երբէք հեղգացայ կամ գանգաղեցայ չպատմել ձեզ զամենայն կամս ւնյ: յայտ է զոր յազազս հասեալ իւրացս որ դան ՚ի վերայ մեր կամօքն ւնյ, որովք հնարի ուղղել զմեզ առ ՚ի փրկութի նեղութի կամ ընդարձակութիք: որ թէպէտ մի են կամքն ըստ դիտողութե, այսինքն ՚ի փրկութի մեր, այլ զանազանեալ են ըստ տեսակի: վասն որոյ և զամենայն կամս, ասէ, զւնյ պատմեցի ձեզ, և վասն ճշմարիտ առաքինութե զոր սարտ է ուղղել մեզ ըստ կամացն ւնյ:

ԵՓԲ. Իայց ասա և առաւել զարհուրեցուցանէ զնոսա և ՚ի զգուշութի ածէ: զի առ փորձութիւնսն հանգերձեալս՝ որ յետ մեկնելոյ նորա էր գալոց, արիարար զամենայն զնորայն յանձին բերիցեն զքաջութի: Սմին վասն և ասէ անգէն. «Զգոյշ կացեք անձանց և ամենայն հօտիգ, յորում եզ զձեզ Հոգին սուրբ տեսուչս հովուել զժողովուրդ տեառն զոր ապրեցոյց արեամբն իւրով»:

ՈՍԿ. Երկուս իրս հրամայէ նոցա. այսինքն և անձանց հոգ տանել առ ՚ի փրկութի, և ժողովրդեանն. զի վարդապետի ոչ զայլս միայն ուղղել շահին ունի: «Երկնչիմ, ասէ. գուցէ որ այլոցն քարոզեցի, ես ինքն անպիտան գտանիցիմ»: Այլ և ոչ անձին իւրում միայն փոյթ առնելն ունի ինչ փրկութի. զի ինքնասէր է այնպիսին, զանձին միայն խնդրէ զօգուտ, նրմանեալ այնմ՝ որ զքանքարն յերկրի թագոյց: Քանզի ոչնախասպառուելի է մերս փրկութի քան զհօտին. այլ յորժամ մեզ ինքեան հոգասցուք, յայնժամ և զհօտին փրկութի խնդրեսցուք:

«Յորում եզ, ասէ, զձեզ Հոգին սուրբ»: Տեսանեն՝ առ ՚ի Հոգւոյն ունել զձեռնադրութի. հովուել ասէ զեկեղեցի տեառն: Ահաւասիկ և այլ իմն կարևոր և մեծ, զի տեառն է եկեղեցին՝ ասէ: Եւ երկրորդ փութոյ կարիս. «Զոր ապրեցոյց արեամբն իւրով» ասէ. ցուցանէ յոյժ մեծ և պատուական զիրան. զի ոչ եթէ յազազս փոքու իմն է տազնասպս, այլ վասն այնմիկ՝ յազազս որոյ տէրն և զարիւնն

իւր ոչ խնայեաց : Բայց այսու և մեծապէս մխիթարէ զնոսա . զի թէ իւրով արեամբն ապրեցոյց զմեզ, ասէ, ապա և պաշտպան և փրկիչ մեզ լիցի առանց պատճառի : Եւ արդ նա զի զթշնամիան հաշտեցուցէ՝ զարիւնն եհեզ, դու և ոչ զարեկամն լեալս կամիս հոգալ և պահել :

ԵՓԲ . Եւ զի հովիւս կարգեալս ՚ի Հոգւոյն ասաց զնոսա, որպէս տէրն զՊետրոս, վասն որոյ թէպէտ զստուգութի՛ առաքելոցն մարգարէանայ, որ հանդերձեալ էին աստանդել զճանապարհս կենացն, սակայն զկարգ ասացելոցն պահելով ճահողակի զհետբերէ . « Բանգի գիտեմ ես, ասէ, թէ յետ իմոյ ելանելոյ գայցեն գայլք յափշտակողք՝ որ ոչ խնայեացին ՚ի հօտդ » : Գարձեալ յայլ կողմ աւասիկ դարցուցանէ, և հրամայէ արթուն և պատրաստ կալ և երկնէլ յիրացն որ լինելոյ են . որպէս յորժամ ասէ՝ թէ ոչ է մեզ կուր ընդ արիւն և ընդ մարմին, այլ ընդ այս ինչ և ընդ այն : Եկեացեն, ասէ, գայլք ծանունք յետ իմոյ գնալոյս :

ՈՍԿ . Ո՛վ մեծի վտանգիս . զի աւասիկ կրկին են չարիքդ, զի դու մօտ ոչ լինիցիս և գայլքն ՚ի վերայ հասանիցեն : Արդ ընդէր գնայցես՝ զայս յառաջագոյն գիտելով, Զի Հոգին, ասէ, ձգէ զիս . կապեալ Հոգւոյն երթամ, ասէ : Եւ արդ զինչ այնչափ վարկանես զանձնք . զի թէ գնայցես՝ մեռանիցիմք : Աչ զայս ինչ ասեմ, ասէ, թէ հեռանալս իմ զայս գործէ : Այլ զինչ . « Յարիցեն ՚ի վերայ գայլք յափշտակողք » : Եւ ոչ ասաց թէ վասն իմոյ հեռանալոյն, այլ յետ իմոյ հեռանալոյն, այսինքն յետ իմոյ գնալոյն : Եւ մանաւանդ և յայնժամ եղև այս մինչդեռ ինքն ընդ նոսա էր . բայց յետ այնորիկ կարի յոյժ :

Եւ ապա որ ինչ դժուարագոյնն էր, յաւելու . և որպէս որ ինչ յետ Մովսէսի և Յեսուայ ասացաւ խտտորել ժողովրդեանն, նոյնպէս և անդ ցուցանէ : « Եւ ՚ի ձէնջ, ասէ, յարիցեն արք՝ որ խօսիցին թիւրս » : Ո՛րքան ծանր և դժուարին են իրքն, յորժամ ազգական իցէ մարտն, որում մեծ ջան և առաւել արթ-

1 Միւսն զպատմիան :

նու թի պիտոյ է յիրսդ . քանզի եկեղեցի է՝ որով մեծ իսկ է տաղնապս , զի և արեամբ իւրով աւերն վրբկեաց զնա . վասն որոյ ուժդին սրարա է մարտնչել ընդդէմ յափշտակողացն և գայլոց , Նա և կրկին իսկ է լինելոց մարտ , արտաքուստ ՚ի գայլոցն և ՚ի ներքուստ ՚ի ձէնջ :

Մյա և զպատճառն իսկ յաւելու . « Զգել , ասէ , զաշակերտսն զկնի իւրեանց » : Բանզի ոչ է թէ վասն այլոյ իրիք եղեն ոմանք հերձուածք , այլ միայն վասն այսոցիկ՝ որով ՚ի փառասիրութի և ՚ի հպարտութի գային : Եւ ոչ ՚ի կորնթոս միայն զայս առնելին , զի զաշակերտսն բաժանելին , այլ և յԱսիա : Բայց զեփեսացիս ոչ այնպէս նախատէ գրելով առ նոսա . զի ոչ երբէք եղև հարկ և կարիս գրել ինչ . իսկ կորնթացւոցն ասէր՝ թէ « Ոչ արգելան պարճանքս իմ ՚ի կողմանս արայեցւոց » : Այլ զի օցտեն գայլքն , զինչ իցէ այսմիկ միսիթարութի՝ ասա մեզ :

« Ասն այսորիկ արթուն կացէք և յիշեցէք , զի զամս երկուս ոչ դադարեցի արտասուօք խրատել զմի մի իւրաքանչիւր որ ՚ի ձէնջ » : Տես թէ որքան գերազանցու թի են եղեալքդ . արտասուօք , զցայգ և զցերեկ , և զիւրաքանչիւր որ : Ո՛վ մեծութե հոգւոյն . զի ոչ թէ յորժամ զբազումս ոչ տեսանէր՝ յայնժամ խրնայէր յիրս առնելոյ և ասելոյ , այլ հանդերձ բազմօքն գիտէր և յազագս միոյ անձին զամենայն ինչ առնել : Արդ այսպէս զնոսա ՚ի միասին և հաւաքեաց և արար մի եկեղեցի : Շատ և բաւական են , ասէ , այսօրիկ յինէն ձեզ օրինակ լինել . զի զերկամեայ ժամանակ կացի մնացի ՚ի միջի ձերում , որով բաւականապէս հաստատեցայք , ասէ , և հզօրապէս արմատացայք : Տեսանեն զի արտասուքն վասն այնորիկ էին . զի յորժամ զղջանայցէ և ցաւագնի չարն , ցաւազնեա և արտասուեա դու , թերևս բեկեալ խոնարհի և ՚ի միտ առնուցու և նա : Որպէս և հիւանդք յորժամ տեսանիցեն զբժիշկս հաղորդեալ ՚ի կերակուրս դեղոցն՝ և ինքեանք յորդորիցին , սոյնպէս և աստ յորժամ տապացեալն չարութեամբ տեսանիցէ զքեզ հառաչելով , կակղանայ , զիջանէ . քաղցրանայ և ՚ի մեծ առողջութի գայ հոգին :

« Ի տուէ և 'ի գիշերի, ասէ, ոչ դադարեցի արտասուօք խրատել զիւրաքանչիւր ոք: Այսօրիկ թեր ևս վասն մեր վայելչապէս ասացեալ եղեն. և թուի իսկ յատկապէս վասն վարդապետաց գոլ զբանս, բայց է հասարակաբար և առ աշակերտսն. քանզի զինչ այլ ասէ, քան թէ այսպէս՝ զոր այժմ՝ յիսս տեսանէք առնել: Ապա թէ ոք ասիցէ, թէ ես ասեմ՝ իսկ և աղաչեմ և արտասուեմ 'ի տուէ և 'ի գիշերի՝ այլ աշակերտն ոչ հաւանի, այլ վասն այսօրիկ ասէ՝ թէ վկայու թի՛ դնեմ յաւուրս յայսմիկ, զի դու ուսանիցիս. զոր և ինքն ասէ՝ թէ սուրբ եմ ես յարենէ ամենեցուն, զի ոչ դանդաղեցայ պատմել ձեզ ըզկամս անչ: Զի այս իսկ է վարդապետի, քարոզել և ուսուցանել, ոչ դադարել զցայգ և զցերեկ. իսկ յոչ հաւանել լսողաց՝ զհետ գայ այն՝ թէ սուրբ եմ ես յարենէ ամենեցուն, զոր պարտն էր առնել՝ արարի:

ԲԱՐՈՅԱԿԱՆ

Ըրդ Պաւղոսի որ զամենայն ինչ վասն փրկութեան աշակերտելոցն համբերէր, պատշաճ էր զայս ասել՝ թէ սուրբ եմ ես յարենէ ամենեցուն. այլ մեք զի բիւրս գիտեմք զանձանց, զայս ոչ համարձակիմք ասել, այլ զՄովսէսին՝ թէ ինձ բարկացաւ տէր վասն ձեր: Զի ահաւասիկ զօրհանապազ պատառեալ լինիմ գոչելով, 'ի բաց կացէք 'ի տեսարանաց, յերդնելոյ, յագահելոյ. և ոչ լսեն, կամ ծիծաղին զմեօք: Եւ հաւատացէք ինձ, զի վասն իմոյ փրկութեան թողեալ զձերն ողբամ. զի զինչ յոյս իցէ վարդապետի յորժամ հօտն ասպականեալ իցէ, և զխորդ կացցէ առաջի անչ, սա թէ և մաքուր իցէ յարենէ ամենեցուն, այլ և այնպէս զանբուժ տրամու թինն կրիցէ. զի և հարք յաղադս մանկանց զանբժշկականն ախտացելոց խռո վին և զկծին, թէպէտ և ինքեանք ոչ լինին մեղադրեալք. այսպէս ամենայն ինչ դուք իմ էք: Եւ եղիցի ձեզ ապրել, և ինձ հատուցանել վասն ձեր պատասխանի. զի և առ բազում սիրոյն որ առ ձեզ՝ ոչ հոգամ զի 'ի ձեռն իմ կեցէք, այլ զի կեցէք՝ 'ի ձեռն ում և իցէ:

ՃԱՆՈՒ ԲԱՆՈՒԱՍՆԵՐՈՐԴ ԶԻՆԳԵՐՈՐԴ

«**Լ**Ի արդ յանձն առնեմ զձեզ այ և բանի շնորհաց նորա, որ կարողն է շինել և տալ ձեզ ժառանգութի ընդ սուրբսն ամենայն»։ Զոր ինչ 'ի թուղթսն գրելով առնէր Պաւղոս, նոյնպէս և խորհրդակցելով զողորական յորդորումն յաղօթս կատարէ քանզի յոյժ երկիւղ էարկ նոցա ասելովն՝ թէ գայցն գայլք յափշտակողք, զի մի առաւել զարհուրեցուցէ զնոսա՝ ածէ 'ի վերայ զմխիթարութիւնս։ «Եւ այժմ՝, ասէ, որպէս և հանապազ, յանձն առնեմ զձեզ այ և բանի շնորհաց նորա»։ Շնորհքն, ասէ, կեցուցանէ զձեզ։ Ստէպ յիշեցուցանէ նոցա զշնորհսն որով հասին ազատութե և կենաց. փութագոյնս այսու առնելով զնոսա իբրև պարտապանս, և հաւանեցուցանելով վստահանալ յայն՝ որ կարողն է վերբստին շինել, ցուցանելով թէ շինեալ եղեն Աստուծով։ Եւ ապա վերստին զհանդերձելոցն յոյսն յիշեցուցանէ։ «Տալ ձեզ, ասէ, ժառանգութիւն ընդ սուրբս ամենայն»։ Արով և ուսուցանէ ևս՝ թէ պարտ է այնմ յուսով չարչարակից լինել սրբոցն։

Ըստ դարձեալ 'ի յորդորումն ածէ զբանն ասելով։ «Արժաթոյ կամ ոսկւոյ կամ հանդերձից ոչ ուրուք 'ի ձէնջ ցանկացայ»։ Զարման ամենայն չարեաց 'ի բաց իսէ, զարժաթսիրութիւնս։ Եւ ոչ ասաց թէ ոչ առի, այլ թէ ոչ ցանկացայ. և ոչ դարձեալ ասաց թէ ոչ ետուք, այլ թէ բնաւ իսկ ոչ ցանկացայ, զի մի թուիցի 'ի չտալոյ նոցա գող չառնուլն. և ոչ ասաց թէ ոչ և միոյ իրաց ցանկացայ 'ի հարկաւորացն, զի մի դարձեալ համարիցին թէ չարախօսէ զնոցանէ։ Բայց զայն իսկ լինի նշանակեալ 'ի վերայ ածելովն զայն՝ որ յոյժ մեծն է քան զայսոսիկ չառնուլն, այսինքն զայլս ոմանս կերակրելն, և զայն յիւրական երկոց. զոր «Դուք ինքնին գիտէք, ասէ, զի զպէտս իմ և ոչ

րոց ընդ իս էին՝ պաշտեցին ձեռքս այս . և զամենայն ինչ ցուցի ձեզ, զի այսպէս պարտ է վաստակել և դարմանել զՏիւանդսն: Տես զնա զգործն՝ ՚ի կիր արկեալ ոչ պարզաբար, այլ բազում աշխատութ. զի ոչ միայն զիմն, ասէ, այլ և զորոց ընդ իսն էին զպէտան լցիս:

Այսպիսի փութով վաստակէր այր՝ որ ՚ի տուէ և ՚ի գիշերի քարոզէր, վարդապետէր, ուսուցանէր արտասուօք զիւրաքանչիւր որ խրատելով: Այլ և երկիւղ և սարկանէ նոցա . զամենայն ինչ, ասէ, ցուցի ձեզ, և ոչ ունիք ապաւինել յանդիտութի, զի ՚ի ձեռն գործոց տեսէք յիս և ծանեայք՝ թէ այսպիսի աշխատութք պարտ է գործել: Եւ ոչ ասաց յամենայն ընչից զերագոյն լինել և թափուր, զի ոչ զօրէին առ այն . այլ զինչ . ՚ի դարման և յօգուտ հասանել տկարաց, ասէ, և ոչ պարզաբար ամենեցուն:

Եւ քանզի եցոյց համարձակութի առ վիշտան որ ՚ի դայլոյն, զախտակցութի առ հիւանդան, զվարդապետութի համարձակութք, զխոնարհութիւն, զանստացուածութի. բայց այս իսկ քան զանստացուածըն լինել մեծագոյն է, ՚ի չքաւորութի իւրական երկօք դարմանել զՏիւանդս . քանզի առ այնոսիկ որ ունէն ինչս, ասաց Քս՝ թէ «Վաճառեա զինչս քո և տուր աղքատաց»: Իսկ յորժամ աղքատ գոլով զնոյն առնիցէ, քան զամենայն այս իսկ է վերագոյն՝ յորժամ ոչ ինչ յուժեքէ առնելով և զայլս և ս կերակրիցէ, զինչ այնմ հաւասար լինիցի: Արդ միտ գիր առաքինութեցն կարգի . առաջին աստիճան է ՚ի բաց ընկենուլ զիւրոն . երկրորդ ինքեամբ բաւական լինել անձին իւրում . երրորդ և այլոց և ս մատակարարել . չորրորդ քարոզին և իշխանութի ունողին առնուլ՝ ոչ առնուլ . որպէս զի յոյժ քան զանստացուածն գոլ սալաւագոյն է: Այսպիսի իրօք, ասէ, օգնեալիք տկարաց ՚ի գործոց ձեռաց, քանզի յօտարաց ընչից տալ զիւրին է . սմին վասն յաւելու. «Յիշել, ասէ, զբանն տեառն Յոի զոր ինքն իսկ ասաց . երանելի է մանաւանդ տալն քան զառնուլն»: Եւ զի մի որ կարծեսցէ զվերագոյն ասացեալն առ նոսա զբանն որպէս յինքենէ օրէնս տալով նոցա, զի և յայլում տեղ ոչ ասէր՝ թէ որպէս ունիքդ զմեզ ձեզ օրինակ, սմին վասն զառ ՚ի

Քոն ասացեալն երեք 'ի վերայ : Իսկ եթէ աւետարանիչքն զայս չգրեցին, չեն ինչ զարմանք . քանզի բազում ինչ այն է զոր թողին և ոչ գրեցին, որպէս և ասէ իսկ Յովհաննէս : Իսկ Պաւղոս համարձակ առնոյր 'ի վկայութի զասացեալն 'ի տեառնէ, զոր և գիտէր իսկ 'ի ձեռն Հոգւոյն զամենայն եղեալն և զասացեալս . կամ թերևս 'ի բաղմապատիկ գրելոց բանիցն այս յայտ իցէ : Եւ ոչ ասաց թէ չար ինչ է առնուլն, այլ թէ լաւագոյն ինչ է ոչ առնուլն :

Այլ քանզի աղօթս առնէր վասն նոցա և ողորէր յորդորական բանիւ, ցուցանէ զնոյն և գործով . և տես . « Զայս իրրև ասաց, ասէ, եղեալ ծուներ առ ծովեղերբն ամենեքումք՝ եկաց յաղօթս » : Այլ հարևանցի զայս առնելով, այլ ընդերկարելով բազում զզջմամբ . և զայն առնէր առ 'ի մխիթարութի նոցա . նա և ասէլն՝ թէ յանձն առնեմ զձեզ այ, բազում մխիթարութի էր : « Եւ բազում լալիւն եղև ամենեցուն . և անկեալ զպարանոցաւն Պաւղոսի համբուրէլն . մորմոքէին մանաւանդ 'ի վերայ բանին զոր ասէր՝ թէ ոչ ևս տեսանելոց են զերեսս նորա » : Արաց՝ թէ զայցեն զայլք ծանունք 'ի ձեզ . ասաց՝ թէ մարտիրէմ ևս յարենէ ամենեցուն ձեր . բայց յաւէտ քան զամենայն այս իսկ 'ի տագնապի կացոյց զնոսս՝ ոչ ևս տեսանէլն զնա . քանզի և այս իսկ առնէր զմարտն դրժուարին : Տես զի այնպէս սիրէին զնա և այնպէս հիմնացեալք և հաստատեալք էին 'ի նա, զի ոչ տէւէին 'ի գթոյ նորա ժամանակաւ :

« Այլ անկեալ զպարանոցաւ նորա լայինս՝ ասէ : Այլն յայտնէ զտրամադրութի գթոյն առ նա, և զհաստատուն սերն ցուցանէ . որպէս յարտասուէլն Յսի ասէին՝ տեսէք որչափ սիրէր զՂազար . իսկ զպարանոցաւն անկանէլն իբրութի յետին զուգախառն միաւորութին հրաժարական ողջունիւն խանդաղատելով փարել զնովաւ, և 'ի բազում հրապարակաբանութենէն առաւել առնելով զսերն և զփափաք նորա : Զի թէ մեք ըստ ժամանակի ինչ 'ի միմեանց մեկնելով հեծեմք և յոգւոց հանեմք, և մանաւանդ գիտելով թէ դարձեալ ընկալցուք զմիմեանս, որչափ նոքա զվերջինն 'ի միմեանց անջատելով . և կարծեմ իսկ

Թէ Պաւղոս ուժ գին լացեալ լինէր : « Եւ յուզարկեցին զնա 'ի նաւ անդր » : Ի ծովեղերին 'ի բաց կալովն ցուցանէին զբռնադատու թի գթոյն և զիրացն անհնարու թի, իբրու բռնի 'ի նմանէ մնալով . և յոյժ վայելապէս, զի 'ի ծովն մտանել նոցա չէր հնար :

« Եւ իբրև եղև մեզ, ասէ, ելանել և մեկնել 'ի նոցանէ, հանդէպ զնացեալ եկաք 'ի Աով . և 'ի վաղիւ անդր 'ի շառղոն, և անտի 'ի Պատարա . և զըտեալ նաւ մի զի երթայր 'ի Փիւնիկէ ; ելեալ 'ի նա զնացաք . և յայտ եղեալ Աիսարեայ, Թողաք զնա 'ի ձախակողմն, նաւեցաք յԱսորիս և իջաք 'ի Տիւրոս, քանզի անդ էր նաւն Թափելոց զբեռինսն . և զըտեալ զաշակերտսն կացաք անդ զաւուրս Եօթն, որք ասէին ցՊաւղոս 'ի ձեռն շոգւոյն՝ մի ելանել յերուսաղէմ » : Զի նչ այն՝ թէ հանդէպ զնացեալ եկաք 'ի Աով . փոխանակ ասելոյ՝ թէ ոչ պատ առնլով եկաք և ոչ դեգերեցաք յայլ տեղիս, և ասպ եկաք 'ի շառղոն և անտի 'ի Պատարա : Տես զնա յոյժ փութացեալ և գտեալ նաւ մի զի երթայր 'ի Փիւնիկէ . Թերևս զի յորում էինն՝ գտեղի առնոյր անդէն 'ի Պատարա . սմին վասն և յայլ նաւ փոխադրեալ լինէին . և ոչ գտանելով նաւ 'ի Աեսարիս զնալով յոր փութայր, այլ 'ի Փիւնիկէ և 'ի Աիսարոս և յԱսորիս : Իսկ Թողուն զԱիսարոս 'ի ձախակողմն՝ ոչ վայրասպար է ասացեալ, այլ յայտ առնելով թէ և ոչ հուպ լինել կամէր յԱսորիս . այնպէս փութայր : Ապա կացեալ 'ի Տիւրոս զաւուրս Եօթն առ եղբարսն, զի այնուհետև յորժամ հուպ եղեն յերուսաղէմ, ոչ պրնգաբար ընթանայր . որք ասէին ցՊաւղոս 'ի ձեռն շոգւոյն մի ելանել յերուսաղէմ : Արդ մարգարէացան և նոքա յաղազս նեղութե նորա և չարարանաց . և այս 'ի շոգւոյն տնօրինեալ եղև ասել 'ի ձեռն նոցա, զի մի վայրասպար կարծիցեն ասել Պաւղոսի զայնոսիկ իբրու բարուրք և յորինուած բանի համարելով :

« Եւ իբրև եղև մեզ կատարել զաւուրսն, ելեալ զնացաք » : Տես զՊաւղոս երբեմն հաւանեալ յորժամ շոգին ոչ խափանէր . զի յորժամ ասացին մի տար զանձն քս 'ի Թէատրոսն, ոչ ետ, բազում ան-

զամ արտաքս հանին զնա և հաւանեցաւ . և դարձեալ 'ի ձեռն պատուհանի իջեալ վանդակաւ փախելք : Իսկ յորժամ բազում աղաչէին զնա այնքիկ որք 'ի Տիւրոս և 'ի Կեսարիա և կապելով ևս բիւր զժուարինս կրել նմա յերուսաղէմ, նախ ասէին, և ոչ յանձն առնոյր . և մանաւանդ ոչ զժուարինսն յանձանց ինչ ասէին, այլ զոր ինչ Հոգին ասէր յաւաջագոյն : Արդ եթէ Հոգին հրամայէր, ասեն, նա ընդէր հակառակէր : Քանզի և ինքն ևս 'ի ձեռն Հոգւոյն գիտէր զամենայն . իսկ նորա ոչ յոր ինչ Հոգին յորդորէր զայն առնէին, այլ լոկ զժուարինսն նմա ասէին, և եթէ յերուսաղէմ ելանել ոչ է պարտ : Իսկ Հոգին զնա փութացուցանէր և կանխաւ նոցա յայտ առնէր զլինելոցն, զի մի անգիտութիւն զնա 'ի փորձութիւն անկեալ համարեսցին :

« Զուզարկեալ զմեզ, ասէ, ամենեցուն հանդերձ կանամբք և որդւովք մինչև արտաքոյ քաղաքին » : Տես սրչափ էր անձկալի սէր նորա առ նոսա և մխիթարութիւն : « Եդեալ ծունր առ ծովեղերն՝ կացաք յաղօթս և հրաժարեցաք 'ի միմեանց և ելաք 'ի նաւն, և նորա դարձան յիւրեանց տեղիս . և մեր զնաւն առխօթեալ 'ի Տիւրոսէ՝ հասաք 'ի Պտղոմիդաւ Զինչ է առխօթելն . այսինքն զնաւարկութիւն ձեպովք վճարելով 'ի Տիւրոսէ հասաք 'ի Պտղոմիդա . այլ ստուգաբանօրէն յեղանակաւ առգ՝ նախդիր, իսկ խօթեալ զնաւն՝ որպէս խօթանաւ ինչ զգրաստ ընդոստուցանելով առ ձեպփութոյն . զի վաղ իսկ ցուցանէ հասեալ 'ի Պտղոմիդա :

« Եւ որջոյն տուեալ, ասէ, եղբարցն՝ եղաք առ նոսա օր մի, և 'ի վաղիւ անգր եկաք 'ի Կեսարիա . և մտեալ յապարանսն Փիլիպպոսի աւետարանչի՝ որ էր մի յեօթանց անտի, ագաք առ նմա : Նորա էին դստերք չորք կոյսք և մարգարէք » : Եւ զի թէպէտ և մարգարէք էին, այլ ոչ սորա նախ ասացին Պաւղոսի մինչև եկն Ագաբոս : « Եւ 'ի լինելն մեր անդ աւուրս բազումս » : Արդ 'ի Պտղոմիդա մնաց օր մի, և 'ի Կեսարիա յուրիս կայր : « Եջ ոմն 'ի հրէաստանէ մարգարէ անուն Ագաբոս, և եկեալ առ մեզ՝ առեալ զգօտին Պաւղոսի կապեաց զձեռս և զոտս իւր և ա-

սէ . այսպէս ասէ Հոգին սուրբ , զայրն որոյ գօտիս այս է , այսպէս կապեացեն յերուսաղէմ՝ Հրեայքն և մատնեացեն ՚ի ձեռս հեթանոսաց : Որ կանխաւ վասն սովոյն ազգեաց , նա զայսոսիկ ասէ : Եւ տես զոր ինչ մարգարէքն առնէին աչաց տեսու թք զլինելոցն պատկերագրելով , յորժամ յաղագս գերու թէն խօսէին . որպէս Եսայի և Եզեկիել , զնոյն և սա արար : Նա և որ դժուարինն էր՝ յաւել , թէ « Ի ձեռս հեթանոսաց մատնեացեն » : Եւ ոչ ասաց՝ թէ զՊաւղոս կապեացեն , զի մի թուեցի պայմանաւ ասել . այլ թէ « Զայրն որոյ գօտիս այս է » . ապա ուրեմն և գօտի ունէր :

« Իբրև լուաք զայս , աղայէաք մեք և որ ՚ի տեղւոջն էին , չելանել նմա յերուսաղէմ » : Եւ վասն զի ոչ կարէին հաւանեցուցանել զնա , վասն այնորիկ և զլալ հարկանէին , զի գէթ այնու ածցեն զնա ՚ի հաւանութի : « Յայնժամ պատասխանի ետ Պաւղոս . զի՞նչ գործէք , զի լայքդ և ճմլեցուցանէք զսիրտ իմ » . քանզի ես ոչ միայն կապելոյ , այլ և մեռանելոյ յերուսաղէմ պատրաստ եմ վասն անուան տեառն մերոյ Յսի Բնի » : Տեսանէս զփոյթն . զի մի լուեալ կարծիցես ՚ի հարկէ գոլ զոր ասէրն՝ թէ կապեալ Հոգւովն երթամ յերուսաղէմ , այլ և ոչ անգիտու թք ինչ ՚ի վիշտս անկեալ համարիցիս զնա , վասն այնորիկ նախ ասացեալ եղեն այնորիկ : « Զի , ասէ , լայք և ճմլէք զսիրտ իմ » : Ոչ ինչ գորովագու թ սէր քան զայս է տեսանել . տեսանէր զնոսա արտասուեալ , և ցաւագին վշտօք լինէր վասն նոցա , այն որ ոչ ախտանայր յիւր փորձու թիսն : Յիս , ասէ , անիրաւիք զայդ առնելով . զի ես ընդ չարչարանս ուրախ եմ և խնդամ և ոչ վշտանամ , ՚ի վերայ ձեր լամ և ոչ ՚ի չարչարանս իմ . վասն որոյ և կամօք մեռանել յօժար եմ : Իբրև տեսին թէ ոչ խոնարհի յայն , ապա հանդարտեցին , յորժամ ասաց թէ ճմլէք զսիրտ իմ , « Եւ ՚ի չանսալն նորա լուեցաք և ասեմք . տեառն կամք լիցին » : Տեսանէս զիմաստասիրութի մեծ . տեսանէս զգորովագու թ սէրն . զամ ինչ յիմ ասպատան առնէին , զի նորա կամօք մնացէ նա ՚ի մահուանէ . զի ծանեան այնու հետե ՚ի նմանէ գոլ զայն :

« Եւ յետ աւուրցն այնոցիկ հանդերձեալ ելանէաք յերուսաղէմ » : Զի՞նչ է հանդերձեալն . այսինքն զիրս

Ճանապարհորդութիւն և զպէտս առեալք: «Եկին ընդ մեզ և յաշակերտաց անտի կեսարացւոց»: Սոցա զինի Պաւղոսի ելանէն զՅերմեոանդ զութն առ Պաւղոս և զբազում յօժարութիւն ցուցանէ: «Եւ տանէին զմեզ առ որում վանս ունելոց էաք՝ Մնասոնի ումեմն կիպրացոյ առաջին աշակերտի»: Իսկ ընդէր առ Մնասոնի ունէին վանս և ոչ յեկեղեցւոջն. քանզի այնպէս ոչ կամէին ծանրանալ եկեղեցւոյն, այլոյ ումեմն գոլով չիւրընկալ նոցա ասսինջականութիւն. այլ և ոչ զարժանս ինչ չիւրոյթս պահանջէին: Իսկ յորժամ յազագս աւանդութեցն ելանէին, յեկեղեցւոջն իջավանէին. իսկ այժմ՝ առ աշակերտի ումեմն առաջնոյ: Յուցանէ այնուհետեւ բազում ժամանակս քարոզութեն. ուստի և թուի ինձ զհետ բազում ամաց լինել այժմ՝ գալուստն նորա յԵրուսաղէմ:

«Եւ ՚ի մտանէն մեր յԵրուսաղէմ, ինդութիւն ընկալան զմեզ եղբարք»: Այելլապէս. զի տակաւին խաղաղութիւն. լինէին իրքն, և իրօղութիւն նորա առ Հրեայնն ոչ այնպէս մարանչելով էր: Բայց տես ըստ կարգի զաւուրսն զիմ. յետ բազարջակերացն նաւեալ ՚ի Փիլիպպէէ ՚ի Տրովադա եկին զինի չինդ աւուրց, և անդ արարին աւուրս եօթն, որ միահամուռ լինի երկօտասան. ապա յԱսոն և ՚ի Մելիտինէ և ՚ի Տրոզիլոն և հանդէպ Բիայ և ՚ի Սամոս և ՚ի Մելիտոն, որ լինին աւուրք ութ և տասն: Եւ ՚ի տեղւոջն ուր խօսեցաւ ընդ երիցունսն չինդ օր, որ լինի քսաներորդ երրորդ: Ապա անտի ՚ի Կով և ՚ի Հուդոն և ՚ի Պատարա, որ լինի քսան և վեց. և ՚ի Տիւրոս աւուրս եօթն և ՚ի Պտղոմիդա օր մի, միանգամայն մինչև ՚ի Կեսարիա բովանդակին աւուրք երեսուն և չորք. և անդ կացեալ զաւուրս բազումս այնուհետեւ անդուստ ՚ի վերայ ածէ զնոսա մարդարէն Ազարոս. և այնպէս պենտեկոստէն լցեալ լինէր. զոր և անդ յԵրուսաղէմ զայն առնէին, որում և ըղձայր Պաւղոս զօրն պենտեկոստէ առնել յԵրուսաղէմ:

ԲԱՄՈՅԱԿԱՆ

Ի՞նչ զՊաւղոս Տիւրքնկալէին յայնժամ : Այլ թերևս ասիցէ որ 'ի ձէնջ' թէ և ինձ տայր որ զՊաւղոս Տիւրքնկալեալ, բազում յօժարու թք ընդունէի : Ասեմ՝ թէ ահա զտէրն Պաւղոսի ունիս Տիւրքնկալեալ և ոչ ախորժես : « Զի որ ընդունի զմի որ 'ի փոքր կանցս, ասէ, զիս ընդունի » : Տես զի որչափ փոքր իցէ եղբայրն, քի մանաւանդ 'ի ձեռն նորա կերակրի. զի որ զմեծն ընդունի, բազում անգամ և սնափառու թք առնէ : Իսկ որ զփոքրն, մաքրապէս վասն քի է. և որ զքի ընդունի, զվարձս զքի Տիւրքնկալողի առցէ. և ոչ ընդունողն՝ զպատուհաս. արդ ինքն է պատուեալն և 'ի ձեռն փոքունց և անարգեալն : Փութասցուք ընդունել զնա, զի ընկալցի զմեզ յարքայու թէ իւրում. տացուք նմա հաց, զի տացէ մեզ արքայութի. տեսցուք զնա կապեալ, զի տեսցէ զմեզ լուծեալ. փութասցուք ընդ առաջ օտարացն ըստ օրինակին Արրահամու, զի նորին արժանասցուք վարձուց :

ՃԱՌԻ ՔԱՌԱՄՆԵՐՈՐԴ ՎԵՅԵՐՈՐԴ

«**Ի** ՎԱՂԻԻ անդր եմուտ Պաւղոս ընդ մեզ առ Յակորոս . և եկին Կամ Երիցունքն . և ողջոյն տուեալ նոցա պատմէր մի ըստ միօջէ զոր արար Կամ ՚ի Հեթանոսս Ի ձեռն պաշտաման նորա » : Այս Յակորոս առաջին եպիսկոպոս էր յԵրուսաղէմ . և յառաջ իսկ քան զայս Պաւղոս առ սա լինէր առաքեալ յԱնտիոքայ Ասորոց . և այժմ նախ առ սա մտանէ տալ ողջոյն և լսել զԿամ ինչ ՚ի նմանէ և պատմել զոր ինչ ինքն արար : Սա էր եղբայր տեառն այր մեծ և սքանչելի , և առ Հրեայն իսկ զարմանալի երևեալ : « Եմուտ , ասէ , առ նա մեօք Հանդերձ » : Տես ձե օրինակի առանց մեծամտութե : Եկին և այլքն յորժամ լուան : Գարձեալ նոցա զիրնն Հեթանոսաց պատմէ , ոչ մնափառելով . քաւ լիցի . այլ զնյ մարդասիրութիւն ջուրանելով և զնոսա բազում ինդութիւն լնլով :

«**Ե**ւ նոցա լուեալ փառաւոր առնէին զԿամ » : Ոչ զնա գովէին և սքանչանային , զի ոչ նա այնպիսի ձեռով պատմէր , որպէս թէ յինքն վերաբերեալ զԿամ ինչ : « Եւ ասեն ցնա . տեսանէս , եղբայր , թէ քանի բիւրք են Հաւատացելոցն Հրեից , և Կամն նախանձաւորք օրինացն են . բայց իրազեկ եղէն վասն քո՝ թէ ապրտամբութի ուսուցանէս Ի Մովսիսէ որոց Ի Հեթանոսս Կամ Հրեայք են . ասեօ մի թլփատել նոցա զորդիս և մի ըստ կրօնիցն գնալ » : Տես զնոսա թէ որչափ զարհուրանօք և երկիրդիւ խօսին վասն նոցա . Հայեաց և զայն , զի ոչ որպէս եպիսկոպոս Հակառակելով ընդդէմ նորա զրուցատրէ . այլ զնա ինքն առնուն կցորդ կամացն , որպէս թէ վաղվադակի առաջաբանին պատասխանատրելով եթէ և մեք զսոյն զոր առնեն , ոչ ախորժէաք : Տեսանէս զիրացն Հարկ և զկարիս պիտոյիցն վասն Հրեից . որքան բիւրք են , ասէ , Հրեից Հաւատացելոց և Ի միասին եկելոց : Եւ

զայս խոնարհու թիւ. զի ոչ ասաց թէ տես որքան բիւրրս դարձուցեալ ածաք 'ի հաւատս, այլ թէ են, և սորա ամենեքեան նախանձաւորք օրինացն: Արկին պատճառք, և բազմութիւն և կամքն. զի թէ սակաւք էին, և արհամարհել հասանէր զնոցին խնդիրն. և այն իսկ ծանր էր. թող թէ բազումք և ամենեքեան վրէժխնդիրք 'ի կողմն օրինացն: Ապա և երրորդ պատճառ. ամբաստան եղեն վասն քո, ասէ: Եւ ոչ ասաց թէ լուան. այլ թէ այսպէս իրայն հաւատացին և ուսան, մինչև տրտնջեցին և ս վասն քո թէ ապրտաամբութի ուսուցանես յօրինացն և 'ի Մովսիսէ:

«Արդ զինչ լինիցի» ասէ: Պարտ է այսուհետև զբազմութիւն 'ի միասին ժողովել վասն քո: «Արդ զայս արա զոր ասեմք քեզ». այսինքն իբրև խորհրդակցելով և ոչ հրամայելով: Եւ զինչ արդեօք այն իցէ: «Են, ասէ, 'ի մեզ արք չորք ուխտադիրք յանձինս իւրեանց. զնոսա առեալ սրբեցիս ընդ նոսա, և ծախեա ինչ 'ի նոսա». այսինքն 'ի քո կողմանէ զօրինայն արարեալ միաբանեցիս ընդ նոսա, զի գերծցեն զդուխտն: Քանզի այսպէս օրէնքն հրաման տային զկնի ուխտին կատարման գերծուլ. զի և այն իսկ է ուխտաւորայն առանձին յուխտին գուլով թողուլ զհերսն:

«Եւ դիտացեն, ասէ, ամքն թէ զորոց իրազեկն եղեն զքէն՝ ոչ ինչ է, այլ միաբանին և դու պահել զօրէնսն»: Զի լինիցի գործով զպատասխանին առնել և ոչ բանիւ. որով ծանիցեն թէ ոչ ինչ է որ զքէն լուան. և առաւելու թիւ դու իսկ պահես զօրէնսն: Զի սչ այս միայն էր փութալի, այսինքն ոչ ուսուցանել զայս ոչ պահել, այլ զի և ինքն և ս պահեցիցէ զօրէնսն: Եւ զիսորդ ասէ, թէ հեթանոսք իմացին զօր առնեմն, և գործովս իմով այսու փասեցից զնոսա: Ոչ, ասէ, զի յորժամ և մեք իսկ Հրէից վարդապետքս գրեցաք առ նոսա մի ինչ զօրինայն փոյթ առնել բաց 'ի սակաւուց, ապա և վասն քո ոչ ինչ վասն այսր ածեն զմտաւ: Մմին վասն յաւելու և ասէ. «Բայց վասն հաւատացելոցն հեթանոսաց մեք առաքեցաք որպէս և ընտրեցաք մի ինչ այնպիսի պահել նոցա. բայց զգուշանալ նոցա 'ի կողմն զոհելոյ և յարենէ և 'ի հեզ-

ճուշելոյ և 'ի պոռնկու թէ' : Ատանօր պատկառե-
ցուցանելով իմն ասէ, որպէս մեք նոցա հրամայեցար,
և մանաւանդ շրէից գ ուով քարոզք մեք, գործակից
լեր մեզ և դու ինքն յայտասիկ :

Ս'իա դիր թէ որպիսի իրօք հաւանեցուցանէին
զՊաւղոս ցուցանելով թէ այն անօրէնութիւն և զիջա-
նել էր, և ոչ հատուած քարոզութեն. ուր և նորա
խօս օրէնսդիրք խափանման նորա լինելին առ հեթա-
նոսս : Տեսև զՊաւղոսի հեզութիւն. ոչ ասաց թէ կարող
եմ և զՏիմոթէոս ածել վկայ զոր թլփատեցին, և
առաւել հնար է ինձ հաւանեցուցանել զնոսա բանիւ.
այլ հաւանեցաւ նոցա, և զամ զոր ասացին՝ արար,
Եւ այն ամ յոյժ բօտ պատշաճի եղև. զի ոչ էր հաւա-
սար՝ բանիւ պատասխանի առնել, նա զի և ոչ միոյ
ուրուք էր դիտելի իրքն Տիմոթէայ, և ինչս ծախել
և գործով զկատարուին օրինացն ցուցանել. զի այս
խօս անկասկած 'ի Պաւղոսէ առնէր զամենեսեան :

Այլ և ոչ ասաց զարձեալ թէ զինչ է զոր ասեքդ,
ոչ է պարտ զոր 'ի հեթանոսս են հաւատացեալք՝ ու-
սուցանել ոչ թլփատել, և ոչ շատ է աստանօր ըզ-
նոյնս ոչ քարոզել. այլ զոր ասելին՝ յանձն առնոյր.
զոր և գրէր խօս այլուր՝ թէ «Եղէ ընդ շրեայսն 'ի
ներքոյ օրինացն, զի զորս ընդ օրինօքն իցեն՝ շահե-
ցայց» : Արդ տես զինչ ասելին. պարտ է քեզ, ասեն,
բազում ինչ առնել, զի հաւանեցին նոքա՝ թէ և
դու խօս զօրէնսն պահես. մի ինչ յայտմանէ երկի-
ցես, քանզի զիջութիւն է իրողութիւն Եւ ոչ յառաջա-
դոյն յայն իրս յորդորեցին զնա մինչև նախ ասացեալ
էր զանօրէնութի բանին և զշահ, ցուցանելով և ա-
ռաջի դնելով զբազմութիւն որ յերուսաղէմ էր. զի
և այն խօս առնէր Պաւղոսի հանգուրժել այնպիսի ի-
րաց զոր ասելին, և ոչ ընդդէմ յառնել նոցին կա-
մացն : Արդ արա, ասեն, զոր ասեմք քեզ՝ միայն աս-
տանօր, զի արտաքոյ երուսաղէմի ոչ է պատշաճ՝ զայ-
սոսիկ առնել քեզ :

«Յայնժամ Պաւղոսի առեալ զարսն՝ ի վաղիւ անդր
ընդ նոսս սրբեալ եմուտ 'ի տաճարն յայտ առնել ըզ-
կատարուին աւուրցն սրբութեւ, մինչև մատեալ 'ի
վերայ իւրաքանչիւր ուրուք 'ի նոցանէ պատարադ » :

Եւ արդքանզի վայել էր նոցա ըստ օրինացն զաւուրս
 ոմանս անդ 'ի տաճարին գեգերիլ, այլ նա ոչ վերբու-
 տին սկիզբն առնէր աւուրց. զի յորժամ իրքն սնու-
 րէնու թի էր, ոչ ինչ պիտոյանայր այնպիսի ինչ իրաց .
 այլ 'ի վաղիւ անդր իսկ և իսկ առեալ զարսն՝ ընդ նո-
 սա սրբեալ եմուտ 'ի տաճարն, յայտ առնելով՝ այսին-
 քն խոստովանել զկատարումն աւուրցն սրբութիւն :
 Զի ինքն էր որ յայտնի առնէր զանձն իւր զիջանելով
 ըստ օրինացն . ըստ որում Պետրոս յամբաստանելն
 ոչ լուեաց, պարզաբար հաստատելով զիւրն աւան-
 դութիւն . այլ զիջեալ ընդ նոսա արար պատասխանի՝
 թէ ես ոչ կամէի, և Հոգին կամեցաւ : Եւ զոր ինչ
 սա աստանօր արար, զնոյն և Պետրոս յառաջագոյն .
 իսկ Հրեայքն նոյնպէս և առ նմա զչարէին :

« Այլ իբրև մերձ էին եօթն աւուրքն 'ի կատա-
 րել, տեսեալ զնա 'ի տաճարն ասիացւոց Հրէիցն, ընդ
 որս մանաւանդ յերկար ժամանակ շրջեալ եղև Պաւ-
 ղոս, զեղուին զնովաւ զամենայն ամբոխն . և ար-
 կեալ 'ի նա ձեռս՝ աղաղակէին . արք իսրայէլացիք,
 օգնեցէք . այս այր է որ հակառակ ժողովրդեանն և
 օրինացն և տեղոյս այսորիկ ամենեցուն ամենայն ու-
 րէք ուսուցանէ . մինչև հեթանոսս ևս եմոյժ 'ի տա-
 ճարն և սղծեաց զսուրբ տեղիս : Քանզի էր յառա-
 ջագոյն տեսեալ զՏրոփիմոս զեփեսացի 'ի քաղաքի
 անդ ընդ նմա . զոր կարծէին թէ 'ի տաճար անդր
 եմոյժ Պաւղոս » : Տես աստ յոյժ տնօրէնութիւն ե-
 ղեալ զիրան . զի յետ հաւանելոյ Հրէիցն հաւատացե-
 լոց վասն կարծեացն զՊաւղոսէ ոչ ինչ գոլ յայնժամ,
 ապա անհաւատքն 'ի վերայ հասեալ եղէն, զի մի և
 սորք հաւատացեալք ընդ նոսին լիցին միաբանեալ
 'ի չարչարել զՊաւղոս :

Այլ դիտեա զխուովարար քարս նոցա ամենայն ու-
 րէք, և թէ որպէս վայրապար աղաղակէին 'ի միջի կա-
 լով առ 'ի զարթուցանել զցասումն ամենեցուն : Արք
 իսրայէլացիք, օգնեցէք՝ ասեն . որպէս ումեմն դժուա-
 րակալի և անբմբռնելոյ անկանելով 'ի ձեռս նոցա :
 Եւ ոչ այնու միայն թէ « Հակառակ ժողովրդեանն
 ամենայն ուրէք ուսուցանէ » մեծ առնէին զչարս-
 թին, այլ որ ինչ մանաւանդ զարհուրեցուցանէր ըզ-

նոսա և առաւել 'ի բարկութիւն ածէր, տաճարն և օրհնքն, զայն 'ի մէջ բերէին. զոր և վասն Ստեփաննոսի ասէին: Հեթանոսս, ասէն, եմոյժ 'ի տաճարն և սրղծեաց զսուրբ տեղիս: Եւ զի մանաւանդ յաւուրսն Քնիիսկ ելին ոմանք անդ 'ի Հեթանոսաց, զի երկիր պագանիցեն, և ոչ ինչ այնպէս զչարէին. քանչի այնոքիկ որ յօժարէին արդեօք 'ի Հեթանոսաց երկիր պագանել 'ի տաճարին, ոչ և սօրինաց կարօտանային և ոչ դատաստանաց: Հայեաց և ընդ Պաւղոս' ոչ և մի ինչ ամբաստան եղեալ զառաքելոցն, թէ նոքա նախ եղեն պատճառ այսպիսի վշտացս:

«Շարժեցաւ, ասէ, քաղաքն ամենայն, և կուտեցաւ ժողովուրդն. և առեալ զՊաւղոս ձգէին արտաքոյ տաճարին, և վաղվաղակի փակեցան դրուսքն, և ինդրէին սպանանել զնա»: Վասն այնորիկ ձգէին զնա արտաքս, զի փութով կամէին սպանանել զնա, և ոչ յոլովադոյն ներողութիւն առնել զայն. և հարկանէին զնա անդադար: Իսկ նա յայնժամ ոչ ինչ տայր պատասխանի, զի թերևս ոչ լսէին նմա 'ի խիստ դառնութենէն որպէս 'ի չար դիւէ իմն շարժեալք. բայց յետոյ յոյժ իրաւապէս առնէր զպատասխանին:

«Եւ հաս զրոյց 'ի հազարապետ գնդին՝ և թէ խռովեալ է ամենայն Երուսաղէմ. որոյ անդէն առեալ զօրականս և հարիւրապետս դիմեաց 'ի վերայ նոցա. և նոցա տեսեալ զհազարապետն և զօրականսն՝ դադարեցին 'ի հարկանելոյ զՊաւղոս: Յայնժամ մատուցեալ հազարապետն կալաւ զնա և հրամայեաց կապել կրկին շղթայիւք»: Արպէս թէ այնուիկ մխիթարել զնոսա և ցածուցանելով զօրամտութիւն ամբոխին, այլ և գիտել կամելով զստոյգն: «Հարցանէր թէ ով իցէ և զինչ իցէ արարեալ. այլք այլ իմն ազաղակէին զնմանէ յամբոխին»: Յայտ է, անկարգ բազմութիւն խռովութիւն լցեալք ոչ ակն ածէին զանդէպն և զանիրաւան ժայթքել:

«Իբրև ոչ կարաց գիտել զստոյգն վասն ամբոխին»: յայտ է՝ վասն անմամանս միմեանց ամբաստանելոցն զնրմանէ ժխորելոցն: «Հրամայեաց ածել զնա 'ի բանակն: Իբրև և հաս յաստիճանն, դէպ եղև բառնալ բերել

զնա զօրականացն՝ վերամբարձ, յայտ է վասն բռնու թե
ամբոխին . քանզի զհետ երթայր բազմութի ժողո-
վըրդեանն և ասէին . բարձ զգա» : Զինչ է բարձ զգա,
այսինքն որպէս և առ մեզ ասի՝ թէ ըստ սովորութե
հռովմայեցւոց 'ի պատուհաս տանջանաց արկ զգա,
կամ թէ սպան իսկ . զի զահի հարեալ էին և երկըն-
չէին , զի մի փախիցէ :

« Մինչդեռ մտանելոց էր Պաւղոս 'ի բանակն ,
այսինքն ուր դատողական կայանքն էր , ասէ ցհա-
ղարապետն՝ եթէ արժան իցէ ինձ խօսել ընդ բեզ» :
Յորժամ առ աստիճանսն եհաս բերեալ , թերևս զի
չէին այնուհետև ամբոխն ձեռնհաս 'ի նա , յայն-
ժամ աղաչեաց զհաղարապետն խօսել ինչ և պա-
տասխանի տալ ժողովրդեանն : Քայց տես որպիսի հե-
ղութի և հանդարտապէս խօսի . եթէ արժան իցէ
ինձ խօսել : ասէ : « Եւ նա ասէ . յունարէն գիտես . մի
արդեօք դու իցես եգիպտացին՝ որ յառաջ քան զայս
աւուրս ապստամբեցուցեր և հաներ յանապատ չորս
հազարս արս սիկարեանս » : Զկարծիս անօրինացն
հաղարապետն 'ի մէջ բերեալ հարցանէր , մի ար-
դեօք սա նա իցէ : Զի էր նա ոմն պատրիչ և խա-
բերայ , յանդուգն , չարագործ և ապստամբեցուցիչ :
Քանզի կարծեաց բանսարկուն թաքուցանել 'ի ձե-
ռն նոցա զձյմարտութին և հաղորդս առնել նոցա
ամբաստանութեն զՔրիստոս և զառաքելսն , այլ ոչ զօ-
րեաց : Քանզի նորիմբք պայծառագոյն երևեցաւ ճշչ
մարտութին՝ ոչ ինչ վնասեալ 'ի հնարից բանսար-
կութին , այլ մանաւանդ պայծառապէս ծագեալ : Զի
եթէ ոչ էին երևեալ կախարդքն և մոգքն , և ոչ սո-
քա յաղթողք լինէին բազմաց . թերևս որ չար կար-
ծեօք 'ի վերայ սոցա հասեալ լինէր : Իսկ յորժամ և
նոքա այնպիսիք երևեցան և հակառակողք , այսին-
քըն կախարդքն և խաբերայքն , այն իսկ արար զսո-
սա սքանչելիս . զի ասէ . « Հերձուածք լինելոց են . զի
որ 'ի ձեզ ընտիրքն իցեն , երևեսցին » . և Գամաղիէլ
ասէր , թէ « Յառաջ քան զաւուրս զայսոսիկ յարեա-
լութեւդ ասել զանձնէ՝ թէ իցէ մեծ ոմն » :

ԲԱՐՈՅԱԿԱՆ

Լ. յուհեաւ մեք մի ցաւազնեացուք. զի և այժմ հերձուածք են, յորժամ և սուտ քրիստոսք ՚ի վերայ յառնել խորհեցան և յառաջ քան զգալուստն Քոսի և յետ այնորիկ, որպէս զի թադուսցեն զճշմարտութիւն ՚ի մարդկանէ. այլ ճշմարտութիւն փայլեաց և յամենայնի յայտնեցաւ. Այս իսկ և յաւուրս մարգարէիցն եղև, և գտան հակառակ սուտ մարգարէք. այլ ՚ի նոցին համեմատութիւն մանաւանդ փայլեցին ճշմարիտքն. զի զառողջութիւն ցաւքն յայտնեն և զլոյսն խաւարն և զպարզն մըրիկն. այժմ ոչ գոյ ասել հեթանոսաց՝ թէ մոլորեցուցիչք էին, քան զի ինքեանք յանդիմանեալք եղեն. Այս և յաւուրսն Մովսէսի եղև. տեղի ետ անձ մոգուցն, զի Մովսէս մի եղիցի համարեալ մոգ. թողացոյց զնոսա ապշեցուցանել զամենեսեան, մինչև ցոր վայր ապշեցուցանել մոգուք հնար էր. այլ ընդ երկար ոչ կարացին պատրել, այլ ինքեանք զպարտութի խոստովանեցան. և հանապազ նոյն լինի:

ՃԱՌԻ ՔԱՌԱՄՆԵՐՈՐԻ ԵՕԹՆԵՐՈՐԻ

«**Ա**յլ Պաւղոս. ես եմ այր հրեայ՝ի Տարսոնէ կիլիկեցւոց, ոչ աննշան քաղաքի քաղաքացի»: Տեսանէս, զի յորժամ ընդ արտաքինսն խօսի, ոչ հրաժարէ զառ՝ի յօրինացն օգնականութի՝ի կիր առնուլ. որպէս և այժմ հրեայ զինքն ասելով: Այլ և քաղաքաւն ևս զնա ամաչեցուցանէր. որպէս և յայլում տեղւոջ դարձեալ այսպէս ասէր՝ի հանդիսի՝ թէ «Չարս անմեղս հռոմայեցիս գոլով՝ արկին՝ի բանտ»: Եւ զի ասաց՝ թէ դո՛ւ իցես եգիպտացին, վաղվաղակի ա՛նուամբն զնա յայնպիսի կարծեաց՝ի բաց եհան, յայտ արարեալ՝ թէ սա ոչ էր նա և ոչ յայնպիսեաց երբէք: Ապա զի մի կարծիցի զանունն միայն ունել հրեայ, յառաջ բերէ և զպաշտօնն, Եւ քանզի յայլում տեղւոջ օրինաւոր ըստ Քրիստոսի կոչէ զանձն իւր, արդ զիմորդ այժմ ասէ զայս. ընդէր ոչ ուրացաւ զհրէութիւն: Քաւ լիցի, զի հրեայ էր և քրիստոնեայ, որչափ պարտ էր պահել զօրէնսն. քանզի և օրինացն մանաւանդ քան զայլս նա լինէր անսացեալ որ՝ի Քրիստոսայր: Որպէս և ցՊետրոս ասէր. «Մեք բուն հրեայք եմք, և ոչ՝ի հեթանոսաց մեղաւորք»:

«**Ա**զաչեմ զքեզ, ասէ, հրամայեա ինձ խօսել առ ժողովուրդն»: Եւ այսու նշանակէր թէ ստեալ ոչ լինի, և ոչ է իրաց ինչ պարտապան՝ որ այնպէս պատրաստն գոյր առ՝ի տալ պատասխանի և կամեն չամարձակ խօսել ՝ի մէջ հանդիսի Հրէիցն զինի ամբօխելոյ նոցա: Տես այր կարգաւոր, տես տնօրէնութի բարւոք յօրինեալ. զի եթէ հազարապետն ոչ էր եկեալ և ոչ էր զնա կապեալ, թերևս ոչ լինէր զհազարապետն աղաչեցեալ. և ոչ ինքն իսկ կարօտացեալ բանի պատասխանոյ, և ոչ թերևս այնչափ լուծն հանդիպեալ:

«**Ա**յլ հրամայելն նորա Պաւղոս կացեալ ՝ի վերայ

աշտիճանացն՝ շարժեաց զձեռն ժողովրդեանն: Միտ գիր զի և ՚ի տեղոյ անտի եղև նմա գիւրու թիւն. որպէս զի բարձրագոյն կալով կապանօքն հրապարակաբանել: Զինչ այսմ հաւասար իցէ զարմանալի. կրքիին երկաթի կապանօք կապեալ տեսանելով զՊաւղոս հրապարակաբանելով. զիա՛րդ ոչ խռովեցաւ այնքան հանդէս թշնամեաց տեսանելով և իշխանին ՚ի վերայ հասանելով: Արդ նախ առաջին ՚ի բաց արար զնոսա ՚ի ցասմանէ շարժելով ձեռինն. ապա տես թէ որպիսի խոնարհութի՛ սկսանի ՚ի բանն. և զոր ինչ ՚ի յերբայեցւոյ թղթին ՚ի հարցն և ՚ի մարդարէիցն արար սկիզբն, զնոյն և աստանօր յառաջագոյն ազգակցութե՛ ձայնիւն զնոսա առ ինքն ձգելով:

« Եւ իբրև բազում լուծի լինէր, ասէ, սկսաւ բարբառել հէբրայեցւոց բարբառովն և ասէ. արքեղբարք և հարք, լուարուք ինձ այժմ առ ձեզ պատասխանատրութեանս: Տես ՚ի մարդահաճութե՛ և առ երեսս խօսելոյ ազատեալ զբանն և բազում հեղու թիւննելով. զի ոչ ասաց թէ տեարք, և չասաց կատարեալ աւագութի՛ք. այլ եղբարք, զոր ինչ մանաւանդ փափաքէին լսել: Զի ոչ եմ օտար, ասէ, ես ՚ի ձէնջ և ոչ հակառակորդ ձեր, այլ եղբայր ձեր և որդի: Այս իսկ պատուոյ է՝ հարս ասելն. իսկ եղբարս՝ հարազատութե՛: Լուարուք, ասաց, ոչ վարդապետութես և ոչ հրապարակաբանութես, այլ պատասխանատրութես. ՚ի կարգի աղաչողի զանձն իւր կացուցեալ:

« Իբրև լուան թէ հէբրայեցւոց լեզուան բարբառեցաւ նոցա, առաւել և ս դադարեցին ՚ի լուծութե՛: Տեսանէս թէ որպէս բմբունեաց զնոսա համաձայնութիւն. զի ունէին իսկ շրեայքն պատկառումն առ լեզուն այն: Եւ դու միտ գիր՝ թէ որպէս նախ ճանապարհ հորդէ բանին, և այնպէս ապա սկսանի և ասէ. «Ես եմ այր հրեայ, ծնեալ ՚ի Տարսոն կիլիկեցւոց, սնեալ ՚ի քաղաքիս յայսմիկ, առ ոսո Գամաղիէլի խրատեալ: Նախ զայս գնէ զոր ինչ մանաւանդ փափաքէին լսել քան զամենայն ինչ, հրեայ զինքըն կոչելով: Իսկ վասն ՚ի Տարսոն զինքն ծնեալ ասելոյն, զի մի՛ դարձեալ կարծիցեն զազգն նորա այլ գող, զպաշտօն նորա ՚ի վերայ աճ՝ թէ սնեալ ՚ի քաղա-

քիս յայսմիկ . և այսու զբազում փոյթն ցուցանէ զճնողացն իւրոց զոր ունէին յազագս պաշտամանն . Արոյ վասն զայնպիսի հայրենիս թողեալ և այնչափ անտի հեռացեալ , անդանօր հաճեցաւ սնուցանել զՊաւղոս վասն օրինացն : Տեսանես թէ որպէս 'ի բնէ 'ի վերուստ զօրէնսն պահէր :

Եւ զայսոսիկ առ նոսա ոչ պատասխանատրէ միայն , այլ և ցուցանէ ' թէ ոչ մարդկային դիտողութիւն ածեալ եղև 'ի քարոզութիւն , այլ անձեղէն զօրութիւն : Զի ոչ արդեօք այսպէս ընդ երկար խրատեալ գոլով օրինօքն՝ վազվազակի փոփոխեալ լինէր : Եւ եթէ 'ի բազմաց որ էր , յիրաւի էր զայն ինչ կասկածել . իսկ եթէ յայնցանէ էր , որ մանաւանդ յօրինացն ըմբռնեալ էին , ոչ էր մարթ վայրապար փոփոխել առանց զօրաւոր և մեծ պատճառի իրիք :

Եւ յլ զի թերևս ասէր որ արդեօք , եթէ ոչ ինչ առնէ այդ՝ զի աստանօր մնար . զի կամ վաճառահանութիւն կամ ըստ այլ իրիք պատճառի եղև գալիքս աստանօր . սմին վասն ասէ՝ առ ոտս Գամաղիէլի : Եւ ոչ ասաց լոկ առ նմա , այլ առ ոտս . զի այսու զժուժկալութիւն և զհամբերութիւն և զփոյթն զոր առ լսողութիւն ունէր և զբազում առ առնն զպատկառումն՝ եցոյց : Եւ ոչ ասաց խրատեալ օրինօքն , այլ ըստ ճշմարտութե հայրենի օրինացն նախանձայոյզ էիւնց : Ցուցանէ այսու թէ 'ի բնէ 'ի վերուստ այնպիսի ոմն էր , և ոչ միայն պարզաբար դիտող օրինացն : Այսոքիկ թուին յազագս նոցա վկայութե ասացեալ . բայց յոյժ հակառակ էր նոցա , եթէ այնպէս քաջ գիտելով զօրէնսն 'ի բաց եթող զնա :

Եւ պա զի մի ասիցեն թէ զիա՞րդ ոչ վրէժխնդիր լինիս նմա և սիրես զնա՝ եթէ ստուգապէս գիտողես օրինացն , սմին վասն յաւելու . «Նախանձայոյզ էիւնց» : ոչ վայրապար նախանձայոյզ , այլ յոյժ սաստիկ : Եւ քանզի մեծամեծս յազագս ինքեան զովութիւնս ասաց , ապա հասարակաց առնէ զբանն , 'ի վերայ անձելով թէ « Արպէս ամենեքեան դուք այսօր » : Եւ ցուցանէ զնոսա ոչ մարդկային դիտողութիւն առնել զայն , այլ զանձային նախանձն 'ի կիր արկանելով : Եւ այսոքիւք յառաջահաս լինելով 'ի միտս նոցա , և ըմբռնելով զնոսա իրօքն՝ որ ոչ ինչ էր վնաս :

Մյա և զնշանսն որ յաղագս ինքեան է, 'ի մէջ բերէ ասելով. « Որ զնոյն ճանապարհ վարէի մինչև 'ի մահ, կապել և մասնել 'ի բանտ արս և կանայս » : Եւ այս ուստի՞ արդեօք յայտ իցէ. 'ի ձերոց վկայուածեցդ . ըստ որում և զնոյն քահանայապետն իսկ և զամենայն ծերակոյտն կացուցանէր վկայս ասելով. « Որպէս և քահանայապետդ վկայէ ինձ և ամենայն ծերակոյտդ » : Եւ քանզի ասաց թէ նախանձայոյդ էի իբրև զձեզ, աստ ցուցանէ 'ի ձեռն գործոցն՝ թէ առաւել էր քան զնոսա . զի ոչ եթէ միայն այսպիսի էի, ասէ, զի ըմբռնեցից 'ի տանջանս զաշակերտսն Յնի, այլ և զքահանայապետն իսկ 'ի նոյն յարուցանէի . և ոչ աստ 'ի քաղաքիս միայն, այլ և 'ի բաց արձակ տեղիս լինէի զնացեալ . և ոչ առ արսն միայն լինէի թափանցեալ, որպէս և դուք, այլ և առ կանայսն՝ կապելով և 'ի բանտ արկանելով :

Ինքնդերկուանալի էր վկայութիս, անպատասխանելի էր շրէիցն : Տես թէ որքան վկայս էած, զծերակոյտն և զքահանայապետն և զայնոսիկ որ 'ի քաղաքին էին : Հայեաց 'ի նորա պատասխանիսն որպէս ոչ հուպ եղեալ 'ի զանգիտութիւն, այլ մանաւանդ 'ի վարդապետութիւն և 'ի յորդորումն և յողբանս . զի եթէ ոչ քարեղէնք էին լսողքն, նայեցեալ հաւանելն ասացելոցն : Արդ մինչև ցայս վայր զնոսա իսկ ունէր վկայս . իսկ այն զոր զինի այսր ասէ, առանցնոցին վկայութե էր :

« Յորոց, ասէ, և թուղթս առեալ առ եղբարս որ 'ի Դամասկոս, երթայի ածել և անտի կապեալս յերուսաղէմ, զի պատժեսցին : Եւ եղև ինձ 'ի գնալն և 'ի մերձենալ 'ի Դամասկոս, զմէջաւուրբն յանկարծակի յերկնից փայլատակեաց լոյս սաստիկ զինև . և անկայ յերկիր և լուայ բարբառ . որ ասէր ցիս, Սաւուղ Սաւուղ, զի՛ հալածես զիս . և ես ետու պատասխանի և ասեմ, թէ ո՞վ ես դու, տէր » : Արդ և այսոցիկ հաւատարիմ պարտ էր լինել 'ի յառաջադուսիցն նորա գնացից, 'ի յիրացն ընտրողութե : Զի որպէս պարծի, կամ զիարդ յետս կացեալ եղև անդէն ճեպով յայնց իրաց յոր փութայրն : Արդ ընդէր զայնչափ նախանձն 'ի բաց ընկեց յանկարծակի,

ասա ինձ . մի՞թէ պատուո՞յ ակնկալու թի՞ ունելով .
և սակայն զնորին հակառակն հանդուրժէր : Այլ
հանդատեան արդեօք . և այս իսկ ոչ եղև նմա : Իսկ
զինչ էր որ զնա հաւանեցոյց : Այլ է հնար մարդկայ-
ին մտածութի՞ք դատնել , այլ միայն անձեղէն զօրու-
թեն էր , որ զիրոն առնէր : Արդ զայսոսիկ 'ի նոսա
թողեալ՝ ընտրութի՞ իրողութեցն առնել , ինքն միայն
պատմէ զեղեակն :

« Օ մէջաւուրբն , ասէ , փայլատակեաց զինև լոյս
սաստիկ , և անկայ յերկիր » : Տես սրչափ էր գերազան-
ցութի լուսոյն . յայտ է ահա ոչ միայն այնու զի յաղ-
թէր արեգականն , այլ և որով կուրացոյցն իսկ զնա ,
և զի ընկէց ևս յերկիր . այլ զի վերածողական և ոչ
սոսկ պատուհասողական՝ էր եղեալն առ նա , « Ար-
ւայ , ասէ , ձայն որ խօսէր ընդ իս , Սաւուղ Սաւուղ ,
զի՞ հալածես զիս » . յայտ առնելով ձայնին այսու բա-
նիւ զպատճառ զարկուցանելոյն զնա յերկիր և կու-
րացուցանելոյն զաչս նորա . և զի թէպէտ յաչն
տանջեցաւ կուրութի՞ք , այլ և ոչ 'ի միտն : Աւստի
յուշի կալով իմ , ասէ , և գիտելով զոր ինչ անցին ընդ
իս անցք , ետու պատասխանի՞ թէ ո՞վ էս դու , տէր ,
որ զայսպիսի անցս ընդ իս զօրեղապէս գործես , ամ-
բաստանելով ևս հալածեալ լինելքո յինէն : « Եւ ա-
սէ ցիս . ես եմ Յն նազօրեցի զոր դու հալածես » :
Բարեօք և զքաղաքն յիշեաց որ նոցա յայանի էր , որ
պէս զի ծանիցեն նոքա . այսպէս և Պետրոս և այլ
առաքեալքն ասէին՝ Յն նազօրեցի . և ինքն իսկ Յն
վկայէր՝ թէ այնու հալածեալ լինէր , մարմնաւորու-
թեն իրօք՝ յայտ է :

« Բայց ընդ որ իմն էին , զլոյսն տեսանէին , այլ
զձայնն ոչ լսէին որ խօսէր ընդ իս : Եւ ասեմ . զինչ
արարից , տէր . և ասէ ցիս . յարուցեալ երթիցես 'ի
Գամասկոս , և անդ պատմեցի քեզ վասն ամենայնի
զոր հրամայեալ է քեզ առնել : Իբրև ոչ տեսանէի
'ի փառաց լուսոյն այնորիկ , զձեռանէ ձգեալ 'ի նո-
ցանէ որ ընդ իմն էին՝ մտի 'ի Գամասկոս » : Արդ մի-
թէ պարծելով ինչ ստեղծարանիցէ իմն զայսոսիկ . և

ու էրբէք. քանզի որ ընդ նմայն էին, վկայք են, որք և զձեռանէ նորա կալեալ մուծին 'ի Գամասկոս. որք և զլոյսն տեսին, թէպէտ զձայնն ոչ լուան : Այլ զի 'ի միւսում տեղւոջ ասէ՝ թէ « Որ ընդ նմայն էին՝ ըզ- ձայնն միայն լսէին, բայց տեսանէին և ոչ ինչ », և աստ՝ թէ « Զլոյսն տեսին, և զձայնն ոչ լուան », ոչ են այսորիկ միմեանց հակառակք. զի ձայնք երկու էին, Պաւղոսին և տեառն. և անդ ձայն զՊաւղոսին ասէ զոր լսէին՝ թէ ո՞վ էս տէք. իսկ զայն որ խօսէրն ընդ նա՝ թէ զի՞ հալածէս զիս, ոչ տեսանէին, բայց զլոյսըն միայն : Իսկ աստ ձայն զտեառնն ասէ. զի զայնորիկ որ խօսէրն, ասէ, ընդ իս՝ զձայնն ոչ լուան. և ոչ ասէ թէ ոչ ինչ տեսին, այլ թէ զլոյսն տեսին :

Այդ ընդէր և նորա ոչ կուրացան : Ինձ այսպէս թուի՝ թէ և նոցա ոչ երևեցոյց նոյնպէս և զսաստիկ լոյսն. կամ զի ոչ կամեցաւ, զի վկայք իրացն լինիցին որ վասն Պաւղոսի. կամ զի չէին ինչ օգտելոյց յայնմանէ, բայց միայն Պաւղոս : Ոչ որ, ասէ, լուաւ ըզ- ձայնն : Յոյժ վայելապէս եղև այն, զի նմա միայն պարտ էր ձայնին այնմիկ արժանանալ. իսկ թէ և նոքա լուեալ էին, թէրևս ոչ նոյնչափ լինէր սքանչելի, քանզի թանձրամիտքն տեսու թէ առաւել հաւանին : Զլոյսն տեսին նորա և ոչ այնչափ զարհուրեալք եղեն. զի առ նօքօք լոյսն ոչ այնչափ ներզործեաց, որչափ առ նմա. կուրացոյց զնորա զաչսն վասն այնց իրաց՝ որ պատահելոյ էին նմա. բայց և նոցա իսկ ետ վերստին տեսանել զնձային լոյսն և հաւատալ՝ թէ կամեցեալ լինէին : Բայց ինձ թուի թէ անօրինաբար նոքա ոչ հաւատացին անդէն իսկոյն, որպէս զի իցեն վկայք հաւատարմագոյնք :

« Այլ ասեմ. զինչ արարից, տէր » : Տես զնա իբրև 'ի գանից իմն կշտամբանաց իմաստնացեալ, վայելապէս ուսանել, հայցելով հետևել կամաց իբրատողին : « Եւ ասէ ցիս. յարուցեալ էր թիցես 'ի Գամասկոս, և անդ պատմեցից քեզ զարժանն » : Տես՝ զի որ զարկոյցն, նա կանգնէ. զի որպէս ոչ պարզաբար անկաւ, և ոչ իւրովի յառնէ. և ոչ ինչ թողու առանց վկայու թէ, այլ ամէ բոլորովն զքաղաքն 'ի վկայու թէ, որք և տեսին զնա կուրացեալ և զձեռանէ նորա առեալ այլոյ :

« Ի նանհա ոմն սյր երկիւ զած ,ասէ , ըստ օրինացն վկայեալ յամ բնակչացն՝ որ ՚ի Գամասկոս Հրեայքն էին, եկն եկաց առ իս և ասէ . Սաուղ եղբայր, ՚ի վեր հայեաց, Եւ ես նոյն ժամայն ՚ի վեր հայեցայ ՚ի նա » : Ահա ասիկ դարձեալ այլ վկայ ածէ ՚ի մէջ . և տես որպէս զնա հաւատարիմ առնէ . « Այր, ասէ, երկիւ զած ըստ օրինացն » : Այսպէս ոչ էր օտար, այլ բուն իսկ և վկայեալ յամենայն Հրէիցն , որք անդ էին : Ապա ՚ի ձեռն իրացն եղեւոց հաստատէ զվկայութիւն՝ թէ « նոյն ժամայն ՚ի վեր հայեցայ ՚ի նա և տեսի » : Տեսանէս ՚ի ձեռն դիմաց և իրաց խառնեալ զվկայութիւն . ըստ դիմաց՝ յընտանեաց իսկ և յօտարաց, որք են քահանայք և երիցունք և այնոքիկ որ ճանապարհորդակից էին նորա . իսկ ըստ իրաց՝ այն իսկ զոր ինչ առնէրն և զոր ինչ կրէրն, և իրքն իրացն վկայէին և ոչ միայն դէմքն . ապա ոչ օտար դիմաց վկայութիւն էր Անանիային . ապա նոյն իսկ իրքն, այսինքն վերստին տեսանէին . ապա և մարդարէութիւն մեծ զոր Անանիա ասէր . « Ա՛ճ հարցն մերոց յառաջագոյն ընտրեաց զքեզ ճանաչել զկամս նորա և տեսանել զարդարն » : Բարւոք ասաց՝ հարցն մերոց . զի ցուցցէ ըզնոսա ոչ գոյով Հրեայս և ոչ որդիս հարցն , այլ օտարս յօրինացն և թշնամիս և ոչ նախանձախնդիրս օրինացն : « Ճանաչել, ասէ , զկամս նորա » . ապա այն իսկ էր կամք նորա , և ոչ զոր նոքայն առնէին : Տեսանէս թէ որպէս ՚ի կարգի պատմութե վարդապետութիւն յօրինէ : « Եւ տեսանել , ասէ , զարդարն » : Առ ժամայն ասէ այսպէս և ցուցանէ , զի թէ սա արդար էր, նոքա պարտապանք էին և դատապարտք , և ոչ արդարք :

« Եւ լսել , ասէ , բարբառ ՚ի բերանոյնորա . զի եղիցես վկայ նորա առ ամ մարդիկ՝ որոց տեսերն և լուար » : Տեսանէս թէ որպէս զիրան վերացուցանէ . վկայ , ասէ , վասն այնոցիկ՝ զոր տեսեր և լուար՝ եղիցես , և ոչ մատնիչ : Առ ամ մարդիկ , ասէ . ոչ միայն առ համագոյիս , այլ և առ օտարս և անհաւատս . զի վկայ այն իսկ է , որ ոչ զգիտողն և եթ , այլ և զանգէտն հաւանեցուցանէ , և ՚ի ձեռն երկաքանչիւր զգայութեանց հաւատարմացուցանէ . որոց տեսերն և լուար՝ ասէ :

« Այլ արդ զի՞ հեղգաս , ասէ , արի մկրտեաց և լուս զմեզս քո՞ ՚ի կարգալ զանուն նորա » : Ատանսօր մեծ իսկ բարբառեցաւ . զի ոչ ասաց՝ թէ յանուն նորա մկրտեալիք , այլ թէ կարգասցես զանուն նորա , այսինքն զԲՅ : Եւ եցոյց զնա անձ գոլ . զի ոչ է պարտ զայլ ոք կարգալ , բայց միայն զանձ . զի և զմեզս թողուլ նորա միայն է իշխանութի : Աւ այս անձ ասաց զընտրու թի նորա յայ . ոչ այժմէն և եթ , այլ անդուստ ՚ի վերուստ յառաջագոյն . ըստ որում գրէ զնոյն և ինքն իսկ առ եփեսացիսն : Եւ եցոյց ևս թէ զոր քարոզէին յայ լուսաւ զանձ և յայտ արար զանձնէ իւրմէ ոչ ՚ի հարկէ եկեալ յայն , այլ դիւրաւ ՚ի կամաց իւրոց հետևեալ :

ԲԱՐՈՅԱԿԱՆ

Մյսպիսի վկայս և մեզ պարտ է լինել , և ոչ մատնել զայն ինչ յոր հաւատարմացաքն . ոչ միայն յազագս հաւատոյն ասեմ , այլ և յազագս վարուց անաքինութե : Արդ զիարդ վկայեսցուք անձայնոցն , թէ բանիւ քարոզիցեմք , և գործովք զհակառակ նորին առնիցեմք . զի թէ ոք ասիցէ գոլ զինքն քրիստոնեայ , և այլով անիւ հրէարէն վարի , բաւական իցեն լոկ բանքն առ ՚ի ցուցումն հաւատոցն . և ոչ երբէք : Այսպէս և ոչ մեք բանիւ խոստովանելով թէ յարութի է և բազում բարութիք , արհամարհեսցուք զաստի իրս՝ զի յուսացեալ բարեացն հասցուք :

ՃԱՌԻ ՔԱՌԱՄՆԵՐՈՐԴ ՈՒԹԵՐՈՐԴ

«**Ե**րբ եղև ինձ ՚ի դառնալն յԵրուսաղէմ և կալ յաղօթս ՚ի տաճարին, լինել ՚ի զարմացման և տեսանել զնա զի ասէր ցիս . փռութա ել յԵրուսաղէմէ վաղ-վաղակի, զի չեն ընդունելոց զքո վկայութիւնդ վասն իմ» : Տես թէ որդէս անդէն ՚ի ներքս ՚ի հանդէսըն ՚ի վկայութիւնս մրցէ զանձն իւր : Զկնի առաջնոյ տեսլեանն եկի, ասէ, յԵրուսաղէմ, և դարձեալ տեսի այլ տեսիլ ահագին . զոր և զարմացումն և թրմբութի կոչէ առ ՚ի նշանակել զանբաւելի երևումն : «**Կալով, ասէ, յաղօթս եղէ ՚ի զարմացման**» : Յայտ առնէ թէ ոչ լոկ տեսիլ էր, այլ սոսկալի . վասն որոյ և յաղօթս կալով նորա երևեցաւ : Եւ զի ոչ բաւեաց առնուլ զհանգամանս երևմանն, զարմացումն կոչէ : Եւ զի առանց վկայութե էր այս տեսիլ, յելից իրացն առնու զսորայն հաւատարմութի . զի ասաց՝ թէ չեն ընդունելոց զքո վկայութիդ, և չընդունեցան : Յայտնէ և զայս՝ թէ ոչ երկնչելով ՚ի վշտացնոցա փախեաւ, այլ զի ոչ էին ընդունելոց զվկայութի նորա : Ապա և զիւրն պատասխանի ՚ի մէջ բերէ և ուսուցանէ զնոսա՝ թէ մանաւանդ ՚ի մտածութե պարտ էր նոցա զայս ճանաչել և ամենեին ընդունել զնորա քարոզութին :

«**Եւ ասեմ, ասէ, տէր՝ ինքեանք իսկ գիտեն, զի ես էի որ ՚ի բանտն տայի և գան հարկանէի ըստ ժողովրդոցն զհաւատացեալն ՚ի քեզ**» : Այ ընդդիմախօսելով Քթի ասաց զայս . քաւ լիցի . այլ կամեցաւ իմանալ զիրացն զպատճառն, որ այնպէս հրաշափութութեք՝ թէ ընդէր շրեայքն ոչ են ընդունելոց զնորա վկայութին վասն Յթի . բայց զայն ոչ ասաց նմա Քթ, այլ միայն ասաց նմա գնալ : Վասն որոյ յաւել՝ թէ «**Եւ յորժամ հեղոյր արիւնն Ստեփաննոսի վկայիքո, ես ինքն էի որ ՚ի վերայ կայի և կամակից լինէի սպանմաննորա**» : Յայտ առնէ ամենայնիւ որպէս զի վասն այսորիկ պարտ էր նոցա ընդունել զնա :

Ըստանօր երկուս կազմէ իրս . մի զի պատասխանի նօքա ոչ ունէին զՊաւղոս հալածելոյն , զի ոչ վայելէ չապէս և ոչ բոտ իրաւանց հալածէին զնա . և երկրորդ ուսուցանէ թէ Խժ է Քս . զայն իսկ որ առանց ակնկալութե էր՝ մարդարեանալով , և ոչ ՚ի լեալն առ ժամայն հայելով միայն , այլ զհանդերձեալն յառաջագոյն գիտելով՝ թէ չեն շրեայքն ընդունելոց զքո վկայութիւնդ վասն իմ , թէ պարտ է քարոզել զնա Խժ : Այլ զիարդ ապա նախ ասէր Քս՝ թէ « Արեւցէ զանուն իմ առաջի ազգաց և թագաւորաց և որդւոցն Խորայելի » : Այո . բայց զայս ոչ ասաց թէ հաւատասցեն առանց պատճառի , կամ թէ հաւանեցուսցէ : Նա և այլ ազգ . քանզի շրեայքն և յայլ տեղիս հաւանեալ լինէին . իսկ աստանօր ոչ ևս , յորում մաւնաւանդ հաւանել պարտ էր՝ գիտելով զնորա զառաջին յօժարութիւն :

Օ ի տես դարձեալ թէ ո՛ւր կամ առ ո՛ր բանս վախճանի . ՚ի զօրաւոր զլուխ մօլորութեն՝ եթէ սա ինքն էր որ հալածէրն . և ոչ միայն հալածէր , այլ և բիւր ձեռօք սպանանէր զՍտեփաննոս : Արդ յիշեցոյց նոցա զչար սպանութիւն և զգժուարին . իսկ նօքա յայնժամ մանաւանդ ոչ հանդուրժեցին , քանզի յոյժ սովաւ կշտամբեաց զնոսա : Եւ մարգարէութիւն Քսի լցեալ լինէր՝ թէ չեն ընդունելոց զքո վկայութիւնդ . և չարախօսութիւն և ամբաստանելն յոյժ ճշմարիտ գոլ զնոցանէ ստուգէր և զնախանձն նոցա չարաչար յայտնէր ՚ի վկայութիւն զոր վասն Քսի տայ : Տագնապեալք՝ ոչ ներեին շրեայքն Խժ հրապարակախօսութե նորա . այլ ՚ի լսելն թէ ասաց զիս՝ զնա դու , զի ես ՚ի հեթանոսս հեռաւորս առաքեցից զքեզ , յոյժ լցեալք ցասմամբ աղաղակէին որպէս առ Ստեփաննոսիւ , և ասէին՝ բարձ զգա . զոր և առ Քսիւ ՚ի ժամ խաջին ասէին : Ո՛հ անհանձար մելեղնութեն . ընդէր արդեօք ստիպէք բառնալ զայրդ . զի Խժ խօսեցաւ ընդ դմա , և զի հնազանդեցաւ դա լսելն ց . աստի ուսանիմք թէ զիստ և զանհնազանդ հոգի ոչ ինչ կարէ կակզել :

« Եւ ունին դնէին նմա , ասէ , մինչև ցայս բան . ապա բարձին զձայնս իւրեանց և ասեն . բարձ զգա յերկրէ , զի չէ պարտ այդպիսւոցդ կեալ » : Ով ամենա-

դաժանք, դմա՛ ոչ է պարտ կեալ՝ յսմի հպատակելու մի-
այ, և ձերո՞յ ամբարշտու թե՞դ պարտ է կեալ, ով պիղծք
և մարդասպանք: « Եւ յաղաղակէն նոցա և ընկե-
նուլ զհանդերձս և զփոշին ցանել յօդս՝ հրամայեաց
հազարապետն մուծանել զնա՝ ՚ի բանակն. ասէր դա-
նիւ հարցանել զնա, զի գիտացէ վասն որոյ յանցման
այնպէս աղաղակէին զնմանէ: » Եւ զնոցա զանմիտ
կատաղուին, աղաղակելովն և զհանդերձսն ընկենլով
և զփոշին յօդս ցանելով, յայտ առնելով զդժնգակ
բարկու թիս իւրեանց իբրև ՚ի դիւէ մոլի: ք. և զի
դժուարին լինիցի հակառակու թին, երկեցու ցանել
կամելով զիշխանն:

Եւ տես՝ ոչ ասէն զպատճառն, քանզի ոչ ինչ ու-
նէին ասել. այլ միայն աղաղակելովն զարհուրեցու-
ցանել կարծէին: Եւ յորժամ ասացին՝ թէ էէ պարտ
դմա կեալ, յայնժամ հազարապետին պարտ էր քըն-
նել ՚ի նոցունց ինքեանց և ՚ի դատախազիցն իմանալ.
և քան զնա հարցանել՝ զի ծանիցէ զպատճառն ՚ի նո-
ցանէ որ աղաղակէին՝ մանաւանդ պարտ էր հարցա-
նել և իմանալ, թէ իրացն ասացելոց իրաւացեալք
լինիցին: Այլ վայրապար իշխանու թին շնորհուկս
առնէ շրէիցն. զի ոչ զայն ինչ խնդրէր զի իրաւամբք
դործիցէ, այլ միայն զի դադարեցուսցէ զանիրաւ ցա-
սու մն նոցա:

« Եւ իբրև պրկեցին զնա փոկովք, ասէ Պաւղոս
ցհարիւրապետն որ ՚ի վերայ կայր, եթէ զայր հռու-
մայեցի և անարատ պարտ իցէ գան հարկանել: Արդ
մի թէ ստիցէ արդեօք զայս Պաւղոս. զն անդր, քաւ
լիցի. քանզի հռոմայեցի էր ստոյգ, ընդ իշխանու-
թիւնոցին գոլով. վասն որոյ և ասէ զայս, զի խափա-
նեացէ զանիրաւ դատաստանն: Եւ եթէ ոչ այլ ինչ
երկնչէր արդեօք զի մի անիրաւ և սուտ բմբռնեալ
՚ի հռոմայեցի զինքն ասէն, մեծագոյն ինքն հատու-
ցէ պատուհաս: Եւ տես զի ոչ լոկ ասէ զայս, այլ յա-
ւելու՝ թէ զայր անարատ: Զայս ասելով՝ կրկին առնէ
զամբաստանու թին. մի զանիրաւու թի նոցա յայրն
անարատ, և երկրորդ զի հռոմայեցի էր աղատ գոլով.
քանզի մեծ ունէին յայնժամ զգոլն հռոմայեցի: Եւ
զի ասի՝ թէ յԱգրիանոսէ թագաւորէ ամբն որ ընդ

իշխանութիւն Տոմայեցւոցն էին՝ Հոռոմք ասէին։ Արդ զի Ազրիանոս զինի ժամանակացն Պաւլոսի էր։ Թէր և սայսպէս իցէ։

ԿԻՐ. Օ ի Պաւլոս ոչ էր պաղեստինացի, այլ կիլիկեցի, բուն իսկ ընդ Հռովմայեցւոյք գոլով։

ՈՍԿ. Իչ քանզի դիւրին էր նմա արհամարհել զհարկանելն համբերութիւն, բայց զի մի արհամարհելի դիւրաւ երևեցի նոցա, վասն որոյ այժմ ՚ի յոլովագոյն երկիւղ արկանէ զնոսա. զի գանս անիրաւ բար զնովաւ արկանէին. ըստ որում և վասն իրաւանց ոչ ինչ փոյթ առնէին և կամ ընաւ իսկ սպանանէին զնա. բայց յորժամ զայն ասաց, ոչ ևս համարձակէին։ Տես թէ որպէս տեղի տայ նձ լինել բազում ինչ մարդկօրէն, և առ սովաւ և առ այլոցն։ Եւ միտ դիր թէ որպէս ՚ի կասկածի եղեն և յանձն առին պատճառ արձակելոյ գող զնա զասելն հռովմայեցի. որք զառաջինն ոչ կասկածէին իբրև ՚ի տնանկէ ուրուք։

«Այլ իբրև լուաւ հարիւրապետն, մատուցեալ առ հազարապետն պատմեաց և ասէ. զինչ կամիս առնել, քանզի այրն այն հռովմայեցի է։ Մատուցեալ հազարապետն ասէ ցնա. ասա դու ցիս՝ հռովմայեցի ես. և նա ասէ՝ այո։ Պատասխանի ետ հազարապետն. ես բազում գլխոց զզինուորութիւն զայս ստացայ։ Ասէ Պաւլոս. ես ծնեալ իսկ ՚ի դմին եմ. և վաղվաղակի ՚ի բաց կացին որ հարկանելոցն էին զնա. և հազարապետն իսկ երկեաւ իբրև գիտաց թէ հռովմայեցի է. և զի կապեալ ևս էր զնա ու։ Ապա ուրեմն ոչ էր սուտ՝ հռովմայեցի ասելն, և հազարապետն յիրաւի երկընչէր։ Ասելովն իւրով Պաւլոս՝ եթէ ՚ի դոյն իսկ ծնեալ եմ, յայտ արար թէ հօր հռովմայեցւոյ էր ծնունդ։

ԿԻՐ. Իչ ոչ աննշանի ուրուք, այլ պատուեցելոյ. զի և բազումք ՚ի շրէից յայնժամ ընակէին ՚ի Հռոմ. իսկ ոմանք ասեն՝ թէ զնոց իսկ ստացեալ էր հայր նորա զհռովմայեցի գողն ՚ի հռովմայեցւոցն, որպէս հազարապետն ասելը՝ թէ ես բազում գլխով ստացայ զիշխանութիւն. զոր զգնոցն ասեն նշանակել զլիսովքն։ Այլ զինչ արդեօք յայսմանէ լինի. միտ դիր. արձակեալ անդէն ՚ի կապանացն՝ իջոյ զնա առ Հրեայսն։

«Եւ ՚ի վաղիւ անդր, ասէ, կամէր գիտել զճշմարիտն թէ զինչ չարախօսութի իցէ զնմանէ, շրէիցն, արձակեաց զնա և հրամայեաց կոչել զքահանայապետն և զնմատեանն, և իջուցեալ զՊաւղոս կացոյց ՚ի մէջ նոցա» : Եւրդ հազարապետն զի առեալ նախ զնա ՚ի բաց եհան ՚ի նոցանէ, և ինքն ՚ի բաց գնաց՝ տեսեալ զյանդգնութի նոցա, և եթէ ոչ՝ թերևս ՚ի ձեռս տրուեալ էր զնա նոցա, և եցոյց այնու՝ զի կամաւ և ոչ ըստ իրաւանց կրէր Պաւղոս զոր ինչ կրէրն ՚ի նոցանէ, Եւ այնպէս իրօքն պատասխանի արար նոցա, այսինքն ՚ի բաց առնուիլն զնա ՚ի նոցանէ բանիւ և ոչ կամելով տալ նոցա պատասխանի, քանզի յոյժ մեղադրէր նոցա : Բայց զայն՝ զի դարձեալ հանդէսեղիցի, վայելչապէս արար, քանզի եցոյց նոցա՝ եթէ զոր ինչ անիրաւեալն սպանանեն, և մանաւանդ ամբիժ գուրով նորա, իրքն անիրաւութի էր, և զի լուծեալ զնա իջոյց յատեանն, զայս ՚ի սկզբանն պարտ էր առնել, վասն որոյ մանաւանդ տարակուսէին շրեայքն, և ինքն ոչ ընդ բազմութեն և ոչ ընդ հանդիսին խօսի :

«Իսկ Պաւղոս հայեցեալ յատեանն ասէ, արքեղբարք, ես նմ ուղիղ մտօք գնացեալ եմ առաջի նյ մինչև ցայսօր» : Եւ յսինքն ոչ գիտեմ զանձն իմ անիրաւ ինչ եղեալ առ ձեզ, և ոչ արժանի կապանացս այսօրիկ գործեալ ինչ, զի և ոչ ՚ի մարդիկ հայէի, այլ առաջի նյ ցուցանէի զուղղութիս, որում սուտ և թիւր լինել նյ անհնար է : «Եւ քահանայապետն Անանիա հրամայեաց սպասաւորացն հարկանել զբերան նորա : Յայնժամ Պաւղոս ասէ ցնա, հարկանելոց է զքեզ նմ, որմ բուեալ, և դու նստիս գատել զիս ըստ օրինաց, և առանց օրինաց հրամայես զիս հարկանել : Եւ որ շուրջն կային ասեն, զքահանայապետ նյ հայհոյես : Եւ ասէ Պաւղոս, ոչ գիտէի, եղբարք, եթէ իցէ քահանայապետ, գրեալ իսկ է՝ զիշխան ժողովրդեան քո ոչ հայհոյեսցես» : Ընդէր պատասխանաւորէ Պաւղոս ՚ի հարկանելն զինքն իբրև չարախօսելով իմն, և ապա ՚ի վերայ ածէ՝ թէ զիշխան ժողովրդեան քո ոչ հայհոյեսցես, քանզի թէ չէր իշխան, զայլ որ վայրապար պարտ էր անարգել, և զխորհինքն ասէ, «Բամբաստէին զմեզ՝ օրհնէաք» : իսկ աստա-

նոր զնէրհակն առնէ . ոչ անարգէ միայն, այլ և անի-
ծանէ . կամ զխարդ ոչ գիտէր թէ քահանայապետ էր .
Տեղացուք զայստսիկ :

Ըրդ ասեմք՝ թէ համարձակու թէ մանաւանդ են բան-
քըս քան թէ ցասման . ոչ կամէր գիւրաւ արհամար-
հելի լինել, և անիրաւ գործոյն յառաջ գալ : Զի թէ
հազարապետն արձակէր զնա և ինայէր ինքն հարկա-
նել ՚ի մատնէլ զնա նմա Հրէիցն , ապա զխարդ նոքա
զայն առնէին, և քահանայապետին սաշտօնէիցն տալ
հրաման հարկանել զնա՝ մանաւանդ յանդգնու թե-
կը գործ : Ասան որոյ և նա ոչ առ սպասաւորին տա-
րածանէր զբանն որ եհար , այլ առ այն՝ որ հրամայ-
եաց : « Հարկանելոց է զքեզ անձ » ասէ : Ոչ բարկու-
թե էր բանս , այլ մարգարէու թէ . որպէս գիպելոց
էր նոցա չարիքն , զոր և Քս դուշակեաց յառաջա-
գոյն : Իսկ որմ բռեալ՝ զմարմնաւոր փոյ թն ասէ , զոր
և ինքն իսկ Քս դերեզմանս բռեալս ասաց զնոսա . զի
զարտաքինն , ասէ , սրբէք . և ներքինն ձեր լի է ան-
չարութիւն : Արդ ոչ էր անարգանաց այսպէս ասելն
որպէս կանխաւ ասացի . ապա թէ ոչ և զառ ՚ի Քսէ
ասացեալն թերևս անարգանս ասացէ որ՝ թէ « Այս
ձեզ , զի նման էք գերեզմանաց բռելոց » . և « Գուք
ի հօրէ սատանայէ էք » :

Ըրյս , ասէ , թէ նախ քան զհարկանելն էր ասացեալ .
ոչ էր բանն ցասման , այլ համարձակու թէ : Այլ ես
նախ ասացի զպատճառն՝ թէ զի յանդգնու թէ նոցա
էր գործն . և մանաւանդ Քս ՚ի բազում տեղիս ան-
արգեաց զՀրեայնն՝ ինքն ՚ի նոցանէ անարգեալ լի-
նելով . որպէս յորժամ ասէ . « Զխարդ կարէք դուք
հաւատալ » . և « Մի կարծէք թէ ես չարախօս եմ ըզ-
ձէնջ առ Հօր . գոյ որ չարախօսէ զձէնջ » . արդ ոչ էր
այն անարգանք . քաւ լիցի : « Գու նստիս , ասէ , դա-
տել զիս ըստ օրինացն » . փոխանակ ասելոյ՝ դու սար-
տական գոլով և բազում տանջանաց արժանի ըստ օ-
րինացն , իսկ զիս անօրէնու թի՞ դատիս : Տես արդ թէ
որպէս զարհուրեցաւ քահանայապետն ՚ի նորին հա-
մարձակու թէն . զի զոր ՚ի դէպ էր անդրէն դարձու-
ցանել զանձ , զհարուճն և զկսկծելի բանսն , ողորկն
մանաւանդ՝ թէ զքահանայապետ այ հայհոյեա : Ապա

յետոյ կամեցաւ և նա ցուցանել թէ ոչ վասն երկիւզի և ոչ թէ զի չէր արժանի Անանիայն այն լսել զայնոսիկ՝ ասաց այսպէս թէ գրեալ է, այլ օրինայն՝ հաւանելով աստանօր. որով և նոքա յոյժ հաւանեալ լուռ լինէին:

Իսկ ընդէր ոչ գիտէր թէ քահանայապետ էր նա. Վայելչապէս. քանզի փութով փոփոխէին, և կարգ օրինացն եղծեալ էր, և նա ընդ երկար ժամանակաւ հեռացեալ էր՝ ի շրէիցն. և տեսանելով զնա՝ ի միջի հանդերձ այլովք բազմօք, ոչ կարէր գիտել յայտնապէս՝ թէ քահանայապետ իցէ, բազմայ գուլով նոցա և զանազանից: Իսկ զայս բան առ նոսա տարածանելով և պատասխանատրելով թուի ինձ թէ օրինայն լինի հպատակեալ: Եւ ընդէր արդեօք ինքն հրեայ գուլով, անդանօր սնեալ և խրատեալ, ոչ բնակէր ընդ նոսա դեգերելով: Վայելչապէս. քանզի կամէր խափանել զօրինացն իրս, և աւետարանին քարոզութիւնն բազում իրս հակառակ նոցա կազմել. սմին վասն յսմ տեղիս հաւածական եղեալ փախուցեալ լինէր:

Ի այց տես որչափ հեզութիւն ընդ նոսա խօսի. « Ոչ գիտէի, ասէ, եղբարք՝ եթէ իցէ քահանայապետ »: Եւ զի ոչ հեզնելով ասաց, ՚ի վերայ ածէ զճամարիտ օրէնսն. « Գրեալ է, ասէ. զիշխան ժողովրդեան քո ոչ հայհոյեսցես »: Եւ իշխան տակաւին խոստովանի զնա: Արդ զի մի ասիցեն թէ ճամարիտ է զոր ինչ լուան զնմանէ վասն օրինացն արհամարհելոյ, զի ահա և զքահանայն առաւել քան զօրէնսն անարդեաց նա, ընթանայր նա յօրէնսն բանիւ զոր ասաց. և յօրինացն զոր երկրորդեաց նա՝ յայտ արար որոց նրստեալ դատէին զնա՝ իբրև զօրինազանց, եթէ պահէր նա զօրէնսն և սիրէր զնա: Զի թէպէտ և փոքր փոքր ինչ խափանէր, զի զթլփատութիւն և զչաբութիւն լուծանէր նա, այլ նոքա մեծամեծօք ևս լուծանէին զնա. զի ՚ի հրեշտակս և ՚ի հողիս և ՚ի յարութիւն զոր քարոզէր օրէնքն, նոքա ոչ խոստովանէին. առ որս ըզհամարձակութիւն ՚ի ճահ ցուցանէր Պաւղոս:

ԲԱՐՈՅԱԿԱՆ

Ուսցուք և մեք զՏեզամտութի և զՏամարձակութի, զի երկոքումքս իցեմք կատարեալք: Եւ բազում ստուգութեն պէտք են որոշել զսոսա՝ ի ներհակացն. զի ընդդէմ է Տամարձակութեն յանդգնութի, և Տեզամտութեն անարիութի: Արդ տեսցուք՝ գուցէ զբարութիւն իբրև զառաքինութի ողջունիցեմք: Եւ լինի այս որպէս. յորժամ զայլս զրկեալ և անիրաւեալ տեսանելով լռեմք, անիրաւուն է. իսկ յորժամ մեք զրկեալք Տանդուրժեմք, Տեզամտութի. և յորժամ անձանց վրէժխնդիր լինիցիմք, յանդգնութի է. և յորժամ յաղագս այլոց աշխատիմք, Տամարձակութի. և ուղղեմք զայս, թէ յախտից ազատք իցեմք:

ՃԱՌԻ ՔԱՌԱՍՆԵՐՈՐԴ ԻՆՆԵՐՈՐԴ

ՈՍԿ . « **Ի** ԲՐԵՒ գիտաց, ասէ, Պաւղոս, եթէ մի կողմն սաղուկեցւոց է և միւսն փարիսեցւոց, աղաղակէր 'իմէջ ատենին . արք եղբարք, ես փարիսեցի եմ, որդի փարիսեցւոյ . վասն յուսոյ և յարուածեան մեռելոց ես ահաւասիկ դատիմ » : Դարձեալ մարդկապէս բարբառի, և ոչ յատուկ շնորհիւն վայելէ և յայսմիկ և յայն՝ որ յետ այսորիկ է : Եւ քանզի կամեցաւ հերձուլ յերկուս զբազմութիւն զայն՝ որ չարաչար միաբանեալ էին հակառակ նմա, և զոր ասաց՝ ճշմարիտ էր աստանօր և ոչ սուտ . քանզի փարիսեցի էր 'ի ծննդէնէ և 'ի նոյն օրինօքն վարժեալ : Եւ զի մի թուիցի սուտակասպաս լինել յասելն փարիսեցի գոլ զինքն, 'ի վերայ էած՝ թէ « Վասն յուսոյ և յարուածե մեռելոց դատիմ ես » : Եւ քանզի նոքա ոչ ախորժէին ասել թէ ընդէր դատեն զնա, հարկի այնուհետեւ ինքն ասել : Եւ զայս ասելով, 'ի չարախօսութե՛ն նոցա և 'ի դաւաճանութե՛ն ազատեաց զանձրն իւր . որով և նոքա յամօթ եղեն :

« **Ա**ւ զայս իբրև ասաց, եղեն հերձուածք փարիսեցւոցն և սաղուկեցւոց, և պատառեցաւ բազմութիւն . քանզի սաղուկեցիքն ասէին՝ չիք յարութի և ոչ հրեշտակք և ոչ հօգի . բայց փարիսեցիքն խոստովանին զերկոսեանն . և եղև աղաղակ մեծ » : Տեսանէս զի ոչ ինչ անմարմին գիտեն սաղուկեցիքն, թերևս և ոչ զիսժ ասեն գոլ անմարմին, յոյժ թանձրասիրտք գոլով և մարմնասէրք . վասն որոյ և ոչ զյարութիւն ախորժեն գոլ կամ հաւատան լինել, թանձրամիտք և կոյր մտօք, անհաւատք գոլով և մարմինք և եթ նման շնչաւորաց : Արդ 'ի պատճառս յարութեն որ հաւատարիս է, ոմանք կալան յանձին, և կէսք ոչ հաւատացին . և այնօրիկ՝ որ զի ամենքեան ընդդէմ նորա էին, եղեն ընդդէմ միմեանց մեծապէս վիճամամբ :

«**Թ**ոան կային ոմանք՝ ՚ի դարաց անտի՝ ՚ի կողմանէ փարիսեցւոց . հակառակէին և ասէին , ոչ ինչ չարախօսութիւն գտանեմք յառնս յայսմիկ , բայց եթէ Հոգի խօսեցաւ ՚ի դմա կամ հրեշտակ » : Ընդէր յառաջ քան զայս բան վասն նորա ոչ ետուն նոքա այսպիսի պատասխանի . յորժամ ընդ նոսա եղև , յայնժամ զպատասխանին տան վասն նորա Տեսանէս , յորժամ ախտչն տեղի տան՝ թէ որպէս գտեալ լինի ճշմարտութիւն : Որպիտի կամ զինչ ամբաստանութի է վասն նորա , ասեն . բայց եթէ հրեշտակ կամ Հոգի խօսեցաւ ՚ի դմա : Տես և զհանձար իմաստութեն Պաւղոսի , ոչ ինչ տուեալ նոցա պատճառս առ ՚ի կարծել անարգելոյ նմա զօրէնան :

«**Ե**ւ ՚ի բազմանալ ամբոխին , երկուցեալ հազարապետն թէ գուցէ ձեղքիցի Պաւղոս ՚ի նոցանէ , հրամայեաց զօրականին իջանել յափշտակել զնա ՚ի միջոյ նոցա և ածել ՚ի բանակն » : Երկնչի այնուհետև հազարապետն , զի մի սպանցեն զնա , քանզի գիտաց թէ հռոմայեցի է . և ոչ էր իրքն առանց վշտի , այսինքն սպանանիլն Պաւղոսի : Տեսանէս , զի յիրաւի զանձն իւր խոստովանեցաւ հռոմայեցի գու . զի եթէ ոչ էր ասացեալ զայն , թերևս ոչ էր նա երկուցեալ այժմ , և ոչ զօրականօք մեծաւ բռնութիւն ՚ի միջոյ նոցա զնա յափշտակեալ : Տինա քանզի և լուաւ իսկ հազարապետն , զի ազատեցին զնա յամբաստանութի փարիսեցիքն , և դատ արարին վասն նորա , այնուհետև մեծաւ համարձակութիւն յափշտակէ զնա ՚ի միջոյ նոցա . այլ և նոյն իսկ ասացեալքն ՚ի նոցանէ զՊաւղոսէ թէ հրեշտակ կամ Հոգի խօսեցաւ ՚ի նմա , իմաստութեամբ լի են :

ԵՓՐ . «**Կ**արձեալ դասակն Հռոմոնց յափշտակեցին զնա , և ՚ի տան բանտի վասն Հրէիցն և սպանողաց իւրոց թաքուցին զնա . և զի հանդերձեալ էին փութով սպանանել , յայնչափ վշտացն եղև ճողոպրեալ :

ՈՍԿ . «**Ե**ւ ՚ի վաղուեան գիշերին եկաց առ նմա տէր և ասէ . քաջալերեաց , Պաւղէ . զի որպէս վկայեցեր վասն իմ յերուսաղէմ , պարտ է քեզ և ՚ի Հրուում վկայել : Ի միտ առ և զերևումն Բ՛տի՝ թէ որչափ

լի է միտիթարութիւն Յառաջագոյն գովէ զնա՝ թէ որպէս վկայեցեր վասն իմ յերուսաղէմ. ապա և զանյայտն ոչ թողացոյց, այլ յայտնեաց նմա զգնաւայն՝ ի Հռոմ, որ և ահագին էր. զի անդ ոչ միայն գնասցես, ասէ, այլ և ՚ի մեծագոյն սոսակս հասանիցես վկայելով վասն իմ յայնմ մեծ քաղաքին :

Այլ ընդէր ոչ նախ քան զանկանելն ՚ի վիշտս երևեցաւ Քս : Վայելչապէս վասն զի հանապազ ՚ի վիշտըս միտիթարէ մեծ. զի յայնժամ մեծ և փափաքելի երևեալ լինի միտիթարին, և ՚ի տաղնապի նեղութեն կրթելով զմեզ : Նա և այլ ազգ. քանզի յայնժամ նախ քան զայս վիշտս ՚ի դիւրութեն էր, ներողունի գտեալ և արձակեալ ՚ի կապանաց. բայց այժմ հանդերձեալ էր ընդունել զգժուարինսն ՚ի նոցանէ, այսինքն ըզդաւ մահու :

« () Ի իբրև այդ եղև, արարեալ ժողով Հրէիցն՝ նզովեցին զանձինս ոչ ուտել և ոչ ըմպել մինչև սպանցեն զՊաւղոս. և էին աւելի քան զքառասուն որոց զայս ընդ միմեանս երգումն արարեալ էր : Յորժամ տեսին պիղծքն այնոքիկ զամենայն զոր կամէին խափանեալ և անվճար, ՚ի ձեռն ինքեանց այնուհետև յանդգնին զամենայն ինչ առնել, կամեցեալ զնա ըսպանանել յառաջ քան զայս, և եղև խափանեալ. բայց ոչ երբէք դադարեն ՚ի չարութէ այնչափ վրիպեալ լինելով, և տակաւին լիտին : Տես արդ որչափ մանաւանդ տնօրինեցաւ. որպէս զի ՚ի մովեզնութեն թուլացեալ լիցին նոքա, ուսանելով զայնոսիկ ՚ի ձեռն որոց հնար էր նոցա զղջանալ. բայց ոչ ինչ նուազ ՚ի վերայ հասեալ լինին չարութիւն : Եւ տես թէ որպէս ուժգինք էին և յորդորք ՚ի չարութիւն, և նզովեցին զանձինս. ապա ուրեմն յամենայնի և հանապազ նզովեալք են նոքա. քանզի զանձինս փակեցին ՚ի նզովս, և զՊաւղոս ոչ կարային սպանանել : Եւ քառասուն այր համանգամայն. զի այնպիսի է ազգն այն. յորժամ յաղագս բարւոյ իմիք պարտ է միաբանել, և ոչ երկուս եկեալ լինին ՚ի միասին. իսկ յորժամ յաղագս չարի, հանդէսք խմբից և գունդք բոլորովին. նա և զիշխանսն և ս հաղորդս առնուն կատարել զչար :

« Սատեան, ասէ, առ քահանայապետան և երիցունան և ասէն . նզովիւք նզովեցաք զանձինս ոչ ինչ ճաշակել մինչև սպանցուք զՊաւղոս » : Անդէր, զինչ չար արար ապաքէն . զի կեանս աւետարանեաց ձեզ . զի առ անձ կամեցաւ ածել զձեզ : Տես ջան անչափ առ ՚ի կատարելոյ զչար : « Բայց դուք զգացուցէք հազարապետին հանդերձ ատենիւն , զի իջուսցէ զնա առ ձեզ, որպէս թէ կամիցիք ճշմարտագոյնս ինչ զիտել զնմանն . և մեք յառաջ քան զմատչելն նորա պատրաստեմք ՚ի սպանանել զնա » : Ահա բանք աւելորդք և լի անմտութեամբ : Ոչ երկիցս առ ձեզ հրապարակաբանեաց . ոչ փարիսեցի զինքն գոլ խոստովանեաց . և առաւել քան զայս զինչ առնէ : Այսպէս ոչ երկնչէին ՚ի չարեաց . ոչ դատաստանք ՚ի նոսա , ոչ օրէնք . այսպէս քան զամենայն մարդիկ էին յանդուներ և խրոխտք . և զկաման խոստովանելին , և ըզգործն չարութե պատմեն :

« Այլ լուեալ քեռորդւոյն Պաւղոսի զգաւաճանութեանն՝ եկն եմուտ ՚ի բանակ անդր , պատմեաց Պաւղոսի . և կոչեցեալ առ իւր զմի ՚ի հարիւրապետաց անտի ասէ . զպատանիս զայս տար առ հազարապետն , զի ունի ինչ պատմել նմա . և նորա առեալ զնա տարաւ առ հազարապետն » : Այս իսկ անօրէնութենն այլ էր , որ ոչ զմտաւ ածին նոքա թէ լուիցէ պատանին զգաւաճանելն իւրեանց : Եւ զիտորդ Պաւղոս ոչ զարհուրեցաւ . քանզի զմտաւ էած զլսելն զբանն պատանւոյն՝ թէ այլ է գործս այս և նա կարող է փրկել , և զամենայն ինչ ՚ի նա ընկէց : Սակայն և ոչ այնպէս զանձն իւր թողացոյց . այլ ասաց հազարապետին ըզգարանագործութիւն . հաւատաց Քսի և եկաց :

Տես դարձեալ զի և մարդկային նախախնամութիւն լինի փրկեալ . զի հազարապետն ոչ թողացոյց իմանալ ումեք և ոչ հարիւրապետին , զի մի լինիցի իրքն յայտնի : Եւ նա տարաւ զպատանեակն առ հազարապետն և ասէ . « Կապեալն Պաւղոս կոչեաց զիս և ազաչեաց զպատանիս զայս ածել առ քեզ , ունի ինչ պատմել քեզ : Եւ առեալ զձեռանն նորա հազարապետին՝ զնաց մեկուսի . հարցանէր թէ զինչ ունիս խօսել ընդ իս . և նա ասէ՝ շրեայք միաբանեցին ա-

դաշեւել զքեզ , զի՛ ի վաղիւ զՊաւղոս իջուսցես յատեան , իբրև թէ կամիցին ճշմարտագոյնս ինչ հարցանել վասըն նորա . արդ դու մի անսայցես նոցա , քանզի դարան գործեալ է նմա ՚ի նոցանէ արանց աւելի քան զքառասուն . որք նզովեցին զանձինս ոչ ուտել և ոչ ըմպել մինչև սպանցեն զնա , արդ պատրաստ են և սպասեն քում հրամանիդ : Ապա հազարապետն արձակեաց զպատանին , պատուէր տուեալ մի ումեք ասել թէ զայս զգացուցեր ինձ » :

Արդ երևեցաւ նմա տէր և քաջալերեաց զնա . և յետ երևելոյն՝ դարձեալ թոյլ ետ նմա մարդկապէս կեալ : Եւ զիարդ այս ոչ զարհուրեցոյց զնա և ոչ ասաց թէ ուրեմն խաբեցայ ՚ի Քնէ , այլ հաւատաց Քնի : Թէ պէտ և հաւատաց , սակայն և այնպէս ոչ յանհոգս եղև . այլ զոր ինչ առնել պարտ էր ՚ի մարդկային իմաստասիրութէ , ոչ մատնեաց : Բայց դու տես զարութի նոցա . հարկ եղին զնզովն անձանց իւրեանց : Ահա պահք սպանութեան մայր . որպէս հարք նոցա պահեցին պահս և սպանին զՆաբովթ արդար . որպէս Հերովդէս զհարկն որ յերդմանէն՝ եղ զանձամբ և սպան զՅովհաննէս , նոյնպէս և սոքա . զի այսպիսի է արուեստ բանսարկուին , ձևով բարընկալու թէ դնէ զորոգայթն :

Այլ զի մանաւանդ պարտ էր մատչել առ նա և պարտաւորել զնա և պատճառս գտանել մահու և դատարան ՚ի միասին հաւաքել , այլ քանզի այսորիւք ոչ ինչ կարացին գտանել , և ոչ ըստ մտաց իւրեանց զոր սովոր էին ՚ի սկզբանէ ՚ի մարդարէիցն՝ վճարել ինչ , ապա յայս գան՝ որ ինչ ոչ է քահանայից , այլ աւազակաց . ոչ իշխանաց , այլ ապականչաց : Նա և զիշխանն իսկ զհազարապետն՝ որ անիրաւս ինչ ոչ կամեր առնել , ապականել ՚ի մտաց ձեռնարկէին : Բայց տնօրինեցաւ զի և նա իմանայցէ զնոցա դաւաճանութին . զի ոչ միայն յոչ ունելոյն ինչ ասել , այլ և ՚ի լուելեայն դաւաճանելոյն կշտամբեցին զանձինս իւրեանց ոչ երբէք ուղիղս գոյ : Քանզի իբրև լուաւ հազարապետն զերդումն քառասուն արանցն՝ որ երդումն սպանանել զՊաւղոս , գողացաւ զնա ՚ի գիշերի և ՚ի ձեռն հռոմոց ետ տանել զնա առ Փելիքս հոգեմոն ՚ի Վեսարիա . յաղագս որոյ և յայնժամ ասաց ցհա-

րիւրապետան, յորժամ զայն ինչ պարտ էր առնել:

« Առջեաց, ասէ, երկուս 'ի հարիւրապետացն և ասէ. պատրաստեցէք զօրականս երկերիւր, որպէս զի երթիցեն մինչև 'ի Աեսարիա, և հեծեալս եօթանասուն և տիգաւորս յաջմէ և յահեկէ կողմնապահս երկերիւր՝ յերկոց ժամուց զիշերոյն, և գրաստ պատրաստական յոր հեծուսցեն զՊաւղոս. որպէս զի իջուսցեն ապրեցուսցեն զնա՞: Տեսանէս զնոցին չարութիւնն որչափ հարկս հասուցին և հարիւրապետացն. զի թէ նոքա այնչափ փոյթ նզովիւք յանձինս առին և զամենայն տաղնասոյ, յոյժ մանաւանդ և նմա պարտ իսկ էր զայս առնել. յիրաւի և զգուշանայր փութով: Եւ ասէս թէ՛ որպէս 'ի ձեռն դատաստանի արտաքնոցն Պաւղոս ամբիժ գտանի, որպէս Քս առ Պիղատոս: Տես և զչարութիւնն նոցա անգործ 'ի բաց բարձեալ: Մասնեցին զնա, զի դատապարտեսցեն և սպանցեն. այլ նորին հակառակն լինէր, և կեցեալ նմա և ամբիժ զբտեալ: Եւ զի թէ ոչ էր եղեալ այսպէս զգուշութի վասն նորա, ըմբռնեալ լինէր. և եթէ ոչ էր զգուշացեալ նմա այսպէս, և կորուսեալ 'ի շրէիցն լինէր, եթէ հասեալ էր ըստ իւրեանց մտացն դատապարտել:

Այլ իշխանն Աւսիաս ոչ միայն յայնմ ամբարիշտ արշաւանաց շրէիցն ազատեաց զնա, այլ և յայլոց բազում իրաց: Եւ միտ դիր թէ՛ որպէս պաշտօնեայ նորա լինի երկիւղիւ, կամ որպէս նա աօրեալ լինի առանց վշտաց հանդերձ այնչափ բանակաւ: Ի դէպ է և յետ առաքելոյն զնա այնպէս 'ի գիշերի 'ի վաղիւն մատչել քահանայապետիցն առ հաղարապետն հայցել զնա և յամօթ լինել. քանզի ոչ կամեցեալ լինէր նա գիտելով զնոցին նենգութիւնն, և ոչ յանձն առնոյր զինդիրն: Բայց և այն լինէր 'ի նոցանէ չարիքն որով առաւել հաւատաց եղելոց դաւաճանութեցն 'ի նոցանէ. զի և զայն իսկ վայել էր նոցա չարութեն առնել, և դադտ իմն զՊաւղոս սպանանել: Իսկ նա այնչափ զգուշութիւն առաքեալ գիշերի զՊաւղոս առ ֆելիքս դատաւոր, գրեաց թուղթ՝ որ ունէր օրինակ զայսով դաւ գիտս Լիւսիաս առ քաջ դատաւորդ ֆելիքս ողջոյն: Զայրս զայս կասեալ 'ի շրէից և մերձ 'ի սպանանել 'ի նոցանէ՛ հասեալ 'ի վերայ զօրականաւ ապրեցուցի, իմացեալ թէ՛ հռոմայեցի է. կամեցայ զի-

տել զփնասն վասն որոյ ամբաստանելին զգմանէ . իջուցեալ զգա յատեան նոցա, զոր դտի ամբաստանեալ զգմանէ վասն խնդրոյ իրիք իւրեանց օրինացն . և ոչ ինչ արժանի մահու համ հապանաց ունէր փնաս : Իբրև ազգ եղև ինձ նենգութե յայրգ լինելոյ 'ի նոցանէ, յղեցի առ քեզ . հրաման տուեալ և չարախօսացն խօսել զգմանէ առաջի քո . որջ լերն : Ահա թուղթ' որ պատասխանի ունի վասն նորա : Այ ինչ գտի, ասէ, 'ի դմա արժանի մահու համ հապանաց . և չարախօսութի եղև վասն նոցա մանաւանդ' քան թէ վասն նորա . և այսպէս անիրաւ գտեալ' մահապարտք լինելին 'ի սկզբան անդ յառաջագոյն : Ապա և յատեան նոցա իջուցի զգա, և ոչ այնպէս դտի ամբաստանուի : Աւելի պարտ էր նոցա վասն յառաջագունիցն անիրաւս ինքեանց երևելոյ զարհուրել և յամօթ լինել, նոքա դարձեալ ձեռն արկին զնա սպանանել : Ասան որոյ առաքեցի առ քեզ, ասէ, զի դարձեալ պայծառագոյն լիցի բանն' որ յաղագոս գորա . և զչարախօսսն և ս առաքեցի առ քեզ, զի 'ի քում դատաստանիդ' ուր այնպիսի իրք առաւել ստուգագոյն քննի, դա ամբիծ գրտանիցի : Արդ եթէ ազատեալ էր զՊաւղոս 'ի պատճառէն, ընդէր զչարախօսսն ընդ նմա առաքէր : Կարձեալ իբրու ստուգագոյն լինել քննուէ վայելչապէս :

ԲԱՐՈՅԱԿԱՆ

Օ ի այսպիսի են նոյ տնօրէնութիքն . 'ի ձեռաց յորոց փնասել կարծիմք, 'ի ձեռն նոցին դտանեմք զօգտութի : Այս ինչ և առ ամենայն սրբալքն եղև . այսպէս Յովսէփ դաւաճանեալ 'ի կնոջէն, 'ի զգուշութի լինէր հաստատեալ . և Յակոբ յեղբօրէն դաւաճանեալ, մեծապէս խնամօք պարսպիւր : Այսպէս և սարձակեալ լինի 'ի կեսարիա, զի և անդանօր յանդիման չարախօսացն խօսեսցի վկայելով առ մեծագոյն տեսարանի և պայծառ լսարանի : Զի այսու ամենայնիւ անպատասխանի շրեայքն լինիցին . և ոչ և ս ունիցին ասել, եթէ տեսեալ էաք զՊաւղոս' հաւատացեալ էաք . և եթէ 'ի նմանէ լուեալ էաք ուսանելով վասն Քրի, յանձն առեալ էաք : Արդ և այս պատասխանիս 'ի նոցանէ 'ի բաց հատեալ եղև :

ՃԱՌ ՅԻՄՆԵՐՈՐԳ

«**Ե**՛ր զօրականացն ըստ հրամանի նորա առեալ ըզ-
Պաւղոս ածին գիշերայն յԱնտիպատրիս . և ՚ի վա-
ղիւ անդր արձակեալ զհեծեալնսն ընդ նմա երթեալս՝
գարձան ՚ի բանակն . և նոքա մտին ՚ի Աեսարիա , և
տուեալ ցդատաւորն զթուղթն՝ առաջի կացուցին
նորա և զՊաւղոս» : Որպէս թագաւորի մեծի զօրք
առաջի գնալով այնչափ բաղմու թի՛ր այնպէս ելանէր
Պաւղոս ընդ դուռն Երուսաղէմի : Խոհ գիշերի վասն
երկիւղի արշաւանաց անօրէն հանդիսին մտելոցն
բարկու թի՛ր : Եւ քանզի ՚ի բաղաբէն զգուշու թի՛ր հանին
գնա , մինչև ՚ի տեղին նշանաւոր Անտիպատրիս կո-
չեցեալ յուղարկելով զնա , ապա յայնժամ բաղմու-
թին անդրէն գարձեալ ՚ի բաց կացին ՚ի նմանէ : Թեր-
ևս ոչ այնչափ զգուշու թի՛ր արձակէին զնա արտաքս ,
եթէ ոչ և ինքն իսկ հազարապետն զհետ հանդիպեալ
էր անձամբ իւրով : Եւ զայս առնէր առ ՚ի ցուցանել
թէ նոցին սպանու թին ուժգին էր , և զի մի ինքն ընդ
այնր մեղադրեացի . զի և ահագին երևէր նոցա մա-
հըն տարապարտուց , իսկ շրէիցն ոչ ևս :

«**Ե**ւ իբրև ընթերցաւ , ասէ , եհարց թէ յորմէ նա
հանգէ իցէ . և ստուգեալ եթէ ՚ի Աիլիկեայէ , լուայց
քեզ , ասէ , յորժամ և չարախօսքն քո եկեացն . և
հրամայեաց յապարանսն շերովդի պահել զնա» : Ա-
հաւասիկ պատասխանի ետ վասն նորա Աիւսիաս թըզ
թո՛ն կանխաւ . իսկ որ լուան , աճապարէ գարձեալ
՚ի կապանս արկանել զնա :

«**Ե**ւ յետ հինգ աւուր էջ քահանայապետն Անա-
նիա հանդերձ ձերովք ոմամբք և ճարտարախօսաւ
Տերտիղաւ ոմամբ . որք և զգացուցին դատաւորին
վասն Պաւղոսի» : Տես զյանդգնու թի՛ր նոցա թէ որքան
էր . թէպէտ և բաղում իրօք յամօթ եղէն և արգե-
լիւք խափանեցան , սակայն ՚ի չարէն ոչ ՚ի բաց կացին .

այլ եկեալ լինին, զի և անդ յամօթ լիցին: Այլ զգացուցին առանձինն դատաւորին ամբաստանելով ըզՊաւղոսէ յօլովս նախ քան զհանդէս տեսնին:

«Այլ ՚ի կոչելն, ասէ, զնա՝ սկսաւ Տերտիղոսն ամբաստան լինել և ասել. բազում խաղաղութի գտեալ ՚ի քէն և իրաց ուղղութի ազգիս այսորիկ քով խնամով, ամենայնիւ ամենայն ուրեք շնորհակալ եմք, քաջ գեղեցիկ, ամենայն գոհութի: Եւ զի հռետորին ասել ինչ պարտ էր, տես որպէս վաղվաղակի յառաջաբանին իբրու զխումբուցիւ և զյանդգնագործ խորհեցաւ մատնել զնա. և զի դու, ասէ, զայս ամենայն խնամս արարեր շրէից: Եւ այսպէս գովասանութիւն աճապարէ ըմբռնել զդատաւորն: Ապա ձեանայ՝ իբրև այն թէ բազում ինչ ունելով ասել, զանց առնէ:

«Իայց զի մի, ասէ, առաւել աշխատ արարից ըզքեզ, աղաչեմ լսել մեզ կարճ՝ ՚ի կարճոյ քոյին հեղութիք: Եւ քանզի յառաջագոյն քան զայսօսիկ ընդերկար բանիւք ամբաստանութիւն ընդ դատաւորին առանձինն ՚ի Պաւղոսէ հրապարակաբանեաց Տերտիղոս հակառակ Պաւղոսի, այժմ գիտացեալ թէ աշխատեալ լինի, ոչ ասաց լոկ՝ թէ լուր զոր ասելոց եմ. այլ թէ աղաչեմ լուր մեզ կարճ՝ ՚ի կարճոյ քոյին հեղութիք, զոր ոչ դարձեալ ընդերկարեմք այժմ. և այս իսկ հեղութեւ էր նշան իշխանին՝ բազում բանիցն ունկըն դնել: Եւ դու տես զնորին ճարտարութիւն. յայտ առնէ թէ և յայնժամ յատենի անդ պատշաճ գօլով նմա բազում ինչ ասել զՊաւղոսէ, քայց վասն ոչ աշխատ առնելոյ զիշխանն սակաւ ասէ. և թէ նախ քան զայս յաճախս ասաց՝ ոչ յիշէ, այլ յամբաստանելն փութայ:

«Ի անզի գտաք, ասէ, զայրս զայս ապականիչ և խռովիչ ամ շրէից՝ որք են ընդ տիեզերս: Եւ որպէս ՚ի ցանկութիւն ածէ տանջանաց զդատաւորն, եթէ հանդերձեալ էր զտիեզերաց դղողեցուցիւն ըմբռնել, և իբրև մեծի ուղղութեւ աւիթ լինելով մեծամեծս խորհել: Ա՛յլ ապերախտ բարուցն. ամ շրէից, ասէ, խռովութիւն շարժէ: Զոր պարտ էր այնուհետեւ իբրև զերախտաւոր և հասարակաց ազգին փրկիչ քարոզել, նորա զայս ասէին: Եւ առաջնորդ է, ասէ, նազօ-

րացւոց հերձուածոյն» : Քանզի թուէր այսպէս նախատելի գողիրքն նազօրացւոցն . զի՛ նազարէթ նըւաստեւ աննշան էր ՚ի մէջ նոցա : « Որ եւ զտաճարն եւս կամեցաւ պղծել առաջի մեր » : Եւ թէ որով իրօք՝ ոչ ասէ , զի ծանր զվսասն երեւցուցէ . եւ զիւրեանց կողմն այսպէս բարձրացոյց . եւ տես զնոցայն որպէս նուազեցուցանէ :

« Օ որ կալաք , ասէ , եւ ըստ մերոց օրինացն դատել կամեցաք » : Տես զչարաբանութիւն՝ իբրև զմիշտ փախտական զոմն եւ դժաւարըմբռնելի դաւաճանէ զնա . եւ թէ հազիւ հանդիպեցաք նմա : Եւ մանաւանդ նա ոչ էր փախտական , այլ եօթն աւուրս ունէր ՚ի տաճարին : « Կամեցաք , ասէ , ըստ օրինացն մերոց դատել » : Տես որպէս անարգէ զօրէնսն . միթէ օրինացն էր հարկանէն սպանանէն կամ՝ դարան գործել անիրաւութիւն :

« Այկեալ Լիւսիաս հազարապետ մեծաւ բռնութիւն ձեռաց մերոց եհան , հրամայեաց եւ չարախօսաց նորա գալ առ քեզ . յորմէ դու իսկ բաւական լիցիս ՚ի վերստին դատեալ նմի հասու լինել զորոց մեքս ամբաստանեմք զքմանէ » : Գիտեա զի եւ Լիւսիայ չարախօսութիւն հեռեւ ՚ի բանէս . զի զոր ոչ էր նմա սպառնաճ , ասէ , բազում եւ մեծաւ բռնութիւն համարձակեալ ՚ի բաց եհան ՚ի մէնջ : Յուցանէ այսու՝ եթէ դաւաճանեալ լինին ինքեանք ՚ի դատաստանս , օտարս դողով դատաւօրացն եւ ոչ շրեայս . եւ եթէ ինքեանք ոչ թախանձեցուցանելին այժմ զնա , եթէ ոչ Լիւսիաս հարկէր , եւ եթէ ոչ էր նորայն իրաւունք զի յափշտակեցին զայրն , եւ զի վնասակարութիւն Պաւղոսի առ մեզ էին , ապա եւ դատաստանին որ վասն այնր՝ պարտ էր առ մեզ լինել : Եւ զի այսպէս է դիտողութիւն բանիս , տես զոր ՚ի կարգին ասէ . նա բազում բռնութիւն եհան ՚ի մէնջ , դու վերստին քննեա : Եւ ոչ զԼիւսիայ չարախօսել համարձակի . թէպէտ եւ ներող էր այրն Փիլիքս . բայց եւ ոչ լոկ զանց առնէ եւ հայցէ թէ այժմ վերստին պարտ է ՚ի սկզբանէ դատել զնամ : Ապա զի մի սուտ երեւեցի , զնոյն իսկ զՊաւղոս կացոյց անձին իւրում չարախօս ասելով . « Յորմէ հնար է քեզ վերբս :

տին դատելով գիտել զամբոսս Միաբանեցին Հրեայքն
և ասեն. այդ այդպէս է՝ Եւ այսու բանիւ վկայք
ասացելոցն եղէն միաբան չարախօսքն. Իսկ Պաւղոս
առ այն զինչ տայ պատասխանի. միտ գիցուք :

ԵՓԲ. Օ ի իբրև ասաց հռետորն վասն խաղաղու-
թէ՛ ժողովրդեան նոցա և վասն խռովութեն որ յամ-
տեղիս յուզէր ՚ի վերայ նոցա Պաւղոս, անդուստ հրա-
ման եղև Պաւղոսի պատասխանի տալ վասն անձին
իւրոյ : « Պատասխանի ետ Պաւղոս յակնարկել նմա
դատաւորին խօսել. ՚ի բազումամաց լինել քեզ դա-
տաւոր ազգիս այսորիկ գիտեմ : Ապա ուրեմն ոչ օ-
տար է Պաւղոս և ոչ նորեկ որ և ոչ յանդգնարար. թէ
՚ի բազում ամաց գիտէ զգատաւորն :

ՈՍԿ. « Յօժարութի վասն իմոց իրաց պատասխա-
նի առնեմ : Բարւոք ՚ի վերայ բերէ զիւր իրաւունս
միայն. և ոչ հայի առ քահանայապետն, և ոչ հակա-
ռակի ընդ հանգէան և ընդ չարախօսսն : « Քանզի
կարող ես գիտել զի ոչ ինչ աւելի է իմ քան զաւուրս
երկոտասան յորմէ հետէ ելի երկիր պաշտանել յերու-
սաղէմ. և ոչ ՚ի տաճարին գտին զիս ընդ ումեք խօ-
սեցեալ և կամ ժողովս արարեալ բազմաց, ոչ ՚ի ժո-
ղովուրդսն, ոչ ՚ի քաղաքի, և ոչ յանդիման կարեն առ-
նել քեզ վասն որոյ այժմն չարախօսէն զինէն : Արդ
այսպիսի բանք ոչ են խռովեցուցչի կամ խաբեբայի՝ որ
իւրոյ արդարութեն քննիչ և վկայ զգատաւորն կա-
ցուցանէ. այլ այն մանաւանդ էր խռովարարի, զոր
նայն ասաց՝ թէ կալաք և մեղէն դատել կամեցաք :

ԵՓԲ. Իսկ սա յառաջ եկաց և ասէ. համարեցան
զիս մոլի և կատաղի և խռովիչ ժողովրդեանն. գիտակ-
լեր, հոգեմոն, զի ՚ի քաղաքի դոցա սակաւ աւուրք
են իմ և ոչ շատ ինչ. և ՚ի տաճարի անդ իբրև երկիր
պագանէի ես, եկին գտին զիս. և ոչ եթէ ժողովուրդ
առանձինն ժողովեալ ուսուցանելի ես : Արդ եթէ ՚ի
ժողովրդեանն իւրեանց արտաքս քան զքաղաքն կամ
անգէն ՚ի քաղաքին ոչ կարէին որսալ և գտանել զիս
ժողովեալ ժողովուրդ զի ուսուցանելի, և զիմրդ յո-
րում այսամ յանցանք ոչ գտան՝ մատուցեալ ամբաս-
տանեն իբրև զխաբեբայէ զինէն :

ՈՍԿ. Եւ քանզի նոքա անիրաւաբար զսա խռո-

վեցուցիչ ասելին, իսկ սա զիրաւունս խնդրէ, ըստ որում և յօժարութիւն վասն իւր ասաց տալ պատասխանի, ապա նախ ՚ի ժամանակէն ցուցանէ, և զնոցա հակառակութիւն լուծանէ. զի բազում ամաց էր չարախօսութիւն նոցա, ասաց թէ երկոտասան օր է յորմէ հետէ ելի յԵրուսաղէմ: Եւ այս զինչ առնէր. զի ոչ այսպէս վաղվազակի ՚ի սահաւ աւուրս առ ՚ի հաստատութէ շարժել կարէի զօր, կամ ես ինքն ՚ի հաստատութի գալ կարէի: Եւ քանզի չարախօսն ոչ ինչ ունէր ցուցանել յԵրուսաղէմ, տես զինչ ասէր. «Որ յամ տիեզերս են շրեայք, խառովէ դա»: Վասն այսորիկ Պաւղոս առ այն ձգէ զբանն աստանօր ասելովն՝ թէ «Ելի երկիր պաղանէլ»: այսչափ հեռի եմ, աւսէ, ՚ի խառովութիւն շարժելոյ: Եւ յայսոցիկ իրաւունս դեգերի. որ և զօրաւոր իսկ էր ընդդէմ նոցա, թէ ոչ ՚ի տաճարին և ոչ ՚ի քաղաքին և ոչ ՚ի ժողովրդեանն գտին զիս ընդ ումեք խօսեցեալ. որ և ճշմարիտ իսկ էր:

ԵՓԲ. Բայց սակայն թէպէտ և քրիստոնեայ և սիցեմ, որպէս ասենդ, սակայն զանձ հարցն մերոց զբրահամեանց՝ որ առանց օրինացն պաշտեցին զանձ, պաշտեմ և ես. իբրու յօրէնս և ՚ի մարգարէս որ ինչ գրեալն են, հաւատամ ես:

ՈՍԿ. Եւ տես զՏերտիղայն բանն յառաջագոյն սրպէս ՚ի մարտի կացեալ և խառովութիւնս յարուցանելով. իսկ սա՝ թէ որպիսի հեզութեամբ տուեալ լինի պատասխանի: «Բայց զայս խոստանամ քեզ, աւսէ, թէ ըստ ճանապարհին զոր կոչեն հերձուած, այնպէս պաշտեմ զհայրենի անձն. հաւատացեալ անի որ ինչ յօրէնս և ՚ի մարգարէս գրեալ է»: Նորա զսա ՚ի բաց մեկնէին յօրինացն. սա ընդ նմին ածէ և ընտանեցուցանէ օրինացն զանձն իւր: Եւ դու միտ գիր զիարդ ոչ յառաջ բերէ զբանն յանարգանս զնոցանէ, և մանաւանդ կարող գոլով զնոսա ամաչեցուցանել: Հաւատացեալ օրինացն ամենայնի ասէ զինքն. և ոչ ասաց թէ հաւատան, զի ինքն հաւատայր ամենայն գրելոցն և ոչ նօքա: Իսկ թէ սրպէս հաւատայր ամենեցուն գրելոցն, կամ զինչ գրեցաւ յօրէնսն և ՚ի մարգարէսն, յայտ է՝ վասն շօր, վասն Որդւոյ, վասորն ժամանակի գալստեանն, վասն խաչին և յարու-

Թէն և վասն Հրէիցն անհաւատու թէն. զորս ոչ յաւելու, զի մի զւանն յերկարեցէ: Եւ ոչ ուրեք աստանօր զՔն յիշէ. բայց զհաւատան յիշելով, և զիրան որ ըստ Քնի էր՝ ՚ի ներքս եմայծ: Այլ առ ժամայն ՚ի յարու թէն բանն դեգերի, որ նոցա հասարակաց էր աւանդ, այսինքն փարիսեցւոցն:

« Աւելիմ, ասէ, յոյս առ անձ՝ որում և դորա ակն ունին, թէ յարու թի վնեւոց է արդարոց և մեղաւորաց: Այսօրիւր ցուցանէ զամբիծ զկեանս իւր. զի ապաքէն մարդ հաւատալով յարու թե ոչ այնպիսի գործ զոր դորա ասեն՝ գործեցէ: Եւ զի զյարու թէն ակնկալու թի և նոցա ունել ասաց, զիւրն ապա առանձինն ցուցանէ զառաքինու թի ըստ յուսոյն ՚ի ճահ: «Յորում և ես իսկ ճգնիմ, ասէ, անխիղճ միտս ունելով առ անձ և առ մարդիկ յամ ժամ:» Զի այս իսկ է կատարեալ առաքինու թի, փութալն առ անձ առանց իրիք խղճի գոլ. և մարդկան չտալ պատճառս շնասու, այլ մանաւանդ սիրոյ և խնամոց, և զայն յերկար: Սմին վասն ասէ՝ յամ ժամ, և ՚ի վերայ ածէ զցոյցս այսօցիկ:

Այլ այժմ և եթ սկսեալ, այլ «Ի բազում ամաց հետե եկի, ասէ, ողորմու թի առնել յազգդ իմ. և ետու պատարագիս, որով գտին զիս սրբեալ ՚ի տաճարին, ոչ բազմօք և ոչ ամբօխիս:» Զպատճառն յերուսաղէմ՝ ելանելոյ իւրոյ ասէ՝ թէ զիարդ կամ ընդէր ել, «Ողորմու թի, ասէ, և պատարագս եկի առնել յազգդ իմ:» Արդ որպէս կամ զիարդ խռովեցուցանէի, ասէ, զնոսա՝ որոց վասն ողորմու թիս առնելոյ եկի այնչափ ճանապարհ. զի այսպիսի գործ ոչ է խռովարարի. և ՚ի ստուգու թի իրացն զնոսին զդատախազսն իսկ ածէ վկայս՝ որ գտին զիս, ասէ, սրբեալ ՚ի տաճարին: Տեսանէս որչափ մատակարարու թի վճարեաց խրատն Յակոբայ. զի նոքա ամբաստանէին թէ զտաճարն ևս պղծեաց, զոր սա ՚ի դերև հանէ ասելով՝ գտին զիս սրբեալ ՚ի տաճարին: Արդ որպէս պղծեաց, ով ամբարիշտ շրեայք. զի ոչ էր այնպիսի առն զայն առնել. և գործն զոր արար՝ սրբելն և երկիր պաղանելն ցուցանէ. զի ոչ է նոյն վասն այսօրիկ անդ գալն, սրբելն և երկիր պաղանելն և պղծելն: Տեսանէս զի ոչ եր-

բէք խօսին ճշմարիտ . վասն որոյ և Քս ասէր՝ թէ
 «Գուք 'ի հօրէ սատանայէ էք . զի նա սուտ է 'ի սիրզ-
 բանէ » : Իսկ նորա ճշմարտութեն վկայ՝ գործն որ
 հաւատալի առնէր զասացեալն . և ոչ յերկարութի
 ինչ անկանել բանից , և ոչ շնորհուկս ինչ՝ որպէս Տեր-
 տիղոսն՝ առնել դատաւորին :

« Այ բազմօք և ոչ ամբօխիւ գտին զիս » ասէ : Ա-
 մենայնիւ զհակառակութին 'ի բաց բառնայ յինքե-
 նէ և զկարծիս խռովարարութե . զի միայնիկ առան-
 ձին գտին զիս , ասէ , զի մի՛ ունիցին ասել՝ թէ ձեռլ
 ողորմութե զայնոսիկ առնելիր , այսինքն խռովութիս :
 « Այ բազմօք և ոչ ամբօխիւ » ասէ . որպէս զի և քրն-
 նութի լինելով յաղագս այսորիկ՝ ոչ ինչ առաւել
 գտանել կարացին : Տեսեր զմեծ հեծութին 'ի վիշտս ,
 տեսեր հոգի խոնարհ և լեզու բարեբանող՝ թէ որպէս
 մի միայն խնդրէ զիւր իրան լուծանել և ոչ զնոսա ընդ
 ամբաստանութի արկանել , բայց թէ ուրեք հարկեալ
 յանիրաւութե՛ ուրուք լինիցի : Արպէս և Քս ասէր .
 « Ես դե ոչ ունիմ , այլ պատուեմ զՀայր , և դուք ան-
 արգէք զիս » . նոյնպէս և սա յամի զհակառակութի-
 նն 'ի բաց բառնայ . վասն որոյ բողոքէ և զասիա-
 ցւոցն , զի լուծցէ զենակարծիս :

« Ամանք յասիացւոց անտի Հրեայք , ասէ , որոց
 պարտէր գալ առաջիք և ամբաստան լինել եթէ ու-
 նիցին ինչ զինէն . և կամ ինքեանք սոքա ասացեն զինչ
 գտին յիս անիրաւութի մինչ կայի յատենին . բայց
 միայն վասն միոյ բարբառոյս այսորիկ զոր աղաղակե-
 ցի մինչ կայի 'ի մէջ նոցա , թէ վասն յարութե մե-
 ուելոց դատիմ՝ ես այսօր 'ի ձէնջ » : Այս իսկ սեպհա-
 կան իրք է իրաւանց , ոչ խափանել 'ի չարախօսացն ,
 այլ պատրաստ լինել յամի տալ պատասխանի :

Բայց տես զնորա զանչափ հեզութին . զյարութին
 մեռելոց միայն բերէ 'ի մէջ , և այլ ինչ ոչ զնոցանէ
 յաւելու . քանզի ունէր ասել՝ եթէ դաւաճանեցին
 զնա , եթէ ըմբռնեցին տարապարտուց , եթէ դարան
 գործեցին սպանանել զնա : Զայսոսիկ և առաւել քան
 զսոյն յաղագս նոցա յիրաւի լինէր ասացեալ , վշտի
 իրիք տակաւին անդ ոչ գոլով . բայց ոչ ասէ , այլ
 լուէ . և միայն յաղագս իւր զարդարն պատասխանա-

տրէ . և մանաւանդ բազում ինչ ունելով ասել և յան
դիմանել զնոցին սուտ ամբաստանութիւն : Այլ այս
իսկ զնա յերուսաղէմ պայծառ արար , և ՚ի կեսա-
րիա այնչափ բանակաւ գալ պատրաստեաց :

Ի արեւոք և զայս իսկ ոչ թողու որ վասննոցա էր ,
եթէ ինքեանք դոքա ասասցեն զի՛նչ փնաս գտին յիս :
Յայտ առնէ՛ թէ վասն այնորիկ ՚ի սկզբանէ ցաւագ-
նեալք լինէին , զի պարութիւն քարոզէր : Արդ զայս
ցուցանելով և յաղագս Քոթի յարութե՛ն եթէ յարեալ
՚ի մեռելոց՝ ՚ի ներքս մուծանէր : Զի՛նչ փնաս գտին
յիս , ասէ , յատենին . ոչ յատուկ , այլ հանդերձ քրն-
նութիւն ասասցեն . և զի զոր ասեմս՝ ճշմարիտ ասեմ ,
վկայ են որ ամբաստանողքք են վասն նորին իրաց . զի
վասն նոցին բռնութեն աղաղակեցի մինչ կայի ՚ի
մէջ ատենին՝ թէ վասն յարութե՛ն մեռելոց դատիմ
ես այսօր ՚ի ձէնջ . որով և Հրեայքն չարախօսք լռեալ
յամօթ լինէին : Բայց ինձ թուի թէ և բան դատա-
ւորին ամփոփեաց զնոցա պատասխանին . զի տեսա-
նելով զանիրաւութի նոցա , ոչ ևս թոյլ ետ յաւե-
լուլ ՚ի նոյն , զոր և յառաջիկայսդ պատմաբանէ :

ԲԱՐՈՅԱԿԱՆ

Այլ նմանեցուք նմա ոնց և նա Քոթի . և առ այնոսիկ՝
որ մինչև ցմահ և զենումն զմեզ վտարեն , մի դժուարի-
նըս ինչ ասասցուք : Զի որոյ ներողու՛ն արժանի իցեմք ,
որ վասն չարախօսութե և անարգանաց գաղանա-
ցեալք պիղծս և ամենապիղծս զթշնամանողսն կոչեմք :
Եւ որպէս հնար է անարգեալ լինելով հանդուրժել ,
ասէ : Եւ որպէս ոչ է հնար , դու ասա . վէ՛րք ինչ ծնա-
նին ՚ի մեզ ՚ի բանիցն , խոցոտին մարմնքս մեր : Այլ
թէ կամիցիմք հանդուրժել , դիցուք մեզ օրէնս ոչ
ցաւագնիլ , և հանդուրժիցեմք . մի թշնամանաց հա-
մարեցուք զանարգանսն , այլ տկարութե՛ն անարգո-
ղին : Ո՛չ ապաքէն դիւահարացն ներեմք , թէ և բա-
զում ինչ ասիցեն . և թէ մեծագոյն որ թշնամանէ ,
և այնմ . և թէ բարեկամ որ , և այնմ : Այսպէս հան-
դուրժեցուք և համապատուացն և նուազագունի-
ցըն , իմաստասիրելով ՚ի փառս Քոթի :

ՃԱՌԻ ԹԻՄՆԵՐՈՐԴ ԼՈՒԱԸՆԵՐՈՐԴ

«**Լ**Ի յապաղեաց զնոսա ֆելիքս, զի ստուգա-
գոյնս գիտէր վասն ճանապարհին » . Տեսանես թէ
որչափ լինի քննութի՛ն ՚ի բազում ժամանակս վասն նո-
րա, որպէս զի մի՛ ունիցին ասել Հրեայքն՝ թէ յափըչ
տակելով իմն եղև դատաստանն, և ոչ յայտնեցաւ վա-
սըն նորա ճշմարիտն : Արդ յապաղեաց զնոսա ֆելիքս
վասն խիստ յանդգնութեն շրէից, պատճառս խրնդ-
րելով աստանօր զյապաղելն, և ոչ իբրև ագէտ գոլով
նոցին օրինաւորութեն յապաղեալ լինէր : Զի կարի
քաջ գիտէր, ասէ, վասն ճանապարհին . զդաւաճա-
նողութի՛ն նոցա, ասէ, գիտէր քաջ . և ճահողութի՛ք
զանցարար զժամանակաւն, ոչ կարօտ գոլով իմանալ-
այլ այնու զՀրեայն պապանձեցուցանել և խափա-
նել զմիաբանութի՛ն նոցա : Եւ քանզի յիշեաց հռետո-
րըն զԼիւսիաս ասելով՝ թէ բռնութի՛ք ՚ի բացեհանն ՚ի
մէնջ զայրն, ըստ որում յապաղեաց զնոսա ֆելիքս
ասելով . « Յորժամ Լիւսիաս հաղարապետն իջցէ
այսր, տեղեկացայց վասն ձեր » :

ԵՓԲ . « Հրամայեաց հարիւրապետին պահել զնա և
ունել յընդարձակի, և մի՛ զոք յիւրոց անտի արգելուլ
՚ի պաշտելոյ զնա » : Արդ հոգեմօնն թէպէտ պար-
տաւորելով անիրաւութի՛ք ոչ պարտաւորեաց զնա, այլ
և ոչ արդարացուցանելով արդարացոյց զնա, եդ զնա
՚ի պահ . թողուլ ոչ կամէր վասն նոցա, և տանջել
ոչ էր հնար, զի գարշելի թուէր առանց վնասու զայն
առնել :

ՈՍԿ . Հրամայեաց ունել յընդարձակի . այսպէս
զնա և զսա ՚ի բաց եթող յամբաստանութեն . բայց
նոցին չնորհառնելով տակաւին պահեալ առ իւր ու-
նէր : « Եւ յետ աւուրց ինչ, ասէ, եկն ֆելիքս հան-
դերձ Գրուսիզաւ կնաւ իւրով, որ էր հրեայ . կոչեաց
զՊաւղոս և լուաւ ՚ի նմանէ վասն որ ՚ի Քրիստոս հաւա-
տոյն » : Արդ զայս ասեմք . եթէ մեղադիր էր նմա

Փեղիքս, ոչ երբէք առնէր զայն. ոչ բնաւ յանձն առնոյր լսել ինչ 'ի չար և 'ի դատապարտեալ առնէն: Աս և կինն և ս լէ հանդերձ իշխանաւն, որ ինձ թուի բազում պատուոյ նշանակ գոլ. զի եթէ ոչ մեծամեծս ինչ յաղագս նորա զմտաւ ածէր, ոչ և ս զկինն հաղորդ առնէր լսողութեն: Ար թուի ինձ և կնոջն փափաքել յայտոսիկ. այլ և հրեայ գոլով և ոչ օտար 'ի Պաւղոսէ:

« Եւ 'ի խօսելն նորա վասն արդարութե և ժուժկալուէ և հանդերձեալ դատաստանին, զասի հարաւ Փեղիքս, ետ պատասխանի. դու առ այժմ' երթ. և յորժամ ժամ լինիցի, կոչեցից զքեզ. միանգամայն և ակն ունէր թէ տացի ինչ նմա 'ի Պաւղոսէ, զի արձակեցէ զնա. վասն որոյ ստէպ կոչեցեալ խօսէր ընդ նմա: Տես զհոգին Պաւղոսի, զի մանաւանդ ընդ իշխանին խօսելով ոչ ինչ յայնցանէ՝ որ պատշաճ էր և վայելէր զնա թողուլ, ասէր բնաւ. այլ յաղագս հաւատոյ և թողութե մեղաց. և ոչ միայն վասն այսոցիկ, այլ վաղվաղակի և վասն յարութե և հանդերձեալ դատաստանին խօսէր, և յաղագս գործականաց վարուց և ժուժկալութե. և այնչափ էր զօրութի բանին, մինչև զարհուրեցուցանել զիշխանն: »

Սիտ դիր և հեռի օտարութե բարուց իշխանին 'ի քարոզութեն Պաւղոսի. զի զայնպիսի զահագինս լսելով ակն ունէր առնուլ ինչ 'ի նմանէ. և ոչ մի անգամ, այլ բազում անգամ խօսելով ընդ նմա: Տեսանէս թէ որպէս ճշմարտութե քն գրեալքս. կոչէր զնա ստէպ, ասէ, ոչ սքանչանալով զնմանէ և ոչ գովելով զասացեալն և ոչ հաւատալ կամելով. այլ զինչ ակն ունելով ինչս առնուլ: Եւ դու միտ դիր՝ թէ որպէս ոչ թաքուցանէ աստանօր Ղուկաս զկամս դատաւորին: Արդ զիարդ կամ որպէս խնդրես ինչս, ով պիղծդ, 'ի յառնէ զներհակդ այդոցիկ քարոզողէ. զի որ քեզ ուսուցանէ աղքատանալ, զիարդ 'ի նմանէ ինչս խնդրես: Եւ քանզի ոչ էառ ինչս, աստուստ յայտ է, զի կապեալ եթող զնա. զի թէ առեալ էր, նա և արձակեալ իսկ էր:

Տեսէր բարք ազահութե. նա յաղագս ժուժկալուէ վարդապետէր, և սա մեծանալ փափաքէր առ 'ի նմանէ, որ զայն ինչ զոր քարոզէր, գործով յանձին

իւրում ցուցանէր: Այնպիսի է արծաթսիրութիւն յամի կորուսանէ զընդունողն իւր: Եւ խնդրել ոչ համարձակէր. քանզի այսպիսի է առաքինութիւն, ուստի ակն ածէ և խորշի չարութիւն. սակայն յուսացեալ ակն ունէր. և ըստ որում ոչ ինչ էառ, վայելչապէս շրէիցն շնորհս առնէր, և այնչափ ժամանակս իշխեցեալ զնա պահէր 'ի կապանս՝ որ արդար գտաւ յամի:

Այլ քանզի վախճան հասեալ շնորին իշխանութեն՝ թողու զնա կապեալ, զի այնու շրէիցն շնորհս առնիցէ. քանզի ոչ միայն ընչից, այլ և փառաց էր ցանկացող: « Զի 'ի կատարել, ասէ, երկուց ամաց եկն փոխանակ Փելիքսի՝ Փեստոս Պորկիոս. իբրև կամեցաւ շնորհս առնել շրէիցն Փելիքս, եթող զՊաւղոս կապեալ »: Քանզի ըստ մարգարէութեն Յակոբայ և Գանիէլի բարձեալ էր իշխանութիւն շրէից. և փոխանորդելով զիրեարս 'ի հռոմայեցւոցն 'ի վերայ նոցա կացեալ լինէին իշխանք. ըստ որում և սա փոխանորդեալ՝ թողու զՊաւղոս կապանաւոր, թէպէտ և ոչ էր պարտ և արժան, քանզի վայել էր դատատանին 'ի կատարումն ածել. բայց շնորհս առնելով շրէիցն, ասէ, այնպէս եթող զնա: Զինոքս այնպէս լինէին հաստատեալ, յոյս ունելով դարձեալ հանդիպել նմա և տանջել զՊաւղոս կամ տալ 'ի ձեռս նորա, զի սպանցեն: Եւ զի մանաւանդ այլոց առաքելոցն և ոչ միոյ ուրուք այնպէս լինէին 'ի վերայ հասեալ, և հասանելով իսկ փութով 'ի բաց կացին, բայց սմա ոչ այնպէս՝ այլ խստաբար միշտ զնոյն խորհին. վասն այսորիկ և այնպէս տնօրինեցաւ հեռանալ նմա յերուսաղէմէ, և ընդ այնպիսի գազանաց ոչ ունել զընակութիւն:

« Փեստոս իբրև եհաս յիշխանութիւն, յետ երկցաւուրց ել յերուսաղէմ 'ի Վեսարիոյ. և զգացուցին քահանայապետքն և զլխաւորք շրէիցն ըզՊաւղոսէ, և աղաչէին՝ խնդրեալ շնորհս 'ի նմանէ, զի կոչեսցէ զնա յերուսաղէմ, դարան գործեալ սպանանել զնա 'ի ճանապարհին »: Տես զանդանդաղ չարութիւն շրէից. վավաղակի 'ի սկզբանն մատեան քահանայապետքն առ Փեստոս. ոչ արդեօք յապաղէին և 'ի Վեսարիա իջանել, եթէ ոչ վաղվաղակի հասեալ

էր դատաւորին յերուսաղէմ ելանել . որ և փու-
թանակի մատեան առ նա խնդրելով, զի ժամ լիցի
ախորժողացն սպանանել զնա, եւ քանզի և զնա ևս
ապականել 'ի մտաց ջանային լիրբքն, և ոչ կարացին,
զի այնպէս և նմա յայտ եղև խորհուրդն թէ ընդէր
չնորհս հայցեն, եթէ իրաւունք է զի մեռանիցի այրն.
զի աղաչէին զնա, ասէ, ածել զՊաւղոս յերուսաղէմ,
զի յայնժամ տնօրինեաց անձ ոչ ըստ կամաց նոցա
յարդարելով զիշխանն. զի վայել էր և նմա նորոգ
յիշխանութի կոխեալ՝ կամելով շնորհս առնել նո-
ցա, բայց ոչ թողացոյց անձ :

« Օ ի փետոս արար պատասխանի՝ պահել զնա 'ի
Կեսարիա . և թէ ինքն իսկ ընդ հուպ անդր երթալոց
է . և որ 'ի ձէնջ կարողք իցեն, ասէ, ընդ իս իջցեն .
և եթէ իցէ ինչ յառնն փնաս, ամբաստան լիցին ըզ-
նմանէ » : Քանզի ոչ համարձակէին զփետոս հատա-
նել դատակնիք ինքեանց . այսինքն զի չկամէին ա-
ռաջի նորա լինել քննութի դատաստանի երկնչելով
'ի լեզուոյն Պաւղոսի . այլ հնարէին միայն զնա ածել
'ի հաւանութի կամաց իւրեանց, զի ժամ գտցեն
սպանանել զՊաւղոս : Իսկ նա ասէ՝ պահել զնա 'ի Կե-
սարիա . գրեթէ զայս ասելով, զի երկնչիք կամ զի փու-
թայք, պահեալ գոլով նորա՝ որ ոչ կարիցէ փախչել .
և որ 'ի ձէնջ կարողք իցեն, ընդ իս եկեալ յատենի
չարախօսեսցեն զնմանէ :

« Այլ լեալ անդ աւուրս ոչ աւելի քան զութ կամ
զտասն, եկն էջ 'ի Կեսարիա . և 'ի վաղիւ անդր նրս-
տեալ յատենի՝ հրամայեաց ածել զՊաւղոս » : Ա՛վ
մեծի փութոյն, դարձեալ չարախօսք, դարձեալ 'ի
Կեսարիա, դարձեալ Պաւղոս արտաքս բերեալ լինի
և յատենի կացեալ . անդէն 'ի վաղիւն դատաւորն
նստեալ 'ի բեմքի, այնչափ փութով՝ զի ոչ տային նմա
դուլ Հրեայքն . այնպէս բորբոքէին և վանեալ առ-
նէին զնա . այնպէս փութացունէին զնա, մինչ չև
ևս փորձ առեալ էր զնոցա՝ կասկածէին և զուղիղն
ծածկել ջանային :

« Այլ իբրև եկն Պաւղոս, կացին շուրջ զնովաւ որ
յերուսաղէմէ իջեալ էին Հրեայքն . բազում և ծանր
փնաս դնէին, զոր ոչ կարէին ցուցանել . քանզի առ-

ներ պատասխանի Պաւղոս՝ թէ ոչ յօրէնս շրէիցն և ոչ ՚ի տաճարն և ոչ ՚ի կայսր ինչ փաստակար եմ՝ : Տես զի մեծապէս անամօթաբար առնէին զչարախօսութիւն, և բազում բանիւք դարձեալ զրպարտէին զնա. և մի ինչ ՚ի նոցանէ ոչ կարացին ցուցանել և յայտնի առնել : Եւ իբրև ոչ կարացին օրինականօքն ըմբռնել զնա, դարձեալ սովորական բարուքն իւրեանց յիրսն որ յաղագս կայսեր էին՝ զնա փաստաբանէին . զոր և առ Քօիւ՝ զնոյն և աստ առնէին : Քանզի Պաւղոս տալովն պատասխանի՝ թէ ոչ ՚ի կայսր ինչ փաստակար եմ, զայս նշանակէ : Այլ և պատուով զնոցանէ և ուղիղ առնէր զպատասխանին . թէպէտ և նոքա լիբբք և յանդգունք էին :

« Ի այց Փետտոս կամեցեալ շրէիցն շնորհս առնել, պատասխանի ետ Պաւղոսի և ասէ . կամիս յերուսաղէմ ելանել և անդ վասն դոցին իրաց դատել առաջի իմ » : Տեսանէս, զի և նա շրէիցն շնորհս առնէր . քանզի եղև յերուսաղէմ զաւուրս տասն, ակն առնոյր ՚ի նոցանէ . բոլորովին ազգ և հանդէս և քաղաք գոլով միաբան, որոց շնորհս առնել ջանայ . և կամեցաւ զի պատրեցէ զնա : Կամիս, ասէ, յերուսաղէմ դատել առաջի իմ . ոչ ՚ի նոցա ձեռս տամ զքեզ, ասէ : Այսպէս հնարեցաւ, և զինքն առնէ տէր, զի պատուով յօժարեցուցէ զնա . զի այնպէս կամէր զնա մատնել շրէիցն : Զի անդէն ոչ ինչ կշտամբեալ և ոչ փասս ինչ գտեալ, վասն որոյ և ոչ կարէր պատուհասել . բայց յերուսաղէմ փութայր տանել, քանզի անդ էին դատակնիքն և ատեանն . և ամենեին ամ առանց իրաւանց և ամօթոյ էր : Վասն որոյ և Պաւղոս երկեցոյց զնա դարձեալ մարդկային ինչ զէն ՚ի կիր արկեալ, զոր ոչ ոք էր ձեռնհաս լուծանել :

ԵՓՐ. () ի իբրև կամեցաւ Փետտոս տալ զնա պարգև նոցունց մտաց, և զի յառաջ քան զժամն զայն եղեալ էր ՚ի մտի իւրում Պաւղոս երթալ ՚ի Հռոմ քաղաք և արգելաւ, ընդ միտ ած և խորհեցաւ բողոք հարկանել ՚ի կայսր . զի մինչդեռ երթեալ հասանիցէ նա ՚ի Հռոմ առ կայսր, ուսուցէ և աշակերտեցէ զտիւզերս ՚ի վարդապետութեն Քօի :

« Եւ ասէ Պաւղոս . յատենի կայսեր հասեալ կամ, ուր պարտ է ինձ դատել . շրէից ինչ չեմ փաստակար :

որպէս և դու իսկ քաջ գիտես. ապա թէ փնասակար իցեմ և արժանի մահու ինչ գործեցի, ոչ զանգիտեմ 'ի մեռանելոյ. իսկ եթէ ոչ ինչ է զոր դոքա ամբաստանեն, ոչ որ կարէ զիս դոցա շնորհել, 'ի կայսր բողոքեմ: Իբրև հարցաւ թէ կամիս յերուսաղէմ ելանել, ոչ ասաց թէ ոչ կամիմ. դուցէ ուժգնագոյն արասցէ զդատաւորն. այլ դարձեալ մեծաւ համարձակութիւնս. մի անգամ, ասէ, և երկրորդ 'ի նոցանէ ազատ և անփնաս գտայ և 'ի բաց ելի 'ի նոցանէ. ապա զի այսու կարծեն զիս դատապարտել, ցուցանելով թէ յաղազս կայսեր փնասակար իցեմ, արդ առաջի նորա կամիմ կալ 'ի դատաստան. զՀրեայնն ոչ ինչ անիրաւեցի, որպէս դու քաջ գիտես:

Այսուհետև բունն եհար զնովաւ իբրև զշնորհողէ զինքն Հրէից. ապա դարձեալ թողացուցանէ զբանն ասելով. եթէ արժանի մահու ինչ գործեցի, ոչ զանգիտեմ 'ի մեռանելոյ. ես ինձէն հատանեմ 'ի 'ի վերայ իմ դատակնիք, քանզի ընդ համարձակութեն պարտ է և իրաւաբանութեն դու. ապա թէ ոչ ինչ է զոր դոքա զինէն ասեն, ոչ որ կարէ զիս դոցա շնորհել, թէպէտ և կամեսցի: Եւ ոչ ասաց թէ դու, այլ թէ ոչ որ կարէ զիս դոցա շնորհել, զի մի հանդէպ 'ի նա ձգեսցէ զանարգանսն. քանզի կամէր նա առնել զնա շնորհ Հրէիցն: Եւ ոչ ասաց թէ չեմ արժան մեռանելոյ, և ոչ թէ արժանի եմ արձակելոյ. այլ թէ պատրաստ եմ դատել առաջի կայսեր. միանգամայն և զտեսիլն յիշեալ զՔոթի, առաւել համարձակեցաւ 'ի կայսր բողոքել:

Ասացէ որ թերևս՝ սակս որոյ իրաց առնէր զայսուսիկ. որովհետև լուաւ յնոյ եթէ 'ի Հռոմ պարտ է քեզ վկայել վասն իմ: Ասեմք՝ թէ ոչ իբրև թերահաւատ գոլով բանին, քաւ լիցի. այլ և յոյժ հաւատացեալ և մեզ օրինակ եղեալ. քանզի փորձողի է քաջալերել և վստահանալ միայն 'ի բանն յայն, և 'ի բազում վիշտս և 'ի մէջ անօրինաց արկանել զանձն իւր ասելով տեսից կարէ՞ անձ և այսպէս իրկել զիս: Իսկ Պաւղոս ոչ առնէ զայս. այլ զառ յինքենէ զամ 'ի ներքըս բերէ. և ոչ զամ ինչ յանձ ասպատան առնէ և անհոգ նստի: Բայց տես զՊաւղոսի հանձարն զիարգծած կաբար զիշխանէն բունն եհար. զի ետես զնա ա

պահանեալ 'ի ճշմարտութեն, ասաց՝ ոչ ոք կարէ զիս
դոցա շնորհել, 'ի կայսր բողոքեմ. որով առաւել յեր-
կիւղարկ զնա ոչ կարող լինել առնել զայն, և առ-
Հրեայն ունել պատասխանի թողլոյն զնա :

«Ճայնժամ Փետտոս խօսեցեալ ընդ խորհրդակցին՝
արար պատասխանի . 'ի կայսր բողոքեցեր, առ կայսր
երթիջիր : Տես դարձեալ ընդարձակութիւն տարա-
ծեալ զգատաստաննորա, և զգաւաճանութիւն պատ-
ճառ լեալ քարոզութեն անդ 'ի Հռոմ՝ 'ի թագաւո-
րական քաղաքին . որպէս զի դիւրութիւն և պահպա-
նութիւն ելցէ 'ի Հրեիցն և տարեալ լիցի 'ի Հռոմ՝ ոչ
յուսեքէ դաւաճանեալ . քանզի ոչ էր հաւասար պար-
զաբար զնալն, և այսպիսի պատճառաւն . զի այս իսկ
և զՀրեայն արգել և ոչ ետ գնալ 'ի Հռոմ : Ապա դար-
ձեալ ժամանակ լինի նմա դեգերելով 'ի կապանս 'ի
Հռոմ . զի իմասցիս թէ և ժամանակի լինելով ոչ ինչ
դաւաճանութե՛նոցա իրքն կարաց վճարել, այլ թո-
ղացուցանելով 'ի նոյնն : Եկն էջ արքայն Ագրիպպաս՝
որ եկաց 'ի տեղւոջ իշխանութե՛ Հերովդի յողջոյն
հոգեմոնին : Աս կաց պատմեաց առաջի նորա զգա-
տաստանն Պաւղոսի . և զի խնդրեցին 'ի նմանէ Հրեայ-
քրն զՊաւղոս, և երկեաւ նա յօրինացն Հռոմոց տալ
զնա 'ի ձեռս նոցա . քանզի ոչ գտաւ զկնի նորա յան-
ցանք ինչ, բայց թէ բամբասանք օրինացն Հրեից, ըստ
որում պատմաբանէ յառաջիկայոց :

ԲԱՐՈՅԱԿԱՆ

Ս'ի ապա դժուարինս համարեսցուք զգաւաճա-
նիլն . զի եթէ մեք զանձինս մեր ոչ դաւաճանիցեմք,
ոչ այլ ոք կարէ նենգել մեզ . այլ ջանալովն նենգել՝
մեծապէս զմեզ շահեցուցանէ . զի մեք եմք տեարք
անձանց մերոց կրելոյ ինչ չարաչար և ոչ կրելոյ . զի
ոչ կարէ նենգել քրիստոնէի ոչ մարդ ոք և ոչ սատա-
նայ, մինչ ինքն զինքն ոչ նենգիցէ . այլ որպէս հրեշտա-
կի ոչ կարէ վնասել ոք, և ոչ քրիստոնէի : Եւ ոչ միայն
ինքն յայլոց ոչ վնասի, այլ և ոչ զայլս վնասել կարիցէ,
և այսու այլ և հրեշտակի նմանեալ է . այլ անձ բնութիւն
այսպիսի է, իսկ մարդ յօժարութիւն . իսկ զանձն վնասէ
'ի կամելն զայլս վնասել, յորմէ զգուշալն է երկիւղիւ :

ՃԱՌԻ ՅԻՄՆԵՐՈՐԴ ԵՐԿՐՈՐԴ

« Ի ԲՐԵՒ անցին աւուրք ինչ, յայտ է ոչ բազումք, Ազրիպասս արքայ և Բերինիկէ եկին 'ի Կեսարիա յողջոյն ֆեստոսի. և իբրև աւուրս բազումս հանելին անդ, Փեստոս զեկոյց արքայի զՊաւղոսէ: » Ազրիպասս այս, որ և Հերովդէս, այլ ոմն էր զկնի այնորիկ որ յաւուրսն Յակոբու, որ և զնայն նահատակեաց, որպէս զի չորրորդ յետ առաջնոյն Հերովդի գոլով նորա. Չսա հաղորդ առնէ Փեստոս բանին՝ որ վասն Պաւղոսի. զի և այնպէս բազումք եղիցին լսողք բանին. և ոչ խորհրդակցաւ միայն, այլ և թագաւորն և զօրք և Բերինիկէ գիտելով, ապա արասցէ զպատասխանին առաքելով զնա 'ի Հռոմ:

« Եր մի, ասէ, է աստ մնացեալ կապեալ 'ի Փելիքսէ. վասն որոյ իբրև չոգայ յերուսաղէմ, զգացուցին ինձ քահանայապետքն և զլիաւորք Հրէիցն, և խնդրէին յինէն առնել նմա պատուհաս. որոց ետու պատասխանի՝ թէ չէ օրէն հռոմայեցւոց չնորհել ումեք զոք մինչև ամբաստանեալն յանդիման ունիցի զդատախազն, և տեղի պատասխանուոյ առնուցու վասրն ամբաստանութեն: » Տես աստանոր չարախօսուի զՀրէիցն, ոչ առ 'ի Պաւղոսէ, այլ յիշխանէն. հայցելին, ասէ, ածել պատուհաս 'ի վերայ նորա. առ որս ես ասացի յամօթ առնելով զնոսա՝ թէ ոչ է օրէն հռոմայեցւոց յառաջ քան զբանի հաղորդել՝ չնորհել ումեք զմարդ: Տես աստստին 'ի բնէ իշխանսն հանապազ 'ի բաց մերժելով զհրէական ծանրութիւն. իբրու առանց իրաւանց բազում անգամ հարկողաց առնել և նմիւ փոյթ գոլով 'ի սպանութիւն:

« Եւ իբրև եկին այսր, ասէ, ոչ ինչ յապաղեցի. այլ վաղվաղակի նստեալ յատենի հրամայեցի ածել զայրն. վասն որոյ մատուցեալ ամբաստանքն և ոչ մի ինչ զնաս չարութե 'ի մէջ բերէին զորոց եսն կարծէի. այլ ինդիրս ինչ որ վասն իւրեանց պաշտաման ունէին

ընդ նմա, և վասն ՅՅի ուրումն մեռելոյ՝ զորմէ ասէր Պաւղոս թէ կենդանի է՝։ Տես զպատասխանին յազագս Պաւղոսի զորնոյն ինքն Փետտոս առնէ. արարեալ, ասէ, յանդիման՝ ոչ ինչ գտի զնա պատճառաւոր. և խայտառակեալ լինի հրէական կարծրութիւն. զի յորժամ իշխանն ասէ զայսոսիկ, առանց կարծեաց լինի վկայութիւն, որով և առ ՚ի նմանէ մեղապարտ ցուցանին Հրեայքն։

Վպա յետ անցուն հատանելով ՚ի վերայ նոցա դատակնիք՝ անիրաւս և պատժապարտս գող, յայնժամ նոցա հասոյց և անժ զտանջանսն ըստ արժանի գործոց իւրեանց ՚ի ձեռն Հոռոմոց բառնալով ՚ի միջոյ։ Մեղապարտ արար զնոսա Վիւսիաս. մեղապարտ արար Փիլիքս. մեղապարտ արար Փետտոս, որ և շնորհան կամէր առնել նոցա. զկնի ամենեցուն մեղապարտարար զնոսա և Ագրիպպաս. զինչ այնուհետեւ, մեղապարտ անձամբ զանձինս արարին փարիսեցիքն ասելով՝ հոգի խօսեցաւ ՚ի դմա կամ հրեշտակ։

Ոչ ինչ չարութիւն, ասէ, ՚ի մէջ բերէին յորոց ես կարծէի. և սակայն յինքեանց հասուցանէին և ՚ի մէջ բերէին, այլ ոչ կարէին յայտնի կացուցանել. քանզի դաւաճանութիւն նոցա և յանդգնութիւն զայս ինչ տայր կարծել, իսկ քննութիւն այսպիսի և ոչ ինչ. այլ յազագըս ՅՅի ումեմն մեռելոյ ասէ Պաւղոս թէ կենդանի է։ Վայելչապէս յազագս ումեմն ասէր իբրև զմարդոյ, մարդ գողով ՚ի սկզբանն ծանուցեալ։ Ոչ ինչ ես, ասէ, այսոցիկ փոյթ առնելով։

« Իբրև յանհնարս մտի ես յազագս այնպիսի իրաց քննութեան, ասեմ ցՊաւղոս՝ եթէ կամիցիս երթալ յերուսաղէմ և անդ դատել վասն դոցին իրաց»։ Յիրաւի յանհնարս մտի ասէ. քանզի արդարեւ գերագոյն անցանէր քան զմիտս և զլսելիս դատաւորին որ յազագս այսոցիկ ինդիրն. ասեմ, ասէ, կամիս ելանել յերուսաղէմ։ Աստ թաքուցանէ և զիւր սխալանս։ Արդ եթէ տարակուսեալ ես, ընդէր ձգես յերուսաղէմ զնա։ « Բայց ՚ի Պաւղոսի բողոքելն զի պահեսցի ՚ի քաջի արանցն յանդիմանութիւն, հրամայեցի պահել զնա մինչև տաց տանել զնա առ կայսր»։ յերուսաղէմ, ասէ, ինքն ոչ արժանի համարեցաւ, այլ առ կայ-

սեր կալ յատենի, զի յաղագս այնորիկ զնա ամբաստանէին : Եւ քանզի լսելի եղև յօժարութիւն շրէից յասացելոցն 'ի Փետտոսէ դաւաճանութիւնն և խռովութիւնն, այսորիկ ամենեքեան ամին զԱզրիպպաս 'ի ցանկութի լսել Պաւղոսի :

« Ազրիպպաս ցփեստոս ասէ . կամէի և ես լսել առ նրն : Եւ նա ասէ՝ վաղիւ լուիցես » : Կամեցաւ Ազրիպպաս տեսանել զՊաւղոս, որպէս շերովդէս զի կամեցաւ տեսանել զտէր մեր . և տայ նմա Փետտոս զնորսն առ 'ի լսել, հրամայելով ամէլ զՊաւղոս զառաջեալ : Եւ լինի պայծառագոյն Պաւղոս, զի այսպիսի արարին զնա դաւաճանութիւնն . և եթէ ոչ էին եղեալ այնորիկ, թերևս ոչ որ յիշխանացն արժանացուցանէր զնա լսել այնչափ հանգարտութիւն և հէզութիւն :

« Եւ 'ի վաղիւ անդր իբրև եկին Ազրիպպաս և Բերինիկէ բազում և երևելի սպասուք, և մտին յատեանն հանդերձ հաղարպետօքն և արամիք պատուաւորօք քաղաքին . և հրամայեցին ամէլ զՊաւղոս » : Տես որպիսի հանդիսաւոր լսարան եղև վասն Պաւղոսի . թագաւորն իսկ հանդերձ զօրօքն և գլխաւորօք քաղաքին, իշխանօքն և հաղարպետօք և դատաւորաւն մեծ երևելութիւն . ապա ամեալ եղև Պաւղոս : Եւ միտ դիր ճամարտութեն յայտնութե՝ թէ որպէս դատաւորն զնմանէ բողոքէ . զի ինքն իսկ Փետտոս այսու բանիւ ազատեաց և թողացոյց զնա յամբաստանութիւն ասելով . « Արքայ Ազրիպպա և ամենայն արք որ ընդ մեզ էք, տեսանէք զսա . վասն սորա ամենայն ժողովք շրէից ամբաստան եղեն ինձ յերուսաղէմ, և աստ աղաղակէին թէ չէ պարտ դմա կեալբայց ես 'ի վերայ հասի թէ չէ դորա արժանի մահու գործ գործեալ » : Յորժամ 'ի բաց եղեն շրեայքն 'ի նմանէ յամօթ եղեալք բազում անգամ, ապա այնուհետև դատաւորն զթողութի նորա 'ի կիր արկանէ, և յայնժամ պայծառ լեալ լինի նմա տեսարանն :

Եւ տես զինչ ասէր . « Ամենայն բազմութի շրէիցրն ամբաստան եղեն » . ոչ ոմանք միայն և ոմանք ոչ, այլ ամենեքեան իսկ յերուսաղէմ և աստանօր ամբն զմահ ըղձային և ասէին՝ պարտ է գոլ դմա մեռանել : Յուցանէ այսու՝ թէ յիրաւի Պաւղոս բողոքեաց 'ի

կայսր, քանզի թէ ուր ոչ ինչ բնաւ դժուարին ունէին շրեայքն ասել զնմանէ և այնպէս մոլեալ լինէին, վայելչապէս ապա և ինքն դատաւորն զգուշանայր՝ զի մի՛ ՚ի վերայ նորա լինիցին նոքա եկեալ մեղադրու թէ՛ Եւ տես թէ՛ որպէս զնոսա չարախօսէ և զսա թողացուցանէ ՚ի մեղադրու թէ՛ :

« Այս, ասէ, ՚ի վերայ հասի գորին անմեղու թէ՛ն » : Ա՛վ մեծի իրաւանցն սեպհականու թէ . իշխանն ոչ գտանէ թէ՛ որպէս զնա դատապարտեսցէ բազում բըննու թէ՛ լինելով : Այս իսկ վայել էր Պաւղոսի մաքրունն, ոչ ունել դատաւորին թէ՛ զինչ փաստաբանեսցէ վասն նորա : Իսկ շրեայքն զնա արժանի մահու գող ասէին . զի նոքին իսկ և զՔոս սպանին : Արդ յորպիտի տարակուսանս զանձինս իւրեանց արկին շրեայք, զի վասն նոցա իսկ միանգամայն զոր հանդերձեալ էին իմանալ և որ ՚ի Հռոմն էին շրեայք, բազում անգամ կրկնէ Փետտոս զատեանն, թերևս կարասցէ ինչ գտանել, և զթագաւորն և զայլնս օղնականս առնու ՚ի դատաստանին :

« Օ ի դորա ինքնին բողոք կալեալ, ասէ, առ քաջ արանցն՝ խորհեցայ յղել . վասն որոյ ստուգու թէ՛ ինչ գրել տեառն իմում ոչ ունիմ . վասն այնորիկ ածի զգա առաջի ձեր և մանաւանդ առաջի քո, արբայ Ագրիսպաս, որպէս զի վերստին քննեալ մարթացից ինչ գրել . քանզի անպատեհ իմն թուի ինձ տալ տանել կապեալ մի, և ոչ ինչ փաստ զնմանէ նշանակել » : Տեսանես թէ՛ որպէս ակամայ քարոզք լինէին իւրեանց չարութենն և Պաւղոսի առաքինութենն . քանզի և կապանօքն առ նոյն իսկ թագաւորն յոյժ պայծառագոյն տարեալ լինէր Պաւղոս, քան թէ՛ առանց կապանաց : Չի ոչ ևս տակաւին իբրև զմոլորեցուցիչ և կախարդ և խաղմարար տարեալ լինէր, այնչափ դատաւորաց զնա թողացուցանելով . այլ իբրև զյոյժ ազատ ՚ի մեղադրութէ՛ զնայր հանդերձ գրով և բազում վկայիւք : Իսկ շրեայքն և յայնմիկ ևս դատապարտեալք և չարագործք երևեցան, որպէս և ընդՔոսի մահուն, իսկ Պաւղոս այնուհետև զամենայն ՚ի բաց եղեալ առ որս ծնեալ և սնեալ էր, և զայն ոչ վայրապար, այսպէս մաքուր ՚ի կասկածանաց վերայ կոխէ ՚ի Հռոմ :

« Մգրիպպաս ցՊաւղոս ասէ . հրամայեալ է քեզ խօսել վասն քո » : Բազում ցանկու թի՞ զոր ունէր առ 'ի լսելինս 'ի նմանէ , հրամայէ նմա խօսել թագաւորն « Յայնժամ Պաւղոսի ձգեալ զձեռն առնէր պատասխանի . վասն ամենայն ամբաստանու թէ՛ց շրէիցդ զինէն , արքայ Ագրիպպաս , համարիմ զանձն իմ երանելի , զի քո առաջի այսօր տալոց եմ պատասխանի » : Այսուհետև Պաւղոս մեծաւ համարձակու թի՞ լինի բարբառեալ . ոչ խաբէու թի՞ ինչ , այլ զճշմարտութի՛ն պատմելով . վասն որոյ և զանձն երանելի համարի , քանզի զամենայն ինչ գիտէր յառաջագոյն որ ինչ լինելոց էր :

Աւ զի երկնէր առիւծն այն ահադին և հորն երկնային ելանել յայնմ կապանաց , զի ընթացի այրել զանտառս մեղաց տիեզերաց , Բայց միտ դիր և այժմ հեզու թի՛ նորա . զի ոչ ասաց թէ ընդէր է այս , մի անգամ բողոք կալայ առ կայսր և աստ բիւր անգամ դատեալ եղէ , մինչև ցերբ այս . այլ զինս : Գարձեալ պատրաստ եղև վճարել դատաստան առաջի Ագրիպպայ առաւել գիտողի զօրէնան և զիրս շրէից . և զայն բազում համարձակու թի՞ իբրև ոչ գօլով նոցա տերանց կարողաց դատապարտել զնա , նա և ոչ իսկ գօլով տերանց : Քանզի դատակնիքն այն քան զամենայն զօրաւոր էր՝ թէ առ կայսր երթայցեմ և տայցեմ պատասխանի : Յաղագս ամենայն ամբաստանու թի՛ցս , ասէ . ոչ յաղագս ոմանց ասեմ և յաղագս այլոցն ոչ . քանզի ամբաստանեն զինէն յաղագս խազմարարութի , յաղագս հերձուածոց և եթէ զտաճարն ապախտ արարի . յաղագս այսր ամենայնի տամ պատասխանի . և զի ոչ իմոյ յեղանակի և վարուց են իրքս այսոքիկ , այսինքն խազմարար գօլ , նոքին իսկ վկայեն չարխօսքդ :

« Մանաւանդ զի գիտակ իսկ ես ամենայն կրօնից և խնդրոց շրէից . վասն որոյ աղաչեմ երկայնմտու թի՞ լսելինձ » : Միտ դիր ճշմարտութեն Պաւղոսի . զի մանաւանդ թէ գիտէր ինչ զանձին իւրում , երկնչել պարտ էր առ 'ի յԱգրիպպայ՝ զամենայն ինչ գիտողէ դատեալ լինելով . քանզի մաքուր մտաց է զայն խնդրել դատաւոր և քննիչ զգիտողն ստուգապէս խնդրոց ամենայնի և կրօնից շրէից իբրև որդի

օրինաց, զի մի ասիցեն լիրբքն Հրեայք՝ թէ նորա ոչ գիտէին զօրէնսն մեր. ահաւասիկ սա զամենայն զիտէ, ըստ որում և Պաւղոս խնդայ և երանելի զանձն կոչէ: Եւ քանզի հանդերձեալ էր ընդ յերկար բանս տարածել յաղագս անձին իւրոյ, վասն այսորիկ յառաջելով աղաչէ մի ձանձրանալ: Եւ զի նախ քան զայս ասէր, «Նախանձախնդիր էի իմոյ հայրենի աւանդութեցն»: և անդ յորժամ հանդէսն մերձ էր, յայնժամ կարգայ զվկայութի նոցա ոչ առաջի Հրէից դատարանին միայն, այլ և առաջի Աիւսիայ. իսկ յերկրորդումն ոչ էին պէտք բազում պատասխանուոյ, գրոյն Աիւսիայ ազատելով զնա և պատասխանելով ընդ նորա դարձեալ աստանօր յորժամ բազումք մերձ էին, սկսանի առանց երկիւղի:

« () կենաց իմոց, ասէ, որ՝ ի մանկու թէ՛ ի սկզբանէ եղեալ յազգին իմում յերուսաղէմ, տեղեակ են ամենայն Հրեայք. յառաջագոյն գիտեն ՚ի վաղուց հետէ եթէ կամիցին վկայել»։ Նախ ասէ ՚ի վերուստ ճանաչելով զիս. բայց ոչ ասէ թէ որպիսի էին կեանք իւր, այլ զայս ՚ի կամս նոցա թողացուցանէ: Եւ զամենայն ինչ եղ ըստ հաճութե նոցա յարգելով և ոչ ինչ ՚ի բաց դարձուցանելով զինքն անտի. յայտ է զի թէ չար ոք էր և դժուարակենցաղ, ոչ յայս ինչ յօժարէր՝ կոչել զնոսա վկայս զթշամիսն: Արդ զիարդ խաղամարար եղէ, ասէ, ՚ի մանկութե վկայեալ յամենեցունց: «Եւ զի ըստ ճմարտագոյն կրօնից օրինացն մերոց կեցեալ եմ փարիսեցի»: որ և առ նոսա իսկ խնդրելին է: Եւ զի՛ արդեօք, եթէ կրօնքն և օրէնքն ըսքանելի են, և դու չար եղեր: Այսոցիկ, ասէ, վկայս կոչեմ զամենայն Հրեայս իմոյ կենցաղոյս և վարժմանըս, որպէս յառաջեցի ասացի:

« Այւ արդ վասն յուսոյն առ հարսն եղելոյ աւետեացն այլ դատեալ կամ յատենի»: և ապա գովութի դնելով Հրէիցն ասէ. «Յոր երկոտասան ազգասոս հմին մերոյ անպակաս զցայգ և զցերեկ պաշտեալ ակն ունիմ հասանել»: Զի վասն յուսոյն այլ, ասէ, և աւետեաց հարցն փութան հանապազ և լինին զղջացեալ և վասն նորին պաշտօն կատարել, զի այնմ հանգիպեցին. զայն իսկ և ես պատմեմ յայտնի ամենե-

ցուն և ցանկամ հասանել այնմ բարեաց . և զամենայն ինչ առնել ջանամ, զի այնմ հանդիպեցայց : « Վասն որոյ յուսոյ ամբաստանիմ, արքայ, 'ի Հրէից » : Արդեօք այժ Է գործ մնլորեցուցի :

« Օ ինչ անհաւատ թուի ձեզ, Է թէ անձ զմեռեալ լըս յարուցանէ » : Տես զի թուի հանդիսարանել և պատասխանատրել, բայց մանուսանդ ուսուցանէ իսկ զնոսա բազում բարեկարգութիւն : Որում և Ազրիպպաս 'ի մեծ ցանկութիւն անկեալ 'ի լսողութեն' ոչ վայրագար լիէ, այլ հանդերձ բազում կազմութիւն : Արդ երկուս խորհուրդս դնէ յազագս յարութե . մի զառ 'ի մարգարէիցն . և մարգարէ յառաջ ոչ ածէ, այլ զնոյն իսկ զկամս Հրէիցն յասելն՝ թէ վասն յուսոյն նոյ զցայգ և զցերեկ պաշտեն : Երկրորդ զառ 'ի յիրացն ընտրութե, որ և զօրաւոր իսկ էր, այսինքն զոր ինչ ուսոյց և վարդապետեաց նմա Քս . և կազմէ զայս ամենայն 'ի կոչմանէն իւրմէ և յընտրութեն զյառաջագոյն մնլորութիւնն իւր պատմելով ստուգապէս :

« Ես ինքն պատշաճ համարէի, ասէ, բազում ինչ հակառակ անուանն Յսի նազովրեցւոյ գործել » : Այսինքն դատեցայ զայս բազում հակառակութիւն գործել . ոչ էի ես յաշակերտացն Քսի, այլ 'ի հակառակ մարտուցելոյն ընդ նմա : « Զոր և արարի իսկ յերուսաղէմ, և զբազումս 'ի սրբոցն ես բանտարգել առնէի, 'ի քահանայապետիցն առեալ իշխանութի . և զսպանելոցն նոցա բերէի զհամար . և ըստ ամենայն ժողովրդոցն բազում անգամ պատժեալ զնոսա՝ բռնադատելի հայհոյել . առաւել և ս մսլեալ 'ի վերայ նոցա՝ հալածելի մինչև յարտաքին քաղաքսն » : Աստուստ յոյժ հաւատարիմ լինի վկայութիւն . զի որ բիւր իրս առնէր ժարանելով ընդ հաւատացելոցն և խափանելով զնոսա և հաւանեցուցանելով հայհոյել և զամենայն 'ի վերայ շարժելով զքաղաքսն, զիշխանսն, 'ի ձեռն ինքեան զայսոսիկ առնելով, այնպիսին յանկարծ փոփոխեալ գտաւ . ասպա շէր փոքր ինչ դիպուած որ զնա վաղվազակի յայնց բարուց շրջեաց : Ուրեմն ասելովն թէ որպէս հալածէր զհաւատացեալսն՝ վկայ ածելով զքահանայապետսն և զարտաքոյ քա-

զարան, կաղմողական հնարիւք և խորհրդով և մեծաւ փութով զայս ինչ ցուցանել կամի, զի թէ այնպիսի հալածիչ ոչ էի և ոչ աւանդութիւն հայրենեօք սնեալ՝ և այժմիկ յայսմ՝ ի ներքս բերեալ լինէի, յիրաւի թերևս ոչ որ ընդունէր զբանս իմ, իսկ եթէ այնչափ բան զբազումս էի նախանձայոյզ, որովք զնացեալ երթայի ՚ի Գամասկոս իշխանութիւն և հրամանօք բահանայապետիցն վասն սոցին իրաց, և ՚ի ձեռն սքանչելի տեսեանն բանադատեալ եղէ՝ ահաւոր զօրութեանն հաւանեալ, զհարգ եմ արժանի գատելոյ: Եւ թէ որպիսի հրաշից պատահեալ փոխեցաւ՝ ասէ:

« Օ միջաւուրքն ՚ի ճանապարհի տեսի, արքայ, յերկնից առաւել քան զուսաւորութիւն արեգական ծագեալ զինև լոյս և վնորօք որ ընդ իսն էին. և ամենեցուն մեր անկեալ յերկիր՝ լուայ ձայն որ ասերցիս հեբրայեցւոց բարբառովն՝ Սաւուղ Սաւուղ, զի հալածես զիս, խիստ էքեզ ընդդէմ խթանի աքացել. և ասեմ. ո՞վես, տէր. և տէր ասէ. ես եմ Յնզոր դուն հալածես. այլ արի և կաց ՚ի վերայ ոտից քոց, զի վսայսորիկ երևեցայ քեզ առնուլ զքեզ ՚ի ձեռն պաշտօնեայ և վկայ որոց տեսերդ զիս և որոց երևեցայ քեզ փրկել զքեզ ՚ի ժողովրդէնէդ և ՚ի հեթանոսաց՝ յորս ես առաքելից զքեզ. բանալ զաչս կուրաց, զարձուցանել ՚ի խաւարէ ՚ի լոյս և յիշխանութիւն սատանայի յիմ. առնուլ նոցա թողութիւն մեղաց և վիճակ ընդ սուրբսն հաւատովք նոցա որ յիս:» Տեսանեօ որպիսի հեղութիւն վարդապետէ և ուսուցանէ. իմ, ասէ, խօսեցաւ ընդ իս, և վկայք արքն որ ընդ իսն էին. որով ցուցանէր զինքն յիրաւի հաւանեալ նախ ՚ի լուսոյն, ապա և ՚ի կատարմանէ իրացն ասացելոց և այժմու եղելոցս: Յուցանէ և զՀրեայն գատապարտս. զի զնա՝ որ ճշմարիտ իմ էր՝ խաչեցին, և զի յետոյ ոչ զբղջացան: Եւ զինչ արդեօք ասաց զիս. թէ եղիցես ինձ վկայ որոց երևեցայ քեզ. զի ոչ երևեցայ զի տանջեցից զքեզ, այլ զի առաքեալ և պաշտօնեայ արարից. որով և փրկել խոստացաւ ՚ի Հրէից և ՚ի հեթանոսաց:

Այլ իրև ասաց զտեսիլն, այնուհետև զներողական քաղցրութիւն ասէ հանդերձ ողորմութիւնքն, թէ

կուրացեալ մարդկան յսփոխութիւնք քիչ առաքեցաւ և լուսատու խաւարելոց, որք և զնոյն սիրէին և ընդ նոյն գնային . յորոց վերայ խաւարաբնակ և չարասէրն սատանայ առեալ իշխանութիւն, արդ ՚ի նորա մահաբեր իշխանութիւն ՚ի կենդանարար աւետարանն և յսփոխութեանցանել աւանդեցաւ . որով և ճրի մեղաց թողութիւն պարգևեցաւ հաւատացելոց : Եւ ոչ միայն այս, այլ և սրբոցն լինել վիճակակից և կենացն յաւիտենից : Բարէ մեծի պարգևացն և իշխանութեւ, որոց գաւառ նա պաշտօնեայ և հաւատարիմ : Այսպիսի բարութեւ հաւանեցայ, ասէ . այսպիսի տեսլեամբ հաւաքեաց զիս առ ինքն, և այսչափ աւետեօք հաւանեցոյց զիս ոչ երբէք լինել ընդ երկուացեալ :

« Աւստի, արքայ Ագրիպպա, ոչ եղէ անհաւան երկնաւոր տեսլեանն . այլ նախ որոց ՚ի Դամասկոս և յերուսաղէմ էին և ընդ ամենայն գաւառս հրէաստանի և ՚ի հեթանոսս՝ պատմեցի զզջանալ և դառնալ յսփոխութեան, արժանի ապաշխարութեւ գործս գործել » : Այ միայն հաւանեալ եղէ ինձէն, այլ և բազմաց առաքեցայ լինել խրատիչ, ասէ : Արդ այժմիկ որ զայլս խրատէ և ուսուցանէ յաղագս զզջանալոյ ՚ի չարեաց և վասն յսփոխութիւն գալոյ և առաքիւնութեւ վարս սրբութեւ յանձինս ցուցանելոյ, որպէս արդեօք ինքն խաղմարարութեւ և խռովութեւ առաջնորդ կարիցէ լինել : Այլ տես զի ՚ի դարձելոցն ոչ վայրապար ապաշխարութիւն ինդրէ, այլ վարս և կեանքս սքանչելիս ցուցանել, և յամենայնի զհեթանոսս խառնէ ընդ բանին . քանզի պահեալքն մօտ ՚ի հանգիսի անդ ՚ի հեթանոսաց էին :

Արդ իբրև երկրորդեաց նա զառաջինն ընակութիւն մանկութեւ իւրոյ յերուսաղէմ, և թէ զինչ անցս անցուցանէր նա ընդ այնոսիկ որ կարդային զանունն Յօի, պատմեաց նա և վասն տեսլեանն զոր ետես ՚ի ճանապարհին Դամասկեայ, և թէ յերուսաղէմ և ՚ի հեթանոսս որպէս տուաւ նմա հրաման դարձուցանել՝ քարոզեաց նա : « Վասն այսորիկ, ասէ, կալեալ զիս շրէից ՚ի տաճարին՝ կամէին սպանանել . օգնութիւն հասեալ յիմ՝ կացի վկայել մինչև ցայսօր փութու և մեծի » : Տես զճառարարութիւն բանին . զամ ինչ

այ վերագրել, և զիւր փրկուածին, ապա և զհամար ձակուածին. զոր այժմոջ 'ի բաց կացեալ լինի յայնմ քարոզուածէ: Վկայելով մեծի և փոքու, ասէ, մինչև ցայսօր. զայս խկ առ զինուորսն ասէ. այսինքն նըշանաւորի քարոզեալ զՔս և աննշանի:

«Այ ինչ արտաքոյ ասացեալ քան զոր մարդարէքն և Մովսէս խօսեցան զհանդերձելոցն՝ եթէ չարչարելոց է Քսն, և եթէ առաջին 'ի յարուածէ մեռելոց լոյս պատմելոց է ժողովրդեան և հեթանոսաց: Զայեաց ընդ զգուշուածին. քանզի թողեալ զկարգ պատասխանատուութեն՝ զվարդապետել 'ի ձեռն էառ. զի մի զայս կարծիցէն իբրև յանձնէ վարդապետել, ըզմարդարէսն և զՄովսէս 'ի մէջ բերէ. 'ի նոցանէ, ասէ, հաստատեալ եմ և ամրացեալ եթէ չարչարելոց էր Քս. և ապա յարուածն Քսի խոստումն կենաց ամենեցուն: Բայց միտ դիր բանից նորա, զի ոչ նմանապէս խօսի յաղագս Քսի 'ի դատարանին և յեկեղեցւոջն. քանզի անդ ասէ՝ խնդրեալ 'ի Պիղատոսէ սպանին զնա. իսկ աստ ոչ այնպիսի ինչ, որպէս զի մի յաճախ բորբոքիցէ զցատումն նոցա. բայց զնոյն միացուցանէ ասելոյն՝ եթէ չարչարելոց է Քսն, և եթէ զայս մարդարէքն նախ ասացին. և այնպէս 'ի մարդարէիցն և առ 'ի սոցունց նորոգ եղելոցս հաւանեցուցանէ զնոսա, միանգամայն թողացուցանելով զՀրեայսն յամբաստանուածէ:

«Այ նորա զայս սլատաստանի տուեալ՝ Փեստոս 'ի ձայն մեծ ասէ. մողիս, Պաւղէ. բազում դպրուածիք զքեզ 'ի մոլուածի դարձուցանեն: Իբրև ետես Փեստոս զհամարձակուի նորա, զի հանապազ ընդ թագաւորին լինէր վարդապետեալ, տես զիարդ ակտացեալ 'ի միտս 'ի ձայն մեծ ասաց, այսինքն լի սրտմտուածք, մողիս, Պաւղէ. զի չնչաւոր մարդ գոլով յիմարուածի կարծէր զվարդապետուածի Հոգւոյն: Եւ Պաւղոս տես զիարդ հեզուածք տայ նմա զպատասխանին. «Այ մուլիմ, քաջդ Փեստոս. այլ զցածուածե և զճշմարտութեան բանս բարբառիմ»: Զայս ասելով 'ի բաց մղէ յինքէնէ զկարծիս մոլուածէ: Այլ զցածուածե բանս, ասէ, խօսիմ. այսինքն զգաստուածե և խոնարհուածե. զզգաստուածեն ընդդէմ խելայեղայուածե

կարծեացն ասելով, և զխոնարհում թէն ընդդէմ մեծամտութեան. քանզի ընդ առն թագաւորի տրամաբանեալ կաճառէր, և զճշմարտութեան բանս ասէ ընդդէմ կարծեաց ստեղծաբանութեան: Ապա և զսատաճառն ուսուցանէ վասն որոյ առ թագաւորն զբանն դարձոյց իբրև ընդ գիտողի խօսելով.

«Գիտակ իսկ է այսոցիկ, ասէ, արքայ, ընդ որում համարձակեալք խօսիմ. քանզի ծածկել ՚ի քէն իմիք ՚ի սոցանէ չաւուսմ յանձն. զի սչ է թէ յանկեան ուրեք գործեալ իցէ այս »: Այսու ցուցանէ թէ զսմ ինչ գիտէր նա ստուգապէս. և զրե թէ ցնոսա ասէր՝ թէ պարտ էր և ձեզ զսմ ինչ գիտել զայսոսիկ. զի ՚ի վերայ բերեալն՝ թէ ոչ յանկեան ուրեք եղև այս, զայս նոցա ուսուցանէր: Եւ դարձեալ ոչ ծածկեմ ՚ի քէն, զի ոչ յանկեան ուրեք գործեցաւ այս, յազագս խաչին և յարութեան քսի ասէ՝ է թէ յսմ տիեզերս եղև հասեալ աւանդութի հաւատոցս այսոցիկ: « Հաւատաս, արքայ Ագրիպպա »: Ոչ ասաց յարութեան, այլ մարգարէիցն: Եւ զի մի յուրաստ լիցի, ածէ ինքն ՚ի վերայ և ասէ. « Գիտեմ զի հաւատաս »: Զի այնպէս ճշմարիտ իրօքն հարկ արասցէ նմա խոստովանել:

ԵՓԲ. Իսկ արքայն որ ՚ի մարգարէան հաւատայր, և միաբանել մարգարէութեանոց կամէր, աճապարելով առ այն ասաց. « Փոքու իմն հաւանեցուցանեսս զիս լինել քրիստոնեայ »: Այսինքն պակաս և փոքր ինչ իրաց հաւանեցուցանեսս զիս:

ՈՍԿ. Իսկ Պաւլոս ոչ իմացաւ թէ զինչ է փոքուն, համարեցաւ թէ առ փոքր մի, ասէ, հաւանեցուցանեսս զիս. վասն որոյ և առ այն տայ պատասխանի այլ ազգ. զի թէպէտ և ռամիկ էր համարեալ յայս նորա, բայց ոչ ասաց թէ ոչ կամիմ զքեզ այսպէս, այլ թէ « խնդրէի յիս և փոքու և մեծաւ ոչ միայն զքեզ, այլ և զսման որ լսեն ինձ այսօր՝ լինել յսպիսի որպէս և եսս եմ, բաց ՚ի կապանաց աստի »: Զինչ է փոքուն զոր խնդրէ յիս. այսինքն սակաւ և թերի և սուղ ինչ հեռի կացեալ. այլ և մեծաւ, ասէ, և ոչ պարզաբար մեծաւ խնդրէի, այլ գերազանցութի, այսինքն յոյժ ըղձիւք, այժմէն իսկ և ոչ յամելով.

ոչ միայն զբեզ, այլ զամ լսողքդ լինել իբրև զիս : Տես 'ի խաբէութե թէ ազատեալ զբանն . խնդրէի, ասէ, յայ լինել այսպէս որպէս և եսս, բաց 'ի կապանաց աստի :

ԵՓՐ . Այամ թէ որք այսօր լսեն ինձ լինել իբրև զիս, փոքունքն և մեծամեծքն : Այամ թէ յորժամ լիցին յիս զօրութիք, կատարին յիս նեղութիւնք . այսինքն ես փոքր համարիմ զկատարումն զօրութեց առ մեծ բաղձանս նեղութեց . այլ այսպէս յաղօթս կամ, թէ լսողք իմ իբրև զիս լիցին բաց 'ի կապանացս որով կապեալս կամ 'ի նեղութե :

ՈՍԿ . Այլ զի մանաւանդ 'ի վեր քան զամ այն իսկ կապանքն որ վասն Քսի' էր արժանի փառաց, ընդէր արդեօք զայս ասիցէ : Ոչ իբրև դժուարելով ընդ կապանսն, որով պարծէր նա ամ ուրեք և յառաջ բերէր զնոսա իբրև զմանեակ ոսկի . ապա ոչ 'ի նմանէ արձակիլ ըղձայ . այլ քանզի տակաւին տկարապէս անկեալ կային նոքա և ոչ հանդարտէին լսել, ըստ որում առ նոցա միտսն և կարծիսն հայելով ինքն ընդ նոսա զիջանէ բանիւն՝ թէ բաց 'ի կապանաց : Եւ քանզի ոչ ինչ է լաւագոյն քան զկապանսն զայսօսիկ, զոր և հանապազ 'ի թուղթսն նախադրելով ասէր . « Ես որ կապեալս եմ 'ի տէր » . և « Պաւղոս կապեալ Յսի Քսի » . և դարձեալ վասն նորին զերկաթքս զայս շուրջ եմ առեալ և պատգամաւ որիմ կապանօքս իբրև զարագործ, այլ բանն այլ ոչ է կապեալ . այլ ասելովն կապեալ գոլ իբրև զարագործ՝ կրկին ցուցանէ պատուհաս և խիստ զնեղութին : Ոչ իբրև կապեալ միայն, այլ իբրև զարագործ . զի թէ վասն բարւոյ իմիք լինէր կապանքն համարեալ՝ բերէր ինչ մի թարութի . բայց այժմ իբրև զարագործ թուիմ նոցա : Յայսպիսի դժուարագոյն իրս ըմբռնեալ, բայց ոչ և միոյ առնէր փոյթ 'ի սոցանէ, զի անլափ էր սէրն որ առ Քսի :

ԲԱՆՈՅԱԿԱՆ

Օ այն այսպիսի սիրով վառեալ տեսանեմք, որ և 'ի հոգի եռացեալ սիրովն Քսի և 'ի վեր թուուցեալ էրկնային ցանկութե՞ ոչ ինչ վարկանի ոչ զփառս և ոչ զանարգանս, միումն և եթ սկելով հասանել ըղձից :

որ է Քս. Զի թէ որ այսու գարշելի տափանօքս տըռ-
 փեալք ոչ ինչ վարկանին զփառաւոր ինչ կամ զան-
 պատիւ, այլ միայն փութան զի ցանկութեն հասա-
 նիցեն, յոյժ մանաւանդ որ այսու անձային սիրովն ի-
 ցեն արքեալք՝ ոչ ինչ վարկանին զսաստս: Ապա թէ
 մեք ոչ իմանամք զսոացեալս, ոչ են զարմանք, ան-
 հմուտ գողով իմաստասիրուես այսմիկ. զի որ ըմբըռ-
 նեալ լինի սիրովն Յսի, լինի որպէս այլ մի միայն բնա-
 կեալ յերկրի, որոյ և ոչ միոյ ուրուք փոյթ ինչ է նմա:

ՃԱՌ՝ ՅԻՄՆԵՐՈՐԴ ԵՐՐՈՐԴ

«ՅՈՏՆ Եկաց արքայն և դատաւորն և Բերինիկէ և որք ընդ նոսայն նստէին . և իբրև զնացին, խօսէին ընդ միմեանս՝ և ասէին թէ ոչ ինչ արժանի մահու կամ կապանաց գործէ այրս այս : Իսկ Աղբիւսացաց փեկտոս ասէ . արձակել մարթ էր զայրս զայս, եթէ ոչ էր բողոքեալ ՚ի կայսր » : Տես թէ որպէս բազում անգամ յաղագոս նորա դատ արարեալ լինին : Եւ աստ յետ ասելոյն թէ մոլեալ ես, սկսան ասել նորա ցմիմեանս երկուք յերկուց, թէ մարթ էր զի արձակեսցի . և թողին զնա ոչ ՚ի մահուանէ միայն, այլ բնաւ իսկ ՚ի կապանաց արձակեալ լինէր եթէ ոչ էր բողոքեալ առ կայսր : Բայց և այս տնօրինաբար եղև զնալ նմա կապանօք անդր, զոր և ինքն երանելին խնդրէր՝ թէ կապանաց իմոց յայտնի լինել ՚ի Քս. զի թէ տէրն նորա ընդ անօրէնսն համարեցաւ, որչափ մանաւանդ նա : Բայց որպէս նա այնմ կարծեաց ոչ կցորդեցաւ, նոյնպէս և ոչ սա. զի սքանչելի և չքնաղ յայնժամ երևեալ լինի իրքն, յորժամ կարծեօք փնասուց և խառնակամք ոչ ինչ յայնմանէ փնասեալ լինի :

« Իբրև հրամայեցաւ մեզ նաւել յԽոտալիա, տային զՊաւղոս և զայլս ոմանս կապեալսց հարիւրապետ մի՝ որում անունն էր Յուլիոս՝ սերաստեան զնդին . և ելեալ ՚ի նաւ մի անդրամինտացի որ երթալոց էր ՚ի կողմանս ասիացւոց՝ զնացաք . էր ընդ մեզ և Արիստարքոս Մակեդոն թեսաղոնիկեցի » : Տեսանէս ըզգու թաշակերտին . զի այնչափ ժամանակս ժուժկալեաց ընդ նմա, մինչև ընդ նմին ՚ի Հռոմ եկեալ լինէր ընդ Պաւղոսի : Եւ այս յոյժ բարիօք և կարևօր, Արիստարքոսի անդ մօտ պատահեալ ամենայն եղելոցն հանդերձեալ գոլով զամ պատմել ՚ի Մակեդոնիա :

« Եւ ՚ի վաղիւ անդր իջաք ՚ի Սիդոն . և մարդա-

սիրութի՛ն ցուցեալ Յուլեայ առ Պաւղոս, հրամայեաց առ բարեկամս երթալ և դարման գտանել” : Մարդասիրապէս, ասէ, յորդորեաց Յուլիոս զկարևոր պէտքսն առնուլ Պաւղոսի յաշակերտացն . քանզի զայս իրաւունս համարեցաւ նմա ՚ի բազում չարարանս զսլով նորա, ՚ի կապանս, յերկիւղ տանելոյն իսկ և ածելոյն զնա հանապազորդ կապանօք : Բայց տես և զձշմարտախօս միտս պատմող աշակերտին, զի և զայս իսկ ոչ թաքուցանէ թէ կամեցաւ Պաւղոս երթալ և փութոյ հանդիպիլ և դարման գտանել կարեաց :

“Եւ անտի ելեալ խոնարհագոյն նաւեցաք ՚ի Վիպրոս վասն հողմոյն ընդդէմ լինելոյ” : Դարձեալ հողմոյն սաստկութիւնք ընդդէմ հակառակին նմա : Եւ տես ՚ի ձեռն այսոցիկ զկենցաղ սրբոյն շարամանեալ . նախ ՚ի բաց զերծաւ ՚ի դատափետ առնելոյն, և անկեալ եղև ՚ի նաւակոծութիւն ՚ի ձմերայնոյն : “Յայնժամ, ասէ, ընդ մէջ ծովուն Վիլիկիայ և Պամփիլեայ նաւեալ իջաք ՚ի Զմիւռնիա լիկիացւոց . և անդ գտեալ հարիւրապետին նաւ մի աղէքսանդրացի որ երթայր յԵռոպիա՝ եմոյժ զմեզ անդր” : Տես ըզպատահումն իրացն . զի վայել էր նոցա որք յառաջնում նաւին էին՝ պատմել յԱսիա զիրոն Պաւղոսի, և զմիւռնացւոցս ՚ի Վիկիա : Իսկ նաւ մի աղէքսանդրացի յոր մտին, զի և աղէքսանդրացիք ՚ի Վիբիա պատմեսցեն զՊաւղոսէ : Տես զանձ ոչ ինչ նորաձեւեալ և ոչ փոփոխեալ . այլ թողեալ զնա նաւել անձահ հողմովք : Նա և այս սքանչելիք լեալ լինէին, որպէս զի ամուր և անմնաս յաւազակաց նաւեսցէ . և ոչ եթող զնա ՚ի խորն, այլ միշտ առ ցամաքաւն նաւէին :

“Եւ ՚ի բազում աւուրս ծանրանաւեալք՝ հագիւ հասաք առ Կնիդոն, և ՚ի չթողացուցանել զմեզ հողմոյն, նաւեցաք խոնարհագոյն ՚ի Կրետէ առ Սաղամինեաւ . հագիւ անցեալ առ նովաւ՝ եկաք ՚ի տեղի ինչ որ կոչիւր գեղեցիկ նաւահանդիստ, յոր հուպ էր քաղաքն Ղասեա : Եւ իբրև բազում ժամանակք անցանէին և սիսալ և ս լինէր նաւելոյն, և վասն այն ինչ պահոցն անցանելոյ, տայր խրատ Պաւղոս և ասէր յնոսս . արք, տեսանեմ զի թշնամանօք և մնասիւք ոչ միայն բեռինդ և նաւիդ՝ այլ և անձանց մերոց լինելոց է նա-

ւարկու թիւս Իսկ հարիւրապետն նաւապետին և նաւաւարին առաւել անսայր քան բանիցն Պաւղոսի ու Պահս աստանօր զՀրէիցն առաւել ասել վարկանիմ թերևս տաներորդում ամենանն՝ յորում սպանաւ Գողգոթիա յետ առնլոյն Երուսաղէմի՝ ի քաղցէացւոցն, զոր պատմէ Երեմիա և յիշէ Չաքարիա ։ Չի զկնի պենտէկոստէին ելին ՚ի Վեսարիա . ապա յետ բազում ժամանակաց իբրև ՚ի նոյն իսկ ՚ի ժամ ձմերայնոյ հասանել կալ եղև նոցա ՚ի կողմանս կրետացւոց ։ Եւ այս իսկ ոչ էր փորր սքանչելիք , ապրեալ լինել նաւորդացն ՚ի ձեռն Պաւղոսի ։

Մի Պաւղոս հրամայեաց կալ մնալ անդէն, և զհանդերձեալ իրան որ լինելոց էր՝ յառաջագոյն ասաց ։ Եւ դու տես զխոնարհութիւն նորա . զի մի թուեսցի մարգարէանալ, այլ որպէս ՚ի նկատելոյ ասէ . տեսանեմ ասէ . քանզի ոչ թերևս յանձն առնուին վաղվազակի , թէ և այնպէս իբրև մարգարեութիւն ասէր ։ Եւ զի յայտ լիցի թէ ոչ ՚ի նկատելոյ իրացն զայն ասէր՝ թէ տեսանեմ զլի թ շնամանօք զնաւարկելս , նաւաւարն զներհակն ասէր , և մանաւանդ հմուտ զօրով ։ Այսպէս յայտ եղև՝ զի ոչ էր ՚ի նկատելոյ ասացեալն Պաւղոսի . նա և տեղին իսկ ոչ զնոյն յորդորէր իմանալ անյաջող զօրով . բայց և յօրովից ոմանց մանաւանդ ՚ի նկատելոյ երևէր զնալ անտի, որով և վտանգեցան . ուստի ցուցանի նորայն յառաջտեսութիւն ոչ մարդկեղէն իրօք ասացեալ ։ Այլ նոքա փութալով նաւել , և ՚ի տեղեոջն սխալեալ և խափանեալ լինելով ոչ զաղարէին անդ . այլ կամէին ձմերել ՚ի Փիւնիկէ ։

« Իբրև դժպատէհ իմն թուէր նաւահանգիստն առ ՚ի ձմերել, բազումք խորհեցան զնալ անտի , թերևս կարացեն հասանել ՚ի Փիւնիկէ ձմերել ՚ի նաւահանգստին կրետացւոց, որ հայէր ընդ հարաւակողմն և ընդ աշխարհն ։ Եւ ՚ի շնել հարաւոյն համարեցան ուր զիմեալն էին՝ հասանել . և արկեալ մօտ առ ցամաքաւն անցանէին առ Արեւտաւ . և յետ ոչ բազում ինչ աւուրց անկաւ զնովաւ հողմ ուռուցիկ որ կոչի եւրակիկոն . ընդ յափշտակել նաւին և ջհանդուրժել ընդդէմ հողմոյն՝ թոյլ տուեալ երթայաք և գա-

աք . 'ի կղզի ինչ դիմեալ՝ որ կոչեր Աղոզիա , հազիւ կարացաք ըմբռնել զմակոյկն . զոր առեալ յօգնակա նութի կապէին ընդ նաւն , երկուցեալ թէ զուցէ 'ի յորձանուտն անկանիցին . և իջուցեալ զառագաստն այնպէս երթային և գային » : Արդ տես տնօրինեալ զիրան . յառաջագոյն ըմբռնէին զմակոյկն և կապէին . ապա իբրև բռնութի հողմոյն 'ի վերայ շնչեաց , տըւեալ լինէին տարողի և բերողի . հազիւ ապրէլ լինէին :

« Այլ 'ի սաստկագոյն վշտանալոյն մերոյ՝ 'ի վաղիւ անդր զկարասին ընկեցիկ առնէին . և յերիբ առուր ընդ իւրեանց ձեռն , այս է ինքնաձեռն , զգործի նաւին ընկեցին » : Եթէ հաւատացեալ էին մարգարէութեն Պաւղոսի զոր զգուշացոյց վասն տարաժամ նաւարկութեն՝ ոչ վտանգէին . վայել էր իսկ նոցա հարցանել ցՊաւղոս զպատշաճն վասն որոյ նաւէին , և 'ի նմանէ իմանալ զամենայն , և ոչ վայրասպար փութալ և ընդերկար համարել զնաւարկութին :

ԵՓԲ . Արդ իբրև ժամանեաց նոցա ձմեռն դառնաշունչ , և մրկեցաւ ծովն ալեօք իւրովք և յարեալ 'ի վերայ նոցա զբօսանք կուտակադէզ ալեօք փրփրելոյ , ընկեցին զկարասին 'ի ծով անդր :

ՈՍԿ . « Իբրև ոչ արև և ոչ աստեղք երևէին 'ի բազում առուրս , և ձմեռն ոչ սակաւ կայր 'ի վերայ , ապա բառնայր ամենայն յոյս փրկութե մերոյ » : Տես սոստ , դժուարին էր ձմեռն , սաստիկ էր խաւարն . զի 'ի ձեռն այսր ամենայնի մի մոռացին զառ 'ի նմանէ ասացեալսն . բայց և նեղութիւն իսկ շնորհեաց Պաւղոսի ժամանակ վարդապետութե :

« Այլ զի բազում առուրս նօթի էին , ասէ , յայնժամ Պաւղոս կացեալ 'ի մէջ նոցա ասէ . պարտ էր ձեզ , ով արք , անսալ ինձ և ոչ ելանել 'ի Արեւտեայ և շահել ըզվիշտս զայս և զվտանդ . և արդ խրատ տամ ձեզ քաջալերել , զի քնաս անձին և ոչ միում 'ի ձէնջ լինիցի բաց 'ի նաւէդ . քանզի երևեցաւ ինձ յայսմ գիշերի հրեշտակ ան , որոյ եմն եմ և պաշտեմ զնա , և ասէ . մի երկնսիր Պաւղէ , կայսեր և ս պարտ է քեզ յանդիման լինել . և ահա շնորհեալ է քեզ յայ զմմենեան որ են ընդ քեզ 'ի նաւիդ . Ասան այսօրիկ քաջալերեցարուք , ով արք , զի հաւատամ յիմ թէ այսպէս լինի , զոր օրի-

նակ խօսեցաւ ընդ իս . բայց 'ի կղզի ինչ հասանէ մեզ անկանել : Արդ յետ այնչափ ձմերայնոյ յայնժամ Պաւղոս 'ի վերայ հասանէր քաջալերել զնոսս յորժամ բարձեալ լինէր ամենայն ակնկալութի յուսոյ կենաց նոցա . և ոչ նախ 'ի վերայ նոցա յարուցեալ եղև բանիւ , այլ կամեցաւ յապառնի ժամու յեղելոցն հաւատարիմ գտանել . և զիրան որ լինելոց էր , առնու 'ի վկայութի բանին ճշմարտութե . և զայն յեղելոց իրացն հաստատէ , և երկուս իրս ասէ յառաջագոյն , մանաւանդ երեք և չորք : Զի 'ի կղզի անկանել հասանէ . և զի նաւն կորնչելոց է , բայց որ 'ի նմայն են ապրեալ լինին . և այս ոչ էր 'ի նշանակէ իրացն , այլ մարգարէութի յառաջագոյն . և զի առաջի կայսեր , ասէ , կալ պարտ է քեզ : Արդ յառաջագոյն մարգարէանայ զլինելոցն , և երկրորդ անգամ զնոյն ասէ : « Աճ որոյ ես եմ և պաշտեմ զնա » . Ներածելով զնոսս 'ի հաւատս , և զայ ինաման և զգօրութին ցուցանելով , և առ ինքն ածելով զնոսս :

Իսկ այն՝ թէ շնորհեալ եղև քեզ յայ զամենեւեան որ ընդ քեզ , ոչ է պարծանաց , այլ կամելով առ ինքն ածել զնաւեալսն . ոչ զի շնորհ ունիցին նմա , այլ զի հաւատալով հաւանեացին ասացելոցն առ 'ի նմանէ . իբրև թէ արժանի են մահու , բանիւն ցուցանէ , քանզի ոչ լուան նմա . սակայն և այնպէս վասն նորա շնորհքն կեցուցին զամենեւեան : Զի այնպիսի բանութի ձմերայնոյն որպէս ոչ եղև հանդերձ փաստք անձանց նոցա , եթէ ոչ 'ի ինամոցն այ . քանզի լինէր փասս նոցա և կարի յոյժ , եթէ ոչ անձ լինէր կեցուցեալ զնոսս . զի որչափ ըստ բնութե իրացն էր , և նոքա կորուսեալ եղեն :

ԵՓԸ . Զայտնեաց Պաւղոս վասն հրեշտակին՝ որ երևեցաւ նմա և ասաց ցնա՝ թէ առաջի կայսեր կալոց ես դու , և նաւդ բեկանի , և այր մի յերկերի՝ ր և եթ թանասուն մարգոյդ որ են 'ի դմա՝ մի կորիցէ : « Եբրև չորեքտասաներորդ գիշեր լինէր՝ մինչդեռ ծփեաք 'ի Հանդրին յանդունդս , 'ի մեջ գիշերին կարծէին նաւա վարքն թէ հասեալ իցեն յաշխարհ ուրեք . և ընկեցեալ զգունդն՝ գտին գիրկս քօան . սակաւ ինչ զաղաբեալ՝ դարձեալ ընկեցին և գտին գիրկս հնդեասան :

Զահի հարեալ թէ գուցէ 'ի խիստ ինչ տեղի անկանիցին, յետուստ կողմանէ ընկեցին խարխիսս չորս ըղձանային այգոյն լինելոյ, Բայց նաւաւարքն խընդրէին փախչել 'ի նաւէ անտի. և իջուցեալ զկուրն 'ի ծով անդր՝ պատճառանօք որպէս թէ յառաջոյ կողմանէ խարխիսս ձգելոց իցեն : Ասէ Պաւղոս ցհարիւրապետն և ցգօրականն . եթէ ոչ դոքա մնան 'ի նաւիդ, դուք ապրել ոչ կարէք : Յայնժամ զօրականքն հատին զլարս մակուկին և 'ի բաց ընկեցին» :

ՈՍԿ . Հանդերձեալ էին նաւորդքն փախչել՝ թերահաւատելով դեռ ասացելոցն 'ի Պաւղոսէ . իսկ հարիւրապետն հաւատաց Պաւղոսի : Եւ ընդէր ասաց Պաւղոս՝ թէ դոքա փախչին, դուք ապրել ոչ կարէք : Ոչ վասն այնորիկ՝ թէ զի սոքա ոչ ապրէին, այլ զի ըմբռնեսցէ զնոսա 'ի ներքս, և մարգարէութիւն ոչ սխալեսցի : Եւ տես զիմաստութիւն Պաւղոսի թէ որպէս 'ի մէջ մահաբեր վշտացն կեցոյց զնոսա, և թէ զիարդ որպէս յեկեղեցւոջ խրատեալս զնոսա գործէր : Այլ և տնօրինարար Պաւղոս նախկին ոչ լինէր հաւատացեալ 'ի նոցանէ, զի յետ լինելոյ իրացն հաւատացեն, որ և եղև իսկ : Բայց ոչ փոքր առ լսողութի գործակից լինէր ձմեռն և խաւարն . մինչ զի հարիւրապետն ապա այնպէս հաւանեալ լինէր Պաւղոսի, որպէս զի զկուրն թողուլ, զի կորնչիցի : Իսկ նաւորդքն չև ևս հաւանեցան, զի և ազգաւ իսկ կարծր են նոքա . այլ յետոյ և նոքա լինին հաւանեալ : Նա և ոչ էր առժամայն դիւրաւ ընդունելի, ամբաստանելով իմն Պաւղոս զպատահարսն . իսկ յետ պատահարացն յորժամ այն լինէր, զոր ինչ կանխաւ ասաց Պաւղոս, յայնժամ դիւրաւ ընդունէին :

« Այլ իբրև այգն կամէր լինել, աղաչէր Պաւղոս զամենեսեան առնուլ կերակուր . ասէ . այս չորեքտասա ներորդ օր է որում ակն ունիմք նօթի կատարել, և չէ ինչ ճաշակեալ» : Զի մի որ ասիցէ թէ ոչ ինչ վտանդաւոր եղև . երկիւղն վկայէ ահա և տեղին դժուարին ադրիական ծովուն խորոց և անսուղութիւն բազում . և զի էին 'ի մէջ մահու, չորեքտասան օր անսուղ կատարեալ և ոչ բնաւ իրաց հաղորդեալ : Արդ զիարդ հանդուրժէին զայնքան աւուրս . քանզի երկիւ-

ղըն մահու ըմբռնեալ զնոսա՝ ոչ թողացուցանէր ՚ի ցանկութի կերակրոց հասանել . հանգերձեալք այնուհետեւ զվերջինն կրել վտանգ : Եւ զի որ ինչ եղև ՚ի ժամանակէն եղև վիշտքն , բայց զի յայնպիսի ժամանակի ՚ի միջոյ ահագին վշտացն ապրեալ եղև ինքըն Պաւղոս և ՚ի ձեռն նորա ամենեքեան այլքն , սքանչելիք մեծ էր : Եւ տես զվտանգն , զի բնաւ չէր նոցա փոյթ կերակրոց . այնչափ մեծ էր տաղնայն ՚ի վերայ զորս և ողորէր Պաւղոս հողորդել կերակրոյ :

« 11 ասն որոյ աղաչեմ զձեզ , ասէ , ճաշակել կերակուր , զի այն իսկ վասն ձերոյ փրկութե է . զի ոչ ուրուք ՚ի ձէնջ մագ մի ՚ի գլխոյ կորիցէ » : Տեսանեն , նախ վասն նոթի լինելոյն յառաջաբանէ . զի այս , ասէ , վասըն ձերոյ փրկութե է՝ առնուլ կերակուր , զի մի ՚ի սովոյդ ապականիցիք : « Իբրև զայս ասաց , առեալ հաց գոհացաւ զից առաջի ամենեցուն . եբեկ և սկսաւ ուտել , և քաջալերեցան ամենեքին , և նոքա առին կերակուր » : Ինքն յառաջագոյն հողորդի ոչ բանիւ լուկով , այլ և գործով հաւանեցուցեալ զնոսա . և զայս ուրախութե . իբրև թէ ոչ ինչ միաս արար ձմեռն , այլ մանաւանդ շահեցոյց զոգիս նոցա . և գոհանալով նորա զից , այսինքն ՚ի վերայ ամենայն նեղուեցն որ հասին նոցա , և սկսանելով ուտել , զորացոյց զանձինս նոցա յուտել . զի այս իսկ հաստատուն հոգւոյ գործ է զոր և նա առնէր , զի կեցցեն բազմութիքն յառնուլն զթողակն կերակրոյն . վասն որոյ և հաւանեալ լինէին :

« 12 Էին ՚ի նաւին ոգիք երկերիւր եօթանասուն և վեց » : Չէր և այս փոքր , այնչափ բազմութե անձանց լինելընդ Պաւղոսի , որոց բանայր դուռն հաւատոյ ամենեցուն : « Եւ իբրև յագեցան կերակրոյն , թեթեւացուցին զնաւն թափեալ զցորեանն ՚ի ծով » : Ոչ միայն ճաշակել կերակրոյն լինէր նոցա յօգուտ խրատոյն Պաւղոսի , այլ և զամենայն զիւրեանց օգտակարս այնուհետեւ առ նա ընկեցին , որպէս զի և զցորեանն արտաքս արկանել , այնքան բազումք զուով նոցա : Եւ տես , և յետ այնորիկ զնոսա մարդկային առնելով թափելով զցորեանն , և զ Պաւղոս՝ ոչ խափանելով զնոսա :

« 13 Իբրև այդ եղև , զերկիրն ոչ ճանաչէին . բայց

զգուգ մինչմարտին թէ ամեն ծովուն իցէ, յոր խորհէին թէ հնար ինչ իցէ՝ զերծուցանել զնաւն . և զխարիսխըն հատեալ ընկեցին 'ի ծովն . թողացուցին զխառնելիս թեոցն, և 'ի բաց առին զառագաստն, և ետուն հողմոյն յափն կոյս ծովուն . անկեալ 'ի տեղի մի երկծով՝ թիւրեցին զնաւն . և առաջին կողմն նաւին խրեալ անշարժ մնայր . և յետին կողմն քակէր 'ի բրունու թէն : Թողացուցին, ասէ, զլծորգու թիս թեոցն քեղեացն վասն շնչելոյ հողմոյն ոչ ներելով նաւին . քանզի բազում անգամ այնպէս առնէին 'ի վայր իջուցանելով զառագաստն . քանզի յորժամ ուժղին իցէ հողմն, այս իսկ իւրովի լինի 'ի բաց հատանելով ըզլարն բռնու թէ հոսմանն . և այսորիկ յազբիականն : Ուստի և նաւն քակեալ լինի, և զցորեանն և զամենայն ինչ 'ի ծովն ընկեցեալ, զի մի ունիցին յետ այնորիկ պատճառս ինչ անամօթու թէ . զի վասն այսորիկ նախնաւն քակէր, և ապա փրծանէին անձինքնց :

«Աւ զօրականացն խորհուրդ արարեալ զի զկապեալսն սպանցեն, և մի որ լուսացի և փախիցի : Եւ հարիւրապետն քանզի կառեցաւ ապրեցուցանել ըզՊաւղոս, արգել զնոսա 'ի խորհրդոցն, և հրամայեաց զի որ կարողն իցէ լուղալ՝ անկանիցին և 'ի ցամաքն ելանիցեն : Իարձեալ փորձուի յարուցանէր բանսարկուն և ջանայր խափանել զմարգարէութիւն . խորհուրդ արկանէր զինուորացն սպանանել զկապեալսն : Իսկ հարիւրապետն ոչ եթող զայն առնել վասն Պաւղոսի . քանզի այնպէս ընտանացեալ էր նմա և սիրէր զնա : Արդ իբրու կամէր նա զՊաւղոս միայն ապրեցուցանել, զինուորքն կամեցան զայլսն սպանանել : Ինձ այսպէս թուի՝ թէ վասն զի նոքա զօրս սպանանել խորհէին, խոստովանեալք էին յայտնի չարք գող և արժանիք մահու . բայց և այն խափանեցաւ վասն Պաւղոսի :

«Աւ ոմանք լուղալով . և զայլսն զօրս 'ի տախտակորն և զօրս յայլ ինչ 'ի կահ 'ի նաւէ անտի, և այսպէս եղև ամենեցուն փրծանել յերկիր, և ապրեալք : Եւ այսպէս մարգարէութիւն Պաւղոսի առնոյր զկատարումն, թէպէտ և ոչ յոլով ժամանակաւ զօրանալով . զի ոչ բազում ամօք յառաջ սասց, սակայն բը-

նութէ իրացն հետեւելով, զի առանց յուսոյ կենաց էին ամենեքեան, և ՚ի ձեռն իւրեանց փրկուէն իմանային թէ ով որ արդեօք էր Պաւղոս : Տեսանէս որչափ բարի եղև ՚ի ձմերայնոյն, ապա ուրեմն անօրէնու թէ այ էր և ոչ ՚ի ձեռաց թողոյ ձմերայնոյն : Այլ ասասցէ որ թերևս՝ ընդէր և զնաւն ոչ փրկեաց : Վայելապէս, զի իմասցին թէ յորպիսի բռնագոյն զշտաց ճողորեալք եղևն, զի ոչ մարդկային օգնականութէ էր այն ամենայն, այլ ամենազօր ձեռինն այ կարողին առանց նաւի կեցուցանել :

ԲԱՄՈՅԱԿԱՆ

Օ ՚ի արդարք թէպէտ և ՚ի ձմերայնի իցեն, թէպէտ ՚ի ծովու, ոչ ինչ կրեն դժուարինս : այլ և զայլս հանդերձ ինքեամբք կեցուցանեն : Եւ թէ նաւ վըշտագնեալ և նաւակօժութէ պատահեալ և կապանաւորք վասն Պաւղոսի ապրեցան, պարտ է ապա զի այր սուրբ կայցուք ՚ի տունս մեր, զի բազում ձմերունք ՚ի վերայ մեր հասեալ լինին, և նոքօք կարող է անփրկել զմեզ, և թէ հաւանիմք սրբոցն որպէս նոքա որ ՚ի նաւին էին : Զի թէ ՚ի կապանս իցէ սուրբն, քան զարձակն մեծագոյնս գործէ : զի արձակ հարիւրապետն աղաչէր զկապանաւորն Պաւղոս : Արդ յամենայն ընթացս մեր լուիցուք և անսասցուք իրատուն Պաւղոսի, զի ապրեցուք :

ՃԱՌ ՅԻՄՆԵՐՈՐԴ ՉՈՐՐՈՐԴ

«**Յ**ԱՅՆԺԱՄ գիտացաք թէ Մելիտինէ էր անուն կղզւոյն . բայց բարբարոսքն շնորհեցին ոչ սակաւ մարդասիրութի մեզ . քանզի լուցին խարոյկ և ընկալան զաւմենեսին զմեզ վասն անձրեւին՝ որ ստիպէր և վասն ցրտոյն » : Տես արդ շրեայքն այնչափ նշանս տեսեալ հալածէին , իսկ բարբարոսքն միայն զնոսա՝ ի պատահարացն տեսանելով զերծեալս՝ մարդասէլք գտանին : « Շնորհեցին , առէ , բարբարոսքն ոչ սակաւ մարդասիրութի » : Քանզի ոչ էր շահ փրկիլին ՚ի ծովէն , ձմերայնոյն հանդերձելով զամենեսեան մահացուցանել :

ԵՓԲ. « Եւ ՚ի ժողովէն Պաւղոսի խառն ինչ բազում և զնել՚ի վերայ խարուկին՝ իժ մի ՚ի Զերմուձէն ելեալ կալաւ զձեռանէ նորա » : Վասն զի յեւանէն իւրեանց ՚ի ծովէն բերին բարբարոսքն խուժադուժք կրկուտ մանրախառն՝ զնել կրակ և Զեռուցանել զնոսա : Մատեաւ Պաւղոս և քաղեաց , և ել ՚ի նմանէ քարբ և պատեցաւ զձեռամբ նորա : Իբրև թուէր բնակչացն թէ սպանանէ զնա , վրիժապարտ արեան կոչէին զնա : Իսկ իբրև տեսին զի ճօճեցոյց զձեռն և ընկէց զսպանողն ՚ի հօւրն և ինչ ոչ վնասեաց նմա , անձ կոչեցին զնա : Վասն զի բազում ողորմութի արար ՚ի վերայ մեր . զի զսպանիչ սատակիչ բնակչաց գաւառացս այրեաց ՚ի հօւրն յանդիման մեր :

ՈՍԿ. Տես զնա ՚ի գործն փութալով . տես զնա ոչ վայրագարսքանելիս արարեալ , այլ ըստ պիտոյից , և նախ վասն ձմերայնոյն պատահարի մարդարեացաւ և ոչ պարզաբար . և աստ առժամայն խառն եղեալ ըստ հարկի՝ ոչ մեծամտելով ինչ ընդ ապրելն նոցա , այլ և խնամելով ևս : « Իբրև տեսին բարբարոսքն կախեալ զգազանն զձեռանէ նորա , առնն յմիմեանս . ուրեմն սպանող է այրս այս . որ թէպէտ ապրեցաւ ՚ի ծովէն ,

իրաւունքն ոչ ետուն կեալ : Բարիոք և այսոցիկ տեղի տուաւ , որպէս զի տեսանիցեն նոքա և զայսօսիկ բարբառիցին . զի յորժամ սքանչելիքն լինիցին , մի թերահաւատեցեն : Եւ տես զնոսա՝ պատկառելով ընդ միմեանս ասէին , և ոչ վայրապար ստգտանէին զնա :

Տես և զընական դատաստանն յողաւորեալ առ բարբարոսացն : Ուրեմն մահապարտ է այրս այս , ասէին . ոչ միայն պարզաբար դատէին , այլ հանդերձ ստուգութիւն . և զայս անդուստ է տեսանել ՚ի նոցին բանիցն : Իրաւունքն , ասէին , ոչ ետուն կեալ . ապա ուրեմն և վասն աշխարհիս զնախախնամու թէն այ բան ունէին նոքա . յոյժ քան զիմաստասէրն սոքա իմաստնագոյնք հանդիպին , որք ոչ թողացուցանէին նախախնամութիւն հանդիպել զի ներքոյ լուսաւորացդ : Իսկ յամենայն տեղուջ կարծէին սոքա գոլ զիմ և զդատաստան նորա . զի թէպէտ և բազում անգամ զերծցի ոք , ասեն , այլ իսպառ ոչ կարէ փախել ՚ի ճշմարիտ իրաւանցն : Եւ զայս ասելով իբրև ՚ի կարծիմն , և ոչ ՚ի վերայ հասեալ եղեն կատարելապէս . այլ պատկառելով իմն առժամայն ասացեալ վասն պատահարացն : Նա և ոչ արտայայտեն , այլ առ միմեանքս ասեն , զի և կապանքն իսկ զայս կարծել ուսուցանէր : Յամութիւն լիցին այնոքիկ որ ասեն՝ թէ չէ պարտ բարի առնել այնոցիկ , որ ՚ի բանտի և ՚ի կապանս իցեն . ամաչեցեն գէթ ՚ի բարբարոսացն , զի նոքա ոչ գիտէին թէ ոյք ոմանք իցեն նոքա . այլ ՚ի պատահարացն առժամայն տեսեալ զերծեալ՝ վաղվազակի զդուժն և զսէր ցուցանէին . քանզի տեսին զի մարդիկ էին և ՚ի վտանգի :

Այլ նորա թօթափեալ , ասէ , զգազանն ՚ի հուր՝ եղև նմա չար և ոչ ինչ . և նոքա ակն ունէին նմա այանլոյ կամ անկանելոյ և յանկարծակի մեռանելոյ : Իբրև շատ ակն կալեալ տեսանէին թէ ոչ ինչ փնասեղև նմա , դարձեալ դարձուցին զբանս և ասեն՝ թէ անձ ոմն է : Ասան այսր ապա յառաջագոյն ՚ի կասկած մահու տեսին զնա , զի առաւել սքանչացին . Բազում անգամ , ասէ , ակն ունէին թէ մեռանի . և յորժամ թափեաց զձեռն և զդազանն ընկէց , յայնժամ տե-

սին և զարհուրեցան : Եւ զի ոչ եղև յանկարծակի նշանն , ըստ որում և ժամանակաւն տարակուսեալ գեգեբերեցան արքն , այնպէս ոչ էին իրքն պատրանք : Տես դարձեալ այլ ինչ յայնմանէ զարմանս և զօրութիս զոր արար 'ի կղզւոջն . զի զհայր աստիճականին իւրեանց բժշկեաց , և բազում հիւանդաց որ անդ էին՝ տուաւ 'ի ձեռն նորա բժշկութի :

« Եւ շուրջ , ասէ , զտեղեաւն զայնուիկ էին գիւղք գլխաւորի կղզւոյն՝ որում անունն էր Պոպղիոս , որ առ զմեզ յերաշխի զերիս աւուրս և սիրով ընկալաւ : Ահա դարձեալ այլ ոմն հիւրասէր Պոպղիոս փարթամ գոլով . և ոչ այլ ինչ տեսեալ բաց 'ի պատահարացն միայն , և այնչափ սիրով յանձն առ զնա աշակերտօքն . բարեխորհ և օտարասէր գոլով մեծաւ պատուով ընկալաւ զնոսա զերկերիւր և զեօթանասուն և վեց արսն : Եւ զմտաւ ած զօտարսիրութեն շահ՝ թէ որչափ է . ոչ իբրև 'ի հարկէ գոլով և ոչ ահամայ , այլ սիրով , ասէ , ընկալաւ զերիս աւուրս : Ապա այնուհետև փոխարինին հանգիպի յոյժ մեծագունի , և առաւել վայելչապէս . ոչ միայն նա , այլ և ամենայն կղզին զիւրաքանչիւր պէտս և զհաճոյս դտանելով :

« Եւ եղև , ասէ , հօրն Պոպղեայ 'ի ջերմ և յախտ թանչից հիւանդանալ դնել . առ որ մտեալ Պաւղոսի և կացեալ յաղօթս՝ եդ ձեռն և բժշկեաց զնա : Իբրև այս եղև , և այլ հիւանդք որ էին 'ի կղզւոջն՝ գալին և բժշկէին , որք և բազում պատուով պատուեցին զմեզ . և իբրև գնացաք , ետուն որ ինչ պէտք էին : Տես զառատութի նոցա , զի ոչ 'ի ձմերայնին միայն յանձանձէին գթով , այլ և յետ ձմերայնոյն ոչ պղերգացեալ լինէին . նա և զընդունելութիս պատուասիրելով առնէին , և զամենայն վասն Պաւղոսի : Բազում պատուով պատուեցին զմեզ , ասէ : Արդ ոչ վարձ բժշկութե ընկալաւ զայն ինչ Պաւղոս , քաւ լիցի . այլ ըստ գրեցելումն՝ թէ արժանի է մշակն կերակրոյ իւրում :

« Եւ զնալով մեր , ասէ , ետուն որ ինչ պէտք էին : Բաջայայտ է թէ զբանն քարոզութե ընկալան և հաւատացին . որք այնպէս առատութք և անձանձրոյթ զնոցա զամենեցուն պէտս ընուին , զամիսս երիս

անդանօր կերակրելով զամենեսին ։ Զի թերևս ոչ այնչափ ժամանակս անդ քարոզէր և ուսուցանէր Պաւղոս, եթէ ոչ նոքա յոյժ հաւատացեալ լինէին և պտուղ ցուցեալ, նա և զայնչափ նշանս տեսանելով եղեալ. զի և նշանացն գործ զհաւատս նոցա ցուցանէր, իբրև թէ յայնմ ամենայնէ նշան մեծ է տեսանել անդ զբազմութի հաւատացելոցն եղեալ ։

« Եւ յետ երից ամսոց ելաք 'ի նաւ մի աղէքսան գրացի' որ ձմերեալ էր 'ի կղզւոջն, նշանաւորաւ դիտկուրացոց . և իջաք 'ի Սիրակուղա, եղաք անդ աւուրս երիս . ուստի զնացեալ հասաք 'ի Հռեզիրոն » ։ Ելաք, ասէ, 'ի նաւ մի նշանաւոր դիտկուրիցն . թերևս յայս ինչ էր վերապրեալ նա' Վիտի . զի այնպէս կաւամոլք էին, ձօնեալ զնաւն ըստ այնմ անուանս . Հասեալ 'ի Հռեզիրոն, յետ աւուր միոյ 'ի չնչէլ հարաւոյն երկօրեայք եկաք 'ի Պատիողուս, ուր և գտեալ եղբարս՝ աղաչեցեալք 'ի նոցանէ լինել առ նոսա աւուրս եօթն » ։ Տես զնոսա յամեալս 'ի կղզւոջն և դարձեալ փութացեալս . քանզի այնուհետև պատկառելի էր Պաւղոս, իբրև թողութի 'ի նոցանէ դրտեալ զոչ նմա ըստ կամօ ինքեանս, Զի թէ յառաջ քան զայս ամենայն մարդասիրութի առ նա վարեալ լինէին վերակացօքն, բազում առաւելութի այժմ ևս . 'ի Պատիողուս գտին զոմանս, ասէ, և աղաչեցեալք մնացին առ նոսա աւուրս եօթն ։

« Եւ ապա ելաք, ասէ, 'ի Հռոմ . և անտի լուռեալ եղբարց զմէնջ՝ ելին ընդ առաջ մեր մինչև յորգոստայն Ապփեայ և երիցն կրպակաց . զոր տեսեալ Պաւղոսի գոհացաւ զնյ և քաջալերեցաւ » ։ Վասն Պաւղոսի տես զամենայն ինչ լինելով . որպէս զի որք ընդ նմա էին կապեալքն, զինուորքն, հարիւրապետն, ամենեքեան հաւատացեալք եղեն . քանզի թէ և քարեղէնք էին, զգօնանալ պարտ էր ։ Աւստի չեն ինչ զարմանք եթէ հաւատացին, այնչափ ժամանակս ընդ նմա կալով և այնչափ սքանչելիս տեսանելով . քանզի 'ի ձեռն բարւոյ խորհրդակցութի նորա՝ որ լուան, և 'ի ձեռն ողջամբ մնալոյն և վասն սքանչելագործութեն և վասն կերակրելոյն՝ որով վայելեցին 'ի կղզւոջն, մեծամեծս թերևս խորհէին վասն նորա ։

Տես յորժամ ուղիղ դատաստան իցէ և ոչ յառաջա գոյն ըմբռնեալ իցէ որ ախտիւ իւրիք՝ թէ որպէս վաղ վաղակի առնու զընտրութիսն ուղիղս, և գիտութիւն և քննելով զդատ իրացն վճարէ, որպէս նորայն որ ընդ Պաւղոսի էին :

Վ՛ւսքանչելեացն, անծեղէն զօրութիւն աւետարանն յանկարծակի իբրև զլոյս տարածեցաւ ընդ տիեզերս . զի ահաւասիկ մինչ ՚ի Սիկիլիա մերձեցաւ . տես որպիսի արագութիւն ՚ի Սպանիա և յԻտալիա ընթացեալ մխեցաւ : Ի Հռոմէ, ասէ, լուեալ եղբարցն՝ եկին ընդ առաջ մեր մինչև ցերեկելի վաճառատունսն երիցն խանութից : Զի այնչափ էր յօժարութիւն եղբարցն, զի ոչ զարհուրեցոյց զնոսա կապանօք լինելն Պաւղոսի, ոչ ինչ երկուցեալք ՚ի վշտաց և յահէ ուրութ . որ և այսօրիկ բաւական են առ ՚ի հաւատարմացուցանել զհաւատալն նոցա որք ընդ Պաւղոսի էին : Եւ տես զի ոչ ուրեք ՚ի քաղաքի պատահեալ եղև նոցա առ այսչափ ժամանակս նաւարկուէ . այլ ՚ի կղզւոջ և ՚ի ժամանակս ձմերայինս . և ամբողջ ամենեքեան անդանօր լինէին եկեալ . որ և այս իսկ վերածէր զնոսա առ հաւատս, զնաւակցացն ասեմ :

Ի այց տես զՊաւղոս և մարդկային ինչ կրեալ . «Քաջալերեցաւ, ասէ, տեսանելով զեղբարսն» . և մանաւանդ ոչ յերկիւղի գոլով, այլ բազում ինդութիւն և անչափ նշանս դործելով . սակայն ՚ի նոցա տեսութիւն յաւելուած էառ : Աստուստ իմանամք թէ և մարդկապէս մխիթարեալ եղև, յաւետ ևս անձայնովն փափաքման լրմամբ . զի եհաս ՚ի լրումն ըղձից իւրոց և ՚ի կատարումն հրամանին Քսի առնա՝ թէ «Պարտ է քեզ կայսեր լինել յանդիման» :

Եւ իբրև մտաք ՚ի Հռոմ, հրամայեցաւ Պաւղոսի լինել առանձինն հանդերձ զինուորաւն պահպանաւ իւրով : Տեսանես զիարդ զառեցաւ յայլոցն, և ներողութիւն եղև նմա ըստ ինքեան ազանել . և այս իսկ ոչ փոքր նշան էր յոյժ սքանչելի լինելոյ նորին : Սմին վասն առանձինն եղև հանդերձ զինուորաւն պահպանաւ իւրով . որպէս զի մի անդանօր հնար լիցի դաւաճանութի յուսեքէ կրել նմա : Զի ոչ թէ զնա զգուշութիւն պահել ջանային, այլ զի մի առնա

ինչ լինիցի յումերէ յանպատշաճիցն և անիրաւա-
բար . և քանզի այնու հետև ոչ էր հնար 'ի քաղաքի
գոլով և մերձ թագաւորի՝ լինել ինչ յումերէ ան-
պատշաճ և թողութի գտանել :

ԲԱՐՈՅԱԿԱՆ

Ըյսպէս միշտ թուելոցն մեզ հակառակ գոլ՝ լինին
անտի մեզ իրք պատշաճաւորք . քանզի դաւաճանու-
թիք նիւթեալք զառաքինիսն պայծառագոյնս առ-
նեն հանապաղ . որպէս է տեսանել առ սրբովքն ա-
մենեքումբք , զորս փորձութիքն ընտիրս երևեցու-
ցին : Եւ տես , հրամայեաց Փարաւոն 'ի գետն ձգել
զտղայսն . և եթէ ոչ լինէին տղայքն գետամոյնք ,
թերևս ոչ լինէր ապրեալ Մովսէս և ոչ յարբունիսն
սնեալ . և եթէ ապրիւր ևս , ոչ 'ի պատուի լինէր
մեծարեալ , այլ հակառակօքն այ հնարքն ներգոր-
ծէր : Սպառնացաւ նմա հրեայն , « Միթէ սպանա-
նել զիս կամիցիս » . և այն շահ եղև նմա , անձային
տեսլանն պատճառ տնօրինեալ , և այնպէս 'ի մեծա-
մեծսն գնալոյ նմա 'ի փառս : Այսպէս կային նեն-
գելով զԱբէլ՝ այ ընտիր արար զնա : Եւ նարուգողո-
նոսոր զերիս մանկունսն պայծառս արար 'ի հնոցն
արկանելով . ըստ որում և զինուորն պահապանն
Պաւղոսի տեսող և վկայս եղև նորայնոցն անի :

ՃԱՌԻ ՅԻՄՆԵՐՈՐԴ ԷԻՆԳԵՐՈՐԴ

« Երբ յետ երկոց անուրց կուէաց զՀրէիցն գլխաւորս » : Փութով յետ երկոց անուրց, զի մի յառաջագոյն այլ ազգ ըմբռնեացին լսելիք նոցա : Եւ զինչ ունէր հասարակաց առ նոսա . զի հանդերձեալ էին թերևս քննել զնմանէ . սակայն նա այսոցիկ փոյլ թ ոչ առնէր : այլ ուսուցանելոյն , զի մի ընդդէմ կացեալ լիցին նմա առ ասացեալսն :

« Այլ իբրև եկին, ասէ ցնոսա . ես , եղբարք , ոչ ինչ հակառակ գործեալ ժողովրդեանն կամ կրօնիցն հայրենեաց՝ կապեալ յերուսաղէմէ մատնեցայ ՚ի ձեռս հռոմայեցւոց . որք իբրև դատեցան զիս , կամեցան արձակել վասն և ոչ մի ինչ փաստ մահու գտանելոյ յիս . և ՚ի հակառակել Հրէից՝ հարկ եղև բողոքել ՚ի կայսր . իբր ոչ թէ զազգէն իմմէ ունէի ինչ չարախօսել . վասն այսր պատճառի աղաչեցի զձեզ տեսանել և խօսել . զի վասն յուսոյն Իսրայէլի կամ ՚ի շրջութայս յայսոսիկ » : Վամեցեալ այնուհետև զանձն իւր ազատել ՚ի պատճառէ և զայլս . զանձն իւր՝ զի մի չարախօսեացեն զնմանէ , և այն իսկ զնոսա փաստէ . իսկ զնոսա՝ զի մի թուիցի ամենայն ինչ ՚ի նոցանէ լինել . քանզի ՚ի դէպ էր գալ համբաւու իրացն՝ թէ ՚ի ձեռն Հրէից մատնեցաւ . և այս իսկ բաւական էր խոցել զնոսա և ՚ի մեծ ահի կացուցանել :

Արդ վաղվաղակի առ այս իրս կացեալ լինի , և իրացն որ յաղազս ինքեան էր՝ տայ պատասխանի . և տես զինչ ասէ . « Ոչ ունէի իրս ինչ փաստու իբրև հա կառակ գործեալ կրօնիցն » : Վայրապար մատնեցին զիս , ասէ . վկայեն հռոմայեցւոց իշխանքն , ասէ , որք և քննեալ դատեցան արձակել զիս . վասն զի քննելով զիս ոչ ինչ գտին յիս : Եւ ընդէր ապա ոչ արձակեցին զքեզ : Յընդդիմաբանութի Հրէից . ըստ որում պարտ էր նոցին իսկ ապրեցուցանել , նոքա մատնեցին ՚ի ձեռս հռոմայեցւոց . և այնչափ առաւել

լու թիւ, զի թէպէտ և իշխանքն ոչ կարացին զիս դատապարտել, այլ և ոչ կարացին ազատել. որով հարկ եղև ինձ առ կայսր բողոքել:

Տես թէ որպէս 'ի բաց բառնայ զամբաստանութիս զնոցանէ. քանզի թէ կամեցեալ էր աճեցուցանել և չարախօսել զնոցանէ, ուժգնագոյնս սարտ էր 'ի կիր արկանել. այլ ոչ այնպիսի ինչ ածէ 'ի մէջ, այլ լոկ՝ թէ 'ի Հրէից հակառակել հարկ եղև բողոքել 'ի կայսր: Տեսանէս զի հեղու թիւ խօսի և անյիշաչարութիւն և ըստ ներողութեան ստէ զամ: Եւ զիմարդ. մի թէ վասն ամբաստանելոյ զնոցանէ բողոքես 'ի կայսր. ոչ՝ ստէ. զի ոչ է թէ զազգէն իմմէ ունէի ինչ չարախօսել, այլ իբրու ճողոպրել 'ի զուր դատելոյ և 'ի վշտէ նոցա զիս: Տես զընտանութի բանին. զի ոչ օտարանայ 'ի նոցանէ, այլ դարձեալ սերմանէ զաւանդն, այսինքն այսու բանիւ զնոսա յինքն կամի ձգել և աշակերտել զնոսա քնաւանդ կրօնիցն:

Այլ ոչ ասաց թէ ոչ չարախօսեմ, այլ թէ 'ի բնէ իսկ ոչ ունէի ինչ չարախօսել, և մանաւանդ այնպիսի տանջանս կրելով դժուարինս: Բայց ոչ զայն ինչ յիշէ, և տակաւին 'ի նոյն կիրոսն գողով. այլ առնէ զբանն դժուարալուր: Եւ և ոչ շնորհս ինչ և երախտիս դնէ նոցա արարեալ յինքննէ. զի թէ յայս փութայր, սարտ էր զնոսա դատապարտել նախ և ամբաստանել և 'ի յայտ ածել զնոցայն որ առ նա մնաս: Այլ նա այնպէս պատասխանատրէ, որով ոչ ինչ ամբաստան լինի զնոցանէ: Ասան այսորիկ, ստէ, ազաչեցի զձեզ տեսանել, զի մի կարծիցէք թէ եկի այսր չար ինչ հատուցանել ազգի իմոյ: Զի թէ և յօտարէ ուրուք դէպ լինի չար ինչ կրելով ումեք՝ չէ պարտ չար ինչ առնել նմին, սրչափ և ս առաւել յազգայինսն իննամել պարտ է: Ասան որոյ այնչափ հեռի եմ 'ի չարախօսելոյ զձէնջ և 'ի թշնամաբար զնելոյ զիս առ ձեզ. մանաւանդ այնչափ զթամ 'ի ձեզ, զի վասն փրկութեան ձերոյ կամ յերկաթքս յայստիկ:

Արդ թէպէտ և ոչ ասաց թէ զինչ ունիք ամբաստանել կամ զինչ լուայք զինէն չար, այլ միայն երևել լովն իւրով անդ զամսն զնոսա զարհուրեցոյց. ուստի և նորա այնպէս ըմբռնեալ եղևն բանին, մինչ զի տալ

պատասխանի փութան յաղագս աղգականացն իւրեանց: «Մեք, ասեն, ոչ թուղթս ինչ վասն քո ընկալաք 'ի հրէաստանէ, և ոչ եկեալ որ յեղբարց պատմեաց կամ խօսեցաւ ինչ վասն քո չարութի»: Չայս ասեն՝ կամելով տալ պատասխանի, որպէս ասացի, յաղագս նոցա որ յերուսաղէմն էին. քանզի յոյժ մեղադիր լինելոյ նշանակ իմացան գող զասելն՝ թէ ոչ ըստ իրաւանց տուեալ եղէ 'ի կապանս Հրէից, զի յափշտակեցին զիս: Եւ այլ աղգ. զի և այսր գալ դանդաղեցան, և անդէն բազում անգամ ձեռս մխեցին և ոչ ինչ փնաս կարացին ցուցանել: Ուստի թէ սորբա վստահացեալ էին և սնհոգ 'ի նմանէ, թերևս ոչ առնէին զայս: Ոչ 'ի ձեռն Հրէից թղթոյ, ասեն, և ոչ 'ի ձեռն մարդոյ ծանուցին մեզ յաղագս քո չար ինչ: Տես ապա զնոսա և ընտանեզոյնս խօսեցեալ ընդ նմա:

«Ի այց աղաչեմք, ասեն, 'ի քէն լսել զոր ինչ խորհիսդ»: Վասն առ 'ի Քսիրացն՝ յայտ է եւ զի ոչ յուղիղ կամաց հարցին, յառաջ բերին փութով զիւրեանց կամսն: «Չի վս հերձուածոյդ այդորիկ յայտնի իսկ է մեզ, ասեն, զի ամ ուրեք հակառակութի կրէ»: Տես զհարդ յայտնի ցուցին զատելութիւն. զի իբրև զյոյժ իմն դժնդակէ իմեքէ տաղտկացեալ ասեն՝ վասն հերձուածոյդ այդորիկ: Իսկ նա ոչ տայ վաղվաղակի պատասխանի որում հարցինն. այլ օր յայտարար գալ նոցա առ նա 'ի միասին:

«Վամ եգեալ նմա, ասէ, օր մի եկին 'ի վանսն առ նա բազումք. որոց պատմէր վկայութք վարքայութիւնն այ, և հաւանեցուցանէր զնոսա վասն Յսի յօրինացն Մովսէսի և 'ի մարգարէիցն յայգուէ մինչև ցերեկոյ»: Տես դարձեալ ոչ 'ի նշանաց, այլ յօրինաց և 'ի մարգարէից հաւանեցուցանէր և լռեցուցանէր զնոսա. և ամ իսկ ուրեք զնոյն առնէր: Եւ մանաւանդ պարտ էր, ասեն, նշանս առնել: Ատեմ՝ թէ այնուհետև իրքն ոչ լինէր հաւատարիմ. զի մեծ նշան քան զամ այն իսկ էր յօրինաց և 'ի մարգարէից ցուցանել զՔսէ յայտնապէս:

«Ոմանք հաւատային բանին, և կէսք չհաւատային. և անմիաբան լեալ առ միմեանս արձակէին»: Ոչ ամբն

Հակառակախօսք լինէին . այլ ոմանք Հաւանէին և ոմանք ոչ : Այլ յորժամ գնացեալ լինէին Հակառակելով ընդ միմեանս , յայնժամ անարգէ զնոսա . ոչ զնոսա յանդիմանել ինչ կամելով , այլ զիւրոն Հաստատելով : « Բարիք , ասէ , խօսեցաւ Հոգին սուրբ 'ի ձեռն Եսայեայ մարգարէի առ Հարսն մեր և ասէ : » Զայս ասելով զմիութիւն իմաստէն ցուցանէ . և յայտ առնէ՝ զի մարգարէքն Հոգւովն խօսէին զամ : Արդ 'ի վերայ հրեշտակի ոչ ասի այսպէս . քանզի հրեշտակի գործ է ասել զոր ինչ ատեն ասէ . և ոչ յորժամ պատմեն գիրք յաղագս 'ի ձեռն հրեշտակաց ասացելոցն՝ ասեն թէ բարւոք ասաց հրեշտակն , այլ բարւոք ասաց Հոգին սուրբ . զմիապատիւ հրամանս առանձնաւորութեւ Երրորդութեան ցուցանէ . զի Հօր՝ Արդւոյ ասի և Հոգւոյն :

« Բարիք ասաց , ասէ , Հոգին սուրբ » . փոխանակ ասելոյ՝ թէ ոչ ինձ ինչ անհաւանք լինիք և Հակառակաբանեալք , այլ նմա որ 'ի վերուստ գիտէք զայս՝ այ . զի անդուստ 'ի վերուստ այս ինչ կանխաւ լինէր ասացեալ ձեր « Երթ առ ժողովուրդն և ասացեսցնոսա . լսելով լուիջիք և մի իմասջիք , և տեսանելով տեսջիք և մի տեսջիք . զի թանձրացաւ սիրտ ժողովրդեանդ այդորիկ , և ականջօք իւրեանց ծանունս լուան և զաչա իւրեանց կափուցին , զի մի երբէք տեսցեն աչօք և ականջօք լուիցեն և սրտիւք իմասցին և դարձցին և բժշկեցից զնոսա » : Աճէ զմարգարէութիւն 'ի մէջ , զի մի նոր և հրաշարիառագոյն գոլ զիրան կարծիցեն . և յայտ առնէ թէ 'ի դէպ այժմ՝ քան յայնժամ ասացեալ եղև առ սոսա որք ոչ հաւատացին : Քանզի զիմարդ նոքա առաջինքն առանց լրման մարգարէութեա հաւատային . զի մարգարէն կանխաւ ասաց զլինելոցն՝ թանձրացաւ սիրտ ժողովրդեանդ այդորիկ . ոչ վասն անարգելոյ ասաց զայստիկ , այլ զնոսա ընդոստուցանելոյ և զգայթակղութիւն 'ի բաց բառնալոյ :

Դարձեալ 'ի նախանձ զնոսա շարժէ այնքիւք՝ որք 'ի հեթանոսաց էին : Եւ տես նախ կշտամբեալ զանհաւատութիւն Հրէիցն , յայնժամ առ հեթանոսս եկեալ լինի : « Յայնսի լիցի ձեզ , ասէ , զի հեթանոսաց

առաքեցաւ փրկուինն յնորքին և լուսիցենն : Բարիոր
ասաց՝ Թէ հեթանոսաց տուաւ զիտել զխորհուրդս
զայս, և վայելապէս բաշխեցաւ շնորհքն՝ ի հեթանոսս՝
Հրէիցն անհաւանք գոլով : Եւ ապա ընդէր արդեօք
ընդ մեզ խօսիս և ուսուցանես . միթէ զայս ոչ գի-
տէիր : Այո, ասէ, զիտէի . այլ առնեմ զայս, զի
կամ հաւանեցին, կամ ինքեանք տացեն պատաս-
խանի . զի ոչ ուրուք կամիմ տալ բնաւ պատճառս
ինչ :

Օ այս ասելով նորա գնացին Հրեայքն՝ բազում ու-
նելով յինքեանս տրտունջ զնմանէ : Բայց տես զի ան-
արդեալ և յանդիմանեալ առ ՚ի նմանէ ոչ համար-
ձակեցան ինչ ասել, և ոչ կարկատեն դաւաճանու-
թիս ինչ ՚ի վերայնորա, որպէս յերուսաղէմ . քան-
զի անդ ՚ի հրէաստանի ՚ի գոռոզութէն էին . իսկ աստ
ոչ ընդ իշխանութեանոցն անոցա այնուհետև որ ընդ նմա
իրքն էին հրամայեալ լինի :

Իսկ ընդէր բնաւ տնօրինեցաւ նմա գնալ ՚ի հրէ-
աստան . և մանաւանդ զինախ ինքն ասաց Քո՛ւ Թէ փու-
թա ել յերուսաղէմէ : Վայելապէս . զի ցուցեալ
լիցի՝ նոցա չարութիւն, և մարդարեութիւն Քո՛ւի ճշմա-
րիտ՝ Թէ չեն ընդունելոց զքո վկայութիւք . զի ոչ ըն-
կալան և ոչ յանձն առին . և դարձեալ զի անպատաս-
խանի և առանց ներելոյ գտանիցին նորա : Եւ այլ
ազգ . զի զիտացեն նմքն վասն Պաւղոսի Թէ պատ-
րաստ էր զնմ՝ ինչ կրել ՚ի նոցանէ : Ապա և ՚ի միսի-
թարութիւն այնոցիկ որ ՚ի հրէաստանի էին հաւատա-
ցեալքն՝ Թոյլ տուեալ լինէր զոր ինչ եղևն ՚ի Պաւ-
ղոս . քանզի և նորա անդ բազում դժուարութիւն և
հալածանս ՚ի Հրէիցն կրէին : Արդեթէ քարոզելով
զհրէականսն զայն կրէր, եթէ յատուկ զփառացն Քո՛ւի
քարոզեալ էր զիարդ յանձն առնուին լսել . զի և սրբ-
բեւոյժ ըստ օրինացն և պատարագ մատուցանելով ոչ
եղև նոցա հանդուրժելի :

ԵՓՐ . « Եւ եղև զերկեամ մի բովանդակ իւրով վար-
ձու, և ընդունէր զնման որ մտանէին առ նա » : Արդ
իրբև խօսեցաւ նա ընդ Հրէից յառաւօտէ մինչև ցե-
րեկոյ վասն Քո՛ւի յօրինաց և ՚ի մարդարեից, և երկ-
րորդեաց վասն անհաւատիցն որք ոչ ընկալան յան-

ձին զբանն Եսայեայ, դարձաւ յիշեաց Ղուկաս և վասն
դործոց և վաստակոց ձեռաց նորա, զոր ետ վարձ
տանն զերկեամ մի. և զի ոչ դադարէր խօսել վասն
Քրի ընդ Հրեայն և ընդ Հեթանոսս, որք ելանէին
և մտանէին առ նա. և ասէր՝ Թէ Յս Բռէ Որդի այ.
զի վասն նորա աշխատիմք և հասանեմք պատկացն ՚ի
ձեռն Քրի:

ՈՍԿ. «Քարոզէր, ասէ, զարքայու թին այ, և ու-
սուցանէր վասն տեառն Յրի Քրի անխափան ամ հա-
մարձակու թի: Տես ոչ ինչ զգալի և ոչ ինչ յաղագս
հասելոցս ըրաց՝ այլ յուսովն այ միշտ մնուցանէր
զնոսա. ոչ ինչ ունելով հնար բանիւ զըստ բնու թե
իրոն անձառս ցուցանել, և ոչ զանմտածելին զգա-
լեօք իւիք բնախօսել:» Աւսուցանէր անխափան ամ
համարձակու թի. առանց խափանման և ազատաբար
եցոյց զքարոզու թին այնու հետե: Տես, զօքանչե լինն
որ ՚ի հրէասօտանի խափանեալ լինէր, նա ՚ի Հռոմ
առանց խափանելոյ քարոզէր. զերկուս ամս ՚ի կա-
պանս կացեալ անդանօր, և զքարոզու թին ոչ պա-
կասեցօցեալ:

«Եւ համարձակու թի» . զի գոյ համարձակու թի
ասել ինչ, բոյց խափանմամբ. զի յայտ լիցի մեզ թէ
համարձակու թի նորին ոչ և մի ինչ կարաց տալ հա-
տու մն, կամ եղև արգել. այլ առանց խափանելոյ ըզ-
տիւ և զգիշեր աւետարանէր. Վայելչապէս զայնքան
ընդ երկար ճանապարհ առ արեցաւ, հանդերձեալ
գօլով անդ հեթանոսացն քարոզել. զի և ներքին կող-
մանքն Սպանիոյ լցցի աւետարանաւն Քրի: Տես զանօ-
րէնու թին այ. թողացոյց զոր անդ էին լողէն յեր-
կար ժամանակօք ծարաւի լինել բանին. զի իբրև ըզ-
պարարտ երկիր սուղեալ պողաբեր լիցին: Զայս իսկ
և արտաքինքն առնեն, սակաւ սակաւ ներածելով
զնորեկսն ՚ի հմտու թի. զի այն ինչ իսկոյն զամ ինչ
գիտելն՝ տարտամ և լքեալ առնէ, ծոյլ և արհամար
հոտ:

Եւ յաղագս այնորիկ որ յետ երկամեայ ժամա-
նակին էր՝ թէ զինչ արդեօք արար կամ գործեաց,
ոչ պատմեաց մեզ Ղուկաս. քանզի արձակեցաւ Պա-
ղոս յայնմ կապանաց բազում ժամանակս. զոր և

'ի Թուղթան յայտ առնէ՝ Թէ ապրեցայ 'ի բերանոյ
առիւծուն: Իսկ եթէ ոք տարակուսեցի Թէ ընդ-
էր Ղուկաս ոչ զամ գրեաց, ասեմք՝ Թէ և զՔսին իսկ
ոչ զըովանդակն գրեցին, այլ զսակաւն բաւական հա-
մարեցան: Նա և այլոցն իսկ առաքելոցն զոր ինչ արա-
րին՝ ոչ գրեցաւ. այլ մասնաւոր սակաւ ինչ:

ԲԱՐՈՅԱԿԱՆ

Արդ եթէ կամէիր ուսանել զՊաւղոսի որ ինչ յետ
այնորիկ էր, 'ի սոցանէ գիտասջիր յորոց լուար. զի
այսպիսիք էին և այնք նորայքն՝ կիրք, կապանք, տան
ջանք, բանտք, դաւաճանութիք, քարկոծանք, մահք
հանապազորդք: Տեսեր զնորա վարուցն մասն փոքր.
որչափ և տեսցես, ամն այսպիսի է: Չերկնի մասն մի
տեսեալ և զնշոյլս արեգականն 'ի մասնէ՝ ուր և
գնասցես, այնպիսի զըլլորն տեսանիցես: Նոյնպէս և
զգործն Պաւղոսի տեսեալ 'ի մասնէ, ամն այնպիսի
լինի հանդիպեալ անչափ վշտօք: Երկին էր նա քան
զամ երկինս բարձրագոյն և քան զդասս անմարմնոցն
պայծառագոյն. որոյ դովեստն 'ի վեր անցանէ քան
զհասումն եղականաց: Արդ նմա նմանեսցուք արիա-
գունին այնմիկ և անդամանդեայ հոգւոյն. զի հե-
տեւելով նմա գնալ կարասցուք ընդ շաւիղս կենցաղա-
վարութե նորա. զի կարող լիցուք ընդ հասեալ ծով
կենցաղոյս նաւել և յանկասկած նաւահանգիստն
հասանել և խոստացելոց բարութեց սիրելեացն նոյ
հանդիպել շնորհօք և մարդասիրութե տեսն մերոյ
Յնի Քսի. ընդ որում հօր և հոգւոյն սրբոյ փառք և
իշխանութի և պատիւ այժմ և միշտ և յաւիտեանս
յաւիտենից. ամէն:







